

四庫全書存目叢書編纂委員會編

齊魯書社


四庫全書存目叢書

四庫全書存目叢書編纂委員會編

齊魯書社

四庫全書存目叢書

史部
第六六册



責任編輯：孫言誠 賀 偉

ISBN 7-5333-0535-3



9 787533 305352 >

2322/10

四庫全書存目叢書·史部六六

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 52.75 印張

1996 年 8 月第 1 版 1996 年 8 月第 1 次印刷

印數 1—100

ISBN 7-5333-0535-3

Z·37 史部定價：87600 圓

史部第六六冊目次

史部·詔令奏議類

吳侍御奏疏一卷

〔明〕吳玉撰
北京圖書館分館藏清道光十六年祁寯藻刻本

治河奏疏二卷

〔明〕周堪廣撰
湖南圖書館藏清乾隆周碩勳念茲堂刻本

眞定奏疏一卷附一卷

〔明〕衛楨固撰 附 衛執蒲撰
無錫市圖書館藏清康熙二十五年衛執蒲刻本

李文襄公奏議二卷奏疏十卷首一卷別錄六卷年譜一卷

〔清〕李之芳撰 年譜 程光祿撰
中國科學院圖書館藏清康熙刻本

清忠堂撫粵奏疏十四卷清忠堂署理總督奏疏一卷(一)

〔清〕朱弘祚撰
山東師範大學圖書館藏清康熙刻本

一一

九五

一四六

六〇一

吳侍御奏疏一卷

〔明〕吳玉撰

北京圖書館分館藏清道光十六年祁寓藻

刻本

附《四庫全書總目·吳侍御奏

疏一卷》提要

侍御吳公奏疏序

自古國家養士之典至明爲極隆而士之所以報其國家者亦至明爲極盛迨萬曆天啟之末奸臣當國閹黨擅權士之所以受其摧挫而誅滅者亦至此爲極慘而直言讜論之風未嘗少衰乃釀其禍沿至東林亦何酷烈之甚也當其時國家之養士仍未嘗不厚而卒至是者豈人主之過哉皆以士之滅天理而汨其良心者自相戕賊以傷其類之過也往者予備員明史館凡一代忠義節烈以及直言敢諫之士並匹夫匹婦之能以節義殉國者罔不留心加意搜羅詳載其事而慨嘆焉亦謂可無遺憾矣比奉命來壽邑訪世之故家舊族以求鄉先生之歿而可祭於社者多不概見獨余丁酉同年吳錫九先生諱延齡其曾祖侍御公諱玉者以忠議見旌於朝邑之士夫皆以大家首推而先生已早逝因得覩其二子長曰眸次曰俊皆爲邑名諸生眸遊京師爲文穎館校錄官皆能世其家學一日出其高祖侍御公疏稿一冊以求序於余余受而讀之其所爲奏疏者凡十篇而參劾奸臣者八清核各款者一懇辭加銜者一觀其一字一句皆由忠肝義膽披誠而出爲之三復熟讀乃作而嘆曰如公者誠不愧忠讜名臣矣哉方莊

烈帝御極之初百務振新羣奸殲戮中外臣民咸皆引領以爲中興之主矣而多明寡斷善不盡勸惡不盡懲公乃侃侃悉陳頻頻處奏必求上之聽從而後已卽如一楊維垣也揭其義子孩兒之名以恥辱之加以孝子國士之報以詈罵之而使趙興邦阮大鍼徐大化周大成孫之獬等黨惡之罪以彰並使楊左諸人及韓爌文震孟鄭鄜等沈寃之恨以雪此忠臣明於賢奸之辨以首啟聖聰者也一王在晉也因其冒濫軍功叨竊世襲一糾不已至再再糾不已至三直至嚴諭以革職明示以寬貸而後止此忠臣嚴於除奸之心以求聖斷者也

二

一劉鴻訓也始則以其新政可觀遂因高捷之狂吠而仗義直討終則以其納賄有據遂因張慶臻之夤緣而據實直陳非公之愛憎懸殊由鴻訓之初終易轍也蓋其忠義之心勿貳勿疑因物付物無所徘徊無所迴護直道而行有如是焉爾其於周大成也則以楊維垣雖已革職阮大鍼等雖已回籍而周大成逃躲稟擬獨爲漏網此忠臣正氣所爲憤激而不能平者也其於張星也則因館選之職未下之旨敢於轉相遞洩以市私恩其辭雖指斥內閣而其意實責在輔臣以爲履霜堅冰之戒此忠臣之苦心所爲彈劾而不能緩者也至如清

核七款深謀遠慮以籌國計蓋此時兵餉所關甚急省一分浮費卽增一分軍需此更忠臣實心爲宗社邊疆之計非平日言利之臣營營於損下益上之私也至若懇辭加級一疏只以職在言官分所當盡但知有裨國家豈願邀榮一己以開小人希寵之漸此更忠臣實心所爲愧遜不違非故爲謙退之詞也觀公之十疏雖窺一斑已覩全豹實一代忠讜之臣其愛君愛國之心已可爭光日月此上諭所以有忠讜之褒也固宜不次擢用以輔弼王室豈不足以成中興之美乃僅以河南參議終不大可惜哉及考之明史未嘗專爲立傳僅以其

三

行事附於李標劉鴻訓王在晉三傳之內標傳稱劉鴻訓以增勅事爲御史吳玉所糾帝欲寬鴻訓於法標辨其納賄之誣帝不從鴻訓遂以增勅成等語劉鴻訓傳稱給事中張鼎延御史王道直咸言慶臻行賄有跡不知誰主使御史劉玉言主使者劉鴻訓也鴻訓乃謫戍代州王在晉苗思順削籍張慶臻以世臣停祿三年玉等以直言增秩一級等語王在晉傳稱在晉遷兵部坐慶臻事削籍歸是三傳者皆公實蹟也而劉鴻訓傳誤稱劉玉此豕亥之訛耳考之全史有兩劉玉其一爲孝宗時進士萬安人贈刑部尙書一爲武宗時磁州人歷

副總兵則鴻訓傳內所載劉玉者可不辨而知其爲公矣合觀三傳與家藏奏疏所載無異惜公之履歷與生平行事未嘗獨立一傳若非詳加校勘則鴻訓傳所載之劉玉者又孰知其卽爲公也是故史館纂修之事必不獨取之內府寶錄等書卽外而野史家乘亦必搜羅殆遍且合諸傳而成於一人之手前後互校細加討論方無訛誤故古人每出一書而正訛訂誤考異之書不旋踵而疊出非作者之學識不及後來特以篇帖浩繁未暇校訂殆不獨此一書而已余讀公奏疏而略序其概他日仍當爲公立家傳示其後人以傳不朽也是爲

序

乾隆八年歲在癸亥仲夏上浣之吉

賜進士第翰林院庶吉士 欽點三禮明史兩館纂修

官保舉博學鴻詞前 欽定古今圖書集成館纂修官

原任山西壽陽縣知縣後學江都金門詔頓首拜撰

糾同惡邪臣疏

廣西道監察御史臣吳玉謹奏爲直糾同惡邪臣以清仕路以維新政事竊惟國家去邪之典與用賢之典原並重故書稱勿貳隨繼以勿疑誠以邪不去則賢不得任有不得姑息爲者况以巨奸之盤據爲羣奸之綫索者乎巨奸者誰楊維垣是也羣奸者誰趙興邦阮大鋮等是也臣謹爲皇上直陳之維垣天啟三年一例處之死灰耳值逆璫銜怨楊左諸人之際先諸媚臣認爲義子故孩兒之結納中旨之起用俱自維垣始君子已於是知履霜矣乃維垣遭逢旣偶棘手橫施一時正人君子百方羅織殺竄殆盡迄今迴想當日諸臣所遭光景朝衣冠而暮楚囚酸盡路人之鼻屎流蛆而血化碧慘傷忠義之心則維垣之肉其可食維垣之皮其可寢耶幸天祚皇明神聖御宇一切魑魅之徒如日當空無處躲閃乃維垣早爲知覺猛爲抽身以爲不尋一絕好題自以占後來地步則護身之符不靈不參一絕大奸回以爲逆璫出脫則冰山之倚易倒遂舉從前惡狀盡委罪於逆崔而於忠賢則段段獎譽字字揚詡舍元凶而問羽翼意欲何爲然猶曰維垣爲忠賢也子則宜爲忠賢也諱不忍翹其親之過以爲名幹蠱之道宜爾也迨

巨璫穢而衆怨雪奸焰冷而泰運新維垣之面目既經一番脫換則維垣之肚腸亦宜加一番洗濯孰知梟性到底難除鷹眼終久不化把握朝政毫不放鬆虎視廷臣堅持已見非我族類竟爾加膝升天是吾正人立見擠淵下石試舉維垣管察時之所行孰非植黨之圖而排陷之巧也者故四凶是列之趙興邦起客卿矣九尾狐媚之阮大鍼登啟事矣老於殺人之徐大化透信通靈之周大成騰薦牘而補中書矣清直有執之韓爌重抑以非賢表表詞林之文震孟錚錚史館之鄭鄮厚誣以莫須有矣諸如此類未易更僕豈維垣好惡之性獨與人殊抑亦其孝於忠賢與孟莊子合故不改其臣不改其政耶猶又曰忠賢以國士遇之故維垣以國士報之以愧天下爲人臣子之懷二心者也至世局乃無著之字則左右之祖原自可以不分朝事非一家之私則營壘之說豈必從頭提起且皇上消融意見之諭再三不啻醇切何猶以魔話鬼語弄影於白日青天也耶想其閒中籌畫必舉海內名賢滿盤打算一番用以供刀俎之用冀我皇上一時誤聽之隨掣出替日手段爲此時一番新著必且曰某某爲三千諸佛也某某爲五百羅漢也某某爲八大金剛也某某與某傳衣鉢某某與某圖

享受西方極樂世界也將見昔以點將諸錄殺之尙餘碩果者茲以無端妖言殺之必無焦類矣清流白馬之禍尙忍言哉今維垣雖數經彈射然止聽部議尙在白不黑之間而諸奸又一概藏頭竝未經摘發必爲然灰捲土之計與言至此良可寒心伏祈皇上大奮乾剛立施睿斷削維垣以洩衆怨之鬱不必滋部議之藤葛罷諸奸以快輿論之公立清其羣枉之糾纏庶朝露清而新政光矣抑臣更有慨焉邇來魏腥崔污不獨濁人耳目抑且染人肺腸卽如要典一書倪元璐以虛公之見奏請欲燬而孫之獬伏闕上疏與閣臣力爭不可甚至破涕以道何耶無論燬要典非可哭之事君門非痛哭之所而冊封之際更非宜哭之時之獬乃附庸歛歔不幾病狂喪心也耶且忠賢以要典一書殺盡天下幾許名賢之獬不聞涕泣以道乃哭要典一書也則非哭要典也哭忠賢耳哭要典不能以假借之威靈庇忠賢於昔日更不能以遺雷之牆壁護今日之忠賢耳此其爲逆璫私人不問可知統祈聖明嚴處焉臣不勝激切待命之至

崇禎元年五月初七日具題奉聖旨楊維垣革職阮大鍼孫之獬各引疾已有旨了趙興邦原未起用徐大化

久回籍不必深究該部知道

四

再糾同惡邪臣疏

廣西道監察御史臣吳玉謹奏為再糾無法奸臣以伸
言路之氣事臣於本月初七日題直糾同惡邪臣一疏
以劾楊維垣而隨及趙興邦阮大鍼徐大化並周大成
孫之獬等蓋以諸奸俱係維垣私人繩繩引動既欲招
類以呼朋而且著著存心更欲翻天而覆地爭世界消
長關頭甚鉅也乃奉聖旨楊維垣革職阮大鍼孫之獬
各引疾已有旨了趙興邦原未起用徐大化久回籍不
必深究該部知道欽此夫寬處奸臣而不為削除已非
臣請劾之初意矣而獨周大成者三穴深藏百足強固

五

臣言自皎皎閃如不聞聲彼身自綿稟擬毫不貼體則
觸邪之羊幾不敵憑城之狐矣以皇上聰明天縱一切
邪類刈夷無畱孰能於青天白日作魔弄鬼而大成乃
敢玩言官於掌股取票旨於袖中藏身於非刺不到之
地自寬其罪以為諸奸臣寬倘不一為重究則前日之
以矯旨伏辜者不將笑人哉伏祈皇上查臣所劾奸臣
六人而大成乃爾獨遺處分是何神通施此伎倆立為
正法以為閣中近臣舞文自庇之戒至大成瞳朽睛枯
玷內翰之清班剩魄殘魂為崔魏之餘穢暮夜暗投二
千金始進身於何人早晚密傳五綸音通消息於何地

臣固不必縷縷言之也臣止言此逃躲票擬一事而其罪已不勝誅矣臣於此而又爲相臣規焉換席之地一切票旨爲天下持平乃么麼屬官且不能毅然一剖而驕子怙之其又何能爲皇上斷乃公事以割割天下也臣願相臣自今以後當堅起勁骨洗清柔面於惟公惟斷中尋千秋相業之隆不宜於且濡且染內負一代聖明之主庶天下不足平而聲施竟無極矣臣謹因論大成而併爲相臣效他山之石者以此臣無任激切待命之至

崇禎元年五月十一日具題奉聖旨楊維垣阮大鍼已

有旨了趙興邦在籍未起徐大化閒住姑免議周大成冠帶閑住該部知道

糾臺臣高捷疏

廣西道監察御史臣吳玉謹題爲臺臣躍冶不祥微臣仗義直討懇祈聖明嚴爲處分以保全盛治事慨自魏崔擅權以來一切邪媚之徒盡出其門及殲滅之後抱頭鼠竄者固多而脫換胎骨矯語人世者亦復不少世道仍於此爭消長矣幸賴我皇上聰明天縱是非去留參以睿斷而輔臣劉鴻訓復力爲主持故陰翳世界如疾風之掃秋葉不獨義子孩兒之輩無處安身抑且藏頭露面之夫沒法躲閃矣詎不爲亘古中興景會也哉而何獨有懷捲土之謀圖背城之借彈京兆五日之輔

臣以威劫百官肆辣手千刀之辱吻以箝制萬口如臣同官高捷其人繼袁宏勳而狂吠者乎夫輔臣鴻訓非簡在帝心望隆天下者耶彼其卓識定力中外臣民胥引領丰采何竟來此讒人之口前茅漫爲吠影後勁復爾吠聲使斷斷休休之品蒙以萋菲貝錦之譏更且倒翻清議變亂白黑舉明旨所處分楊維垣等諸臣俱代爲極口稱冤豈以諸臣悉皆品係忠良而無端受輔臣摧折耶試再一提衡而論楊維垣則以攻局護局幾成鐵筒山河矣張訥則以殺人媚人變做羅織世界矣始附逆璫繼附維垣人稱九尾神狐者非阮大鍼乎先博

璫喜後挑璫怒衆請百足怪物者非霍維華乎出脫窟
賊釀成覆地翻天禍胎伏屍逆璫嘔出乾兒義子心肝
請修三案以定諸臣罪案爲出死力以斷衆正生機而
李恒茂孫之獬楊所修謝啟光之行徑又歷歷如譜也
止有一賈繼春嫉邪破黨差強人意而要典一疏終不
能復藏其短以自解於正人而捷乃以出脫羣奸之口
爲反噬輔臣之舌必欲翻案見奇何爲也耶則是西市
銷魂罔落魄施之忠義不爲慘而禿職天朝投閒林
壑施之奸佞便爲刻也則是砥節峻者被罪亦宜峻操
行奇者受禍亦宜奇而殺人多者議罪宜得減轉身捷

入

者擯斥宜得遲也豈不於王道人情兩相悖哉更可異
者以借題殺人之刑書而獎以維持慈孝竟誰憐化碧
之忠魂以宸衷獨斷之明旨而輒曰焚燬綱常殊不異
乘輿之指斥試迴想當時楊左諸人何以肢體流蛆蟲
而出戶何以冤魂遙棘木以悲鳴何以幽囚數載淒其
羞對南冠何以謫伏林泉夢想不到魏闕則要典一書
非審囚之錄黨人之碑也哉而乃謂毀要典毀綱常也
天下有此殺人之綱常也哉且君道止仁父道止慈子
道止孝原並重於天下逆璫假要典爲題目恣行殺戮
先帝之仁受傷實多捷乃以爲倫理所係是不識仁既

不識仁焉識慈孝不識慈孝焉識綱常而乃謂毀綱常
也不止坐井觀天竟是癡人說夢矣蓋捷與宏勳原俱
係魏崔嫡派彼見維垣墜其家聲已不勝色慘而心悲
又見諸子俱爲零落更不禁兔死而狐泣遂借輔臣爲
發難之端假推折爲反間之計硬射天山之矢瞋揮反
目之戈欲掀翻株守之小窩巢以恢復滔天之大局面
耳寧知其事之不濟也哉今宏勳之處分已大快人心
而捷止薄罰示戒無論不足服宏勳之心恐此輩實繁
有徒目目相伺眈眈欲逞天下事尚有不可知者語云
兩葉不去將用斧柯爲虺不推行將爲蛇言念及此則
力爲屏除無使滋蔓當不待臣辭之畢矣伏祈皇上鑒
臣劄忠削此奸佞庶清明之宇宙不驚餘燼之狂逞自
戢而主持之輔臣且不至奪於楚咻得以砥柱中流矣
崇禎元年五月二十七日具題奉聖旨輔臣鴻訓識力
肝膽克佐新猷朕毗倚方殷高捷隨聲狂吠顯干清議
昨示薄罰尙寓愛惜言官之意本當重處念既回籍姑
免究該部知道

上

請清核積弊疏

廣西道監察御史臣吳玉謹題為錢糧三空四盡弊實百孔千瘡懇祈聖明亟為申飭以清積弊事竊惟今天下財匱極矣以小民言之加派頻仍極目盡蕭條之景水旱疊罹到處懷懸罄之憂是源頭之涸也以司農言之四方輸運中楛恨點金之無術九邊陳乞若雨苦攬眉以相煎是立盡之藏也以各邊言之年例積欠甚多頻穿望梅之眼窮軍瘡痍不起時與庚癸之呼是肢體之匱也有此三窮而不早為籌畫以裕於不涸之藏徒以漠不相聞者塞大聲疾呼之耳以零星措發者應脫

巾告匱之求此即居平無事猶且不可而况在南北稱兵東西交訖之際乎然論財於今日亦生無可生不得不以節其冒濫者為生若弊竇之不塞而而泥沙之濫用是以惟正之賦供尾閭之洩耳欲以裕國用而實京坻其可得耶而弊竇無窮臣請為皇上歷陳之可乎一曰冗官之太多也稽古唐虞二代建官甚簡我朝設官幾至萬餘而今且何如也廕襲濫觴幾同關內之侯貂蟬滿座塞破監殿之席至於挂銜之武弁食粟之閒曹內閣之中書視國初之官制無慮十數倍問其官爵居然王朝之名器也問其職掌則如鳧鳥之在水中自浮

自沉於國家一無緩急焉此誰非倉廩之米蟲乎是不可一為清汰乎一曰冗役之太繁也夫吏胥服役於官以辦事耳而役多則費必不貲此即富國猶能食之使貧况貧至於旦夕不支者乎今錦衣衛文思院太醫院光祿寺等役累千累萬何為者耶雖清汰之明旨屢為申飭而濫觴之餘習猶夫固然此誰非財用之耗蠹乎是不可一為減汰乎一曰冗費之太濫也夫不獲已之費費之可耳至於以國家之公帑修寒暄之私情獲已乎不獲已乎每見撫按道府諸臣取禮州縣以修候問之忱不曰動無礙銀兩則曰取堪動官銀夫盡是公家

泉貨誰為無礙誰為堪動也者致使正項錢糧半充禮儀之用而清楚官府濫開透借之名胥此階之厲也是是所當力為嚴禁者也一曰兵餉之侵冒宜核也夫食之餉兵以克敵耳非欲委之於無用之地也今象人象馬空糜有用之金錢乳臭衰夫濫充貔貅之兵籍是有兵與無兵等耳然不止此也書識有占役而千把總復然千把總有占役而都司等官復然推而上之遞為隱瞞則營中之行伍竟成虛套司馬之軍冊半為鬼名矣是所當著實清查者也一曰招買之侵剋宜稽也夫公家之貿易與私家等耳乃私家之價常廉而公家之價

常著者何也則以發銀之時出一層衙門受一番剝削而交納之時入一層衙門費一番打點是本源之地已自不清商民安得不言濫官價安得不騰踊乎至於撫夷諸物大家俱視爲奇貨買辦者每用五以開十而總成者率見十以扣三互相隱瞞牢不可破一稽查之而留於公帑者無算矣一曰興作之冒破宜核也夫修築之費已自不貲然稍一節省便自無算每間各邊修理估工之時先自虛冒其中而動工之際遂自侵欺其內一切工食任其扣除有暗曠有明曠有小月曠有落雨曠甚至工已歇而費猶未止役已散而食猶冒支必將其所估之銀盡瓜分而後已至於在內修理諸役其冒破視外爲尤甚一開十而十開百盡屬南陽不可問一嚴核之而省於公帑者鉅萬矣一曰侵盜之積弊宜核也夫書役人等嗜利類剖腹藏珠舞文可役神使鬼每有解納未到庫倉而冒取收管支領不啻萬千而茫茫逝波借透支借支之名色而恣意開消假小民拖欠之口實而任情乾沒故一遇縣軟之官便猶鼠以同眠忽一遭精明之吏又東西以互扯此等情弊不可究詰若用心清查何難水落石出乎以上七弊皆百餘年積玩而成以致奸人之腹日飽國用之額日縮加派之賦日

十三

增一日而匱乏之象亦日甚一日語云琴瑟不調必取而更張之乃可以鼓又云窮則變今正更張變通之時也伏祈皇上嚴勅內外當事諸臣打起精神洗開情面當以徹底清楚者塞百千漏卮之孔毋以苟且因仍者誤軍國永遠之籌當以同舟共濟者合力清核以留有餘不盡之藏毋以互相觀望者彼此推委以掣清查任事之肘庶司農無仰屋之嘆而士馬有騰飽之象矣崇禎元年六月二十八日具題奉聖旨邇來東西交訖度支匱乏所奏清核七款深禪國計凡臣冗役內著各衙門恪遵祖制清查開奏外著撫按官查明報部奏革

十三

兵餉等項侵欺虛冒種種耗盡務要澈底一清盡法裁禁嚴塞漏卮本內數款要著實申飭行該部院知道

請勘問泄旨中書疏

廣西道監察御史臣吳玉謹奏為直糾洩旨之人以重政本以定罪案事項新進小臣張星等借用同鄉公衙具館額蒙恩再加一疏中間妄引未下之旨率意瀆奏致我皇上震怒召問詰責旨從何來蓋已洞鑿繇內洩外定自有人借訛諱真當別有故隨嚴譴列銜之張士範而併懲輕瀆之張星天威震疊臣工悚懼日來恭繹明旨知聖意所重原在洩旨之人於士範星等初非有意於過督也臣密偵博訪業得其人惟是此中曲折尙未透知是以不敢倉皇入告近閱邸報見張星認罪一

甫

疏及發抄一揭滿盤托出與通國之論印合不爽臣始知疏雖草自張星而授星以引入之旨實進士葛逢夏也逢夏又得之郭永泰永泰又得之蔡有聲而有聲固內閣中書周承禹之館賓而永泰之心交也當日輔臣票擬之後或一時未及慎防承禹以為好音而竊得之有聲以為先著而亟傳之永泰與逢夏咸認為真確而從臾之張星等之公疏於是旦暮不能待矣夫館選公典猶可共諒其無他倘軍國重情豈宜輕為之外市自非皇上超然遠覽灼見弊源將輕洩者盤據於覺察不及之地而輕信者又巧遁於彼此交卸之關不幾於南

陽不可問而叢神反可假乎伏乞皇上立賜乾斷將周承禹蔡有聲郭永泰葛逢夏張星及張士範併下法司細勘問務使直窮到底庶幾水落石出則有罪者不至漏網而無辜者可免代僵其有俾新政匪淺鮮也抑臣更有請焉中書為內翰清班外吏羨若登仙乃邇來市井之徒夾雜其中非以文學取非以事例進巧為貪緣希為代題朝遊棍而暮冠裳矣名器之褻越莫此為甚臣前日有三空四盡一疏欲汰冗員而隨及內閣中書夫非止為司農塞耗蠹實欲為綸屏清匪類也今洩旨之人果在中書豈非此輩無賴小人不愛惜之一

主

證也耶臣以為清華要選關係匪輕人固以官重官猶以人重莫若定其員數考孝廉恩選之有文行者始為題補更中外一體陞轉庶人皆自愛其鼎而要地之奸類清矣臣謹因論承禹而併及之伏惟睿照施行奉聖旨增館一事前輔臣在平台面奏稱係東閣閣傳後又查出洩旨之人似此冗聚喧傳轉相遞洩甚非所以肅禁扉而嚴政本也張士範列名疏首乃在朕前遮飾佯為不知情屬欺侮已併張星周承禹等下法司擬罪來看今後事干處分諸臣惟宜靜聽吳玉明參暗救輒起紛囂姑不究該部知道

糾王在晉濫旨軍功疏

廣西道監察御史臣吳玉謹奏爲樞臣叨旨不相干涉之功掩飾無可推委之罪謹據實直糾以正法紀事竊惟國家所以鼓舞豪傑整肅區宇者無過賞罰二端倘賞得濫膺罪得倖免雖聖帝無以治天下所以古來英明之世無功者雖敝袴必惜有罪者雖愛妃不免法紀之所在原有豪不可假借者也乃有敘功則恣其冒濫有罪則任其遮飾若樞臣王在晉者可異焉臣請先言其敘功之濫觴而後言其邊情之隱匿可乎夫當時奢酋發難勢甚猖獗賴川中文武將吏戮力同心滅此朝

十六

食西南半壁乾坤重爲奠造者胥此諸武臣力也而在晉當日不聞發何奇策運何操縱茲當敘功之時乃厚自誇詡攘錦衣之世襲叨爵賞之殊恩且舉年月不相涉封疆毫無與者濫爲加蔭加級加賞以爲一已解嘲似此無功之賞卽旁觀者且代爲愧矣夫逆璫時走一狂奴而封蔭滿朝到今遺爲笑柄而在晉復祖其故習叨旨無慚不幾令今之笑逆璫者未已而復令後日轉相笑哉卽在晉所執以爲名不過曰奢酋狂逞之日正其備員樞貳之時職掌所係自應爾爾然臣正以職掌所在未有可與邊徼共功而不與邊徼共罪者且在晉

十七

既以局外之功濫叨其寵靈豈得以局中之罪顯逃其斧鉞乃今夏大同之失事豈小訶耶插酋入犯橫肆殺戮血色變雲土成殷屍骸同燕山共積慘傷之狀從來未有數百年生聚一朝殆盡計人畜之所屠擄不下二十餘萬而正在晉正位樞席之日也自矜爲應運有千端者安在耶且失事之後不聞席蓐待罪更於皇上召對之日親在御前極力爲督撫鎮臣掩飾言大同城外擄掠無多使果有屠戮別情臣必不敢互爲隱匿一時羣臣無不共聞今其言猶在耳也乃大同殺戮之慘亦既彰彰較著矣則在晉爲隱匿乎非隱匿乎昔楊國忠雲南之役覆師二十萬更以捷聞唐祚遂以中衰然雲南去唐都萬里而遙更在元宗倦勤之日國忠乃敢肆其欺瞞今我皇上日昃不遑以親庶政而大同爲神京門戶去天咫尺在晉乃於面奏之時以相欺瞞其視邊事爲何如事皇上爲何如主哉又何誅乎遐方之將吏無功則粉飾有罪則欺隱也伏祈皇上赫然震怒責其川功之敘是否冒濫大同之勦是否欺隱樞臣卽百喙何辭矣抑臣更有慨焉邇來欺言之弊習以成風牢不可破卽如考察一事四年四月已定爲例矣今春二月考選高捷止三年半俸耳楊維垣受其重賄把持朝政

虛冒軍功遂爾考授台列今河間府推官馮名世俸更不及二載亦復施此伎倆以川功自陳俄而取旨俄而部覆矣轉盼之間非省卽台躍冶不祥莫此爲甚總之錢神原自有靈情面遂爾大熱誰肯爲皇上存此一段公道也更祈嚴諭今次考選除崔魏摧折者不妨從公優異餘俱以實俸爲主不得概爲減免以滋倖竇違者許言官叅奏庶法紀明而新政肅也

崇禎元年八月二十一日奉聖旨邊事廢弛日久樞臣方拮据料理未可苛求考選一主實俸曾經摧折者稍減三兩月用示優異其餘何得疏微馮名世查川功虛

實奏覆該部知道

再糾王在晉疏

廣西道監察御史吳玉謹奏爲樞臣欺隱甚明飾辨非法謹再爲糾參以祈聖鑒事臣前月二十一日有樞臣叨冒一疏以糾川功之濫觴併大同之欺隱蓋深咎其無功受賞則賞不爲勸有罪得隱則法不爲平爲我皇上整肅法紀意甚殷也奉聖旨邊事廢弛日久樞臣方拮据料理未可苛求夫不咎其隱匿而止言其拮据皇上之待樞臣可謂寬矣乃接邸報見樞臣夙疾轉增一疏讀之不勝駭異是何敢於無容辨處飾辨業已欺後復欺也臣請再就其言一折之可乎夫錦衣世襲原

非尋常恩賚必有邊功始可廕及祖制原甚嚴也川功之敘在晉以攝符數月者叨此異數如使正席中樞終始三案又將何以賞之耶此而猶爲減抑謂誰爲叨冒耶至於所敘加級加賞如苗思順等有到任在去年者有到任在今年者一概敘之豈一敘之力卽爲功耶此而猶非冒濫耶又言拮据艱辛之狀微臣不知乃微臣今始知之矣知其推鋒陷陣戮力封疆豐功偉烈高出寰宇區區一錦衣世襲豈足以酬之必如魏忠賢上公之錫三爵之加始足以答元勳耳臣之茫昧臣甘任受之矣至大同之失事在五月晦日我皇上之召對在六

月二十七日相距幾及一月插會慘殺之形狀通國盡知而在晉當日面奏時果言其屠戮二三百里乎果言其血成川而屍成山乎果言撫鎮諸臣當治罪當正法乎乃曰非欺隱其誰信之卽以記註論在晉所奏言大同一帶地方果被搶殺自著按臣從實勘奏今遺卻按臣勘奏一語以果被搶殺四字爲不隱匿似此伎倆不獨欺隱而又支吾矣又奏曰大同城外虜至不及收斂搶掠人口頭畜事誠有之此卽臣疏中搶戮不多之話頭復云幸城郭得完所全實多又卽臣疏中爲督撫鎮臣極力遮飾之明証至後一段如有殺戮別情臣必不敢互爲隱匿彼處鄉官御史李柄見在皇上試一召問便自可知等語記錄中盡皆刪去總括以語至數十有言一語在晉其忘之耶御史李柄豈不可問耶數十有言又何語耶想我皇上於當時召對光景尙自可遙憶也而在晉謂以彼爲欺瞞彼不敢任又誰任受也夫出於在晉之口入於諸臣之耳事之暴白於大庭者尙如此百爲粉飾而大同之邊情無怪乎敢爲遮匿而不明白剖陳也總之在晉彌縫術工欺匿膽大始之欺欺我皇上之所不知也尙爲罪臣畏法之私今之欺又欺我皇上之所知也益爲奸臣支吾之巧其能逃我皇上之

手

明鑒哉至於邊情之隱欺是爲何情撫鎮之庇護是爲何故臣更不必深言之也謹就其辨疏再爲參駁伏祈聖鑒施行

崇禎元年九月初二日具題奉聖旨秋防正嚴武場屆期王在晉著速出料理吳玉不得苛求該部知道

手

復糾王在晉疏

廣西道監察御史臣吳玉謹奏為復糾罪樞以質公論仰祈聖斷無誤封疆事臣邇者憤大同失事數十萬生靈肝腦塗地樞臣王在晉隱匿不報致皇上詰問猶諱言殺掠敢於面欺臣兩疏糾之奉旨以秋防正嚴武場屆期著速出料理臣因靜聽今又月餘闕秋防次第告竣而未聞在晉或閉閣思過或束身引退也近見職方郎余大成塘報訛寫一字猶且奉旨降處豈在晉失事隱匿罪乃在大成下哉且皇上以在晉為何如人也在晉所哆口者不過以昔曾經略榆關耳比因解經邦以

三

力辭削籍故不得不勉強一往然實無他略止議建重關於八里舖費百萬之帑金恢八里之疆土今猶傳作笑柄也後被孫承宗閱邊撤回因交結魏廣微為同鄉起南冢宰垂涎中樞不得遂借寧錦之役極頌魏忠賢丹衷定力偉略深籌心膂重臣一疏娓娓不勝乞憐矣夫奸逆如忠賢而頌其丹衷定力則在晉之丹衷定力可知也頌其偉略深籌則在晉之偉略深籌可知也頌其為心膂重臣則其為逆璫之心膂更可知也又恐九卿公疏不能獻媚立取內召乃於公疏中自稱壬戌收復關外五城各堡嗣後未聞拓地今又恢寧遠以東百

三十里之封疆夫在晉在關時惟中前所一城八里舖一堡止安哨馬而妄認承宗及袁崇煥等等癸亥所恢寧遠以西者以為已功乙丑所恢寧遠以東者以為忠賢之功陽以媚璫陰圖為已在晉之心路人知之矣忠賢遂矯旨有奏內所條預防事理節節中款語語訐謔等語則在晉之中樞已定於忠賢之心特以烹廟上賓故未及耳忠賢殛後在晉並宜竄斥乃乞媚邪黨楊維垣等全力推舉仍踐中樞秉樞以來不問何策殲奴何計禦插惟傳一論帖遣一王喇嘛而已而公子親家壘斷長安恣罔市利至使人言聖主中興之際拊髀思將

三

而兵部推官反甚於崔魏之時臣不暇枚舉即如張慶臻富甲公侯謀京營總督二十餘年人不敢推崔呈秀利其三萬金欲用之而忠賢尙不肯從今在晉與職方合謀遂補忠賢之所不為且聞移手本內閣代其求增勅書噫亦極可駭矣臣不知在晉倚為泰山者為誰而毫不引罪於至尊之前也目前奴插交訂將懦兵驕致煩皇上傳諭召對獨憂社稷而在晉坐司馬堂料理安在猶尋舊葛藤與孫承宗門口且動以張春馬世龍茅元儀三人為拒言之塘牌為蓋罪之護身符臣讀其近疏如開國元勳此忠賢所不敢攘竊者也而在晉居之

不疑如時局不容此廣微設此二字為阱殺戮當日言
官者也而在晉復踵其故智如插酋飽掠而去中外所
切齒者也而在晉乃諱言其一矢之不加而歸功於喇
嘛之有口斯其妄自矜詡肆為奸險工為粉飾尙可一
日容於堯舜之世哉何乃頑鈍不靈覲顏無恥甘作耐
彈之絲花也臣見連月以來天變迭示主上憂勤風霾
晦日是為蔽象乃在晉之多方隱匿豈非蒙蔽太白經
天是為兵象而在晉之媚骨桂柔豈能銷兵地震示異
是為隍机不安之象在晉之挑激饒有機鋒幹事殊無
實著豈能鎮定因是不識忌諱輒敢補贖再陳伏惟聖

書

明立斷施行

崇禎元年十月

日題奉聖旨這疏內事情著王在

晉逐一回奏該部知道

糾輔臣劉鴻訓疏

廣西道監察御史臣吳玉謹題為據實陳貪輔受賄主
使根因以祈聖斷事臣前日蒙皇上召對文華殿令臣
自讀奏王在晉張慶臻疏臣疏中有在晉倚為泰山者
為誰一語原暗指輔臣劉鴻訓而言也蒙皇上洞察增
改勅書之由閣臣不能無罪臣遂以鴻訓主使對班行
中不謀而合儘多是臣之言者今諸奸業蒙奉旨回話
臣似可以無言然諸奸強口佞舌誰肯善自供招臣謹
就當日過付之確証一一為皇上陳之可乎夫鴻訓每
在上前力保在晉為可用在晉感荷入骨兩人從此結

書

為至交凡一切推陞無不密相商確適京營總督梁世
勛罷去慶臻富可敵國鑽刺其缺遂托心腹管家張宜
夏串通在晉之子與其周親家於在晉處關說言定在
晉與鴻訓各一萬三千金職方苗思順六千金在晉依
允隨與鴻訓思順通知慶臻遂以食盒固封假以送菓
品為名投各宅收訖而抬盒諸人無不訝其盒中物甚
重而私意嘖嘖也一時長安道上縉紳以至走卒誰不
知且聞者此其情節千真萬真故於召對時即鴻訓同
鄉張鳳翔且有不能為之諱而謂臣之言確有的據矣
賄賂既飽便爾推用則主使增添勅書非鴻訓而誰今

兵部合無量為增益之手本慶臻歷查往例之揭帖現在御前豈其招閣批發時五色迷目而中書獨慧眼高懸會其箇中之意遂爾輒為增改四月來外議騰沸鴻訓已膽落心驚忽聞臣疏指及此事遂托病不敢入朝此鴻訓自知之明自供其狀也病根乃在增勅書三字刺其膏肓而豈真二豎為侵矣且其貪婪是其本色驕橫是其故態聞其欽取就道時每過一驛使家人斂取多金瓜分行至雄縣地方大使張養性貧無以應其家人遂將養性繩縛樹上鞭朴亂施血流遍體縣官不得已借庫中數十金與之始為解放養性痛苦不過因

三

而仰藥身死縣官為其明冤申府參語中有以辱藥苦官倏作吞聲恨鬼天理人情難為公道皇天后土實可鑒隣等語斯其貪黷自恣草菅人命又其受賄主使之明証也今三輔臣既欲保全閣體而周道登又與在晉香火情濃與鴻訓師弟誼切面奏時且以臣言為未必盡實而謂受賄為莫須有則臣真不知死所矣然么塵中書豈敢擅專筆削主使夫非鴻訓其又為誰道登既以臣言為未實則主使之入伊當明白聲說以祈聖度包容毋以不明不白東推西扯之話頭害君父而寬鴻訓也臣非不知鴻訓之勢焰足以殺臣竊臣然臣報主

念切顧忌心微即確兇鋒所甘心矣謹將當日納賄主使情節直陳以聞伏祈聖斷施行

奉聖旨閣部大臣所望表正百僚其襄治理乃有敗類負國如劉鴻訓王在晉二臣者鴻訓納賄擅增勅書欺君說謊遵照律令即應肆市朕不過守祖宗三尺有何成心但卿等會議至再輔臣面祈揭救稽入議之說覽合辭哀懇饒他一死發去邊遠充軍王在晉徇私受囑隱匿面欺斥革不盡其辜亦為卿等寬貸並苗思順都放回原籍去張慶臻行賄鑽營紊亂舊制念係助庸之後著罰俸祿三年田佳璧等法司議罪具奏科道官吳

三

玉參劾有據加銜一級方宏瓚問刑肆慢屢褻嚴旨降三級革任回衛今將大略明告臣僚朕御極以來此為首犯尙染頹靡未經振飾故再四思維姑從寬典以後大小文武各秉公廉務保身名慰朕厚望若彼欺專貪隱有一於此朕必按律加刑寬難再施毋得希此為例前旨遺一旨字查明懲處該衙門知道

懇辭加級疏

廣西道監察御史臣吳玉謹奏為君恩隆重揣分難堪謹叩闕控辭以安愚職事臣家世業儒名節自好每誦事父母能竭其力事君能致其身兩語期終身砥礪以求不愧於臣子幸蒙皇上拔臣言路職司糾彈卽頂踵髮膚皆為皇上殫竭膽肝肺腸皆為皇上披瀝猶懼不能酬皇上高厚之恩於萬一也前因劉鴻訓納賄行私據實入告仰荷聖明採納今劉鴻訓等罪狀已暴白於天下矣恭承皇上特恩寬宥得從薄譴聖德好生直堪媲美堯舜而臣以參劾有據有加銜之欽命臣跪讀聖

天

諭不勝感激不勝惶汗不勝祇慄伏念臣皇上耳目之官也有言必盡不過本等職業尋常建白此人人之所當言亦人人之所能言者曷敢濫叨皇上特達之遇獲此非分之榮哉臣反覆籌度萬萬不敢祇承者也謹薰沐具詞控籲懇祈皇上鑒臣犬馬朴忱情非矯僞容臣辭免以安臣職以杜仕路競躁之端臣不益感皇上罔極深恩砥礪初志以效事君勿欺之誼哉
崇禎二年二月初一日奉聖旨吳玉著遵旨加銜不准辭該部知道

請嚴斥媚璫奸臣疏

廣西道監察御史臣吳玉謹奏為嚴斥媚璫諸奸以清新政事夫今之極力攻之者非逆魏耶臣以為忠賢目不識丁當楊左諸人連章糾參之際業已氣短使外廷諸人盡不從風而靡則迫於公論亦自竄伏不敢動雖百忠賢何能為無奈無骨之徒倒身下拜竟以生殺大權拱手奉之以修怨於諸臣假邪黨為題目借王安汪文言為口實削奪遠繫竟無虛日使忠臣之血化而為碧清修之產變而成賊追賊則累萬累千株連則及親及友甚至秦晉吳楚之墟虛無人焉而各奸復自誇澄

天

清以驕語於人世以取媚於逆璫亦太慘矣愚矣後來逆璫之勢焰愈熾而各奸之媚態彌巧有驅除異己以取容悅者隨有無端羅織殺人媚人者有稱功頌德並稱先帝者復有進爵加封擬帝擬王者有請建祠堂請守祠堂者又有認為義子認為乾孫者有擣蒜燒蔥不差奴顏婢膝者復有拜行三叩頭禮呼稱九千歲者有以金玉珠寶結璫歡心者更有打金溺器自書其名金美人書其妻之名者嗟嗟讀聖賢書所學何事而無廉恥至此極耶幸賴宗社有靈篤生聖主震世權璫一朝正法雖古堯舜之去四凶何以加此而一時共事諸臣

謂宜洗心滌慮以副聖主平明之治而何猶有未盡者乎請尚方之劔者以崔魏爲刺骨之談而懷一朝之念者乃以崔魏爲修怨之具鯁骨不容之儔以獲罪爲昭雪之名而頑鈍耐彈之輩卻以獲罪爲護身之符惜才爲心者借起廢以羅拔名賢背公行私者又借起廢以招號邪黨持精核之慮者以慎重而杜羣枉之蠹懷反覆之思者又以慎重而塞方正之門是元黃之戰猶未歇水火之形猶未清也豈不負明時而羞聖主耶臣以爲宇宙共一虛舟臣子皆有血性一腔肝膽自當付之修職修業全副精神豈宜用於爭人爭我至於以門戶

手

二字暗中挑激多方布置以圖翻局者正伎倆百出之怪物也此等險詐小人有目共見豈能逃於睿照伏祈皇上勅諭諸臣將從前窩集盡爲打破今後意見力爲洗刷以報國念頭易狗私肚腸倘此輩仍或不悛弄鬼態於白日布殺機於清時傷我皇上平明之治卽嚴爲處分其於光昭新政豈渺小哉

崇禎元年五月初十日具題

蔡士順曰魏前魏後情事逼真

此疏在儀菴野抄卷之九第五十九六十六頁抄列二篇其一卽直糾同惡邪臣首一篇也文俱相同不異

但原文言五月初七日具題抄文言五月十九日具題微有不同耳 鈔本元校語

手

此稿向無槩本寓蕪於道光乙未居里得之公族孫生員京家篇帙斷爛恐遂湮沒因借鈔付梓前邑令金侯為撰序並家傳其傳略云公諱玉宇之璋一字和璞號崑峯壽陽縣人父成美貢生公生而才氣雄偉與雁門孫白谷尚書為布衣交中天啟辛酉舉人壬戌進士初任博野令調蠡縣內遷廣西道監察御史以劾長山加級並勅建坊賜忠諫二字丁外艱歸里當道過者咸懾伏曰壽陽今臥一虎矣服闋數年不起用迨盜賊充斥中州饋餉紛沓羽檄旁午忌者思中之乃外遷河南道參議專督糧儲公至任痛時事不可為憤恚卒時崇禎十三年年五十有五崇祀鄉賢祠忠義孝弟祠子二運隆廕生運泰庠生隆子二蘭蕙並國學生蘭子延齡舉人蕙子嵩齡庠生延齡子二晔文穎館修書侯選州同俊廩膳生員嵩齡子蟲廩膳生員金侯序已弁疏首其傳卽刺取疏文而成別有槩本茲撮其家世履貫序所未詳者附之書後丙申冬十一月里後學那寓蕪謹識

書吳侍御奏稿後

壽陽祁淳父侍郎謀梓鄉先生吳侍御奏稿而瀛遷任校讎之役工既竣客或告曰侍御丁勝國未造不異強禦忠悃擢擢直哉歎惜其抨擊長山過當令千古下與覺斯鼎延道直輩同類而共譏之也余應之曰是不足為侍御累夫長山固賢者然侍御不嘗賢之乎當是時奄黨餘孽集矢長山或誣以使朝鮮滿載貂獲歸矣或誣以納田仰賄用為四川巡撫矣田時流言藉藉皆緣賄起市有虎曾參殺人聽為榮矣至改勅書一案長山明言都中神奸狄姓詭詐慶葵千金兵部揭又明有長山批西司房語則空穴之風實非無因而來咎虜陵之於龍圖武襄也晉原之於潞國也眉山之於伊川也兩賢或相阨矣後世不以損其名況長山夔昧之跡本有不能解免者乎大抵好為攻訐者明代之習氣也喜於醜詆者諫官之習氣也習氣未融斯不免於逞臆而不顧然以視低首下心仙仙眼現任人席為啞御史不敢一置可否一則立仗之馬也一則罽駕之駿也孰良孰駑必有能辨之者既答客爰次其語以為奏稿後跋道光十有六年九月肅平定張瀛通書

瀛又攷吳梅村撰張鼎延墓碑云其劾張慶臻也上

怒慶臻勲舊掌京營行金主書竄易詔草文華召對
事連長山相劉公鴻訓劉賢相其曲意慶臻有端受
取事未得考實公雖糾撻慶臻無所避終不欲傳上
怒致大臣辟故與御史吳玉持論並劄正而公微爲
持平按梅村中明崇禎四年進士距長山罷相纔二
年聞見較真故其論最爲平允特以爲鼎延撰碑不
能不少回護耳然猶必引侍御爲重則侍御之風采
可知而明史吳誤作劉之謬此尤其炳據矣故附著
之

國朝
卷一百一十五

吳侍御奏疏一卷 山西巡撫
採進本

明吳玉撰玉壽陽人天啟壬戌進士官至河南布
政司參議此編乃其崇禎初官廣西道監察御史
時所上之疏凡十篇劾魏忠賢餘黨者三劾輔臣
者二劾本兵者三清釐國用者一其末一篇則懇
辭加銜者也

治河奏疏二卷

〔明〕周堪廣撰

湖南圖書館藏清乾隆周碩勳念茲堂刻本

附《四庫全書總目·治河奏疏

二卷》提要

治河奏疏
寧鄉周子律宣正志

其先大父司農公治河
奏疏緘使至都請於余
曰先大父行修於家仕
勤於國不孝孤孫輩和

治河奏疏

序

一

念茲堂藏板

淚濡墨具行狀言其槩
矣但為少司空時值國
步艱難之會治黃河決
口於開封任鉅而事掣
肘克底厥績其有造於
斯民也甚大所遺章奏

經明季離亂後僅存三十有一手澤具在懼其久而佚也將授之梓欲丐一言為序非能文而習於先朝之掌故者未易詳也先生其許諸余

誼不能辭謹按崇禎十四年九月闖賊李自成大敗左帥之兵於朱仙鎮遂圍開封總兵陳天福守禦甚堅陣射自成中其目明年自成決河

灌城西自馬家口柳園東至朱家寨一時黃流潰涌東西並潰水頭高百丈其聲如雷汴城內外官廨民房市廛及遠近邨落盡為魚鱉惟親

王宮眷及官兵數千人急走棲城樓待舟北渡乃免賊衆在決口下游者漂沒亦數萬為千百年汴梁慘變是年冬北直總督侯恂治河弗效

崇禎皇帝御德政殿召閣
臣及銓臣鄭三俊樞臣
張國維馮元颺張鳳翔
少司空某即公也諸臣
以次奏對畢及公
帝從容諭問汴河事憂飛

治河奏疏

序

四

念茲堂藏板

於色爰命公以原官
兼右副都御史前往堵
築開封決口且曰汴決
河徙陵運攸關三月桃
汛水汛事不宜緩卿遄
往工堅完速自有懋酬

也公亦條陳河道事
宜至三鼓而退是為崇
禎十五年十二月十四
之夕公捧勅即日就
道以正月八日抵汴親
行相度馬家口決口在

治河奏疏

序

五

念茲堂藏板

開封西北為黃河上流
水深猛朱家寨決口在
東北為下流稍平緩兩
決口相距四里合於城
之北隅灌城南奔入淮
淮怒溢鳳泗之孺而河

流故道涸為平地者自
冬徂春矣 公集群議
先濬舊渠以殺水勢畚
鍤旋施用夫三萬且濬
且築時大梁寇殘之後
究西河北相繼兵荒民

皆死徙應募不滿萬掃
料為杉椿榆檉檉麻柳
稍蒿芟皆百無一具
公乘小舟泛河干與河
道方大猷南陽知府李
若蘊日夕拮据招徠儲

備甫一月而工料粗集
先築朱家寨兩岸堤長
三百七十五丈頂廣三
丈趾廣八丈隆地窪地
不等捲掃層累而上總
與頂齊於是朱家寨決

口遂塞次馬家口西岸
南接舊隄長一百零九
丈西接舊隄長八十三
丈頂趾之廣如前五亦
竣會春汎水溢河之故
道極望二三百里間水

漸瀰漫次築馬家口東岸奔騰怒沸埽料以數萬數十萬數百萬計再築再潰而時已五月矣公上疏以伏秋汎水相尋與其以有限之金錢

治河奏疏

序

八

念茲堂藏板

付之臣浸於事無補不若嚴護新隄倍疏故道餘請俟之深秋帝不聽公揮汗赤日中與兵夫相邪許齊埽六十餘丈一夕又潰最後

秋水大至忽闖賊全隊西來兵夫皆驚公按劍危坐與在工文武諸官約曰先與河爭旦夕之命者今亦當與賊爭旦夕之命敢退者斬飭

治河奏疏

序

九

念茲堂藏板

道府各部署所統兵夫嚴陣以待賊氣奪已而豫撫援師適至賊哨騎遂南折兵夫無一逃者水亦驟退九月復築水深二丈以內者捲柳為

基累掃並杵水深四五丈泥深丈餘者捲掃如屋壘至八層其計工糜料視朱家寨且百倍久之東岸之舊隄新隄二百九十餘丈工俱畢惟

當正決口愈約水益震沸中僅十餘丈不能合公不得已默禱於神神應曉夜更番力作三日卒合於是南流斷絕河悉東還賈船自淮徐來

者銜尾而至自二月迄十一月為時二百七十日初估工料銀五十萬減定三十萬告成日復省銀五萬歸報繪圖以進

帝嘉悅錫銀幣有加未幾升南大司農公諱堪賡天啓乙丑科進士令閩之永春福清考官授浙江道御史歷官至大司農未任以積勞成疾

乞歸不兩月而京師陷
論曰

懷宗皇帝際累朝弛翫之
後淬礪臣僚勸功懲過
不踰尺寸然人事盡功
弗奏者往往而有豈毫

治河奏疏

序

上

念茲堂藏板

社將屋不可支耶 周
公胙胙况瘁卒定狂瀾
人定勝天又於是乎在
世傳 公治河時有神
降於婦者為 公呪羊
伐柳其事近於鬼物夫

水德神明誠能動之自
昔有然也

賜進士出身總督倉場戶
部右侍郎前都察院右
副都御史同里年家弟
趙開心拜題

治河奏疏

序

上

念茲堂藏板

按明史崇禎十五年流賊圍開封決河灌城走睢陽注鄆陵鹿邑侵祖陵邵宿運河且涸乃命工部侍郎寧鄉周公往莅厥事當是時寇盜猖熾大河南北人

後序

十

念茲堂藏板

靡子遺朝廷方搜括租賦餌驕兵悍將與彊寇拮旦夕之命而公慨然身捍大患率千百疲弊之衆以扼洪河方割之勢財粟罄於中鋒刃接於外然而不旬月間卒塞

決口工用庶績豈公之才力過人而危疑莫奪耶將災害之餘天鑒其誠而默相於公耶公督工河上一日寇至公按劍誓衆嚴陣以待賊尋解去嗟乎使當日守臣健

後序

五

念茲堂藏板

將不棄城釋甲而為公之為者寇其足殲哉公塞河始末具見於疏雖公佚其大略可觀公元孫碩勳守潮沙重輯付梓詩所謂無念爾祖其有焉夫河不可測也自周定王世

始南徙失故道訖漢宋明歷代往有事後之治河者鑿焉方今

聖天子

子惠元出帑藏數千百萬以奠洪流垂先於万禩身其事者考鏡洋矣公之

後序

六

念茲堂藏板

書夫豈一時之功已哉時

乾隆二十三年戊寅中春

賜進士

及第中憲大夫廣東分巡

惠潮嘉兵備道梁國治撰

并書



潮州守容齋周君刊其高王父明大司農治河奏議二卷示余而屬叙其簡余讀之終篇蹶起歎曰明之末造國事可勝道哉夫國家匪無任事之臣而患在不克集事之勢當莊烈季年

叙

七

巨寇鴟張燎原莫禦中原之地蕩為洪流瀝沉澹災謀國者心知其難也而又廟堂失籌運之宜封疆存畛域之見民財物力耗竭無餘於此時防河辟猶張空拳冒白刃耳然而周公

以持節重臣經營瘡痍卒能措
 拄於彫殘潰敝之會而悉力以
 奏功觀連所上章勤、懃、聲
 泪遂集如鄭侯繪流民之圖而
 國勢已蹶不可振矣論者謂以
 公之才使與高陽鴈門諸君子
 叙
 大
 僂力以為社稷功烈必更有可
 紀惜乎僅以河事著績而身遂
 退也容齋治潮以經術飭吏治
 譚河事亦井、有原委遭過
 聖明而紹前人之令緒公為不朽矣詎
 特保姓受氏如穆妹所稱已哉

乾隆二十四年己卯夏六月

賜進士及第奉直大夫

日講起居注官翰林院侍讀提督
 廣東學政仁和吳鴻謨并書



叙

十九

治河奏疏 悉遵原本

明大司農周堪廣位應氏手著

玄孫碩勳重刊

目錄

召對紀畧

聖諭一道

勅書一道

一疏

題為治河欽蒙

治河奏疏

卷上 目錄

一 念茲堂藏板

特遣事權悉屬創行謹陳要務恭請

聖裁以便遵行事

一疏

題為黃流怒勢宜疏治河工費須裕仰祈

聖明勅部預籌欵項並

論河臣分疏淮鳳一帶以護

陵運事

一疏恭謝

天恩事

一疏

題為恭陳河上情形濬築規畧仰祈

聖鑒嚴勅道府諸臣實力實心以勦大工事

一疏

題為密

奏事

一疏

題為工大費繁錢糧必須湊手懇乞

聖明勅部速議免誤工作事

治河奏疏

卷上 目錄

二 念茲堂藏板

一疏

題為河工需夫孔亟徵夫甚艱謹請

聖裁就近調取以襄大舉事

一疏

題為河工必藉兵防濬淺亦需兵力伏祈

勅下樞臣檄調鎮兵共襄河務事

一疏

題為恭報開工日期仰祈

睿裁事

一疏

題為恭報朱家寨口築塞已完隄工將竣
仰祈

聖明垂察事

一疏

題為錢糧不繼工作必停仰請

聖明速賜裁示事

一疏

題為河工需夫甚急措處之法已窮懇乞

治河奏疏

卷上目錄

三

念茲堂藏板

聖明俯允前請以濟急工事

一疏

題為司官舉動乖張謹列款糾參仰祈

聖明

勅部議處以儆官邪以安地方事

一疏

題為水利必須便民冗官急宜裁汰仰懇

聖鑒以蘇疾苦事

一疏

題為修築已有成效大口勢難速塞謹瀝

誠

上聞仰祈

聖明垂察事

一疏

題為彙報已完之工兼陳未竟之局仰請
寬限以奏成功事

一疏

題為工料已罄錢糧不敷仰祈

治河奏疏

卷上目錄

四

念茲堂藏板

勅部速撥以濟急需事

一疏

題為河工需蘇甚殷錢糧就近取用謹恭

疏奏明乞

勅部撥補以便銷算事

一疏

題為河流漸次東分決口再築復潰當守
已成而待時無圖難進以糜費謹集眾議
審河勢訪運道仰祈

寬限以副

簡命事

一疏

題為司官已經察處錢糧收放乏人仰請

聖裁

俯畱竣事以便

奏繳事

一疏

題為恭報河還故道仰慰

洽河奏疏

卷上目錄

五

念茲堂藏板

聖懷懇畱裏事之官以竣大工事

一疏

題為錢糧屢請未到工料措辦無資時光

易邁耽誤可憂懇乞

聖明嚴限速解以濟急工事

一疏

題為遵

旨回奏乞

恩認罪事

一疏

題為黃流泛漲異常賊鋒披猖愈熾敬陳
防堤更須防寇用夫兼寓用兵謹瀝誠

上聞仰寬

睿慮事

一疏

題為奏明河工銀兩仰祈

聖鑒事

一疏

洽河奏疏

卷上目錄

六

念茲堂藏板

題為馬家決口築塞已完河悉東還大工

將竣謹恭疏馳

奏仰慰

聖懷事

一疏

題為特參玩誤有司仰請

勅部嚴加議處並責成道員董率完工事

一疏

題為河工需款甚殷錢糧就近取用謹恭

疏題明請

勅部撥補以便銷算事

一疏

題為汴工築塞已完歲修防守宜預

請復舊制嚴責成以垂久遠事

一疏

題為恭謝

天恩乞賜骸骨事

一疏

治河奏疏

卷上目錄

念茲堂藏板

題為蛇豕猖狂神人共憤處卧薪嘗膽之餘圖撥亂反正之策謹擬血

上陳仰惟

乾斷事

祭文二首

一 勘河祭神文

開工致祭文

續

退谷遺編 撮抄

國朝

山東河督白 請

勅賜黃大王封號 奏摺 並事實

周大司農家傳 附

跋一首

治河奏疏

卷上目錄

念茲堂藏板

召對紀畧

崇禎十五年十二月十四日酉時

內閣差官至寓所傳

皇上召見臣祇肅趨

朝恭詣

中左門外同閣部臣候於直房少頃月色盈

墀彤扉載啟

上御德政殿中官鵠立門外遙望

殿中燭光如晝閣臣偕吏部尚書鄭三俊兵

治河奏疏 卷上 紀畧 九 念茲堂藏板

部尚書張國維侍郎馮元殿張鳳翔及臣

堪賡鞠躬詣

殿內叩頭畢左右分班侍立

上簡閱章奏沉思良久迺

召吏部尚書鄭三俊

命推順天山東巡撫俱於京卿選用不許以司

道塞責次

召兵部尚書張國維詢問邊情兼言禦邊方畧

各承

旨退班次

召臣堪賡出班中跪

上諭汴决河徙

陵運攸關命爾前去督率地方官築塞務於歲

內到任二月竣工如調度有方工堅速完

自有懋賞若延糜誤事責有所歸臣奏曰

臣本庸才不堪重任蒙

皇上簡命修汴之役臣不敢辭但部臣出外呼

應不靈恐誤

治河奏疏 卷上 紀畧 十 念茲堂藏板

國事伏望

皇上假臣事權庶便調度

上曰予爾憲銜臣又奏曰治水之役自古稱難

嘗稽典籍或數年未績或數年始績未聞

以數月奏功者汴河情形容臣至汴勘明

入

告一切工作竭力催督不遺餘力特工程浩大

事難逆觀伏望

皇上俯寬限期始能奏績

上日三月桃花水發事豈可遲爾依限去做臣

叩頭承

旨畢仍還班次

上諭部臣回衙門辦事臣與諸臣循次魚貫而出

治河奏疏

卷上 紀畧

十一 念茲堂藏板

聖諭一道

諭工部汴決河徙所關

陵運甚重屢諭該部計議修築迄無確奏時將入春豈容再遲着工部侍郎周堪賡即日前去料理特發

御前帑銀十萬兩以應急需餘着該部察算撥發不拘何項錢糧務要實數給用不許虛濶塘塞定限歲內到任二月以內竣工如能築濬有法堅整速完自有懋賞若延糜誤事責有所歸其堪賡應兼憲銜統轄彈壓着吏部即奏勅書關防等項速辦續給不必候領稽延該衙門知道特諭
崇禎十五年十二月十四日酉時

治河奏疏

卷上 諭勅

十一 念茲堂藏板

勅書一道

皇帝勅諭工部右侍郎兼都察院右副都御史

周堪賡茲因汴河決徙所關

陵運甚重修築萬不容遲特命爾星夜前去督

修兼管河南山東鳳淮徐州等處河工事

務先頒發御前銀十萬兩以應急需餘着

該部察算撥發爾須親歷河干往來督率

原設管河洪泉閘官及各該三司軍衛有

司掌印管河等官將決徙處所着實用心

治河奏疏

卷上 諭勅

七

念茲堂藏板

經理堵塞衝決挑濬淤淺幫築堤岸閘壩

務要堅整深厚定限十六年二月以內竣

工合用人夫炤常於河道項下附近有司

軍衛衙門調取應用一面設法召募前項

大小官員敢有不服調度怠玩悞事及權

豪勢要侵占阻截并違例盜決河防的應

拏問者徑自拏問應叅奏者指名叅奏其

餘開載未盡緊要事宜悉聽爾便宜處置

有應與總河總漕及河南山東南直撫按

商酌者從長計議妥當而行重大者奏請

定奪事竣將修築過河道人夫錢糧備細

造冊畫圖詳明奏繳爾爲重臣受茲委託

須殫心竭慮輸忠効勞如能築濬有法刻

期蚤完佇膺懋賞儻延糜悞事責有所歸

爾其欽承毋忽故諭

崇禎十五年十二月十九日

治河奏疏

卷上 諭勅

十四

念茲堂藏板

工部右侍郎臣周堪賡題爲治河欽蒙

特遣事權悉屬創行謹陳要務恭請

聖裁以便遵行事本年十二月十四日酉刻蒙

皇上面諭汴決河徙

陵運攸關着臣前去料理臣祇遵

欽命當尅期就道不敢稍稽時刻除河上情形

與濟築方畧容臣至地方相度形勢另行

具奏外謹就目前要務逐條臚列仰候

聖裁

治河奏疏

卷上

十五

念茲堂藏板

一治河諸務全賴地方官分任共理總河原

有統轄手臂自靈臣乃部員非奉

明綸勢難節制乞

勅沿河道府有司悉炤總河例聽臣調度果能

畱心國事於事竣之日優叙超擢若庸謏

悞事則不時糾叅或有要地需才亦容臣

坐名奏

請庶提挈有權而人心無敢玩視今流賊猖

獗於用工之地尤慮烽火致梗大工是提

兵防護實爲要着乞炤總河例俾臣得以

調度沿河鎮將相機應變庶有備無患而

工易成

一帑銀十萬兩已蒙發部應飭該部遴選敏

幹司官一員領運前去一切錢糧悉歸專

管遇有支放臣令道府出具印信領狀該

司官炤數給發事完之日道府造報細數

亦令該司官察明奏銷俾互相稽覈毫髮

畢清查得郎中劉學聖饒有幹才堪勝斯

治河奏疏

卷上

其

念茲堂藏板

任若撥兵護送事在兵部難以刻緩臣奉

命先馳料理不能與帑同行兵火叢中尚須多

兵護送始無畱滯亦飭兵部於京兵中撥

遣也

一工作物料全賴錢糧應手往者萬歷年間

河決公私繁費不貲今中州一片荒土物

力消耗已盡仰祈

勅部豫爲籌畫以應急需若錢糧呼應不靈公

事必誤似非微臣之力所能及也

一
勅書關防奉有不必候領之

旨敢不祇遵但臣於地方原無統屬非捧

勅書前去誰與奉行伏乞

迅賜降發臣親赴

闕跪領庶

欽命傳宣人心知肅即文移往來恃有關防可

辨奸偽今新鑄未能速就察臣右侍郎員

下原有關防一顆携之前去亦可適用應

治河奏疏

卷上

七 念茲堂藏板

否另鑄統候部議

一 賚奏本章乞炤內部於

會極門呈進以免時日稽延至大小勘合應

炤例頒給以為賚奏之用

一 臣係新設之官一切人役餼廩俱無舊額

應用吏書數名供寫文移承差數名賚捧

章奏一應工食俱無措辦不得不於正項

支給此雖小節然錢糧所關亦應預行奏

明以上六款統祈

聖明裁鑒

勅部速覆施行

崇禎十五年十二月十六日具題十八日

奉聖旨這本內所請事宜該部看議速覆

勅書關防着即給與本章准從會極門封

進

治河奏疏

卷上

十八 念茲堂藏板

工部右侍郎臣周堪廣為黃流怒勢宜疏治

河工費須裕仰祈

聖明勅部預籌款項並

諭河臣分疏淮鳳一帶以護

陵運事頃者汴河決徙水勢南奔淮鳳之間悉

為澤國河之故道千里皆淤矣蒙

皇上以汴工屬臣數日間廣詢博訪聞汴河決

口實廣且深而故道則水涸沙壅欲以木

石之力砥柱狂瀾收工旦夕或非容易臣

治河奏疏

卷上

九

念茲堂藏板

再四籌度亦惟深濬故道引水東注而後

怒濤可殺畚鍤之役可漸而施鳩工濬淺

為力甚奢計日修事需費不少昔在萬歷

年間河決流絕方百二十里

朝廷費帑八十萬民間之幫貼亦二百萬始得

竣工以今視昔工浩不啻數倍而舊河臣

以三十萬計非臣所敢知也今帑金十萬

之外着部措辦三十萬臣今何敢置喙倘

三十萬一朝告匱而大工萬難歇手其將

何以為策乎臣愚以為非搜之淮庫資之

勦餉厚為儲備必不可以為善後計也

皇上賑饑勦寇不惜鉅萬繁費豈河決重務肯

視泛常且河工一興饑民悉為河用養一

饑民即減一窮寇治河之役其於賑饑勦

寇適相資焉臣才識庸陋漫無寸長獨此

不敢苟且之一念衾影尚可自信今所發

錢糧已有專官管理臣係

欽差一到河工諸凡相度經營稽查董率之事

治河奏疏

卷上

十

念茲堂藏板

甚多其於錢糧本無暇兼顧是以纖毫不

必假臣之手臣一腔愚忱已在

聖明洞照今日惓惓經費者以國事在身不得

不鯁鯁過慮耳抑臣更有請者黃流南徙

水勢漫延運道堪虞

祖陵更重臣拮据汴務晷刻靡寧南北千里安

能遠顧宜飭河臣黃希憲就近相度設法

分疏以殺其勢臣與河臣同為

皇上之臣子護運護

陵均屬

國家之重務南北協力共濟時艱正臣子捐
 軀報効之日諒無敢岐視也再河務首在
 得人河道一官尤屬緊要聞河南河道僉
 事方大猷久未履任應行嚴察更換查得
 淮海道副使徐標久歷河干昔年建義長
 山兩次河決皆著勞績以該員輕車熟路
 如得借才可收臂指之益乞以本官改調
 河南河道而淮海一缺另行銓補本官資
 治河奏疏 卷上 三 念茲堂藏板
 深望重屢推節鉞此席或非所樂從然功
 懋懋賞
 皇上自有殊擢又潞安府同知殷啓賢先任歸
 德治河有法乞宐改調衛輝府同知資
 調遣以上二官乞
 勅吏部即日具覆嚴檄速任以襄厥功 臣 爲河
 務重大起見用敢冒昧環瀆伏祈
 聖明鑒 臣 血誠
 俯賜裁奪施行

崇禎十五年十二月十七日具題二十二
 日奉聖旨該部看議速覆

治河奏疏

卷上

三

念茲堂藏板

題為恭謝

天恩事臣至愚極陋蒙

皇上委以治河重任且憫臣孤危

允臣所請加以憲銜錫之

勅印臣於十七日辰刻

陛辭即時捧齋出都就道午刻途次蘆溝橋復

據臣部司官馳驛前來宣傳

天語賜臣銀幣跪領之下感勒肺腑淚沾臆

臣自顧何人驚

治河奏疏 卷上 念茲堂藏板

榮寵之溢分懼報稱之愈難惟有淬礪精忠册

朕手足以仰答

高厚於萬一耳除即於途次望

闕叩頭遙請

聖安外理合恭疏奏

謝伏乞

聖明慈鑒臣無任激切屏營之至

崇禎十六年十二月十七日具題二十三

日奉聖旨知道了

欽命督修汴河兼管河南山東鳳淮徐等處河

工事務工部右侍郎兼都察院右副都御

史臣周堪廣謹題為恭陳河上情形濬築

規畧仰祈

聖鑒嚴勅道府諸臣實力實心以勦大工事臣

奉

命築汴於上年十二月十七日自京起程星馳

而南於本年正月初二日入河南彰德境

初八日辰刻到汴隨躬歷河干虔祭河神

治河奏疏 卷上 念茲堂藏板

相度決口旋至封邱縣與河南撫臣王漢

面商一切撫臣赤膽熱腸慷慨

國事令人起敬於是採集羣議籌算夫料即日

差官分道購取矣謹以管見為

皇上陳之臣泛小艇上下周流探看得河之決

口有二一為朱家寨寬二里許居河下流

水面寬而水勢緩一為馬家口寬一里餘

居河上流水勢猛厲深不可測上下兩口

相距三四里至汴堤之外合為一流決一

大口直衝汴城以去而河之故道則涸爲平地矣怒濤千頃工力難施必廣濬舊渠遠數十里分殺水勢然後畚鍤可施築濬並舉需夫三萬河北荒旱充西兵火竭力徵調不滿萬人河南萬死一生之餘又相聚守險聲教久隔撫臣推誠招徠以義勸之以利誘之未審能應募否此外則不得不借助於撫鎮標兵矣至於應辦埽料其類亦多如杉椿則購之淮安檉麻則購之

治河奏疏 卷上 念茲堂藏板

徐克穀草榆楸則購之懷慶柳梢蒿茭則取之本地從所產也然其大綱全在用得其人察得淮海道副使徐標南陽府知府李芳蘊衛輝府知府文運衡皆久歷河工屢著成績以此三臣專司築決而分理其下者則開封府同知牛光斗歸德府通判朱以霖也挑濬舊河則開封府知府李巖彭德府同知趙允光而提調於其間者分巡河北僉事楊千古也河北夫料責之副

使張弘道僉事楊千古充西夫料責之僉事張若獬以上各官皆一時才望之選臣行牌分任責成復以手書申囑動以幹國之忠義悚以

功令之森嚴而其能實力實心與否尚未敢信然責任既定功罪攸關各官即欲稍有推諉亦弗可得倘心存玩愒或呼應不靈致誤工作則有

皇上之三尺在臣斷不敢代為諸員回護也伏

治河奏疏 卷上 念茲堂藏板

乞 皇上嚴勅責成懸刑賞以待功罪庶人心儆惕而大工可計日告成矣瀝誠

上聞伏惟 聖明鑒察施行

崇禎十六年正月十五日具題二月初七日奉聖旨據奏築濬決口事宜自難刻緩應用夫役并購辦埽料等項聽勒限飭行其選委道府各員尤屬要務作何鼓勵

成着與確議速覆該部知道

讀

勅修明史崇禎十五年流賊圍開封久守臣謀引黃

河灌之賊偵知預為備乘水漲令其黨決河灌

城民盡溺死總河侍郎張國維方奉詔赴京奏

其狀山東巡撫王永吉上言黃河決汴城直走

睢陽東南注鄆陵鹿邑必害亳泗侵祖陵而邳

治河奏疏 卷上 念茲堂藏板

宿運河必涸帝令總河侍郎黃希憲急往捍禦

希憲以身居濟寧不能攝汴請特設重臣督理

命工部侍郎周堪廣督修汴河十六年二月堪

廣上言河之決口有二一為朱家寨寬二里許

居河下流水面寬而水勢緩一為馬家口寬一

里餘居河上流水勢猛深不可測兩口相距三

十里至汴隄之外合為一流決一大口直衝汴

城以去而河之故道則涸為平地 碩勲謹按明

史稱朱家寨與馬家口兩口相距三十里

而 先高祖奏疏暨 趙少司農洞門前

輦原序俱云相距四里恐誤應以明史為

定

治河奏疏 卷上 念茲堂藏板

題爲密

奏事臣惟河決自古有之瓠子爲甚然未嘗舉

千百年汴城淪爲巨浸如今日之慘者也

臣奉

命後廷臣靡弗爲臣危臣彼時已置此身於度

外矣及馳至河北詢之道府胥言河不可

治客冬督臣侯恂經營兩月未有寸效也

臣躬歷河上相察形勢馬家口水深勢猛

事果難言臣竭智盡忠力圖必勝之策務

治河奏疏

卷上

手

念茲堂藏板

次第修舉以報

嚴命何敢言難惟是臣祇一調度之人耳地方

事全在地方官分理之苟戮力同心何堅

不克乃一時道府談及河事則人人變色

人人推諉上下無一勇往任事之官總之

臣部臣也非若總河相臨素有威令而人

心懾服也雖蒙

皇上加臣憲銜諸員仍以部臣相視臂指弗靈

人情如此不但無竣工之日并無起工之

期旬日以來寢食俱廢臣已將分任各官

列名具

奏伏望

皇上迅賜

嚴諭以築塞決口責之副使徐標知府李芳蘊

文運銜以開濬舊河責之僉事楊千古知

府李巖同知趙允光而以督催丁夫物料

責之副使張弘道僉事楊千古張若獬楊

毓楫如有玩誤法不容寬庶人心震悚奮

治河奏疏

卷上

手

念茲堂藏板

勵圖功河事雖難未有不濟再炤工大費

繁錢糧必須應手

帑金十萬之外部臣所議折絹料價二十萬尚

欠在民徵解無期正如畫餅克饑部臣特

以此了局不顧其事之濟與否也錢糧一

朝告匱數萬之衆必散一散豈容易聚大

工報竣何時以此加罪臣死無足惜實無

益於

國事矣諸凡事宜容臣另疏酌

請外統祈

皇上斷自

宸衷而後大工可濟理合恭疏密

奏伏乞

聖明矜察施行臣不勝惶悚待

命之至

崇禎十六年正月十五日具奏二月初八

日奉聖旨據奏責成道府各員着速議覆

餘已有旨了該部知道

治河奏疏

卷上

三

念茲堂藏板

題為工大費繁錢糧必須湊手懇乞

聖明勅部速議免誤工作事塞決之役蒙

皇上發帑金十萬餘令部臣措處戶部尚書范

景文以折絹料價二十萬報

命業有成議矣二項雖係見年錢糧而文移往

復動經數月欲其依限徵解到工恐非旦

夕所敢望也帑金既盡此數萬之衆將束

手以待帑乎抑枵腹而于役乎錢糧不繼

夫役必散工作必停轉盼秋汛竊恐前工

治河奏疏

卷上

三

念茲堂藏板

盡棄彼時而責臣以延誤非臣之罪也請

勅總漕臣搜淮庫銀十萬兩兩淮鹽臣動鹽課

銀十萬兩星夜差官批解河上以佐急需

而以折絹料價抵還前項特一先後通融

便可應然眉之急此在司農無損而於河

務有濟伏祈

皇上勅部即日具覆檄漕鹽兩臣照數解工允

收臣不勝禱切顙望之至

崇禎十六年正月十八日具題二月初六

日奉聖旨新運在邇鳩工塞決萬難刻遲
本內兌支漕鹽銀兩是否可行該部即日
速議覆奏

治河奏疏

卷上

三

念茲堂藏板

題爲河工需夫孔亟徵夫甚艱謹請

聖裁就近調取以襄大舉事炤得塞決之役丁
夫其先務也臣之初心妄擬兩河饑民鱗
集持錢而呼百千萬億可以立應廼馳至
河北而一望蓬蒿罕見人跡大河以南則
鋒鏑餘生純頑異向不可問矣今築濬並
舉需夫甚多臣屬淮徐距河頗遠趨役甚
艱未便派取究西河北僅足萬人撫鎮之
兵亦止萬計此外則必需召募而應募寥
寥臣憂心如焚無可設法今察得北直隸
大名一府皆濱河近地與河北三郡錯壤
而居客冬比直督臣侯恂亦以大名充西
河北五郡之夫供濬河之役矣不自今日
始也第今大名一郡

勅書內未入臣轄臣未敢自便伏乞

皇上勅下畿南撫按飛檄該道府徵解壯夫二
千名給以口糧委官沿路催督限二月中
旬到工庶應役有人而報績有期矣至以

治河奏疏

卷上

三

念茲堂藏板

後就近行提則大名應歸臣轄如有應需夫料之處便可徑檄該道府隨時酌辦毋庸屢瀆

聖聰合並

奏明統惟

皇上睿鑒裁奪施行

崇禎十六年正月十八日具題二月初六日奉聖旨該部看議速奏

治河奏疏

卷上

三

念茲堂藏板

題為河工必藉兵防濬淺亦需兵力伏祈

勅下樞臣檄調鎮兵共襄河務事臣查堵塞汴

河決口工程浩大近合五郡之夫僅足供

築決之用而開濬舊河挽流東下則非借

力於撫鎮之兵不能各兵月糧之外復炤

丁夫日給工價兵亦何嘗不樂從且大兵

臨河不惟有資工作而聲靈彈壓外患潛

消所關匪細臣扎商河南撫臣王漢深以

為然毅然以首倡自任已撥撫標兵魚貫

而來矣特鎮臣陳永福駐懷慶卜從善駐

彰德相隔寫遠臣無樞銜未能調度雖屢

致手書終多觀望尚藉樞臣一檄之移勒

令兩鎮將備尅期領兵速趨河上聽臣分

布而後兩鎮始無瞻顧也濬河為築決先

着伏望

皇上勅部飛檄調發施行

崇禎十六年正月十八日具題二月初七

日奉聖旨兵部酌議速覆

治河奏疏

卷上

三

念茲堂藏板

題為恭報開工日期仰祈

睿裁事臣初至河上察勘情形徵取夫料並遴

選道府廳各員分任責成已於正月十五

日恭疏奏

聞知叨

聖鑒矣今既匝月而徐兗兩道之六料全未見

到即河北三郡近在咫尺賴按臣蘇京嚴

檄督催而後武安一邑之丁夫始至餘仍

未能湊手臣差役迭催往來如織大聲疾

治河奏疏

卷上

三

念茲堂藏板

呼舌敝頰禿不謂時事艱難人情玩愒至

於此極河上近狀最苦夫少臣出示招來

約以每人日給銀一錢且懸賞格以鼓好

義從無一人應募復令開封守李巖及標

下材官設法搜羅總得千人桃汛即屈萬

難久待謹就現在之人夫現到之埽料擇

吉於二月初七日開工訖倘三郡丁夫且

夕相繼並至則畚鍤之役可漸而施臣與

在事諸臣各乘小艇住宿河干督察工作

不敢刻懈但以極鉅極難之局而僅仰給

於河北三郡人役又不能依限而來臣竊

為河事慮也蓋河北當凶荒之後死徙十

去其七八數百里間蓬蒿滿目城內城外

鮮見烟火今徵夫六千已覺竭澤而漁大

河以南先死於鋒刃繼死於洪水今僅存

之哀鴻止可羈縻難於嚴督臣初料不及

此近取郡邑煮粥名冊檢核報數寥寥戶

口之耗已可概見大名丁夫尚近可助一

治河奏疏

卷上

三

念茲堂藏板

臂之力伏惟

皇上諭該撫按勒限到工庶幾有濟治河之法

先濬後築此一定之理也臣商之諸臣朱

家寨水勢較緩可以先築且先塞下流決

口然後開濬舊河庶東歸之水不得復折

而南於事甚穩今已從事於茲俟樞臣檄

至則調集鎮兵上緊開濬舊河先後繼舉

也正在興工間忽接部咨見科臣高翔漢

疏稱傳言新決之河漸次沙壅黃流將歸

故道等語臣閱之不勝駭異審如是則河
事易甚

國家之福臣之慶也又安借力於兵民哉夫河
上情形臺臣黃澍以頒賑之役經歷河干
皆所目擊故道之通塞可

召而問也科臣得之風聞原未身履其地無怪
其然特懼

皇上因科臣言而謂臣言不確則臣罪大矣擬

合一併

治河奏疏 卷上 三九 念茲堂藏板

奏明伏惟

睿照垂察施行

崇禎十六年二月初十日具題二十二日

奉聖旨據奏開濬日期知道了着上緊督

催竣役不許遲誤餘已有旨了該部知道

題為恭報朱家寨口築塞已完隄工將竣
仰祈

聖明垂察事汴河於本年二月初七日開工築
決臣已將開工日期繕疏奏

聞訖嗣是三郡丁夫奉按臣檄催亦旬日齊集

臣與南陽府知府李芳蘊衛輝府知府文

運衡朝夕董率開封府知府李巖同知牛

光斗彰德府同知趙允光歸德府通判朱

以霽或督辦物料或稽察工作自朱家寨

治河奏疏 卷上 四 念茲堂藏板

北岸起至馬家口東岸止築長隄一道綿

亘凡四百餘丈工已完三分之二而朱家

寨築決之工則已於二月二十七日告竣

矣開工之時河水淺涸故道不通自二月

十六日以後連日水長積增數尺舊河瀾

漫無際今水落河涸而中流一溝滔滔不

絕臣以小舟躬行察閱深可五六尺淺亦

三四尺此河勢東還一大機括也馬家口

自水長後益深益猛下手甚難約算工料

如柳稍以數百萬計，糜麻穀草以數十萬計。人夫以萬計，杉榆椿楸以數千計。此數種尚無一備，第物料猶可漸次購備。所慮惟錢糧告罄，人夫無措，仰懇

皇上裁斷俯允。臣節次疏請，而後事無掣肘。頃

因寇逼彰磁道路梗塞，以致奏報稽遲。臣

蒿目時艱，寢不安枕，食不下咽，尚祈

勅下閩外諸臣，迅掃寇氛，地方幸甚，生民幸甚。

統祈

治河奏疏 卷上 聖 念茲堂藏板

聖明垂察施行

崇禎十六年三月初三日具題，四月二十

九日奉聖旨：已有旨了。據奏河勢東還，其

馬家口錢糧着卽察發，餘着察奏該部知

道。

題為錢糧不繼，工作必停，仰請

聖明速賜裁示。事本年二月初六日，臣部主事

王介慶解到

帑金十萬兩，開工之後，夫糧料價費用不貲。

俟朱家寨隄工告成，後恐所餘無幾矣。臣

因舊河臣張國維有請動淮庫鹽課之議，

遂冒昧以此上請。詎戶臣傅淑訓爭執不

可，近准漕臣史可法回咨內稱：淮庫如洗，

絕無存留。乃知舊河臣亦懸揣無着，而戶

臣亦空爭無益也。萬不得已，則新河臣黃

希憲截留邳餉一項，可佐臣急需。乃工臣

議留而戶臣弗應。夫戶臣第知慎重錢糧，

以圖自便耳。違計運道與

陵園乎殊不知運道亦隸戶部要務，而

陵園重大，凡為臣子者，尤當同抱剝膚之慟。臣

不料其秦越視之也。今事已急，或截留邳

餉，或再發

內帑，惟望

治河奏疏 卷上 聖 念茲堂藏板

皇上斷白

宸衷立賜接濟若仍

下部議覆則終屬空談無裨實用矣舍此二者

而候折絹料價之解納恐今歲尚難望到

臣 株守河干無所事事則須暫停工作俟

錢糧解到而後可另議興舉也統惟

聖明裁奪

勅示施行

崇禎十六年三月初三日具題四月二十

治河奏疏

卷上

聖 念茲堂藏板

八日奉聖旨决口亟資築塞何得輕請停

工所需錢糧着戶工二部酌議欵項速圖

接濟如有拘執諉卸致誤工作責有所歸

題為河工需夫甚急措處之法已窮懇乞

聖明俯允前請以濟急工事 臣 惟河上之役徵

夫於近河郡邑此舊例也即 臣 所領

勅書亦載合用夫炤常於河道項下附近有

司軍衛衙門調取今汴河附近唯彰德衛

輝懷慶兗州大名五郡耳河北三郡已役

隄工兗州人夫亦將鱗集 臣 咨行畿南撫

按徵夫大名其勢實不容已所以奏

請者以大名非 臣 原奉

治河奏疏

卷上

聖 念茲堂藏板

勅書所載不敢擅便也近接邸報見該部覆 臣

前疏奉有

興舉工役正可就近救饑招流若鳩募有方

人夫自當漸集何必遠徵大名之

諭旨 臣 敬釋

聖意淵微欲以河役惠窮黎且省天雉騷動耳

臣 知識短淺何敢再申前說夫地方有大

工大役即可救饑招流 臣 當

陛辭時即以此條 奏矣及到汴梁而後知前

言之不能行也河北人跡寥寥無流可招
河南之人半為異類撫臣設法招徠仍無
應募臣豈能強之使來哉大名古澶淵地
與河北交西錯壤而居如東明長垣皆臨
河邑誰非

皇上赤子魯衛之民于役河干而澶淵獨安枕
而臥豈翳魯衛不服即澶淵官民亦內顧
不安也今議塞馬家決口計工須數月用
夫須數萬充大之外尚當借助於遠方若
並大名之夫不用以臣庸愚實無良策臣
為工料人夫措辦實艱中夜徬徨常坐以
待旦數月內心血已枯

皇上課工欲速而令臣不得展布手足智盡能
索勢必貽誤臣雖膏

皇上之鉄鉞無補

陵運之陆危伏乞

聖慈鑒臣苦衷允臣所請河事幸甚

陵運幸甚臣無任悚仄企懇之至

治河奏疏

卷上

聖

念茲堂藏板

崇禎十六年三月初三日具題四月二十
八日奉聖旨該部速議覆奏

治河奏疏

卷上

聖

念茲堂藏板

題爲司官舉動乖張謹列款糾參仰祈

聖明

勅部議處以儆官邪以安地方事炤得河北頻

歲凶荒物力既消生齒幾盡三郡中衛輝

尤甚臣屢經其地數百里間滿目蓬蒿竟

無燕巢之林木矣追維往古富庶之業及

祖宗數百年休養生息之恩而今零落何如不

禁潸然淚下也臣於工次及各官會集時

諄諄以勞來安集屬望有司不謂琢削元

治河奏疏

卷上

聖

念茲堂藏板

氣乃自臣部司官始若駐劄輝縣監督衛

河都水師郎中李茂松誠難一刻姑容者

也汴之距輝方二百里見聞頗悉頃輝縣

丁夫于役河上臣朝夕閱工密行訪察其

言亦符因密飭道府確查據所揭亦同謹

以李茂松劣款爲

皇上陳之

一本官妄設中軍官江汴李奇昌等擅自招

置河兵出巡旌旗蔽野各兵原屬無賴又

無口糧惟以強取充肥士民驚擾

一糧船近壩放水濟運糧過仍聽民間灌田

此舊例也詎本官概行禁止凡支流小河

及旁渠岸汲者差快手王永興等鎖拿該

官役嚇詐得吳寡婦李得夏諸家各銀二

三十兩不等被害龐禮趙子賢証

一輝邑田地窪下止堪種稻今既斷絕水源

田盡荒蕪各里賠納稅糧已不堪其累詎

本官衙門供應及夫馬料草無一不按畝

治河奏疏

卷上

聖

念茲堂藏板

科派五閘老人魏國仕等証

一卓水九聖營諸處地本下濕不與衛河相

通無資衛水灌溉本官亦佯爲禁止暗使

腹書郎同林馬煥關說按畝歛銀方許種

稻每歲婪得銀三百餘兩鄉民陳治邦生

員和願過付証

一前歲天旱稻槁糧船未到時士民公呈籲

水灌田本官一力把截喉腹書馬煥腹快

郭寬等每閘索銀五十兩方准開閘放水

五關共得銀二百五十兩馬煥等得錢二十五千俱裴二春元過付証

一智字鬧鄉民堵水捕魚皂隸趙明需索不遂愆息本官差快手郭象雍拘拏徐得寅等非刑拷打究出主使橫索銀一百兩釋放書辦郎同林過付可審受害鄉民証

一本官米麵柴薪全不給價行戶逃走有鄉民持兎币賣者虎役王永興輒敢強奪有縣吏王之翰勸解王永興遂誣稟本官拏

責三十大板幾至斃命王之翰証

一私委中軍官江泮查河舟泊清華鎮時值炎暑江泮禁人畜不得飲於河緣本地素未鑿井居民依河為汲人心惶駭江泮詐騙金錢無算本鎮受害鄉民証

此一官者居心貪詐作事恣橫假漕務以行私藉水衙為壟斷應嚴加議處以肅法紀私設中軍江泮等張牙露爪荼毒一方人側目應行按臣提問以舒眾憤臣謹會

治河奏疏

卷上

聖

念茲堂藏板

同巡按河南兼管監軍監察御史臣蘇京合詞糾參伏乞

聖明垂鑒

勅下吏部察議施行

崇禎十六年三月十一日具題四月二十三日奉聖旨據參李茂松貪橫無狀着革了職同本內江泮等有名人犯着錦衣衛差官旗拿解來京從重究問該衙門知道

治河奏疏

卷上

幸

念茲堂藏板

題爲水利必須便民冗官亟宜裁汰仰懇
聖鑒以蘇疾苦事臣惟衛河之水發源於輝縣
之蘇門山合淇沁諸水東北至臨清入會
通河濟運以入渤海

國初設臣部司官一員專以繕治漕艘非治水

也至嘉靖三年甲申以衛河漕船改造清

江浦而部員遂裁自崇禎十三年庚辰

辛巳之間因河北亢旱衛源亦竭乃復設

司員疏濬水利不過一時權宜非必不可

治河奏疏

卷上

至 念茲堂藏板

少之官也臣伏查輝邑地勢窪下不宜菽

麥土人因窪引水營田種稻爲活由來已

久先年知縣郭淳建閘以資蓄洩院道因

之又增四閘蓄水灌溉遂成沃壤民甚賴

焉萬歷七年戊寅知縣聶良杞慮五閘啓

閉失宜有妨漕運於是條議運船過臨清

方許閉閘蓄水官民兩便爲法頗良自分

司設而水盡歸於官以後夤緣作奸不問

運河之需水與否一概官爲禁阻令民不

得稍沾餘潤而恒產悉荒生計日促矣臣

愚以爲官多擾民役多害民誠萬世不易

之格言如臣部監督衛河都水司郎中李

茂松劣蹟昭著民怨沸騰經臣廉訪列款

糾叅在案此其明驗仰惟

皇上勤求民隱宵旰焦勞無遠弗届無微不燭

臣等凡有見聞俱宜入

告竊以輝縣衛源之水卽輝縣萬民之命漕運

固宜重而民瘼尤宜卹何至竭民生計以

治河奏疏

卷上

至 念茲堂藏板

助運哉臣與按臣商確莫若仍照舊例以

因時故閉歸之有司責令河道統轄知府

稽查而衛河監督一缺竟可永裁則

國計民生兩無妨碍俾輝人蒙樂利之澤皆

出

皇上再造之恩矣臣謹會同巡按河南兼管監

軍監察御史臣蘇京合詞上請伏乞

皇上裁奪

勅下工部議覆施行

崇禎十六年三月二十一日具題四月二
十七日奉聖旨該部速議具奏

台可奏疏

卷上

三

念茲堂藏板

上聞仰祈
聖明垂察事恭炤治河之役朱家寨口築塞已
先隄工四百餘丈今已告竣矣又自馬家
口西岸築隄一道長百餘丈直接舊隄亦
已起工四月內可即報完祇餘馬家口百
丈洪溝工力難施驟難奏效卜吉於三月
初七日開工臣與河道僉事方大猷東西
洽河奏疏
案下
念茲堂藏板

並築東岸已進十餘丈至三十四日連
傾數埽又令埽手收築上流復進十餘丈
至二十一日午刻諸埽皆動全基漂流舉
半月之工萬金之料頃刻付之洪波蓋黃
河之水建瓴而下其勢甚猛中州土性疎
浮水底淤泥深而且滑椿埽入水不能住
脚故隨築隨走即欲勉強加工終難着實
徒費金錢無益也察西岸水勢稍平今當
暫停東岸而專事西岸但得數十丈椿埽

安穩則決口漸約河必東分故道既通水勢自殺從此而徐圖進步方克有濟伏念臣親承

皇上面諭受事以來稜食俱廢朝夕工所躬自督率雖細微之事手眼必經即風雨之時不遑寧處未及兩月而工已完十分之七不為不速矣特此百丈狂瀾人事已窮天工有待似應稍遲機候日下非臣智力所能與怒濤爭勝也謹據實

治河奏疏

卷下

二

念茲堂藏板

上聞伏祈

聖明洞鑒施行

崇禎十六年三月二十六日具題四月二十五日奉聖旨已有旨了周堪賡踰限已久着上緊築塞竣工不得以情事難必推諉致有稽誤該部知道

題為彙報已完之工兼陳未竟之局仰請寬限以奏成功事臣惟治河之役自古稱難愚昧如臣材力駑下謬蒙

皇上特遣鼻以重任臣何敢辭受事以來夙夜匪懈異圖報稱以副

簡書初春至汴梁催辦夫料二月董役開工仰藉

宸嚴諸員協力朱家寨口業於二月二十七日塞完隨於三月初三日具疏奏

治河奏疏

卷下

三

念茲堂藏板

聞矣嗣是董築隄工自朱家寨之比抵馬家口之東築隄一道長三百七十五丈頂廣三丈趾廣八丈岸地高一丈窪地高一丈五尺水工則捲埽為基層累而上高三丈矣三者高下弗一總與頂齊也自馬家口西岸南接舊隄築隄一道長一百零九丈又於新隄之旁西接舊隄築隄一道長八十三丈頂趾之廣悉與前同高俱一丈皆崇地也以上三段共隄五百六十七丈皆全

治河奏疏

卷下

四

念茲堂藏板

完矣所未就緒者特馬家決口耳決口寬一百二十丈西岸水深流緩已築三十丈督工者河道僉事方大猷也東岸水深流急築而潰者凡數次今又改築十六丈督工者南陽府知府李芳蘊也中流七十餘丈水勢浩瀚不敢前進常令埽手以輕舟橫渡探驗淺深有深三丈五尺者有不得底裏者臨流拭目衆兵夫毛骨竦然日與諸員細心商度終無下手之策若貪功妄進衝激怒濤恐已築之壩亦不能保有限金錢輕付一擲無益於事不如待時之爲愈也今議暫停矣土人言夏秋水漲用工非時霜降以後河流漸涸水勢亦弱始能下埽知府李芳蘊等廣詢博訪胥以爲然土人生長水濱各官亦久歷河務其言不謬也目下伏水秋水相繼泛漫惟多用夫朝夕防護能令兩岸壩工安穩無恙則秋深水落因時加工此數十丈決口可計

治河奏疏

卷下

五

念茲堂藏板

日告成矣決口未塞水勢宜疏臣委歸德府通判朱以霖於故道北岸相度地形挑濬一渠長四百丈濶十五丈深一丈今已完工通流矣兩岸有壩決口自約且有分水之渠夏日水盛河流自爾東分運道不患無水也臣屢奉恩綸捐軀遑惜豈不願尅期竣事仰慰聖懷不謂河上情形實有難於勉強之處雖瀝血嘔心何能與水爲敵今欽限已踰工猶未竣臣罪矣辭伏乞皇上俯賜嚴察罷斥施行崇禎十六年五月初三日具題六月初五日奉聖旨馬家口宜築塞何遠限已久始議停工周堪廣着遵旨上緊督竣不得再遲取罪該部知道

題爲工料已罄錢糧不敷仰祈

勅部速撥以濟急需事照得河工錢糧臣於

陛辭時具有治河欽蒙

特遣等事一疏該臣部覆奉

聖旨督修汴河原與河臣協同任事沿河司道

府縣印河各官照例節制事竣覈叙所用錢

糧除發帑十萬兩及原議動稿賞行糧等銀

十萬五千外料價段正約二十萬准就近取

用今察河銀歲額甚多該部前覆綜覈疏甚

治河奏疏

卷下

六

念茲堂藏板

明着周堪賡黃希憲通融支算不必別商撥

括餘依議欽此臣到汴之日卽行衛輝府提

取稿賞行糧等銀五萬五千兩咨山東撫

臣王永吉催取那借銀五萬兩去後隨據

衛輝府申稱前項銀兩節經撫按兩院題

留及督師侯恂取用止餘銀一萬兩解赴

封邱縣庫給開封府同知牛光斗領辦工

料訖山東撫臣回咨稱司庫如洗無可那

動是此十萬五千之題覆僅收一萬之實

用也若省直料價段正則未見分毫解到

又臣部覆總河臣黃希憲題留那餉奉有

河工急需着督餉侍郎黨崇雅察明外嗣後

錢糧有關工部項下者應酌發周堪賡以資

接濟之

諭旨欽此臣隨行濟寧道察解據該道申稱工

部項下原有四萬二千二百五十三兩督

餉黨侍郎止發銀二萬一千八百八十六

兩一分入釐一絲除奉總河留銀二千兩

治河奏疏

卷下

七

念茲堂藏板

爲雇夫之用餘銀一萬九千八百八十六

兩零委官押解前來等因到臣爲炤築決

之役全憑埽料支撐泥水之中怒流衝撼

變態莫測往往有工垂成而忽飄沒改築

數次而工始完者古人治河曠日持久動

費數百萬良有以也馬家口築而潰者亦

數見矣今兩岸之壩雖築數十丈而秋水

瀚浩單弱可虞儲備埽料爲中流之用者

不敢不廣爲之備約算柳稍須六十萬餘

豫須五十萬格極數千草菱數百萬此數
種者即需銀八萬有奇而人工不與焉今
埽料已盡錢糧不繼何以措手光陰易過
中心如焚臣此時不得不大聲疾呼也河
工錢糧臣令主事王介慶駐封邱專司收
放開封府同知牛光斗承辦一應工料彰
德府同知趙允光給散夫糧兩官支領錢
糧俱於河道掛號互相稽覈事完報監督
主事造冊

治河奏疏

卷下

八

念茲堂藏板

奏銷臣但調度工作籌算物料而於錢糧毫
不假手方寸甚清空也自

帑金十萬之外止收過二萬九千八百八十
六兩零用之甚約今不必如原議三十萬
之多但以十萬兩目前接濟亦可完工伏
乞

勅部速為措發或將附近省直料價等銀不拘
年分差司官一員星馳督催解工應用庶
大工有賴而臣得藉手報完矣臣曷勝道

切禱懇之至

崇禎十六年五月初三日具題五月二十
九日奉聖旨河工原派錢糧頗多據奏所
收數目無幾是何緣故着察明具奏仍一
面速催接濟該部知道

治河奏疏

卷下

九

念茲堂藏板

題為河工需蘇其殷錢糧就近取用謹恭
疏奏明乞

勅部撥補以便銷算事竊昭河工捲掃需用蘇
蘇以數十萬計年來兩河荒旱商販不通
必南走邳宿北走廣順購之千里之外以
應工需近今賊息飄忽不常錢糧艱於轉
運察直隸廣平府十五年練餉銀一萬一
千九百二十七兩零先經督餉侍郎黨崇
雅催解入豫為軍餉旋因撤師未用貯庫
治河奏疏 卷下 十 念茲堂藏板

伏思兵糧工料總為豫省公用均

皇上帑金也 臣咨明真保撫按并行廣平府動

支前項餉銀給南陽府知府李芳蘊領收

就近於廣順市店中收買蘇蘇李守已起

程赴廣平領銀矣特練餉係戶部錢糧未

免猶存畛域伏乞

勅下 臣部以比直價料昭數撥還戶部庶錢糧

各歸各款而有司亦便於銷算矣

崇禎十六年五月初三日具題六月初五

臣奉聖旨該部即行察撥這本內洗補用
日着交周堪廣察明回奏

治河奏疏 卷下 十 念茲堂藏板

題爲河流漸次東分決口再築復潰當守已成而待時無圖難進以糜帑謹集衆議審河勢訪運道仰祈

寬限以副

簡命事臣惟治河之以所塞朱家寨口併築堤五百六十餘丈續工至馬家口潰埽數次俱經疏報訖憶臣初至河干汪洋無際茫無措手幸塞口築堤後河雖湍急駭人所留止一百二十丈之口未塞耳兩岸齊埽

治河奏疏

卷下

三

念茲堂藏板

又四十六丈矣忽於本月初五日水漲五六尺河之正道半折而東半趨於南問諸邳徐來役俱云水歸故道者十分之四漕艘可行臣與有事諸臣咸手額稱慶頌

皇上如

天之福致陽侯效順百靈呵護迥異尋常但決口刷衝已深舊河淤久急難盡返也又於本月十五日水漲如前怒濤洶湧聲吼如雷馬家口東埽復潰水竟繇地而出勢如

奔馬埽底泥滑下卽滾去所釘三四丈杉椿皆隨埽而走莫克牽挽此尚可以底裏測人事勝哉臣此役也值兵荒之後百物彫耗所購埽料價皆數倍往昔求之甚艱得之不易亦安肯嘗試於洪波而不爲

朝廷惜物力耶前舊河臣張國維請用銀三十萬諸臣皆以爲未足又增至五十萬今臣築塞工已過半所用視前請止三分之一臣不經手錢糧空空洞洞所以仰報

治河奏疏

卷下

三

念茲堂藏板

皇上者此方寸地耳目今權宜緩急堤工與塞口皆新土新埽伏秋在卽危如累卵日夜嚴防尚恐疎虞是以再築則請待秋冬如用兵之量敵而進守護則無分曉夜如用兵之堅壘待時臣揮汗赤日中寢食兩廢心血幾枯惟與在工諸臣殫風宿露不車不蓋何敢言勞總期不負

簡命以報

君恩於萬一耳伏祈

聖明鑒察施行

崇禎十六年五月十九日具題六月二十

一日奉聖旨據奏馬家口東埽復潰明係

疎虞何得盡歸水漲周堪廢着上緊用心

護築不得再悞該部知道

治河奏疏

卷下

十四

念茲堂藏板

題為司官已經察處錢糧收放乏人仰請

聖裁

俯留竣事以便

奏繳事治河之役蒙

皇上發帑金十萬委臣部主事王介慶領解至

汴專司支放責綦重矣今據本官呈稱以

前任浙江泰順縣知縣察議調簡例應離

任請官交代等情到臣為炤請官交代為

日甚奢工程經手錢糧前後兩官

治河奏疏

卷下

十五

念茲堂藏板

奏繳未便本官雖經察議第處分尚輕相應

仰懇

皇上天恩暫留王介慶仍司收放俟河工告竣

奏繳清楚之日由臣給咨赴部聽候調用俾

得一手經理不致錯溷而臣亦得收臂指

之力矣伏乞

勅部議覆施行

崇禎十六年五月十九日具題六月二十

一日奉聖旨王介慶准暫留工該部知道

題爲恭報河還故道仰慰

聖懷懇留襄事之官以竣大工事臣惟築汴之役自朱家寨口既塞隄工築完河之東注者不得復折而南矣馬家口東壩雖潰而西埽安穩決口既約河勢亦不得不東此自然之理也臣與各官朝夕河干護守隄壩以防南溢疏濬東流導之攸往自五月二十八日並六月十五等日伏水大漲故道沙灘壅涸之處漸漸疏刷深至數丈而

清河奏疏

卷下

十六

念茲堂藏板

河之大勢盡歸於東其分行於決口者不過十分之三耳數日內客販之船從淮徐而來者舳舻相望商民色喜此亦年來僅見之光景也今工雖未能即竣而運道大通

陵園無慮

聖衷可舒南顧憂矣惟是轉瞬秋深興築在邇鳩工辦料全在得人臣初疏所請分任責成者人非不多

旨非不嚴然皆巧托規卸無濟

國事其能鞠躬盡瘁與臣同心者止河道僉事方大猷南陽府知府李芳蘊兩人耳大猷身為河道職掌本專彼既肯自罄其血誠人亦不得牽制其手足若知府李芳蘊自臣題允來工後該守能悉心經理即風雨晦冥未嘗一刻離臣左右臣亦倚之如左右手如河工需縻數十萬皆購之數千里外臣蚤夜圖維欲求一可托之人而不

清河奏疏

卷下

十七

念茲堂藏板

得本官慨然自任率其子姓姻婭比走廣順南走徐淮錢糧織悉畢清買運及時接濟臣之得措手於河事者本官之力也近聞分守汝南道叅議郭載駮以地方需員於撫按前催之赴任令本官徬徨瞻顧不能盡其心力其意蓋欲阻撓河事與臣為忤而借南陽為題目也夫載駮非南陽道應駐劄南陽者乎知府奉調道員豈不能料理地方之事乃該道安坐河北足不涉

南陽之境而必將現在供事河工者促之
使行彼豈真爲地方耶今數十萬之糶
買運方新深秋水落鳩工伊邇河上諸務
舍芳蘊萬萬不能臣奉

匱書司道以下均聽節制而中州之道府有司
遇事怠玩非明爲推卸卽暗肆排擠如叅
議郭載駮者流腔子旣無良心眼底豈有
功令求其以身任事而並萃姻族子弟均爲
國用如知府李芳蘊者實難其人也伏望

治河奏疏

卷下

大 念茲堂藏板

皇上垂念河工重務人才難得

俯允臣請將知府李芳蘊隨臣治河俟大工告
成始理郡事如南陽需人不能久待則請
出缺另補庶本官得專心河務而臣亦不
致受制於僉壬矣伏惟

聖裁

勅部議覆施行臣不勝激切懇請之至

崇禎十六年六月十六日具題七月初

日奉聖旨據奏河勢東注運道已通知道

了着卽尅期鳩工早圖奏績至責成知府
李芳蘊事宜仍卽確議速覆其有心抗阻
之汝南道郭載駮亦着嚴察該部院知道

治河奏疏

卷下

九 念茲堂藏板

題爲錢糧屢請未到工料措辦無資時光
易邁耽誤可憂懇乞

聖明嚴限速解以濟急工事馬家口工大費繁
臣於三月初旬卽具疏仰

請又懇催數次迺

明旨屢頒議同築舍工臣之心血已枯計臣之
偏執不化致令有限居諸祇從空談錯過
向使錢糧應手物料克裕春日載陽夏水
未漲塞決之役寧至需之今日哉聞新計

清河奏疏

卷下

三

念茲堂藏板

臣體念

國事已計邵餉四萬兩又還蘄督截留臣部
銀二萬四百兩業已差官持檄於餉司俞
泰交處督催解工矣惟是淮之距汴方千
五百里卽迅速督運亦至八月始得到工
若稍悠緩視如秦越殆不可問今數十萬
之工料買運方殷而錢糧不至諸事廢擱
曠時誤事不揆所繇而但責臣以速竣臣
能張空拳與洪濤爭勝耶言念及此食不

下咽伏望

皇上嚴限餉司星馳截解并諭臣部力催省直
料段等銀相繼接濟使臣得乘時集事庶
河工告竣有期而浹歲辛勞亦有息肩之
日矣

崇禎十六年七月初十日具題八月初一
日奉聖旨河工銀兩着嚴催接濟該部知
道

治河奏疏

卷下

三

念茲堂藏板

題爲遵

旨回奏乞

忘認罪事本年六月二十二日接工部咨工科

抄出該臣題爲河上需蔴甚殷錢糧就近

取用等事奉

聖旨該部卽行察撥這本內洗補月日着周堪

賡察明回奏欽此欽遵抄出到部移咨到

臣恭捧

明繪不勝悚惕隨將寫本書役傳國瑞鞠問洗

治河奏疏

卷下

三 念茲堂藏板

補緣繇供明在案該臣察得臣隨行書役

止三名兩名管催工料文移一名管寫揭

帖本章四月杪先發河工需蔴甚殷等事

本稿一幅書役傳國瑞已經寫完填註月

日矣次發彙報已完之工等事及工料已

竭錢糧不敷等事本稿二幅則至五月初

二日繕寫始完五月初三日該役遂將前

本洗改五月日期同日封賞也夫本揭請

自一人力難速應少稽時日猶可原也特

月日已過卽應另寫乃以原本改換月日

苟且塞責雖無他弊而怠玩不慎罪其能

道乎臣朝夕工前事務勿冗不及細心簡

閱仰煩

明旨行察疎畧負罪臣亦無容自寬矣除將書

役傳國瑞重加懲儆外臣謹席藁待罪伏

惟

聖明矜宥施行

崇禎十六年七月初十日具題七月二十

治河奏疏

卷下

三 念茲堂藏板

六日奉聖旨知道了以後還着恪慎該部

知道

題爲黃流泛漲異常賊鋒披猖愈熾敬陳
防堤更須防寇用夫兼寓用兵謹瀝誠

上聞仰寬

睿慮事查汴工自朱家寨口已塞捍以重堤河
還故道今漕運將竣

陵園無虞仰賴

皇上如

天之福臣更何敢自怠仍日駐河干與道府等

官或疏或築期於冬月報完詎自七月陰

治河奏疏

卷下

五

念茲堂藏板

雨連旬至八月間秋水大發高至丈許一

望瀾漫自荊隆口抵陳橋一帶陸地水深

數尺居民負木憑舟徙之高阜水勢甚猛

近日新堤又有蟄陷正在調撥工料尅期

搶築忽報闖賊全隊而來有奪船紮筏航

航虎渡之勢自汴徂雒風鶴時驚沿河船

隻皆去防盜運料已暫停矣茲察烽火叢

中人心未免惶懼幸臣自五六月抱病後

今身體幸已全愈每念賊燄滔天皆裂髮

豎誓不願與此賊同生現飭鎮道簡練兵

夫選備器械曉夜戒嚴未敢稍懈凡在工

文武兵民自祖父食毛踐土以來沐

朝廷數百年培養之澤豈無同仇敵愾之心臣

鼓以忠義動以天良人皆感泣無不以十

當百倘不用命有

皇上之三尺在又飛扎撫臣互相犄角臣以河

上爲生死防禦謹嚴賊無敢有從榮澤沁

水渡河者近聞總督孫傳庭兵已出關一

治河奏疏

卷下

五

念茲堂藏板

月三捷當在此時倘賊鋒挫而施工便

天人相乘歲杪固可完工卽或蕩平有待轉盼

秋深水亦漸落而奏績之期亦可計日待

也臣恐

皇上眷念河務重煩

九重宵旰之憂臣罪滋大合將工上防賊機宜

現在聲援大壯無虞窺伺緣由據實

奏明伏乞

睿鑒臣不勝悚仄待

命之至

崇禎十六年八月二十七日具題九月二十一日奉聖旨知道了該部知道

清河奏疏

卷下

壬 念茲堂藏板

題為 奏明河工銀兩仰祈

聖鑒事准工部咨都水清吏司案呈崇禎十六年五月初三日奉本部送工料抄出保督侯恂題前事內開炤得黃河南徙原係總河臣張國維謂事關

陵運題 請以臣治河國維隨至河干親行勘

驗又謂水凍已迫河工難以姑待即趨臣立刻鳩工臣辭之不獲當同國維及監軍

王燮御史王漢升鎮道諸臣公同確商欲

清河奏疏

卷下

壬 念茲堂藏板

塞決口先殺水勢一面催備埽料一面催督開濬枝河計工程一千餘丈檄集兵夫分頭挑挖臣親駐舟中曉夜督催嗣因部臣糾臣調度失宜河工於是暫停此河事之始末也至各兵夫認限分工除臣標下新丁鼓以子來之誼踴躍趨事尚未領銀外其餘鎮道府廳有完枝河之工五分者有完三分者應領錢糧臣不敢盡給今挑過工程見在可察領過銀兩領狀見存伏

乞

勅下該部行令新河臣察議如仍用挑濬枝河則前工已領之銀當為開銷未領之銀當為給補其報工多而領銀少者仍當酌補以酬兵夫之勞如別有布置則領過錢糧在各鎮者扣抵兵餉在各道府廳者扣抵夫役工食可也再炤原題治河應動山東總兵官劉澤清捐存未支行糧銀一萬兩今用過五千四百九十兩二錢餘銀四千

清河奏疏

卷下

壬

念茲堂藏板

五百九兩八錢又議臣衙門存剩犒賞銀一萬五千兩那借兵餉銀三萬兩嗣因賑濟招撫及買馬等項支用一切主客官兵賞犒月餉行鹽更須接濟前項犒賞兵餉銀兩遂難儲待河工此亦時勢之不得不然月敢一併

奏明者也等因崇禎十六年五月初二日奉聖旨該部覈議具覆欽此欽遵案察上年十一月內該本部題為躬勘決河情形等事覆

前總河張國維議動河工銀兩內開見在行糧銀一萬兩犒賞銀一萬五千兩軍前那借三萬兩東省藩司那動五萬兩等因奉

聖旨修築決口工不容緩着一面將見在犒賞那借作速料理餘會戶部酌妥奏奪欽遵在案今保督侯恂奏明前銀相應具覆案呈到部該臣看得河決之始舊河臣張國維請就近責成以保督侯恂料理其事而

治河奏疏

卷下

壬

念茲堂藏板

應用錢糧議動行糧銀一萬兩犒賞銀一萬五千兩軍前那借銀三萬兩河臣一面具疏一面催令興工矣繼而工程毫無就緒欽奉

特遣工部侍郎周堪賡前往侯恂遂不與治河之事今據疏稱犒賞兵餉聽軍前支用外河工用過行糧銀五千四百九十兩二錢有冊可察所餘四千五百九兩八錢已經移咨侍郎周堪賡取用接濟外至於動支

數目今矧挑濬枝河應領工價開銷酌補
或依數扣賞總聽周堪廣核明

奏銷可也既經保督侯恂具題該司案呈前
來相應覆奏恭候

命下欽遵施行崇禎十六年五月三十日奉

聖旨是着欽差周堪廣覈明奏銷欽此欽遵抄

出到部移咨到臣隨行河南河道速將保

督侯恂挑濬枝河深廣丈尺役過兵夫並

已領未領銀兩逐加確核又行衛輝府速

治河奏疏

卷下

三 念茲堂藏板

將保督侯恂支剩行糧銀四千五百九兩

八錢解工應用去後續據河南按察司水

利道僉事方大猷呈稱遵奉文行隨轉行

開封府河北廳清察覈實據該廳報稱察

得崇禎十五年十月內蒙侯督院親詣河

干督修河工在於北岸挑濬枝河一道西

自馬家寨起東至朱家寨北岸止除河勢

坍塌外現存沿長一千丈寬十丈至於卑

職并河南桑同知雖經挑濬枝河各三十

丈並無支領工食銀兩及察各營兵丁挑

挖枝河俱經侯督院親自料理有無領銀

並非卑職等經手其領狀無憑稽察理合

申覆等情到道據此該職道看得保督挑

濬枝河據北河廳覆覈西自馬家寨起東

至朱家寨止除河勢坍塌現存沿長一千

丈寬十丈至南北兩河廳各挑三十丈據

稱俱未支領工食其各營兵丁挑挖工銀

原係保督親自料理並無遺留卷案職道

治河奏疏

卷下

三 念茲堂藏板

無憑稽考但河痕現在支費無幾似應准

與開銷等情又據衛輝府知府文運衡申

稱察得先蒙戶部發銀十萬兩又蒙兵部

發銀五萬兩內除短少并低潮銀一千四

十八兩七錢實收銀四萬八千九百五十

一兩三錢工項共銀十四萬八千九百五

十一兩三錢節蒙保督軍前取用銀八萬

兩蒙撫按王御史明文支給左鎮銀二萬

八千九百五十一兩三錢王撫院題留銀

二萬兩撫按嚴御史題留銀一萬兩以上
共支動過銀十三萬八千九百五十一兩
三錢止剩銀一萬兩於本年正月十八日
批差淇縣典史王士彥解赴河工交收訖
並無庫貯銀兩無憑起解各等情到臣該
臣看得保督侯恂所濬枝河一道西自馬
家寨起東至朱家寨止沿長一千丈臣初
春至河相度詢據土人指明工段其中有
深丈餘者有挑未及數尺者又有開濬舊
痕被沙淤壅者實係工程草率臣不能為
侯恂諱也今據道廳府稱當日工程胥督
臣自為經理督臣既去鎮道亦散並無文
卷可稽則工程分數與已領未領銀兩均
難深求今所挑之處委於河工無益而用
過銀五千餘兩可否開銷之處臣不敢擅
專伏候

聖裁至所報餘銀四千五百九兩八錢臣奉
命之時曾經部題行糧犒賞等銀五萬五千兩

治河奏疏

卷十

三

念茲堂藏板

東撫那借銀五萬兩共十萬五千兩奉有
准就近取用之

旨臣行衛輝府察取止存一萬兩已解到工經
臣具疏

奏明訖今按該府回文則督臣所報之數即
在一萬兩之內別無存留銀兩矣既據道
府察覈前來相應遵

旨奏明恭候

勅部察照施行

治河奏疏

卷下

三

念茲堂藏板

崇禎十六年八月二十七日具題十二月
十四日奉聖旨據奏侯恂支給工銀五千
餘兩並無文卷從前原屬草率何得瀆請
開銷其原取用銀八萬兩亦着確核具奏
修河久已逾限會否完工周堪廣着上緊
督竣仍速回奏該部知道

題爲馬家决口築塞已完河悉東還大工
將竣謹恭疏報

聞仰慰

聖懷事 臣奉

命往汴自春徂冬斯夕水次此身此心寤寐惟

河也盛夏之時水勢漸東 臣不勝喜迺 臣

一病幾危乍聞賊警舂鍤之徒幾至鳥驚

獸散彼時亦不知賊之去來身之安危幸

死而不死猶留殘喘以報

治河奏疏

卷下

三

念茲堂藏板

皇上數日後 臣病漸瘳哀鴻復集仍分段力作

秋月又值陰雨連旬河水大漲南流甚猛

堤日坍而口日濶詎冠孽復來窺矚先張

聲勢沿河料積如山有放火燒料殺官劫

餉之語 臣先辦一死申明號令嚴搜姦細

一夕之間壁壘已成賊亦宵遁節經

奏明訖奈憂勞之餘舊病復發骨立形銷 臣

自分餘生得之意外何敢再有愛惜終夜

繞榻而行欲乘時用衆爲 必計爰相度

河勢春夏所築之基漸逼衝溜恐不足恃

復另勘一區於南數百步外擇吉以九月

十一日開工 臣力疾董率委僉事方大猷

督運柳稍同知牛光斗催辦工料同知趙

允光給散夫糧 臣與知府李芳蘊東西並

築水之淺者捲柳爲基層累而築凡二百

五十丈水深四五丈泥沙深丈餘捲丈高

大埽壘至八層始出水面者凡四十餘丈

奈水深沙漾流湍椿埽虛懸危如累卵至

治河奏疏

卷下

三

念茲堂藏板

合尖之際口愈約而濤愈怒用工益艱塞

而復衝者數次至十月杪 臣與道府用數

千人更番供役宵旦並作目不交睫者十

晝夜十一月朔 臣虔誠祈禱仰賴

皇上聖德格天神人協應於初四日丑刻向時

漾沙壅聚之處忽漸東徙水勢驟平 臣與

知府李芳蘊晝夜分立東西壩臺督令椿

埽齊下於十一月初六日戌刻合龍門矣

今南流斷絕河悉東還惟椿埽尚須密護

隄工修築方殷耳謹恭疏馳
奏仰慰

聖明南顧之憂修過工段統候工完彙報伏祈
聖鑒施行

崇禎十六年十一月初八日具題十二月
初一日奉聖旨知道了仍着周堪賡將做
過河工繪圖進覽其餘在事的亦着覈叙
該部院知道

治河奏疏

卷下

三
念茲堂藏板

題為特參玩誤有司仰請

勅部嚴加議處並責成道員董率完工事照得

治河之役事艱任鉅經年夫料臣與工員
竭力區畫未敢望助於人今決口塞而河
東還矣隄工包護須密用夫更多臣誠信
招徠人情踴躍自願領築者不下萬人然
工大人少不能不借力於近河郡邑也數
月之前行文徵調又手書分致各道員殷
殷囑託冀屆期雲集可一氣呵成豫中州
縣尚如約而來總繇該道督催有方人無
敢玩詎大名道副使朱廷煥所轄之元城
大名魏縣三邑則舌敝顏禿全不着心迄
今各工將完而三縣之隄撮土未動伊誰
之咎哉該縣知縣張延徐慶好劉惟仁殆
不能為之寬也又山東單縣知縣鄭一岳
解到徭夫二百五十名分隄二十五丈領
過工銀二百五十二兩矣工未及十分之
二而夫遂逃察其領夫之官則衛官悉為

治河奏疏

卷下

三
念茲堂藏板

情而留而以名色委官克數也董率非人夫安得不散工焉得不誤今千丈之隄將次告成祇此四縣懸擱尚無頭緒轉盼土膏已凍補築又在明春稽誤大工不得早竣皆此四縣及大名道貌玩之故伏乞皇上勅部將知縣張延徐夢好劉惟仁鄭一岳副使朱廷煥等從重議處而未築隄工仍責該道督修尙尅日告竣猶可寬後至之誅庶人知畏肅而河工可一勞永逸矣臣

渾河奏疏

卷下

三

念茲堂藏板

無任悚仄仰請之至

崇禎十六年十一月二十二日具題十二月十九日奉聖旨張延等五員着分別議處仍勅令大名道朱廷煥督工速完再悞并從重論該部知道

題爲河工需蔴甚殷錢糧就近取用謹恭疏題明請

勅部撥補以便銷算事據知府李芳蘊申前事內稱本年六月內奉本部題

允取廣平府十五年練餉銀一萬一千九百二十七兩給本職收買蔴蔴運送汴河工次

隨遣家丁徐子臣鄭魁等一次買蔴蔴三萬八千八百九十六斤用銀三千七百八十九兩八錢五分五釐二次買蔴蔴三萬

七千九百一十五斤用銀三千四百一十二兩三錢五分以上兩次共用銀七千二百一十二兩二錢五釐共買蔴蔴七萬六千八百一十二斤俱交管廠百戶張一亨典史

楊正秀又訖叔有廠收批迴在卷尚餘銀四千七百二十四兩七錢九分

廣平府庫未動伏祈本部清銷前件併牌行廣平府存貯候別項支用等因到臣該

臣看得河工需蔴蔴購之千里外從所產

渾河奏疏

卷下

三

念茲堂藏板

也臣題

請以廣平府十五年練餉銀一萬一千九百二十七兩給知府李芳蘊就近收管而以臣部料價撥還戶部兼奉

欽允矣今據知府李芳蘊申稱買運過糶蔗七萬六千八百一十一斤用銀七千二百二兩二錢五釐尚餘四千七百二十四兩七錢九分五釐存庫未動察河工已竣買運應停餘存銀兩應令該府仍解臣部為京

治河奏疏

卷下

四

念茲堂藏板

工支用可也伏祈

勅部察照施行

崇禎十六年十一月二十二日具題十二月二十一日奉聖旨工部知道

題為汴工築塞已完歲修防守宜豫

請復舊制嚴責成以垂久遠事黃河發源出域建甌而下其勢甚猛孟津以西兩岸皆山不能旁越故秦晉有河而無患東入大梁一望平衍土性舒疎歷來河患胥魯魏受之我

朝南防

陵寢北防運道導之使東兩岸無山倚隄為固隄復倚埽為固兩河歲修錢糧額派八萬

治河奏疏

卷下

四

念茲堂藏板

各府解貯開封河道隔年預估詳明辦料沿河設廠堆積工料如山方里一堡列卒碁布自正月至九月南北管河同知各昭汛地督率堡夫住宿河干晝夜防守遇有衝塌立刻捲埽填塞責成河道不時察覈如邊防然此舊例也邇來兵火殘破歲額空虛堡夫死徙河防廢弛日甚一日今決口初塞脚根猶虛隄工新築土膏亦嫩有修無防豈能經久請

勅總河臣嚴督南河同知多辦埽料修復墩堡
 仍照舊例自春徂秋駐宿河上無分晝夜
 率夫防守遇坍則運土填塞遇衝則下埽
 抵禦刻刻戒嚴始無後患惟是兩河白骨
 磷磷歲修錢糧多係虛款並無實在今臣
 堵塞決口銀兩加意節省尚有餘剩請先
 留一萬兩發總河臣爲預備防守工料之
 需餘仍飭部從長計議統候事竣銷算又
 河南同知桑開第饒有幹才亦諳工程特
 治河奏疏 卷下 聖 念茲堂藏板

一味躲閃不肯實心任事如上冬河決屬
 其信地該同知竟借差而去遷延不來繼
 聞河事將竣始徐徐赴任此蓋撫按諸臣
 爲彼欺過耳律以誅心之義豈可姑容此
 一官者伏乞

皇上棄瑕錄用寬其已往責令盡職防守如夏
 秋水漲防護無虞用贖前愆苟有疎誤從
 重並論河道一官全省河工皆其職掌擔
 荷尤重僉事方大猷眼明手敏倚賴方殷

今以監軍調去繼之者副使夏雨金也本
 官遠在八閩相距六七千里受事何時保
 無遲誤轉瞬春深水發所係非小宜就近
 改用刻期到任乃克有濟伏思汴梁決口
 生靈化爲魚鱉名城淪入洪波爲亘古未
 見之慘禍

聖衷焦勞鳩工集料繁費不貲總得堵塞前車
 之鑑豈不寒心此臣所以不得不鯁鯁過
 慮也再大梁沃壤千里自遭闖賊殘破後
 治河奏疏 卷下 聖 念茲堂藏板

已不成世界今河事雖竣特紓目前之急
 惟祝立

奏蕩平將來勞來安集尚煩
 睿慮臣繕疏至此聲淚俱併用是據實
 奏明伏乞

皇上俯賜裁奪施行

崇禎十六年十二月十三日具題二十日
 奉聖旨吏工兵三部作速會議覆奏

題爲恭謝

天恩乞賜骸骨事本年十二月十六日臣接准

吏部咨文欽奉

聖旨陞授南京戶部尚書除望

關叩頭恭疏謝

恩外竊念臣體氣素弱抱病日多服官二十

餘年嗜好澹泊自安庸愚仰蒙

皇上覆載弘慈由縣令拔至卿貳逾分之榮捐

糜難報况值

治河奏疏

卷下

聖

念茲堂藏板

國家多難之秋何敢貪生引退緣本年五六

月間一病幾危彼時大工未完死不瞑目

幸而痊可決口已塞

陵運無虞然一年內驚心於戎馬蹂躪之際瘁

形於物力艱難之時以病軀而遘盤錯自

非金石豈不銷磨九月舊病復發甚以痰

喘臣力疾辦事在工諸官與左右近侍共

驚老瘦而臣不覺也迨十一月初六日馬

窠口既築稍解衣而臥初九日履勘各工

忽爾頭暈目眩一跌幾至不起此文武員

弁兵夫千萬所目擊者是日昇回以就牀

褥夜半始甦今奉

恩旨授以司農伏念留都重地計部事繁難以

臥理臣非不欲勉竭心力仰答

生成而福薄災生何敢戀職伏乞

皇上哀臣餘生賜臣骸骨倘得專意調養緩就

帷蓋則有生之日皆再造之年望

關涕零衣襟盡濕臣不勝哀懇悚仄之至

治河奏疏

卷下

聖

念茲堂藏板

崇禎十六年十二月二十日具題

題爲蛇豕猖狂神人共憤處臥薪嘗膽之時圖撥亂反正之策謹瀝血

上陳仰惟

乾斷事流賊之禍起於饑荒彼時殲厥渠魁賤
卹餘黨直一長吏事耳顧守令膜不關心
大吏視爲癘疥一壞於陳奇瑜再壞於熊
文燦養癰十五年而燭火之細竟至燎原
今潼關之亂尚忍言哉臣所日夜憤懣於
宵者大弊有六倘此時猶不痛革則患不
獨在

治河奏疏

卷下

吳

念茲堂藏板

陵寢不獨在 藩王而在

社稷矣臣執役舂鍤嫌越位以妄言但知而不
言終淒切而不忍敢昧死言之竊聞克敵
之道在將相和衷相得其人則將亦必得
其人閫內閫外聯爲一體何堅不破自用
兵以來如洪承疇盧象昇汪喬年輩皆親
提桴鼓樹勳戎馬之場奈何秉國成者異
同報復各存私見雖有國士誰不解體嘗

攷唐世睢陽之圍許遠位本張巡上遠自

以材不及巡授之柄而處其下若楊國忠

數激祿山之反而幸其言之中君子小人

之用心何相反哉臣願內外大僚痛改積

弊化去畛域效許遠之與張巡彼此齊心

合力效順除殘庶有轉禍爲功之日科道

風聞言事固也邇來臺省言兵事者章疏

日數十上第懸算與臨事殊異如曹文詔

前後血戰殺賊功居第一而反以驕倨被

治河奏疏

卷下

吳

念茲堂藏板

劾如曹變蛟猛如虎等捐軀爲國賞不酬

勞此功名之士所爲拊膺太息也臣愚以

爲軍旅重寄惟當局者擔其利害所謂將

在外君命有所不受若廷議紛紛求全責

備在識力未定者必因人以自餒卽忠勇

素著者亦避忌而灰心臣願言官痛改積

弊則是非公綱紀正庶無毀譽雜糅賢奸

混淆之弊宦者典兵自魚朝恩始而唐世

卒以不振如癸酉十月諸將已扼賊於河

北矣乃監軍楊朝進偏代爲乞憐致毛家
寨之徑渡誰之咎耶

皇上以外臣不可信而委用內監然外臣倚內
監爲與援而先懷貳心內監以外臣爲口
實而巧避文法從前侵尅兵餉臨陣先逃
皆內監導之也臣願中官痛改積弊則邪
竇塞士氣伸而無跋扈薨尾之患將不能
用兵國不能馭將此大患也今則法不足
以攝武弁而恣其剝削令不足以行軍士
而養其克頑威不足以服梟雄而任其跋
扈從古戡亂之法必大示挫馭以褫其魄
因不忍濫殺然後從而撫之而亂乃定未
有立意王撫者此蓋庸夫巧於調停以自
文其怯懦隳軍實而長寇讐罪難擢髮臣
願將帥痛改積弊以後申明號令凡廢虐
軍士逗遛恇怯及鼠首兩端者俱按軍法
從事俾將能效忠兵自樂戰毋以招撫再
墮賊計至於積弱之勢由於賞罰不明

治河奏疏

卷下

哭

念茲堂藏板

訪諸自賊中來者其立法或一人逃出即
殺其管隊一陣退縮卽處以極刑獲一壯

丁卽予以良馬美妻故人皆盡力死鬪奈
何官軍漫無紀律以致望風瓦解遇賊披
靡自撫按至郡守皆大吏也乃賄賂公行
廢弛成習振作者友訾爲紛更闢革者咸
稱爲安靜上下相蒙牢不可破甚至賜劍
大臣不能使一縣令師出無功職此之故
更聞庸劣有司寇來則避寇去復旋言之
嗚咽臣願大小臣工痛改積弊惟大吏勵
精圖治庶百僚奉法急公而有震動恪恭
之氣唐臣陸贄有言曰民者邦之本財者
民之心其心傷則其本傷其本傷則枝幹
凋瘁而根柢亦拔矣自萬歷間礦稅遍天
下已竭澤而漁矣崇禎四年有按畝增賦
之議新舊所增六百八十餘萬有奇十一
年又增勦餉二百三十三萬五千有奇海
內之財止有此數蒙

治河奏疏

卷下

哭

念茲堂藏板

皇上有暫累吾民一年之

恩旨非不念切如傷聞者感泣詎水旱頻仍撫
按以賑濟不可屢求軍需不可匱誠故災
傷之報無聞催科之嚴如故且貪婪州縣
乘機漁利猾胥蠹役夤緣作奸全不以民
命為念

皇上端居九重無由得見使目擊其狀未有不
痛恨流涕者今則丁壯死於瘡痍老弱困
於箕歛凡此蜂屯蟻附之賊皆窮民也凡

拾河奏疏

卷下

壬

念茲堂藏板

此敲骨吸髓之民皆賊兵也夫以怨民鬪
怨民誰與同心以赤子攻赤子誰肯效死
臣願自撫按至收令痛改積弊一洗貪污
庶大法小廉然後可收既去之人心培
國家之命脉臣聞天人感召之幾捷如影響
人事修於下則天道應於上誠能急祛此
六大弊則人知悔罪天亦悔禍將見和氣
致祥災祲自少而蕩平可期此如療病然
先除客感然後可扶正氣未有客感不除

而正氣能扶者總賴

皇上弘天地之度昭日月之明進忠良遠奸佞
慎喜怒寬賦役夫殷憂放聖多難興邦在
一念轉移間耳臣謂疆事決裂至此皆撫
之一字誤之潼關既破秦都百二河山資
以予寇竊恐三晉亦不能保大有唇亡齒
寒之懼臣輾轉思維救急之策目今河北
宜置重鎮簡宿將如劉肇基金國鳳者領
之令分兵屯田且耕且戰為持久計以壯
畿輔聲援宣雲兩鎮乃精兵健馬所聚三
關綿長九百八十餘里此金湯之險也應
速遣才望如史可法張國維張肯堂者俾
以三關重寄練兵措餉固根本以為後圖
舍此不務而欲急已潰之中原失可扼之
險隘臣不忍言也臣數月以來慟哭嘔血
徬徨莫知所措疏藁既繕秘不敢以示人
伏乞
皇上哀臣之愚俯賜密察如有可掾出自

拾河奏疏

卷下

壬

念茲堂藏板

皇靈之震濯皆由

廟算之淵深非臣一介書生所能窺測萬一者

語無忌諱干冒

天威不勝席藁待罪之至

碩勲謹按此疏乃所上封事故未彙入河

工諸疏內先高祖易簣後家人於枕篋

中得之間有改竄處猶當年真蹟惟逸其

年月日傳之先中憲公手授不孝等曰

治河奏疏

卷下

至

念茲堂藏板

會王父一生精忠識力可於此識其梗

槩吾子孫當珍藏之今讀疏內執役畚鍤

嫌越位以妄言二語其在汴梁工次所上

無疑應附刊於河奏後又按趙序云河工

章奏經明季亂離後僅存三十有一原刻

內實止三十其一則承保督侯恂疏也而

此疏不與焉先因語涉激烈且與河事不

類謀侯搜羅巡按諸疏彙刊惜歷年久並

原彙失之今入此疏仍存三十有一

勒河祭神文

維

皇明崇禎十六年癸未歲正月丙申朔越日甲

辰

欽命督修汴河兼管河南山東鳳淮徐等處河

工事務工部右侍郎兼都察院右副都御

史周堪賡謹以牲醴香燭之儀致祭於

勅封金龍四大王尊神曰側聞

大王誕生宋末揚威奮武救難扶災至於我

治河奏疏

卷下

至

念茲堂藏板

朝挽流助戰掃除烽烟重新日月忠義之

氣千古為昭我

太祖高皇帝嘉尚英烈

勅封大王崇祀河濱則

大王之宣力於國家甚厚而國家之酬報

大王不薄也今黃流南決汴城傾圮糧運道

梗

祖陵震驚

皇上特遣堪賡董工修築伏念

大王護佑本朝始終一致豈維今日寧弗効

靈今初蒞茲土用伸虔祝伏望

神鑒愚忱陰扶默相引水東流河還故道使

畚鍤之衆協力齊心築塞之功一勞永逸

行且入告我

后特

勅加封用答神庥紀功百世

神其聽之尚饗

治河奏疏

卷下

五

念茲堂藏板

開工致祭文

維

皇明崇禎十六年癸未歲二月乙丑朔十一月

乙亥

欽命督修汴河兼管河南山東鳳淮徐等處河

工事務工部右侍郎兼都察院右副都御

史周堪廣偕監督汴河工部營繕清吏司

主事王介慶開封府知府李巖衛輝府知

府文運衛南陽府知府李芳蘊開封府同

治河奏疏

卷下

五

念茲堂藏板

知牛光斗彰德府同知趙允光歸德府通

判朱以霖祥符縣知縣宋祖乙等謹以潔

牲明醴香燭之儀致告於

勅封金龍四大王尊神曰黃流弗令曷維其常

湍沸浩瀚震動大梁名城傾圮生靈淪溺

憂我

祖陵梗我糧運河臣入告

聖衷靡寧乃命司空籌畫以聞堪廣不才承乏

斯役偕茲羣工相土卜築敬諷今吉畚鍤

并施稽首涕蒼

神其鑒之百官協心萬夫齊力風雨弗侵崔

苻欽跡日省月試聿觀厥成返流而東川

澤効靈惟

神之麻奠茲中土神州恢復萬姓獲所仰告

天子布揚功績爰降

紫詔馳使褒崇

特秩巍巍特廟翼翼赫聲濯靈萬年此日謹告

治河奏疏

卷下

壬 念茲堂藏板

退谷遺編 撮抄

北海孫承澤

明崇禎十五年九月流賊李自成合羅汝才

之賊久圍河南開封城中食盡勢不能支巡

撫高名衡與推官黃澍謀掘河灌賊詎反為

賊所乘十五日壬午夜掘朱家寨大堤河水

奔入城圯周王及巡撫各官俱北渡溺宗民

數十萬賊營高處亦沒萬人保督侯恂治河

弗効十二月差工部侍郎周堪賡治決口次

年春正月抵汴冬十一月工完按周少司空

治河奏疏

卷下

壬 念茲堂藏板

汴河決口疏言從來治河不易治此時之汴

河尤不易蓋平居之日即有河患人夫婦料

可一呼而集今汴梁淪為巨浸問官無官問

人無人臣以不習水性之人一旦膺此重任

深懼弗克負荷竊思遺大投艱全在得人分

理臣因刑科都給事中孫承澤久官汴梁就

而訪之言汴中形勢南高北下所患在河北

金龍口一帶舊常潰決河南重堤宋人所築

號曰金堤取用許州立土堅如鐵石九月之

决原出人爲非因河勢今河雖南流泥濘各縣未有渠道治之或不甚難誠得人分理庶易奏績臣堅問其人因薦懷慶府同知李芳蘊今陞南陽府知府未任素饒材幹慷慨任事臣亦素知其人伏乞皇上念河工重大隻掌難支准留芳蘊與臣同事工部再撥給現在銀兩使不束手臣單騎馳往庶可藉以報命以紓九重南顧憂疏上允之

碩勲按集中無此疏或當年陞辭日或抵

治河奏疏

卷下

壬

念茲堂藏板

汴時先後所上俱無考蓋兵燹之餘所存者僅什一於千百耳謹讀題報河還故道疏日知府李芳蘊自臣題允來工後該守能悉心經理卽風雨晦明未嘗一刻離臣左右臣亦倚之如左右手又日如河工需銀數十萬本官率其子姓姻婭北走廣順南走淮徐錢糧纖毫畢清買運及時接濟臣之得措手於河事者本官之力也又日求其以身爲國用如知府李芳蘊者實難

其人也其題報堵塞馬家决口疏日臣與

知府李芳蘊晝夜分立東西壩臺督令椿

埽齊下於十一月初六日戌時合龍矣用

是歎 先高祖同 太守李公胼胝於時

事艱難之會上下一心稱性命之交碩勲

於丙寅秋于役薊門過燕市殘書攤上偶

檢一抄本首尾俱漫漶不可識惟中幅有

言 先高祖治河一段尚明晰亟購得之

乃 孫退谷先生雜錄始知 李太守爲

治河奏疏

卷下

壬

念茲堂藏板

孫所薦爰盟手敬錄藏之笥中今十有一

年矣謹以附刊乾隆二十一年丙子菊月

五孫碩勲謹識於粵東廉州郡署之梅蒼

書屋

河東河道總督臣白鍾山
河南巡撫臣尹會一謹
奏為仰請

聖恩

勅賜河神封號以示優崇事切查開封府陳留縣

黃河堤北向有河神觀宇嗣後移建堤南

觀內供奉黃大王神像靈顯昭著有萬人

感應碑序可據雍正十三年間經前督臣王

士俊因觀宇傾圮恭摺具

奏欽奉

治河奏疏

卷下

本

念茲堂藏板

世宗憲皇帝諭旨特命動帑興修重新廟貌以佑河

工現在正殿供設河神二尊一為金龍

四大王一為黃大王誠

聖朝崇德報功之盛典也前據陳留縣紳衿士庶

及臨河各州縣等以金龍四大王久膺

封號而黃大王向係民間稱呼未經受封

紛紛呈請復飭確查去後茲據布政使詳稱

黃大王名守才字英傑河南府偃師縣人神

姿天賦異秉性成退水退沙片言立驗禱泉

禱雨奇蹟多端保冲塌之長堤工程底定復
沙流於古道商旅莫安既昭偉績於生前復
顯神功於身後且近日黃河水勢日漸南趨
最關緊要連年以來河工平穩實由於

聖德

神功默契似應俯順輿情請加封號并具

事實確冊詳請前來臣等謹按祀典所載事

實黃大王禦災捍患功烈彰彰建廟立碑

不一其地今陳留觀內既經並立明禋而

封號未膺是以官民人等懇切籲請伏念我

治河奏疏

卷下

本

念茲堂藏板

皇上敬誠昭格典禮修明似應仰請

聖恩

勅賜黃大王封號以示優崇將見神靈協應宏施

允翕之功黃水安瀾永享平成之福兩河黎

庶共沐

皇仁於億萬斯年矣臣等謹合詞恭摺會奏伏乞

皇上睿鑒訓示遵行所有黃大王事實另摺敬

呈

御覽謹奏奉

殊批該部議奏欽此

計開事實

黃大王名守才字英傑河南府偃師縣人
生於前明戊戌歲十二月十四日辰時終
於康熙二年十二月十四日申時存年六
十六歲

一前癸卯年時方六歲戲水於洛河深處三
日無踪上岸衆皆驚異

一前已酉年時十二歲隨母舅貨船行至虞

洛河奏疏

卷下

空 念茲堂藏板

城縣張家樓有糧船二百餘隻閃難不動

運糧官逐廟祈禱英傑在旁應曰刻下沙

退未幾沙果退船行遂呼為活沙神因建

廟於張家樓

一前辛酉遊天台山山高水澗商民俱困英

傑默禱忽有泉水湧出人得以飲皆驚異

感戴立廟於天台山

一前甲戌年伊洛大溢田禾盡淹室廬將頽

偃師登門求退水之策許之水果退立廟

於油房庄

一前癸未年明工部侍郎周堪慶修治金龍
決口費數十萬金未克奏功赴偃請之許

三日後沙歸故道至期果應建廟於封邱
縣柳園鎮

一順治五年懷慶府沁河暴溢守道佟延年

遣河內縣赴偃敦請遂書符一道臨河焚

祝隣息安瀾建廟於懷慶府

一順治八年杞縣大旱巡撫吳景道命杞縣

赴偃敦請祈雨至杞焚香告祝甘霖大沛

洛河奏疏

卷下

空 念茲堂藏板

建廟於杞縣

一黃大王故後康熙十八年黃河塌陷省城

大堤損去三十里危險異常巡撫董國興

赴廟祈禱未幾河水退落給匾立碑人遂

呼為黃大王

一康熙十八年河南府洛河水淹知府祈禱

於家廟須臾水退給有匾額

一康熙五十七年鞏縣東二十五里舖黃河

皇清乾隆三年三月

冲淹官路商旅往來不通村人至廟前之水歸故道行人便之遂建廟立碑

憶辛卯壬辰間有老人家楚琳者童時以小聖侍

先高祖於汴梁工次年八十餘

尚憂鑠碩勲耆齡猶覓之每談先高祖

遺事郵倚杖嗚咽泣然流涕自云目睹前

癸未年汴梁水後淒涼白日鬼嘯及流冠

駸駸虎視狀先高祖日夕河干不軒不

治河奏疏

卷下

念茲堂藏板

蓋撫綏招徠弭患禦侮倍極艱辛或中夜

治文書篝燈達曙以為常夏五月以憂勞

成疾一病幾不起已草疏矣翌日稍瘳輒

焚其藁仍力疾與府道分段工作冬十月

馬家寨工築已過半惟决口數十丈屢塞

屢潰十一月朔有鄉人赴轅門求謁羣呼

為黃神僊延之入問日决口可塞乎日可

問何時日三日至初四日黎明濛沙忽東

徙水勢漸平乃晝夜搶築果於初六日之

夕合龍矣碩勲等以黃神僊之言或彼時故神其事而傳聞失實耳且未見之紀載亦置弗論恭達我

朝幽明合撰神人協和崇德報功之典超軼前古

乃於乾隆三年蒙河臺白公撫臺尹

公恭摺

奏請

勅賜黃大王封號所開姓字里貫年歲甚悉而事

實內復有先高祖修治金龍决口一條

治河奏疏

卷下

念茲堂藏板

則是所云黃神僊者即係黃大王其許以

三日功成之說信而有徵矣爰敬刊以示

後人乾隆二十二年丁丑花朝立孫碩勲

謹識於粵東潮州郡署之珠蘭堂

周大司農家傳

湘潭 黃周星 九煙

公諱堪齋字仲聲五峰其號也先世自周顯德

間節度周行逢鎮潭州子孫繁衍武陵吉水湘

鄉明初始占籍寧鄉而公為寧鄉人曾大父策

明正德十年舉於鄉令廣西貴縣有循聲以子

采貴贈兵部侍郎兼都察院右副都御史巡撫

雲南大父檄未仕父耀冕萬歷七年舉人授山

東東平牧多善政州人祠祀之詳東平志擢同

知陝西延安府事會回民倡亂鄜時間出奇掩

家傳 卷下 念茲堂藏板

擊賊敗走餘孽仍剽剽為民害復請勦監司郡

守主撫申報不以實不肯署名由是不獲乎上

遂引疾歸子四長堪賁戶部司務仲叔俱蚤殤

公其季也生而穎異性篤孝六歲詣塾讀書侷

儻多大畧年十九學乃大成補郡庠弟子員天

啟甲子乙丑聯捷成進士時年三十三初授福

建永春令以才調福清海賊流劫遠近屢挫官

兵公密遣壯士入其黨廉得各盜首悉捕獲寘

之法海氛以靖有坊店主要容於路殺而奪其

金佯為申狀哭盡哀公曰若號而無淚又數暈

我中情怯耳夜半抵其坊召而詰之曰容何罪

而汝殺之一訊輒伏起獲原贓封識宛然閩縣

稱神公持讞明決一時有升米完訟之謠治行

為八閩冠行取授陝西道御史按山東劾藩下

官恣縱及奸民投獻庄田二十事直聲振朝野

按畿輔言厥衛樹威牟利害民狀同官皆悚惕

公意氣自如上雖不能用亦不之罪也適畿輔

戒嚴公繕阨塞釐兵餉簡士馬劾將帥不職者

家傳 卷下 念茲堂藏板

壁壘一新有司捕獲奸細百餘人法當梟公覆

鞫七十餘人無顯狀得末減事竣請假省親還

侍郡丞公不離左右數月不入內寢公未顯時

母胡夫人先卒奉木主朝夕進膳如常儀假滿

入朝猶依戀寢門悲不自勝乙亥丁外艱已卯

服闋人掌河南道印庚辰管京察舉劾悉當人

稱鐵面稍遷太僕光祿寺卿辛巳遷順天府尹

有民婦匿母家取他尸以證本夫以誣服坐抵

公駁訊獲其婦事以昭雪霸州大盜獄已具親

屬挾重貲賂權貴欲曲宥之公摘其奸論如法旋擢工部右侍郎壬午九月闖賊決黃河灌汴梁保督侯恂堵塞弗效陵運攸闕上憂甚十二月特勅加副都御史賜銀幣發帑金命公往當是時李自成已據荆北河南地眈眈虎視汜水榮澤間將渡河長驅畿輔物料人夫百無一備初命下愛公者咸爲公危公誠信招徠不浹旬兵夫雲集以萬計爲陰勒部署以備不虞揮汗赤日中與下均勞苦能得人死力且守且築賊家傳

卷下

李

念茲堂藏板

六歲每北望涕泗交橫下值兩孫在旁輒揮之去聞者酸心乃遁入瀉山禪林或瞑坐竟日不語或中夜繞榻行至達旦不寐福王立於南京聞相馬士英公拍案大慟曰其無望也乎史可法以書招之因泛舟南下兵部尚書張國維爲公會試同年友素與國維善先致密函請誅馬阮以正綱紀行次吳城得報知不可乃返棹復變易姓名走嶺表走甌閩數年側轉山海江湖間而公已病不能支矣歸來結庵邑西四十里之董家邨常焚香禮佛病則彌月不起鄉隣罕識其面國初經畧洪公承疇以特遣重臣徇滇黔道出寧鄉洪與公有舊令迎謁粹問周司農安在令愕眙倉皇出詢胥吏乃具書爵里以進日將晡洪命驛卒前導以數騎向邑西馳長吏以上皆駭詫至董家邨已昏暮驛卒傳呼經畧來遽辭之弗獲而洪已造榻前矣草屋三楹篝燈布被臥病奄奄洪撫其臂曰吁甚矣憫公扶杖徐起相持而泣坐定促膝語地方疾苦

卷下

李

念茲堂藏板

甚悉少頃呼僮摘園蔬留共飯至夜分洪乃騎馬去公曰吾當與君永訣矣翌日家人請致地誼不許曰吾不以此辱洪公卒不通一刺時大湖南北疊罹兵燹郡縣白骨青燐荆棘千里經畧疏免荒糧百十餘萬民慶更生人謂公有隱德云順治十年癸巳 恭順王疏其賢 簡命下已成廢疾次年四月晨起沐浴衲衣跣坐而逝年六十三公清操介如通顯二十年妻孥菜羹麥飯如田家坦中不爲崖岸雖農夫樵牧皆可語居恒恂恂未嘗以才智先人及臨大事決大疑則義形於色片語立定身罹國難南北間關至萬死一生而志不少挫其晚年逃禪蓋憂患之餘有託而然矣著有巡察及治河諸奏疏黃河紀五峯文集嗚呼士君子當革命之際流離困頓以死其行事多不表見則惟鄉黨後死者知之然知之卒不能深語焉而終不能詳也崇禎末余在京邸讀公劾保督侯恂疏斥其仗左良玉以要君大不敬罪當誅風裁凜然可

家傳

卷下

三

念茲堂藏板

不謂偉丈夫哉卒以運移事易而賣志以歿悲夫

家傳

卷下

三

念茲堂藏板

楚南明大司農周公治河奏
 疏三十有弋篇公元孫碩勲
 守潮州以藏板耒久患漫將
 重付之梓戡丁丑余游嶺表
 太守延主韓山書院講席因
 以示余：展讀數過字：血
 誠汎溢紙上無非感時慨事
 忠君殺國之心雖于役河干
 想見正芻之朝時也厥後指
 陳六大弊敵淚交迸疏入不
 報乃連疏乞骸而事已無可
 為矣夫以公之忠貞際明出
 未造事與心違祇增流涕抑
 按懷宗遺詔曰諸臣皆以國
 出臣嗚呼莫謂秦蠶人吾謀
 適不用耳為掩卷三嘆

跋

卷下

念茲堂藏板

念茲堂藏板

錢塘後學潘瓏志霖氏謹跋



先高祖奏疏為 先伯祖南園公所刊年

久殘缺魚魯莫辨 碩薄宦幾三十載懼

先人遺書久而就湮乾隆二十年乙亥秋

時守廉州再從弟藩勲來省視出奏疏抄

本願受而藏之比移潮陽乃重加校正併

跋

卷一

三

念茲堂藏板



先中憲手授 伯兄六大弊疏付之梓

伯兄 諱 公勲其歿也以疏屬 碩追念疇昔

先父 先兄音容宛在又不禁潸然淚下

矣乾隆二十三年戊寅蒲節碩勲謹識於

牟城邸寓



上卷連序共板三十九片下卷連跋共板三十六片

治河奏疏二卷

侍講劉亨
地家藏本

明周堪廣撰堪廣字仲聲號五峯寧鄉人天啟乙丑進士官至工部侍郎集中有崇禎十六年十二月擬南京戶部尚書乞賜骸骨疏三藩紀事本末亦載福王時起用戶部尚書周堪廣以疾不赴則堪廣雖未南京任事實以尚書歸里也明史河渠志載崇禎十五年流賊決河灌城民盡溺死總河侍郎黃希憲以身居濟寧不能攝汴請特設重臣督理命工部侍郎周堪廣督修汴河此治河奏疏蓋卽是時所上然史載十六年六月堪廣言河之大勢盡歸于東運道已通陵園無恙疏甫上決口再潰帝趣鳩工未奏績而明亡云云而集中有十六年十二月汴工築塞已完歲修防守宜豫一疏與史不符未詳何故也

眞定奏疏一卷附一卷

〔明〕衛楨固撰 附 衛執蒲撰

無錫市圖書館藏清康熙二十五年衛執蒲

刻本

附《四庫全書總目·眞定奏疏

一卷附刻一卷》提要

無錫市圖書館藏

嗚呼壬午癸未之間天下之亂極矣非經濟鴻才孰與拯溺乎屯乎有其才而不盡其用使後人郝墟於邑而不能已則亦運數爲之而莫可如何者也茲於崇禎夫子之奏藁不能不三致嘆云崇禎十四年夫子以推官考選召對謂平寇爲足國第一義則真第一義也迨巡按與定諸郡共視國如家視民如子毋一起草檄淚俱下積至夜有鬼哭盡無人行之語蘇葵中之詩鄭監門之圖不足云矣而其大者在以無逸是圖進君德以用賢養民規輔臣若夫糾劾悍帥控制驕兵痛陳倭馬津米之害皆關彼時政務之大倘盡用其言可以轉危爲安起亡爲存而撥席無人但可以不痛不痒之局了之庸人誤國夫子且奈之何哉今其藁見在載之國史則救時之石畫也留之邑誌則仁人之利溥也傳之家乘則許謨之瀉言也字字從忠孝血性中流出不襲古人紙上陳言夫子之遺藁在卽夫子之氣塞宇宙而志貫金石矣裔介爲諸生時受知於夫子蓋嘗倒屣命坐論文談心期以遠大之器壬午歲倖登賢書夫子聞之喜倍於常握手慙慙勉以進取救時其後周華滄桑音問杳然迨

禹濟父世下車新樂乃得讀夫子之遺業雖惘然隔
世事又赫赫若目前也禹濟父母清操慈惠雷封有
水鏡之頌笑表克紹治為畿輔最行且繡衣持斧元
宗象賢奉此業為指南不必復問賈長沙陸敬輿於
枯樹間也而此業澤被趙魏又當人奉一編以為勿
剪勿伐之甘棠瓣香尸祝與恒嶽同其高濬水同其
永也已康熙十一年歲在壬子受業門人栢鄉魏裔
介頓首拜撰

序
木
二

雲南道試監察御史 臣 衛楨因謹

題為崇寬厚之政以培元氣以迴劫運事 臣 惟虞

史之贊舜也曰臨下以簡御眾以寬而維時則

四方風動矣我

皇上無一念不好生無一事不恤民

寬簡之德不舜讓也而寇盜不息旱蝗時作百

姓流離則何故此歸之劫運乎或猶有人事不

盡耶

皇上惇大之政無窮而臣子責難之心無已謹摘其

一二以入

奏疏

告 臣 待罪豫中知豫苦最悉百姓死於寇死於兵

死於荒疫十去八九滿目荒涼言之傷心向也

有人無地今則有地無人矣向也殺人而食今

則無可殺之人竝無食人之人矣賑濟無應手

之粟催科無可加之人二三有司皆願為百姓

死嗟此子遺勢將何極勢不得不急議蠲緩以

救此一方此蠲賑之恩宜急行者一計今日畿

南山東一時督道州縣死難者何人寇陷河汝

襄陽一時州縣佐貳死難者何人慷慨捐生節

義所關 臣 不敢望賞延及嗣也但加一旌恤之

虛名便可慰死魂而勸將來不然恐如靈寶知縣之察無下落襄陽道臣之不知忞向者比比也此恤死事之典宜急行者二邇年以來囹圄滋滿

皇上雖屢詔

欽恤奉行者未必盡體

皇慈察獄中有以建言獲罪而情可恕者有為地方受罪而才可用者有以別事掛議而罪可原者皆當開解網之仁宏使過之路使士大夫不至與罪人為伍亦所以養廉耻培氣節也此赦宥

奏疏

二

之慈宜急行者三堂構時修工作豈屬得已臣謂時詘不應舉羸凡一切應動之工無論大小緩急暫爾告罷省一分供軍前一分之用便留民間一分之生時和可待工作俟之後日此停止工作宜急行者四至巡方御史職司糾察若以簿書為考覈便以有用之精神置之無用之地似當別有責成以明職掌臣並望寬無益之號件以課實功凡臣所言似非剿寇救時之事然元氣固而神氣張培植根本誠宜以寬厚為第一義也臣不勝激切待

命之至

崇禎十四年十月十七日具

題奉

聖旨好生恤民朝廷何日不切軫念這所奏具見擔悃本內靈寶知縣襄陽道臣曾否察明實情至巡方號件何法可寬以裨實功還着該部院具奏

兵部覆疏奏

聖旨是本內所稱督道州縣佐貳等官遇難死義察係何人通着詳核贈卹以厲忠節靈寶知縣等

奏疏

三

官還着確察奏奪

雲南道試監察御史臣衛楨固謹

題爲撫臣不宜數易以防營競以專責成事。臣惟官必久任而後可以責成效。蓋爲恩足以洽人。則人知慕威足以服人。則人知畏。凡官皆然而。在撫臣爲尤甚。撫臣有地方專責。民情軍機皆其職掌。一二月中能悉地方之利病乎。能習兵將之耳目乎。能知某地之險易。能知某餉之措處乎。勢不得不需之歲月。臣鄉經兵荒之餘。全藉賢撫臣曲盡經畫。不謂當事者以傳舍置也。丁啓睿後推王裕心矣。纔告到任。而輒換。謂裕

奏疏

心不賢也。推者何心。謂裕心賢耶。換者又何心。皆令人不解。新撫汪喬年清足自立。公足服人。謂可藉手撫殘黎。而又奪之去矣。謂三邊爲要地。豈腹裏非要地乎。謂喬年才大。必邊方始展驥足。三輔多事。叛兵降寇。勢亦岌岌。獨不可見才乎。謂改督便用之剿寇。宛南密邇商雉。能保寇不入秦乎。謂一時乏才。督撫之任原並重。移撫就督。將撫臣遂可輕乎。喬年而後。倏來倏轉。又不知其幾變也。司衡鑑者。謂某人宜仗鉞一方。某人宜總督軍務。胸中應有多人。而臨事周

章滋議盈廷。臣甚惑之。且也官屢易則人情難熱。功名者得營競以圖陞轉。厭苦難者亦得別遷。以遂規避。最不便也。已成之事。臣不敢求易。但祈

皇上嚴飭該部。於臣鄉撫缺。必選才望素著者。久任責成。勿使秦之百姓疲於迎送。秦之兵將漫無適從。誤地方而襲官方也。臣不勝激切待命之至。

崇禎十四年十月十八日具

題二十六日奉

奏疏

聖旨巡撫宜數易。其就近改督亦屬權宜。吏部以後還須廣儲邊略。以應節鉞。亟需不得輕易更置。其王裕心推撫緣故。着明白回奏。該部知道。吏部覆疏奉

聖旨覽奏。王裕心推用緣繇。雖係樞臣議。更若卿部果有灼見。何妨執奏。巡撫職任封疆。豈堪數易。無定以後還宜詳慎。確覈務期得人。該部知道。

雲南道試監察御史 衛楨固謹

題為中州勢不可為祈

皇上亟以戰守問督鎮以運籌問中樞改絃易轍以救腹心以鞏藩封事

四

藩封鼎建焉天下之物華萃於此天下之安危即

係於此矣若腹心不守將東西南北皆為震動

自河雒告陷已壞西方半臂所恃者宛裕扼西

南之險為大梁作障而南陽又報陷矣臣聞其

殺掠之慘不禁拊膺長歎怪當事者之醉不知

奏疏

乎夢不能醒也口成汝才踞陳項幾三月圍襄

破葉勢必及宛此時督臣居何地保督居何地

禁旅居何地鎮臣居何地獨不能一為

唐藩地乎而輕付之失魂落魄之猛如虎至事敗

之後各自飾罪而曰某與某股賊從事也某為

某地防守也嗟乎河南有幾

藩封而堪一壞再壞以至於盡哉

皇上召樞臣而問之此時柝中州者丁啓睿也授中

州者楊文岳也鎮中州者陳永福也此輩終能

了剿寇之局否若猶未也則亟宜議更督處受

事未久猶朝氣堪策若永福者守戶之犬萬不

能千里長驅臣恐終以守汴者誤汴並以誤全

省也至文岳於寇陷南陽時高臥杞已彼自度

力不能支宜明白入

告曰臣不才不能力而驅諸原乃以不進不退之

身釀不痛不癢之局封疆何事而以因循為兒

戲乎

皇上嚴勅樞臣慎選賢能籌畫時勢別新一番旗鼓

而後可以收拾殘局若謂氣數至此無可奈何

則將焉用樞臣為亦應居革斥之列也臣憤懣

奏疏

填胸不禁出言無敘伏祈

聖明鑒納施行臣不勝惶悚待

命之至

崇禎十四年十二月初四日具

題奉

聖旨已有旨了本內督鎮諸臣及腹心重地作何收

拾聽樞臣分別核議悉心籌畫衛楨固不必苛

求該部知道

雲南道試監察御史 臣 衛楨固謹

題為請窮究雒失陷之繇並陳中原戰守之事以明軍紀以防後患事臣聞金人之攻宋汴京也識者不罪守之不力而謂張叔夜不應入城今日王紹禹入城而雒陽陷猛如虎李廷功入城而南陽陷雖其人不同而致禍則先後一轍也凡寇到之處我兵夾城而陣焉度能戰則戰不能戰則靜以張犄角之勢動以行牽制之謀彼寇雖狡必不敢肆然無忌越我軍而攻我城若入城則明示以怯寇得窺我之虛實其不便者

奏疏

一入城則馬無所用技無所施兵將之力僅與城夫等其不便者二入城則挾賞挾餉一不應而鼓譟隨之通賊陷城勢所必至其不便者三入城而淫人婦女掠人財物守城之夫自用不給而日日受此輩窘辱迫而陷城亦無可奈何其不便者四宛雒之失一一坐是皇上勅樞部當到處申飭以後無論有事無事兵皆不應入城令家自為守而兵將為策應為救援為聲勢乃握勝之圖勝於兵民坐困多也然兵居城外而觀望逗遛勢所不免必嚴立之法寇

至某城而某兵不在城下者斬寇過某地而某兵纔至者斬寇至某地而督撫居三十里之外者亦斬則誅後至便可勵先圖矣臣又察中州之勢寇自商雒入必犯嵩閩則汝州一扼要地也自鄖襄入必犯宛南則襄城一扼要地也自英霍入必犯商固自潁和入必犯沈丘則陳州一扼要地也目今寇勢在南而防之止襄陳二處察中州兵額設一萬五千而實數則一萬二千焉合無以五千人分一營而統之勿用總鎮而用參遊以鎮臣滿而驕也使其一駐襄以應

奏疏

南陽一駐陳以應汝寧而防汝防宛即所以守汴也其餘二千應裁其一半留此餉令撫臣養親丁一千人一以示彈壓一以便策應則撫臣之手足亦活矣不然守汴城則失雒陽守汝寧則失南陽株守不靈究歸於盡臣竊不知所終矣伏祈 聖明採納施行臣不勝惶悚待 命之至 崇禎十四年十二月十五日具 題奉

聖旨兵部着議速奏

奏疏

三

卷

雲南道試監察御史臣衛楨固謹

題為寬使過以濟用人之窮原罪臣以光起廢之

典敢陳狂瞽以祈

聖裁事目今

皇上宵旰而營者惟剿寇防邊二事而亟亟於反亂

為治者惟用人一事人臣處此而不各據所知

是蔽賢也無濟亂之心也今日

皇上計足食以漕事付史可法矣計詰戎以遼事付

楊繩武矣一時共慶得人二臣之外負督撫之

望者何人以司道陞補慮遷就之多私以卿貳

奏疏

十一

外補又慮生手之不諳察獄中誣誤之人既為

名節圖昭雪又因愧悔生激奮置之風波中而

骨堅識定知向日之錯脚何處則知今日之措

手何從所謂多一憂多一思經一誤長一策也

臣謂寬使過以濟用人之窮者此也

皇上清銓選起劉宗周矣清刑名起惠世揚矣而

賜環之詔猶諄諄不置將多賢共有起色然罪臣

亦廢臣也彼自分老死囹圄永屬淪落一旦不

以繫臣爨鼓而錫之生知其感則奮奮則固毅

必力今日愛功名愛性命者因循誤事而此輩

功名性命皆屬重造將東西南北惟

君所命矣臣謂原罪臣以光起廢之典者此也察罪

臣中學行可式俗才畧堪救亂者應錄不止一

人臣聞見最真者無如舊督撫孫傅庭傅庭撫

臣鄉時以剿寇自任累戰皆捷鼓勵三軍是其

氣身先士卒是其胆虛實合宜是其略擒闖王

以獲渠首戰關外以遏狂氛是其實功至與屯

一事不畏勢不避怨不懼反側轉弱為強轉虛

為實歲省軍餉十餘萬厥功為三秦佩誦鑿鑿

可據屈指今日督撫中未可一二比數合無擇

奏疏

二

憲

一最苦難之地以試其未竟之猷臣知膚功可

立奏也竊臣聞官李悅心曾一列牘然耳聞不

如目見故臣敢再瀆

聖聽伏祈

立賜錄用以濟窮艱想

詔下之日中外歡呼共仰

聖度如天並可作今日祈禱中齋沐之一助也臣不

勝惶悚待

命之至

崇禎十四年十二月十五日具

題奉

聖旨孫傅庭已有旨了該部知道

奏疏

三

憲

雲南道試監察御史 臣 衛楨固謹

題為邪正消長之介不可不嚴因循觀望之情不

可不公再因起廢之典不勝過計之懷伏祈

天語申飭以清用人之途以光維新之政事臣前疏

以勦寇防邊督撫乏才遂因起廢之舉求

皇上寬使過原罪臣矣然猶不禁總總過計者蓋

皇上慮匡時禦侮之無人至敝履遺箚之在念逢茲

盛典將慶多才廣取兼收乃堪濟美但懼按羅

之未盡豈虞舉用之太寬惟是功名者人之所

易艷也事權者人之所思乘也君子借之以維

奏疏

艱致主豈謂無其志哉然廉耻之念重則仕進

之念輕故往往退易而進難即其起也亦不得

已而應之者也小人借之以展采圖功亦云小

有才矣然干進之念濃則廉耻之道喪其未起

也行私納賄以求之引類呼朋以勝之其既起

也嫉賢妬能靡術弗工患得患失無所不至禍

種士林害貽天下不可勝言矣方今起廢

明綸渙然下布彼君子之在罪廢之中者臣未能悉

舉即就臣生平所傾服如清節素聞才猷未竟

之鄭三俊高弘圖孤忠自許獨立敢言之李化

龍詹爾選周鑣此數人者伏處田間孤忠冷落

既不肯自失本色甘為銜玉之行恐未免直道

難容致在遺珠之列若彼小人柔佞乞憐逢人

易合幸網羅之大啓冀薰蕕之並投伏讀前起

廢

明旨雖云除過逆案而今逆案中豈無有錢可通神

說足亂正即當公道大明之日尙施翻局燃灰

之計者乎煌煌

天語眾所共聞當事諸臣自當不為所惑但

旁求正急濟變須人萬一以借才之念或開苟且之

奏疏

門一時權宜為憂茲大臣是以再四圖維為不

必然之隱慮也夫作事者錯雖起於他而賊實

中於需竊思起廢

明綸匪一朝夕當事諸臣但據各省開送加以獨見

參求精選列名仰憑

聖斷此祇數日間事耳有何徘徊顧慮而至今不決

也哉伏祈

皇上嚴行申飭使其蚤竣盛典務期眾正畢升無令

賢奸雜進於以清用人之途而光維新之政匪

淺鮮也臣不勝激切待

命之至

崇禎十四年十二月十七日具

題奉

聖旨起廢用人宜聽該部虛公諮核以候鑒裁如內
未盡未當的科道官不妨續陳不必紛紜預行
奏薦逆案等四項不起原疏奉旨甚明有何隱
慮持正糾邪自屬言官本職但不得造言生端
憑臆恣擾該部知道

奏疏

三

邪三

雲南道試監察御史臣衛楨固謹

題為恭承

下交之誼敬抒

上獻之規期勵

明良之實事成太平之實功事臣於

元旦拜

賀得列侍從之末仰見

天宇和藹微風不作以

皇上辟穆動于官喜氣私心自慶謂海宇清平此日

兆之其進輔臣而

奏疏

一

恭一

諭之也臣雖遠不能悉大約遇隆一德語麗九經賓

臣帝師臣王

明良喜起臣親見之矣乃一日遇而

天心轉一語和而瑞雪飛天人相與是誠不爽哉臣於

是而更有進者言之非艱行之惟艱祈

皇上求都俞先求吁咈求將順先求糾繩以職掌課

九卿孰才品可崇孰衰庸可禡以昌言課科道

孰為誇諤孰為容容內責六曹若何循良如漢

世若何戶口如

國初若何成氛不聞若何園草生綠外責督撫無

餉則議屯田無兵則練鄉勇無人則勤招徠視
國如家實心任事凡此應與輔臣細細籌畫先勞
無倦相與有成臣願

皇上之無逸是圖也輔臣身承

異寵是否人人賓師宜引分自裁以後為弼違毋為
面從為休容毋為媚嫉為救時宰相毋為伴食
中書想何政可消水旱何事可弭盜賊何聞望
可憚入垓用賢養民是其本職必集眾思廣忠
益人才不借於異代亦須了了分明勿膜視為
吏兵兩部事而僅以二三票擬消耗歲月臣願

奏疏

二

卷

輔臣之勤勵不違也異日史臣大書謂歲在壬
午

聖天子與賢輔臣共圖維新而邊塵不驚盜息民安
時和歲稔誠千載一時之美傳矣臣按畿南密
邇

神京首率黃童白叟歌舞太平共祝萬年之觴於無
替云臣不勝屏營待

命之至

崇禎十五年正月初四日具

題奉

聖旨本內以無逸進言亦見據悃輔臣歆品朕自有
鑒裁用賢養民是其本職說得是該部知道

奏疏

三

卷

巡按真定等處監察御史 臣 衛楨固謹

題為

畿南困苦異常

神京根本宜救敢陳民生慘中之慘祈

皇上恩外之恩亟乘天特興地利緩催科招流移以

奠危郡以拯子遺事臣奉

簡命按

畿南於本月初七日入境受事矣入境之日再邀

皇靈又得雪澤普霑謂大有書季從此可望所苦者

畿南經兵燹之餘天災疊至有地無人有人無力

奏疏

天時雖際如地利難興何據臣目所見與井陘

道所呈戶口之存留僅剩千百之什一土地之

開種不過頃畝之毫釐蓬蒿滿眼雞犬無聲間

有一二存遺者又為催科迫之百姓遂至死如

鶩矣今

皇上於十二年以前錢糧盡數蠲免天下之人歡頌

皇仁

畿南民淳賦完無十二年之拖欠其冀盼於

皇上者獨在三四兩季見徵耳然

明旨具在臣何敢言或以本地為

神京根本勝前之呼籲迫於萬里之遠求於見微

錢糧酌量再蠲二三殘黎在

一視同仁中臣當督率合屬廣傳

德意設處牛種招集流移乘土膏之動畢力田疇使

畿南之民不至為中原之續此

皇上恩外之恩也臣不敢望也求之不得而思其次

惟有緩征一法目今力農者幾倖秋成之望流

亡者亦懷樂土之思收拾人心政在此時祈於

一切起存本折錢糧俱緩至秋成使百姓樂一

日之寬以盡心東作至秋成有望自是輸將肯

奏疏

先不然望南畝之心不敵畏追呼之心見在者

皆將逃矣逃亡者亦誰肯歸農哉臣滿腔熱血

無地可灑惟恐將一天瑞雪二字太平又作一

場話柄也時日迫矣

皇上立賜施行且暮遲之便麥秋無望臣明知

國賦之急不可再緩

皇上之恩不可再邀度以時勢不得不情急呼

天也臣草疏畢聞邸報見廣平知府推陞而真定府

缺亦未補並祈

勅部速為題覆使共事有人則手足易展統候

聖裁臣不勝激切待

命之至

崇禎十五年二月十五日具

題二月二十九日奉

聖旨戶部着議具奏本內真定府缺着吏部作速推補不許再延

奏疏

巡按真定等處監察御史臣衛楨固謹

題為邦本亟宜力培臣謹續陳所見仰祈

聖明勅部速行救處事據戶部覆大學士賀逢聖疏

奉

聖旨是着卽行東省畿南各撫按詳察州縣中有真正疲苦最難設處的除十四年見徵外將從前未完欸項某可帶徵某應蠲減某宜改折逐一

明白具奏以憑酌奪欽此欽遵行道詳察接據

井陘等道報獲鹿等邑共拖欠十三年解津米

豆一十五萬三千九百五十五石各報到臣該

奏疏

臣看得省直之災荒無如

畿南為甚

畿南之苦慘又無如召買米豆為甚其敲朴追呼

之情措辦解納之艱有不能見不忍聞並不忍

言者矣幸良輔洞觀民瘼縷悉陳

請

聖明如傷念切渙發

宸綸

畿南之民莫不焚祝歡呼仰乞

聖恩共危苦迫切真控懇爭先須臾難緩者臣察四

府災荒賊寇蹂躪之餘城舍丘墟重以累歲奇
荒寸粒不收民窮盜起殺戮相繼且瘟疫大作
死亡殆盡就戶口而實計之僅存千百於什一
此而課徵輸事誅求恐巧吏不能拘既朽之骨
而追夜哭之鬼也除已完州縣不敢重贅與十
四年見徵者不敢妄議外就十三年之拖欠分
別等第如寧晉栢鄉趙州臨城武邑武強新河
內丘唐山鉅鹿廣宗邯鄲與夫大名所屬殘疫
第一所常盡數蠲免者也晉州高邑贊皇隆平
次之所當減免一半改折一半者也獲鹿藥城

表疏 二 刑二

靈壽成安威縣廣平任縣南和又次之所當改
折起解者也以上所言皆臣等與道府目擊民
力之難堪仰體

聖君賢相愛養子遺之深意而代為控陳者也伏祈
勅下該部速為議覆蚤一日蚤出一日湯火寬一分
便寬一分性命矣

崇禎十五年三月二十五日具

題四月二十六日奉

聖旨該部作速議覆

巡按真定等處監察御史 蘇福 謹

題為增折馬價以寬民力以蘇民艱事臣巡歷所
至百姓擁馬首而呼者不曰苦於津遼米豆則
曰苦於起解俵馬夫津遼米豆臣已於那本亟
宜力培一疏祈恩

皇上矣惟俵馬一事敢以無病於

國有益於民者再一仰陳計俵馬額派於北直等
州縣也以

國初原有種馬滋息繁則起解易年來寇盜頻仍

災荒疊至則驟種久絕矣買之販商而商人計

奏疏 一 增一

本求利百金之價僅得下駟勢不得不買之四

方而往返有道路之費喂養臆壯纔敢起解而

兩三月中有草豆之費交割衙門經一人手眼

多一人照管處處有打點之費故每馬費至一

百七十金而水草不時有倒損驗烙不中有駁

回猶不在此數往往一人買馬蕩一人之產便

窘一人之命卽曰官買官解可以寬民而一馬

有三馬之賠有司亦安有點金之數也臣謂軍

中所需必用邊馬邊馬產於邊不產於腹合無

照十四年關門改折每馬五十金之數再增十

金分發各鎮命赴邊市買在軍中既獲上駟之
選則百姓可省無窮之費然亦不敢求爲例也
俟一年後物力稍饒百姓急公其肯後哉臣非
樂一控再控瑣瀆

宸聰據足跡所到如寧晉趙州一帶與大名所屬數
十里不見人蹤一望荒草迷目時於蓬蒿荆棘
中見一影動視之又狐狸也地中寥寥數百姓
半非人形其哀哀求請真淚盡而繼以血矣臣
獨何心不一代籲祈

皇上以不能催科處臣爲百姓寬此一季物力臣所
奏疏

願也臣又有言者衝途各邑敝馬殘車不能供
輪蹄之苦哭聲滿於驛路其所難又不在使馬
而在驛馬祈

皇上勅部速行復驛之請則二三遺黎其有瘳乎

崇禎十五年三月二十九日具

題四月二十七日奉

聖旨該部着議速奏

巡按真定等處監察御史臣衛楨固謹

題爲奸弁誣殺忠良事臣惟師以和克忌功者敗

至借劍殺人則疆場事不可問矣督臣呂大器
杖撫標叅將王燦而坐以逗遛必殺之罪則總
兵姜瑄副將張天福爲之崇也前燦統千餘新
募之兵分防廣大遇逆帥白廣恩之淫掠則戰
遇數萬強敵薄天雄則戰以寡敵衆濱萬死以
保大名後敵人廣府則遣至廣府及敵兵犯真
定奉臣調提馬兵一日夜馳三百里來至豈逗
遛者耶真定爲

奏疏

皇上根本重地一時官民震號時除甘肅一千兵此
外來援者何人來自守人自戰與臣患難是共
者惟燦輩諸將此豈不受節制者耶則燦之忠
義

天鑒之臣諒之矣有東鹿窩生翟俊儒者窩標營逃
兵而占其馬恨王燦之逼認也行賂於總兵姜
瑄副將張天福結爲兄弟一倡衆和故慢令致
期陷以逗遛之罪燦以遠鄉孤蹤遂無處控懇
矣試問初七日會赴安州督臣面諭耶抑姜瑄
傳諭耶瑄不明不白之語始終含糊至初八日

燦已責禁而瑄之移會纔至其逗遛應於誰屬者察一時同事者十四將何燦五六百步卒遂能壞全局耶大器之作威行杖不察真情甘爲奸弁穿鼻以莫須有三字殺人不知自待爲何如人矣更可異者大器送王燦於獄而張天福授清苑典史銀十兩一夜拷打逼獻銀一百五十兩而始免死則是督臣生死之權捕官代操矣又可異者總兵和應薦營兵留防定州其軍兵姦淫難婦掠人財物占人房屋被害一一可問署官詳明督撫而大器曾不一問豈撫標將

奏疏

二

奸

逗遛者應責而督標將姦淫不應責耶大器舉動無主爲群小愚美臣不能不爲忠義者寃也察大器生平陰陽其口而依違其行原不足責而奸弁仗愚督之威福以殺人亦何以服三軍之心而鼓諸將之氣乎姜瑄張天福應以誣罔斬或不待臣言之畢矣伏祈

皇上勅部察議施行

崇禎十六年四月十七日具

題五月初一日奉

聖旨督臣節制兵將事權原重王燦既逗遛違調自

應懲糾何得旁撓本內作威穿鼻及誣罔應斬等語又輕以逆字加人殊屬妄肆衛 姑不究該部知道

奏疏

三

奸

巡按真定等處監察御史臣衛楨固謹

題為殘黎可憫根本宜籌謹灑淚呼

天懇

皇恩蠲免事

畿南自戊寅之變百姓死於寇死於兵死於荒死於疫已十太其七矣所餘一二人遺寄命於樹皮蒿實者四歷季壬午歲稍熟死者甦病者起

臣曰

天或不絕此輪將種類乎而禍結重尋矣歲前兵燹之厄止及真屬七州邑與大名十一處而茲且

奏疏

蹂躪無遺地其已破之城夜有鬼哭盡無人行不必言矣即未破者如小邨並大邨與夫山寨民堡之類按殺幾徧夫枝葉已盡焉用空壁一時殘黎非妻哭其夫則子哭其父而慘殺絕門者且並其哭聲告寂也臣猶望馬口遺禾留多寡以充枵服而三春不雨麥秋俱枯嗟乎大軍之後必有凶季臣復何望哉百姓一日不死一日呼

日呼

天喘息未定便計謀生復驚心於近畿錢糧俟事平

照舊輸納之

旨冀

恩蠲免者泣陳不止也臣察科臣時敏曾為其屬十

四邑請蠲緩錢糧已奉有

命旨但未經部覆在百姓空懸望眼即有司事屬騎

牆一時殘黎猶未沾實惠焉臣今所言不止十

四邑且在全屬矣不止真定全屬且在四府矣

伏祈

皇上念畿南為

神京根本地留一人即留一日後輸糧之人

亟勅部察議援豫東諸例將四府中十三四五年錢

奏疏

穀除存留驛站兵餉外一切京邊三餉俵馬等

類盡數

蠲免命一意辦十六年之賦庶子遺不至於盡也且

百姓物力止有此數完在舊逋欠在新租一歲

不過了一歲事究竟於分數無增減也但以少

病則減愁彼於呼

天捨地中聆

皇詔寬恤喜窮愁不告之父母而憐之

大君則猶有一綫生氣乎

崇禎十六年四月十八日具

題奉

聖旨該部議奏

奏疏

三

巡按真定等處監察御史臣衛楨固謹

題為武弁強辨飾非敢再糾橫擾之實祈

勅部重懲以儆將來事臣於二月二十四日有武弁

驕橫一疏叅授剿總兵官潘鳳閣見奉

旨察議無俟臣再言臣巡歷大名接鳳閣為縣令遲

悞軍精一搗若以臣止知殿辱職官一事而未

悉其沿途驚擾之實也臣

請再一言之其真定知縣糧草無缺有督理京營孫

傳庭恭述沿途荒慘一疏言真順糧草竭力措

辦並無匱乏見在

奏疏

御前糧草無缺傳庭先供之矣鳳閣何詞至言其一

路無擾能無咋舌其過定州除正支外折耗米

四石耗豆十一石折草二千五百七十束而折

打點銀十四兩猶不在數委官曹志陞可證也

其在新樂縱把總范世際多支行糧一日鎖殿

庫吏索嘗例四兩錢五千折驛馬六匹夫十四

名倉吏張鳳翔可證也其在栢鄉除正支外捨

草三百七十五束仍每束折銀一錢二分共折

銀四十五兩典史沙本質可證也而最可恨者

在趙州遇高邑解戶劉五經解到協濟糧草鳳

關逼索嘗例二十兩仍繩鎖不放致五經繼死於關王廟今其屍見在也以上諸事皆鑿鑿可據鳳閣尙敢曰堂堂大帥不覬覦芟須言之寧不自愧然不止一鳳閣也近兵部差官周應元路過衡水折夫折馬詐騙五十餘金猶辱罵知縣勢若反叛矣保定差官樊崇爵避名顯在定州弔拷車戶用車四輛每輛索詐五十金而後去則橫辱到處成風矣武弁驕悍慣成有司吞聲忍氣莫敢誰何而鳳閣強辯飾非曰武臣體統凌夷直至如流寇焚劫殺淫而後纔謂之尊

奏疏

嚴乎伏祈

皇上立行正法爲殺一警百之舉並將周應元等一併嚴懲庶軍紀肅而地方安將來領兵者稍知收斂矣

崇禎十五年五月十一日具

題五月二十七日奉

聖旨這奏內事情着該部一並察議具奏

巡按真定等處監察御史臣衛楨固謹

題爲暫停可已之積貯以避民困事臣巡歷晉州據州官稟真定所屬每歲運倒馬龍固三關米豆草束無益軍需而有三弊兩難一弊在歲久紅朽一弊在武弁侵漁一弊在奸胥包攬而地方荒疲始焉征派難山路崎嶇繼焉運解難臣因行稟關廳察例所自起蓋爲十一年邊烽震內地三關單薄遂議真定屬縣每歲解積儲穀六千石草二百三萬束積儲三關以備防兵之用今積儲之數仍責州縣而解關之數盡派民

奏疏

一

停一

開矣且搬運有費而百姓倍出矣照額察算三歲應積穀二萬草七百萬今所積尙無三分之一有爲積棍包攬花費不解者有官發本色而解戶交折色利歸奸胥者有舊價每斗一錢五分今折至四錢及察盤時仍以一錢五分筭而利收入官者有兵弁照派定州縣親自本討私折入已不肯入官者種種弊端不可枚舉臣謂三關係內關不比邊關萬一有事呼應較易而預以百姓鬻妻賣子之錢積於不可稽察之地至數十年欲用時不紅朽壞則雀鼠耗耳且民

間物力止有此數欲力辦此項而正賦又拖欠矣然臣不敢謂關積可廢也察崇禎九季因茨溝受驚奉部文每歲留津米六千石津豆四千石以待客兵本府有撥解三關者合無卽以此數註定一半貯於近關州縣以備三關緩急之需則不病民不病

國稱兩便矣而新設解關者一槩

允免是亦甦民力之一端也爲此理合具

題伏祈

勅下戶部議覆施行

奏疏

崇禎十五年五月十七日具

題六月十六日奉

聖旨戶部速議具覆

巡按真定等處監察御史臣 衛楨固謹

題爲採訪時艱憂深重地伏乞

聖慈軫念

勅部酌議以保子遺以固根本事據湖廣道御史潘

世奇題前事奉

聖旨這本說三郡地方災荒着該撫按作速察奏該

部知道欽此行道察議具詳到該臣看得

畿南十四年災荒臣入境卽有困苦異常一疏求

蠲十三年錢糧益合四府統言之也已奉

旨准緩至麥後開徵矣續又有那本亟宜力培一疏

奏疏

求免十三年津遼米豆益就四府中摘言之也

已奉

旨准與蠲折矣臣何敢再言其實

畿南困苦州邑原無輕重今奉

旨行察十四年三郡災荒仰見我

皇上痛念民瘼曲體無遺臣遵奉催察據各州邑所

報者言帶血字字傷心委無一句欺飾臣終不

敢一槩叙入致缺

國賦謹會同撫臣楊進於無可分別中強列等第

在三府所屬應以內丘唐山開州長垣爲第一

以鉅鹿廣宗邯鄲爲第二以沙河清河元城東明爲第三其列一等者皆有地無人有人有司不能數魁錄而問之真所謂蠲亦蠲不蠲亦蠲者也
伏祈

皇上於十三四兩年錢糧盡數全免而本季者緩至秋成容臣等勉力催辦以冀其完報於萬一其列在二等者應蠲十三年之賦而十四五年如俵馬米豆芝麻花絨一概俱折庶二三子遺不至與內丘等邑同歸於盡耳至列三等者得緩折足矣殫力急公不敢稱苦遂不敢望蠲也臣
奏疏
又有言者真定所屬寧晉趙州栢鄉災荒不減於三郡臣目擊之不敢不因三郡而並言之統惟

勅部察議施行

崇禎十五年六月十三日具

題七月十七日奉

聖旨該部察議具覆

巡按真定等處監察御史 衛楨固謹

題爲增折馬價以寬民力以蘇民艱事崇禎十五年七月初五日奉都察院勘劄刑科抄出兵部尚書陳新甲覆臣等題前事等因奉

聖旨馬匹軍政亟需豈可輕議改折據稱民困堪憐曲示軫恤依議着巡按御史速行確察極災地方量准折解每匹止納銀五十兩不必議加以昭恤民德意今歲暫行一季後不爲例其餘被災處所仍解本色不許妄覲改免餘俱如議飭行欽此欽遵抄出到院備劄到臣該臣察得改折與蠲免異蠲免之利民獨受之而改折則不

病民仍不病國者也且俵馬起解本色民百金不能購良驥解之各營半經駁回無實用而延時日事似急而實緩起解折色一馬之費可完三馬而各鎮自買又得良驥百姓踴躍爭輸數可立辨事似緩而實急不然臣豈不知軍需所係敢爲不情之呼哉今奉

旨覆察臣亦何敢復贅謹就各道所報六十一州縣中而刻刪之其土地荒蕪戶口逃絕者開州長

垣寧晉隆平唐山鉅鹿廣宗也其災荒而兼衝途疲困莫支者趙州栢鄉樂城內丘邯鄲新樂獲鹿也其邑小力薄素號疲敝而兼有災荒者臨城贊皇高邑新河武邑武強衡水沙河大名任縣廣平也其元形雖具元神已削或以劇邑供應苦或以馬數額多苦者元城曲周深州滑縣也以上二十九州縣皆地稱極苦其十五年俵馬例應以每馬五十金改折起解其餘次災州縣容臣勉力催解本邑以體我

皇上憂切疆場之意不敢一槩仰籲並不敢求來歲

奏疏

二

作例也伏祈

勅下該部立賜施行早一日民寬一日之累便早受

一日之賜矣且免別邑盼

恩無窮者以觀望之故而遲悞軍需也

崇禎十五年七月初七日具

題七月二十七日奉

聖旨兵部知道

巡按真定等處監察御史臣 衛楨固謹

題爲大風傷禾蟲災與蝗災一時並至事臣受事畿南入境來雪雨霑足凡未荒地畝麥秀芄芄妄意旦夕可以登庾

畿民劫運將盡元氣漸復從此急公之賦一切修築積儲可漸次舉行不虞

天心不悔禍也臣巡歷至濬縣聞蝻生淇衛者甚多無何而東明報矣長垣開州等處報矣臣委推官親太察驗責州縣盡力撲打每蝻一斗給粟一斗而各邑有報五七石者有報數十石者開

奏疏

一

州撲至一百七十石而遺種猶不絕也此一災也臣經過州縣見綠樹無葉慘淡如冬景詢之皆桑棗樹夫新絲與新穀並重而棗又小民續命之物二樹關民衣食蟲不食他樹而偏食此二種豈

天之有意殺人乎此一災也然幸於麥苗猶無傷時入五月五日不風至十三日夜忽狂風大作折樹掀屋而麥有折頭者有連根吹出者有掩於沙土者臣時在廣平親出城察驗見其披靡狼藉如兵馬踐毀狀一時百姓號哭遍野其災又

在蝗之上矣臣等奉職無狀下不能甦民困上

不能回

天心每一念及幾不欲生且時又旱甚秋禾漸枯臣

等除率屬齋沐祈禱減訟清刑恤災問疾外謹

會同撫臣楊進合詞入

告以臣子有罪則呼

天呼

父母不敢不據實上

聞也

崇禎十五年五月十七日具

奏疏

題六月初八日奉

聖旨據奏風變蟲災甚妨農事殊深警惻着該撫按

飭屬軫卹痛加修省以圖挽救該部知道

巡按真定等處監察御史 衛楨固謹

題爲武弁驕橫辱官祈

勅部嚴飭以明體統以便供應事臣入境之日見衆

役擡一重傷之人求檢詢之爲真定衛經歷管

縣丞事史傳循也因援兵經過爲領兵官潘鳳

閣痛責二十大棍奄奄垂斃臣謂大兵經臨供

應不周責在有司察真定糧草無一缺乏而止

以攔阻入門之故妄作威福凌辱職官責畢又

曰爲知縣帶太嗟乎文職體統至此掃地以後

兵過地方有司皆閉門不敢出一步非惟苦無

奏疏

多糧蓋亦苦無多命續又據內丘報鳳閣過本

縣凌辱難言除支正項糧草外索銀十八兩錢

六千而別營之潤捨市集砍死鄉民者臣不勝

瑣瑣上陳也伏祈

皇上勅部將鳳閣懲處仍到處嚴飭以後領兵官稍

斂武威庶供應者不至望而卻步也臣又有言

者各州邑新設練總官繇院道委用便借院道

爲護符繇鄉紳保舉便靠鄉紳爲牆壁藐視有

司驚擾小民雖臣等屢爲申飭而一耳目安能

遍於閭里詢其職掌不過帶二三鄉夫護銀鞘

防草竊耳夫銀鞘經過責巡捕官領鄉兵護送儘可無事至土寇竊發責在防汛武弁即捕有司臣當隨機勦撫以立靖之亦何用此輩之擾擾多事爲臣非獨爲

畿南言此等無用之官各省直皆可一筆勾消也伏候

聖裁

崇禎十五年二月二十四日具

題三月初六日奉

聖旨據奏潘鳳閣擅責職官恣行需索並勾消練總

奏疏

事宜通着該部察議來說

二

武

巡按真定等處監察御史臣衛楨固謹

題爲嚴逃兵之誅以肅軍紀以防譟譁事臣惟兵在今日無事則從營食糧臨陣則掉臂以忝凡營皆然而保定之兵爲尤甚臣前過保定官民泣訴兵擾地方夜間草竊日裏截劫皆兵也平日既無紀律臨時豈受約束臣受事未三月保定兵颺於河北已二見四月中臣按大名據叅將土國寶報保定中軍姜明武領兵援豫於三月二十一日至小宋集馬步軍鼓譟逃去二百餘各不知明武曾一報督臣否督臣曾一稽察

奏疏

一

否而逃者安坐於家食糧自若也五月初臣按廣平據道臣張有譽報本月初一日保定逃兵百人過永年臣卽諭廳縣官率兵擒獲五人餘驅逐出境詢之爲曹監紀所募新兵內有六十名颺去而此百人其追逐者也想追逐亦其俗名迨至河干連此百名亦零星散去矣守備韓養成不知何以報督臣或沿途又尋乞兒充數耳逃者自逃覓者仍覓點數有人過去不問上下相蒙兵亦安得練戰亦安得勝哉臣請以後募兵必選有父母妻子者仍取親鄰其結一

遇離伍不惟誅其身並坐其家人彼或有所愛而不肯逃營中實行五人爲伍之法一人逃公四人連坐彼或有所羈而不能逃至逃過州縣察無糧票數少則有司執而殺之人衆容臣等發兵剿之到處設禁不寬縱一步彼或有所畏而不敢逃不然驕慣性成領兵者爲自己掩過遂爲若輩護短恐將來督撫隻身蒙難如汪喬季傅宗龍者到處皆是矣伏祈

奏疏

二

逃

勅部一問督臣凡此逃兵作何處分會否察名正法

勿令旁觀者憤惋不平也

崇禎十五年五月十七日具

題六月二十一日奉

聖旨據奏保兵屢次逃颺將領何無申報督臣何無稽察本內募練剿逃事情通着該部看議來說

巡按真定等處監察御史 衛植固謹

題爲請留營兵以固城守事崇禎十五年閏十一月初二日據真定府呈稱奉兵部劄付前事議以真定兵盡數調援以陽懷防豫兵留四千名分防真定等因到臣部臣會同撫臣楊進科臣時敏看得守城固藉兵矣亦藉人地相宜之兵若人地不宜而彼此懷疑不如無兵察真定府標兵並火攻營兵生於斯長於斯聚父母妻子於斯鎮城久恃爲磐石今標兵二千名已入援矣所留止火攻營二千人戰則不足守則有餘

奏疏

一

臣等猶以磐石恃之一旦欲盡數調移而以陽懷兵更換住守在當事者不過謂移緩就急遂不顧以容亂主臣察懷兵見在河干去真定不數武且軍裝素備調之入援可一呼立應緩急原無多時若必欲多此一番更換以不謀面不謀心之客兵而欲以腹心是寄臣慮人地不宜士民洶洶寇未至而鎮城將不守矣

畿輔何地可容輕擲臣等有專城之寄實不敢造次奉行伏祈

皇上勅部卽以懷兵盡數調援鎮城得火營二千人

守禦已足若

皇上慮重地兵力宜厚待懷兵至信時卽以前入援

標兵照舊發回一轉移間而地方荷

福無窮矣臣等權地方之利害不得不爲此切膚之

呼惟急

勅該部立賜施行臣等不勝惶懼待

命之至

崇禎十五年閏十一月初四日具

題閏十一月十四日奉

聖旨兵部知道

奏疏

二

巡按真定等處監察御史臣衛楨固謹

題爲氏孤子逆願捐餘產以助

國課籲肅汰紀以謝九原事據原任大同巡撫今

遣戍已故胡霑恩妻王氏奏前事奉

聖旨胡大臣着該撫按提問本內胡霑恩曾有遺詞

投控撫按何不代爲伸理有無資閣着據實各

行回奏該部知道欽此行道審究府縣擬胡大

臣徒懲家產沒官等因到臣該臣看得胡大臣

少季浪子聽宵小煽誘蕩產耗貲至失恩諸父

獲戾父妾據府縣所審以誣告擬徒沒產入官

奏疏

嚴以懲不肖似不爲枉但審王氏爲胡霑恩庶

妾冒名正妻旣亂嫡庶之分其兄弟狐鼠作奸

盜弄人家貲又昧處家之宜厥罪不減于大臣

王麟以婢子堂弟借他人家問詎誣瑣賣

天聽則罪又在王氏上矣若單執大臣而置之汰以

後嫡妾不理于嫡嗣輒至蕩敗身家京棍借名

誣罔橫開告許傷風化長刁惡兩不便焉况輸

貲又非王氏本意乎臣揆汰於情王氏終爲胡

家鬼大臣終是胡家兒一旦作妻婦妻兒饑餓

相煎家庭間翻多戈矛合無如道臣所擬以地

銀六百入官充餉而二千餘金之家貲分作兩
分半給王氏半給大臣令其骨肉間感泣悔悟
成

聖世慈孝治民之美此正經也大臣既經革職於
已盡再以不善處家庭與二三家僕量杖示懲
情止此汰止此矣王麟越在千里姑置不究可
也如果臣擬合汰則府縣之案應翻如以爲爭
端構於家貲應全捐以充餉則有府縣之原案
在並大臣等之原罪在臣不敢一筆抹殺也既
經該道擬議前來相應具

奏疏

題伏祈

勅部議覆施行

崇禎十五年六月二十日具

題七月十八日奉

聖旨該部覈擬具覆

巡按真定等處監察御史

題爲懇恩並叙剿功以勵從戎以勸將來事

畿南盜息民安臣敢以安輯與消弭自任揆厥所

由皆

皇上

寬仁之效蠲緩之遺亦從前撫按諸臣撥剿之功也

臣察庚辰冬

畿南幾成盜藪而最著者邢襄與天雄兩處其一

時勦功已經撫臣楊進題明而在事諸臣久盼

皇言作華衮合兩案共之於四月初八日接邸報天

奏疏

雄一案已奉

旨並敘矣一時文武諸臣歡聲雷動謂

聖明之下無功不錄而在邢襄者或不免削色臣因

撥邢襄原案見當日新集董里周王寨長順村

等處土寇蜂屯蟻聚稱萬稱千勢更獷於天雄

而撫臣楊進多方調度前按臣韓文銓親在戎

間並一時用命諸道將戮力剪除其用力較苦

而功尤偉原報功次見在兵部臣不敢重贅止

與天雄並較剿同功同而察敘不同似非所以

激勵人心也臣子遇

皇仁有一處不周

皇恩有一人不戴不敢不言伏祈

勅下兵部察撫臣敘功原疏並為

題覆庶在事內者知前功不遺於

聖鑒鼓舞恐後即在事外者亦知樹勲盡獲夫上賞

踴躍爭先矣

崇禎十五年五月二十六日具

題六月二十八日奉

聖旨兵部知道

奏疏

二

懇

巡按真定等處監察御史臣衛楨固謹

題為殘邑衝疲已極經過兵丁騷擾難堪事崇禎

十五年十月十九日據井陘道詳報稱

畿南困苦莫甚於驛遞而驛遞之騷擾又莫甚於

武弁也如王總兵差官王國忠石誦調蘇國全

經過獲井二邑需擾之慘真同狼虎用車六十

輛所載俱少婦優俳之流以兩邑地險車難方

軌需折羸驢六百頭有不足者每頭折錢一二

千文騎馬二十一匹外加馬一匹每匹仍加索

錢五百文稍不遂意即鎖拷毆辱橫索銀錢甚

奏疏

一

至劫奪商客婦女之騎必得錢乃肯贖放更有

強拉驛馬長驅越站而奔迄今尚未放歸如此

克悖大肆荼毒若不亟為懲創郵傳立見傾斃

矣等因呈詳到臣該臣會同撫臣楊進看得驛

遞至今日苦極矣諸有司奉復驛

新諭政好從頭整頓不謂武弁輒無忌也延綏總標

叅將王國忠石誦調蘇國全經過獲鹿井陘非

援剿之行有器械火藥何至用車六十輛即云

車數載之勘合其需馬羸應有定數何至用六

百匹之多即云六百匹用以代車矣又何至數

外需索折乾吊拷書役且越站不返耶又何至
劫客商之馬奪婦女之騎耶據二邑所稟整一
歲之站銀不勾此一日之用且謂此輩一過十
年不得復元氣臣聞之憤且恨此輩行路多劫
奪便知用兵無節制

國家何用此橫暴之武夫爲哉伏祈

皇上勅部詳察叅遊經過是否應用車六十輛如係
私填擾驛應將王國忠石誦調蘇國全嚴加懲
處以爲後儆庶殘邑有起色而驛路無哭聲也
崇禎十五年十月二十二日具

奏疏

題十一月十七日奉

聖旨王國忠等需索擾驛事情着該部察明究處據
稱整一歲站銀不勾一日之用且行路旣多劫
掠用兵豈有節制並該鎮也着嚴飭

巡按真定等處監察御史臣衛楨固謹

題爲挑濬城濠以資固圍事臣惟池湯而後城金
則城守之資半於深池是籍焉察真定府城濠
平涸無水躍馬可越欲動工挑濬議者謂非數
萬金不能辦臣言

國事猶家事可尺尺寸寸而計安能費如許金錢
哉遂委炤磨童養聖四面估計除東南有水不
計外應濬者共三百五十三畝臣發銀令濬一
畝作榜樣計費十五金總羨不及六千金因分
派道府廳縣一時動工撫臣與臣各濬五十畝

奏疏

挑一

井陘道臣楊汝經濬二十畝知府丘茂華濬四
十畝同知王文林濬七畝同知朱彞槐濬七畝
通判李日晉濬七畝通判劉彥濬七畝推官李
讚明濬十四畝真定縣署印同知朱彞槐濬二
十畝經歷周懋昶濬五畝叅遊守備王衍範李
茂春魏存信王燦孔希貴孫經世各濬十畝鄉
紳捐助濬二十畝其餘則指揮佐貳材官鹽商
差役分濬之於八月初四日起工於十月初十
日報完共濬過三百五十三畝共費銀五千二
百九十五兩皆臣等照每畝十五金捐貨覓工

未動民間一粒並未私役一夫今濠水深一丈
一望汪洋寬深可恃是役也捐貲多者知府丘
茂華署印同知朱彞槐也分勦其事者同知王
文林等衆遊王衍範等也奔走司工者炤磨童
養聖也而總督厥成者則井陘道臣楊汝經推
官李讚明也凡此亦臣子分內事何敢言功但
諸臣捐助盈千盈百是亦苦難事且是役初動
時臣曾許事完

題叙以示激勸想諸臣冀以

皇言作華裘臣不敢事畢食言也伏祈

奏疏

二

挑二

皇上勅部議敘以勸將來目今尙議建敵樓造吊橋

次第動工諸臣將踴躍從事其有裨城守非淺

鮮矣

崇禎十五年十月二十三日具

題十一月十八日奉

聖旨該部知道

巡按真定等處監察御史 臣 衛楨固謹

題爲

畿輔之飭備宜周則真保之分轄宜講敬抒杞憂
以祈

聖鑒事臣閱邸報見順天按臣韓文銓疏有仍留保
督之議謂保撫兼轄六府顧南則遺北以鞭不
及腹切切爲保河慮也乃臣則謂順廣大太保
河幾千里撫臣顧北則遺南又切切爲真順等
四府慮之矣計二月中天雄清源一時震恐四
府在在告急而前撫臣奉扼剿之

奏疏

一

古駐防保陽不敢一步南下連標營凡戰兵亦提之
北太其駐防真定者纔千人耳臣聞順廣告警
欲一馳援計真定爲四府根本將本地付之何
人維時若得撫臣帶標兵駐真定臣且提之赴
順與之對壘焉肯坐視那襄告陷哉此前轍具
在也迷途未遠今是昨非臣謬爲亡羊補牢計
惟有撫臣分轄真保之一著使南四府單隸今
撫脫有不虞撫按南北分任焉一駐天雄一駐
恒陽各辦一隅事撫標七千兵原止足自用勿
調之別往此全局也則保河二府勢不得不割

屬順津兩撫矣臣猶慮河間屬津撫司漕事者兼顧不易保定屬順撫飭邊防者兼顧亦難時保督既裁不敢再議莫若添設一撫以補其缺使帶管保河二府事並割良涿一帶隸之又增神京一層保障在真撫得專意四府無兼顧之慮在順撫亦得留意兩協無南顧之憂矣且南撫關防原係巡撫

京畿不必更換卽新撫有保督衙門與隸具在也兵馬錢穀具在也又無煩增設事周而計密慮無出此議者或謂別省撫臣兼轄一省何獨

奏疏

二

職

畿輔而異之臣謂

畿輔不與別省等寧可百密勿或一疎若真保一處不守則

神京搖動矣兵焚不戒禍患方殷異日防禦必出於此無謂臣言爲迂也但與其張皇于臨事勿寧綢繆于先時耳臣才庸心小故過爲杞憂不願以保撫全轄者而議分其半也伏祈

勅部議覆施行

崇禎十六年七月十八日具

題

聖旨該部速議具奏

奏疏

三

職

巡按真定等處監察御史臣衛楨固謹

題為逆帥淫掠無了時百姓痛苦無了期謹悲憤

陳情以祈

聖裁事臣惟

畿南經殺掠蹂躪四府中子遺無幾矣惟廣平一

府諸邑幸告瓦全似差強別府而逆帥白廣恩

踞其地兩月不動淫人婦女掠人財物焚人房

屋百姓死於寨死於洞者不知幾千萬人計兩

月來荼毒廣屬無虛地並無虛刻臣欲據實入

告慮激變地方又是劉超一不了事無論赤子飲痛

秦疏

卽臣亦吞聲今日持糧單相招明日持手書相

勸或動之以利或怵之以害彼膜然不動也臣

力竭矣在百姓不恨逆帥之肆掠而謂地方官

所司何事坐視虎噬於市而不問也在臣等實

無詞以對百姓矣謹會同撫臣徐標合詞具

題伏祈

皇上立賜施行或從彼剿寇之

請命屬督標入豫剿寇或

勅行督撫發兵剿除庶臣等得便宜從事時迫情急

刻不能待並祈

皇上勿行部察議臣慮察議之一刻卽百姓膏血原

野之一刻也臣不勝激切待

命之至

崇禎十六年四月十九日具

題五月初六日奉

聖旨白廣恩已有旨了隨輔臣南征建功與贖其部

下有淫掠不戢的該撫按察明叅處該部知道

秦疏

二

逆

先君侍御公當前明末造志抱匡扶其憂世憫俗之
衷發爲危言激論洞賜本根籌策誠良而時勢已莫
能支及受命巡視真定諸郡災告流行羣盜充斥悍
將驕兵縱橫益不可制先君以清勤振衰弛之弊
忠憤鼓捍圍之心明斷寒強暴之膽馳驅艱危慷慨
條奏令讀者太息沾巾未幾運移曆改而先君幽
屏沈鬱以歿先君疏草經兵燹之餘存者僅什之
一康熙己酉年滿宰新樂爰拮遺稿三十篇請栢鄉
相國魏公披訂而爲之序以相國會受先君一日
之知凡先君巡視畿南勞績又皆親見彼時編次

跋

付梓苦無好手歷久字多漫漶茲重校刊存雖使家
集獲永其傳亦庶幾備史乘採擇云爾康熙二十有
五年丙寅秋八月上浣男執蒲敬識

序

余年友銀臺衛公禹濤重刻其尊公侍御公疏草成
帙而以已臯列臺諫時所上諸章奏裒輯附後屬余
序之余拜手卒讀竊嘆君家兩世言路遭遇盛衰之
際非偶然也尊公紫嵐先生以名進士負匡濟大畧
丁明祚末造馳驅艱危慷慨披對忠毅剛果之氣使
人動色驚心謂天下盡得公等太平自可立觀值運
數旣移設施未究僅立言以垂世譽公辛丑捷南宮
起家新樂令治行尤異入領皂囊躬逢

序一

洽頌騰洋洋焉與唐虞三代比隆中外臣庶咸得慶
辰緯而褒河山公蘊開物成務之才敷體國經野之
論凡所建白疏通以盡情理和平朗暢以中機宜贊
事盛聖有獻替之勞而無逆鱗之恐有從容補衮正
色殿陛之度而無奮鬣怒張矯激沽直之嫌古者大
君聰明睿聖臣下忠謹恪恭叙六府三事同八風七
律莫不有嘉謨嘉猷入告我后措諸事業安以樂播
諸風俗厚以順率由此道也讀公諸疏如詩復節鎮
以奠巖疆議水運以裕軍儲請定

臨御之期以昭法守皆灼見致治本原而爲言其大

且急者至若廣賑救則云道旁盡無皮之樹村落少
暮變之烟其與尊公先生奏議所謂夜有鬼爨晝無
人行之語繪寫流亾憂民憂國至誠先後一軌公今
晉秩納言行將亮天工以膺殊遇大行其所學繼尊
公未竟之志爲肖子爲純臣仰讀君家集者知公世
篤忠貞異代同揆其於世運升降之故遭遇盛衰之
感有不勃然動於中者乎康熙二十五年歲在丙寅
西吳舊治門年眷弟嚴我斯頓首拜撰

序二

巡視東城雲南道試監察御史臣衛執蒲謹

題爲驛所已經減裁緩急尤當變通謹請併所歸

驛以甦驛困以濟軍需事臣以一介庸儒三季

外吏謬叨計曹媿無寸長堪効今荷

特恩拔列臺班夙夜思維固不敢抄襲妄陳亦何敢

緘默自居以負我

皇上宵旰圖治之盛心謹就今日急務于節省錢糧

之中寓軫恤驛遞之計以均苦樂者敬爲我

皇上陳之查經制設立驛所其衝僻遠近工料錢糧

原有定額近因軍興需餉內外諸臣酌有裁減

奏疏

其汰亦可謂詳且盡矣臣何敢贅議但臣初任

新樂乃畿南最衝小邑驛所並設其驛站養馬

以供差使所站備夫以供車損推而廣之天下

通例也以臣悉心體察驛遞之養馬經制有限

勢必多備餘馬更有驟驢以備急需則必按時

餵養草料弗缺尤有不時倒斃之苦在無事之

時偶遇差繁一日有用馬百十匹五六十匹不

等者卽或一日用馬偶少並或有不用馬之時

而馬之草豆自若也至所站則不然所站之支

銷計日按月不過日有夫也有車與牛也其寔

止夫頭數名遇有差使傳呼僱覓以濟一時之
過往甚至以數輛之車抵夫數百名開銷者是
原未常有車與夫牛也亦未常有平時之夫車
養贍以待之也夫以所夫之僱覓較之驛馬之
奔馳其勞逸已大不相侔矣今日羽檄紛馳皆
需馬而並未需夫其勞逸更不侔于昔矣近奉
減裁之議驛所一槩量減是所站未至大累仍
有餘剩非供所官之侵肥或有不肖之道府州
縣借端勒索而上下中飽亦不可知若驛遞之
苦一經議減實有不能以供應付者是一驛一
所已有苦樂不均又何忍以有用之金錢歸諸
無益之侵漁也臣因節省錢糧起見細籌驛所
偏累莫若通將直省所站歸驛則省一官卽省
一費仍將所站工料再爲酌裁以所之有餘濟
驛之不足如一日之中或有用馬不用夫之時
令其自爲通融則勞逸適當矣更有有驛無所
有所無驛之處亦可計程併裁再酌其緩地之
所而併裁之則軍機不至遲悞驛遞不爲大困
而合各省所站所裁之錢糧亦可少佐軍需之
萬一也如果臣言不謬伏乞

奏疏

十一

睿鑒勅部施行

康熙十五年十月十六日題十九日奉

聖旨該部議奏

奏疏

十一

巡視東城雲南道試監察御史臣銜執蒲謹

題為敬陳荒殘要地請復節欵重臣以奠嚴疆以

圖長治事臣以章句迂儒生長秦疆考古酌今

知三秦為天下肩背而延安尤三秦上游其安

危關係甚重臣目擊情形籌畫有素當茲秦疆

甫定其綢繆庸戶之謀以為久安長治之圖

廟堂自有遠謨臣就要地需人起見敬抒一得之愚

以冀

宸鑒焉臣籍關中治屬西安而與延屬切隣備悉山

川險要福順家澗其地北接沙漠古稱河套舊

秦疏

疆東至黃甫川則神木府谷吳堡以黃河為界

乃秦晉之咽喉也西至定邊則安塞保安沿邊

各堡與寧夏之花馬池接壤乃三邊之要衝也

南則鄜州中部宜君洛川宜川等邑與慶陽之

合水寧州西安之邠陽白水澄城韓城各為界

又有黃龍山之峻險綿亘硃砂嶺神道嶺之萬

山叢沓延袤數千里地大而荒人貧而稀每為

隣寇出沒無賴淵藪考稽歷代唐有郭子儀鎮

撫其地宋有韓琦范仲淹後先經略明季設有

延綏巡撫一缺雖駐劄榆林而以延綏為名者

不時或巡或駐則延安綏德皆要地也故藉以

平時彈壓有事撤定為最要者我

皇朝定鼎之初仍以撫鎮並留為經緯重寄迨後四

海蕩平全陝分藩為二而裁併延撫以隸西安

誠因時變通之法也但計省會而歷延屬往返

月餘時平尚苦鞭長莫及項自吳逆叛變柳溝

游擊李師膺首為倡叛定邊副將朱龍接踵嚮

應一時環慶山寇沿邊窮民在在蜂起僅有榆

林鎮城文武固守援兵立至方保無虞而綏德

延安首被淪陷其州縣同時十有六七俱遭殘

秦疏

破豈逆賊之果有千萬精銳耶盡土著無良聞

風波靡由十餘年來無節鉞重臣攝服故地以

至此也雖有營汛兵皆單弱即有守令習狃文

墨其何能制卒然之變哉幸藉

天朝威靈赫濯遣平逆將軍迅掃恢復克奏膚功出

斯民于湯火我

皇上睿慮周詳西顧維殷又

特旨移節雲貴總督四川巡撫二臣暫駐延安期盡

安撫綏寧之事今經年餘小醜盡皆逆迹四民

俱已安業而灰燼之餘尙多驚魂未定其暫駐

督撫不日終歸彼任曷若仍復舊制撫臣俾有
當責於以表帥將吏撫輯殘黎不惟耕鑿良民
永安化日卽有鷹眼反側盡皆革心延郡安則
三秦俱安誠久安長治之急務也臣非不知節
省錢糧之時何敢議設重臣但思一時之俸食
所費有限而半壁之保障關係匪輕臣切本省
地方之慮猶小上爲
朝廷封疆之計甚巨緣係條陳地方情形字多逾額
伏乞

鑒施行

奏疏

三

康熙十五年十月十六日題十九日奉

聖旨該部知道

巡視東城雲南道試監察御史臣衛執蒲謹

題爲王道本乎人情婚配宜有定制請

勅部議禁飭著爲律例以廣

皇仁以召天和事竊惟天地和而萬物生人情悅而
太平奏古者之制男子三十而娶女子二十而
嫁人有貴賤時無後先也記曰合男女頒爵位
必當年德用民必順故國無水旱昆蟲之災民
無凶飢妖孽之疾以此見男女之婚配所關甚
大周太王能使內無怨女外無曠夫古今以爲
盛事我

奏疏

一

皇上愛民如子固已環海內外人人得所今有事似
微細而實爲教化所必先者敢爲

皇上陳之臣奉

命巡視東城見京城人家所蓄婢女填街溢巷驅使
過於牛馬老死不許婚配白髮盈頭猶是雙鬢
婢子青衣半世依然隻影空房觀其垂首喪氣
困苦無聊一月之間投環而死者不啻四五人
深愁積怨真足以干天地之和致水旱之變臣
目擊心傷恨不能家諭而戶曉檢查律例過時
不婚嫁者從無禁制蓋爲良家子女俯仰有賴

婚姻自不愆期獨是此等窮賤之女失身為婢使不略為之計則為之主者安於固然而不知體恤殊可憫也推之而直省遠近不知凡幾夫一人向隅滿席不歡况天下之大如此者不可勝計料亦

皇上之所惻然動念者也今冊立

皇后

皇妃嬪大典光舉伏乞

皇上推恩廣惠

勅部詳考古今定一條例凡人家婢女年至二十以

奏疏

二

王

上猶不與婚配者許隣佑託告或為地方官查出其家主作何處分通行內外咸知遵守使匹夫匹婦均沾

皇上浩蕩之恩永祝

聖子神孫無疆之福豈非治平之大端耶抑臣更有進焉近來新經恢復地方其間婦女有前為逆寇擄掠恢復之後流落營伍離散失所者當亦不少合無

勅部一併申飭地方文武各官其俘獲婦女有親屬願贖者許其贖回無人來贖者各家主一例體

恤婚配以時是則一廣

皇上之仁一哀窮民之苦召天地之和氣卽以繁國家之生聚矣如果臣言可採伏乞

勅部施行

康熙十六年七月初十日題十七日奉

聖旨言官條奏應將有益國家之事明白指陳衛執道蒲以無益之事塞責具奏不合着飭行該部知道

奏疏

三

王

巡視東城雲南道試監銀鑄局 衛執蒲謹

題爲鼓鑄係生財之成法敬陳變通可久之方以
期實裕軍需事竊惟鑄山煮海自古並行不廢
而煮海之額課有定猶不若鑄山之措置得宜
其獲息更無窮也今軍興旁午需餉惟殷理財
之政已次第舉行矣惟鼓鑄自康熙九年停止
外爐每歲約少鑄息數十萬邇來部臣非不議
及臣同官亦經條奏皆因銅貴錢賤未及舉行
夫易行之事何難恪遵成憲惟難行之事能酌
變通之宜以去其弊而收其利方見經國遠猷

奏疏

不宜畏難苟安以廢弛停止爲得計也 臣愚以
各省鎮原設有爐座處所仍應照舊鼓鑄但其
間疏通權變之術不可不詳悉酌議以期可行
可久耳一則錢式宜定也查現行制錢每文重
一錢四分作銀一釐則獲利無多卽如寶泉局
設爐百座每年鑄銅二百八十八萬斤只獲息
銀二萬五千兩有奇若將銅一半鑄每錢一文
重一錢二分作銀一釐將銅一半鑄每錢一文
重二錢作銀二釐則以各省鎮爐座通算其息
不下百萬較之現行之錢多獲不啻數倍至於

錢爲

國寶應遵

本朝清字之制正面用清字鑄康熙通寶四字後面
用漢字記省分釐數其有積年作弊爐役侵盜
官銅鑄錢薄小以致錢賤難行者悉行革去又
何虞錢法之壅滯乎一則辦銅宜寬也查康熙
九年各省鎮因乏銅停鑄不知銅斤原未嘗乏
不過銅價未足有銅者不樂於發賣耳今錢式
既定而獲息較前數倍則銅價亦無妨量增銅
價既增則民間存有廢銅者自樂於發賣而辦

奏疏

銅之人不苦於採買又何虞銅斤之匱乏乎一
則用錢宜廣也查各省兵餉銀七錢三搭放此
從來定例康熙十三年部覆條議征調官兵給
以全銀坐鎮官兵照例搭錢後安撫題請不論
征守官兵概給全銀夫征調官兵荷戈馳驅制
錢難於携帶給銀固其宜也坐鎮官兵居家領
餉何不能携帶之有 臣愚以坐鎮官兵應照舊
銀七錢三搭放至於河工驛站漕項錢糧亦應
照康熙七年部覆錢法侍郎嚴正渠條議一槩
給以全錢用錢既廣則獲息自多於國用不大

有裨益乎夫定錢式以隆畫一之制寬銅斤以
免採買之艱復搭放以廣用錢之路如是而鼓
鑄不可行之久遠者未之有也况今時當擾攘
賴我

皇上德威遠播漸次削平值地方初定之時頒

國寶以繫人心通錢法以布聲教亦未必非蕩平之

一助也臣從國計軍需起見字多逾格如果臣

言不謬伏乞

勅部議覆施行

康熙十六年七月初十日題十六日奉

奏疏

三

鼓

聖旨該部知道

掌浙江道事雲南道監察御史加二級臣衛執
蒲謹

題為陸運之艱難已甚公私之耗費俱多請祈速
議水運接濟以紓民困以省國帑以裕軍糈事
目今漢興恢復三川門戶已為國家所有從此
斬關直下勢如破竹惟是師行糧食刻不容緩
仰蒙我

皇上軫念殷切飭諭陝省督撫上緊料理務以不悞
為主誠可謂灼見進取要領矣但秦蜀相接之
處飛輓不迥舟楫穿谿踰嶺節節苦累即極力

奏疏

催趨而夫驢馱負為數有限萬一雨雪載途塞
阻山谷夫驢難行勢必有中斷之虞夫以三軍
續命之膏而不為多方酌處單屬望於一線羊
腸之陸運非萬全不悞之策也臣查楚省漢江
一路溯流直通漢中約有二千六七百里雖自
襄陽以上灘高水急牽挽頗亦費力然向來茶
商往來其裝載茶包俱用祥獻船隻每船約容
五六百石以上從無阻隔則楚運之可達於漢
中也亦甚明矣合無

勅下楚省督撫催僱船隻每船止許以百石為率照

例計程給發水脚每運或一百隻則可裝米豆一萬石或二百隻則可裝米豆二萬石選擇材幹官員沿途督催以防遲延盜賣之弊約計不過三月以外則全幫可抵軍前士馬可資飽騰循環協濟事逸功倍計無有善於此者或曰旱脚有費水脚獨無費乎不知旱脚之費太多水脚之費甚少試即以旱運一萬石計之如西安所屬米豆運至寶雞無論已其自寶雞入棧以至漢中約有六百餘里自必派撥鳳漢二屬夫役就近安塘遞運每四十里一塘計應設一十

秦疏

五塘每塘安夫三百名每名每日止背四斗每日計運一百二十石十日一千二百石每月運米三千六百石是二萬米豆各塘共用夫四千五百名約五箇月零十七日方可運完照例每夫每月給銀一兩約需旱脚銀二萬五千餘兩以水運而言自湖廣省倉運至鄖陽每一石水脚一錢八分有零再加漢中一千餘里即離險增價不過每石再加一錢五分而止是每石約費水脚銀三錢三分以二萬計之不過六千六百兩而止較之漢運脚價是運二萬石少費銀

一萬八千四百兩有零所省不啻三倍而二萬之外可以類推也或又曰秦民以運爲苦楚民獨不以爲苦乎不知秦省派夫旱運除官給旱脚外民間幫貼尙數倍於官價是公私兩極其費也若楚省船隻乃船戶知有水脚情願領載猶之買賣貿易兩得其欲不過委官催覓委官兌載裝完押令開幫而已並無問之於州縣並不派之於里閭絕無科派之事一毫爲楚民累也夫以公帑而言脚價既省數倍以民力而言輸輓不累民間在秦夫無役久倡逃之憂在大

秦疏

兵無懸釜枵腹之慮則楚省水運之着似亦不待再計而決矣臣從省餉濟兵起見不敢爲畫疆分域之視故冒捥管見以佐持籌如果臣言不謬伏祈

皇上勅部議覆緣係條陳字多逾額統希鑒宥施行

康熙十八年十二月十九日題二十四日奉

聖旨該部議奏

掌浙江道事雲南道監察御史加二級臣衛執

蒲謹

題爲亟請開隨地捐輸之例以廣目前賑救並祈
重勸相農桑之令以固萬世根本事竊惟今日
蕩平之計自必以進取爲急以進取爲急自必
以籌餉爲重而臣之所懇懇長慮以爲目下所
最急而且重者則不在外而在內何也國家自
用兵以來賴我

皇上天威遠播勦撫兼行如閩粵歸正是賊失其黨
援矣湖南收服是賊絕其咽喉矣近幸恢復漢

奏疏

興是賊又棄其門戶矣渺渺游蒐所恃爲狐鼠
窟穴以延其旦夕殘喘者不過滇黔川中一二
窮瘠之區耳民賦有限戶口又復寥寥賊不多
不足以守多又不足以養雖猶負固依險而順
逆之勢既殊強弱之勢不敵我兵急取固得卽
扼其要而坐以困之賊衆自相驚疑計無不獸
奔而鳥散者是在外之勢無足慮也而在內之
可慮者蓋往年各處成熟米價甚平辦備軍需
民頗相安自昨年以來河南山東浙江等處飢
民載道比戶流離而今歲蘇松財賦之鄉重遭

荒歉山東肘腋之地所在攘竊道旁盡無皮之

樹邨落少暮爨之烟畿輔重地亦復米價日騰
又其甚者陝西西安一帶轉輸本邑每年所抵
正賦一倍費至數倍五六年間業已筋疲力竭
豈意今秋霖霖三旬繼以暴雨五日倒墻傾舍
老弱徙倚於廢寺婦孺轉移於他鄉哀鳴罄
民無安居邇者漢南進兵勉力供應道路日深
一日飛輓彌遠一日追呼之下漸多逃亡山谷
之間或至竄伏凡此萬苦情形難以殫述夫師
勞於外而民困於內萬一接濟斷於呼吸倡狂

奏疏

生於內地此根本關繫之所在而綢繆周恤之
不可或緩者也其所以綢繆而周恤之有救於
目前者一則曰隨地捐輸之恣誠以所在鳩形
鵠面自不能遍發帑金莫如於災荒省分隨地
開捐納事例照各省現行條目或銀或米量爲
減數計功議叙量爲加優擇其最荒地方以爲
收貯之所責令廉幹方面當重其事以州縣本
境之有餘卽以補州縣本境之不足蓋數減則
易爲奏辦就近又便於支放是不出本境而窮
黎可無飢寒矣無飢寒自可以無流移無流移

自可以無盜賊此救目前之急者也或曰軍前既開事例而各處又開恐碍軍前捐納似爲不便不知救荒急於拯溺且民間餓殍若多正賦將虧較之軍前捐納其得失之數孰多而孰寡耶况我

皇上事事從百姓起見若特爲飢民廣開事例暫行數月則如天浩蕩之仁家論戶曉比屋感泣不遠勝於前代武功爵例乎故曰開之便也有圖於永久者再則曰勸獎邵農之益蓋有司奉行每視風勵之意指重在賦役則吏以催科應之

奏疏

三

亟

重在農功則吏以循良應之平日不講求力田藏富於民而一旦天灾流行議荒政於倉卒之際豈足長恃乎合無立課吏之訟唯以民事爲主有能修隄堰時蓄洩防水旱茂耕桑以及開山林藪澤之利通南北異地之宜者是能爲朝廷實實愛百姓者也則勿拘文法以優拔之有如田野荒蕪人民散亡雖有勤辦微勞則以殃民抑之如是則天下知上意之所重而不勞農勸相以副職業者未之有也如此則田日熟田日熟則民日足民日足

則軍興不足爲慮而荒季不足爲憂此永久之良法也或曰今現有卓異保舉薦揚之典何嘗不獎勵良吏但在外奉行向未以農桑爲重而究竟民困未蘇樂利難期是循名而不責實未嘗備以田功爲殿最也故曰邵農之典重之便也以上二款言之雖似尋嘗之事而行之實屬固本之計昔文景富庶遍於海內成康郵治奏於卜年皆用是道也又何西南一隅足以分我父安之至計哉伏祈

皇上勅部議覆緣係條陳字多逾額統希

奏疏

四

亟

鑒宥施行

康熙十八年十二月十九日題二十三日奉

聖旨該部議奏衛執蒲二本冗長無益之言逾額不合以後條陳應簡明切實遵照定額勿得過爲繁冗着一併飭行

掌浙江道事雲南道監察御史加二級臣衛執

蒲謹

題為輦下之米價日騰冬雪之愆期已甚請祈亟

勅齋禱以額天澤以解民困事竊惟鶴飛星隕不足

以為災而小民之艱食可虞麟游鳳儀不足以

稱瑞而歲功之告登為祥故雨暘時若為洪範

所首重而祈我甘雨以介稷黍以穀士女小雅

甫田之詩亦甚重乎此也比自入冬以來天道

亢旱風霾日作時已暮鴈雨雪不降以致京城

內外米價日增窮民嗷嗷果腹為艱目下望雪

奏疏

即同望歲我

皇上嘉意愛民誠心格天如今夏四月不雨仰蒙

睿慮殷切步禱南郊告

天甫畢甘霖輒應禱而至一時歡呼之聲震動街衢可

見

皇上能體天之心以為心天亦即體

皇上之心以為心天人感格之機固甚捷而可徵也

今民間待澤方殷知

宸衷必加軫念合無請祈

天語飭諭大臣率同百官有司誠心祝禱一以重田

功一以答民願所由感天祥而迓有季所關於

根本之計良非淺鮮矣如果臣言不謬伏祈

勅部議覆施行

康熙十八年十二月十九日題本月二十三日

奉

旨該部知道

禮部題覆奉

聖旨這祈雪應行着速議具奏

奏疏

二

下

掌陝西道事雲南道監察御史加二級臣衛執
蒲謹

題為薄海已躋昇平宜因時定制以昭一代之大
典以垂萬世之宏規事竊惟我

國家定鼎以來經營四方三十餘年至

世祖章皇帝奄有區夏得成一統之盛我

皇上纘承鴻基正偃武修文之時頃因三藩犯順用

兵籌餉有煩

睿謀幸賴我

皇上德威遐布掃除禍亂立見澄清從古顯謨承烈

奏疏

未有如今日之盛者也昔漢文以守成令主賈

誼勸以制禮樂定章程則謙讓未遑我

皇上天縱聖神遠媿堯舜豈漢唐以下諸君所可及

臣謂創制顯庸輝煌盛業此其時矣太歲允憲

臣余國柱請編集一代樂章近允科臣李迥請

纂修大清會典明備之隆已足垂於百代獨是

官制一節臣愚昧之見不能無議焉如在內六

部漢司官則官有定司司有定員而陞調皆奉

旨遵行滿司官則官無定司司無定員而撥放惟堂

官是主此滿漢之當書一者若起居注係翰林

職掌而所設有主事之稱太僕寺乃京卿衙門
而所屬有員外之號此名目之不相稱者若兵
馬司文職也而指揮副指揮與武職略同都督
府武銜也而同知僉事與文銜無二此文武之
不容混者臣愚所見如此而觸類推之恐當有
不止於此者祈

勅下該部查歷代所傳舊章本朝現行事例因革損

益務求至當為

聖子神孫垂億萬年不刊之令典所關匪鮮淺也如

果臣言不謬伏祈

奏疏

睿監施行

康熙二十一年六月十二日題十七日奉

聖旨該部議奏

吏部題覆奉

聖旨九卿詹事科道會議具奏

掌陝西道事雲南道監察御史加二級臣衛執

蒲謹

題為 恩赦頒行已久流犯歸骸未聞祈

勅部查議遵行以信

詔旨以沛

皇仁事臣伏讀康熙二十年十二月二十日

恩詔內一款一凡流徙人犯在流徙處所身死其妻

子有願攜骨骸回籍者該地方官報明該部准

其各回原籍欽此仰見我

皇上如天之仁於已故人犯不靳恩膏之施視文王

奏疏

澤及枯骨之心尤為至也一時中外臣民無不

一歡呼感頌臣意為地方官者自應遵奉

詔旨查明報部速沛

皇仁乃已經半載寂焉無聞豈數十季來流徙人犯

俱皆生存無一身死者乎豈或既死之犯妻子

皆安土重遷無一願攜骨骸回籍者乎近見直

省各撫於斬絞人犯除十惡謀故外皆彙行報

明遵

詔釋放是重罪者已蒙再生之德而輕罪者尚為留

滯也又見督捕衙門為請

旨事一疏奉

旨王廷試季已衰老王德麟願以身代父情屬可憫

且其父子俱係讀書之人着從寬一併發還原

籍不為例是生存者得邀格外之仁而身死者

猶然掩抑也臣請

勅下該部轉行該地方官速為查明凡流徙人犯其

有已經亡故妻子願攜骨骸回籍者遵奉

詔旨一體施行庶已死之旅魂得歸丘隴不至飄泊

他鄉而未亡之妻孥不致流離亦得生還故里

則生生世世共沐

奏疏

皇恩於無既矣如果臣言不謬伏祈

睿鑒施行

康熙二十一年六月十二日題十七日奉

聖旨該部議奏

掌河南道事雲南道監察御史加二級臣衛執

蒲謹

題為文治既已大彰訓教尤宜廣勵以共勸盛化

永昭垂統大業事竊惟我

朝以武功定天下即嘉意崇文四十年來海內同風

人文蔚起

主聖臣賢已奏昇平之盛伏觀我

皇上聰明天縱猶聖不自聖日親講席萬幾之暇詞

賦珠璣翰藻雲烟流傳史冊光昭千古以為

聖子神孫之式一時

奏疏

諸親王夙著才名共勵勤學亦足以仰贊

皇上之深獨是

諸王哲嗣異日皆有議政會推之責蒙養儲教不可

不豫講也或為之需設學宮

睿選端謹誠懇侍從之臣教之留心經史諳練制作

以備心膂股肱之選或令統入成均如古三代

盛時適子胄子咸齒於學祭菜鼓篋以資觀摩

講論民生利病考究人才用舍俾

天潢一派悉成公輔大器則他時啓沃

聖明昭垂法守定議決疑以輔轍

皇猷翼贊太平總由今日之儲養基之也臣章句迂

儒對菲末議伏惟

睿鑒採擇

勅示施行

康熙二十三年五月初二日題十二日奉

旨該部議奏本內將諸親王諸王等字抬寫不合著

飭行

奏疏

二

文

掌河南道事雲南道監察御史加二級臣衛執

蒲謹

題為聖主宵旰彌殷

臨御繁勞宜節敬陳一得之愚以昭百世之法守事

我

皇上御極以來憂勤圖治朝夕靡遑卽堯舜兢業禹

之惜陰文之日昃不是過也然猶聖不自聖治

益求治每於昧爽

視朝咨詢周悉且

萬幾之餘披閱圖史好古勤學不肯頃刻自逸在

奏疏

皇上法天行健乾運不息

聖躬愈勤康疆益著大小臣工無不踴躍瞻仰以為

天縱非常傳之史冊將流馨百世矣臣之鯁鯁過計

願効芻蕘者因

聖體精神固用而愈出然晦明寒暑願養不可不慎

在今日密勿樞輔固朝夕之維勤卽部院堂屬

尤分班以啟奏我

皇上以一人而悉百工之耳目以一心而周萬事之

始末以一時而燭經年累月之積滯章奏繁多

咨訪必悉卽

聖體不厭其煩而大小臣工勉力對颺之下惟恐

聖躬之煩而勞者多矣臣愚冒昧上請

睿裁我

皇上勞一身以為天下還應為天下而愛一身

萬幾躬親不憚繁勞稍盡願養以迓

天和此固非臣下所敢妄議者但考古帝王五日臨

御已光傳史冊我

皇上酌古準今或照五日一朝之例五日一為

臨御再賜斟酌或三日或兩日亦為至密留一二日

之暇豫以盡一半日之精詳每見各衙門司官

奏疏

於會議會審之時紛紛說堂伏思

廊廟非說堂看稿之地且恐有匆促踈略之失如

欽定有期遇重大之事至期啟奏如三次逃人竊盜

日行平常之事悉令彙送內院則諸臣殫心盡

職在衙門辦事愈勤遇啟奏竭誠靖獻所謂省

事而益無廢事似緩而愈以精詳者臣職無曠

聖德日新於以追縱古帝王兢業無逸之微猷俯慰

中外臣民觀瞻之下情廢

明良喜起之歌開萬幸有道之祥皆在於此微臣葵

衷愚誠芻蕘末議伏祈

皇上採擇乾斷施行

康熙二十三年五月初二日題十六日奉

聖旨已有旨了該部知道

奏疏

三

主

大學士覺羅勒 題為欽奉

上諭事康熙二十三年五月十一日奉

上諭御史衛執蒲奏請御門聽政或以五日或以二日三日為期其意益欲君臣之間政事餘暇稍得休息也朕自躬親庶政宵旰弗遑念致治之道務在精勤勵始圖終勿宜有間二十餘年以來於凡用人行政事無鉅細罔不殫心籌畫早夜孜孜有如一日

郊

廟裡享必躬執祀事間有不能親詣皆甚非得已至

奏疏

一

於內殿齋居幾微悉謹左右警御咸所稔知在朕未明求衣辨色視朝朝夕與大小臣工率作省成用熙庶績近念爾諸臣奏事勞苦少展御門畧刻俾得從容入奏非圖便安邇來海宇救寧政事清省頃復諭部院衙門事應歸併者酌量合奏期於簡要從此民生日康刑清政肅部院章疏當不期省而自省若必預定三日五日以為奏事常期非朕始終勵精之意也其本內事情着內翰林院會同九卿詹事科道詳議具奏欽此該臣等會議得仰惟

皇上天竄聰明日新學問萬幾綜理鉅細靡遺自御極以來昕夕精勤寒暑罔間誠格

天

祖則享祀必親孝事兩宮則寢膳必謹於凡人才之用舍政事之興革禮樂之修舉軍旅之機宜無不

睿炤如神震謀允協邇者兵革旣息民生乂安伏觀皇上益勅時幾勤求民莫遇水旱則下蠲租之詔遇獄訟卽弘解網之仁身在宮庭而心周部屋令行一日而洽裕萬季蓋二十餘載之中無一時

奏疏

二十

上

不極其精詳無一時不深其乾惕是以功烈冠於百王德澤浹於九有要荒徯應海宇同風切考史籍所載自古英君誼辟蒞政之勤未有如皇上與天同體行健不息者也臣等獲事

堯舜之主幸遭唐虞之時惟有感慶逢竭思報稱以期刑清政簡仰贊恭已無爲之理茲御史衛

疏請

皇上御門聽政或以五日或以二三日蒙

皇上天語諄諭示以慎終如始之旨大哉

王言其足永垂千古臣等切惟諸司事務自

皇上睿斷釐剔俱有成緒四方奏牘亦漸次省簡刑措之風可觀久道之化已成

皇上允宜節宵旰之勞慰臣民之望臺臣所請少展奏對之期揆之前代如漢宣帝五日一聽政史臣稱其勵精圖治而漢唐以來亦有臣僚數日一休沐之制臺臣之言似可允從惟是

皇上聖諭明悉臣等不敢固請謹恪遵諭旨夙夜靖共盡心職守政事日修一日則章奏日減一日億萬禩泰交至治皆基於

奏疏

上

聖旨依議

真定奏疏一卷附刻一卷

陝西巡撫採進本

明衛楨固撰楨固號紫嵐韓城人崇禎甲戌進士
歷官雲南道監察御史此乃其巡按真定時所上
疏稿也凡二十六篇其論劾白廣恩淫掠及領兵
官潘鳳閣擅責縣官諸疏明季軍政之不修可以
概見一二其子執蒲跋而刻之執蒲字禹濤

國朝順治辛丑進士官至左都御史其初授監察時
適亦得雲南道遂以已疏一冊附刻其後

李文襄公奏議二卷奏疏十
卷首一卷別錄六卷年譜
一卷

〔清〕李之芳撰 年譜 程光祿撰
中國科學院圖書館藏清康熙刻本

附《四庫全書總目·文襄奏疏
十五卷附年譜一卷》提要

皇帝敕諭吏部尚書文華殿大學士李
之芳茲者纂修大清會典已於康熙
二十三年五月十二日開館朕聞一
代之興必有一代之治法著爲道揆
布在方策用以昭示臣民垂憲萬世
至弘遠也我

太祖高皇帝大業開基規模肇造
太宗文皇帝膚功者定軌物聿興暨我
世祖章皇帝統一寰區創垂兼裕諸凡命
官定制靡不準今酌古綱舉目張郁
郁彬彬無以尙矣逮朕御極以來恪
遵成憲率由弗渝間有損益亦皆因

時制宜期臻盡善俾中外羣工知所
稟承勿致隕越顧其條例事宜多散
見於卷牘在百司既艱於考衷而兆
姓亦無由通曉今命部院大小等衙
門各委屬員詳加察輯用成會典一
書特命卿爲總裁官其董率各員恪

勤乃事務使文質適中事理咸備行
諸今而無弊傳諸後而可徵悉心考
訂克成一代之典俾子孫臣庶遵守
罔愆以副朕法

祖圖治之意卿其勉之欽哉

康熙二十六年十月初六日

皇帝敕諭吏部尙書文華殿大學士李
之芳朕纘承丕基孜孜圖治宵旰兢
業二十五年於茲賴

天之靈

宗廟之福蠢爾小醜以次削平眷念吾民
雖甫休息而間并未盡安樂風俗未

臻醇古永惟治忽所繫實在朕躬日
不皇寧勤求至道行一政惟恐或戾
舊章發一言惟恐未孚衆志朕心乾
惕常用歉然乃臣僚援古時政日曆
及前朝實訓體例請將歷年政令編
輯成書朕未之許在廷諸臣合詞奏

懇至再因思古之帝王建極陳常言
期可法行期可則哀其政事著爲一
編用以式訓臣民昭茲來許厥有故
事方策具存茲特允所請定名曰政
治典訓命卿爲總裁官其董率在館
諸臣恪勤乃事以時綴錄惟質毋飾

惟核毋浮豈徒云徵諸庶民質諸百
世朕夙寢晨興思艱圖易萬幾在御
日慎一日藉用自考以比古者省歲
之意庶幾茂登上理久道化成卿其
勉之欽哉

康熙二十六年十月初六日

皇帝敕諭吏部尙書文華殿大學士李之
芳朕惟古帝王宅中圖治總攬萬方因
天文以紀星野因地利以兆疆域因人
官物曲以修政教故禹貢五服職方九
州紀於典書千載可觀朕纘紹丕基撫
茲方夏恢我土宇達於遐方惟是疆宇

錯紛幅員寥闊萬里之遠念切堂階其
間風氣羣分民情類別不有綴錄何以
周知顧由漢以來方輿地里作者頗多
詳畧既殊今昔互異爰敕所司肇開館
局網羅文獻質訂圖經將蒼萃成書以
著一代之鉅典名曰大清一統志特命

卿爲總裁官其董率纂修官恪勤乃事
務使采蒐閱博體例精詳阨塞山川風
土人物指掌可治畫地成圖萬幾之餘
朕將親覽且俾奕世之孫披牒而慎維
屏之寄式版而念小人之依以永我國
家無疆之曆服有攸賴焉卿其勉之欽

哉

康熙二十六年十月初六日

李文襄公奏議目錄

臺諫集卷之一

請革私倉民解疏
請禁委官查勘疏
嚴察假冒棍徒疏
糾拾溺職學臣疏
直陳奸棍誣逃疏
請嚴叩關定例疏
請行甄別大僚疏
酌議追罰事例疏

李文襄公奏議卷一

目錄

請勅查參庸員疏
春月踏勘宜緩疏
題參奸商橫行疏
駁參司道徇庇疏
嚴覈郡守職任疏

李文襄公奏議卷一

請革私倉民解疏

廣西道監察御史加一級 李之芳謹

題為釐革私倉民解以剔窟窟以信

功令事竊惟裕

國便民必在清奸除弊而弊之大者莫過於錢穀征解

失宜積蠹漏卮罔塞上關

國賦下係民膏若不徹底飭革必至公私交困即如各

省錢糧奉



李文襄公奏議卷一 請革私倉

旨官收官解此不易之良法乃聞各州縣查役專一發遣

官府每里揀拔殷實私倉批頭大戶名色俾令承值

上下衙門一應使費身家無不立盡故民間畏懼此

役如赴湯蹈火每遇倉點之時必百計營脫官吏居

為奇貨敢此倉彼展轉賣免日久不定及其既定偏

屬鄉愚不諳必須倩人頂充有等價侵錢糧棍徒因

而多勒幫貼包攬代解挺身擔承非為急公黏手入

囊便是已物因將在官銀米無不任意花銷州縣非

不報完報解止報空文司府非不差催接催專催使

費初猶用賄求寬繼則拚身擔比及至憲從追補又

累原倉里戶責令賠償小民膏血有限不堪一割再

削方其乏竭無以為生雖加笞箠終無所得可惜百

姓氣盡力殫之餘

國家尚不得絲毫升合之用以故各省侵欠錢糧為數

甚多追補還官者十常不得一二弊皆坐此臣竊謂

官收官解奉有

明給地方官不肯實心遵行致令良法不得究宣民間不

沾實惠總緣上下衙門陋規相承一切添搭增耗餘

米使費種種名色牢不可破打點一處不周累年不

得了結若不出之百姓安從天降地生所以私倉民

李文襄公奏議卷一 請革私倉

解之弊有司視為故常撫按知而不問苟且欺蒙將

何底止請乞

勅下各該撫按遵照官收官解之

旨力行整頓將此批頭等項名色及各衙門需索陋例嚴

加察革果能實意釐奸自然人心震懾各州縣徵收

銀米專責各州縣佐貳官秉解更飭州縣及佐貳等

官俱宜洗滌肺腸力為百姓擔當不論上下衙門官

役但有指稱歷來陋規借端科索者許佐貳官揚報

州縣州縣轉報撫按題參從重治罪仍將該佐貳官

分別獎勵不但蘇民困亦所以勵官方也如撫按官

釐剔蕪效州縣官奉行不力並聽科道官糾劾處分庶使蠹弊盡清

國計有賴矣臣因私念民解查

國病民為弊其大故敢冒昧指陳伏乞

睿鑒勅下該部嚴議施行

順治十五年十一月十六日題奉

旨私念民解病民殊甚着嚴議具奏戶部知道

李文襄公奏疏卷一

請革私念

五

請禁委官查勘疏

廣西道監察御史加一級臣李之芳謹

題為革禁委官查勘以恤民生以重

國計事臣以數載外吏叨轉西曹今又荷蒙

隆恩權補臺班捐頂棄踵何足言報中夜思維惟有矢竭

愚誠仰荅

高厚於萬一臣竊見

皇上勵精圖治期於寰宇蒼生咸得安遂立奏陸平而薄

海未盡底於康又者則以

朝廷之德惠未究官吏之流弊尚叢遂令殘瘁之餘猶乖

李文襄公奏疏卷一

委官查勘

四

蘇息之望以臣聞見所及向來各省撫按罔恤民隱

或稱查核錢糧或稱踏勘公務往往輕委屬官巡歷

州縣不論監司府佐多帶奸猾吏胥悉取供應勒索

打點取到冊籍卷宗官府全不寓目止憑吏書指撥

需求既速苟且了局使用不周反覆駁詰更有一種

不肖之官甫到地方故張聲勢鎮提經承差楚人役

一時雷霆震動官民失色及其朝通百鎰則夕結百

鎰之歡夜納千金則旦受千金之驗此比皆然以故

州縣有司當其未至即先偵其經過之處如何打點

早為預備輒動官庫錢糧取濟燃眉急需應付供給

其用有涯揀過畏管其費莫算常見各省借冒錢糧有假支應上司借者有託酒席禮儀借者甚至獻媚逢迎使費打點皆一切朦列借款積千累萬幸因上司經臨借口情非得已及至水落石出徹底查追有司之身名全廢而委官之飽颺難問曾不思公家之一錙一銖皆民間之寸膏片血甘聽其漁獵為常同於已逝之波豈不重可惜耶不特此也地方貪官蠹役專喜生事擾民既有值過上司名色更復何所顧忌因而指稱使費攢斂細民擾萬家之雞犬填貪濁之銘壑臣故謂從來委官下縣原無料理實濟不過

李文襄公奏疏卷一 委官查勘 五

州縣呈數本冊籍委官判幾紙文驗其於

國計民生有損無補况委官查盤久經奉

旨裁革乃至今日而承委公務之官依然絡繹道路

功令同於疣贅民瘼等於越秦大可異也臣請

勅下各該撫按自今以後凡委官查勘嚴加禁革永著為

例卽有必須責成查理事件止令藩司該道調取冊

卷悉心稽覈何難一一清楚如有州縣欺朦情弊聽

其揭參處分則供億省而錢穀得清其斂絕而地方

蒙休更令各該撫按嚴查歷年侵冒錢糧有曾因經

臨官役需索借用項款卽便追究原日官役之入已

者照例論罪追贓還官此亦懲前毖後之法也臣數
年外吏習知民間疾苦雖民害不止於此而此實屬
害民之大者故敢直陳愚陋伏乞
府裁勅部察議施行

順治十五年十一月十六日題奉

旨該部嚴議具奏

李文襄公奏疏卷一 委官查勘

六

嚴察假冒棍徒疏

廣西道監察御史加一級臣李之芳謹

題為嚴察假冒棍徒以清姦弊以靖地方事竊惟唐虞之世刑重姦宄

昭代之法律嚴詐冒蓋必假竊之徒不得行其私而後姦

人屏跡治理肅清故議察之法不可以不嚴也臣聞

邸報見江西巡撫張朝璘有盤獲假官假旗等事一

疏內開金震乘坐官艇巨舫以壯觀瞻沿途招搖凡

經過各衙門輒持帖拜謁希圖誣騙種種不法業經

奉

李之芳奏

嚴察棍徒

七

旨學解來京從重治罪矣臣因而思詐冒之流為弊甚大

如金震者實繁有徒請並得而窮治之夫以天下之

大地方遼闊人心姦險詐偽叢生有等走空奸徒專

一指稱職官子弟仕宦相知粗糲屢歷私刻圖書偽

造書札逢人認作通家到處傾談世好地方官府不

察來歷一經輕與晉接聽其攘臂往來承攬關說肆

行詐騙又且構結蠶棍生題設策或垂涎股厚而袖

詞投匭扼吭盡其身家或伺訪案件而勒官押送銀

鍊逼其酬謝一人得計來者接踵其以挾制官府顛

倒是非真此為甚總由地方各官昏者無覺察之士

庸者無捕發之膽致使魑魅魍魎公行白晝相習成

風人不為怪即如金震白供鎮江蕪湖鳳陽安慶一

帶沿途騙詐流毒已經二載向使所過地方早為發

覺豈待至江右而始敗露耶當此

功令森嚴之時內外官員誰無身家性命之慮敢不告戒

子弟屏絕交遊獨此一種假冒之徒迥出意料之外

彼既無名節之可矜亦無身家之可顧借他人之虛

名圖自己之實利與其事發追逮賢愚幾於難分何

如預為嚴察真偽可以立判乎臣請

勅下各該撫按通行府州縣地方文武官員加意議察但

李之芳奏

嚴察棍徒

八

有前項之徒指稱職官子弟親知投謁官府招搖地

方不問真假立行學究治以重罪有能不畏強禦捕

發奸弊者即將本官重加獎勵以示風勸若不能覺

察仍與往來者或被詰告或經指參即將本官應治

以徇縱之罪如此則奸徒無所售其計而為所假借

者亦得明其心跡矣抑臣更有請焉各處衙門地方

仕宦經臨使客往來所在有司馳驅殷勤餽遺稠疊

自朝至暮大半在車廬馬跡之間不思人之精神亦

力亦自有限使以伏謁之勤動其職業何所不理以

畏謗之心畏其官守何所不修臣請并

勅下各該撫按嚴飭所屬凡衝途經過使客一切刺謁迎

送靡文繁行禁止則精神自倍可勵事功煩費自省

可養廉恥其於吏治不無小補如果臣言不謬伏乞

睿裁勅下該部一并議覆施行

順治十五年十一月十六日題奉

旨這所奏漢切時弊着嚴議具奏該部知道

李文奉全奏疏卷一

嚴察避此

九

糾拾溺職學臣疏

廣西道監察御史加一級臣李之芳謹

題為糾拾溺職學臣以肅

計典事臣惟提學道一官鈴束士子乃其專責近日士習

駑凌往往所為不法其見諸彈章者業已歷奉

嚴給全在為學臣者申明教條清汰敗類自然師嚴道尊

人知畏憚乃福建提學道宋祖法者臣不能無議焉

如福州府生員鄧漢充當油牙與鹽兩生員陳忠陸

構訟一事遂有通學生員抱務孔聖神位赴運司衙

門公憤又有十學生員林芬等附和稱冤臣披閱邸

李文奉全奏疏卷一

溺職學臣

十

報不勝駭異竊生員本以誦讀為業今乃充牙應商

此等市井頑劣尚容久忝贊官則澄汰污賤之

勅旨祖法固可弁髦置之耶且事止鄧姓弟兄何至於十

學之煽集理應靜聽審判何至以譁噪為常事臣不

知祖法平日所為鈴束者安在而令其鼓眾猖狂蕩

蕩法紀一至於此獨不思題准事宜生員不許糾黨

生事如有犯者學臣以失職論煌煌

令甲祖法將何辭以自解耶矧祖法固當日同審之官也

以學臣而臨諸生尚不能執法彈壓則其闕茸蕪能

尤為可見臣謹據事糾拾不為苛於推求查鄧漢等

與運司王志佐一案該部據疏議覆生員行該省查
懲運司照酷吏革職而祖法為處分之所不及兼以
為哀庸曠官者戒臣乞

唐鑒勅下部院察議結黨聚眾是否係生員不法鈐東士

子是否係祖法職掌則祖法之有無淵駁灼然矣

康熙元年二月十九日題奉

旨該部院察議具奏

李文襄公奏疏卷一

湖廣李臣

十一

直隸奸棍誣逃疏

湖廣道監察御史加二級臣李之芳謹

題為直隸奸棍誣逃之害仰祈

勅部嚴處以安民生事竊惟逃人有聽人赴部首告之例
所以嚴查真逃真竄非令其裝陷無辜也不謂有等
奸棍結黨成羣專以借端詐害為事往往假捏逃人
赴部首報一經該部准行則外省州縣自不敢不遵
牌起解其真正逃人窩家固係應得之罪而其間有
挾讐報復擇肥及詐者一被牽連雖無干之人亦必
一體拘拏婦女老幼狼狽道路洵可憐憫且到部諸

李文襄公奏疏卷一

奸棍誣逃

十一

犯又例須發獄候審獄吏禁卒百般凌虐異鄉冤遠
囊空艱難而稔惡首人方且操縱由已串夥圖說拂
意則硬指難分得賄則改口開脫如何來部審樊全
梁首告欺世瓊及任法首告張惺等已經問明虛誣
從公開釋諸如此類不可勝數彼受害者幸得剖雪
即為出之望外面身家已不可問矣雖首人照例鞭
責何足酬被害者冤苦之萬一哉臣聞邸報見山東
督臣祖重光曾具有請嚴誣首之法一疏請以首逃
全虛者照例反坐該督身在地方非確知民間受害
豈敢噴陳而

廷議未蒙准行至今奸徒藐法首告之風日甚一日

皇上試令該部查奏歷來首告卷宗審實能得幾起其餘

則皆捉風捕影蔓引株連凡途繫獄燐者孰非

朝廷赤子

皇上必有惻然動念不待臣言之畢者矣况逃人一事上

自督撫下至地方官民人等功罪賞罰其例甚備原

不專恃赴部首告一項而奸徒借端誣害所益於緝

獲者小所損於民生者大今縱未可遽弛首告之令

獨不可申嚴誣首之法耶臣請

皇上勅部酌議除赴部首告得實照例給賞外嗣後有誣

李文襄公奏議卷一

奸棍誣告

十三

首逃人審虛者合無照誣告加等之例圖詐情真者

合無照光棍詐財之例若有拖累致死之人命者合

無照誣告人因而致死之例各治以應得罪名庶真

逃真竊不至漏網而挾警行詐不得借端於以杜刁

害而安民生似亦修實政以格

天心之一事也如果臣言不謬伏乞

睿鑒施行

康熙三年十二月二十日題奏

首該部議奏

請嚴叩閣定例疏

湖廣道監察御史加二級臣李之芳謹

題為叩

閣讀奏日頌仰請

勅議定例以肅政體事臣伏讀

上諭直隸各省民有冤抑許赴原問衙門及部院等衙門

控告如不准行方許叩閣欽此仰見我

皇上清問下民之盛心誠慮民間有真正大冤極枉為各

該衙門朦蔽不得上達以許其赴

閣伸理也乃臣見邇來叩

李文襄公奏議卷一

請嚴叩閣

十四

關事情干涉民間冤抑者固自不乏然而健訟刁告之輩

砌款行私降級革職之官飾詞巧辯此風日盛動輒

效尤如壽光縣丁應龍使類繼善告楊體乾等業經

該督審係虛誣奉

旨加以反坐之罪貴州署定番州知州李學孜等辯復不

已至再至三俱蒙我

皇上洞鑒欺罔槩不准行此誠吏治民生之幸但前此定

例不嚴以致奸偽之徒毒思僥倖於萬一刁控者一

經告准便色驕氣揚挾制問官在外承問衙門不能

仰體

皇上至公之心往往畏其刁惡曲為回護反使受誣之家
無處申雪辯復者一經告准徑抹殺始末實情蒙面
稱屈莫為開復之地將

朝廷黜陟大典該衙門功罪定例任其分黨搖惑視為等
閒萬一使其冷灰復燃豈不有玷於官常乎况

禁地何等尊嚴可容恣意刁瀆使若輩多一事誑陳
朝宁之上即未免多一事聽覽部院衙門即未免多一

事議覆滋煩擾而長欺妄莫此為甚臣乞
皇上勅部酌議定例如官民果有冤抑不伸各該衙門欺
蔽不公不為准理者許將該衙門不為准理情弊據

奉文奉奏議卷一 請嚴明 十五

實開列叩

關若審問情虛係民者合無照擅入

長安等門叫訴冤枉勘問涉虛之例係官者合無照會

經考嚴被劫人員懷挾私忿妄捏摭拾以圖報復之

例各依本律究擬勿止以責贖從輕發落更有先經

叩

關審虛後復叩

關仍審虛者并議作何加等治罪以為逞臆瀆擾之戒庶

刁誑息而改體肅矣伏乞

睿鑒勅部議覆施行

康熙三年十二月二十日題奉
旨該部議奏

奉文奉奏議卷一 請嚴明 十六

請行甄別大僚疏

湖廣道監察御史加二級臣李之芳謹

題為大僚關係甚重甄別不可不行敬陳芻蕘仰祈

睿鑒事臣伏讀

上諭因

天象垂戒力圖修省用人行政務加敬慎以求允當欽此我

皇上誠灼見

國家大政無過於用人一事者用人亦無他道分別賢

否盡之矣如近日

廷議停止考滿在外各省官員聽該督撫提督題奉

李文襄公奏議卷一

甄別大僚

十七

在內部院滿漢各官有不及與不稱職者聽各部院

堂官查奏是內外文武各官雖停考滿之典猶有甄

別之法在也惟是自陳考滿各官樂議停考而分別

賢否止待從今以後六年之京察查自陳考滿之官

內則部院大臣外則督撫提鎮是皆為

朝廷付託重任表率庶官者也其賢否關係視文武各官

尤為重大近日部院大臣能人人精白摺當盡破推

諉因循之故習者乎督撫提鎮能人人正己率屬於

念兵民之疾苦者乎必有難逃我

皇上之洞鑒者况

諭旨煌煌誠諸臣洗心滌慮更改前非以副修省之意

皇上敬

天勤民何等真切共圖消弭實賴諸臣賢者平時尚知憂勤

何况遇災使非其人則

天語之丁寧且有褒如充耳者自非大示勸懲修省不幾

成虛文耶臣乞

皇上迅賜甄別擇其負

簡任之尤者立予罷免則人心震懾而實政修舉矣如果

臣言有當伏乞

睿鑒施行

李文襄公奏議卷一

甄別大僚

太

康熙四年三月十三日題奉

旨着議奏該部院知道

酌議追罰事例疏

湖廣道監察御史加二級臣李之芳謹

題為追罰事例適當謹據實具

奏仰祈

勅部酌議事竊戶部現行事例休致官員任內經徵錢糧

自未完一分罰銀二百兩遞至未完十分罰銀二千

兩蓋為錢糧關係

因計立法不得不嚴也臣管見所及竊謂未完與侵欺

不同侵欺係入己之賊照追還官法因應爾未完係

民欠之數花戶恃頑抗糧去官剝庸代納則是拖欠

李文襄公奏議卷一

酌議追罰

七

與侵欺無別其與定例未合者一也况休致與革職

不同革職係有罪處分之官任內經徵錢糧即有十

分不完刑部議罪不過杖一百折贖銀三十五兩休

致係老病謝事之官自揣年力不能乞休原無大過

今追罰之銀多至二千兩步亦不下二百兩此等數

兩之數豈盡素封之家需產售屋勢所必至是乃

籍沒燕異其與定例未合者二也且未完分數止計

款項完欠不論原額多寡雖計欠多至十分而原額

不過數十金或數百金者在往有之今罰銀聚至一

二千兩不等投之未完原額不已或相倍蓰或相什

伯耶

令甲煌煌各項官私贓銀從無加倍追沒之例况休致官

經徵之拖欠乎其與定例未合者三也甚有休致之

官已經物故監比家屬變產賠納者如扶溝縣已故

休致知縣劉瑞星因任內鹽引未完五分照例罰銀

一千兩行原籍漢陰縣將伊子劉勃提至河南布政

司監比僅變產銀八十三兩零又如西華縣已故休

致知縣左國祜因任內未完照分數追銀二千兩行

原籍桐城縣將伊子左爾翼再三嚴比營產估變僅

得銀一千四百五十兩俱經該部題覆在案臣伏讀

李文襄公奏議卷一

酌議追罰

十

上諭凡犯賊等罪流徙人犯如本犯已死其妻子俱免流

徒欽此我

皇上好生之心雖犯賊流犯尙恆其死後妻孥豈有休致

已故之官忍令其道果於子男者乎其與定例未合

者四也臣謹遵

諭據實具

奏如果臣言不謬伏乞

睿鑒勅下該部酌議施行

康熙四年三月十四日題奉

旨該部確議具奏

請勅查參庸員疏

湖廣道監察御史加二級臣李之芳謹

題為查參奉

旨已久庸員糾劾無聞祈

勅各該衙門力遵前

旨以勵臣工以襄治理事竊照康熙四年正月內議政王

貝勒大臣九卿科道會議停止考滿將在內部院滿

漢各官有不及與不稱職者責令各部院堂官查參

奉

旨之後迄今業已經年止有吏部將本衙門員外郎米哈

李文襄公奏議卷一

查參庸員

三

納等三員以辦事不及

題參其餘衙門寂然無聞豈別曹諸司人人才能無俟

吹求耶抑尚有庸劣充位未經糾彈者耶如近日擬

補郎中之朱國棟甚庸不堪非宜補郎中職任之人

一經引

見奉

旨嚴駁各衙門員數既多才品不齊如朱國棟者恐不乏

人若從事姑息豈不貽誤

因事竊念我

皇上勵精圖治加意勸懲考滿雖經停止在外各官聽督

撫查參在內聽各部院堂官查參使各該衙門能力

破積習仰副

皇上允釐之意則治道自是精明人心何至玩愒乃煌煌

繪旨久格不行雖有不及與不稱職官員將必待至考察

之年方是甄別之日甚便於庸流無益於

國家此皆大臣不肯以身任怨之故且陞授官員向來

例必引

見

朝廷之上蓋為用人大事可藉引

見以驗該衙門之當否非為該衙門卸擔之地也况引

李文襄公奏議卷一

查參庸員

三

見片時可見者不過身言兩端

磨照之下尚且絲毫不爽至各衙門堂屬朝夕共事其間

有外貌平常而才堪辦事亦有外貌可取而辦事無

才閱歷日久知見自真全在各該堂官秉公激揚力

絕徇庇耳方今履端伊始百度維新臣乞

皇上嚴飭各該衙門確遵前

旨查不及與不稱職官員大破情面不時

題參必不可聽其優游尸位久誤官常則所停者考滿

之虛文所行者甄別之實政其於澄敘官方不為小

補如果臣言不謬伏乞

磨鑿施行

康熙五年正月十五日題奉

旨各部院官員內豈無辦事不及不稱職者此皆部院官
官徇情不行舉出之故這本說的是着該部院嚴加詳
議具奏

李文襄公奏議卷一

查奏庸員

三

春月踏勘宜緩疏

湖廣道監察御史加二級臣李之芳謹

題為春月農務方殷踏勘似宜暫緩謹陳管見仰祈

磨鑿事臣聞即報本月二十一日奉

旨這踏勘地畝事情重大着八旗滿洲蒙古漢軍各都統

戶部滿漢尚書及滿侍郎一員都察院漢左都御史及

滿左副都御史一員六科給事中或滿或漢毒科各一

員去看欽此

皇上蓋為旗下所報木衝沙歷不堪地畝中間或有虛實

不一特遣都統部院諸臣履畝踏勘此誠

李文襄公奏議卷一

春月踏勘

三

朝廷慎重之至意但目下時際春和東作伊始遠近莊佃

一聞踏勘勢必停農以待而被勘處所週圍數百里

地方遼闊又非旦夕可遍在奉

命諸臣自不敢不一一嚴查以副

磨慮度阡越陌約得一兩月始竣及至勘完必誤耕種

念我八旗禁旅全賴此地畝耕種為資生之策速歲

早潦已極困苦本年生計全繫此時若不及今播種

西成何望况二三月間正麥苗遍野望畝青蔥騎從

衆多難免踐傷間或一夫怨容豈不上辜

德意查各省踏勘丈量凡遇農作初動青苗在地之時俱

經各督撫請展期候農隙踏丈樂邀

鑒允況於畿輔根本之地豈可不重念農事曲加體恤臣
乞

皇上勅下該部照例俟秋成之後

題請踏勘庶地畝便於詳查而春耕不致坐誤如果臣

言不謬伏乞

睿鑒施行

康熙五年二月初六日題奉

旨知道了戶部知道

李文襄公奏議卷一 春月踏勘

五

題參奸商橫行疏

巡視兩浙鹽課湖廣道監察御史加二級臣李之芳謹

題為奸商橫行不法辱官肆詐可駭臣謹據詳

題參仰祈

睿鑒勅下督撫審究以肅法紀事該臣看得光棍條例屢

奉

嚴給中飭極其森凜而奸慝之徒輕杆法紀此風曾未衰

息然未有懲不畏死鼓衆咆哮辱官嚇詐橫行於省

會之地如商棍葉西簡等之甚者也臣於十月間巡

視嚴州三關行鹽地方據在省各司道會詳奸商惡

李文襄公奏議卷一 題參奸商

三

棍葉西簡等乘運司梁知先病故入署咆哮橫肆辱

詈不知有

國法等因到臣閱之不勝駭異隨行按察司解臣親審

而奸棍辱官圖詐之情一一供吐不爽臣惟運司為

朝廷之命吏係商人之本官運司即有不肖為商人者止

可據事告發不可非理凌辱亦止可理論於運司之

生前不可肆詐於運司之死後况臣聞運司梁知先

在日凡追徵課餉止責比本衙門該催人役至於抗

課奸商曾無執法懲處蓋此輩奸徒向以完課為恥

專以串結棍黨把持衙門詐害各商運司久已不敢

犯其兇鋒至葉西簡者本年二月間因欠課銀一十五兩運司僅將其家屬責比奉公催徵不為過當西簡等乃敢藉追比嚴急之名乘運司屍肉未寒之際鼓家進衙肆行毀罵聲言阻棺挾制要銀將使為運司者聽其抗課不問而後快意予即據葉西簡口供因二月間快手徐明曾詐伊銀一十三兩今向明索還等語使徐明果有詐贓應赴臣等衙門告理而咆哮入故官之署何為即西簡被詐亦止西簡一人之事而二十餘人之國權又何為况據王辰興口供我康熙三年間為訟事曾向過客胡六相公求情用去

李東襄公奏議卷一

題參奸商

三十一

銀兩商人汪天玉與我商量投一手本與梁相公意欲向梁相公索得銀兩等語臣隨詰之以求情係兩年以前之事今胡生安在乃欲向梁氏相公索銀據供原是壞法的事我被汪天玉愚了自知該死悔之無及等語蓋畧加質審而各犯同謀嚇詐之情不覺和盤托出矣臣庭訊之頃見運司梁知先之子梁壯圖天稟良懦言詞不能出口而此輩忍於大張聲勢強食弱肉不公不法莫此為甚此在省司道等官所以有凡屬見任皆為髮指之詳也伏念臣奉命巡鹽以恒商為職但急公完課之良商可恒而抗課

詐之奸棍不可恒所痛者官民之名分全無朝廷之法紀所慮者運司之催科難施誤部撥之案餉除仍行在省司道各官確究在事棍黨外臣謹據詳題參伏乞

睿鑒施行

康熙六年正月十六日題奉

旨據奏商棍葉西簡等挾怨入運司之署鼓家咆哮辱官嚇詐大干法紀着該督嚴提究擬具奏該部知道

李東襄公奏議卷一

題參奸商

三十二

駁叅司道徇庇疏

掌京畿道事湖廣道監察御史加二級臣李之芳謹

題為司道徇庇已著臣謹據疏駁叅仰祈

勅部察議以信

嚴綸以勵玩愒事竊惟我

皇上因地方官員濫徵私派苦累生民特頒

天語曉諭直隸各省大小各官仍刊刻告示曉諭民人臣

意直省各官必無不盡破積習以仰副

皇上軫念民生之至意不謂尙有徇私情而藐

國法如江西按察司等則大可斥焉臣聞江南江西總

李文襄公奏議卷一

駁叅司道

二九

督即廷佐仰遵

上諭一疏內稱江西各屬私派害民一案嚴行駁察該司

道總不據實揭報似此見經發覺私派害民之事

像重大臣不敢草率

題覆等語察此案先經該部請

勅該督查積經該部覆准寬限嚴察為時已久使該司道

但知顧畏

功令應將所屬私派積弊和盤托出方可結奏

旨嚴察之案少道從前容隱之非乃該司道等一任督臣

之駁察勤催有意置若罔聞也是誠何心蓋地方有

司所以致於私派者全恃有不據實揭報之司道平

日阿比扶同漫無釐剔一遇行察反同生意到手有

司畏罪求全之日皆該司道填路盈弊之時也此正

上諭所云頻年以來將加耗私徵等弊糾叅者甚少皆因

上官受賄徇情同謀一心或有現經發覺之事反行

隱蔽蒙混完結者甚多此輩情弊早在

皇上洞鑒中矣據該督雖稱復經檄行司道再察但州縣

私派害民之事司道身在地方向來斷無不知之理

若肯據實揭報則未經發覺之先當早有摘發即行

察經年以來亦當早有採訪何至今該督一次寬限

李文襄公奏議卷一

駁叅司道

三二

再次寬限此往返耽延之日總是任意蒙蔽之局不

意

天語之申飭愈嚴地方之積習愈劇一至於此臣乞

皇上勅下該部察照督流職各擬議處分以為作弊害民

之戒庶

上諭不託空言而人心各知凜惕矣緣係糾叅司道徇庇

事理字多逾額統乞

睿鑒施行

康熙七年十一月二十二日題奉

旨該部嚴察議奏

嚴懲郡守職任疏

掌京畿道事湖廣道監察御史加二級李之芳謹

題為郡守職任最重嚴覈方可得人敬陳末議仰祈

睿鑒事竊照吏部具

題知府關係甚大一疏內稱知府內有不稱職者令該

督撫指名

題參久奉

命旨未見各直省督撫將不稱職之知府嚴察指參不思

知府一官與往日亦大不相侔矣在往日有各道與

推官分理地方之責今日既裁去各道推官則地方

李文襄公奏議卷一

郡守職任

三十一

之責專歸知府要得知府實堪辦事必不至於曠官

庶幾地方雖經裁官猶不至於誤事故煌煌

繪旨謂今將各道推官裁去一切錢穀刑名事務皆知府

承理

慮慮何等周詳關係何等重大無如經年以來督撫尚度

外置之似無甚關係者各直省知府必不盡係稱職

之官不知該地方屬員之賢否民生之安危錢糧之

完欠事件之綜覈將何所憑以為確察何所持以為

清理臣愚謂在外知府宜照京官緊要員缺責令部

院堂官保舉之例亦責令督撫將該直省現在知府

秉公簡別果係賢聲素著之官開列事實保舉方准

畱任俱職其有闕茸敗檢不堪表率者嚴行察參無

令貽誤地方該督撫宜實心為

朝廷任事自不難為地方擇官如徇情濫舉及現任內有

不稱職之處別經發覺俱有定例處分該督撫又安

敢不其難其慎自遣後累乎總之緊要員缺內外一

體保舉之法內外可行欲令直省地方逐處澄清若

郡守一官不得真正賢能必難奏効欲令直省知府

所在得人若

題參不職止聽督撫自便終是因循臣謹冒昧具陳伏

李文襄公奏議卷一

郡守職任

三十一

乞

睿鑒勅部議覆施行

康熙七年十一月二十二日題奉

旨該部議奏

李文襄公奏議卷一終

李文襄公奏議目錄

臺諫集卷之二

請行甄別督撫疏

政本關係甚重疏

請酌勒限緝賊疏

請嚴錢糧覺察疏

請除無益條例疏

封疆關係匪輕疏

請停各部行察疏

請禁雜流委署疏

李文襄公奏議卷二 目錄

覺察奸蠹內外畫一疏

請省外官過當處分疏

請議巡鹽考核實政疏

嚴飭諱盜累民疏

佐銓遵例自陳疏

李文襄公奏議卷二

男 鍾麟編次

請行甄別督撫疏

掌河南道事湖廣道監察御史加二級臣李之芳謹
題為督撫關天下之安危

請急行甄別以挽貪風以救民生事臣竊惟

世祖章皇帝時賞罰出於至公其時之督撫不敢恣睢無忌

幸有可以虐窮民然猶不時甄別處分以防其壞法

害政之漸輕則降革重則提拏斧鉞凜然未嘗少貸

故當時吏治肅清民生不困豈一時之督撫皆賢彼

李文襄公奏議卷二 甄別督撫

誠有所畏也乃自順治十八年以後遂用督撫率多

徇私其黃綠之路雖不可知大畧鮮無因而得者則

方其節鉞相加固已視為心腹有所恃以為濟惡之

地矣故一至地方勒索屬員擾害百姓以下僚為奴

隸任傳宣為爪牙橫取財物賄賂權奸根深蒂固惟

意所為嗟乎各直省億萬之眾賴

朝廷以為命皆

世祖章皇帝雷遺之羣黎皆我

皇上愛養之赤子其能堪此輩腹削為也自與受同罪之

法過嚴無敢糾督撫之貪婪者與者不認則言者涉

虛卽確然有據亦不能執其人而問之矣豈但不敢
糾督撫且不敢糾司道守令蓋司道守令有罪則干
礙督撫安有督撫承問而不力爲脫卸以爲盡屬于
虛者此所以上下相蒙口甚一日耳前諸臣因災異
條奏指陳督撫害民之弊不下六七疏皆置不問數
年以來未嘗因食糴重處一人至於紛飾功次冒濫
秩銜副都御史捐銀一千兩輒加侍郎侍郎捐銀一
千兩輒加尙書何一非取之地方百姓者有貪之利
無貪之害彼又何憚而不怙惡以自恣耶卽我

皇上親政以來屢頒

李文襄公奏議卷二 甄別督撫

二

上諭嚴飭督撫近日不過糾察一二有司遽謂可以謝責

耳臣謂督撫不賢卽糾察未足爲據况表不正則影
不直安足除貪風而甦民生乎伏思直省各督撫其
賢不肖久在

皇上洞鑒中今

天威聿震嘉與海內維新彼窮奇構杌豈可仍爾爲地方
之害臣乞

皇上特行

親裁將滿職督撫立予罷黜則不肖之徒不能盤踞以擾
民生而吏治漸有起色矣如果臣言不謬伏乞

皇上府鑒施行
康熙八年六月初五日題奉
旨知道了該部知道

李文襄公奏議卷二

甄別督撫

三

政本關係甚重疏

掌河南道事湖廣道監察御史加二級臣李之芳謹
題為政本關係甚重票擬理宜嚴速請

勅滿漢諸臣共勵寅恭以收論思之效事近者班布爾善
結黨行私任意票擬已蒙

皇上洞察奸慝置之大法自此政本肅然一清矣臣惟
論屏重地代

天理務古稱三公論道即其職也

世祖皇帝時內院諸臣俱在內直辦事凡部院衙門啓奏本
章即日看詳票擬

李文襄公奏議卷二 政本關係 四

世祖皇帝面賜裁決嚴密神速法誠至善自順治十八年以

後內輔臣在內直內院遂移居外署其各衙門本章
俱至次日看詳且近日進

呈止有學士而無大學士於古人設官

世祖立法之意俱不相符今

皇上乾綱獨握耳目一新臣請

勅令內院滿漢大學士學士仍在內直看詳本章即日票

擬公同進呈候

旨裁決不特

天威咫尺內院諸臣共凜精白之心抑且朝啓事而夕奉

命永杜任意更改之弊於政本大有裨益矣如果臣言不

謬伏乞

睿鑒施行

康熙八年六月初五日題奉

旨這所奏知道了該衙門知道

李文襄公奏議卷三

政本關係

五

請酌勒限緝賊疏

掌河南道事湖廣道監察御史加二級臣李之芳謹
題為請酌勒限緝賊之法以安民生事竊惟我

皇上仁育四海不忍一物不遂其生而所在有司不體

朝廷德意違法害民以致不得安居樂業且多死於非事

者則莫甚於勒限緝賊之一事也夫勒限緝賊所以

弭盜安民法豈不善惟是盜賊蹤跡詭秘承緝官又

不能發奸捕伏往往聽信捕役肆意混捉不分皂白

非刑拷打或勒良民承賊或勒夫主認賊故禁放勸

致斃於杖下獄中者十常四五即如祁門縣方義等

李文襄公奏議卷二

勒限緝賊

六

一案監斃平民十命太平府蘭弘禮等一案拷死羸

辜數人如此類者難以枚舉雖事發自有處分之例

然而簞楚之下被誣者苟不得死何所不至其間附

會成獄終於沉寃不明者何可勝數總緣見行緝賊

定例處分太頻程限太促承緝官止戀一己功名不

顧平人性命一至於此嗟乎民生至重死者不可復

生一夫合寃上干和氣邇年水旱頻仍召致之由豈

可知矣臣查

大清律一款各處民間被賊打劫即時擒獲者印捕等官

免罪一月之外不獲通行住俸緝捕仍計一年之內

失事起數參究問罪分別降調又查

世祖章皇帝時定例失事地方官員輕者住俸或罪緝賊重

者降革戴罪緝賊此皆煌煌

令甲有益於弭盜無害於民生今增為一年罰俸半年降

級之法既住俸又罰俸一限六箇月再限六箇月例

繁限窄時日相迫而不宥有司反思巧為脫卸是裝

砌一良民即縱容一真盜矣養奸滋害弊非一端况

自改例以來盜賊熾甚往時而諱盜不報者益眾良

由諱盜與報盜均屬處分而諱盜之處分尚可朦朧

倖免以此甘心隱蔽釀患愈深且近來州縣官衙失

李文襄公奏議卷二

勒限緝賊

七

事尤多此無非盜賊狡計以為官畏糾參自必曲為

掩護則官利於諱盜而賊更利於官之諱盜

功令愈嚴而避降罰者益上下相蒙以遞於處分之外非

立法於至當以為故本塞源之計盜賊何自而清耶

臣乞

皇上勅下吏兵刑三部確查近來地方失事是否愈多諱

盜是否日甚誣良為盜是否害民成風勒限緝賊是

否流弊已極確議良法靖盜安民或照

大清律限捕或照舊例責緝酌受例期於久遠可行則

奸宄屏息而民獲寧所矣如果臣言不謬伏乞

詹鑒施行

康熙八年六月二十四日題奉
旨該部詳議具奏

李文襄公奏議卷二

勒限緝賊

八

請嚴錢糧覺察疏

掌河南道事湖廣道監察御史加二級臣李之芳謹
題為請嚴錢糧覺察之法以杜民累事竊惟錢糧上關
國計下係民膏年來裁汰虛糜禁止加派所以籌
國甦民者無所不至惟是各處官役侵欺動至盈萬累
千最為大弊難除皆由該管督率之官不肯盡心覺
察故也如秦撫白如梅
題秦革職知縣郭顯賢侵欺康熙元年至六年錢糧晉
撫阿

李文襄公奏議卷二

錢糧覺察

九

題秦交城縣署官陳方舟侵欺康熙二年至七年錢糧
皆侵欺在數年之前發覺在數年之後或當時司府
官員逐時清覈則一有侵漁旋即追究何至年年覆
取習為故事且數少日淺餘資未散猶可追比以充
軍國之需乃職在稽查者漫無撻發致令連年中飽
積久愈多雖敲朴徒施無補通欠因而承追之官莫
免叅罰敢行灑派或名為願借完公或名為樂輸補
庫實則勒令艱難之民重罹腹削之苦

病

朝廷設藩司郡守之為何而令州縣官役敢於年年侵欺
國病民若此不知每年如何開報部中如何銷算乃聽

其忒取而蕪厭耶况錢糧考成賞罰並重一年錢糧報完司府並敘督徵之功節年錢糧侵欺司府不議徇縱之罪是為有勸蕪懲非所以嚴責成而重國計也臣乞

皇上勅部確議嚴責該管司府官員將州縣錢糧毋成據實稽察但涉侵欺立行揭參除當年發覺者止追究侵欺官役不議司府外若發覺在三年五年之後即將該司府照失於覺察例嚴加議處若知係侵欺匿而不舉乃故縱者徑照錢糧互相覺察律從重治罪庶正供不滋歷年之弊百姓不受重徵之累矣如果

李文襄公奏議卷二

錢糧覺察

十

臣言不謬伏乞

府鑒施行

康熙八年六月二十四日題奉

旨該部詳議具奏

請除蕪益條例疏

掌河南道事湖廣道監察御史加二級臣李之芳謹題為請除蕪益之例以挽弊政事伏見我

皇上因兩澤愆期

特諭大小臣工力圖修省革除積弊臣惟各衙門政務紛更失當者固多而吏部考功事例尤為害政有不可不急除者敢為我

皇上陳之近年以來外官奏罰處分日密一日降級革職動出意外是以各官救過不暇徒務虛文以為彌縫且夕之計不能為地方盡心愛民即罰俸一項處分

李文襄公奏議卷二

蕪益條例

十一

校輒常有莅任一二載罰俸五六年甚至十餘年者官俸有限即使每年全支尚不免有憂父母妻子之心况節年扣罰則仰給之費勢必取之地方故貪吏常多而不可禁夫十兩流徒

功令昭然豈有因其養廉蕪資而從寬之理若法在必行又未足以服其心其弊一也且例之所在不論賢與不肖而但繩之以苛急之法雖廉能之品一遇小節細故即不能久安其位如大選急選亦次出缺其間以貪庸解任者十無一二大幸以公事誑誤而去之天下之賢者不可以多得安知後來之人必勝從前

之官迎來送往徒害民生其弊二也况則例紛紜權
總歸於胥吏欲輕則有輕條欲重則有重款即如權
限一事有計月降調之例有怠緩遲延之例又有慢
上誤公之例又有置若罔聞之例事同法異類此者
難以枚舉總是多立名色便於高下其手其弊三也
有此三弊則是該部增設事例祇足以淆亂成法消
損人才其不能有裨吏治明矣該部雖亦疏請再議
但例外生例舊習難挽恐終有負
皇上革除積弊之意臣乞

特諭部院大臣將該部見行事例徹底推究實實釐定務
李文華奏議卷二 無益條例 十二

使永遠可行其因事之法涉於苛細者熟議而酌除
之其事蹟相同輕重迥異多設條目致胥吏可借法
為奸者一切刪去誠革弊之一法也再查

世祖皇帝時舊例因出缺太頻叅罰太密該部覆准

天計處分循例糾劾貪酷提問以至失守城池遲誤軍機
各官均應照例議處不准畱任外其餘因公事議處
等官但令戴罪供職合無酌復舊章省事寧民此又
革弊之一法也臣芻蕘管見冀裨政務萬一統乞

睿鑒施行

康熙九年四月十四日題奉

旨該部知道

李文華奏議卷二 無益條例

十三

封疆關係匪輕疏

內陞以正四品頂帶食俸仍留管河南道事監察御史臣李之芳謹密

題為封疆關係匪輕翼鎮當求實濟仰祈

勅部確議以資汛防以因邊國事臣竊見藩下官兵各有披甲旗兵足供捍衛援勦之用又當年因地方初開外添隨帶綠旗官兵各數千員名不等原備不時征勦近承平以來各直省綠旗官兵酌量汛防查經裁汰獨藩下援鎮綠旗官兵未有議及汛防與裁汰者凡平時晝疆戍守以及地方雜項差撥藩下鎮兵一

李本纂全奏稿卷二十一 封疆關係 十四

切不與即地方或有失事其罪在地方該管文官及分汛管將而藩下鎮弁亦無與夫均之綠旗官兵也均之按伍食糧也其勞逸甘苦効力責成甚為懸殊竊思藩下綠旗鎮兵與藩下披甲旗兵不同

國家養一兵期得一兵之用安有養兵糜餉而不任地方之責者今藩下各鎮雖曰遇警援勦然當此中外一統之日豈復有非常之警以待應援則是此項兵丁置之無用之地也如粵東去年五六月七八九月南海順德增城三水等縣賊盜猖獗至於放砲豎旗殺擄男婦幾成燎原之勢總由於兵單汛廣防禦不周

向使該省藩下鎮弁平日一體汛防星羅碁布何難遏絕亂萌乃使賊勢恣橫如此耶雖至十月間曾遣藩標將官一員帶兵四百名協同督提各標分頭搜勦然而前此地方被其蹂躪已不可復問矣臣以為地方時勢今昔不同昔者以進取為急故調集援師為一時制勝之策今者以封疆為重當分汛貼防為經久固圉之謀况各省督提屢請增兵無非為地方預計綢繆與其議於現在管汛抽調左支右絀何如即於藩下綠旗兵內酌量調補移緩就急可應時取濟乎臣乞

李本纂全奏稿卷二十一 封疆關係 十五

皇上勅部確議將各藩下翼鎮官兵責令該督會同藩臣悉心布置凡地廣兵薄應議增防處所除藩下披甲旗兵外即將藩下綠旗鎮兵照依綠旗分派汛轄事例一體責成務保無虞其久經平定地方藩下既有旗兵督提鎮標又有經制官兵度足以資控制調遣之用亦即將藩下綠旗鎮兵照依綠旗缺額不補事例陸續裁汰如此則留有用之兵永固億萬年疆土裁無用之兵歲省數十萬金錢其於

膚鑒施行

因計邊圉未必無補也如果臣言不謬伏乞

康熙十年六月十九日題奉
旨該部確議具奏

李文襄公奏稿卷十一

銜圖四錄

十六

請停各部行察疏

內陞以正四品頂帶食俸仍留管河南道事監察御史臣李之芳謹

題為卓異薦舉當停各部之行察以省煩文以肅

大典事竊惟卓異薦舉例查錢糧盜案所以核職守而勵官方也惟是錢糧盜案吏部原有底冊可察乃循例必行察於各部徒滋紛紜無裨實政有不可不酌議停止者蓋各省錢糧該督撫咨

題到部各部不過察核完欠其議敘議處之官無不移

咨吏部即地方盜案兵部止於察議武職凡保文職

李文襄公奏稿卷十一

請停行察

十七

亦無不移咨吏部其餘別項大小事故不拘衙門發覺但係吏部除授之官總係吏部與聞之事所以紀錄降罰戴罪住俸等項俱經隨事註冊洵各官職罪難掩之地也當卓異薦舉具

題到部之時該部止須查閱現在冊籍其有專事故因無不燦如指掌簡便稽核無踰於此今則舍本衙門之底冊而問諸各部各檔案頭緒繁雜各官事故久近不一吏書易於上下其手作弊生奸抑且文移往來不可以日月計即如康熙十年正月

大計露章冊處等官九百餘員自封門閱冊以至過堂考

察不過旬日而各省卓異官止二十九員迄今六月始得會議具

題竊念

計典三年一舉全在彰瘴嚴速足以信賞罰而快人心今半載以來有懲無勸俾

朝廷激勵羣工之盛典不獲早見請施行執非因行察以致濡遲至此故劄各官陞轉皆據本部底冊獨卓異薦舉乃向各部行察豈本部底冊陞轉足憑而卓異薦舉遂不足憑耶即各部行察不過求符本部之冊案現本部冊案又皆先據各部之移咨者耶臣因管

李文學全奏卷二十一 請舉行察

理

大計與部司吏科滿漢諸臣合核卓異見行察各部甚屬煩文又思薦舉行察事同一體嗣後宜停止臣謹

冒昧具陳伏祈

勅部議覆施行

康熙十年六月十九日題奉

旨該部議奏

請禁雜流委署疏

內陞以正四品頂帶食俸仍留管河南道事監察御史臣李之芳謹

題為委署實病民生雜流不宜濫預請

勅該部嚴議禁止以信

功令以裨地方事臣聞邸報見直撫金 具

題敬陳新舊交代之益等事一疏內稱委官署印於百姓大有不便不如通行直省令新舊交代今部覆既

不准行勢必照常委署竊念委署之害不止一端惟

難途之鑽營委署其害最甚向來吏部

題定吏員生員非督撫具

李文學全奏卷二十一 請禁委署

題定吏員生員非督撫具

題保舉不得陞轉正印久有成例乃各省委官署印繁

不論出身履歷則有與定例大相刺謬者如成都府

照磨詹文運署新都縣知縣廬州府經歷楊大發署

廬江縣知縣布政司理阿張文彬署石州知州按察

司經歷孫良弼署富順縣知縣又署廣元縣知縣以

吏員委署正印者相習為常不可勝數使其人各堪

膺正印該督撫豈不具

題保舉以不堪保舉正印之人委署正印則是不敢上

聞於

朝廷乃敢擅行於本屬其中微員以管幹而得越俎上官以地方而徇情面皆不可知雖委署之官與實授不同然其為正印則同既為正印其足以播惡於民則同且委署之害民大有不同於實授者蓋委署官所署之事原非本等職掌所署之民原無情分相關不過為一時潤囊肥家之計於地方之利害甘苦固無與也况乎么麼小吏無名節之顧惜玩法漁民十有八九彼自視其身固已甚輕而欲其重國家民社之事豈可得哉臣乞

勅下該部照保舉定例嚴行禁飭凡正印偶缺其吏員出

奉文舉全奏議卷二 請禁委署

辛

身等項人員一槩不得濫委庶幾官方一清地方蒙福矣抑臣更有請者地方之有署官實由於選補簡選懸缺日久之故蓋吏部單月急選雙月大選急選所餘之缺必待次月大選然後填補如三月內急選懸正印三十餘缺五月內急選懸正印二十餘缺是官缺到部無故而耽延不選者常至兩月不知地方已經年受署官之害矣臣愚謂除將單月之缺照例俱儘急選外若有餘缺宜將下月應得大選之人即行序補人為應選此缺之人缺為應選此人之缺棄所容那移擬越於其間此則於早一日新為地方是

濟一日之事少一日委署百姓得安一日之生耳如果臣言不謬伏乞

勅部議覆施行

康熙十年六月十九日題奉

旨該部確議具奏

奉文舉全奏議卷二

請禁委署

壬

覺察奸蠹內外畫一疏

都察院左副都御史臣李之芳謹

題為奸蠹最為害政覺察不可不嚴請

勅議內外畫一之法以祛積弊事臣惟吏書作弊壞法處

處皆然實未有如在京各衙門之最甚者故釐弊則

蠹當先自在京各衙門始京師之蠹清天下之蠹亦

消矣京師之弊除天下之弊皆除矣無如各衙門裏

務殷繁易於叢奸滋弊該管之官一有不察則招搖

撞騙無所不為且授受隱秘難以舉發與受同罪之

賊出錢之人必不肯首告即傍人告發亦必不肯據

李之芳奏卷之二

覺察奸蠹

三

實供吐其承問之官亦不避以夾訊不服臆臆完結

所以

朝廷清釐庶政諸弊皆易芟除而惟此胥吏之奸牢不可

破即如現在各衙門吏書豈果人人奉法而無作奸

犯科之輩者乃數年以來未聞某衙門祛一某蠹某

衙門發一某弊即尋常責革亦屬罕有之事可見向

來吏書作弊皆該管司官因循容縱置若罔聞且以

為雖事發而身不任其責故也臣思衙役犯賊失於

覺察者本官革職煌煌

功令率土凜遵而惟在京衙門不用此例如往年門文秀

一案書辦犯賊至數千兩該管司官竟不坐以失察

此甚非均平之法也夫在內在外皆

朝廷法紀之地內外官員皆

朝廷發弊之人况部院事務關係更重部胥作弊賄賂更

多若謂衙役犯賊難於覺察豈外官偏有過人之精

明而京官皆當無聞無見乎寬於內而嚴於外何以

厭服郡縣有司之心哉臣乞

勅部確議嗣後在內蠹役犯賊本官失於覺察者一體照

例處分則在京各衙門官必自覺察其胥吏而奸蠹

斂跡內外肅清矣如果臣言不謬伏乞

李文襄公奏卷之二

覺察奸蠹

三

睿鑒施行

康熙十一年六月初八日題奉

旨該部確議具奏

請省外官適當處分疏

都察院左副都御史臣李之芳謹

題為參罰煩密太甚外官難於奉行請

勅議省過當之處分以裨吏治事臣竊觀今日吏治之弊

在於文法太密而尤密者在於方面有司等官故常

有在任三兩年而罰俸至二三十年或十餘年不等

者非所以恤臣工而勵廉隅也蓋官之有俸所以養

廉也漢宣帝時下詔曰吏皆勤事而俸祿薄欲其無

侵漁百姓難矣遂加吏俸著於策書夫俸薄尚恐不

足以養廉况積罰至數年無俸又安能責其潔已愛

李文襄公奏議卷十一

請省處分

手稿

民奉

朝廷之法乎伏見我

皇上因江南各官參罰甚多特頒

上諭寬限又直省督撫部議罰俸者毋奉

旨寬免是地方官參罰煩密久蒙

皇上洞鑒但事務煩劇之地不止江南一省品卑祿薄者

官技之督撫倍難與其暫寬暫免為一時之權宜何

如去泰去甚定經久之良法即如見行部例陞員未

完錢糧盜案毋案罰俸一年未陞員若果有侵欺那

移不明錢糧及諱盜誣良等事該督撫

題參到部自應照例議處罪不止於罰俸至如現徵未

完錢糧在內續起盜案皆因交代限緊日不暇給若

使本官身在地方豈不能料理完結况現任之官錢

糧議處尚須待限滿

奏銷之時盜案罰俸亦必在一年不獲之後今乃使陞

任之官取併於一時不惟時日無及勢必催比累民

且議罪定例官員縱犯貪酷不法等事其罪相等者

亦不過從一科斷獨陞員未完事件一疏之中有五

案罰俸五年有十案罰俸十年此乃過當之法而

世祖皇帝時所無也又如外官造報各項文冊遺漏舛錯者

李文襄公奏議卷二

請省處分

手稿

俱罰俸一年至京官送刷文卷遺漏舛錯止罰俸一

箇月同是干係錢糧同是遺漏舛錯而外官之處分

乃十倍於京官不止由此觀之則外官罰俸之多可

類推矣竊思京官外官總是一

朝廷臣子京官有俸而外官常無俸乃外官未嘗以無俸

告苦者豈皆吸露餐風無非科取百姓以作當得之

俸耳豈不大負我

皇上重吏治以安民生之意哉臣乞

勅部酌議陞員錢糧盜案應否仍照

世祖皇帝時定例在任外官冊籍失錯事件應否照京官一

體處分至尋常議處官員該部查其原無情弊定例
涉於煩苛者合無照

大清律內所載本衙門不便事件許其明白條陳之例合
隨時

題請改正務期處分得當易於遵行祇虛文所以課實
效除苛法所以厚民生所裨於治道非淺也如果
言不謬伏乞

睿鑒施行

康熙十一年六月初八日題奉

旨該部議奏

李太僕奏本奏稿卷二

刑部處分

五

請議巡鹽考核實政疏

都察院左副都御史臣李之芳謹

題為巡鹽當有實政不宜專論課完祈

勅議考核之法以恒商困以培賦源事竊惟兩淮兩浙長

蘆河東等處鹽課關係

國計最為重大故專遣執法之官經理其事期在釐奸

剔弊為數百萬軍需帑儲不竭之藏也惟是鹽課完

欠全視商人之贏絀近歲以來水旱頻仍農商交困

雖節年歲課全完大率拮据不遑取之稱貸恐相延

日甚漸有債竭之虞全在各差御史弊絕風清加意

李太僕奏本奏稿卷三

巡鹽考核

三七

優恒為商人培一時之元氣即為

朝廷保恒足之泉源至於緝梟販以疏官引嚴秤掣以速

行銷翦惡棍以安良商察勢要以便小民尤須威惠

兼行然後商民得所查巡鹽御史職掌在順治十八

年以前原以此為殿最之法不僅以完課為能事其

後照新定

實錄所載於差回之時戶部查核課銀完欠具題

勅都察院照例考核所謂照例者照

實錄分別完欠之例耳數年以來遵守不變於典利除弊

之職掌置勿問也臣思巡鹽一差若僅為追徵課銀

則運司分司等官專管催辦從來無不完之課何必藉御史之督徵御史之職軍若止為追完鹽課則戶部察核已明之事又何用都察院多此考核為乎臣乞

勅部院確議嗣後各巡鹽差滿仍行昔日考核之例將徵解錢糧冊造送戶部磨算其行過事蹟冊造送都察院稽察戶部據錢糧之完欠為高下都察院據政蹟之優劣為勸懲則鹽課可以漸清商困可以漸起各差當事爭自濯磨而

國課可以常裕矣如果臣言不謬伏乞

李文襄公奏疏卷二

巡鹽考核

壬午

磨鑿施行

康熙十一年六月十一日題奉

旨該部院議奏

嚴飭諱盜累民疏

都察院左副都御史臣李之芳謹題為欲清諱盜之源當剔累民之弊所

勅部議嚴飭以安民生事竊惟近來盜賊日多皆由諱盜諱盜日多皆由民間不敢報盜夫民間被盜受害不謂不慘矣顧隱忍而不敢報者非甘心諱盜也良由功令森嚴地方官痛心疾首不欲聞民間被盜之事故民間報強盜官必曰竊盜民間報強盜殺人官必曰警殺殺殺殺以強盜殺人則官有緝賊處分竊盜與警殺殺殺則官無緝賊處分故也於是民報盜而官不

李文襄公奏疏卷二

嚴飭諱盜

壬午

緝盜反行拷民至有抄逼失主幼女勒供其兄自盡其父如夏縣署印官張豈等事者則是失主既有家破人亡之苦問官又故生枝節中以危法奇冤異慘控訴無門此其不敢報盜者一也即地方官差捕緝賊矣而積捕不肯蹤跡盜賊反以抑勒失主先索酒食次講差規不饜不休以至上下比較往來解審杖錢路費一切取辦於失主小民身家能有幾何強盜搜括於前兵捕剝削於後資財產業倍加凋零如武邑縣失主李進才被解役劉自玉等遇要盤費情極毆斃二命甘心抵償則是被盜時幸而不死報盜後

反不樂生此其不敢報盜者二也強盜大案勢必三日不得釋放且解到之處問官又未必即審累月經年奔馳守候累死途中者有之淹斃旅店者有之則是強盜未正典刑失主先登鬼錄此其不敢報盜者三也竊念民間被盜已為極苦乃地方官不能為民靖盜反咎民以被盜累官雖明知其苦毫無體恤以致各處地方失主紛紜有一起盜案在審緝之際即有一起失主在湯火之中臣乞

勅部確議通行直省督撫嚴加禁飭以後民間被盜止許
李文襄公奏議卷二 嚴飭諸盜 手

據報緝賊不許事外生情故勒失主捕役承緝止許
屢訪真賊不許需索食費擾害失主即獲盜究審亦
止須失主本地認賊不許逐處隨審拖累燕休違者
該督撫立加叅處以為庇盜殃民之戒自此被盜之
家稍得安生應報之盜寧甘容忍則諱盜者自少而
獲盜者必多矣如果臣言不謬伏乞

睿鑒施行

康熙十一年六月十一日題奉

旨該部確議具奏

佐銓遵例自陳疏

吏部右侍郎臣李之芳謹

奏為自陳不職仰祈

睿鑒罷斥以肅官常事切臣由順治四年進士除授浙江
金華府推官十一年內卓異陞刑部廣東司主事歷
任本部山西司員外郎湖廣司郎中本部題留久任
十五年改授廣西道監察御史十七年遷接山西十
八年停止巡方撤回因督催兵餉全完照例加一級
康熙元年十月給假回籍二年八月假滿補湖廣道
監察御史仍帶加一級六年十一月恭遇

李文襄公奏議卷二 佐銓自陳

手

三

恩詔加一級十二月兩浙巡鹽考核紀錄九年八月奉

旨內陞以正四品頂帶食俸仍留管河南道監察御史事
十一年二月陞補都察院左副都御史十月陞補吏
部右侍郎康熙六年三月以前事過不開外康熙七
年七月內為太醫院醫士晉化龍一案部議係屬嚴
之事交與刑部察議奉

旨免交十年九月內為遊

旨同奏九卿科道會議巡方一案部議降一級再任罰俸
一年奉

旨寬免伏念臣一介庸陋自外任以迄京職廉祿二十五

年本無寸長可備任使蒙

皇上隆恩寬宥過愆不次

擢用猥以堂班之微躡遽副志不及數月之內驟躋佐

銓臣濫叨過分跼踖靡寧敢不捐軀効力圖報稱於

萬一但銓務關係甚重臣才實為疎庸兼以年逾五

旬精力衰減雖矢竭厥之心竝無消埃之效夙夜凜

懼

高厚難酬今值澄敘之時臣謹據實自陳伏乞

皇上睿鑒即賜罷斥處分以為不職者戒臣不勝惶悚待

命之至

李文襄公奏議卷二十一 任銓自陳 三十一

康熙十二年四月初一日奏奉

旨李之芳簡任佐銓着照舊供職該部院知道

李文襄公奏議卷二終



李文襄公奏疏目錄

題稿卷之首 督浙

恭報到任日期

計興屆期

請修戰船

核減馬價

李文襄公奏疏卷首

目錄

李文襄公奏疏卷首

男 鍾麟編次

恭報到任日期疏

總督浙江等處地方軍務兼理糧餉兵部右侍郎兼都察院右副都御史臣李之芳謹

奏為恭謝

天恩謹報微臣到任日期事竊臣一介庸愚仰荷

皇恩不次擢用畀臣以浙督重寄臣拜

命之日殊深惶悚復蒙

皇上頒賜御宴暨

李文襄公奏疏卷首 到任日期

內廐良馬披領弓矢表裏

寵賚隆渥

天語優容臣俯承感激自念捐糜踵頂不足報

皇恩之萬一臣自八月初一日

陛辭即於次日出京銜

命南行至十月十三日抵浙江嘉興府境隨准署理總督

事務撫臣田逢吉咨委糧儲驛傳道祭議劉昌臣標

下中軍副將王廷梅齋捧

欽頒總督浙江康字二千二十四號關防一顆

今旗牌十面桿副及文卷到臣當即恭設香案望

闕叩頭謝恩於本月十五日赴省到任受事訖伏念微臣

以樛櫟庸材荷叨劇煩重任惟有飲冰茹蘗砥礪身

心恪持廉法董率所屬文武各官鞏固地方愛養百

姓以圖仰副

皇上軫念東南重地至意并上報

朝廷優遇

隆恩臣謹恭謝

天恩并將到任日期繕疏奏

聞伏乞

皇上睿鑒施行

李文襄公奏疏卷首 到任日期

康熙十二年十月十六日奏奉

旨該部知道

計典屆期疏

總督浙江等處地方軍務兼理糧餉兵部右侍郎兼都察院右副都御史臣李之芳謹

題為

計典屆期已迫等事臣查吏部咨開在外官員

大計文冊應於康熙十二年十二月內齊到等因欽遵在

案該臣看得三年

計察澄清吏治關係黜陟今臣於十月十五日蒞任

計冊例應十二月到

京一切屬員臧否既未洞悉於平時何以定評於一旦

李之芳奏疏卷首

計典屆期

三

查康熙九年川湖督臣蔡毓榮緣受事日淺請

勅撫臣獨任

計冊當經部覆奉

旨俞允與臣事例相符伏祈

皇上勅下該部院將康熙十二年考察大小各官五花賢

否文冊聽撫臣田逢吉造送部科察核准臣今屆免

造至於不肖官員臣採訪有據即不特另疏糾察斷

不敢稍有徇庇臣謹具

題伏乞

皇上睿鑒施行

康熙十二年十月十六日題奉

旨該部知道

李之芳奏疏卷首

計典屆期

四

請修戰船疏

總督浙江等處地方軍務兼理糧餉兵部右侍郎兼都察院右副都御史臣李之芳謹

題為請修戰船以資防剿事據浙江布政司布政使陳秉直呈詳到臣該臣看得浙省為瀕海重地戰船為防禦要需今據該司詳稱各船自康熙九年修造迄今已歷三載查與修造年分之例相符今據開報寧台溫三區修造戰船一百三十三隻除請留存戰船銀兩又變價船銀共抵用銀錢二千三百五十三兩四錢零爾為採辦物料外尚實該工料價銀四萬六

李文奉奏疏末首

請修戰船

五

千三百一十兩六錢零此皆照例核明之數亟須修理以資海防叩乞

皇上俯念邊疆重務准照例於康熙十二年地丁銀內動用庶船工便於速竣用備緩急不致臨期有誤軍機矣臣謹會疏密

題伏乞

皇上睿鑒施行

康熙十二年十二月二十二日題奉

旨該部議奏

核減馬價疏

總督浙江等處地方軍務兼理糧餉兵部右侍郎兼都察院右副都御史臣李之芳謹

題為請定歲終奏銷以肅馬政事據浙江布政司布政使陳秉直詳報到臣該臣看得浙省各鎮協營康熙十一年並十年購買馬匹一案經前督臣劉兆麒具疏

奏報部議以所買馬價比江南提標馬價浮多請

勅核減造冊等因隨即經備行布政司遵照部駁各款逐

一查明核減造冊去後今據該司詳報動支康熙十

李文奉奏疏末首

核減馬價

六

年分朋銀購馬二百三匹共核減二百二十四兩二錢又動支康熙十一年分朋銀買馬二百七十二匹今核減三百四十四兩七錢至於各營康熙十年分買馬二百三匹未經開明價值緣由查馬價銀兩原係動支康熙十年朋銀購買即於十年朋椿

奏報冊內註明在案今據該司備造清冊前來臣謹具

題伏乞

皇上睿鑒施行

康熙十二年十二月二十二日題奉

旨該部知道

卷首終

李文襄公奏疏目錄

題稿卷之一 督師

請開銷試放火藥

請增設兵馬

飛報閩變一

飛報閩變二

飛報閩變三

續報閩變並陳調度事宜

請照例支給官兵行糧

續報各路塘報情形

李文襄公奏疏卷一 目錄

請調江南援兵

題報耿逆潛遣奸細投書

葉報官兵堵擊情形

常開報捷

請用原任鎮臣李榮

密報官兵堵擊情形

亟請應援滿兵

密報賊情

金衛獲捷

衝嚴擊賊恢復壽昌縣

紹興仙居黃巖獲捷

李文襄公奏疏卷一

目錄

二

請開銷試放火藥疏



總督浙江等處地方軍務兼理糧餉兵部右侍郎兼都察院右副都御史臣李之芳謹密

題為欽奉

上諭事康熙十三年正月初七日准兵部密咨內開照得近聞雲南省作亂各該地方官員嚴加固守該管地方內如有不端之人着嚴加查拏為此通行直隸各省督撫提鎮一體遵行等因准此又准兵部咨開竊

照逆寇吳三桂作亂已發大兵進剿不日殲滅燕尾

一

為慮但江南浙江等處以及京口俱逼近海濱此等地方亦宜預令備防應行該省總督將軍提督嚴飭近海沿江鎮將等官整備兵馬船隻勤加偵探嚴行隄防以保無虞可也等因到臣准此遵即一面通行各鎮將一體遵行外隨即分檄申飭各該地方文武等官凡係沿邊近海江湖要隘衝險郡邑以及寨堡墩臺水陸港口補葺坍塌安設銃砲整齊馬步甲兵飭備戰哨船隻至於一切橋梁道路師旅經由處所

在在修葺嚴行各營將弁簡練兵士以資勦禦惟

銃砲一項必須先加試放動用火藥正在繕疏

題請開銷准提督臣塞白理咨開照得浙江沿海二千餘里一交春汛南風日動賊踪乘帆而至瞬息千里頃刻登犯在我守禦之具惟恃火攻所以沿海衝險之城邑要害之臺寨與夫水陸港口巡哨戰船向來俱設銃砲必常用火藥試放砲與藥習方燕雀碎鐵炸之患人與砲習庶免倉皇失措之虞今以年久未經試放之火砲潮溼銹結必至手足不應恐誤封疆不得不咨請本部院沿海火砲必按季試放開銷火藥緩急庶乎有濟然事關錢糧緊急軍需務祈本部

院速為具

一

一

題等因准此又據定海鎮總兵官朱萬化等各咨呈稱前事等因各到臣該臣看得浙省原屬邊海重地與腹裏營伍不同賊孽一日未靖則勦禦一日難疎從來制敵之具攻堅擊遠取勝最速者惟銃砲為軍中首資第緣年來操演火藥不准開銷因而久不試放銹濕堪虞一有警息不惟倉卒洗試無補緩急抑且火器兵丁盡屬生手是有銃砲與無銃砲等耳况臣屬沿邊上下延袤二千餘里凡海口之險汎山澤之要衝郡邑城垣烽墩臺寨以及水師戰艦無處不加

佈置則亦無處不需砲火雖向奉部文令地方設法
操演但弁兵俸餉無多難以責成今該鎮將因_臣申
飭預備至再至三是以皆為試放火藥無出紛紛呈
請_臣身任地方目擊軍中急需何敢因循貽誤竊議
目前先將各處統砲逐一試放一次使其疏通火門
臨期便於應手嗣後仍於每年春秋兩季試演二次
所用火藥核明定數統俟歲終彙冊奏銷仰懇
皇上俯加垂鑒

特賜允行裨益巖疆誠非淺鮮_臣謹會同浙江撫臣田逢
吉提督_臣塞白理合詞密

李才襄公奏疏卷一 試放火藥

題伏乞

勅部議覆施行

康熙十三年三月初四日題奉

旨該部議奏

請增設兵馬疏

總督浙江等處地方軍務兼理糧餉兵部右侍郎兼
都察院右副都御史_臣李之芳謹密

題為浙省汎廣兵單亟請添設兵馬以備防守以固疆
圍事准提督_臣塞白理咨又據定海鎮總兵官朱萬
化黃巖鎮總兵官阿爾泰溫州鎮總兵官祖弘勳平
陽鎮總兵官蔡朝佐各咨呈又據杭協副將陳世凱
署太湖營遊擊馬起龍沿海城守副將羅萬里等各
呈詳到_臣該_臣看得浙江一省向為邊海重地原設
經制官兵皆係酌量形勢按地設汎本難減少邇年

李才襄公奏疏卷一

增設兵馬

四

海警稍息汰兵省餉在無事之時分佈十一府七十
六州縣沿海各汎臺寨以及戰船水師地廣兵單實
苦不敷前督_臣劉兆麒兩次具疏
題請未蒙

俞允但海逆窺伺時刻須防今值浪逆反叛賊氛未靖尤
慮聞風蠢動浙地為閩省門戶又為江南後援先事
之謀惟在厚集兵力見准部文奉有各該地方嚴加
固守之

旨_臣忝膺重任敢不悉心籌畫如寧紹台溫等府皆沿海
重汎賊踪飄忽應常水陸險要亟宜添防衛嚴金等

處界連江西福建地勢衝險枕嘉湖三府接壤江南環海濱湖巡防並急各鎮協營日日呼籲增兵臣與撫臣提臣再四面商非不知增兵必須計餉當茲軍興浩繁正宜為

國節用但臣身在地方目擊兵馬不敷若不預為上

請直至臨事張皇顧此失彼雖身任重咎無益於事查浙省與江南閩粵並屬海疆形勢相等而往年裁減兵馬浙省為數過多今臣不敢議復原額致費糧餉謹就汛地緩急逐一會同詳酌實有萬不可已者議將各鎮協營兵單備寡之處量復兵丁三千六百三十

李文襄公奏疏卷一

增設兵馬

五

九名以足分防之用更請按馬一步九之制除應減二十七匹抵給外應增馬九百七十四匹至若臣標三營提標五營皆有應援通省之責與鎮營固守一方者不同見今戰馬無多實不堪資應援查鄰近江南一省總督總漕提督三標均係馬三步七浙省同屬要地豈可獨令單寡今議於督標二標酌復馬二百步八以備隨方策應按計兵數應增馬八百六十九匹庶可聯絡佈置使在在有備一遇警息相機堵剿不致有誤軍務臣總從封疆起見不得不剴切上

請仰祈

皇上俯念邊海巖疆特賜

俞允俟賊氛寧靜之日仍議裁減以節貲賦除將督提二標及各鎮協營地方形勢增設兵丁馬匹數目備造清冊揭送兵部外臣謹會同撫臣田逢吉提督臣塞白理合詞密

題伏乞

皇上睿鑒勅部速為查議施行

康熙十三年三月十六日題奉

旨戶兵二部會同議奏

李文襄公奏疏卷一

增設兵馬

六

飛報閩變第一疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為飛報事康熙十三年三月二十九日准提督臣塞

白理咨開本月二十七日准平陽鎮總兵官蔡朝佐

飛報內開本月二十二日申時據福建桐山營遊擊

孫斌為飛報靖藩兵變事內稱康熙十三年三月二

十一日午時有靖藩差人持發令諭一道內開總統

兵馬上將軍令諭桐山營遊擊孫斌本藩倡義起兵

爾文武將吏夙抱雄才向有同心論到之日仰體本

李文襄公奏疏卷十

飛報閩變

七

藩為民至意各將所部兵民齊應歸誠齋繳勅印據

給其一應管轄地方照舊管轄務期東兵安民共立

功勳本藩察敘勤勞另行從優擢用毋得故違取罪

特諭甲寅年三月十六日等因界職不勝髮指隨斬

使焚諭外事關變逆理合飛報亟請

題勦等情前來據此除嚴飭汛防各將領督率官兵加

謹巡防協力堵禦外擬合飛報等因到本提督准此

為照靖藩兵變事出意外雖據飛報未知情形虛實

本提督見在整棚兵馬會商堵禦外仍乞本部院迅

檄各該鎮將嚴兵固守其衢屬江山清湖楓嶺一帶

保浙閩大路乞即就近酌撥勇敢官兵先行飛馳堵

禦以防侵犯等因又據黃巖鎮總兵官阿爾泰溫州

鎮總兵官祖弘勳報同前由各到臣該臣看得浙省

與閩疆接壤溫衢二府尤屬衝要孔道今准提督臣

塞白理咨會准平陽鎮總兵官蔡朝佐報稱據福建

桐山營遊擊孫斌飛報等語事出意外未知情形虛

實見在整棚兵馬會商堵禦仍迅檄各鎮將嚴兵固

守其衢屬江山清湖楓嶺一帶請酌發官兵飛馳防

守等因前來臣即一面飛飭溫州平陽二鎮衢州瑞

安二協星飛率領官兵固守要隘偵探確信并行各

李文襄公奏疏卷十

飛報閩變

八

屬文武嚴謹整備一面會同提督臣塞白理統率官

兵相機防禦外合先據報上

聞續有情形容臣另疏

題報臣謹會同撫臣田逢吉合詞密

題伏乞

皇上睿鑒施行

康熙十三年三月二十九日題奉

旨兵部知道

飛報聞變第二疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為飛報事康熙十三年三月三十日據平陽鎮總兵官蔡朝佐咨呈本年三月二十二日申時據福建桐山營遊擊孫斌飛報靖藩兵變當即飛報各衙門及臨近鎮協外一面差兵前赴福建接聽去後本月二十四日戌時據換兵盧應滂吳承美回稱應海承美奉差於本月二十三日到福寧交界茯苓寨接聽路上緊急不放人行只得回至桐山進見孫遊擊即叫

李文選奏疏卷十

二報聞變

九

進內衙分付靖南於三月十五日會齊兵馬派守七門砲火為號頭一砲上城第二砲刀出第三砲放槍通用吳三桂旗號十六日差官三個到小福州刺辦橋纜有船數千隻盡泊閩安鎮有鄭錦兄弟帶船一艘已到三盤洋停泊等語理合密報等因到臣該臣看得閩省變亂臣准提督臣塞白理咨並三鎮塘報事關重大即時據報上

聞一面與提督臣塞白理會商各自統率官兵相機堵禦一面飛飭平陽鎮總兵官蔡朝佐領兵前往分水關一路衢州副將李承恩領兵前往仙霞嶺一路先據

關隘嚴謹防守并行各屬文武官保固地方預辦糧

草及沿海各鎮營加意偵備外因恩衢屬仙霞關係浙閩大路最為鄰近差員星馳往接尚未回覆於三月三十日亥時又據平陽總兵官蔡朝佐飛報密遣兵丁往福寧州交界偵探回稱前途阻絕情形及桐山營遊擊孫斌面囑之語臣查由閩至浙陸路則衢屬之江山最為衝要處屬龍泉等處溫屬平陽等處皆有通途捷徑水路則自平陽溫州黃巖台州象山寧波定海以至杭紹嘉三屬皆邊海要地今據稱構連海逆以圖分頭入犯臣等見在隨方調度星馳固

李文選奏疏卷十

二報聞變

十

守但各鎮營汛處處宜防肅可抽調僅有督提二標官兵水陸策應慮防守不敷仰祈

皇上俯念邊情緊要亟賜

睿裁并請先

勅江南省滿漢官兵調集兩省交界之地以資聲援江西省於廣信駐宿重兵以防崇安大關一路或有警急許臣咨調策應臣謹會同浙江撫臣田逢吉提督臣塞白理合詞密

題伏乞

皇上睿鑒施行

康熙十三年四月初一日題奉

旨兵部知道

李本壽公奏疏卷十

三報閩變

十一

飛報閩變第三疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為飛報事康熙十三年四月初三日據黃巖鎮總兵

官阿爾泰密報到臣該臣看得閩逆耿精忠背

恩倡亂臣節據塘報先經兩疏上

聞今又據黃巖總兵阿爾泰密報准平陽總兵蔡朝佐報

開據千總馬寧差稱探得桐山營兵丁索倫遊擊孫

斌帶往福寧州請發及至該州閩城兵馬盡赴福州

止餘空城等語又詢據逃回民人馬尾稱三月十九

李本壽公奏疏卷十

三報閩變

十一

日耿逆等差人到吳總兵處索印取辦吳總兵不從

二十日有亂兵陳英倡首架砲圍門搶去軍器馬匹

逼發餉銀勒去印信辯子隨槍掠城中等語臣聞之

不勝髮指又據金衢嚴道稟稱福建楓嶺一帶塘兵

於三月二十六日盡行撤去則是福寧等處亦已有

變衢州仙霞關係通閩大路又有常山亦係通途最

為衝要衛協額兵甚少非得重兵駐守實為可虞

屬之分水關與福寧州最近平陽總兵水陸難於兼

顧處處各邑通閩山路頗多處協額兵不敢防守臣

等見經多方調度竭力防禦但各屬皆汎廣兵單而

陸隘海邊處處宜防伏乞

皇上睿裁迅發大兵刻期前來以資授勦庶保蕪虞臣謹

會同浙江撫臣田逢吉提督臣塞白理合詞密

題伏乞

皇上睿鑒施行

康熙十三年四月初三日題奉

旨兵部知道

李文襄公奏疏卷一

三報閩變

十三

續報閩變并陳調度事宜疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為續報閩逆情形并滿漢官兵調度事宜仰祈

睿鑒事康熙十三年四月初七日據平陽鎮總兵官蔡朝

佐報稱三月二十七日酉時據防守橋墩寨千總馬

寧等報稱本月二十七日巳時據分水關管隊朱祥

報稱本日早晨赴桐拔聽城門甚緊止開南門二十

六日城內燒燬房屋三分之一孫將官尚未歸桐吳

守備在城防守過往人不許進城甚難體揆等語擬

李文襄公奏疏卷一

續報閩變

十四

合轉報等因又於本月初九日據全衢嚴道參議梁

萬禎衢協副將李承恩報稱康熙十三年四月初六

日戌時據署江山縣事縣丞徐兆熊報稱本月初六

日據解流犯快手毛老等從浦城回來口稱親見道

牌上寫總統兵馬上將軍牌行延平署延平道即換

牌上寫甲寅年仍用原條印建寧府亦寫甲寅年用

本府原印二牌俱行浦城開路如路不平坦軍法從

事內有云大兵所過秋毫無犯前月二十九日俱到

浦城至三十日有馬兵二三十人亦到浦城縣亦屬

甲寅年原印行牌備牛十隻猪四十口稻五十石柴

炭雞酒伺候開路至楓嶺地方止大隊換牌俱係
至楓嶺繳等情擬合轉報等因又於本月十一日據
臣標中軍副將王廷梅報稱准金衢嚴道塘報內開
本年四月初九日辰時據衢協中軍都司孫洪業報
稱本月初八日午時據撲兵邵祿口稱撲得逆藩頭
站李二虎帶兵一千於初六日到漁梁初七日到廿
八都馬千總封總兵官進去迎接連夜趕出駐劄峽
口楊把總帶兵駐劄江郎街裏面進去不得先來回
報等情擬合飛報煩請星飛前來堵禦等情到職單
職隨着官兵星夜前進外理合飛報等因同日又據

李文襄公奏疏卷一

續報調度

五

金衢嚴道梁萬禱衢協副將李承恩報稱本月初七
日未時據署江山縣事徐兆熊稟稱本月初六日夜
據本縣撲聽快手鄭泗自江山縣南一百二十里廿
八都地方回口稱廿八都馬副將於初四日早進浦
城峽口馬千總初四日午後帶馬兵蓋甲亦進浦城
仍調各千把俱駐劄峽口大溪灘楊把總帶兵駐劄
江郎街又聞得浦城北行過客說初四日初五日有
兵三千到浦城船六十號裝載硝磺蓋甲亦到浦城
係姓江李曾三人帶來等情理合通報等因又於本
月十二日據平陽鎮總兵官蔡朝佐報稱康熙十三

年四月初二日未時據防守橋墩寨千總馬寧把總
田喜龍報稱本月初一日訪得橋墩本街居民翁啓
辰弟翁啓和在闕生理回家寧等密喚詢問啓和口
稱和自三月十二日在興化府起身十五日到省南
臺見逆藩反亂本日文武各官往朝福州府官及候
官縣官不從俱被殺部院不從鎮起十六日俱割辦
子十九日發兵往泉州等語擬合轉報等因又於四
月十三日據衢協副將李承恩報稱四月初九日據
防守常山縣把總何起先報稱揆得建寧崇安兵變
俱稱藩下今廣信府鉛山縣防官汪守備領兵把住

李文襄公奏疏卷一

續報調度

六

分水關將關口壘塞以防崇安之兵理合塘報等因
各到臣該臣看得逆賊耿精忠反叛節經提鎮飛報
臣隨具疏上
聞一面會商調度分馳堵禦先經將軍臣圖喇發滿漢官
兵一千名令副都統臣吳申巴都魯石調聲統領臣
發督標兵一千名令中軍副將王廷梅統領赴衢州
防守仙霞關常山兩路又調金華嚴州紹興嘉興湖
州五營官兵共二千三百名赴此兩路協防其温州
分水關一路飭令平陽總兵官蔡朝佐稅率官兵防
守又調提標定游温州二鎮官兵共一千名前往協

防并嚴備平陽海汛仍令温州鎮協各營聯絡策應
其處州龍泉慶元各山路飭令處州副將姜騰蛟親
率官兵防守又調台州城守營官兵五百名協防其
餘沿海邊汛飭令定海總兵官朱萬化黃巖總兵官
阿爾泰温州總兵官祖弘勳督率各協營俱照汛地
防守但今節據探報有賊李二虎帶兵一千先至浦
城又稱江甯李賊兵三千船六十號裝載硝磺益甲
亦到浦城等語是賊勢已逼仙霞關矣又據探報福
建崇安兵變從逆江西之廣信玉山鉛山一帶未有
重兵駐守常山一路竝宜亟防今副都統臣并臣標

李文襄公奏疏卷一 續報調度 十七

中軍統領官兵已到衢州各管官兵陸續繼至所有
塘報情形備載前疏并官兵調度事宜合先

題報但臣等惟就見在之兵隨方佈置竭力堵禦而各
路兼防更無抽調之處兵馬實苦不敷懇請

皇上睿裁先調江南滿漢官兵就近赴援若候
大兵自京進發惟恐緩不及事并祈

勅江西督撫提諸臣亟發重兵謹守鉛山玉山大路以保
巖疆臣謹會同浙江撫臣田逢吉提督臣塞白理合

詞密

題伏乞

皇上睿鑒施行
康熙十三年四月十五日題奉
旨兵部知道

李文襄公奏疏卷一 續報調度 十六

請給官兵行糧疏

總督浙江等處地方軍務兼理糧餉兵部右侍郎兼
都察院右副都御史臣李之芳謹

題為防勦主客官兵懇

恩照例優恤以示鼓勵事據浙江布政司布政使陳秉直
呈詳到臣該臣看得閩逆猖狂稱兵入犯所賴將士
用命以奏成功今滿漢官兵調防堵禦在外有芻粟
之需在內有室家之累月給俸餉有限不能兼顧雖
効力疆場固臣子之常分而軫恤勤苦實

皇上之殊恩今據布政司詳稱順治十七年杭州駐防滿

李文襄公奏疏卷一

官兵行糧

十九

漢官兵援勦寧波另給行糧草料其綠旗官兵馬匹

見經川湖督臣蔡毓榮

題准照當日進勦雲貴之例支給等因臣查滿漢綠旗
官兵行糧料草既有成例可援似應一體優恤以示
鼓勵伏乞

皇上俯念從征勞苦准令照例支給庶官兵愈加威奮矣
但順治十七年額定糧料與見行例不同其雲貴進
勦之例浙省無案可考倘蒙

俞允請

勅部查明分晰滿漢綠旗官兵應加給每日米豆若干升

草若干束行臣等遵奉支給報銷臣護會同浙江撫

臣田逢吉提督臣塞白理合詞具

題伏乞

皇上睿鑒

勅部議覆施行

康熙十三年四月十九日題奉

旨戶部速議具奏

李文襄公奏疏卷一

官兵行糧

二十

續報各路塘報情形疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為續報各路塘報情形事康熙十三年四月二十四

日據各營將塘報各到臣該臣看得衢州一路據塘

報據稱賊兵屯聚清湖窺伺入犯又開化縣與江西

交界地方揆有山賊處州一路逆弁潛佈偽開處協

副將姜騰蛟領兵赴龍泉慶元台協都司馬登科赴

景寧防守溫州一路海寇連踪突犯瑞安磐石并郡

城江口各汛該鎮將放砲擊打賊船退回至泰順山

李之芳奏疏卷一

請兵夾勦

三

取僻邑前據有土賊勾連海寇之報臣即飭溫州總

兵官祖弘勳發兵援勦今據報援兵未至縣官防弁

退回所發官兵於桐溪居中要地屯劄以便應援臣

見經飛飭各路官兵協力守禦其文武官弁離城退

回另在嚴查外惟是賊兵水陸交攻與賊鄰近地方

奸宄乘機竊發兼以平陽兵變所備愈多一俟大兵

齊集即可星馳援勦臣思江西省城見有滿兵駐劄

又有續發大兵今湖廣長沙等處見在恢復則江西

已無他警伏乞

皇上睿裁

勅令江西大兵相機進勦與浙省兩路夾攻則逆賊耿精

忠指日授首矣今據各路塘報情形合再上

聞臣謹會同浙江撫臣田逢吉提督臣塞白理合詞密疏

具

題伏乞

皇上睿鑒施行

康熙十三年四月二十九日題奉

旨據奏沿海官兵擊退賊船奮勇可嘉知道了餘着速議

具奏兵部知道

李之芳奏疏卷一

請兵夾勦

三

請調江南援兵疏

總督浙江等處地方軍務兼理糧餉兵部右侍郎兼都察院右副都御史_臣李之芳謹密

題為謹陳浙屬各路告急官兵調援不敷仰祈

府察增調官兵分路援剿事竊惟浙閩交界衢溫處三路並有通途凡調撥官兵分頭堵禦并節據塘報賊兵圍犯瑞安景寧等處情形_臣等屢次會

題在案_臣欽遵

上諭公同平南將軍賴塔前去一應軍機事務酌酌而行已於康熙十三年五月十五日統領本標杭協營并

李文襄公奏疏卷一

請調援兵

三

江南提標官兵共一千五百名自省起行前赴衢州於途次據處協副將姜騰蛟報稱慶元調援把總韓養性奔回郡城口稱五月初八日逆賊徐尚朝帶領賊兵二千餘攻進北門縣官千總不知下落等情五月十二日龍泉兵變過竹千總田士植往浦城投逆獲得賊兵實有二十餘由松溪壽寧浦城而來於五月十六日已犯龍泉縣官出郊迎接逆寇追印要餉百姓盡皆割辦等情五月十七日賊兵已進遂昌俱有鐵甲藤牌遂昌縣官弁兵皆出迎接今雲和松陽告急疊至各汛原無城垣可守防兵不過數十名悉

兵猝至眾寡莫敵道路不同分援莫及等情又據駐

防龍游把總羅大用報稱衢協防汛千總王孝私通馬逆於五月十九日中外應合黃昏時候開城放入賊兵千數卑職帶領兵丁堵禦身負重傷至四鼓後賊仍馳往南山行蹤莫定等情各到臣該臣看得衢州為浙閩衝要先有副都統臣吳申巴都魯等屯守郡城但一月以來賊眾四出攻掠先經常山開化防弁一逃一叛隨調副將牟大寅領兵分防今龍游逆弁又勾通賊兵入城旋復盤踞近地阻我糧道見在發臣隨帶官兵防剿其溫州一路賊兵攻圍瑞安已

李文襄公奏疏卷一

請調援兵

三

及二旬副將吳三畏等悉力拒守今提督臣塞白理已准臣吞統兵自寧波進剿至處州一路原因兵單調台協官兵五百協防柰山路峻雜賊兵出沒不常景寧慶元失守皆因兵少賊眾而龍泉遂昌文武官弁皆已從逆雲和松陽見在告急臣標守備于昌祐又復調領官兵星馳赴援此三路情形處處緊急今江南滿兵雖到馬力未齊且不便零星四發臣所調遣以策應各路者惟有綠旗官兵如沿海諸營多調赴溫州一路其存營官兵又防本汛屢據塘報賊游移提督并寧台鎮協格釋請援難以再調全撤二

府又皆與衛處接壤前除調撥外各營僅存兵數百
賊氛震鄰尚慮單虛而杭紹嘉湖先經抽調見今兵
數無多再難調發一空前臣疏請增兵雖蒙

俞允部文甫到非可一時募補足額其衢州調集之兵分
應開常各邑見在郡城止有千計臣隨帶官兵又分
援處州并防堵龍游臣今惟領官兵數百前進念各
屬地方皆臣責任奈已無兵可調無將可遣兼賊勢
猖獗而弁兵紛紛從逆事實可虞不得不據實懇陳
於

皇上之前仰祈

李文襄公奏疏卷一

請調撥兵

五

睿鑒或再發江南和碩額駙臣所統滿漢官兵或

勅江南一鎮領兵數千赴援庶可保固地方相機進剿臣

謹會同浙江撫臣田逢吉提督臣塞白理合詞密疏

具

題伏乞

皇上睿鑒勅部議覆施行

康熙十三年五月二十五日題奉

旨議政王貝勒大臣會同速議具奏

題報耿逆潛遣奸細投書疏

總督浙江等處地方軍務兼理糧餉兵部右侍郎兼
都察院右副都御史臣李之芳謹密

題為逆賊潛遣奸細投送逆書臣謹據實上

聞事臣於康熙十三年五月二十八日統兵至衢於六月
初二日衢州副將李承恩口稱有要緊事而稟臣即
加詢問據稱有奸細一人持耿逆書送臣等語臣聞
之不禁髮指即令該副將立將奸細綁赴平南將軍
處臣隨往會同將軍臣賴塔副都統臣胡圖火申把
都魯雅大里等公審據奸細張連進供於五月十九

李文襄公奏疏卷一

題報逆書

五

日到延平府見耿精忠坐的船有一姓馬的人將耿
精忠書一封王可就稟帖一封叫我到杭州與李總
督我把書接了於五月二十九日到了清湖有江元
勳又與我書三封叫我帶到衢州與城守副將李承
恩總督中軍王廷梅西安署印知縣李備耿精忠從
延平府一日行二三十里往仙霞嶺來不知賊兵真
數船隻甚多等語其逆賊耿精忠與臣書一封王可
就與臣稟帖一封並逆賊江元勳與中軍副將王廷
梅衢州副將李承恩署西安縣事通判李備各書一
封公同拆閱盡皆虛張聲勢妄相煽惑之詞竊臣

國厚恩膺此封疆重任今值逆賊犯順正臣捐軀圖報之時夙夜拮据恨不滅此朝食何物背

恩反賊敢以喪心狂吹遣奸投遞臣不勝憤激即公議將奸細張連進處斬訖臣謹據實密疏上

聞伏乞 皇上睿鑒施行

康熙十三年六月初二日題奉

旨覽卿奏擊獲逆賊耿精忠等所遣奸細并所送逆書具見忠貞可嘉兵部知道

李文襄公奏疏卷一

題報進者

七

彙報官兵堵擊情形疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為彙報官兵堵擊情形仰祈

睿鑒事案據溫州總兵官祖弘勳提標右營遊擊張從仁瑞安副將吳三畏旅協副將鮑虎杭協副將陳世凱金協副將牟大寅處協副將姜騰蛟塘報各到臣該臣看得賊兵侵犯瑞安賊船在各汛江口時常飄窺以圖阻我援兵屢據瞭報在案今溫州鎮總兵官祖弘勳盤石營遊擊祖應善提標遊擊張從仁寧海營

李文襄公奏疏卷一

官兵堵擊

三

守備周成等先後擊碎賊艘餘船退泊其攻瑞之賊圍城已及一月副將吳三畏忠勇奮發提標遊擊劉國珍等並能協力率勵兵民同心固守擊斃賊眾全城待援實有勤勞今提督臣塞白理所統兵及在溫官兵共及萬餘自可解圍破賊至衢屬自江山接連常山開化秀出龍游并嚴屬遂安與開化比壤皆有賊兵出沒土寇因而附合臣密飭諸將偵探勦搜嚴協都司閻進等乘雨夜出擒殺賊眾杭協副將陳世凱等潛遣官兵擒獲偽劄賊犯又金協副將牟大寅報稱湖協都司姚世熙等斬賊獲械處協副將姜騰

蛟報防守青田把總陸雲龍擒賊獲械其處州一路
先經發兵赴援并雷原調援瑞安江南官兵在處州
協防又令黃崧總兵官阿爾泰從溫州領兵進勦并
見發滿漢綠旗官兵赴常山夾勦俟各路捷音另行
題報外今官兵奮勇已見先聲所有詳報情形理合上
聞謹密

題伏乞
皇上睿鑒施行

康熙十三年六月初六日題奉

旨據奏賊船侵犯瑞安各汛總兵官祖弘勳等奮勇擊碎

本文稟本奏疏卷一 官兵奮勇 三九

賊艘副將吳三畏等協力擊賊全城及都司閻進等擒
賊并獲偽劄俱勤勞可嘉事平之日着從優議敘具奏
兵部知道

常開報捷疏

總督浙江等處地方軍務兼理糧餉兵部右侍郎兼
都察院右副都御史臣李之芳謹密

題為續報官兵堵擊情形仰祈

睿鑒事案據金協副將牟大寅報到臣該臣看得常山開
化與江西廣信玉山永豐等處接壤叛兵土寇勾合
開賊時時窺伺臣密飭防守協營將備嚴謹守禦先
據金協副將牟大寅報稱都司姚世熙等於七都地
方勦殺賊寇陣獲器械并有賊兵犯城臣隨會商發
滿漢官兵赴常援勦先經

本文稟本奏疏卷一 常開報捷 三九

題報在案隨據該副將報稱偽總兵李雲龍率領賊衆

四面攻圍官兵出城奮擊斬首五百餘級生擒十一
名陣斬偽將張雄獲有偽劄奪獲旗幟器械并開
列衝鋒及傷亡兵丁姓名前來查獲兵未到之先常
山防守官兵已經奮勇勦殺賊衆敗遁并防守開化
守備黃成富報稱殺賊情形俱見將士用命理合一
併上

聞應否議敘賞卹合聽部議臣謹密

題伏乞

皇上睿鑒施行

康熙十三年六月十二日題奉

旨據奏偽總兵李雲龍等率賊五千餘眾侵犯常山開化副將牟大寅等奮擊陣斬偽參將張雄及賊五百餘級生擒賊眾得獲偽劄器械淡為可嘉在事有功人員事平之日從優議敘具奏兵部知道

李文襄公奏疏卷一

常關報捷

三十一

請用原任鎮臣李榮疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為特

請擢用原任鎮臣以資援勦仰祈

睿鑒事竊惟地方用兵惟在將得其人必素有威望諳練機宜始可以服軍心而振士氣俾之統率援勦著績疆場浙省原有四鎮皆為防海而設自平陽溫州相繼變叛黃巖定海二鎮見在防禦本汛其衢州金華等處調援官兵須得大帥專一統領查有原任水師

李文襄公奏疏卷一

請用鎮臣

三十一

右路總兵官李榮歷任浙省二十餘年才能素著各營弁兵多屬舊時部曲咸懷恩信臣叅訪輿論調至軍前與之商確樞密見其韜畧優長忠勇奮發熟悉地方情形堪當一面之寄似此威名宿將久在閒散淹沒可惜本官雖係降調之員但今用人急迫之際難拘常格臣謹特疏題

請仰懇

皇上破格擢用如蒙

俞允諸

勅部議仍以總兵職銜管浙江金衢等處援勦事務頒給

勅書關防俾令受事將見調嘉湖等管官兵暫令統領仍
召募新兵以定經制查溫處額兵并援兵盡皆失陷
是浙省經制缺額幾及一萬五千今議設援期三營
共兵三千名見在之兵無從抽調必須另行召募既
可以資戰守且使地方強壯有力之徒不致為賊引
誘是募兵卽所以弭盜俟恢復溫處陸續募足原額
并聽部議其營制官員容臣於將領之中查其功績
量其才能酌議陞補另行題

請臣謹密疏具

題伏乞

李未襄公奏疏卷十 請用缺臣

三

皇上睿鑒施行

康熙十三年六月二十二日題奉

旨兵部速議具奏

密報官兵堵擊情形疏

總督浙江等處地方軍務兼理糧餉兵部右侍郎兼
都察院右副都御史臣李之芳謹密

題為密報官兵堵擊賊衆情形事康熙十三年六月二
十六日據杭協副將陳世凱等塘報各到臣該臣看
得溫處變叛之後賊衆由縉雲連犯永康武義官弁
從賊遂直窺金華先經臣調杭協副將陳世凱到金
防禦於康熙十三年六月二十二日該副將調千總
景一清把總徐啓等領兵夜刑武義守備任九玉等
領兵接應殺敗賊衆得獲器械以兵少未能深入於

李未襄公奏疏卷一

官兵堵擊

三

二十三日回郡平南將軍臣賴塔所調滿兵亦俱到
金華二十四日據知有賊千餘將到郡城副都統臣
馬哈達雅大里統領章京昂吉兔瓦星阿等並江南
遊擊武榮臣標把總李華等前往奮擊殺賊生擒二
十餘人追奔二十餘里得獲刀槍旗銃等件今副都
統臣馬哈達雅大里俱准部文回省將軍臣賴塔見
在另議調防金華但賊兵四出侵犯在在土寇竊發
又據報間道襲破東陽臣今見在酌議官兵再往彼
處確撲進剿外所有賊兵侵犯官兵堵擊情形臣謹
密

題伏乞

皇上睿鑒施行

康熙十三年七月初一日題奉

旨據奏逆賊千餘侵犯金華將軍賴塔等調發滿漢官兵奮勇堵擊擒斬賊眾得獲器械可嘉在事有功人員事平之日議敘具奏兵部知道

李文襄公奏疏卷一

官兵堵擊

三

亟請應援滿兵疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為賊兵分路犯衢滿師萬難分應亟懇

睿鑒以救衝疆事康熙十三年七月初五日據衢協副將李承恩報據大南門外一路揆兵莫起春報稱揆得江山來賊馬撥已至十八里地方又據大西門外一路揆兵洪大相報稱揆至航埠地方離城二十餘里鄉民紛紛逃出稱有賊三千餘人俱在河西一帶插下皂旗又據小南門外一路揆兵張自得報稱初四

李文襄公奏疏卷一

應援滿兵

三

半夜有賊數千從后室街來至大洲地方又揆得有賊五百餘人在九龍山又據揆兵陳龍報稱有賊二三千人從相思地方出來午時到沙埠離城十五里又據東門外一路揆兵余信報稱有賊數百人初四夜由靈山來到安仁街過河往北鄉本日亥時又據該將報稱揆兵徐福等報稱離城十五里汪家橋一帶直至大河邊俱是賊兵屯劄至後村祝地方有逃出民人稱自江西陸續下來直至西安十八里地方沿路下營約有逆賊數萬口稱三路會兵要攻府城又據把總馬伏秀報稱前往江山一路偵揆至航

瑋河東一帶見逆賊撥兵在大路下帳房三十二頂
周圍桶圍帳房皂旗甚多河西有黃心皂旗八桿紅
月皂旗不計共數從江山問道烏石山出來絡繹不
絕鄉民口稱約有萬餘四處催取糧草又據小南門
外探兵宋二報稱自江山出來火器賊兵無數至石
室街下營等情到臣據此臣隨會同平南將軍臣賴
塔發兵出城堵禦外該臣看得衢州為浙閩要衝賊
以全力聚剽清湖日窺侵犯臣等時刻偵探備禦惟
思身膺重任但當盡心竭力不敢過為張皇激切之
詞仰煩

李文襄公奏疏卷一

應援滿兵

三十七

磨憤然賊兵四而出實已危急龍游湯溪蘭谿金華等
處為糧餉要道又不得不發兵分援存衛滿兵一千
有餘綠旗兵二千有餘今賊兵數道竄進臣等見在
悉力堵禦專待副都統臣喇哈兵馬一到以為尋援
已經兩次行催在途今於七月初六日准部文留駐
杭州則衢州獨以滿漢綠旗不及四千之兵當逆賊
數萬之家勢必不支倘有疎虞則自衛至省順流而
下不過兩三日全浙大勢不可收拾矣溫處變叛全
浙門戶已失其二惟衢州尚有扼要之勢臣等於地
方情形兵力多寡事機緩急無處不為籌畫非僅以

一身所在之地為憂今賊已合兵入犯而衢州兵力
單寡至此若又調去應援之兵臣等雖捐糜頂踵究
於封疆無益一面行催副都統臣喇哈星速前進外
仰祈

皇上俯念臣等向燕危迫告急之詞本是奮身不顧原非
兵力有餘亟賜

睿裁命允臣等所

請使不致以孤軍債事庶危疆得以保全臣謹會同平南

將軍臣賴塔商妥密

題伏乞

李文襄公奏疏卷一

應援滿兵

三十八

皇上睿鑒施行

康熙十三年七月初七日題奉

旨議政王貝勒大臣會同速議具奏

密報賊情疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為密報賊情事康熙十三年七月初六初八十三等

日連據杭協副將陳世凱衢協副將李承恩嚴協副將鮑虎等報各到臣該臣看得逆賊自清湖常山路會合逼近衢州又分賊兵襲破嚴屬壽昌淳安兼從龍游湯溪一帶河路阻絕餉道其處州之賊又間道襲破義烏窺犯浦江知縣毛文桎督率百姓殺賊全城在衢官兵陸續調往金華龍游湯溪蘭谿等處

李文襄公奏疏卷一

密報賊情

三十九

存郡無多於七月初旬賊兵連營而進俱在十里之外將軍臣賴塔統領滿漢官兵臣統領綠旗官兵原任總兵李榮副將王廷梅李承恩都司王祚昌姚世熙守備朱知微高祿陳國任晉大忠虎邦俊隨征遊擊王世望等一齊出城堵擊直抵賊營滿漢綠旗官兵皆奮勇衝突賊營外掘濠濠內列木城火器拒守官兵不能前進陣亡金協守備梁安并兵丁七人今於七月初十日賊忽棄營夜遁營內及沿途拋棄接牌拒馬等件臣隨差守備陳國任千總滕龍等到賊剽營處所觀看營盤將賊遺換牌拒馬木城等項逐

一燒燬訖官兵前途哨換賊兵已望江山而去除再確接情形一面調遣官兵赴近衢各山并龍游湯溪一帶偵探搜勦外理合據實報

聞臣謹密

題伏乞

睿鑒施行

康熙十三年七月十三日題奉

旨據奏浦江縣知縣毛文桎督率百姓殺賊全城淩為可嘉着從優議敘具奏兵部知道

李文襄公奏疏卷一

密報賊情

四十

金衢獲捷疏

總督浙江等處地方軍務兼理糧餉兵部右侍郎兼都察院右副都御史李之芳謹密

題為飛報官兵大捷事康熙十三年七月十六日據臣

標中軍副將王廷梅原任總兵見在隨征李榮等各

塘報到臣該臣看得逆賊各路聚合同時逼犯金衢

自衢州賊兵遁回揆有逆賊一股尚在城北杜澤地

方一股尚在城東南大洲地方臣等於七月十二十

三等日連夜遣發官兵分路追勦都司姚世熙守備

朱知微等前至杜澤地方賊兵二千有餘拒敵官兵

李文襄公奏疏卷一

金衢獲捷

四十一

奮勇齊進殺賊五百八十餘人生擒二十三名陣斬偽副將一名獲旗械等三百餘件守備晉大忠等同委署衢州府知府王弘仁前至大洲地方賊兵二千有餘官兵奮擊殺賊六百餘人生擒五十八名陣獲甲仗等二百五十八件內隨征官張文福射死偽副將葉國榮搜獲偽諭帖偽劄驗係偽右軍都督江元勳所給守備晉大忠擒偽督糧遊擊龔上進知府王弘仁得獲偽劄一張把總曹三陽得獲偽劄一張俱經解臣等驗訖其處州之賊進逼金華先經官兵堵擊殺賊五十餘人乃於七月十三日會合賊兵萬餘

荷山列陣副都統臣吳申巴都魯統率滿漢官兵與

綠旗官兵左右並進奮勇登山擊殺逆賊七千有餘

生擒一百七十餘人追逐二十餘里得獲旗械無算

內杭協副將陳世凱首先用砲打倒賊黨江南遊擊

武榮親擒偽都督嚴彪各千把等官擒獲並陣斬偽

守備千把等共八名據偽都督嚴彪供稱取逆兵會

合土賊共有萬餘約定要破金華等語仰仗

皇上天威滿漢綠旗官兵同心用命斬獲大捷逆賊從此

膽寒矣臣謹會同平南將軍都統臣賴塔合詞密疏

題報伏乞

李文襄公奏疏卷一

金衢獲捷

四十二

皇上睿鑒施行

康熙十三年七月十八日題奉

旨覽卿奏逆賊兩股尚在衢州地方遣發官兵追勦擊賊

賊衆擒斬偽副將等得獲旗幟器械等項具見調度有

方將士奮勇可嘉在事有功人員事平之日議敘具奏

金華殺敗賊衆已有旨了兵部知道

衝嚴擊賊恢復壽昌疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為密報官兵擊敗賊眾恢復縣城事康熙十三年七月二十二日據標下隨征福建遊擊王世望嘉興營守備晉大忠撫標守備高祿等嚴協副將鮑虎嚴州府知府梁浩然等塘報各到臣該臣看得官兵自杜澤大洲勦賊回營之後臣與平南將軍都統臣賴塔復發兵搜勦龍游之木城一帶地方隨征遊擊王世望守備晉大忠高祿等前往遇賊三千餘我兵奮勇

李文襄公奏疏卷一 衝嚴擊賊 四

陣斬六百餘人生擒三十餘人餘賊奔回處州其嚴州一路先經副將鮑虎知府梁浩然呈首逆書隨據塘報賊眾萬餘先攻破開化遂破遂安兩縣官兵皆潰圍奔回嚴州副將鮑虎隨帶撫標援兵并回郡官兵先往壽昌進勦賊眾據險拒守官兵奮勇擊殺連奪險要隘口四處一日六戰六捷斬獲甚眾恢復壽昌入山搜勦賊已遠遁焚燬賊巢隨領兵前往恢復淳安遂安等處外所有塘報情形理合題報共遊擊王世望等副將鮑虎等並能奮勇立功鮑虎與知府梁浩然呈首逆書應否議敘仰祈

屠戮臣謹密

題伏乞

皇上睿鑒施行

康熙十三年八月初二日題奉

旨覽卿奏遣發官兵搜勦龍游逆賊擒斬甚眾又嚴州副將鮑虎率領官兵奮勇殺賊連奪險隘四處一日六戰六捷斬獲甚多焚燬賊巢恢復壽昌及同知府梁浩然出首逆書俱屬可嘉在事有功人員事平之日議敘具奏該部知道

李文襄公奏疏卷一 屠戮賊 四

紹興仙居黃巖獲捷疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為彙報捷功事據紹興府知府許弘勳定海總兵官

朱萬化黃巖總兵官阿爾泰各塘報到臣該臣看得

逆賊於七月初旬攻犯紹興新昌縣知縣陳大典乘

間出奇殺賊全城紹興副將許捷提標守備吳良駿

定海鎮標守備傅成等於郡城連日衝擊殺賊千餘

陣斬偽總兵副將得獲旗幟賊衆解圍遁去其台屬

仙居縣幾被賊攻破台協都司汪國祥援兵與千總

李文襄公奏疏卷一

紹興獲捷

四十一

韋清內外夾攻殺賊五百餘人生擒偽都司一員又

黃巖縣土寇竊發守備王有功等搜勦斬賊獲械以

上賊寇多寡不同勦殺功次不等俱見官兵用命令

聽部議臣謹彙疏密

題伏乞

睿鑒施行

康熙十三年八月初二日題奉

旨據奏逆賊侵犯新昌該縣知縣陳大典乘間出奇殺賊

全城又紹興副將許捷等連敗逆賊擒斬偽總兵等賊

衆解圍遁去仙居都司汪國祥等黃巖守備王有功等

擒斬搜勦賊衆得獲器械具見官兵奮勇俱屬可嘉在事有功人員事平之日議敘具奏兵部知道

李文襄公奏疏卷一終

李文襄公奏疏卷一

紹興獲捷

四十一

李文襄公奏疏目錄

題稿卷之二 督師

全嚴克捷恢復淳安縣

恢復義烏湯溪獲捷

嚴屬捷功

紹屬捷功恢復嵊縣諸暨縣

石梁捷功恢復東陽縣

題明守備員缺就近遞補

續報東陽湯溪捷功

密率通賊廢弁葉日生等

李文襄公奏疏卷之二

目錄

題補援勦遊擊守備

金華山口鄭店報捷

招撫偽官杜日葵等投誠

請增設標兵

金華十二里莊大捷

衢州溝溪前墓山大捷

金華龍游報捷

金華竹園村季宅馬洞報捷

蘭谿東葉山嚴州威平鎮捷功

金華積道山大捷

嚴屬捷功恢復分水縣

請勦餉銀購買戰馬

李文襄公奏疏卷之二

目錄

二

男 鍾麟編次

金嚴克捷恢復淳安疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為塘報捷功事據援剿總兵官李榮嚴協副將鮑虎塘報各到臣該臣看得金華當溫處兩路之衝亟宜掃蕩賊氛以圖進取臣同平南將軍都統臣賴塔面授援剿總兵李榮方畧發在衢綠旗官兵令其統領前至金華該鎮據知賊巢處所督同在金綠旗官兵

李文襄公奏疏卷二 金嚴克捷

星夜進剿賊寨三千餘聚立木城據山守險官兵兩路設伏誘賊至平地三面夾擊陣殺一千餘人生擒一百五十三名得獲旗械甚多焚其木城其嚴州一路自恢復壽昌之後臣復飭令副將鮑虎進兵該副將率都守千把等官間進等隨路攻剿破賊五營陣殺二百餘人賊家據險拒守官兵兩路衝擊斬關直入殺賊數百人乘勝恢復淳安又入山搜剿賊巢斬賊百餘人奪獲旗械焚燬巢穴救回教官閔圻申并典史周懋麟家眷共二十九名口教官印信一顆前往遂安依勦各據塘報前來總兵李榮甫經受事已

震先聲副將鮑虎屢戰皆捷連復二縣俱見奮勇立功金嚴兩處指日可平臣謹會同平南將軍都統臣賴塔合詞密

題伏乞

皇上睿鑒施行

康熙十三年八月十一日題奉

旨覽卿奏同將軍賴塔等遣發總兵官李榮率領官兵復勦金華逆賊有功人員事平議敘已有旨了又副將鮑虎進剿嚴州逆賊連破五營恢復淳安入山搜剿焚燬賊巢救回教官等家口具見調度有方官兵奮勇可嘉

李文襄公奏疏卷二 金嚴克捷

在事有功人員事平之日議敘具奏兵部知道

恢復義烏并湯溪獲捷疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為續報金屬捷功事據援勦總兵官李榮抗協副將陳世凱塘報各到臣該臣看得金華之義烏縣先為賊兵竊踞自副都統臣喇哈兵馬經過勦殺之後賊復乘間盤踞臣與平南將軍都統臣賴塔密諭總兵官李榮先由義烏東陽一帶恢復該總兵揆知賊在義烏二十七都地方隨即進兵於八月初七日有偽總兵快張伯王國斌等賊眾萬餘列陣拒戰該總兵

李文襄公奏疏卷十一 恢復義烏

三

分兵三路令金協副將牟大寅等首先衝鋒嘉興營守備晉大忠等出奇夾擊共斬賊一千七百有餘生擒一百一十三名得獲旗械四百餘件并偽制關防晉大忠射死偽中軍都督成道元隨於八月初八日前往義烏近城處所逆賊偽張都督偽龔遊擊預在各山埋伏官兵衝擊斬賊二百餘人又分兵搜勦共殺賊六百餘人恢復縣城義烏縣知縣于漣幸家丁隨軍征勦即令安撫民人一面撥兵分守訖其湯溪縣有賊數千逼近城邑臣等原令杭協副將陳世凱駐兵金華就近警息即令赴援該副將同江南遊擊

武榮等率兵至耐坊地方於八月初九日賊眾二千餘迎敵官兵三面奮擊斬賊五百二十三名生擒四十六名得獲馬匹旗械復於八月十一日會合湯溪蘭谿龍游防守千把李和李華等至厚大保地方賊眾約有三千踞山迎戰副將陳世凱撥兵設伏邀其後路兩面夾擊陣斬賊八百三十四人生擒九十三名內李和擒獲偽監軍道一名徐福龍各官擒殺偽千把總共四名得獲偽劄并旗械甚多查總兵李榮連捷二次擒斬逆賊共二千六百餘名副將陳世凱遊擊武榮等連捷二次擒斬逆賊共一千四百餘名

李文襄公奏疏卷十一 恢復義烏

四

各官兵俱能同心協力奮勇立功其義烏知縣于漣先經失守今偵撲賊蹤隨軍恢復并聽部議臣等仰賴
皇上天威捷音屢報地方漸次收復除嚴紹等處報捷情形另疏具
題外所有金華東西兩路塘報臣謹會同平南將軍都統臣賴塔合詞具疏密
題伏乞
皇上肅鑒施行
康熙十三年八月十八日題奉

旨覽卿奏遣發總兵官李榮率領官兵進剿逆賊斬殺甚多恢復義烏又副將陳世凱率領官兵擊敗湯溪逆賊斬殺甚多活擒偽監軍道具見調度有方將士奮勇可嘉事平議敘已有旨了餘着議奏該部知道

嚴屬捷功疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為積報嚴屬捷功事據嚴協副將鮑虎塘報到臣該臣看得嚴州之壽昌淳安先經恢復副將鮑虎進兵遂安賊眾數千登山列陣該副將督率撫標千總劉詔奮勇殺賊四百餘人并獲偽劄及旗械等件該副將乘勝追逐又斬賊三百餘人焚其巢穴救回知縣教官家口并教官印信已復遂安賊首汪琳等又勾合開化西安賊寇共五六千人逼犯縣城該副將率

兵前進賊眾拒守山隘官兵力戰經時殺賊五六十人賊始敗潰陣殺三百餘人乘勝窮追又殺賊百餘生擒三十餘名得獲旗械甚多查副將鮑虎半月之間連戰克捷各官兵並能奮勇立功其遂安縣知縣劉從龍先經失守今隨軍進剿復城統候部議臣謹會同平南將軍都統臣賴塔合詞密疏會

題伏乞

皇上睿鑒施行

康熙十三年八月十八日題奉

旨覽卿奏副將鮑虎率領官兵進剿逆賊擒斬甚多恢復

遂安具見調度有方官兵奮勇可嘉在事有功人員事
平之日議敘具奏餘着議奏該部知道

李文襄公奏疏卷十一

嚴屬捷功

七

紹屬捷功恢復嶧縣諸暨疏

總督浙江等處地方軍務兼理糧餉兵部右侍郎兼
都察院右副都御史臣李之芳謹密

題為續報紹屬捷功事據紹協副將許捷署寧紹道事
寧波府知府丘業提標中軍參將洪起元紹興府知
府許弘勳各塘報到臣該臣看得紹興一路先經賊
兵襲破嶧縣提標參將洪起元等同紹協官兵援勦
於白米堰地方遇賊白蒿壩前來拒敵江南遊擊成
國梃領兵適至合力奮擊賊眾敗遁追至蒿壩各據
報擒斬賊數弁得獲旗械等件參將洪起元進勦附

李文襄公奏疏卷十二

紹屬捷功

八

家堰地方賊眾二千餘人分作兩股拒敵官兵力戰
抄入賊陣三面衝擊賊復大敗陣殺六百餘人獲旗
械共四百餘件進勦至樊江地方水陸奮擊復斬賊
五百餘人江南遊擊成國梃等同紹興知府許弘勳
前至嶧縣殺賊五六十人賊遂棄城遁去追逐入山
已復縣城其諸暨縣先經副都統臣喇哈兵馬經過
殺賊甚眾自官兵過後賊復糾聚竊踞縣城提標守
備吳良駿定海鎮標守備傅成等於八月初二日領
兵攻進東門又於各門分兵截殺斬賊甚多恢復諸
暨以上各官兵分路恢勦俱能奮勇立功其嶧縣知

縣張逢欽著諸縣事經歷楊光先經失守今隨軍
協力復城合聽部議臣謹會同平南將軍都統臣賴
塔合詞密疏會

題伏乞

皇上睿鑒施行

康熙十三年八月十八日題奉

旨覽卿奏參將洪起元等率領官兵進剿逆賊斬殺甚多
恢復縣具見調度有方將士奮勇可嘉事平議敘已
有旨了餘著議奏該部知道

李文襄公奏疏卷二

紹興捷功

九

石梁等處捷功并恢復東陽疏

總督浙江等處地方軍務兼理糧餉兵部右侍郎兼
都察院右副都御史臣李之芳謹密

題為續報衛全兩路捷功事據臣標中軍副將王廷梅
援勦總兵官李榮塘報各到臣該臣看得衢州航埠
地方為常山大路接連江山八月十九日撲有賊家
屯御逼近臣等會發官兵副都統臣胡免臣標中軍
副將王廷梅統領前往至石梁地方賊寨二千餘迎
敵副都統率領滿漢官兵從中路而進副將王廷梅
率隨標効用左都督吳朝宰等守備傅騰翔等從左

李文襄公奏疏卷二

石梁捷功

十

路而進副將李承恩率隨標左都督朱英等守備陳
國任等從右路而進一齊奮擊陣斬逆賊一千餘人
賊敗奔山遂圍山搜勦生擒偽官胡錦并賊六十一
名得獲旗械一百餘件復進兵至大溝源地方賊家
三千餘人對敵滿漢綠旗官兵前後夾擊殺賊二千
餘人生擒三十名得獲馬匹旗械一百五十件援勦
總兵官李榮恢復義烏之後於八月十三日進兵東
陽逆賊千餘據截兩山之間該總兵率副將牟大寅
等直前衝擊斬首一百二十餘級生擒二十一各得
獲旗械八十餘件并涼蓬馬匹於次日抵東陽縣賊

遂棄城奔逃追殺四十餘人已復縣城金衢兩路官
兵奮勇用命所向克捷臣謹會同平南將軍都統臣
賴塔合詞密疏具

題伏乞

皇上睿鑒施行

康熙十三年八月二十二日題奉

旨覽卿奏遣發官兵進剿逆賊於石梁大溝源二處擊敗
賊家擒斬甚多又總兵李榮進剿逆賊恢復東陽具見
調度有方將士奮勇可嘉事平讓敘已有旨了兵部知
道

李文襄公奏疏卷二

石梁捷功

十一

題明守備員缺就近遞補疏

總督浙江等處地方軍務兼理糧餉兵部右侍郎兼
都察院右副都御史臣李之芳謹

題為題明守備員缺就近遞員

請補以資防勦事竊惟逆賊四面逼犯衢郡臣與平南將
軍都統臣賴塔齊集滿漢綠旗官兵論以忠義申以
軍令各官兵無不奮勇爭先於七月初七日除畱守
城外其餘綠旗官兵出城進戰及回軍時查有衢協
右營守備程龍已奉調遣竟躲城內不出本日滿漢
官兵三千有餘當數萬之賊惟賴將士用命以挫賊

李文襄公奏疏卷二

遞補守備

十三

勢獨程龍臨陣退縮其心難測臣當即會同將軍臣
賴塔公訊明白責以大義欽遵

勅書將程龍軍法從事理合

題明所遺員缺今衢州見在緊要不能候部推補查衢
協右營千總夏必成歷任十一年五箇月有軍功紀
錄三次先經原任督臣劉兆麒咨部候補部覆准以
署守備管守備事註冊候考推用仍帶軍功紀錄三
次等因在案該弁熟諳地方形勢如以就近陞補前
缺實與人地相宜之例允符臣謹循例保

請統候部覆請

旨定奪除將千總夏必成先令委署守備程龍劄付另查
繼部千總夏必成履歷揭送兵部查核外臣謹會同
撫臣田逢吉提督臣塞白理合詞具
題伏乞

勅下該部議覆施行

康熙十三年八月二十六日題奉

兵部議奏

李文襄公奏覽卷二

邊備守備

十三

續報東陽湯溪捷功疏

總督浙江等處地方軍務兼理糧餉兵部右侍郎兼
都察院右副都御史臣李之芳謹密

題為續報全屬殺賊情形事據援剿總兵官李榮臣標
中營中軍守備朱知微等塘報各到臣該臣看得處
州逆賊徐尚朝等聚合賊眾二萬攻圍東陽總兵官
李榮以千餘之兵拒城力戰凡五晝夜副將牟大寅
等投誠効用都督同知楊亨等守備晉大忠等並能
竭力守禦但賊眾日增砲火雲梯圍攻愈迫杭協副
將陳世凱同江南狼山遊擊武榮星馳赴援將士奮

李文襄公奏覽卷二

東陽捷功

十四

勇爭先世凱首用大砲衝破賊陣城內官兵齊出來
擊賊眾大敗計斬殺二千餘人生擒一百五十餘名
得獲砲火器械甚多焚燬賊營三十六座遊擊武榮
親斬偽副將一員各官斬殺偽把總等俱獲有偽牌
金協都司陳夢暘等亦從義烏赴援夾擊合兵回郡
其湯溪地方先據該縣據報賊寇出沒臣與平南將
軍都統臣賴塔會商隨發官兵防剿逆賊偽林總兵
等三千餘眾屯劄蘭峰保地方臣標守備朱知微隨
征官王文魁紹協千總劉君明等領兵搜剿殺賊五
百餘人生擒三十餘名得獲旗槍等械賊敗奔山復

追殺五十餘人東義官兵以寡敵眾固守解圍同心
勅命并湯溪殺賊情形臣謹會同平南將軍都統臣
賴塔副都統臣喇哈胡免合詞密
題伏乞

皇上睿鑒施行

康熙十三年九月初四日題奉

旨覽卿奏逆賊侵犯東陽總兵官李榮等力戰固守副將
陳世凱等星馳赴援內外夾擊大敗賊眾斬殺甚多焚
燬賊營三十六座擒斬偽副將等湯溪地方官兵搜勦
賊眾得獲器械具見調度有方將士奮勇可嘉在事有
功人員事平之日議敘具奏兵部知道

李文襄公奏疏卷二十一

東陽捷功

十五

密率通賊廢弁疏

總督浙江等處地方軍務兼理糧餉兵部右侍郎兼
都察院右副都御史臣李之芳謹密

題為密率通賊廢弁搜獲偽劄事據隨征福建布政司
布政使李士楨詳稱奉本部院牌開照得原任湖廣
天柱營參將今革職回籍葉日生在湯溪縣地方借
名團練招集土兵多人圖謀不軌當經本部院訪實
差官密率以靖地方隨據湯溪縣知縣張元會等於
葉日生家搜獲偽劄看係偽驍騎將軍馬九玉所給
葉日生副將偽印劄并獲解伊子葉廷魁同夥賊犯

李文襄公奏疏卷二十一

密率廢弁

十六

重萬全張金文邵開選前來據此合行發審仰司
將葉日生收藏偽劄及同夥賊黨嚴究確議具詳以
憑會訊定奪等因奉此遵將葉日生一千賊犯提取
到司研訊各口供招認情由該本司審看得葉日生
於順治初年曾為山寇劫掠湯溪龍游之間十三年
前總督李部院

題用招安雷標効用康熙五年授湖廣靖州天柱營參
將之職康熙七年軍政以不謹回籍自當改邪歸正
以贖前愆乃乘間竊取逆作亂馬勝舊為盟黨勾通
葉爾玉等為其線索投馬賊標下受副將偽劄所誦

鷹眼未化狼心猶存若非本部院嚴鑄明察預訪
卒人劉並獲獲此渠魁苟有舉動則金衢一帶幾
寧字或更甚於干總馬勝之為禍今一朝敗露誠為
地方之厚幸耳日生等具惑不畏法不待教而誅者
也若邵開運會否首知縣官應請行查定奪葉日生
并子葉廷魁同夥張金文童萬全邵開運監候外其
未獲夥黨及各犯家屬家產合請嚴行該道府嚴
密查拿照律審結擬合具由呈詳等因到臣該臣看
得逆賊狡謀弄滑造奸細勾結不軌之徒陰圖內
臣臣查有革職湖廣天柱營參將葉日生生居湯溪

李文華公奏疏卷二

密奉廣平

十七

地方原與清湖逆賊馬勝同夥投誠之人恐其通賊
為變密行體察訪聞糾集多人借名保甲團練賊跡
可疑隨密諭該縣知縣張元會駐防紹協千總劉君
明再加確核與臣訪聞燕具臣立即差官設法擒拿
并從伊家搜獲偽劄續據該縣查獲奸細張金文等
申解前來審得葉日生同葉爾玉邵開運翁師侶童
萬全商謀通賊所收受偽劄將劄付係偽驍騎將軍
馬九玉所給其張金文係馬逆所遺葉日生兩次令
其通信訊供已確查屬弁葉日生生包藏禍心約會
兵陰圖內應臣預行防察又得該縣官弁登時飛報

遂先事發覺立即就擒得以消弭奸謀漸除近患其
本犯脫逃之家口并未獲夥黨葉爾玉翁師侶等見
在嚴拿外葉日生通賊情真并奸細張金文同謀童
萬全相應請

旨正法其邵開運據供會稟首該縣另有一邵開運尚在
清湖見行該縣查明稟首情由再議其葉日生見在
家口令聽部議臣謹會同平南將軍都統臣賴塔合
詞密

題伏乞

皇上睿鑒

李文華公奏疏卷二

密奉廣平

十八

勅部謹覆施行

康熙十三年九月十五日題奉

旨兵部議奏

題補援勦鎮標遊擊守備疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為特

請擇用原任鎮臣以資援勦仰祈

睿鑒事准兵部咨前事等因到臣該臣看得金衢援勦總

兵官標下三營官員部議令臣

題補奉有

俞旨當此用兵之際將領必得才畧優長經歷戰陣者方

克勝在臣於隨征各官按量功能再三斟酌該標應

李之芳奏疏卷二

題補遊守

十九

設中左右三營遊擊各一員查有福建建寧副將中

營遊擊王世望在臣軍前輯畧素嫻膽勇可任若以

補鎮標中軍遊擊管中軍事銜缺相當其原任員缺

俟恢復之時另候銓補臣標中營守備朱知微諳練

軍務深得兵心擬陞補鎮標左營遊擊嘉興營守備

晉大忠才勇出眾每戰必先擬陞補鎮標右營遊擊

應設三營守備各一員查有杭協城守營千總景一

清臣標左營千總滕龍紹協千總劉君明並才技兼

優勤勞戰守景一清擬補中營守備滕龍擬補左營

守備劉君明擬補右營守備其臣標中營守備員缺

查有嘉興營千總李和勇畧有餘堪以陞補其嘉興

守備員缺查有臣標千總薛受益才能歷練堪以陞

補以上各官論其銜俸或有未及但俱係奮身而戰

屢有功績正當封疆有事必得可用之人仰祈

皇上允臣所請以鼓用命則各官愈加勉力將士共知奮

勵矣至三營各應設千總二員把總四員見在遴選

拔補咨達兵部其三營每營兵一千名內應設馬兵

一百名步戰兵四百名守兵五百名見在陸續募補

應支月餉行糧即於見撥餉內支給

奏銷總兵官李榮應領

李之芳奏疏卷二

題補遊守

二十

王命旗牌及中軍遊擊關防請

勅部照例查給臣謹密疏具

題伏乞

睿鑒施行

康熙十三年九月十五日題奉

旨兵部議奏

金華山口鄭店報捷疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為塘報捷音事康熙十三年九月十四日據杭協副將陳世凱金協副將牟大寅江南狼山遊擊武榮等各塘報到臣該臣看得逆賊偽都督陳重帶領闖賊招集土寇偽總兵朱老四等共一萬五千餘人結巢金華之鄭店劫掠山口副將陳世凱牟大寅遊擊武榮都司姚世熙守備晉大忠隨征右都督阮進揚亨等率兵同副都統臣馬哈達石調聲統領官兵於九

李之芳奏疏卷十一 金華報捷

三

月初十日直抵山口有賊三千餘人倚山列陣滿兵由左右兩路綠旗官兵由中路衝進殺賊眾連夜窮追於十一日至鄭店地方偽先鋒葉際卿協同偽總兵朱老四率賊五千餘人拒河列陣官兵渡河齊進三面夾勦陣斬多人賊敗奔竄乘勝追至後店濠漢壘固有賊七千餘人拒敵我兵三面奮擊自辰至未賊始大敗官兵連戰一晝夜三陣皆捷共斬賊五千餘人生擒一百六十名焚燬賊巢蓬廠二百餘處及糧草木馬等項得獲器械甚多除滿漢官兵勦賊情形見經將軍臣賴塔會疏具

題外查副都統臣滿宇塘報綠旗在事有功官弁姓名

未經全載但千把等官雖係微員同係奮勇爭先若不臚列上

聞無以鼓用命之心臣謹會同平南將軍都統臣賴塔會詞密

題伏乞

皇上睿鑒施行

康熙十三年九月十五日題奉

旨覽卿奏副將陳世凱等率領官兵於山口村鄭店地方三次殺敗逆賊擒斬甚多得獲器械等項具見調度有

李之芳奏疏卷二 金華報捷

三

方將士奮勇可嘉事平議敘已有旨了兵部知道

招撫投誠疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為招撫投誠以廣

皇仁事據衢州府知府王弘仁詳到臣該臣看得閩逆造

亂一隅惟恃煽惑人心潛給偽劄遂有無知之徒乘

機煽聚轉相勾引浸以衆多前衢州一帶逆賊號召

四面聚合臣等會發官兵屢次搜勦杜澤大洲等處

斬獲甚衆餘黨奔竄一面多發告示宣諭

朝廷浩蕩之恩開其僥倖自新之路據衢州府知府王弘

李才纂奏疏卷二 招撫投誠

三

仁詳委照磨李嘉稷持牌前往招撫隨有偽參將杜

日葵率兵一百六十名器械一百六十件首先投順

并願招撫餘黨臣實以袍帽給與招撫牌勅令立功

續據招到偽都司杜承盛偽千總李龍共帶兵十名

投誠又衛協汛防航埠等處把總馬伏秀等同該府

差人招到偽遊擊鄭鼎彪帶兵九十一名投誠臣俱

給賞袍帽宣布

皇恩安撫外查杜日葵繳有偽牌一紙據稱偽劄被官兵

進勦失去但係率先歸順見在招撫餘黨似應授職

以鼓向化之心杜承盛鄭鼎彪各繳有偽劄一張并

李龍統聽部議衢州府知府王弘仁照磨李嘉稷衛

協把總馬伏秀署把總孟福等俱係招撫有功除偽

票偽劄并投誠各兵分別入伍歸農造冊揭送兵部

外臣謹會同平南將軍都統臣賴塔合詞具

題伏乞

皇上睿鑒

勅部議覆施行

康熙十三年十月十六日題奉

旨據奏知府王弘仁等招撫偽參將杜日葵等率兵投誠

可嘉着一併議敘具奏該部知道

李文纂奏疏卷二 招撫投誠

三

請增設標兵疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為請增設標官兵以資進剿以備經制事承准奉命大將軍和碩康親王諭據浙江總督來啓我兵操四必勝之勢數月以來未即蕩平總因兵少之故衢金台各處皆濱山仄徑勢必兼用步兵現在嚴紹有警並須防禦惟有召募訓練一策擬於職標照提標之例添設前後二營並增中左右三營共足五千之數以資策應進剿又金衢嚴紹各副將下俱應添足

李之芳奏疏卷二 增設標兵 三十五

二千名以守地方共應增四千八百五十四名等語但補授溫州等處總兵官兼招募兵丁之要務本親王現在議

奏該總督既以標兵缺少宜應增添該督即當奏

聞可也等因到臣該臣看得閩逆倡亂勾引叛兵土寇蔓延浙地今大兵雲集蕩平有期但各處皆係深山險徑必須兼用步兵火器若非重兵合勢各道並進則屯守日久多費糧餉臣自到衢以來率勵將士雖所至搜勦屢見克捷終因兵少戰守不能兼應原調集之兵并新設搜勦鎮兵共有數千初則分發金華近

則分發嚴州此三府地方衢州當衝扼要為全浙門戶金華塔禦溫處兩路嚴州接連徽饒二郡並屬咽喉之地各處賊兵皆報稱數萬毒處官兵不及三千派防屬縣駐守府城聞警策應常苦不敷臣前同平南將軍臣賴塔會疏

題請蒙

皇上洞鑒綠旗兵少於江南調發五千來浙因台紹賊警盡數調往其金衢與嚴究未有兵增益查浙省經制原額尚缺萬數臣具啓康親王蒙諭設鎮募兵現在

李之芳奏疏卷二 增設標兵 三十六

奏其臣標應添之兵令臣自行奏

聞臣標現設三營共兵二千八百五十名請增兵一百五十名以足每管一千之數再照提標之例增設前後二營各兵一千名臣標共有五千兵目前便於策應進剿俟恢復地方即可分撥駐守事平之日乃調作溫處各管原額是增兵不踰經制之外而搜勦機宜克濟矣臣見在分行招募如蒙

題補臣謹密

題伏乞

皇上睿鑒施行

康熙十三年十月二十四日題奉

旨戶兵二部會同速議具奏

欽定大清會典事例

增設標兵

二十七

金華十二里莊大捷疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為塘報大獲捷功事康熙十三年十一月十四日據援勦總兵官李榮總兵官陳世凱狼山營遊擊武榮各塘報到臣該臣看得聞逆勾連各路土寇漸逼金華謀款餉道臣不時申飭該鎮將竭力堵禦隨方策應屢據塘報擒殺賊眾多獲捷功在案茲據報偽都督徐尚朝等帶領圍賊及溫處叛兵并招集土寇馬步賊兵五萬餘眾逼近郡城屯劄意圖攻犯當經副

欽定大清會典事例

十二里莊

十一

都統馬哈達石調聲及三等台吉察渾固山額真擺呀兒等同援勦總兵官李榮杭協副將今陞總兵官陳世凱委署遊擊晉大忠王世望武榮等各帶滿漢綠旗官兵於十一月初十日至十三里莊賊眾列陣對敵滿兵分左右兩翼綠旗兵下居中衝殺復又另分三路官兵奮力追勦趕殺十餘里計陣斬賊二萬有餘陣斬偽遊守千把吳榮先等三十餘員生擒一百六十四名得獲器械等項塘報前來滿漢綠旗官兵同心奮勇大創賊氛斬獲甚眾總兵官李榮陳世凱身先士卒克奏膚功遊擊武榮王世望晉大忠都

司陳夢賜勇敢衝鋒所到獲捷在事人員並能効命
立功臣謹密疏具

題伏乞

皇上府鑒施行

康熙十三年十一月十五日題奉

旨覽卿奏逆賊倭犯金華副都統馬哈達石調聲三等台
吉察渾都統巴牙爾總兵官李榮等率領官兵擊敗賊
眾殺賊二萬有餘陣斬偽參將遊擊等三十餘員得獲
旗械器械等項其多具見調度有方將士奮勇可嘉在
事有功人員事平議敘已有旨了該部知道

平定縣本縣東學十一十二里

三本

衢州溝溪前墓山大捷疏

總督浙江等處地方軍務兼理糧餉兵部右侍郎兼
都察院右副都御史臣李之芳謹密

題為承報官兵大捷事康熙十三年十一月二十一日

據標下中軍副將今陞總兵官王廷梅塘報到臣該

臣看得聞逆自十月終旬四面會合逼犯衢城自清

湖江山一路之賊屯割西南一帶自常山一路之賊

屯割正西一帶沿河靠山連營三十餘里賊眾共有

數萬自處州一路之賊屯割東南一帶出沒窺伺滿

漢縣旗官兵分佈要口嚴設堵禦今於十一月十九

平定縣本縣東學三

溝溪大捷

三本

日臣同平南將軍都統臣賴塔獲知賊兵已至溝溪

地勢會議發兵從四路進剿隨密諭標下中軍副將

今陞總兵官王廷梅同參將范應元并都督僉事蔣

懋勛等帶領官兵於本夜四更同滿洲官兵前赴溝

溪前墓山等處逆賊連營數座列械迎敵鎗黃旗奔

藍大旗布銀紅旗今監大牛鈕銀藍旗奔藍大料翻

親正紅旗暫管噶布什參領拜獨等領兵在左總兵

官王廷梅參將范應元都督僉事蔣懋勛遊擊朱知

微守備高祿等領兵在右分路一齊奮勇衝擊連勝

四陣追殺二十餘里共斬賊一萬有餘生擒五十三

名得獲紅衣大砲器械等項并偽關防劄付具報前來此皆仰賴

皇上洪福在事滿漢綠旗官兵奮勇用命大創賊氛今西路之賊已經潰敗臣等再行相機進剿外查綠旗官兵內總兵官王廷梅參將范應元并伊子范永祚隨征都督僉事蔣懋助身先士卒功績尤著竊惟官兵晝夜操甲防守月餘同心協力忘其勞苦咸思立功報効

朝廷得以乘間出奇奏此大捷在事人員忠勇昭著相應題報臣謹會同平南將軍都統臣賴塔合詞密疏具

李榮奏本奏章卷二

源溪大捷

三十一

題伏乞

皇上睿鑒施行

康熙十三年十一月二十四日題奉

旨據奏逆賊逆犯衛城鄉同平南將軍賴塔發遣滿漢官兵擊敗賊家擒斬一萬有餘得獲偽印劄蓋甲器械等項甚多具見調度有方將士奮勇可嘉在事有功人員事平之日議敘具奏兵部知道

金華龍游報捷疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為塘報官兵獲捷事康熙十三年十一月二十一日據援剿總兵官李榮等各塘報到臣該臣看得金華賊寇連營逼犯先經滿漢綠旗官兵合力撲剿大創賊氛業經

題報臣一面飭行該鎮將并金衢各縣汛防官弁乘此賊兵大敗之後再行相機剿殺去後今又據報耿逆標丁偽總兵張元光等帶福建賊兵并土寇共二萬

李榮奏本奏章卷二

餘龍報捷

三十一

餘眾在下販青溪地方創立營盤一十八座總兵官李榮陳世凱等同固山額真擺呀兒副都統臣馬哈達等及道府各官會商除留官兵防守郡城外固山額真擺呀兒副都統馬哈達總兵官李榮等各帶滿漢綠旗官兵於十一月十七日前往壽溪地方逆賊連營分隊迎敵我兵分爲一十八路奮勇前進逆賊負險拒戰官兵步行登山一齊攻殺賊遂奔潰追逐十餘里殺賊三千有餘內偽總兵張元光并千把總等二十餘員生擒二十八名得獲偽關防劄付器械等項焚燬賊營一十八座又有賊寇一千五百餘在

龍游縣二十五都地方從金村源出巨標守備李和會同署龍游縣事嘉善縣縣丞盧燦江南提標把總翟顯等於十一月十五日帶領官兵埋伏要口出奇截殺賊眾敗潰追殺偽遊擊偽都司各一員偽隨征官并賊眾共五百七十餘員名生擒二十一員名得獲器械甚多各具報前來滿漢綠旗官兵同心奮勇斬向克捷臣謹密疏具

題伏乞

皇上府鑒施行

康熙十三年十一月二十四日題奉

奉 旨覽奏速賊耿精忠下偽總兵張元兆等領賊兵三萬餘在金華府壽溪地方創立管盤十八座副都統馬哈達都統拜牙兒總兵官李榮等統領官兵擊敗賊眾擒殺甚多陣斬偽總兵張元兆等二十餘員其賊十八管盤盡行燒燬得獲偽印制器械等項具見調度有方將士奮勇可嘉在事有功人員事干議敘已有旨了其守備李和等在龍游縣地方殺賊眾擒斬甚多陣斬偽遊擊都司等得獲器械等項可嘉在事有功人員事干之日議敘具奏兵部知道

金華竹園村李宅馬潤報捷疏
總督浙江等處地方軍務兼理糧餉兵部右侍郎兼都察院右副都御史臣李之芳謹密
題為塘報官兵獲捷事康熙十三年十一月二十五日據援剿總兵官李榮金協都司陳夢賜塘報到臣該臣看得金華賊寇連管通犯先於十二里莊并壽溪地方等處撲剿情形業經
題報臣一面飭行該鎮將并各縣汛防官兵再行偵獲剿殺去後今又據報偽總兵申士上等賊兵三千有餘屯紮金華二十五都竹園村地方總兵官李榮陳世凱等同圍山嶺真攝呀兒副都統馬哈達等會同除留官兵防守郡城外三等台吉察軍副都統石調聲遊擊王世望武榮等各帶滿漢綠旗官兵於本年十一月二十一日至竹園村地方賊眾三千餘排砲火前來迎敵官兵分路衝殺賊遂敗潰追逐五里斬賊一千有餘生擒偽守備一名賊眾二十二名得獲器械等項甚多又有偽張遊擊等糾集各山賊寇屯聚蘭谿六都李宅等處地方金嶺都司陳夢賜會同隨征都督阮述都督僉事陳義忠蘭谿縣知縣楊天機千把總齊承明李華等帶領官兵於十一月十

九日前至季宅遇賊三千有餘官兵奮勇衝殺生擒
 偽遊擊千總各一名殺賊二百有餘本日夜又據報
 賊家萬餘在馬洞四山之上當分官兵一路攻取西
 山殺死偽守備千把總三名斬賊三百有餘焚燬窩
 棚五百有餘一路攻取北山殺死偽守備標官二名
 斬賊二百有餘燒燬草廠窠棚二百五十餘南山賊
 寇見西北兩山敗潰盡奔松山我兵合齊攻擊把總
 李華射死偽遊擊一名官兵斬賊八百有餘生擒四
 十七名焚燬窩棚木寨一千有餘三日之內山上山
 下力戰十餘天殺賊共二千有餘奪獲器械甚多除
 堪用給兵外其餘一并焚燬等情各具報前來兩處
 官兵同心奮勇仰仗
 皇上天威屢戰克捷所有在事有功人員相應
 題報臣謹密疏具
 題伏乞
 皇上睿鑒施行

康熙十三年十一月二十八日題奉
 旨據奏逆賊侵犯金華三等台吉察渾副都統石調聲等
 率領官兵於竹園村地方擊敗賊衆擒斬甚多又都司
 陳夢陽於季宅馬洞地方擊敗賊衆擒斬甚多具見調
 聲等官兵奮勇可嘉在事有功人員事平之日議敘
 具奏兵部知道

竹園村捷
 三

竹園村捷
 三

蘭察東葉山嚴州威平鎮捷功疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為彙報官兵獲捷事據援勦鎮總兵官李榮總兵官鮑虎塘報各到臣該臣看得賊寇分犯全嚴先於蘭谿松山等處官兵勦殺獲捷情形業經

題報臣一面飭行全嚴鎮將并各縣汛防官弁再行多方勦禦去後今又報蘭谿松山前敗餘賊復糾聚金浦東義四處來犯蘭谿援勦總兵官李榮據金協都司陳夢陽塘報隨經會同副都統臣馬哈達石調屏

奏為彙報官兵獲捷事 謹報捷功 三十七

等酌遣狼山營遊擊武榮前來策應該都司陳夢陽會同臣標隨征都督阮述都督僉事陳義忠蘭谿縣知縣楊天機等帶領官兵於十一月三十日前至東葉山地方遇賊萬餘官兵分路攻擊殺賊二百七十餘人活擒偽副將一名賊眾一十一名陣斬偽總兵一名賊眾又歸至第二座營盤正在攻打間遇狼山營遊擊武榮帶領千總張居寶等馳至并力攻打殺賊三百八十有餘賊眾復敗奔第三座營盤官兵四面圍困奮勇齊登殺賊五百有餘將三座賊營并山上山下窩棚盡行焚燬庫裏器械甚多又有嚴屬賊

首汪匪石等分剽淳安之威平鎮梓桐源暨茶園等處訂期會合攻城嚴協副將今陞總兵官鮑虎塘領

都司閻進等於十一月二十一日前至梓桐源有賊屯剽三營前來迎敵官兵奮勇衝殺斬擒偽總兵參

遊守備一十一名生擒賊兵五十三名殺賊一千六百八十餘人官兵星夜前進至威平鎮賊兵拒河迎

敵官兵奮勇直進斬擒偽參遊守備九名殺賊五百六十餘人生擒三十一人總兵官鮑虎親擒偽總統

汪匪石一名并招撫偽副守千把及餘黨五百餘人見在查明妥插等情各具報前來各路官兵奮勇用

奏為彙報官兵獲捷事 謹報捷功 三十八

命屢戰克捷嚴州賊首就擒招降餘黨可以剋日殲

靖所有在事有功人員相應

題報臣謹密疏具

題伏乞

皇上睿鑒施行

康熙十三年十二月初十日題奉

旨覽卿奏逆賊侵犯蘭谿總兵官李榮進發都司陳夢陽遊擊武榮等率領官兵於東葉山地方擊敗賊眾擒斬甚多陣斬偽總兵生擒偽副將等得獲器械等項具具湖度有方將士奮勇可嘉在事有功人員事平之日議

教具奏又總兵鮑虎於威平鎮地方擊敗賊衆親擒僞
總統汪匪石招撫餘黨事平議教已有旨了兵部知道

李文襄公奏議卷三
備置使功
三九

金華積道山大捷疏

總督浙江等處地方軍務兼理糧餉兵部右侍郎兼
都察院右副都御史臣李之芳謹密

題爲飛報官兵大捷事據援勦鎮總兵官李榮總兵官
陳世凱塘報到臣該臣看得金華賊寇連管逼犯先
經遣發官兵屢次獲捷情形業經

題報臣一面勉勵該鎮將再行偵探勦殺去後今又報
僞都督徐尚朝僞總兵馮公輔陳耀陳元等調集溫
處勁賊三萬土寇二萬餘屯劄金華積道山上下總
兵官李榮等同固山額真擺牙兒副都統馬哈達等

李文襄公奏議卷二
積道大捷
附一

會商除雷官兵防守郡城外固山額真擺牙兒副都
統馬哈達等總兵官陳世凱遊擊王世望武榮等帶
領滿漢綠旗官兵於十二月初七日前至積道山下
乘霧直抵賊營賊衆排列火炮對敵官兵分路奮勇
正白旗擺牙喇泰領阿論同總兵官陳世凱首先砍
斷木城寨柵率衆衝進賊寇大敗砍殺一萬五千有
餘殺死賊官一百餘員生擒賊九十三名其僞總兵
陳元等賊兵萬餘在積道山上仍排砲火迎敵官兵
乘勝殺上賊不能支棄寨敗遁又殺逆賊五千有餘
將山上下木城等項盡行焚燬又有僞遊擊以下賊

官二十四員賊兵六百九十二名被我兵圍住隨即
招擒投降俱皆分別安插陣獲器械等項甚多等情
具報前來滿漢綠旗官兵同心川命仰賴

朝廷洪福大創賊氛焚其巢穴招撫歸降功績昭著金華

一路逆賊徐尚朝實為渠首今剿殺賊眾幾盡可以

剋期殄滅所有在事有功人員相應

題報臣謹密疏具

題伏乞

皇上睿鑒施行

康熙三十三年十二月十四日題奉

李文襄公奏疏卷二

積道大捷

單一

旨覽卿奏逆賊侵犯金華都統繩牙兒副都統馬哈達總
兵官陳世凱等率領官兵於積道山二次擊敗賊眾攻
破木城斬殺逆賊二萬有餘招撫偽官兵七百餘名得
獲器械等項甚多具見調度有方將士奮勇可嘉事平
議敘已有旨了兵部知道

嚴屬捷功恢復分水縣疏

總督浙江等處地方軍務兼理糧餉兵部右侍郎兼
都察院右副都御史臣李之芳謹密

題為彙報嚴屬官兵殺賊獲捷事據總兵官鮑虎分巡

杭嚴道副使萬永祚塘報各到臣該臣看得逆賊分

路侵犯嚴屬圍絕金衢餉道臣屢勉勵鎮將多方防

剿去後今據報有逆賊二三萬屯制遂安毛村地方

先有三千餘賊出剗花石嶺一帶總兵官鮑虎率領

都司閻進親男鮑輔仁等千總杜承蔭劉詔等於十

二月初十日前至花石嶺地方分路出奇截擊自巳

李文襄公奏疏卷二

恢復分水

單三

至未與賊鏖戰不退該鎮身先士卒抄賊後路各官
兵奮勇齊上前後夾擊賊敗潰奔逃共斬賊一千六
百七十餘名生擒偽副總都司各一名偽守備千總
共五名生擒賊眾共九十三名得獲器械等項甚多
又有賊寇流犯分水該縣官兵眾寡不敵於十二月初
四日退割白沙嶺以待援兵杭嚴道副使萬永祚
發兵赴援先經把總傅雲王鼎鉉等於十二月初六
日分路攻打擒斬賊首范一相等五名斬賊數十名
得獲器械官兵從東北二門殺進賊即退遁恢復縣
城都司趙得壽等領兵繼進追至九管溪地方陣斬

賊一十七名生擒二名又於該縣百港口及儒橋地方兩處勦殺其陣斬偽遊擊一名偽把總四名生擒偽千總三名計殺賊眾三百餘名生擒共四十六名得獲器械偽劄等情各具報前來臣查嚴屬賊寇逆營逼犯官兵奮勇用命仰藉

朝廷洪福分路克捷所有在事有功人員相應題報臣謹密疏具

題伏乞

皇上睿察施行

康熙十三年十二月二十四日題奏

李文襄公奏疏卷二

恢復分水

四三

有覽卿奏逆賊分犯嚴屬地方總兵官鮑虎等率領官兵於花石嶺擊敗賊眾擒斬甚多生擒偽副將都司等又分水縣把總傅雲都司趙得壽等殺敗賊眾陣斬偽遊擊等得獲器械偽劄等項恢復縣城具見調度有方將士奮勇可嘉在事有功人員事平之日俱着議敘具奏兵部知道

請動餉銀購買戰馬疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為官兵急需戰馬請動餉銀購買以資進剿事據浙江布政司布政使陳秉直呈詳到臣該臣看得進剿逆賊所藉以衝鋒克敵者惟馬為先全衛援剿鎮額設馬三百匹除於各營調撥二十八匹另聽該管購補外尚缺馬二百七十二匹各標鎮協營新增馬匹除見在給銀購買外尚有提定二標並衢嚴台協以及象山寧波嘉興各營共未買新馬九百四十四匹有失陷陣亡倒斃馬匹俱需補額據布政司詳議請動見餉購買前來臣查尚有補設溫州平陽黃巖三鎮見在招募兵丁以資進剿定額馬一步九共需馬八百九十四匹臣標新設前後二營定額馬二步八共需馬四百匹并應速為購買但向例各營買馬原俱動支册扣銀兩今援剿鎮官兵新設未有册銀扣貯其溫州等鎮未失陷以前雖有扣貯之數見今統算通省十二年册銀除先經動支及見發各營購補外餘銀無幾共計臣標四鎮並提定二標各協營新增未買之馬尚應二千五百餘匹無銀可動當此

李文襄公奏疏卷二

購買戰馬

四四

征勦方殷戰馬刻難遲緩必須急為購補庶可速奏
膚功伏乞

皇上睿鑒准於不拘何項餉銀動支購買庶於進勦有裨
臣謹會同總理糧餉侍郎臣達都署巡撫事布政司

布政使臣陳秉直合詞密疏具

題伏乞

勅下該部議覆施行

康熙十三年十二月二十九日題奉

旨該部議奏



李文襄公奏疏卷二

購買戰馬

聖五

李文襄公奏疏卷二終

李文襄公奏疏目錄

題稿卷之三 督師

恭報招撫情形

龍游蘭谿壽昌報捷

請開復出征將弁住俸

湖協改設守兵

衝屬黃壇口捷功

題補督標前後二營參將守備

題補黃溫平三鎮遊擊守備

請錄用投誠隨征各官

李文襄公奏疏卷三

目錄

請賑難民

李文襄公奏疏卷三

招撫情形疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為恭報招撫情形仰祈

睿鑒事據援勦金衢總兵官李榮黃巖總兵官鮑虎溫州

總兵官陳世凱參將范應元等報稱本職奉令勦撫

廣為開諭今於康熙十三年九月至十一月十二等月

陸續招到偽投誠官一百七十餘員兵丁八千餘名

李文襄公奏疏卷三

招撫情形

一

又據衢金嚴紹道府廳縣梁萬禴王弘仁等報稱於

康熙十三年十月至十一月十二等月陸續招到投誠

官七十餘員兵丁四千餘名難民三千餘名各備造

花名并劄械細冊申報等因到臣該臣看得敢逆造

亂以來惟恃狡謀煽惑佈散偽劄潛相招引以致廢

革武弁遊手奸民交通從逆展轉勾結嘯聚日多所

以四路防勦在在分兵使闖賊得延喙息臣仰體

皇上靖亂安民寬宥宥從德意出師以來督飭文武將吏

勦撫兼施通發告示宣揚

上諭開以自新今官兵所至屢戰克捷賊徒喪膽漸次歸



降自康熙十三年八月以後至今衢金嚴紹等處報

到投誠人約計一萬二千餘名招回難民三千餘名

烏合之衆漸經解散賊勢日衰自可乘時快勦各鎮

將道府縣以及隨征人員宣布德威招徠撫戢並著

勤勞但今安插事宜正在料理其招撫有功人員并

投誠各偽官兵丁花名文冊分別入伍歸農及繳到

偽劄俟安插定日容臣逐一查明造冊另疏具

題伏念地方變叛上厯

宸衷仰賴

天威遐震

李文襄公奏疏卷三

招撫情形

二

仁澤覃敷使附從之黨悔悟歸誠賊勢既孤人心愈奮所

有招撫情形臣謹密疏

題報伏乞

皇上睿鑒施行

康熙十四年正月初六日題奉

旨覽卿奏督飭文武將吏各處招撫到投誠人員一萬二

千有餘招回難民三千餘名具見悉心籌畫可嘉有功

人員事平之日議敘具奏兵部知道

龍游蘭谿壽昌報捷疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為塘報捷功事據金協都司僉事陳夢陽臣標守備李和蘭谿縣知縣楊天機等各塘報到臣該臣看得逆賊屯踞龍游蘭谿壽昌交界淡山之內出沒河干阻截糧草臣飭行三縣汛防將弁會合夾剿去後今據報調防龍游臣標守備李和同江南提標把總翟顯等調防蘭谿金協都司陳夢陽臣標隨征都督阮述都督僉事陳義忠等駐防壽昌嚴協千總吳得榮

李文襄公奏疏卷三

龍蘭報捷

三

調入援勦鎮標把總路宗良等各帶官兵會集夾剿於康熙十三年十二月十七日始至白馬地方殺賊五十餘名賊俱遁入黃塘源內十八日進至源口官兵分路衝擊共計殺賊七百有餘擒斬偽都司守備并賊眾共三十九名得獲偽關防偽牌劄等項十九日追至金村源地方官兵分路攻打守備李和奮勇衝上官兵齊進賊即敗逃追至山門源一路殺賊四百有餘擒斬一十三名焚燬寨柵得獲器械等項又有偽總兵葉十三賊眾屯管下盛村地方蘭谿縣知縣楊天機金協千總裔承明等於康熙十三年十二

月二十日前往追勦擒斬偽總兵葉十三一名殺賊百餘名擒斬十名又有賊寇在大堰頭仙洞源守備李和陳國任等隨征都督僉事陳義忠把總李華等千總吳得榮張元助等復會齊官兵於十二月二十七日進至大堰頭賊聞風遠遁又撲賊有一千五百餘人遁伏仙洞源淡山官兵分路前進用砲擊死賊眾一百餘人賊棄寨奔逃官兵奮勇衝上追殺七百有餘擒斬二十六名射死偽千總一名各官兵陣獲器械等項具報前來各路官兵奮勇命屢戰屢捷從此龍游蘭谿餉道漸以寧靜所有在事有功人員

李文襄公奏疏卷三

龍蘭報捷

四

臣謹密疏具

題伏乞

皇上睿鑒施行

康熙十四年正月十三日題奉

旨覽卿奏遣發官兵進勦逆賊於白馬等處地方擒斬甚多焚燬窩棚寨柵得獲偽關防牌劄器械等項擒斬偽總兵具見調度有方將士奮勇可嘉在事有功人員事平之日議敘具奏兵部知道

請開復出征將弁住俸疏

總督浙江等處地方軍務兼理糧餉兵部右侍郎兼都察院右副都御史臣李之芳謹

題為營弁隨征勞苦住俸枵腹難支謹

請破格開復以鼓用命事據總兵官陳世凱詳稱據城守都司會書張汝第呈據把總徐天平呈康熙十二年八月二十七日仁和縣義同二畝陳星家失盜一案把總徐啓呈康熙十一年十一月二十五日於潛縣衙被盜一案又據江南提標遊擊崔天福詳稱據把總翟顯呈康熙十二年六月內邗彥助家失盜一案

李文襄公奏疏卷三

開復住俸

五

各詳請開俸支給等情到臣該臣看得地方城內城外被盜失事專汛兼轄武職各官俱有分別住俸罰俸降級之例但處於平定地方身在汛守定例處分所以責其督緝遏盜今用兵之際或本汛防勦或調遣從征業已披堅執銳力戰疆場豈能復分身以緝失事之盜而征勦之日仍是住俸之日若干總等弁俸銀原屬無多停支既久餬口不給情屬堪憫今據總兵官陳世凱詳稱杭協管把總徐天平先為仁和縣地方陳星家失盜又把總徐啓先為於潛縣衙看失盜俱原經住俸在案今二弁見在隨征金衢地方

屢立戰功詳請開復又江南提標遊擊崔天福詳稱把總翟顯先為邗彥助家被盜住俸今該弁調浙援勦詳請開復前來臣竊議以為

朝廷設立將弁本為有事之防如能展績封疆則盡職莫大於此今終年衝鋒冒刃而不得沾其常祿似宜酌議變通盜案之功罪雖已立法於平時冀可邀恩於今日仰祈

皇上睿鑒

勅下部議凡各營將弁除在平定地方無調遣征勦者仍

照定例外其現在用兵之地如經立有軍功或因盜

李文襄公奏疏卷三

開復住俸

六

案住罰者破格開復以示

特恩倘蒙

俞允不獨有盜案之官愈加感激用命即無盜案之官咸知

朝廷愛養將士之心無不兢思奮勉矣臣謹具

題伏乞

勅下該部議覆施行

康熙十四年正月十七日題奉

旨該部議奏

湖協改設守兵疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為湖協額兵移調水鄉防禦宜周謹據詳改設守兵船隻以資巡緝事據浙江布政司布政使陳秉直呈詳到臣該臣看得湖協營原額設兵一千二百八十八名於財賦盡糜於兵餉等事案內陸續裁汰兵一百三十一名臣前

題請增兵增馬之時因該營有兵一千一百四十九名亦敷防守是以止議增馬六十五匹及聞逆告變隨

李文襄公奏疏卷三

改設守兵

七

調該營兵六百名赴衢不意去夏湖濱盜賊竊發調衛之兵未能撤回本地汛守單寡據副將羅映培詳議暫緩購馬即以所需每月加餉乾銀募補守兵九十七名又該營原設快號船三十隻後經撥入太湖營一十六隻止存船一十四隻并據該副將詳稱湖郡一州六縣俱屬水鄉河港交錯巡緝不敷請即以買馬價值照原額添造船隻等因前來臣因湖屬正在會勘需兵甚亟隨即行令該副將增募起支其添造船隻復行布政司查議去後今據該司覆稱湖郡素稱澤國盜賊易於竊發近因鄰封告警巡緝愈宜

周密該營見在船兵實為不敷如以題增馬匹之餉

乾改募守兵以買馬價值抵作造船料價事屬妥便且於錢糧亦多節省估計每船一隻核實工料銀四十三兩三錢四分零計添造船一十六隻共該工料銀六百九十三兩五錢零造冊呈送經臣覆核無異前

題准該營增馬六十五匹相應停止如改設守兵九十七名添造船一十六隻即以馬價并加餉乾銀抵補不煩另議錢糧而巡防得有實濟矣除將船隻工料清冊送兵工二部查核外臣謹會同提督臣塞白理

李文襄公奏疏卷三

改設守兵

八

合詞密疏具

題伏乞

勅下該部議覆施行

康熙十四年正月十七日題奉

旨該部核議具奏

衝屬黃壇口捷功疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為塘報官兵獲捷事據平陽鎮總兵官王廷梅臣標中軍副將范應元等各塘報到臣該臣看得逆賊屯踞衢州近郊臣督飭鎮將嚴加堵禦今據報有偽總兵葉念帶領賊兵五千在南山一帶剽營為賊運糧臣與平南將軍都統臣賴塔密令總兵官王廷梅副將范應元等隨同正黃旗夸藍大巴哈正白旗夸藍大山秦鏤白旗夸藍大噶爾哈免鏤藍旗夸藍大翁

李文襄公奏疏卷三 黃壇口捷

九

俄岱等各帶領滿漢綠旗官兵於康熙十四年二月初八日南至黃壇口地方分路衝殺連勝三陣共斬逆賊二千有餘陣斬偽都司千總二名擒斬五十二名餘賊奔潰焚燬賊巢得獲器械偽劄等項具報前來滿漢綠旗官兵用命克捷在事有功人員相應題報臣謹會同平南將軍都統臣賴塔副都統臣喇哈胡圖合詞密疏具

題伏乞

皇上睿鑒施行

康熙十四年二月十一日題奉

旨覽卿奏會同平南將軍賴塔遣發官兵於黃壇口地方擊敗賊眾擒斬甚多陣斬偽都司等得獲偽劄器械等項具見調度有方官兵奮勇可嘉在事有功人員事平之日議敘具奏兵部知道

李文襄公奏疏卷三

黃壇口捷

十

題補督標前後二營參將守備疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為

請增設臣標官兵以資進剿以備經制事該臣看得臣標

添設前後二營應設官員部議令臣

題補奉有

俞旨當此用兵之時將領必得才畧優長經歷戰陣者方

克勝任臣於將弁各員中按量功能廣為遴選前後

二標應設參將各一員查有江南狼山鎮標左營遊

李文襄公奏疏卷三

題補標營

十一

擊武榮援勦全華身先士卒所向克捷戰功甚多擬

陞補臣標前營參將嚴協著遊擊管都司事趙得壽

諳練軍務立有戰功擬陞補臣標後營參將應設前

後二營守備各一員查有臣標右營千總郭之賓江

南提標右營千總王昶並才技優長戰功克著郭之

賓擬補前營守備王昶擬補後營守備以上各官年

俸或有未及但俱係立有功績才能堪任仰祈

皇上俯念用人之際

允臣所請以鼓用命則各官愈加奮勉將士共知感勵矣

其前後二營應設千總各二員把總各四員見在遴

選拔補其前後二營添設兵丁見在陸續募補應支

月餉行趨即於見撥餉內支給

奏銷臣謹密疏具

題伏乞

睿鑒施行

康熙十四年二月十五日題奉

旨兵部知道

李文襄公奏疏卷三

題補標營

十二

題補黃溫平三鎮遊擊守備疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為補授總兵事康熙十三年十一月初七日准兵部密咨到臣該臣看得溫州黃巖平陽三鎮標下三營官員部議令臣

題補奉有

俞旨當此巖疆用兵之時亟藉才能既在本省遴補其征勦立功官員應與年久俸深者一體拔擢以勵勤勞而資任使溫州鎮標應設中左右三營遊擊各一員

李文襄公奏疏卷三

題補營將

十三

查有陞補福建福州城守中營遊擊劉應鳳原係浙省陞員因無任可到見在守候若以改補銜缺相當江南提標前營援浙守備馬鳴厚定游鎮標中營守備傅成俱各軍務諳練立有戰功劉應鳳擬補溫州鎮標中軍遊擊管中軍事馬鳴厚擬補溫州鎮標左營遊擊傅成擬補溫州鎮標右營遊擊溫州鎮標應設三營守備各一員查有錢塘水師營千總王珊係久勞深江南狼山鎮標左營千總張居寶撫標左營千總劉詔才勇出眾每戰獲捷王珊擬補溫州鎮標中營守備張居寶擬補溫州鎮標左營守備劉詔擬

補溫州鎮標右營守備黃巖鎮標應設中左右三營

遊擊各一員查有巖協左營都司閻進江南京口前營援浙守備周鳳巖協右營守備黃成富戰守咸宜軍功並懋閻進擬補黃巖鎮標中營遊擊管中軍事周鳳擬補黃巖鎮標左營遊擊黃成富擬補黃巖鎮標右營遊擊黃巖鎮標應設三營守備各一員查有巖協右營千總楊春茂巖協左營千總周文撫標右營千總杜承蔭屢次征勦並有功勤楊春茂擬補黃巖鎮標中營守備周文擬補黃巖鎮標左營守備杜承蔭擬補黃巖鎮標右營守備平陽鎮標應設中左

李文襄公奏疏卷三

題補營將

十四

右三營遊擊各一員查有撫標左營守備高祿撫標右營守備陳國任每戰當先勇畧昭著與紹協左營守備傅鵬翔皆援勦金衢等處屢立戰功高祿擬補平陽鎮標中營遊擊管中軍事陳國任擬補平陽鎮標左營遊擊傅鵬翔擬補平陽鎮標右營遊擊平陽鎮標應設三營守備各一員查有湖協左營千總李世龍湖協右營千總朱有才歷著軍功嘉興右營千總李鼎俸深才練李世龍擬補平陽鎮標中營守備朱有才擬補平陽鎮標左營守備李鼎擬補平陽鎮標右營守備以上各官內有銜俸未及者俱係久在

疆場奮勇立功才技優長膽畧可任仰祈

皇上允臣所請以鼓用命至於擬補守備各千總履歷因

各身行間見在查取另咨送部外臣謹密疏具

題伏乞

睿鑒施行

康熙十四年二月十五日題奉

兵部知道

李文襄公奏疏卷三

題補管將

七五

請錄用投誠隨征各官疏

總督浙江等處地方軍務兼理糧餉兵部右侍郎兼

都察院右副都御史臣李之芳謹

題為投誠効用官員隨征立功

請議錄用以昭鼓勵事竊惟投誠各官分發標營効用者

原有俟立功績具題補用之例查今順治七年至康

熙六年陸續在浙投誠并外省移駐共授劄官一百

四十七員蒙

恩給俸已歷多年今自用兵以來其中儘有才力強壯感

激圖報隨征防勦著立勞績者似應與見任各官一

李文襄公奏疏卷三

錄用隨征

七六

體遇缺

題補以鼓用命但浙省係沿海地方投誠例不補用而

各官展効疆場必早得實授庶足以示鼓舞仰祈

皇上睿鑒

勅部酌議凡投誠官員功能昭著者應否不拘常格遇有

本省員缺量才

題補或以不便逾例准將立有軍功之員具題到部候

於別省員缺推用臣謹具

題伏乞

勅下該部議覆施行

康熙十四年二月十五日題奉
旨兵部議奏

李文襄公奏疏卷三

錄用隨征

十七

請賑難民疏

總督浙江等處地方軍務兼理糧餉兵部右侍郎兼
都察院右副都御史臣李之芳謹

題為

請賑被難饑民以廣

皇仁以安地方事據衢州府知府王弘仁詳稱竊照民為
邦本處兵荒之地設不綏輯本處人民使之散四方
填溝壑卽寇滅地寧必至有土無人故為今日計不
惟勦賊為亟更宜安民為先衢州自康熙十三年四
月以後屬縣四處屯賊男婦朝夕避遷不遑寧處及

李文襄公奏疏卷三

請賑難民

十七

至江常開三縣被陷近彼界者不得不退入西安自
十月以來目擊扶老挈幼被露河干哀鴻慘狀真堪
腸斷因與西安縣知縣李呈禎公同相視府城朝京
門外冀家埠一帶地曠土平且附近城郭隨各捐給
簞木搭蓋棚廠招集避亂男婦誓為安插復出示招
徠數日之間聚至數千奈衢地水旱頻仍禾麥不及
半收更遭賊寇焚劫一空逃難之民實無半粟旦夕
莫支奉本部院檄示諄諄諭令賑濟首蒙捐銀三百
兩昇府亦兩次捐穀三百石一面行令西安縣增搭
棚廠按名安插分賑一面查明戶口開造清冊隨據

該縣送冊前來卑府卽爲通詳奉批在案然此止據以前見在者而言至歲暮難民愈多前報之冊共一千六百六十一戶計入六百三十一丁口後報之冊共二百五十一戶計一千八十五丁口前後共計一千九百一十二戶九千七百一十六丁口惟是交春之後民食益艱流民益衆捐賑有心接濟無力不得不詳請本部院先爲設法勸輸再爲具

題請賑等因隨行隨征福建布政司并浙江布政司酌議去後據布政使李士楨詳覆到臣該臣看得金衢台嚴紹等處賊寇屢經征勦附從烏合之徒漸以解

李文襄公奏疏卷三

請賑難民

十九

散投誠衆多臣已飭行各地方官安集難民加意撫綏使復故業但賊寇蹂躪之地田間收穫盡爲盜窟廬舍被焚衣貨罄劫一望蕭條啼號載路卽如衢州自逆賊屯踞山鄉其良民不肯從賊者扶老挈幼奔赴近城地方依棲郊野身無完衣日無半菽顛連困苦不忍見聞今據衢州府冊報見有九千七百餘名口其餘散處各鄉者尚不可計數臣與府縣官雖捐貲量給不過涓滴之微何能有濟且投誠之人方絡繹來歸卽照籍安插而赤身無業者居多若不仰懇

天恩亟籌拯恤則老幼疲瘁必將轉於溝壑而壯者糊口

無資勢不能坐以待斃恐復滋隱憂故於今日而議賑濟實安攘之急務也臣行查常平倉穀爲數無幾又行布政司酌議據詳有請甯漕糧勸諭捐輸及於買到大兵糧米內動支三款臣思當此軍興之際支費浩繁漕糧係

天庾重計兵米係轉餉急需俱不便輕議惟捐輸原有定例但今現行捐助軍需事例其數比賑荒減少誰肯舍寡就多恐徒託空言無裨實濟臣身在地方目擊飢寒之民安敢不思長策查湖廣撫臣張朝珍廣開賑濟事例等事一疏荷蒙

李文襄公奏疏卷三

請賑難民

二十

恩旨勅部覆議將湖北地方官士人民因資助兵餉捐助納監銀米豆穀之內酌量賑濟足見軍需與民命交重特蒙

宸衷軫恤今浙東被難百姓係兵火之餘更非湖北地方驚避失業者可比仰祈

皇上睿鑒或照湖廣例卽於捐助軍需銀內酌量動支或將賑荒事例與資助兵餉一例減數捐納如蒙俞允其應賑地方并賑給數目臣等自當詳加斟酌選委賢能官員按名散給俾窮黎得沾實惠則嗷嗷之衆可無輕生走險之虞地方得以寧謐矣臣謹會同總

理糧餉侍郎臣達都撫臣陳素直合詞具

題伏乞

勅部議覆行臣等遵奉施行

康熙十四年二月十五日題奉

旨該部議奏

李文襄公奏疏卷三終

李文襄公奏疏卷三

請賑難民

二十一

李文襄公奏疏目錄

題稿卷之四 督師

龍游遂安處州等處獲捷

金衢處三郡捷功並復宣平縣

衢州龍游獲捷

請卹殉節縣丞徐喆

軍中需用賞賚餉銀

衢州南塘萬青前嶺捷功

請開銷賞給官兵銀兩

送歷年獲捷軍功冊

李文襄公奏疏卷四

目錄

報明得獲逆書

招撫衢台溫處四府偽員

招撫偽總兵侯晉爵等投誠

議水師提督駐劄管轄事宜

李文襄公奏疏卷四

男 鍾麟編次

龍游遂安處州等處獲捷疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為稟報捷功事案據臣標守備李和等塘報各到臣

該臣看得金衢連界各山賊寇不時出沒臣與將軍

臣賴塔調度搜勦據防守龍游縣臣標守備李和

標守備陳國任龍游縣知縣盧燦防守杜澤地方臣

標隨征官張文福等屢次搜勦各有斬獲不等其嚴

李文襄公奏疏卷四

龍處獲捷

一

州一路黃巖總兵官鮑虎率領官兵於遂安地方連

勝四陣斬擒偽參將守備等員斬賊一千五百有餘

招撫偽都司守備千把五名賊眾一百二十三名今

大將軍和碩康親王調度援勦總兵官李榮溫州總

兵官陳世凱等隨同三等台吉察渾副都統馬哈達

率領滿漢綠旗官兵恢復永康縉雲陣斬偽守備一

名賊眾一千有餘擒斬五十四名又連奪崖頭桃花

二嶺殺賊五百有餘擒斬二十五名招到偽遊擊一

名逆賊望風逃遁隨即克取處州府得獲砲藥等項

又獲標遊擊田萬侯等隨同噶喇昂邦希福率領滿

漢綠旗官兵恢復武義前至苦竹郭洞下楊寨等處

地方三次殺賊獲械各具報前來各路官兵奮勇用

命勦賊恢復屢戰屢捷除滿洲官兵功績候大將軍

親王具

題外所有在事綠旗有功人員相應彙疏

題報臣謹會同平南將軍都統臣賴塔合詞密疏具

題伏乞

皇上睿鑒施行

康熙十四年二月十八日題奉

旨這稟報捷功事平之日察明議敘具奏兵部知道

李文襄公奏疏卷四

龍處獲捷

一

全衛處三郡捷功并復宣平疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為塘報衛處等處官兵堵剿捷功事據臣標守衛李和衛協副將李永恩防守湯溪縣守備劉君明撫標遊擊田萬侯援勦全衛總兵官李榮平陽總兵官王廷梅等各塘報到臣該臣看得衛全交界逆賊潛踞淡山出沒窺伺臣飭行汛防官弁勦禦據防守龍游守備李和陳國任把總蘇得功李才等三次搜勦共擒斬賊寇一千二百餘名焚燬木城得獲砲械等項

李文襄公奏疏卷四

全衛處捷

三

防守湯溪把總胡湧等亦有斬獲其處州府恢復之後撫標遊擊田萬侯等進勦宣平斬賊二千三百六十餘名生擒偽都守等員并賊眾一百一十餘名焚燬賊巢恢復宣平又總兵官李榮陳世凱等會同副都統馬哈達三等台吉察渾等於處郡城外截殺賊兵渡河衝擊斬賊五百餘名擒斬偽參將都守千把等十六員得獲砲甲等項賊眾敗遁其衢州府逆賊屯踞河西官兵列營堵禦先於繆村地方獲眾渡河副將范應元等同鎮黃旗夸藍大禪布等先後率兵收援殺賊甚多賊又分兵直犯航埠總兵官王廷梅

等飛馳策應斬賊一千餘名賊兵奔回河西隨將綠旗兵與滿兵合營連旬對壘堵禦賊又分佈偽總兵郭二等割營勦底等處以出我兵之後兩路聲應冀圖前後夾攻臣會同平南將軍都統臣賴塔密遣守備薛受益隨征外委都司王文魁等連夜進兵官兵衝擊奪險連勝三陣共斬賊一千餘名臨平賊營數座得獲砲械等項焚燬賊寨糧米救回難民子女隨即查給還民各路官兵奮勇命破賊獲捷所有綠旗在事有功人員相應

題報臣謹密

李文襄公奏疏卷四

全衛處捷

四

題伏乞

皇上睿鑒施行

康熙十四年四月初三日題奉

旨據奏衛全宣平處州等處地方各路官兵屢次擊敗賊眾焚燬賊巢得獲砲械等項具見調度有方將士奮勇可嘉有功人員事平之日議敘具奏兵部知道

衢州龍游獲捷疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為彙報官兵獲捷事據平陽總兵官王廷梅臣標副防龍游守備李和隨征外委都司張文福等金協副將牟大寅等督標署千總李華等調防湯溪守備劉君明等各塘報到臣該臣看得逆賊屯踞衢郡隔河又分佈賊黨各處窺犯臣屢飭行鎮將并汛防官并多方偵勦去後又據平陽總兵官王廷梅報據署遊擊高祿等於大埂余村上葉地方連勝三陣共斬賊

李文襄公奏疏卷四

衢州獲捷

五

三百餘人守備李和龍游縣知縣盧燦等以護送糧船為名暗伏官兵星夜前進連破木城五座直抵上路源賊巢斬賊五百七十餘名生擒偽總兵繆國英并偽守備姜龍查繆國英係衢州首先倡亂從逆之賊流毒地方最廣一旦就擒人心共快臣隨會同平南將軍都統臣賴塔審明正法訖又於山門廟地方斬賊數十餘人生擒偽守備一名又臣標隨征外委都司張文福等於峽口大頭小伸漆水等處地方連日搜勦斬獲甚多擒斬偽守備等員又賊首包大生等割巢湯溪吳童包地方大將軍和碩康親王遣發

金協副將牟大寅福建督標參將裴天祿等前往撲

勦連獲五捷共計斬賊一千餘人殺死偽守備把總等員生擒賊眾三十餘名焚燬木城寨口二十層又於周寮地方勦殺餘賊二百餘名生擒九名又調防湯溪守備劉君明知縣張元會等於黃塘托山小龍橋地方連勝三陣共殺傷賊眾六百餘人陣斬偽都司守備等員奪獲器械偽劄等項各路綠旗官兵奮勇用命勦賊獲捷所有在事有功人員相應彙疏具題報臣謹密疏具

題伏乞

李文襄公奏疏卷四

衢州獲捷

六

皇上睿鑒施行

康熙十四年四月二十五日題奉

旨據奏鎮臣王廷梅等於衢郡等處地方各路官兵屢敗賊眾生擒偽總兵繆國英等得獲偽劄器械等項具題官兵奮勇可嘉在事有功人員事平之日議敘具奏該部知道

請卹殉節縣丞疏

總督浙江等處地方軍務兼理糧餉兵部右侍郎兼
都察院右副都御史臣李之芳謹

題為縣丞死節堪矜謹

請優卹以勵忠誠事據浙江布政司布政使李士楨呈詳
查得署武義縣事蘭谿縣縣丞徐詰任事未及一月
賊寇臨城被賊逼脅抗節不辱絕食自縊此誠捐軀
報

國殉難全忠今據該道府縣確看相符擬合轉詳本部
院俯賜

李文襄公奏疏卷四

殉節縣丞

七

題請優卹以慰忠魂以彰臣節者也至於歸櫬乏資除

經本部院捐助外本司遵奉院批亦捐銀二十兩又

經移行各司道共襄捐助等因到臣該臣看得金華

府之武義縣逼近處州臣先經塘報逆賊突犯追奪

縣官印信情形業經密疏

題報隨據金衢道詳據署武義縣事蘭谿縣縣丞徐詰

生母梁氏呈控伊子殉難自縊當批布政司確查去

後茲據詳覆前來臣查康熙十三年六月二十日賊

臨武義防守逆弁張奇章從叛內應署縣事蘭谿縣

縣丞徐詰眾寡不敵被擄奪印又欲逼降本官矢志

絕食於七月初三日忠憤自縊念此末員乃能通曉

大義拒賊不屈捐生殉難誠為可憫相應題

請優卹以慰忠魂臣謹會同總理糧餉侍郎臣達都撫臣

陳秉直合詞具

題伏乞

勅部議覆施行

康熙十四年五月十六日題奉

旨該部議奏

李文襄公奏疏卷四

殉節縣丞

八

軍中需用賞賚餉銀疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為軍中有刻不可少之需動帑有萬不得已之勢謹據實上陳仰祈

睿鑒事竊惟臣以一介庸愚荷蒙

皇上知遇游加超擢威戴

天恩無由報稱自蒙

簡畀封疆重任正臣竭力効命之時上年忽值逆賊告變

所在震驚人無固志臣本書生未嫻軍旅惟以大義

李之芳奏本奏疏卷四

賞賚餉銀

九

感激衆心然將弁兵士皆驅使於鋒鏑之間非有信

賞何以鼓勵如遣調官弁多有貧乏不能製辦軍裝

者欲令其奮勇赴敵不得不賞其有衝鋒破陣征勦

立功者以一勸百不得不賞且酷暑奇寒枕戈振甲

不得不勞以牛酒被傷者不得不予以醫藥陣亡者

不得不加以棺殮以至賊徒率衆投誠旌給袍帽兵

民擒獻賊黨激賞銀牌等項無一事之可遺無一本

之可省非賞不勸非銀不行臣常俸之外惟取給於

己貲柰家鄉既遠且本無儲蓄當聞變之始即售產

揭借多方措備然實不能源源接濟身在軍中事權

迫切遂於餉銀內暫行借支非不知錢糧不宜擅動

欲行 題請則不敢以無例之事上瀆

宸聰欲思節省則不敢以用人之時坐墮衆志是以冒昧

動支此臣愚拙苦悵惟知為封疆大計藉此鼓舞人

心實未敢瞻前顧後慮貽誤事機也查於康熙十三

年三月十七日發解閩餉十五萬兩於三月二十一

日起行及三月二十九日聞變臣即星夜差千總沈

澤標員王國棟飛馳前往於浙閩交界處所追回因

留銀六萬兩於衢州原備兵餉支用內有已發衢州

李文襄公奏疏卷四

賞賚餉銀

十

府給餉者自應歸款清算尚有在預給通省滿漢官

兵一月俸餉之內者另疏會

題又有招募新兵預給資糧已於月餉內扣還司庫其

餘有係臣軍中於前項支用者絲毫皆係公帑應臣

自為清理惟因貨產有限未能一時補還致有懸缺

不敢不據實

題明伏乞

皇上俯鑒因公勦用萬非得已懇寬限期俟臣從容措補

若以賞卹官兵仰荷

天恩許臣造冊報部核銷是則破格

隆施非臣之所敢望也臣謹密疏具

題仰祈

睿鑒施行

康熙十四年五月十六日題奉

旨該部議奏

李文襄公奏疏卷四

貢資劄錄

十一

衢州南塘萬青前嶺捷功疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為塘報官兵獲捷事據臣標後營參將趙得壽報稱

偽驍騎將軍馬九玉統領賊兵剽營下洲園林水閣

一帶兼領江常又於溪口湖南大溪灘茅村東南兩

地立四大賊營以為應兵復於東南總路前嶺地方

設立賊營為東南各賊巢接運糧料遞送軍情一遇

我兵進剿下洲溪口等處之賊即為應援本年五月

內連旬大雨平地瀾漫蒙本部院暨平南將軍籌算

李文襄公奏疏卷四

南塘捷功

十一

天時地利密傳衢州府知府王弘仁面諭前嶺賊營

居高山之上倚各處為聲援今河水泛漲焉能飛渡

乘此兩夜進兵賊必失防可以進剿隨令該府密差

投誠官吳文遠揆明路徑隨蒙本部院平南將軍酌

撥正白旗參領白思胡蘭鑲白旗參領徐爾景正紅

旗參領強什庫帶領滿兵令罕職帶本營兵五百名

同本營守備王昶等又衢州城守副將李承恩遣發

都司李可陞等帶兵二百名又帶左營都司許鳴鶚

下家丁把總王富領馬步百名及知府王弘仁挑選

家丁令投誠官吳文遠等帶領衢州府鄉兵三百名

引路復奉本部院平南將軍軍令不許搶擄婦女騷擾百姓卑職逐一傳諭於本日戌時一同出城至次日黎明到南塘地方卑職會同滿洲官兵分爲三路與賊交鋒殺賊一百餘人活擒一十一名又過河到萬青將村子圍住與賊交戰殺賊二百餘人活擒三十一名又至前嶺賊兵倚山嶺之險於崖下處用巨木爲城有賊千餘列陣對敵我兵馬齊上陣殺四百餘人活擒三十二名賊兵退奔卑職本營官兵帶領衢州府鄉勇從後路回擊賊營賊兵大敗職等又同滿洲官兵綠旗官兵四分裹殺賊無去路落水倒崖

李文襄公奏疏卷四

南塘建功

十三

死者不計陣獲軍器等項共二百一十六件等情到臣該臣看得逆賊屯劄前嶺地方各路賊巢互相應援今連旬天雨河水泛漲各處賊巢不能首尾接應臣與平南將軍都統臣賴塔商議隨即密發正白旗參領白思胡蘭等臣標後營參將趙得壽守備王昶等於康熙十四年五月二十四日南至南塘萬青前嶺等處地方官兵分路奮勇衝殺前後共計殺賊七百餘名活擒六十四名擒斬僞都司千把總等員得獲僞劄砲械等項具報前來除將僞都司何應龍等審明梟示訖其餘審係陷賊地方百姓隨給發招撫

告示遵照安輯以廣

皇仁外所有滿漢綠旗官兵出奇襲擊奮勇用命大創賊

氛其在事有功人員相應

題報臣謹會同平南將軍都統臣賴塔副都統臣喇哈

合詞密

題伏乞

皇上睿鑒施行

康熙十四年閏五月初一日題奉

旨覽卿奏會同將軍賴塔造發滿漢官兵擊敗南塘等處逆賊擒殺甚多陣斬僞都司等得獲僞劄器械等項具

李文襄公奏疏卷四

南塘建功

十四

見調度有方將士奮勇可嘉在事有功人員事平之日議敘具奏兵部知道

請開銷賞給官兵銀兩疏

總督浙江等處地方軍務兼理糧餉兵部右侍郎兼
都察院右副都御史臣李之芳謹密

題為賞給官兵銀兩仰懇

天恩特賜開銷以鼓兵心事據浙江布政司布政使李士
楨詳稱案為動支正項錢糧整備防禦器具事奉本
部院案驗康熙十三年五月十四日准戶部密咨內
開浙江清吏司案呈奉本部送奉

御前發下紅本該本部密覆浙撫田逢吉題前事等因康

熙十三年四月二十二日題奉

李文襄公奏草未因

賞給銀兩

十五

旨戶兵工三部會同速議具奏欽此欽遵於五月初四日
密封到部該臣等會議得浙撫田逢吉合同總督李
之芳密疏稱杭城係省會重地城樓城門窩舖塚口
砲臺砲架箭牌插木及各處軍火鉛彈等項理應備
辦將士犒賞此皆今日之急需斷斷不容已者理應
動正項錢糧一面動支錢糧整理等因具題前來查
原一應城樓塚口並無動用正項錢糧修造之例其
康熙十二年浙省軍器火藥等項具題修造在案此
修造軍器火藥並不會用相應將修造城樓塚口軍
器等項之處俱無庸議如將士立功理應犒賞無功

之人不便濫賞如有立功之人彼時犒賞可也康熙
十三年五月初六日題本日奉

旨依議速行欽此密封到部移咨到院行司又奉前任田
撫院案驗准戶部咨同前由行司奉此除軍火器械
修造城樓等項另詳外該前司查得賞賚一項先因
閩寇告變兩浙震驚所賴各營將士用命荷蒙會議
無分滿漢官兵賞賚一月俸餉雖屬鼓勵士心實因
封疆起見今奉部文如有立功之人彼時犒賞無功
之人不便濫賞但所賞之銀久經奉文給發茲若必
待有功之人賞給則前銀勢必照數扣追恐失

李文襄公奏草未因

賞給銀兩

十六

朝廷愛養德意更陳士卒奮勇苦心此實斷斷不可行者
所有賞給銀兩造具清冊見在合無再請俯賜
題請准給以便報銷否則惟有懇批各營餉內扣算以
補歲額統祈裁示以便遵奉等因詳奉總督李部院
批仰新任布政司再加酌議仍候部堂撫院批示錄
報冊暫存又奉達侍郎批仰候督撫二院具
題送部冊發回又奉陳撫院批仰候各部院批示具奏
冊存今該本司布政使李士楨看得康熙十三年三
月間突遭閩逆背叛侵入浙境彼時訛言四播兵心
渙散毋論金衢嚴處等府卽省會重地亦岌岌乎有

不可保之勢幸蒙將軍督撫各院謀漢慮遠遂將滿漢官兵加賞一月俸餉使從征者有聚糧之需戍守者免交調之歎於是兵馬到衢而衢州獲堵禦之力兵馬到金而金華奏屢捷之功兵馬到台而台州免潰亡之患是收拾渙散之兵心保固既危之封疆實賴此加賞一舉在各院止知為

朝廷封疆起見實萬不得已動支此項金錢也伏讀

上諭逆賊吳三桂吹精忠背恩反叛浙江綠旗官兵及江西袁州贛州綠旗官兵奮勇効力剿殺逆賊固守地方漢為可嘉理應議敘以褒勤勞作何加恩之處爾部速

李永慶公奏軍奉聞

賞給銀兩

十七

議具奏欽此部覆行查効力兵丁造冊送部加恩賞賚曉諭軍士莫不懽聲雷動是各院加恩之舉漢有合於

宸衷今若拘執不便濫賞之議在失陷者固不可追傷亡者亦不可開勢必將現在官兵俸餉扣抵以本司計之即使賊氛已盡掃除地方已盡恢復太平有象亦且不可而况乎官兵正在戮力行間之日一旦扣追寧保其必不解體抑且大背

加恩之典伏乞本部院特疏題明允其加賞庶將士感沐

皇恩益思効力疆場所損於數萬之餉銀者小所裨於朝廷之封疆者大也等因詳奉達侍郎批上年耿逆叛變之後正將士用命之秋若非賞賚何以鼓勵士心今欲一旦行追不但疆場戮力之窮兵難扣恐亦非

上諭加恩之盛意仰請兩院特疏具

題又奉陳撫院批仰候督部院主稿會

主稿會

題冊存查奉此合將批示一併錄報伏候本部院玉賜

題等因到臣該臣看得逆賊倡亂以來官兵荷戈征勦一戰有餘仰賴

李永慶公奏軍奉聞

賞給銀兩

十八

皇上天威屢奏捷功漸次恢復蕩平有期在將士奮勇當

鋒同心報

國實著忠勤亦資鼓舞先經原任撫臣田逢吉將支給

賞兵銀兩具

題部議兵丁有功應賞無功不應濫賞如有立功之人

彼時給賞可也奉

旨移咨在案但上年逆警初聞人心搖動實有叵測之勢

臣貴重憤漢與已故將軍圖喇原任撫臣田逢吉夙

夜籌畫有可以固結軍心裨益封疆者行之惟恐後

時公議通省滿漢綠旗官兵俱預給俸餉一月諭以

勉力立功卽作賞賚不於月餉扣除隨於上年四月初三日通發告示宣布

朝廷養士之恩激勸忠孝大義通行支領一時踴躍歡呼

士氣從此大振嗣因部議不准動支既不敢請銷又

無從抵補屢行布政司酌議若不

題請開銷必須扣除月餉但當此用兵之際將士衝鋒

冒刃出死力以捍疆圉咸有遠

恩過望之念如將已給之賞復行扣除所省於公帑者小

而所係於兵心者大臣等會同商酌不得不割切額

陳仰懇

李文襄公奏章卷四

賈餘銀兩

十九

天恩俯念倉卒震動之時賴此鎮定人心實為封疆起見

權宜急著非常格可拘特弘

曠典准予開銷庶使用命之士共沐

恩施愈感激報効以副

朝廷愛養之意除冊送部查核外臣謹會同燕臣陳秉直

合詞密

題伏乞

皇上睿鑒施行

康熙十四年六月初八日題奉

旨該部議奏

送歷年獲捷軍功冊疏

總督浙江等處地方軍務兼理糧餉兵部右侍郎兼

都察院右副都御史臣李之芳謹密

題為欽奉

上諭事康熙十四年正月二十七日准兵部咨文到臣准

此臣隨通行各鎮協標營造冊去後茲據呈送前來

臣遵皆逐案查明現在彙冊送部外該臣看得上年

耿逆倡亂賊寇四起全浙震動人無固志臣荷

特恩認肩重寄凡可以感激忠義固結人心者晝夜圖維

不敢少遺餘力一面宣布

李文襄公奏章卷四

送軍功冊

二十

朝廷養官兵德意鼓勵用命以膺懋賞臣隨統兵赴衛

抵拒賊眾幸賴各將士咸思感奮調發快勦所向立

功嗣後奉命大將軍和碩康親王寧海將軍固山貝

子到浙以來軍聲益振屢報捷功伏蒙我

皇上軫念綠旗官奮勇効力勦殺逆賊固守地方特奉

上諭議敘加恩臣接准部咨先行曉諭無不踴躍歡呼共

矢捐糜以圖報効今據該鎮協標營造報前來臣再

加彙核除已經議敘官不行開列并各標營受傷及

陣亡官兵見在詳查另冊具

題

請卹所有奉

旨事平議敘各案在事文武有功人員并効力兵丁數目

逐案查明備造清冊除冊揭送兵部查核外相應

題報再查尙有見在具

題未經奉

旨准咨者亦有已經奉

旨見在移行確查造冊尙未覆到者容臣續造清冊徑送

兵部查核相應一併

題明伏乞

皇上睿鑒施行

李文襄公奏疏卷四 邊軍功冊

主

康熙十四年六月初八日題奉

旨該部知道

報明得獲逆書疏

總督浙江等處地方軍務兼理糧餉兵部右侍郎兼

都察院右副都御史臣李之芳謹密

題為題明事竊照逆賊竄伏河西官兵列營堵禦撥甲

荷戈晝夜對壘內有壓潮營盤逼臨河下今於康熙

十四年六月二十三日三更時候逆賊挑選精銳擁

衆渡河逼犯壓潮用火箭火礮等項直向我營攻打

我官兵砲矢齊發奮勇用命逆賊三次進攻三經敗

潰我官兵依路搜勦活擒逆賊二名見有竹竿一根

理豎道傍竿首劈開夾置偽書一封隨經官兵將所

李文襄公奏疏卷四 報明逆書

三十二

擒活賊并偽書解赴臣前臣見偽書封面上寫總督

部院李密展字樣閱之不勝髮指隨即會同平南將

軍臣賴塔并集道府廳各官公同拆閱係欺逆下偽

驍騎將軍馬九玉書內開前承密札上順天心中救

民命此天地父母之盛心也第假戈息鼓拱俟指南

不意曠日遲久金玉爾音使弟望之若渴等語臣惟

逆賊狂悖上干

天討臣嚴督官兵分頭勦禦屢奏捷功今賊計無所出復

為此煽惑之詞陰圖反問臣不勝撫膺憤激謹具密

疏

題明伏乞

皇上睿鑒施行

康熙十四年七月初一日題奉

旨兵部知道

李天象公奏疏卷四

題明伏乞

三三

招撫衛台溫處四府偽員疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為恭報招撫情形仰祈

睿鑒事竊惟閩逆叛變以來衛台溫處地方賊寇四佈兼以狡謀煽惑分散偽制潛相招引嘯聚日繁臣謬膺地方重寄晝夜區畫調度官兵多方勦禦幸賴各路將士感奮用命屢著捷功今衛州賊勢日見窮蹙殄滅可期且自寧海將軍固山貝子統率各標營將士恢復太平大荆樂清黃巖等處地方併克取永嘉青

李天象公奏疏卷四

招撫偽員

三四

田現與處州官兵會合直抵溫州軍聲大振第念賊中有脅從之官兵有被賊搶掠流離失陷之難民仰體

皇上勦撫並用至意遍張曉諭宣布

朝廷浩蕩弘恩一而飭行鎮將道府各官開誠諄諭并差隨征員役人等齎示多方招撫使賊黨渙散除前懸題報金旅紹等處招撫投誠偽官兵一萬二千餘名難民三千餘名外今衛屬又招到偽總兵副將以及偽參遊都守千把等官共一百八十餘員偽兵弁投誠人等共三千四百餘名難民共一萬二千餘名口台

屬招到偽總兵都督副將參遊都守千把等官共三十餘員偽兵投誠人等共四百餘名難民共三萬四千九百餘名口又溫屬招到難民共計二萬五千八百餘名口又處屬招到偽總兵遊擊都司守備并陷賊各官共五十餘員偽兵投誠人等共七百餘名難民共四萬四百餘名口見在分別賞給銀米袍帽曲加撫慰其中有願食糧者即發營入伍有願歸農者即交有司安插除將招撫有功人員并投誠花名細數容俟另造清冊咨送兵部外伏念逆賊狂逞上履宸衷今賴

李才襄公奏疏卷四 招撫偽員 三五

天威遐震地方漸復歸誠日多所有招撫情形合先密疏題報伏乞

皇上睿鑒施行

康熙十四年十一月初九日題奉

旨覽卿奏督飭文武各官開誠齋示招撫衛台溫處四府偽總兵等官二百餘員兵丁四千餘名難民十一萬餘名具見悉心籌畫勳撫並用可嘉有功人員事平之日議敘具奏兵部知道

招撫偽總兵侯進爵等投誠疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為偽官向化歸誠并供報閩逆情形仰祈

睿鑒事據分守嘉湖道趙之彪呈詳到臣該臣看得逆賊

耿精忠背

恩反叛以來惟恃佈散偽劄招集亡命為煽惑人心之計

今有偽總兵侯晉爵侯大經傾心向化并繳招兵偽

劄赴臣軍前投誠臣隨發嘉湖道查詢確實去後今

據詳覆前來臣覆加親問據供借散劄為名潛出逆

李才襄公奏疏卷四 招撫進爵 三六

境故得聞道來歸且備述耿逆餉匱民愁苛法暴斂

情形甚悉則是逆賊罪惡貫盈投首有期所據供吐

情詞擬合

題報至偽總兵侯晉爵侯大經不甘從賊帶劄輸誠立

志可嘉聽部議敘以為向化之勸除將繳到偽劄送

部驗殿外臣謹密疏具

題伏乞

皇上睿鑒施行

康熙十四年十一月初九日題奉

旨覽卿奏偽總兵侯晉爵侯大經傾心向化繳劄投誠可

嘉着議表該部知道

李文襄公奏草卷四

招侯廷爵

三

議水師提督駐劄管轄事宜疏

總督浙江等處地方軍務兼理糧餉兵部右侍郎兼都察院右副都御史臣李之芳謹

題為補授提督事康熙十四年十月二十八日准兵部

咨開職方清吏司案呈奉本部送兵科抄出該本部

題前事內開該臣等議得議政王等會覆奉命大將

軍康親王題疏內稱原任水師提督常進功雖諳練

船務見無職任不便管轄他人之兵等語相應將常

進功授為浙省水師提督等因具題奉

旨常進功授為浙省水師提督欽此今常進功既授為水

李文襄公奏草卷四

提督管轄

三

師提督應兼職銜查常進功原係右都督充廣東水

師提督總兵官任內有降四級照舊管事有軍功紀

錄一次於康熙六年十一月軍政自陳畱拜他喇布

勒哈番又一拖沙喇哈番革去提督總兵官在案今

常進功應准以署都督僉事充浙江水師提督總兵

官俟

命下之日咨行該督將該提督管轄事宜并駐劄地方妥

議具題到日揭請

內閣撰給

勅書其印信應咨禮部鑄給可也等因康熙十四年九月

十三日題本月十五日奉

旨常進功着以署都督僉事充浙江水師提督總兵官餘

依議欽此移咨到臣該臣看得浙江自耿逆變叛勾連

海寇入犯亟藉舟師策應致蒙奉命大將軍和碩康

親王以提督臣常進功諳練船務具題奉

旨授為水師提督部議將管轄事宜駐劄地方行臣妥議

具題臣查浙省當日原設有水師提督駐劄寧波統

轄溫台沿海水師兵將節制左右二路總兵官今日

水師提督有應援進剿責任其駐劄地方必須扼險

可以兼顧策應又宜便於操演舟師之地查定海為

李才襄奏

提督管轄

手

全浙門戶見在戰船俱灣泊蛟關以之駐劄其地居

重馭輕督率舟師控制溫台聯絡聲援甚為利便惟

是既設水師提督若不設專統標旅非惟各汛將士

呼應不靈即配船出洋亦非素所練習如欲從新添

募又未免加增糧餉臣再四籌酌定海向設總兵官

一員今該鎮朱萬化業已告病乞休經臣

題明在案合無請照江南崇明改鎮為提之例議將定

海鎮標官兵改為水師提標其管制應照當日初議

水師提標分為中左右前四營其兵數應照當日原

設水師提標規制中營設兵一千名左右前三營各

設兵八百名共需兵三千四百名除定海鎮見有額

兵三千三百名外止須募兵一百名而水師標旅已

成是兵不別募餉不多增已收駕輕就熟之效矣若

戰兵水手俱照職三守七之例於四營內均勻派撥

以資操駕攻擊至於管轄事宜查水師提督統轄台

溫沿海一帶兵將專管防守地方勦禦賊寇提調兵

馬考覈水師武職賢否并一切軍務其見在黃溫二

鎮向俱設有戰艦近雖船隻失陷但水陸均有責成

除陸汛營務應令黃溫二鎮各商陸路提督會臣等

畫酌行外凡溫台沿海舟師事宜亦令黃溫二鎮馳

李才襄奏

提督管轄

手

咨水師提督會臣酌妥而行如有需用官兵配船進

剿之處又當臨期酌調黃溫二鎮官兵配船出洋以

資勦擊若夫提標四營應設參將一員遊擊三員守

備四員千總八員把總一十六員候部覆奉

旨俞允之日當即改設將領中遴選具

題請頒給參將關防并換給營制各官劄付至陸路提

督駐劄寧波與定海相隔不遠但陸路提督管轄陸

路將領水師提督專管水師官兵分轄各有不同彼

此原無牽制且當此多事之時征討應援居處不常

應俟事平之日另行酌議相應一併聲明臣謹具

題伏乞

皇上睿鑒

勅部議覆施行

康熙十四年十二月初四日題奉

旨該部議奏

李文襄公奏疏卷四終

李文襄公奏疏卷四

虎首管轄

三十一

李文襄公奏疏目錄

題稿卷之五 督師

請補授營將

衝屬湖南獲捷

稟報歸正官兵

溫州大捷

嚴屬宋村等處獲捷恢復開化縣

招撫偽副將韓斌投誠

請調鄰省官兵進取

再請調發鄰省官兵

李文襄公奏疏卷五 目錄

酌議捐輸安插難民

請卹陣亡將弁成國樞晉大忠等

衢州大溪灘獲捷恢復江山縣

李文襄公奏疏卷五

男 鍾麟編次

請補授營將疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為補授營將事竊惟溫區瑞安一帶漸次蕩平需兵防剿刻不容緩經臣前為欲平賊氛等事疏內同黃巖等營合計經制缺額營兵五千六百七十七名一併

題請募補准兵部密覆各營經制兵丁應如該督所請

李文襄公奏疏卷五

補授營將

一

照數募補官員聽督遴選

題補等因隨經臣先將樂清黃巖大荆三營官兵

題報補設外今瑞安旦晚將下若待恢復之後

題報設官募兵不但往返濡滯有誤封疆抑且臨時待

募兵不習練又焉能責其隨復隨守今臣於將領中

遴選得標下前營參將武榮謀勇夙著歷有血戰軍

功且能束兵整伍將士咸服堪以補授瑞安營副將

又查臣標中營千總李成功撫標左營千總高永俱

能遇敵爭先戰功屢著李成功堪補授瑞安左營守

備高永堪補授瑞安右營守備以上三員年俸雖尚

未渙然皆勇畧堪任當此用人之際似難拘以常格仰祈

皇上允臣所請庶得責其訓練成旅以便隨師夾剿隨復隨守至於臣標前營參將員缺查有給劄効用都督僉事蔣懋助効用有年才能堪任而且屢戰屢捷功績甚多先准部議投誠官員內有功績超著者浙省缺出與見任官一體

題補等因今以蔣懋助補授前營參將與例相符仰祈

皇上俞允庶將士咸知鼓勵營務大有攸賴矣除將千總

李成功高永履歷咨俟另咨送部外臣謹具疏密

李文襄公奏疏卷五

補授營將

二

題伏乞

勅部議覆施行

康熙十五年正月二十日題奉

旨兵部議奏

衛屬湖南獲捷疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為塘報官兵獲捷事據臣標後營參將趙得壽塘報到臣該臣看得衛州逆賊負固河西又令賊首王國忠等帶領賊兵數千屯聚湖南地方轉運糧草且恃山路險窄意我兵不能前驅進剿臣與平南將軍都統臣賴塔會商湖南乃係緊要地方不可不取隨即密示機宜令臣標參將趙得壽同投誠効用都督朱英等外委戎旗都司王文魁等率領綠旗官兵由間

李文襄公奏疏卷五

湖南獲捷

三

道前往撲剿去後今據該參將趙得壽報稱於康熙十五年正月二十八日官兵前至彼地連破三關陣殺偽遊擊都司守備千總等員斬擒賊眾甚多得獲偽關防牌劄砲械等項焚燬賊巢塘報前來除臣一面量行賞勵外但此舉乘險斬關奪創賊眾與零星小捷不同各官兵奮勇用命功尤難泯所有綠旗官兵獲捷情形相應密疏

題報伏乞

皇上睿鑒施行

康熙十五年二月初四日題奉

旨覽卿奏合同將軍賴塔遣發官兵於湖南地方擊敗逆賊陣斬偽遊擊等得獲偽劄器械等項具見調度有方將士奮勇可嘉在事有功人員事平之日該敘具奏該部知道

李文襄公奏疏卷五

湖南獲捷

四

彙報歸正官兵疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為彙報歸正官兵仰祈

睿鑒事據浙江布政司布政使李士楨呈詳到臣該臣看得耿逆倡亂逼犯溫屬總兵祖弘勳變叛從賊致將應援各官兵與黃巖官兵相繼被陷上年八月間大兵進勦臣仰體

上諭漢仁念內中多有迫脅出於勢不得已者即頒布

皇恩多方曉諭被陷各官咸感激來歸臣准提督咨會并

本本彙本奏疏卷五

歸正官兵

五

鎮將道各官呈詳俱行布政司查議如提標原任遊擊張從仁千總羅永功把總王友白進德寧游營原任千總李守節把總高起龍李一經等七員係康熙十三年五月內赴援溫州失陷之官又定海鎮標原任守備郭必昌千總張雲程提標原任千總王國禎把總陳自強喬金等五員係康熙十三年四月內赴援瑞安失陷之官又象山營原任千總達思明白承魁把總陳星等三員係康熙十三年七月內赴援黃巖失陷之官今俱於康熙十四年八月內各帶領被陷兵丁在黃巖乘機奪城佔奪浮橋迎接大兵來歸

本本彙本奏疏卷五

歸正官兵

六

又黃巖鎮標原任遊擊朱禎張英才千總王家禎馬良吳廷玉方大印把總張大成陳邦揚助周大勝黃巖城守營原任千總劉文秀吳進孝把總沈顯王起祥郭明福錢旺等一十六員係康熙十三年八月內黃巖失陷之官又黃巖鎮標原任守備秦鑑千總李國安二員係康熙十三年五月內赴援瑞安失陷之官亦俱於康熙十四年八月內在黃巖率眾歸順又赴援溫州被陷之官提標原任把總阮玉一員亦帶兵來歸又黃巖鎮標原任投誠効用都司江祿効用守備張德二員又原非經制營官受有都守千把偽劄蔣興國等一十六員同時來歸亦俱設有偽劄臣伏讀
恩詔內開一陷賊從逆官員兵民人等有能棄邪歸正自拔投誠者即行免罪仍與敘錄其有能擒斬渠魁及帶領兵馬獻城納款者仍論功優加爵賞今各員或賒絡官兵奪城效順或至繳偽劄率眾輸誠具矢志忠貞瞭然可見今據該司詳覆前來相應彙疏
題明聽候部議除帶回兵丁行令各標營查收入伍外所有繳到偽劄臣逐一核明備造清冊揭送兵部銷燬合并聲明臣謹密疏具

題伏乞

勅部議覆施行

康熙十五年二月二十日題奉

旨這彙報投誠各官着議奏該部知道

李東渠公奏疏卷五

歸五官兵

七

溫州大捷疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為飛報大捷事據溫州總兵官陳世凱等塘報到臣該臣看得逆賊負固甌城寧游將軍固山貝子傅喇塔統率滿漢官兵晝夜環攻臣復飭行鎮將令其相機鼓舞協力進取去後今逆賊偽都督曾養性等被困窮蹙乃於康熙十五年二月十七日夜傾發賊兵四萬有餘分為八路水陸齊犯溫州總兵官陳世凱等提標參將王英等同滿漢綠旗各營官兵分頭迎

李東渠公奏疏卷五

溫州大捷

八

敵活擒偽副將何賓等五百五十餘名并陣斬偽副都督孫可德等共計陣斬賊兵一萬有餘落水淹死者不計得獲盜甲砲械等項甚多此皆仰賴

朝廷洪福齊天并大將軍和碩康親王指授方畧固山貝子躬親調度得獲大捷從此恢勦蕩平日可計日惟是官兵奮勇用命功尤難泯除將在事滿漢綠旗有功人員俱經臣分別給賞鼓勵外所有綠旗官兵獲捷情形相應密疏

題報伏乞

皇上睿鑒施行

康熙十五年三月初九日題奉

旨據奏貝子傅喇塔總兵官陳世凱等率領滿漢官兵擊
敗水陸逆賊生擒偽副將何賓等五百餘名陣斬偽都
督孫可德等及賊兵一萬有餘得獲偽印劄器械等項
具見調度有方官兵奮勇可嘉在事有功人員事平議
敘已有旨了兵部知道

李永漢奏疏卷五

溫州大捷

九

宋村等處獲捷恢復開化縣疏

總督浙江等處地方軍務兼理糧餉兵部右侍郎兼
都察院右副都御史臣李之芳謹密

題為飛報恢復城池屢次捷功招撫效順事據署瑞安

營副將事臣標參將武榮嚴協副將洪起元平陽鎮

標遊擊陳國任等塘報到臣該臣看得開化縣界

縣嚴屬且與廣信徽饒接壤今逆賊偽都督馬嘯聲

踞常山與衢境河西之賊互相聯絡肆毒地方臣與

平南將軍都統臣賴塔撫臣陳秉直會商必從嚴州

遂安進兵抄襲後路先取開化然後為克復常山之

李永漢奏疏卷五

宋村獲捷

十

地但嚴協官兵分佈不敷隨遣發署瑞安營副將事

臣標參將武榮平陽鎮標遊擊陳國任令其帶領在

衢官兵前赴會同嚴協副將洪起元撫標遊擊門可

貴等官兵協力快期開化并飭令勦撫兼施嚴束兵

丁不許秋毫無擾去後今據署副將事臣標參將武

榮等報稱率領官兵於本月二十九日前往宋村等

處連破木城數座斬賊奪械焚巢獲捷二月三十日

又攻破七峯寨木城擒斬賊衆獲捷三月初四日又

盡焚遂開界口木城追至七里龍地方斬殺獲捷三

月初八日勦殺伏兵直搗開化恢復城池追殺十餘

里陣斬偽遊擊都司守備千把總等擒斬賊眾甚多
得獲大捷其餘各路賊首望風輸誠約計投到偽副
將監軍道參遊都守千把等各官共計六十餘員偽
兵五千餘名難民一萬餘名塘報前來從此進剿當
山不難攻取惟是各官兵連戰獲捷恢復城池招撫
餘黨功勳難泯除將在事有功人員經臣分別給賞
鼓勵外所有恢復城池勦撫情形臣謹密疏
題報伏乞

皇上睿鑒施行

康熙十五年三月十六日題奉

李文襄公奏疏卷五

宋村獲捷

十一

臣覽卿奏會同將軍賴塔等遣發官兵於宋村等處地方
屢次擊敗賊眾擒斬甚多陣擒偽遊擊都司等招撫到
投誠偽官六十餘員偽兵五千餘名難民一萬餘名恢
復開化縣城具見勦撫竝用將士奮勇可嘉在事有功
人員事平之日議敘具奏兵部知道

招撫偽副將韓斌投誠疏

總督浙江等處地方軍務兼理糧餉兵部右侍郎兼
都察院右副都御史臣李之芳謹密

題為恭報招撫偽官歸誠仰祈

睿鑒事該臣看得偽副將韓斌原係武進士出身選授福
建興化府城守營中軍守備因闖逆變叛脅授副將
職銜遣犯衛境臣據投誠人章起元供稱韓斌有志
輸誠來歸無便臣卽與平南將軍會商移咨江南督
臣於原籍取其親子到衛交發平陽鎮總兵王廷楨
杭協副將馬化龍臣標後營參將趙得壽仍密授方

李文襄公奏疏卷五

招撫韓斌

十二

畧一面給以諭札密藏家人苑亮履中指引渡河蘇
去韓斌果卽傾心向化帶領偽都司王得功等偽把
總畢思臣等共六人各帶隨身器械輕騎前來繳劄
投願詢其賊中情形供稱逆賊糧餉匱乏人心渙散
且耿逆狂悖僭擬其居屋獸頭卽為風變刮倒偽造
服色悉被火焚可見天道不容姦滅可待惟是韓斌
原係經制之官迫脅附從乃能眷戀
國恩一聞招撫卽從渠逆馬九玉營中自拔來歸其忠
憤之志非尋常投誠者可比已蒙大將軍康親王給
與副將劄付見在効用俟立有功績另疏

題敘其繼到偽劄揭送兵部外所有招撫投誠并供報
關逆情形理合密疏

題報臣謹具

題伏乞

勅部查照施行

康熙十五年四月二十三日題奉

旨據奏偽副將韓斌帶領偽都司等傾心向化自贖營來
歸可嘉着議奏兵部知道

李文襄公奏疏卷五

招撫韓斌

十三

請調鄰省官兵進取疏

總督浙江等處地方軍務兼理糧餉兵部右侍郎兼
都察院右副都御史臣李之芳謹密

題為逆賊負固日久恢復萬難再遲亟

請請發鄰省官兵以資進取事竊惟衢州界連閩境實係

全浙咽喉自耿逆叛變偽驍騎將軍馬九玉偽都尉

朱懷德等統率逆眾直犯浙界臣與平南將軍都統

臣賴塔督領官兵進抵衢州控賊要害凡所以鼓勵

將士收拾民心為地方勦禦計者不敢不竭盡心力

而滿漢官兵撥甲枕戈無間寒暑者已逾二年所矣

李文襄公奏疏卷五

調兵進取

十四

幸賴

朝廷天威屢著捷功俱經

題報在案於是賊勢日蹙堅拒河西溪溝高壘以示持

久臣與平南將軍都統臣賴塔再四籌畫止因浙省

處處用兵分佈各路以致兵力不敷前此專望一處

掃平便可併力攻取直搗仙霞不意各路寇氛雖屢

經勦創尚未撲滅若再曠日持久軍興浩繁萬一糧

餉不繼所關非小且近接各汛報文江西廣信一帶

因將軍額楚調回以致分水關排山各逆出沒開常

欲與馬九玉賊營聯合在衢滿漢官兵分佈對壘止

可堵禦若欲急圖滅賊自非厚集兵力不足制其死命查江南省松江崇明綠旗官兵額設幾及二萬雖蘇松所屬濱海日下賊勢斷不能窺犯江南與其擁重兵以備未然莫若調繁衝以資實用且彼處額兵原多卽抽調來浙其存剩之兵尚足以分佈彈壓臣熟計情勢權衡緩急用是披瀝上

精銳懇

勅提鎮重臣一員剋期統領赴浙聽大將軍親王調度并力進剿先破河西賊衆各路之賊不難瓦解從此入

李文襄公奏疏卷五

調兵進取

十五

聞底定當有日矣仰祈

皇上睿鑒

特賜俯俞星速調發米衛封疆幸甚臣本書生不諳戎務

然勿沐

國恩天高地厚且膺此封疆重寄自矢捐糜踵頂圖報萬一今逆賊一日未滅臣罪一日難迨凡緊要軍機皆與將軍相商會啓親王定奪除與平南將軍都統臣賴塔會商已經啓達奉命大將軍和碩康親王承諭令臣具

題相應密

題伏乞

皇上勅部議覆施行

康熙十五年四月二十三日題奉

旨議政王貝勒大臣會議具奏

李文襄公奏疏卷五

調兵進取

十六

再請調發鄰省官兵疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為逆賊負固日久恢勦萬難再遲亟

請調發鄰省官兵以資進取事康熙十五年五月十二日

准兵部咨開該議政王等會覆浙江總督李之芳題

前事等因康熙十五年四月二十三日題五月初一

日奉

旨議政王貝勒大臣會議具奏欽此該臣等會議得浙江

總督李之芳疏稱若欲急圖滅賊松江崇明綠旗官

兵幾及二萬合無於二提標下酌量調兵五六千名

再請調兵

十七

選擇精銳懇

勅提鎮重臣一員剋期統領赴浙等因查江南崇明松江

等處乃海口要地所關甚大今當夏令正東南風起

之時江南省兵不便調動且計浙省所有綠旗官兵

為數不少相應請

勅大將軍康親王總督李之芳等於浙江省內審度緩急

酌量調遣勦滅逆賊又總督李之芳親赴衢州善能

保守而浙省荷糧今作何擊破逆賊及應由何路進

取福建事宜令其作速明白具題可也等因康熙十

五年五月初二日題本月初四日奉

旨依議速行欽此移咨到臣該臣看得浙省與閩接壤衝

當上游首衝此實全浙之咽喉入閩之門戶也臣與

平南將軍都統臣賴塔極力捍禦已逾兩載正因本

省各營兵馬屢次抽調戰守不敷臣特

請調鄰省官兵併力進剿今部議以江南乃海口重地不

便調動請

勅大將軍康親王與臣於本省內審度緩急酌量調遣併

令臣作何擊破逆賊及由何路進取福建事宜作速

明白具題臣惟逆賊耿精忠叛變以來分遣賊眾

再請調兵

十八

由衢州一由溫州一由處州三路入犯兼以零星賊

餘游移海洋狡謀牽制而且廣布偽詞煽惑人心以

致杭紹台寧金嚴溫處等府不逞之徒所在蠶起自

奉命大將軍和碩康親王寧游將軍固山貝子傅喇

塔平南將軍都統臣賴塔等相繼抵浙遣調官兵各

路堵禦屢奏捷功臣復督飭各鎮將及文武等官相

機勦撫內地漸次安堵今溫州尚有逆賊曾養性祖

弘勳等拒守未下處州尚有逆賊連登雲徐尚朝等

負固石塘沿海一帶尚有逆賊熊進學等連踪飄忽

以各路之逆賊狡之惟衢州一路賊勢尤重因衢州

爲入閩大路故耿逆勁卒畢聚於此今欲擊破逆賊
進取福建必由衢州一路將此處之賊先破燬其精
銳則諸路自不難於瓦解雖逆賊馬九玉朱懷德等
見在溪溝重壘死守河西然其南則江西則常山
皆可以間道絕其糧運斷其歸路我兵一進使賊首
尾受敵勢不能仍保巢穴便可相機撲勦以通入閩
之路惟是在衢滿漢官兵目今分列營盤十座與賊
止隔一河環甲枕戈晝夜衝擊欲抽兵前進則營壘
空虛後路可虞欲留兵固守則前進兵單不能制賊
欲於本省官兵再行抽調則杭嘉湖紹附近內地者

李文襄公奏疏卷五

再請調兵

十九

先已請發始盡其寧波定海象山寧海台州黃巖太
平大荆樂清等處現在沿海防禦實無可調之兵臣
與平南將軍都統臣賴塔再四籌畫請調鄰省官兵
非不知松江崇明爲海口重地然浙江情形緩急不
同耿逆陸路之賊勢不能窺犯江南所慮者海路之
賊但海路之賊以船爲家即倚船爲命縱或乘隙登
犯斷不敢遠離船隻且皆係步賊不足當我鐵騎之
馳突卽二年以來耿逆船隻並未輕出浙界可見逆
賊兵力有限與順治十六年鄭逆入寇江南者不可
同日而語况我兵力一足大張

天討直入閩中則逆賊方內顧之不暇而又安能窺犯他
省乎此臣前疏所謂彼處額兵原多卽抽調來浙其
存剩之兵尚足以分防彈壓者此也臣竊思兩載用
兵

朝廷費億萬錢糧官兵受無限勞苦祇爲各路分兵彼此
牽顧致令逆賊得延喙息今逆賊一日未滅軍餉一
日浩繁若再曠日持久師老財匱關係非小仰祈我
皇上俯念封疆重大將臣前疏

勅部再加詳議卽不便移調提鎮重臣止將精銳官兵選
擇將領剋期赴浙聽大將軍親王調度速圖進取再

李文襄公奏疏卷五

再請調兵

二十

祈我

皇上頒示伐罪救民之

德意重中秋毫無犯之

輪音則軍紀嚴而民心固從此破賊入閩可奏蕩平矣臣

不勝惶悚待

命之至伏乞

皇上睿鑒

勅部議覆施行

康熙十五年五月二十日題奉

旨議政王貝勒大臣會議具奏

酌議捐輸安插難民疏

總督浙江等處地方軍務兼理糧餉兵部右侍郎兼都察院右副都御史臣李之芳謹

題為酌議安插難民之法以培

國本以拯焚黎事據浙江布政司布政使李士楨詳到

臣該臣看得衛屬江常開化之民被賊淪陷臣等統帥勦撫安輯流離日見難民攜妻挈子接踵來歸俱

經臣各加撫慰賑給銀米發縣安插查此項難民多係來自遠鄉潛離賊地甫集城隅田園久已荒蕪廢

舍業皆拋棄資生乏策投奔何從盡皆露處河干乞

李文襄公奏疏卷五

安插難民

三

食道左飢寒內切風雨外侵慘目傷心不堪盡述臣
今道府各官先行搭蓋棚廠權與棲止芟棚廠竹木
之費當此軍興浩繁不敢動支公帑不得不行捐助
除臣與撫臣陳秉直捐銀倡率仍令所屬各官量力
樂輸惟是捐助一項若無鼓勵之法未必踴躍急公
則難民日多事恐無濟行據布政司詳議請照捐助
袍帽給賞投誠之例按數紀敘人必樂從搭蓋棚廠
之餘更作牛種給民耕種此誠今日安輯招徠之急
務除臣一面通行鼓勵勸輸一面將現在銀兩先卽
舉行伏乞

皇上俯念邦本推廣

恩仁允臣所請凡浙省捐助安插難民者准照捐助袍帽

之例一體紀敘庶樂輸多而拯救易則胥從自解流

亡漸復所裨誠非小矣臣謹會同撫臣陳秉直合詞

具

題伏乞

勅部議覆施行

康熙十五年五月二十一日題奉

旨該部議奏

李文襄公奏疏卷五

安插難民

五

請卹陣亡將弁疏

總督浙江等處地方軍務兼理糧餉兵部右侍郎兼都察院右副都御史臣李之芳謹

題為彙報陣亡將弁仰祈

特賜優卹以慰忠魂以彰激勸事竊惟臣日在行間激勵

將士上下一心共期殄賊者所藉

朝廷之信賞恩仁用以鼓舞忠勇之志氣蒙我

皇上軫念綠旗官兵不待事平先行議敘之

上諭一軍踴躍咸思効命惟是衝鋒陷陣殉身報

國其忠誠勁節若不亟為表揚以昭優卹則効力驅場

李文襄公奏疏卷五

請卹陣亡

三

者無以示勸臣歷查各案准福建提督臣段應舉據

標下中軍副將今陞平陽總兵官王廷梅援勦鎮總

兵官李榮溫州鎮總兵官陳世凱等各咨呈內稱標

營奮勇衝突殺賊陣亡各官遊擊成國挺等各在案

據此該臣看得自耿逆犯浙以來率土同仇各標營

大小將弁咸感

朝廷養養深恩無不志圖滅賊如見在歷著功勤者臣隨

一面遇缺

題權以示鼓勵惟各案奮勇死事之官尤堪憫惻查陣

亡遊擊五員則援浙江南提標遊擊成國挺援勦鎮

標遊擊晉大忠浙江提標遊擊胡鏡援浙鎮黃旗一

等侯馬三奇下遊擊張國棟撫標遊擊門可貴也都

司僉書一員則象山營都司僉書趙壽也守備四員

則金協守備梁安嚴協守備虎邦俊瑞安營守備高

永平陽鎮標守備朱有才也千總九員則援浙江南

提標千總王榮桂何鯉援勦鎮標千總王國樑督標

署千總胡得勝象山營千總王天才援浙江南提標

千總翟顯援勦鎮標千總李虎溫州鎮標千總徐天

平瑞安營署千總楊向春也把總一十三員則台協

把總張斌援勦鎮標署把總劉舜援浙江南提標把

李文襄公奏疏卷五

請卹陣亡

三

總路魁胡威任豹浙江提標把總馬文秀衛協把總

閻有功平陽鎮標署把總陳保浙江提標把總杜柱

臣劉尚仁象山營把總陳永祿援浙鎮黃旗一等侯

馬三奇下把總黃徵署瑞安營把總事太平營把總

朱必勝也効用官一十五員則紹協部劄効用參將

褚百五効用官張鼎元督標効用官林有信衛協部

劄効用都司僉書韋韜提標部劄効用守備李國瑞

定海鎮標効用都司李生輝時國泰効用守備魏定

國楊守德馬秉春部劄効用守備丘彥威部劄効用

千總員虎援勦鎮標隨征官楊文祥溫處道下委用

把總徐忠浙江提標効川原任把總陳士強也以上各官均能矢志忠誠捐軀報効在

朝廷優卹定例昭然臣亦何庸竊

請但其中尚有異鄉家口孤寡伶仃旅觀無依資生乏策

紛紛哀籲毒切痛心仰祈

皇上勅部酌議將各官應得卹典均照援浙京口營守備

楊士祥擊賊身亡先行議卹之例卽爲卹賞庶早邀

一視之仁不惟三軍感勵生死莫不銜結矣除象山

營陣亡守備張秉乾等并各標協營陣亡兵丁現在

行查容俟另疏

李文襄公奏疏卷五

請卹陣亡

三十五

題卹外臣謹會同撫臣陳秉直提督臣石調聲水師提

督臣常進功合詞具

題伏乞

勅部議覆施行

康熙十五年八月初九日題奉

旨該部議奏

大溪灘獲捷并復江山縣疏

總督浙江等處地方軍務兼理糧餉兵部右侍郎兼都察院右副御史臣李之芳謹密

題爲飛報大捷恢復城池事據杭協副將馬化龍臣標

前營參將蔣懋助江南提標遊擊崔天福塘報各到

臣該臣看得逆賊抗拒河西負固已久必須厚集兵

力方足制其死命臣前於請調鄰省官兵疏內備陳

進剿機宜在案今奉命大將軍康親王於本年八月

十四日統領大兵至衢軍聲丕振臣面啓情形隨奉

令諭平南將軍都統臣賴塔副都統臣馬哈達等率

李文襄公奏疏卷五

大溪灘捷

三十五

同援剿鎮總兵官李榮杭協副將馬化龍臣標參將

閻進趙得壽等帶領滿漢綠旗官兵晝夜前進查大

溪灘乃逆賊糧餉咽喉設營固守我兵奮勇攻破斬

獲不計乘勝進取於八月十七日克復江山縣城河

西偽將軍馬九玉等驚聞去路已斷喪膽奔潰除一

面調發官兵分頭追剿外惟是浙省各路之賊衝爲

最勁阻截入閩之路今幸仰賴

皇上天威大將軍勝算滿漢綠旗官兵奮勇克捷從此長

驅進取蕩平可埃矣其獲捷功次容臣核明另報所

有逆賊敗遁情形臣謹密疏上

聞仰慰

睿懷伏乞

皇上俯鑒施行

康熙十五年八月十七日題奉

旨據奏將軍賴塔等率領滿漢官兵將大溪灘逆賊奮勇
勦殺擒斬甚多斷賊糧運衢州諸賊盡皆逃遁恢復江
山縣城知道了兵部知道

李文襄公奏疏卷五

大溪灘捷

三七

李文襄公奏疏卷五終

李文襄公奏疏目錄

題稿卷之六 督師

仙霞三關大捷

恢復常山縣並玉山界草坪獲捷

石塘勦殺逆賊大捷

請江南江西官兵合勦逆寇

恢復雲和松陽龍泉三縣城池捷功

招徠衢屬各路偽員

恢復江西玉山縣

恢復景寧遂昌慶元并福建政和松溪各縣

李文襄公奏疏卷六

目錄

請改黃巖鎮為水師提督節省錢糧

恢復溫處二府州縣

招撫偽總兵馮公輔等投誠

會勦鄰省陳村並招撫偽總兵汪文生等來歸

請蠲免被兵地方錢糧

擒獲賊首馬鵬捷功

李文襄公奏疏卷六

男 鍾麟編次

仙霞三關大捷疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為飛報大捷於關事據杭協副將馬化龍臣標參將
冒進趙得壽隨征効用都督僉事詹六奇効用副將
林寶外委戎旗都司劉澤漢等塘報到臣該臣看得
仙霞關地當浙閩分界乃係進閩咽喉第一險隘自
恢復江山縣之後臣仰遵大將軍康親王方畧密飭

李之芳奏疏卷六 仙霞大捷 一

杭協副將馬化龍臣標參將冒進趙得壽等帶領綠
旗官兵隨平南將軍都統臣賴塔副都統臣馬哈達
等統領滿漢官兵乘勝速取仙霞關去後今據該將
等飛報官兵直抵關口分路夾攻逆賊見我兵威重
大於本年八月二十日有偽副將金應虎等二員偽
千總金起彪等二員首先投誠我官兵隨即四面齊
進於二十一日連奪三關得獲砲械等項除臣一面
遣員隨師入閩宣布

皇恩安撫殘黎外惟是連奪重關官兵已進閩境自此欺
逆喪膽投首可期此仰賴

皇上天威大將軍康親王調度各官兵奮勇用命所致其

各鎮營官兵獲捷功大容臣核明另報所有奪關大
捷情形臣謹密疏上

聞伏乞

皇上睿鑒施行

康熙十五年八月二十二日題奉

旨據奏將軍賴塔等率領滿漢官兵於恢復江山之後乘
勝追勦逆賊直抵仙霞關連奪三關逆賊敗遁偽副將
金應虎等首先投誠得獲砲械等項知道了兵部知道

李文襄公奏疏卷六

仙霞大捷

二

恢復常山縣并草坪獲捷疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為飛報恢復常山縣城追剿大捷情形事據臣標前管叅將蔣懋勛守備段斌薛受益援勦鎮標守備劉君明塘報各到臣該臣看得耿逆偽將軍馬九玉等因我官兵攻破大溪灘賊營斷其糧道克復江山縣已絕歸路逆賊喪膽逃奔情形已經臣具疏報

聞在案今據臣標叅將蔣懋勛守備段斌薛受益等報稱於本年八月十七日四更帶領官兵直搗逆巢逆賊

李之芳奏疏卷六 恢復常山 三

披靡潰遁共焚燬大小賊巢二百五十四座遵隨福建總兵官劉顯芳帶領綠旗官兵同江南副都統臣胡圖統領滿漢官兵星夜追殺至水南地方斬賊焚巢直抵常山奮勇衝擊逆賊大敗奔逃於八月十八日克復常山縣城追至江西玉山交界草坪地方陣斬偽都司一名偽把總一名殺賊甚衆得獲砲械等項不計但衢屬西龍開常一帶以及嚴屬遂安淳安等處各路山源險僻向有賊衆分佈屯劄今加以奔潰零賊四散竄匿尚為隱憂除臣一面遵員齎示通加曉諭宣布

皇仁設法招徠相機勦撫外惟是河西大股逆賊負嵎死

拒數日之間併力掃蕩逆復縣賊晝夜窮追奔出浙界自此遊魂落膽殄滅可期此皆仰賴

皇上天威大將軍親王調度各官兵奮勇用命所致其各鎮管官兵獲捷功次容臣核明另造清冊所有恢復追剿大捷情形臣謹密疏上

聞伏乞

皇上睿鑒施行

康熙十五年八月二十二日題奉

旨據奏副都統胡圖等率領滿漢官兵追剿逆賊擊敗賊

李之芳奏疏卷六 恢復常山 四

衆斬殺甚多焚燬賊巢二百五十餘座陣斬偽都司等恢復常山縣城得獲砲械等項知道了兵部知道

石塘勦殺逆賊大捷疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為飛報官兵勦殺逆賊大捷事據浙江平陽鎮總兵

官王廷梅塘報又據溫處道姚齊聖報同前由各到

臣該臣看得石塘逆賊偽都尉連登雲等憑險死拒

為日已久臣屢飭各鎮將相機攻勦去後據平陽鎮

總兵官王廷梅溫州鎮總兵官陳世凱各報稱奉掌

海將軍固山貝子傅喇塔調發滿漢綠旗官兵分路

進勦於八月二十二日攻破石塘賊寨將木城盡行

李文襄公奏疏卷六

五

焚燬斬賊不計餘賊敗潰奪獲偽關防牌劄銃砲器械等項連登雲等逃遁雲和官兵見在追襲此皆仰賴

朝廷天威大將軍康親王指授方畧固山貝子身親決勝

各將士用命獲此捷功除在事有功各官容臣一面

查明另敘外所有攻破石塘賊巢殺賊情形合先密

疏

題報仰祈

睿鑒施行

康熙十五年九月初一日題奉

旨據奏貝子傅喇塔遣發官兵攻破石塘賊寨斬殺甚多焚燬木城得獲偽劄關防等項知道了兵部知道

李文襄公奏疏卷六

石塘大捷

六

請江南江西官兵合勦逆寇疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為殘疆亟資整頓逆寇淡慮蔓延請

勦鄰省官兵合力夾勦以靖根株事竊照逆入犯浙境將及三年煽惑勾連廣植黨羽馬九玉率精銳之卒連營下洲四處險隘在在鑿據互相犄角如衢屬之西果園則有賊首汪保周魁等湖南溪口則有賊首王國志張三虎等上路源則有賊首王國升管記生范安國等赤津嶺則有賊首王孝楊雄等上方則有

李東襄奏疏卷六

合勦逆寇

七

賊首方明馬三李惟信等三源戴則有賊首廖雄等八角殿則有賊首羅廷等硯瓦山則有賊首偽葉參將劉參將等芙蓉村西山牛角東岸李村一帶則有賊首馮義汪壽黃中王份徐嘉邵金勝汪武臣等龍游與處屬接界之高坪則有賊首朱霞仙等金竹嶺則有賊首葉總兵等與金屬接界之梧桐地方則有賊首包大生等其他姓名未易枚舉皆顯受欺逆偽銜劄印招納亡命某布屋羅圍結於數百里之間其中雖屢有擒獲歸順者但黨類實繁蔓延難盡今渠逆馬九玉馬勝朱懷德呂雲翔余廷俊郭炳興等仰

賴我

皇上神武丕揚奉命大將軍康親王決勝進剿賊勢駭已瓦解及臣分檄各路確據數日以來屢接塘報餘孽竄避者多潛匿附近山谷又據嘉興營守備薛受益報稱拔得開化縣賊首馬鵬吳正陳崑山等衆進白沙關屯劄新建地方又常山龍山源賊衆萬餘係福建人當日安插開壑屯田者屯劄彼地離常山七十里又偽白將軍偽徐將軍王將軍等賊兵仍聚開化西路高山及七都球等處約計餘孽尚不下數萬此皆與江南徽州江西饒州廣信等府緊相接界而偽

李東襄奏疏卷六

合勦逆寇

八

總兵周立桑明則屯踞廣信祝茂華葉君瓚劉英林起龍等則把守玉山縣子午口與常山相距僅數十里目今通誅之寇散布岐界且係崇山峻嶺使彼稍延喙息勢必滋蔓難圖不惟常開一帶實切剝膚即三省接壤之間終無寧謐之時而况浙境之伏莽未靖所有臣標及各管練習官兵又皆攻克仙霞隨軍進開今存畱在汛者分防新復各縣守禦不敷此臣之深慮却顧憂心如焚不遑寧處者也臣身處殘疆敢不竭力整頓境內餘孽已廣布

皇仁多方招撫其頑冥抗命者相機撲勦至流離難民目

擊心傷臣不忍使之失所酌量勸給官銀賑恤一面
備咨差官馳赴江南江西督臣撫臣移會進兵合剿
外惟是事機遙隔呼吸難通故敢請沛

給音庶

天威赫濯乘此勝勢早圖殄滅以靖根株仰祈

勅下江南江西督撫及統兵將軍諸臣合力夾剿則軍聲

益振通寇蕪所逃誅矣臣謹特疏密

題伏乞

皇上睿鑒

勅部議覆施行

李文襄公奏疏卷六

合剿建寇

九

康熙十五年九月初一日題奉

旨議政王貝勒大臣會議具奏

恢復雲和松陽龍泉疏

總督浙江等處地方軍務兼理糧餉兵部右侍郎兼
都察院右副都御史臣李之芳謹密

題為彙報恢復城池屢次捷功事據杭協副將馬化龍
臣標參將門進趙得壽嚴協副將洪起元瑞安營副
將武榮撫標遊擊胡上達援勦鎮標遊擊朱知微溫
州鎮總兵官陳世凱平陽鎮總兵官王廷榜溫處道
姚啓聖塘報各到臣該臣看得自衢州河西渠逆敗
潰之後臣密飭各鎮將道乘勝攻勦相機招撫除恢
復江山奪獲重關直入閩疆情形業經

李文襄公奏疏卷六

恢復雲和

十

題報外今復據杭協副將馬化龍臣標參將門進趙得
壽等報稱隨平南將軍都統臣賴塔等協同滿漢綠
旗官兵恢復浦城追斬賊眾又據參將趙得壽守衛
曹象恆報稱官兵已抵建陽縣殺敗逆賊隨即入城
又據嚴協副將洪起元瑞安營副將武榮等報稱於
開化一帶恢復地方斬獲甚多又據溫州鎮總兵官
陳世凱平陽鎮總兵官王廷梅報稱奉固山貝子令
諭協同滿漢綠旗官兵恢復雲和又據溫處道姚啓
聖報稱招撫松陽龍泉百姓并偽官兵人等恢復三
縣此皆仰賴

皇上天威大將軍康親王固山貝子傅喇塔調度各官兵奮勇用命所致其標營官兵獲捷功次容臣核明另敘所有各路獲捷恢復城池情形臣謹密疏彙題伏乞

皇上睿鑒施行

康熙十五年九月十五日題奉

旨據奏副將洪起元等各處擊敗逆賊斬殺甚多得獲器械等項恢復雲和松陽龍泉三縣城池具見調度有方將士奮勇可嘉在事有功人員着議敘具奏兵部知道

本末彙公奏疏卷六

恢復雲和

十一

招徠衢屬各路偽員疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為微臣設法招徠賊眾漸次歸命謹陳就撫情形仰祈

睿鑒事竊照偽將軍馬九玉等敗遁之後向日屯聚犄角之寇以及新潰竄匿於附近山谷者實繁有徒臣已於殘疆亟資整頓等事疏內具

題在案惟是浙省用兵以來民生困苦已極衢屬地方流離殘破不忍見聞今幸仰賴

本末彙公奏疏卷六

招徠偽員

十一

天威聞逆瓦解若不乘此勝勢汲汲布置倘再蔓延為害非小臣是以即日啓明奉命大將軍康親王頒示曉諭凡係被脅來歸者概宥前愆仍大書告示廣布

朝廷恩信令其悔禍輸誠安全得所并查有名賊首各給諭帖開導禍福隨有常山縣偽副將楊良雙接臣諭札泣下願為効死臣又設法將原任衢協把總今受耿逆偽副將何起先妻妾家屬捕獲羈縻當遣人齎示招諭亦革心投到即令給還家屬完聚咸皆感泣圖報於是分頭遣招而江常開等處先後投到偽總兵則有葉國榮等偽贊畫參謀則有楊作楫江濤等

偽副將則有余大典朱國珍蕭俊師王德貢汪霖孫
肇業等偽參將則有馮義汪壽余佛位王龍鄭士龍
朱國斌楊飛雄葉福生李國佐范安國徐國寶傅瑞
龍等偽遊擊則有周兆相邵國鎮王國忠徐廣等二
十八員又原係衝協把總今受欺逆偽遊擊則有徐
見龍陳韜等偽都司則有余鳳山祝凌虹柴國柱鄭
鼎驛等三十餘員偽守備則有王虎汪宗勳黃中徐
嘉等八十餘員偽千總則有徐海金顯程正鄭朝徐
初余義等一百二十餘員偽把總則有鄭榮選鄭虎
王升鄭介葉積童元等七十餘員偽効用標員則有

李文襄公奏疏卷六

招徠偽員

三

陳濂何鳴岐王問疇程悅詹登乘汪演張招等偽旗
鼓偽百總則有徐君彩余遇陞鄭喜等偽知府則有
徐良牧偽通判則有徐兆祉孫錦汪國楫孫國彬徐
鍾次等偽經歷主簿則有徐仁徐文卿等又原係在
浙失陷職官則有原任常山縣知縣丘晉縣丞吳宇
周儒學訓導崔大升等俱各帶領兵目呈繳偽劄關
防器械等項前來投誠又偽參遊守備千總盧大成
徐通等一十六員偽知縣余亨一員偽守備千總金
元等四員偽守備千總施韜等三員亦各前來投誠
以上約計投到偽總兵偽參謀偽副參遊都守千把

等員并偽文職共四百餘員偽兵一萬四千九百餘
名臣逐一而論我

皇上浩蕩弘恩好生德意毋以負罪得免輒懷倖心各皆
稿給酒食銀牌花紅袍帽燕不痛悔前非誓死無二
兩旬以來賊黨漸次解散又據杭協副將馬化龍報
稱偽來遠將軍馬勝將偽勅銀印交送該協已差把
總陳文押赴大將軍親王軍前投誠所有開化縣賊
首張可因在江西德興縣接界湯溪縣賊首包大生
等因在處州遂昌縣接界山源溪僻俱各具領剋期
投赴衢屬西龍江常開五縣被陷人民幸皆遵令剋

李文襄公奏疏卷六

招徠偽員

四

髮訖臣酌動銀米賑濟撫綏漸有次第所有招撫有
功人員併投誠花名細數安插効用入伍歸農客臣
另冊送部至於當日墾荒種穀人等悉係閩籍憑藉
逆賊黨羽屯聚於龍山源青山殿千午口大橋頭等
處負固緩死臣現在相機勦撫外日今衢處二府賊
寇大創之後地方似可竭力收拾獨溫州一區相隔
遙遠臣已檄行溫州鎮總兵官陳世凱溫處道姚啓
聖從青田一路設法勦撫又檄委台巡道楊應魁黃
巖鎮總兵官鮑虎蕪分珍域從樂清一路設法勦撫
若江西廣信饒州等處數百里之間餘氛屯踞與浙

咫尺接連開常一帶實切隱患臣以封疆起見不敢膜視一面遣發高牌示統兵進剿之勢一面遴選人役將有名偽日齋論往招臣謹將近日招撫情形具疏密

題伏乞

皇上睿鑒施行

康熙十五年九月十五日題奉

旨據奏招撫到投誠偽總兵知府文武等官四百餘員兵丁一萬四千九百餘名具見設法招徠可嘉知道了兵部知道

李文襄公奏疏卷六

招撫偽員

七

恢復江西玉山縣疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為遵

旨會勦恢復鄰省縣城事據臣標參將蔣懋助太湖營遊擊姚世熙援浙江南提標遊擊崔天福報稱卑職等奉本部院牌開大兵進圍所到望風投順其徽饒德興廣信玉山一帶賊黨亟應乘此勝勢三省會勦以淨根株已經本部院具

題奉

李文襄公奏疏卷六

恢復玉山

七

旨依議速行除欽遵移會鄰省督撫及統兵將軍併行各將領外該將等即便確撲進剿恢復玉山縣地方拯救生民毋得遲誤等因奉此卑職等即於康熙十五年十月初六日率兵自常山起行進取玉山於初七日黎明據鄉民口稱偽總兵汪文生聞大兵進剿欲遁往廣信職等即令守備薛受益段斌龔堂沈澤等率兵追勦直抵玉山縣城門緊閉當有守備段斌龔堂等首先扒越北門薛受益沈澤等扒越東門砍開城門率兵大進尾追逆首汪文生等斬賊百餘投誠偽參將林宇偽遊擊蔣士榮張正元偽守備張成義

厲成等五員率家納印繳劄等情到臣該臣看得江西玉山縣與衝屬常山接壤餘寇屯聚實逼門庭賊界未平諸賊已經臣

題請三省官兵合力夾剿奉

旨依議速行臣即欽遵移咨鄰省督撫及統兵將軍諸臣去後第寇氛密邇百姓久罹湯火雖在浙兵力不能遠及鄰境臣以

朝廷封疆起見不敢膜視一面密飭各將領相機進取今據臣標秦將蔣懋助等報稱守備段斌龔堂薛受益沈澤等首先扒城恢復玉山縣追斬賊眾偽參將遊

李文襄公奏疏卷六 恢復玉山 十七

擊守備等員繳劄投誠塘報前來查既復玉山相距廣信不遠除再密飭各將領確撲賊息臣一面委員安輯殘黎并移會該省督撫酌調官兵保固地方外各官兵奮勇用命功勳難泯所有恢復鄰省縣城情形臣謹密

題伏乞

皇上睿察施行

康熙十五年十月十二日題奉

旨據奏遣發官兵進剿逆賊於江西玉山縣地方擊敗賊眾恢復玉山縣城偽參將等繳劄投誠具見調度有左

將士奮勇可嘉在事有功人員着議敘具奏兵部知道

李文襄公奏疏卷六 恢復玉山 十八

恢復景寧遂昌慶元并福建政和松溪各縣疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為彙報恢復城池招撫效順事據溫州鎮總兵官陳世凱等塘報各到臣該臣看得自處州渠逆潰敗連復雲和松陽龍泉已經臣

題報在案今據溫州鎮總兵官陳世凱報稱遣發官兵招到偽參將都守偽知縣訓導典史偽兵等恢復景寧遂昌二縣又據溫處道姚啓聖報稱遣發官兵招到偽遊擊守備知縣難民等恢復慶元縣并福建政

李文襄公奏疏卷六

恢復城池

七

和縣又據平陽鎮總兵官王廷樞報稱率領官兵招到偽參將遊擊守備偽知縣縣丞偽兵難民等恢復福建松溪縣各官兵乘勝進取連復縣城設法招徠功勳難泯所有恢復各縣招撫情形臣謹密疏彙題伏乞

皇上睿鑒施行

康熙十五年十月十二日題奉

旨據奏總兵官陳世凱等招到偽參將都司等恢復景寧遂昌慶元政和松溪五縣具見設法招徠可嘉着議敘具奏該部知道

黃巖鎮改設水師提督疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為黃巖鎮現在缺員水師募兵未足仍

請改鎮為提節省錢糧以收目前實效事竊惟浙省設立水師提督先經臣議以定海鎮總兵官米萬化告病員缺請照江南崇明改鎮為提之例具

題原從節省錢糧起見後因沿海賊寇水陸交訌仍復定海鎮其水師提標部覆准於定海鎮標分兵一半缺額各自募補其駐劄管轄之處行臣再議臣已經

李文襄公奏疏卷六

改鎮為提

二十

題覆在案時因海疆多事提鎮官兵征討應援居處不常又以水師提督與定標分兵各有父母妻子安土重遷不便輕調議定同駐定海實行於一時權宜是以有事平另議之

請今大兵進剿漸闖入閩勢同破竹各路餘孽望風解體近日情形與前自不相同蛟關雖屬險要一鎮足資彈壓當此軍餉浩繁之際伏讀康熙十四年十二月十四日

恩詔一款凡關係籌餉節用裨益兵民事宜如有確見着據實條奏欽奉

繪音凡可爲

朝廷加意節省者臣不敢不悉心籌畫茲黃巖鎮總兵官

鮑虎已經病故除臣另疏

題報外查黃巖通臨大海東臨溫郡西接台寧向來原

係水師駐泊之地目今亟資重臣調度况水師募兵

未足管官遴補未題管轄事宜部議未定臣敢特疏

上

請仍以黃巖鎮標官兵改爲水師提督駐劄黃巖則兵不

別募餉不加增一轉移間標旅可成按之另設提標

歲費糧餉數萬餘兩所省實多且控制嚴疆有裨兵

李文襄公奏疏卷六

文鎮爲提

壬

民非淺鮮也查水師提標設兵四營共計三千四百

名黃鎮額兵二千九百五十名其不足者卽以新募

兵丁充補定鎮官兵仍歸原標甚屬妥便其管轄事

宜前議溫黃定三鎮各商統轄今除黃鎮改設外溫

定二鎮仍照前議其餘各項事宜已於補授提督事

疏內

題明無庸更議如蒙

俞允其改補管員馬步戰守分配船隻等項容臣另疏具

題合并聲明臣謹密

題伏乞

皇上睿鑒

勅部議覆施行

康熙十五年十月十二日題奉

旨兵部議奏

李文襄公奏疏卷六

文鎮爲提

壬

恢復溫處二府州縣疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為溫州全府恢復青田向化歸誠臣謹密疏

題報仰祈

睿鑒事據溫州鎮總兵官陳世凱溫處道姚啓聖署處協

副將事提標參將王英等各塘報到臣該臣看得浙

省自衢處賊眾敗潰溫區之寇勢已瓦解前於微臣

設法招徠等事疏內經臣

題明微行溫州鎮總兵官陳世凱溫處道姚啓聖等啟

李文襄公奏疏卷六

恢復溫州

三五

法勛撫在案臣復大誓告示廣布

朝廷恩信令其悔過輸誠并有名賊首各給諭劄開導兩

福去後今據該鎮等報稱遁叛藩已經投順各偽員

計無所歸隨有偽都督曾養性原溫州鎮今受偽定

東伯祖弘勳偽將軍熊進學原平陽鎮標遊擊今受

偽總兵賈文學原平陽管參將今受偽溫處道李官

縉等并合屬文武各偽官盡皆剃髮歸順而溫州一

府與永嘉樂清瑞安平陽泰順以及處屬青田等縣

俱全恢復除一面移輯殘黎多方撫慰其拯救地方

獨賑事宜容臣一面另疏具

題并投誠偽官兵數目統俟造冊送部外所有溫處就

撫全復情形臣謹密

題伏乞

皇上睿鑒施行

康熙十五年十月十四日題奉

旨據奏溫州閩郡偽官兵民人等投誠溫處二府州縣盡

皆恢復知道了該部知道

李文襄公奏疏卷六

恢復溫州

三四

招撫偽總兵馮公輔等投誠疏

總督浙江等處地方軍務兼理糧餉兵部右侍郎兼

都察院右副都御史臣李之芳謹密

題為恭報偽鎮全旅歸誠仰祈

睿鑒

勅部議敘以勵勤勞鼓舞向化事據溫州鎮總兵官陳世

凱溫處道姚啓聖等塘報到臣該臣看得處屬偽總

兵馮公輔屯踞松遂等縣已及三年今大兵分路勦

撫處屬各縣次第平定而馮公輔擁數千之眾尙屯

山谷臣仰體

李文襄公奏疏卷六

招馮公輔

三五

皇仁頒發諭劄差員宣布

朝廷恩信令其悔過輸誠并撤行鎮道等官就近會同駐

防處州總統莫洛洪相機勦撫去後今據溫州鎮總

兵官陳世凱等報稱偽總兵馮公輔傾心向化率領

偽副參遊都守千把總并偽同知通判知縣等官共

二百二十八員偽兵三千四百六十餘名呈繳偽勦

關防劄付器械等項願赴臣軍前投誠至衝之日臣

逐一而論我

皇上浩蕩弘思好生德意各痛給酒食銀牌花紅袍帽靴

帶無不痛悔前非踴躍懼怖誓死無二臣查各路餘

孽潛伏微饒廣信岐界者尙多見在設法招徠今偽

鎮全旅來歸似與尋常招撫不同所有在事有功人

員并投誠偽總兵馮公輔伏乞

勅部議敘以為向化之勸其餘偽職人員容俟分別勦用

入伍歸農另造清冊同偽勦關防劄付送部所有偽

鎮全旅歸誠情形臣謹密

題伏乞

皇上睿鑒施行

康熙十五年十一月初六日題奉

旨據奏總兵官陳世凱等招撫到偽總兵馮公輔并偽副

李文襄公奏疏卷六

招馮公輔

三五

將等官二百二十餘員兵三千四百餘名可嘉着議敘

具奏馮公輔着議奏該部知道

會勦陳村招撫偽總兵汪文生來歸疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為遵

旨會勦鄰省并設法招撫效順事據臣標參將蔣懋勛等

撫標遊擊胡上達等臣標守備段斌等各呈報到臣

該臣看得江西地方與浙省接壤其歧界未平諸賊

奉

旨會勦除臣遣發官兵恢復江西玉山縣城已經

題報在案今據各路餘孽尚多潛踞臣當即密飭各將

李文襄公奏疏卷六

會勦陳村

三五

領相機勦撫去後今據臣標參將蔣懋勛等於開化

玉山之界陳村等處奪關焚寨大破賊營斬獲甚多

又據撫標遊擊胡上達接勦鎮標遊擊朱知微等於

白沙關地方陣斬偽遊擊都司守備千把等員得獲

偽制器械等項又偽總兵汪文生等遁入廣信經臣

願發諭札宣布

朝廷恩信隨據臣標守備段斌等招到偽鎮官兵呈繳偽

關防劄付全旅來歸除經臣稿給酒食銀牌花紅袍

帽外惟是各官兵勦撫兼施功勳難泯且偽鎮全旅

來歸更與零星投誠不同所有在事招撫有功人員

并投誠偽總兵汪文生伏乞

勅部先行議敘以鼓向化其餘各偽員容臣分別勅用入

伍歸農另行造冊同繳到偽關防劄付送部至廣信

偽將軍黃朝用已經歸順而耿精忠下向日所屬各

渠逆尚有踞守鉛山石塘港東源湖坊暨興安弋陽

貴溪樂平德興安仁等處除一面移會鄰省官兵相

機勦撫臣謹密

題伏乞

皇上睿鑒施行

康熙十五年十一月初六日題奉

李文襄公奏疏卷六

會勦陳村

三五

旨據奏參將蔣懋勛等於開王交界陳村等處擊敗賊眾

又守備段斌等招撫到偽總兵汪文生等全旅來歸可

嘉在事有功人員着議敘具奏汪文生着議奏該部知

道

請蠲被兵地方錢糧第一疏

總督浙江等處地方軍務兼理糧餉兵部右侍郎兼都察院右副都御史李之芳謹

題為殘疆困苦已極難民號救堪憐謹遵

恩詔亟

請蠲賑大沛

皇仁以救百萬生靈事據衢州府知府王弘仁部使司楊

祺溫處道姚啓聖申詳各到臣該臣看得浙省用兵

地方遭賊殘害百姓顛連困苦臣前於

請賑被難饑民等事一疏將全衢等處來歸難民

李文襄公奏疏卷六

至請蠲賑

三九

題定動支捐助銀米賑濟在案今仰仗

朝廷德威衝處溫三府淪陷各縣及嚴金地方悉已恢復

數百萬生靈重出湯火行據該道府縣等官具詳披

難人民哀籲呈詞所稱陷賊三載慘遭荼毒家貲盡

於拷掠房屋化為丘墟未絕之殘黎復遭疫癘所存

之田地半掘溝濠婦女衣不蔽形牛畜種類俱絕合

之臣所目擊真一字一淚不忍見聞况寒冬已至衣

食全無萬姓呼號朝不保暮除臣一面見在酌量動

支暫行賑濟臣惟我

皇上討逆靖亂總為急救生民今地方復歸版圖見在場

形飭面之子遺皆異日辦賦輸糧之赤子也若不乘

此萬死一生之際延其殘喘勢必將來有土無民干

國課者不少臣今在衢毒一出暑則皆扶老挈幼擁集

馬首向臣泣懇引首

皇恩亟賜蠲賑衢民如此各處可知伏讀康熙十四年十

二月十四日

恩詔一款用兵地方民力重困蕩平之後各該督撫將應

行蠲免賑恤事宜即行奏請煌煌

天語視民如傷臣仰體

皇仁安敢不為請命除西安龍游遂安見在地方與麗水

李文襄公奏疏卷六

至請蠲賑

三十一

宣平縉雲等縣以及台嚴各縣衛所錢糧已經撫臣

陳秉直於備陳地方傷慘情形等事一疏會

請蠲免聽候部議外今臣所

題請者乃係賊踞新經開復地方如衢屬西安縣之下

洲等處龍游縣之南源等處暨江山常山開化等縣

處屬之雲和松陽龍泉慶元景寧瑞昌青田等縣溫

屬之永嘉泰順平陽瑞安樂清等縣嚴屬之遂安縣

附近開常都苗等處全屬之湯溪縣三源等處及衢

處溫各衛所田地山塘賊陷已久中多人亡戶絕數

載不毛之地伏乞

皇上俯念地方新復康熙十五年以前一切錢糧槩行蠲

免難民牛種全無田荒未墾賦從何出其康熙十六年一切錢糧并

請槩行蠲免查照墾荒之法分給牛種有主者原主開墾

無主者招民開墾自十六年起寬以三年之限照例

墾科庶幾漸次復業總之民至今口體盡骨枯若非皇上大沛恩澤

予以生全惟有逃亡流徙終於地方無補至於賑濟一項

垂死之民止爭時刻臣一面遵照

題准之例仍於捐助銀米內動支給賑統容完日造冊

奉 聖 旨 欽 此

送部核銷外相應

題明仰祈

皇上俯念各府新復地方人民困苦萬狀非尋常旱潦災

荒可比不靳

特恩赦全數百萬生靈臣等幸甚地方幸甚臣謹會同總

理藩衙門臣達都撫臣陳秉直合詞遵

詔具

題伏乞

勅部議覆施行

康熙十五年十一月十八日題奉

旨該部議奏

奉 聖 旨 欽 此

送部核銷外相應

題明仰祈

擒獲賊首馬鵬疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為賊首拒命流毒地方密飭活擒并奏捷功仰祈

睿鑒事據瑞安管副將武榮臣標參將蔣懋勛等碧報各

到臣該臣看得逆首馬鵬係偽正先鋒總兵於諸逆

中素稱梟惡歷年以來衢屬開常一帶悉遭慘害搶

殺淫拷靡惡不為萬民切齒本年八月間下洲賊家

敗潰之後各路山賊餘氛甚眾臣仰體

皇上好生之心不忍樂行誅剿隨即設法招徠宣布

李文襄公奏疏卷六

擒獲馬鵬

三

朝廷德意無不悔罪革心赴臣軍前輸誠歸命惟馬鵬等

恃險負固聚眾於開王交界之陳村及江西德興之

白沙關跳梁如故已經剿殺獲捷

題報在案今江南江西岐界賊寇遵

旨會剿臣因鄰省官兵師期未合仍復一面遣人持諭往

招而馬鵬輒敢於臣官封面上大書兩朝功令俱各

森嚴等語原封發還狂悖怙惡臣不勝背裂且又勾

引德興賊眾復至白沙關外地方剽管若不急擒正

法燕以上彰

國憲下使人心當即密飭瑞安管副將武榮率領官兵

於康熙十五年十一月十九日前往賊管連破木城

六座陣殺偽都守千把總等員斬獲甚眾逆首馬鵬

敗潰遁入德興老巢隨密飭臣標參將蔣懋勛等於

康熙十五年十一月二十九日自白沙關起行直抵

德興連破賊寨一十三座陣斬偽遊擊守備千把總

等員斬殺賊眾甚多活擒逆首馬鵬得獲器械等項

焚燬賊寨塘報前來除將偽總兵馬鵬解臣軍前顯

示正法號令遠近以警負固餘孽外惟是各官兵奮

勇用命屢戰屢捷功勳難泯經臣諒行給賞鼓勵所

有勲賊獲捷活擒逆首情形相應

李文襄公奏疏卷六

擒獲馬鵬

五

題報至在事有功文武人員遵例查造清冊一併揭送

吏兵二部臣謹密

題伏乞

皇上睿鑒施行

康熙十五年十二月十一日題奉

旨覽卿奏遣發官兵直抵德興屢敗賊眾攻破賊管十餘

座陣斬偽遊擊等活擒逆首馬鵬得獲器械等項具見

調度有方將士奮勇可嘉在事有功人員着

知道



李文襄公奏疏目錄

題稿卷之七 督師

處屬杜溪周公源口楊梅灘捷功

彙報勦撫江西廣信等處捷功

招撫偽揚烈將軍全旅歸誠

再請蠲免被兵地方錢糧

勦撫鄰省巨寇陳山屯踞椒巖洞

請卹殉難副將蘓木代把總左朝極

加秩謝 恩

請調回江南援浙官兵

李文襄公奏疏卷七 目錄

招撫鄰省渠寇歸誠

三請蠲免被兵地方錢糧

李文襄公奏疏卷七

處屬杜溪周公源口楊梅灘捷功

總督浙江等處地方軍務兼理糧餉兵部右侍郎兼

都察院右副都御史臣李之芳謹密

題為各路勦撫兼施處逆老巢盡掃謹報捷功仰祈

睿鑒事據署處協副將事提標叅將王英塘報到臣該臣

看得杜溪周公源口及黃皮山楊梅灘等處地聯江

閩并通衢處屬縣內皆萬山險峻人跡罕到向係巨

寇魏福賢等巢穴順治年間屯踞此地漢為心腹大

李文襄公奏疏卷七 杜溪捷功

患茲閩逆林惟仁等原係偽驍騎將軍馬九玉營內

分出屯踞處屬之賊首自石塘敗潰之後統率賊衆

盤踞此地恃險負固此勦彼遁流毒於遂昌松陽龍

泉等縣若非官兵鼓勇深入各路會師則根株終難

盡絕蔓延日久終成大患臣隨密飭署處協副將事

提標叅將王英等臣標守備李和等并調發援浙江

南京口等營各路官兵訂期會合勦撫兼施當有偽

叅將朱伯珍等帶領偽遊擊都守千把大夥偽兵首

先投順而賊首林惟仁等向擁衆於周公源口及黃

皮山楊梅灘等處抗不歸命臣復密飭該將王英等



并各路官兵毋以嚴寒雨雪山谷崎嶇有憚勞苦務宜速為勦撫早定地方庶可一勞永逸在各官兵皆能奮力踰險四路深入直搗賊巢斬獲甚多逆賊勢不能支偽參將王國昇同偽遊擊千總等員跪路乞降林惟仁同偽副參遊擊都司守備千把大夥偽兵奔赴守備李和等營盤歸順當據解報前來除一面分別入伍歸農安插外自此最險老巢掃蕩蕪遺處屬地方勦撫已盡是役也時值隆冬雨雪交加官兵越險深入備極勞苦此番奮勇用命功尤難泯經臣量行給賞鼓勵所有勦撫獲捷賊黨淨盡情形相應

李文襄公奏疏卷十七

杜漢捷功

二

題報至在事有功人員遵例造冊送部臣謹密

題伏乞

皇上睿鑒施行

康熙十六年二月初七日題奉

旨覽卿奏遣發官兵於處屬之周公源口等處勦撫兼施賊首林惟仁率領偽副參遊守等眾奔赴投誠賊巢掃蕩無遺處屬地方寧靜具見調度有方將士勤勞可嘉在事有功人員着議敘具奏該部知道

彙報勦撫江西廣信等處捷功疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為彙報勦寇獲捷情形并安撫鄰省縣城事據浙江提標遊擊郭守全紹協都司僉書朱士俊臣標守備段斌江南提標守備路雲昇等塘報各到臣該臣看得江西饒廣一帶奉

旨會勦除經遣發官兵於白沙關德興等處勦賊獲捷具疏

李文襄公奏疏卷十七

廣信捷功

三

題報外惟是江西官兵尚未前至而饒廣二府所屬

山興安弋陽貴溪等處數百里之間盡係賊黨分佈與江西省城阻隔不通臣遵會勦之

旨不敢岐視當即飭行領兵各官相機勦撫安撫地方隨據提標遊擊郭守全紹協都司僉書朱士俊等報稱於上饒縣鄒家坊姜歷村地方連破賊營三座陣斬偽副將守備等員殺賊甚眾并將陣獲偽守備楊文及偽卒人等解臣軍前發落臣惟饒廣所屬之地迫脅者眾誅之不可勝誅臣隨面加開諭令其齋示前往宣布

朝廷好生德意凡陷賊官民及早歸順去後所有餘孽

沒飭行防守各官不時撲勦又據臣標守備段斌江
南提標守備路雲昇等報稱於廣信之焦石渡等處
陣斬偽參將殺賊甚眾得獲器械等項又據該守備
等報稱乘勝進至新嶺地方連破三寨陣斬偽副參
遊都守等員燒燬巢穴殺賊甚眾恢復鉛山縣城得
獲器械等項又據該守備等報稱前至興安弋陽貴
溪等縣勦除餘孽自楊文等齎示放歸一路曉諭各
偽官兵盡皆剃髮向化隨安撫過興安弋陽貴溪等
縣所至百姓人等歡欣歸命又據該守備等報稱於
橫溪港東紫溪等處陣斬偽參將遊擊千總把總等

李文襄公奏疏卷七

廣信捷功

四

員殺賊甚眾焚燬老巢連戰獲捷得獲器械等項招
撫偽官兵各具塘報前來從此江西省城道路可通
除印一而移咨江西督臣撫臣催令地方官員馳赴
新復府縣任事外至各官兵奮勇用命勦撫兼施功
勤難泯現經臣一面量行給賞鼓勵所有勦殺獲捷
并安撫各縣情形相應

題報至在事有功人員遵例造冊送部臣謹密
題伏乞

皇上府鑒施行

康熙十六年二月初七日題奉

旨覽卿奏遣發官兵於江西廣信等處地方相機勦撫屢
次擊敗賊眾斬殺甚多陣斬偽副將等恢復鉛山縣城
又興安弋陽貴溪等縣百姓等歡欣歸命隔省遣官兵
勦賊底定地方具見調度有方將士奮勇可嘉在事有
功人員着議敘具奏該部知道

李文襄公奏疏卷七

廣信捷功

五

招撫偽揚烈將軍全旅歸誠疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為招撫偽將軍轄下官兵全旅歸誠臣謹具

題仰祈

睿鑒事竊照江西岐界餘孽未平經臣

題請會勦奉

旨依議速行臣即遣發官兵密示機宜勦撫並用所有屢

次獲捷并恢復地方情形業經

題報在案惟有偽揚烈將軍程鳳擁眾數萬偽設內五

李文襄公奏疏卷七

招撫偽烈

六

管外五營及城守水師銜鋒遊兵奇兵親隨戎旗等

共二十餘營屯羅德興等處拒守險隘臣於康熙十

五年十一月初旬因江西官兵尚未前至總屬

朝廷封疆不敢岐視當經頒發諭劄令臣標參將蔣懋助

相機勦撫隨於十一月二十一日據該參將塘報偽

將軍程鳳接奉招撫諭示已願輸誠并據程鳳呈覆

在案後因逆首馬鵬侵犯白沙關外臣即密飭瑞安

管副將武榮等殺賊敗逆於十一月二十九日直抵

德興連破一十三寨活擒馬鵬逆首偽將軍程鳳巢

穴此時程鳳又差偽官李雲馬奇持書到該副將等

管詞稱已蒙招撫效順不必進兵等情據該副將等

轉報前來臣隨密飭廣信開常等處防勦將領按兵

駐境相機招撫并確探情形不特飛報以憑調度在

案於康熙十六年正月二十四日承准奉命大將軍

和碩康親王論開據揚烈將軍程鳳啓稱敬奉本親

王諭到仰擬差員齋遞遵依奈關隘阻隔又奉揚威

大將軍和碩簡親王總督江西董部院平寇將軍石

和碩額駙總督江南阿部院諭令併總督浙江李部

院手札各招撫前來今奉諭令遠頒恩恤至再其劄

印若印繳換恐一旦無以約束士心仰祈鑒原先將

李文襄公奏疏卷七

招撫偽烈

七

家口安插或於德興或於廣信俾有所依并祈知照

江西江南浙江部院便風馳赴面繳劄印等語照得

揚烈將軍程鳳既願赴木親王軍前歸誠所有家口

該督於文到之日或於德興或於廣信着議安插務

期得所以便該將軍馳赴木親王軍前親繳印劄可

也該督仍移知江西總督為此特諭到臣承此臣即

移會江西督臣并行偽將軍程鳳令其開報官兵家

口實數以便安插邊遣外委都司金滿斗等齎文前

往招諭去後據金滿斗等回稱奉令於二月初五日

到揚烈將軍處投文彼稱江南江西俱有文書前來

招撫顧來浙江投誠等語正在酌行間不意程鳳於二月初十日身故理合稟報等情臣查程鳳自上年十一月內卽據有願來歸誠之稟到臣又具啓大將軍康親王請就安插已經三月有餘尚未撤兵開剿今據報病故恐各偽官兵衆心不一復生變故臣一面頒發各偽總兵諭帖以程鳳之矢志歸誠皆由將士同心效順今主帥雖亡而諸營各有統領若能率先向化仰體

朝廷懷遠之仁自當加意撫綏咸俾得所倘欲於江西江南就撫者總屬一體聽從其便但宜早爲決策以遂

李士襄公奏疏卷七

招撫揚州

八

前功勿因軍中無主懷疑觀望又遣衝協都司僉書夏必成外委都司金滿斗等齎諭前往相機招撫一面調遣江南提標遊擊任九玉帶領官兵前赴廣信會同督標守備段斌等各整兵馬示以形勢又照會饒南總兵官高登科令其會合浙省官兵并同該地方官協力撫城俱各分行去後隨據都司僉書夏必成等報稱卑職等奉令於二月二十六日至德興十五都關上揆有偽將軍之妻王玉貞掌管偽揚烈將軍印務差偽守備李虎等在關把守據稱我家有內五營外五營還有水師營城守營及衝鋒奇兵遊兵

李士襄公奏疏卷七

招撫揚州

九

親隨戎旗等共二十餘營現在爲程將軍修薦等語卑職等將諭帖令其分發各偽員併要進關覲見招撫至三月初三日掌偽將軍印務王玉貞令偽總兵譚勝差偽參將李壽先等前來口稱願來浙江歸誠力辭不必進見三月初八日掌偽將軍印務王玉貞又差偽總兵譚勝楊彪親來面會口稱榮浙江部院招撫洪恩咸願傾心向化但程將軍甫於二月初十日身故各營現在修薦容俟事畢卽來歸誠今掌印王將軍差員王子管曹勝前赴浙江部院軍前而陳納款譚勝等均各備有呈稟現在等情卑職等卽同王子管等於三月十一日赴衢呈覆前來臣聞各偽總兵葉廷桂等稟稱程鳳甫經身故容俟修薦事畢卽來歸誠並無繳送印劄的期隨經剴切發諭各偽總兵等既稱向化卽當剋期來歸毋得遲延逾限并傳偽員王子管等而加撫慰多方開導限定日期齊文回覆去後於三月二十二日據掌偽揚烈將軍印務王玉貞呈稱奉本部院招撫卽傳諭各營實在官兵六萬七千三百一十二員名一體遵諭歸順懇乞本部院差員赴營以便卽繳印劄等情又於三月二十五日據偽總兵葉廷桂等呈稱復奉本部院頒諭諄切

不敢逾限遵卽率領官兵并各家口於三月二十日
 已至廣信姜歷村地方候示安插等情臣據報官兵
 衆多自德興廣信玉山常山以至衢州道路遙遠經
 過地方恐致騷擾且沿途支應口糧浩繁浙省一時
 未能盡數安插勢難令其枵腹必致多費錢糧隨令
 外委都司金滿斗等前往傳諭既經效順應聽隨便
 安插如有土著官兵不願遠離故土者卽便分發回
 籍有願赴江西投誠者總屬一體聽從所便又願論
 投誠各總兵約束兵丁嚴禁騷擾并分飭調防廣信
 援浙江南提標前管遊擊任九玉督標守備段斌嘉
 興管守備薛受益廣信府知府高夢說等調防江西
 玉山縣紹協都司朱士俊委署玉山縣知縣張偉烈
 調防常山縣督標參將蔣懋助常山縣知縣袁銷等
 令其會同料理逐程接護併隨便安插所過地方務
 令秋毫無擾并令臣衙門華帟式他游巴達外委都
 司包秉彝段澄陳嘉績協同催遣料理均各分行去
 後又據饒南總兵官高登科塘報三月十八日德興
 勦賊二十一等日偽總兵譚勝等投誠隨經臣照會
 該鎮據掌偽揚烈將軍印務王玉貞并偽總兵葉廷
 桂等呈報於三月二十日率領官兵已至廣信姜歷

村地方該鎮卽安城餘衆以靖地方等因今據軍
 揚烈將軍印務王玉貞率領偽官兵於四月初二日
 到玉山縣初六日到常山縣因投誠官兵衆多接護
 各將領并府縣各官遵臣飭行隨路分發安插至四
 月十三日赴臣軍前據王玉貞呈稱康熙十五年十
 一月內蒙本部院頒諭招撫程風矢心效順業已備
 悉陳情緣抱沉疴未及起行至康熙十六年二月初
 十日病故荷蒙本部院差都司金滿斗等開誠曉諭
 三軍感激莫不踴躍傾誠隨差王子管等具報在案
 復於三月十九日奉本部院檄催限期嚴切玉貞遵
 卽率領官兵於次日黎明就道全師歸誠除康熙十
 五年十一月內奉本部院招撫程風回報投誠轄下
 浮梁祁門婺源東流建德都昌鄱陽樂平餘干安仁
 萬年等處陸續解散回籍官兵八萬三千有奇今臨
 行所有官兵六萬七千三十二員名奉本部院推誠
 招諭令將逆藩靖南王原給饒州偽總兵官程風勅
 文一道偽揚烈將軍程風勅文一道偽將軍銀印一
 顆偽副將參將銅關防六顆各總兵副參等官偽副
 付三百八十三張偽王令旗牌二面偽令箭五枝偽
 大纛一面坐纛二面偽高懸一面理合呈繳等情又

據投誠總兵葉廷桂楊彪孫震等呈稱程鳳舊家康親王令諭暨本部院據示已經傾心效順回報在案不幸身故未克報效以軍中不可無人統束咸推程妻王氏玉貞掌偽將軍印務嗣奉本部院差員往選願諭招撫王玉貞即傳集通曉翁然向化樂平高總兵兵臨德界王玉貞以議定歸誠未敢交鋒比即檄令各鎮營進剗花林雙溪等處聽候示下於三月十九日奉檄限期隨即率眾就道雖三軍踴躍來歸皆由本部院推赤之至有以悅服人心而玉貞洞知大勢向化獨殷懇

李文襄公奏疏卷七

招撫揚州

十二

題優敘等情前來臣逐一面論我

皇上浩蕩洪恩好生德意各皆鑄給銀牌花紅袍帽牛酒無不踴躍惟忱誓死無二至能齋臣招撫諭示往返宣布克著勤勞者係臣標外委都司金滿斗張文福張龍胡茂盛曹大偉王家榮馬金龍孫文豹劉永健外委守備朱邦傑隨征部劄幹總下佳衛協都司會書夏必成外委把總徐龍西安縣嚴判司巡檢胡應龍投誠効用參將張見可也其能奉臣指示機宜整率官兵駐師境上勦撫兼施并沿途防護約束者係臣標參將蔣懋助太湖營遊擊姚世熙撫標遊擊

胡上達援浙江南提標前營遊擊任九玉紹協都司會書朱士俊臣標守備段斌嘉興營守備薛受益湖協千總池崗把總田彪臣標把總楊啓明呂仁義太湖營把總李繼春江南提標把總陸貞并各營外委千總趙秀蔣卿外委把總董茂那一虎也其能奉臣飭行協同招撫并供應催辦糧料夫船沿途安插得宜者係廣信府知府高夢說照磨柴鳳屏典史程思亨委署玉山縣知縣張偉烈署典史王瑩常山縣知縣袁銷訓導吳家禎典史彭士成臣衙門筆帖式他游巴達外委都司包秉彝段澄陳嘉績也除將在事

李文襄公奏疏卷七

招撫揚州

十三

有功人員并繳到偽勅印劄付等項現在造冊揚送吏兵二部查核外該臣看得偽揚烈將軍程鳳擁眾數萬偽設二十餘營屯踞江西德興等處臣奉旨會勦於康熙十五年十一月間已據程鳳有願來投誠之粟是以按兵駐境飭行將領相機招撫又於康熙十六年正月間承准大將軍和碩康親王令諭據程鳳啓報請就安插臣隨差員前往傳諭雖據口稱歸順然遷延日久猶據德興堵守隘口後據報程鳳身故伊妻王玉貞掌偽揚烈將軍印務臣慮復有變動一面密飭駐防廣玉開常各汛將領任九玉等整頓

兵馬示以形勢并照會江西饒南總兵官高登科會同撫轍一面道員齊撤分諭各營偽總兵等往返開誠曉示隨於康熙十六年三月十一日據寧偽揚烈將軍印務王玉貞差偽員赴臣軍前納款尚以追薦為詞冀緩時日臣經面加慰諭多方開導限期前去即於三月二十日王玉貞率領偽官兵至廣信姜歷村候示安插臣念全旅歸誠兵衆路遙經過地方恐致騷擾且沿途需給口糧為數浩繁浙省撥誠業已衆多再盡數來浙難以一時安插隨即差員呈往曉諭既經就撫應聽隨便安插如有土著官兵不願遠

李文襄公奏疏卷七

招撫揚烈

十四

離故鄉者即便分發解散各令得所併行地方文武官弁隨路安頓於四月十三日赴臣軍前投誠呈繳偽勅二道偽將軍銀印一顆偽銅關防六顆偽劄付三百八十三張併偽旗牌令箭等項據王玉貞呈報投誠偽官兵六萬七千三十二員名今查冊開偽官兵數目除解散赴江西江南投誠外實在偽官三百四十八員家口四百七十七名口偽兵三萬一千二百四十三名內有沿途願解回籍者已經隨便解散其在常山等處解回者俱經給照歸農其帶赴衢州者現在逐一分發安插此皆仰賴

朝廷洪福大將軍和碩康親王德威致德與偽衆全師就撫都境漸清所有齊臣諭示往返宜布克著勤勞之外委都司金滿斗等奉臣指示機宜整率官兵勦撫兼施并沿途防護約束之參將蔣懋勛等協同招撫并供應糧料安插得宜之廣信府知府高夢說等均能盡心招撫緩靖地方功勳難泯至偽揚烈將軍程鳳在日雖有投誠啓稟尚未撤兵開刺今身故之後伊妻王玉貞接掌偽印乃能傾心效順同偽總兵楊彪葉廷柱等各偽官率領大夥偽弁兵家口遠赴投誠非尋常就撫者可比仰祈

李文襄公奏疏卷七

招撫揚烈

十五

勅部破格議敘以鼓向化除尚有椒嶺洞等處未就撫賊首陳崑山等現在調度官兵勦撫外臣謹密題伏乞

皇上睿鑒施行

康熙十六年四月二十二日題奉

旨覽卿奏招撫到程鳳之妻王玉貞率衆投誠可嘉著議奏該部知道

請蠲被兵地方錢糧第二疏

總督浙江等處地方軍務兼理糧餉兵部左侍郎兼都察院右副都御史從二品臣李之芳謹

題為殘疆困苦已極難民號救堪憐謹遵

恩詔亟

請蠲賑大沛

皇仁以救百萬生靈事據浙江布政司布政使李士楨呈詳到臣除賑濟各府屬難民給過銀米細數容俟另冊送部外該臣看得浙省衢溫處等府屬江山等縣縣衛所因地方新復田土拋荒賦稅無從徵解經臣

李文襄公奏疏卷七

再請蠲免

六

欽遵

恩詔會疏

奏請蠲免部覆以恢復各縣衛所內有失陷日久亦有失陷未久令臣等再行確查分別具題再議遵即備行布政司遵照去後茲據司府縣衛所各官歷敘失陷月日援引閩省蠲免之例剴切詳額前來臣覆查前疏所

題皆係失陷最久地方如衢屬之江山常山二縣西安之下洲等處及衢州所龍游之南源等處全屬湯溪之三源等處嚴屬遂安之附近開常都督處屬松陽

雲和遂昌龍泉慶元景寧六縣溫屬永嘉瑞安平陽

泰順四縣皆於康熙十三年四五六七等月失陷至康熙十五年八九十等月恢復如衢之開化溫之樂清處之青田皆係旋復旋失至康熙十五年八月十月始得全復以上失陷恢復日期俱及三年不為不久賊眾恣行殺掠更加逼餉苛徵百姓之死於鋒鏑死於飢寒死於刑拷者不可勝計一村之中或向有數百戶者今止存數十戶矣一家之中或向有數口者今止存一二口矣其室廬則平為賊寨其田畝則掘為深溝今雖地方平定百姓皆鵠面鳩形僅存殘

李文襄公奏疏卷七

再請蠲免

七

滿日食不給牛種無資拋荒之士無力開墾若不亟加撫綏難望漸臻生聚伏讀康熙十四年十二月十四日

恩詔內開用兵地方民力重困蕩平之後各該督撫將應

行蠲免賑恤事宜即行奏請普天之下莫不感頌

皇仁浙省難民富萬死一生之餘仰奉

綸音欣欣相告冀獲甦息查福建一省新舊錢糧已荷

天恩樂行蠲免浙閩縣界失陷歲月原屬相等且閩民惟道橫徵逼餉之苦而田廬尚完妻子尚在未若浙民之處處戰場無地可避妻子離散田廬蕩然白骨盈

郊荆榛滿目慘禍如此其甚也伏惟

皇上視民如傷凡有水旱災荒輒蒙破格蠲賑今江山等各邑殘黎奄奄待斃更非尋常災荒可比如康熙十五年以前錢糧地方正為賦踞民間尺布斗粟搜掠無遺原已不可復問其康熙十六年錢糧見存戶口寥寥無幾幸賴

天威救之水火之中必得大沛

弘恩庶以延其將絕之命若按籍徵輸則窮民已無產業可繼勢必轉徙他鄉徒成紙上之通欠其無濟於度支究與蠲免無異迨至地方凋疲難以挽回必須仍

李才妻公奏覽卷十七

再請蠲免

太

議獨恆不若保全於今日猶可漸次休養望有起色臣等身任封疆因念軍需浩繁自當悉心籌畫浙省用兵數載其未經失陷地方與失陷未久旋經恢復地方如東陽永康等處但可設法徵輸無不殫力董勸各年額賦未至大虧若此恢復最晚殘破最甚地方小民救死不暇雖欲追呼敲朴實係無法可施伏乞

皇上俯念浙民困苦已極

允臣前疏所請將江山等各縣衛所康熙十六年并以前

一應本折正雜錢糧照開省事例槩

賜蠲免容臣等一面招徠開墾分別荒熟酌量

題明起徵保全百萬生靈將來得以力田供賦

國計民生均有裨益矣臣謹會同撫臣陳秉直合詞具題事關錢糧困苦已極情形遵

詔備陳貼黃難盡伏乞

皇上全覽

勅部議覆施行

康熙十六年六月二十七日題奉

旨該部議奏

李才妻公奏覽卷十七

再請蠲免

太

勦撫巨寇陳山疏

總督浙江等處地方軍務兼理糧餉兵部左侍郎兼都察院右副都御史從二品臣李之芳謹密

題為鄰省岐界巨寇勦撫肅清臣謹具

題仰祈

睿鑒事竊照江西巨寇偽總兵陳山即陳崑山等屯踞椒

巖洞等處臣一面調度勦撫先經

題報在案惟是椒巖洞地方東通開化南通玉山西通

德興山徑叢雜皆係羊腸鳥道騎不能行最稱要險

今逆賊陳山等盤踞此地堵拒隘口乘間四出劫掠

李文襄公奏疏卷七

勦撫巨寇

二十

近地百姓不寧若非先勦後撫賊家倚恃險阻未肯

革心歸命臣隨調度官兵令駐防常山臣標前營參

將蔣懋勛太湖營遊擊姚世熙等援防玉山紹協都

司朱士俊等援防廣信江南提標遊擊任九玉等由

玉山進劄童家坊各路又令駐防開化撫標遊擊胡

上達江南提標遊擊崔天福等由開化進劄十七都

各路整頓兵馬密示機宜先將賊寨口子攻破奪取

險要迅速飛報再聽調度去後據參將蔣懋勛等報

於康熙十六年四月十九日進攻洋塘金竹坑柘嶺

連捷三次陣斬偽副將參遊都守千把等官并偽兵

一千餘名生擒逆賊董奇等六名得獲關防制械等

情臣查官兵連破賊寨直逼陳山老巢賊已破膽隨

即申飭各將領在開化進兵者堵截東路在玉山進

兵者堵截南路皆示以連營直前之勢一面令外委

都司金滿貴隨征官陳捷駿等冒險深入陳山賊寨

齋臣諭示宣布

皇仁往返開導始據陳山差偽員高起龍赴臣軍前稟稱

蒙差官節次宣諭招撫當同參遊都守等官俱已遵

諭歸順共計官兵三千有餘俟撥人夫口糧即便馳

赴軍前等情臣即分飭參將蔣懋勛遊擊胡上達姚

李文襄公奏疏卷七

勦撫巨寇

三十

世熙守備薛受益等令其逐程接護所過地方無致

騷擾又經臣發去銀兩交金滿貴等就近協同地方

官採買糧米支給口糧均各分行去後於五月二十

六七等日據偽總兵陳山偽參將陳祿等赴臣軍前

投誠臣逐一宣布

皇恩各皆竊賞分別入伍歸農就便安插除將在事進勦

獲捷人員及冒險入山往返宣諭招撫有功之外委

都司金滿貴等整率官兵勦撫兼施并沿途防護約

束之參將蔣懋勛等沿途接護催趨糧料之外委都

司王來聘等供運糧料安插官兵之開化縣知縣崔

華等并投誠各官繳到偽割關防數目現在造冊揭
送吏兵二部查核外該臣看得江西巨寇陳山等屯
踞椒巖洞等處巢穴險固路通開化玉山德興乘間
四出流毒人民倚恃山溪徑狹堵拒隘口若非先期
復撫地方無由寧靜臣飭行防援常山開化玉山廣
信各將領分道竄進密示機宜隨經參將蔣懋助遊
擊姚世熙任九玉等先取洋塘金竹坑袁嶺一帶賊
寨口子陣斬偽副參遊都守千總等員并偽兵一千
餘名奪取險隘直逼陳山等老巢但椒巖洞等處業
稱奇險仄徑崎嶇馬不能行非旦夕可破隔省饋運

李文襄公奏疏卷七

勦擒巨寇

三

糧料艱難恐致勞師糜餉今乘賊寇破膽可以因機
招撫一面申飭將領於開化玉山兩路進口之處連
營整旅扼其衝要一面遣外委都司金滿貴等齎諭
入山往返開導當據偽總兵陳山統偽參遊等率眾
自開化一路至衢投誠偽參將陳祿統偽都守等率
眾自玉山一路赴衢投誠呈繳偽割關防通計偽官
一百餘員偽兵解散歸農及現在收伍安插者共二
千一百餘名所有在事人員進勦獲捷及相機招撫
接應糧料均有勤勞合將勦撫情形謹密疏

題報伏乞

皇上睿鑒施行

康熙十六年七月二十六日題奉

旨覽卿奏遣發官兵於洋塘等處地方勦殺賊寇陣斬偽
副將等又招撫偽總兵陳山等具見調度有方將士奮
勇可嘉在事有功人員着議敘具奏兵部知道

李文襄公奏疏卷七

勦擒巨寇

三

請卹殉難將弁疏

總督浙江等處地方軍務兼理糧餉兵部左侍郎兼都察院右副都御史從二品臣李之芳謹

題為將弁殉難可憫仰祈

特恩優卹以慰忠魂事據浙江布政司布政使李士楨呈詳看得樂清副將蘇木代當賊踪逼臨堅守孤城抗志不屈遂遭賊害并戮其家丁陳雙丁等五人其餘眷屬盡被分拆一腔忠勇千古不磨又處協把總左朝極駐防景寧縣當逆寇侵犯之時罵賊鏖戰捐軀報

李文襄公奏疏卷一

三四

國與兵丁崔應龍等四名殺賊陣亡似此勁節擬合一併詳請具

題請卹以慰忠魂等因到臣該臣看得原任樂清營副將蘇木代當逆賊逼臨堅守孤城抗志不屈遂為賊殺家口五人俱遭慘害其餘眷屬盡被分拆今據伊子蘇萬城等額控臣批據寧紹道查覆又原任處協把總左朝極當逆寇蜂擁侵犯該弁罵賊鏖戰捐軀報

國與兵丁崔應龍等四名殺賊陣亡據景寧縣具文通詳臣俱批行布政司確議茲據該司詳覆前來臣查

副將蘇木代把總左朝極殉身報

國忠貞可憫仰祈

皇上勅部議卹以慰忠魂至蘇木代所遺家口臣欽遵

上諭凡殉難文武大小官員骸骨妻子俱准動正項錢糧

資送歸里現在量給路費酌撥夫船令其扶柩回籍其

左朝極下陣亡兵丁現行布政司查明馬步歸入彙

報陣亡兵丁冊內外合併

題明臣謹會同撫臣陳秉直提督臣石調聲合詞具

題伏乞

勅部議覆施行

李文襄公奏疏卷七

請卹殉難

三五

康熙十六年八月二十一日題奉

旨據奏蘇木代等抗賊殉節忠貞可憫作何恩卹着從優議奏該部知道

加秩謝 恩疏

總督浙江等處地方軍務兼理糧餉兵部尚書兼都察院右副都御史正一品臣李之芳謹

奏為恭謝

天恩事臣於康熙十六年九月初四日准吏部咨為欽奉

上諭事文選清吏司案呈奉本部送吏科抄出該本部覆

兵部題前事等因康熙十六年七月十九日奉

旨李之芳着加兵部尚書仍兼都察院右副都御史投為

正一品照舊管事欽此欽遵相應移咨并粘抄原疏到

臣准此臣恭設香案望

李之芳奏疏卷七

加秩謝恩

三才

關叩頭謝

恩詔竊惟封疆有事殫心竭力乃臣子之常分况臣服官

以來叨蒙

皇上知遇迥逾常格自宜勉効涓埃以報

高厚深恩惟愧疎庸未語軍旅驟當艱鉅之任常以隕越

為憂仰藉

皇上天威

廟謨制勝三年戰守所向克捷賊勢既蹙一朝蕩平亦賴

文武大小各官咸盡忠勤地方克平獲免罪戾已為

萬幸何敢言功茲蒙

皇恩謹敘

賜加崇秩撫躬自愧實屬踰分伏念浙省內地雖稱平定

而滄島餘氛尚在不時飄忽新復地方燒黎困苦元

氣未復投誠之衆實繁有徒廢暇未化臣忝膺重任

夙夜焦思惟恐有負職守

寵榮愈厚報稱愈難臣雖捐糜頂踵不足仰酬

天恩於萬一臣無任感激惶悚之至謹具疏奉

謝伏乞

皇上廣鑒施行

康熙十六年九月十三日奏奉

李之芳奏疏卷七

加秩謝恩

三才

旨該部知道

調回江南援浙官兵疏

總督浙江等處地方軍務兼理糧餉兵部尚書兼都察院右副都御史正一品臣李之芳謹密

題為酌撤援浙官兵回汛以節省糧餉事竊照康熙十三年間閩省變亂倭犯浙疆斯時勦禦兵單經前任鎮浙將軍臣圖喇移咨江南督臣阿席熙調發江南提標狼山鎮標共兵一千名各遠遊擊一員統領赴浙援勦又准兵部咨移調發京口隨旗綠旗兵丁及兩路鎮標綠旗兵丁三千名并江南提標綠旗兵丁二千名令原副都統今補福建提督臣段應舉統領

李文襄公奏疏卷七

調回官兵

三十九

來浙與總理糧餉侍郎臣達都等會商策應所遺兵缺令募補足額事平之日將補兵仍額外留營等因奉

旨欽遵在案自康熙十五年八月間大兵進閩福建提督臣段應舉統領木標官兵隨征將京松五營官兵留浙防勦移咨聽臣統轄臣隨移商總理糧餉侍郎臣達都接准咨稱浙省官兵多隨大兵進勦尚未回浙現今寧台溫等處海疆多事需兵防禦京松各營官兵仍應存浙等因在案今臣標五營併浙省各營官兵有隨奉命大將軍和碩康親王入閩及現在在江右

遵

旨勦撫各寇者俱未回汛寧台溫一帶海氛未息臣於密報海逆情形等事疏內

題報在案近復據報賊船往來洋面或停泊外港懸絲飄忽狡謀叵測捍禦正殷浙省投誠不止數萬隨地安插必資重兵彈壓庶使鷹眼漸化但當此軍需浩繁凡可節省錢糧裨益

國計者宜早為籌畫雖當海疆多事但地方汛守當責成本省經制官兵盡心防禦臣屢經申飭沿海將領嚴謹固圉俟援勦閩江官兵回汛酌有汛廣兵單之

李文襄公奏疏卷七

調回官兵

三十九

處再為分撥協防所有京松各營官兵似可調回江南恒兵省餉隨經啓請奉命大將軍和碩康親王奉諭京口營遊擊張弘弼官兵一千員名現留防浦城等處要汛未便撤調其餘在浙京松各營官兵應行調回可也等因併移准將軍臣馬哈達咨覆前來該臣看得江南京口松江各營官兵調援浙省歷著戰功自上年大將軍和碩康親王統師進閩將此各營官兵分佈浙江沿海與閩江懸界各路防勦今浙省地方雖海氛未息賊踪飄忽閩江餘寇勦撫未竣校誠衆多始經革面凡係要地尚須彈壓故邊疆將領

毋以汎廣兵單爲請但今日地方事勢投之往日業已不同且各兵兼支行坐糧餉所費浩繁當此需用錢難之際臣敢不悉心籌畫力圖節省惟今調撥閩江官兵尚未回汎撥勦鎮官兵又經奉裁目前浙省現在之兵佈置汎守雖未能周密臣自當多方調度整飭嚴防以固疆圉若撤回前項客兵歲省金錢數萬亦可稍裨

用用除遊擊張弘弼一營官兵奉康親王諭仍留浦城外其餘各營官兵五千餘員名應

請調回原營臣謹密疏具

李文襄公奏疏卷七

調日官兵

三十

題伏乞

勅部議覆施行

康熙十六年十月初三日題奉

旨兵部確議具奏

招撫鄰省渠寇疏

總督浙江等處地方軍務兼理糧餉兵部尚書兼都察院右副都御史正一品臣李之芳謹密

題爲鄰省渠寇歸誠岐界餘氛漸盡臣謹具

題仰祈

府鑒事竊照江西岐界餘孽白經臣

題請會剿以來凡應剿應撫事宜臣皆多方調度總期

靖寇安民務俾地方早得寧靜案將屢次勦撫情形

具疏

題報在案惟尚有偽總兵林爾瞻等擁衆數萬屯踞江

李文襄公奏疏卷七

世臣題

三十

西鉛山縣石壠地方倚恃萬山叢雜道路崎嶇隘口險峻據爲巢穴兼之壠內聚集屯民糧草有資又通連廣信上饒永豐一帶及福建分水關光澤縣等處出沒剽掠負固日久案經奉命大將軍和碩康親王差投誠總兵柯俊齋諭招撫據稱願赴臣軍前投誠虛詞支飾而拒險肆掠如故據調防鉛山臣標守備龔堂等飛報近日林爾瞻等復加造木城修築臺寨挑濠造砲防禦甚嚴更乘間四出劫掠近地百姓不復安寧臣因林爾瞻等雖稱願來投誠但狡情難測非震以兵威未肯革心向化臣隨飭令江南提標遊

擊任九玉等臣標守備段斌等由廣信一路進兵臣
標守備龔堂江南提標守備路雲昇等由鉛山一路
進兵臣標參將蔣懋助饒承德等由常山一路進兵
密授各將領方畧令將賊寨四面口子盡行堵截斷
其糧道再聽調度去後嗣又奉大將軍康親王令諭
內開逆賊林爾瞻等聚集亡命不啻數萬崇山峻嶺
隘口繁多飛調官兵於鉛山湖坊等處嚴守要口訂
期會剿庶山寇可靖而三省界地可寧仍卽一面轉
咨江西總督速令官兵前赴鉛山湖坊等處嚴守隘
口訂期夾剿等因到臣承此臣一面移咨江西總督

李文襄公奏疏卷七

招撫巨寇

三

董衛圍一面飭行官兵訂期夾剿但念石碓處萬山
之中進徑最險官兵隔省齎糧搜剿恐致曠日持久
勞師糜餉臣隨令外委都司王國賢趙宗文苟輔達
劉永捷段澄包秉彝陳嘉績外委守備沈榮祖齋臣
諭示入山臣標參將蔣懋助守備龔堂段斌江南提
標遊擊任九玉守備路雲昇輕騎徑進冒險入寨宜
布

皇恩開導禍福林爾瞻等尚游移其詞託以部曲屯民家
口衆多未能一時出山臣據報文復飭外委都司王
國賢等參將蔣懋助等深入老巢委曲招諭始據林

爾瞻差僞員李世榮等齎稟同王國賢等前赴軍前
納款臣當傳僞員李世榮等面加獎賞再令王國賢
等同委員李世榮等前往撫慰又檄令參將蔣懋助
等防護約束經過地方毋令騷擾又檄令常山縣知
縣袁鎔等供運糧料趙備船隻去後隨據林爾瞻率
僞副總兵林啓侯僞兵備道許鵬僞知府蕭岸僞同
知張雄許贊僞通判趙斯玉余致遠以及僞副參遊
都守千等各僞員於康熙十六年九月初一日出山
因隨帶官兵家口衆多一路安頓至初八日到臣軍
前呈繳僞印剖投誠據林爾瞻稟稱轄下僞官兵共

李文襄公奏疏卷七

招撫巨寇

三

計有四萬五千餘員名內各官兵原籍多有江西浙
江福建江南等處不等茲奉招撫俱皆剃髮一面遵
諭隨便解散惟是兵衆甚多除現到軍前之外其餘
官兵作何安插請示前來臣卽頒賞銀牌袍帽等項
復令王國賢等同林爾瞻前去會同廣信府地方各
官多方安頓願回原籍者聽其隨便解散願就近居
住者卽行分發安插願効用入伍者仍准効用收伍
毋致失所去後今據廣信府知府高夢說報稱奉令
遵卽關委同知李渾通判楊照前往鉛山同知縣會
光龍并委署照磨柴鳳屏上饒縣縣丞龔戴銓與安

縣典史郭世聲赴同料理分發安插投誠官兵今准
同知李渾關覆查林爾瞻等偽營官兵甚衆隨會同
參將蔣懋勛遊擊任九玉外委都司王國賢趙宗文
等齊赴虎頭門石壠一帶地方將偽官兵各行分發
解散其往浙効用人伍官兵會同督糧通判楊照捐
措銀兩令鉛山縣知縣曾光龍上饒縣縣丞龔戴銓
興安縣典史郭世聲分途催覓人夫船隻起送赴衢
其願回籍僞官兵及家口人等即令各歸原籍願就
近屯種者即各給印票聽其屯種仍行各地方官管
轄加意撫綏俾其得所至於被陷僞營難民男婦子

李文襄公奏疏卷七

招撫巨寇

三

女通示曉諭令親屬赴認逐一量給鹽米當堂認領
等因關移到府界府查投誠官兵衆多自鉛山起發
路由上饒玉山二縣經過預行二縣催覓人夫接應
上饒縣知縣馬之駿委署玉山縣知縣張偉烈捐資
僱夫起發無誤相應一併彙請議敘今招撫事竣合
將分發安插數日造冊呈送等情前來據此所有冒
險入山招撫有功之外委都司王國賢等參將蔣懋
勛等領兵接應協同招撫之參將饒承德等安插得
宜之廣信府知府高夢說等供運糧餉催趙船隻之
常山縣知縣袁鎔等并僞員官兵數目印劄等項見

在另冊揭送吏兵二部查核外該臣看得江西渠道
僞總兵林爾瞻等擁衆數萬盤踞石壠地方倚恃叢
山溪險壘內聚集屯民足供資糧外則四路旁通易
於出沒負固日久抗不歸命肆出焚掠流毒地方先
經奉命大將軍和碩康親王差官齎諭招撫雖據林
爾瞻等稱願赴軍前投誠但遷延數月並未剃髮
出山拒守劫掠如故臣隨調集官兵四面堵截又奉
大將軍康親王有會勦之令臣一面移咨江西督臣
董衛剛訂期會勦但念溪山峻險官兵隔省齎糧進
攻恐非旦夕可平隨令外委都司王國賢等齎臣諭

李文襄公奏疏卷七

招撫巨寇

三

示臣標參將蔣懋勛等輕騎徑進各冒險深入老巢
再三往返委曲開導始據僞總兵林爾瞻副總兵
林啓侯統率僞官兵赴軍前呈繳僞牌劄關防傾
心向化除隨便解散僞官兵不開外實計招撫僞官
一百餘員僞兵二萬三千八百餘名願効用入伍者
即分發在浙標營願就近歸農者俱令廣信府知府
高夢說等逐一安插所有在事人員咸能遵臣調度
冒險入山領兵接應協同招撫供應糧料安插得宜
查石壠距浙界三百餘里前江省官兵到汛尚少浙
省官兵堵禦賊寇保護生民間警星馳多方偵備已

非一日其零星勦獲臣皆據報獎賞不另請敘今會
兵四進率能招撫來歸不避艱險而投誠之眾共及
數萬安插供應各地方官備極勤勞其功均難泯沒
伏乞

勅部一體議敘以鼓任事之心至江西饒廣一帶向因山
寇盤踞道路阻絕臣以浙江江西毗境若鄰界餘氛
未淨則浙地伏莽堪虞是以

題明會勅惟念尺土皆

朝廷之封疆一民皆

朝廷之赤子不敢復分畛域凡可就近勦撫無不悉力而

李文襄公奏疏卷七

招撫巨寇

三六

行今廣信以及饒州各屬次第就平尚有未靖餘孽
江西官兵見在搜勦各屬地方皆有本省經制官兵
到汛前請發赴援之江南各營官兵已經臣另疏請
撤以省糧餉浙省官兵亦當還浙彈壓衝要地方并
資沿海應援臣見在酌量陸續請回外合將招撫渠
寇情形謹密疏

題報伏乞

皇上睿鑒施行

康熙十六年十二月初八日題奉

旨覽卿奏招撫到鄰省偽官一百餘員兵丁二萬餘名可

嘉着議敘具奏該部知道

李文襄公奏疏卷七

招撫巨寇

三七

請調被兵地方錢糧第三疏

總督浙江等處地方軍務兼理糧餉兵部尚書兼都察院右副都御史正一品臣李之芳謹

題為殘廢困苦已極難民就救堪憐謹遵

恩詔至

請調賑大沛

皇仁以救百萬生靈事據浙江布政司布政使李士楨呈詳看得浙省慘遭閭變被陷郡邑直至康熙十五年八九月陸續恢復皆緣界近閭閻自康熙十三年一罹變亂先遭淪陷遂致三載之久如温州之五縣

李文襄公奏疏卷七

三請調賑

三六

與處州積復之七縣市廛拆毀房屋蕩傾貲財竭於橫徵錙銖盡於酷斂夫役繁而百死一生追呼急而十室九空此兩府地方無不被陷之鄉都百姓苦累皆係至重而無輕也至衛之江常開與西安縣之鄉都下洲大溝百靈等處龍游縣之南源各都遂安縣之五六等都湯溪縣之三源等都亦係康熙十三年被賊屯踞直至康熙十五年八九月方得恢復其遠近各都田疇荒廢廬舍灰燼或一都之內丁口鮮存或一里之中爨煙全斷山林日堆白骨風雨夜泣青燐又温州衛屯田坐落平陽各都衢州所屯田坐落

西安各都失陷之後丁佃逃亡雖招徠一二子遺棲身無處牛種全無夫賦稅必問諸人土今人戶流離田園荒廢賦斯土者安能起白骨而追呼向荒野而徵此此在前所開地方皆屬被陷苦累實係至重而無輕也當此

國用浩繁之日本司非不欲擇其受累之輕者而亟行催徵其奈溫處各屬與江常開等各縣溫衛衛所并西龍湯遂等縣都當原屬陷累最久招集遺黎皆係鋒鏑餘生湯火殘命家家絕粒戶戶啼飢自宜援閭省全免之例亟予

李文襄公奏疏卷七

三請調賑

三九

題調且康熙十五年捧接

恩詔內開用兵地方民力重困蕩平之後各該督撫將應行蠲免賑恤事宜即行奏請煌煌

天語炳若日星待澤殘黎朝夕引領合亟詳請本部院俯將原題衛溫等府城鄉全陷之江常開永樂瑞平泰青松遂雲龍慶景等十五縣并西龍湯遂湯之積復各都溫衛衛所失陷困苦情由亟請具題務期允將康熙十六年暨十五年從前一應新舊起存地丁雜稅漕屯糧米槩予豁免廣佈

皇恩則不特見在殘黎獲甦遺命即未集流亡亦可望其

漸次來歸新舊荒田亦可冀其逐漸墾闢其於

國計民生大有裨益矣等因到臣該臣看得康熙十五年正月十二日欽奉

恩詔用兵地方民力重困薄平之後各該督撫將應行蠲免賑恤事宜即行奏請臣等恭誦

繪音伏念百姓雖遭兵革異常之害荷蒙

皇上如天之仁湯火殘黎咸有更生之慶其時浙屬溫處等地方尚未恢復而

天聲遠播民間忻幸願望者久矣及康熙十五年八月以後郡縣相繼恢復城郭空虛人民無幾

李才襄公奏疏卷七 三請蠲賑 四十

國家數十年休養生息一旦蹂躪至此慘傷萬狀不忍見聞臣等思平賊之後事之重大而最急者惟有仰

遵

恩詔至

請蠲免以救垂死之民是以會疏具

題部議以各地方失陷恢復久近不同駁行確查臣隨

將江山等各縣衛所俱係康熙十三年四五六七等

月失陷康熙十五年八九十等月恢復備開月日覆

題今部議以各縣衛所城池雖陷亦有鄉都未經失陷

者且苦累輕重不同仍行分別具題再議遵行布政

司遵照去後今據詳覆前來臣查溫屬失陷而賊兵

犯及台州處屬失陷而賊兵犯及金華江山常山失陷而賊兵犯及西安龍游開化失陷而賊兵犯及遂

安止有城池僅存而鄉都已陷如西安龍游遂安湯溪各縣者若城池既陷其鄉都並無一隅倖免子女

皆為賊之婢僕牛種皆為賊之資糧房屋皆為賊之寨柵田畝皆為賊之營壘深溝殺戮焚掠無不備極

何從得有未經失陷之鄉都至云苦累輕重不同此在尋常水旱災傷或有差等從來兵戈所至玉石同

盡况其盤踞至於三年之久荼毒已遍搜括無遺嗟

李才襄公奏疏卷七 三請蠲賑 四十一

此窮黎死於鋒刃則同死於飢寒則同死於橫徵拷餉則同室廬焚拆田畝拋荒則同夫失其妻父失其

子則同真乃無人不苦無地不苦無時不苦但見其

重未見其輕非臣之不行分別實無可分別也福建

一省錢糧已蒙

天恩盡行蠲免浙閩連疆同遭寇亂而浙民在征戰之場

其受害十倍於閩民向之生聚不存一二僅有孤老

鰥夫傷殘餓殍其餘則皆投誠安插之衆也賦從田

由田既荒矣有人尚難徵灑况并無人可問若稍有

可徵之理可徵之勢地方各官豈無籌

國之心惟此子遺錢喘即欲極力追呼徒驅而致於死
亡終於

國賦燕益臣等蒙

皇上簡畀重在正畀以撫綏百姓之責今白骨荒郊鵠不

鵠面之狀臣親見之啼飢號寒哭妻哀子之聲臣親

聞之非不念需餉之際而明知百姓之萬不能完安

敢不迫切籲陳以望

天恩之拯救竊惟仰遵

恩詔以昭大信於天下近接閩省之例以示

覆載一體之仁俾此難後殘黎將來力田供稅尚有可期

李文襄公奏疏卷七

三請蠲糧

四二

國計民瘼原非二事伏乞

皇上睿鑒特沛

恩音允臣前疏所請將衛屬江山常山開化三縣溫屬永

嘉樂清瑞安平陽泰順五縣并溫州衛處屬青田松

陽遂昌雲和龍泉慶元景寧七縣衢州所并西安縣

之下洲百靈等鄉龍游縣之南源各都遂安縣之五

六等都湯溪縣之三源等都康熙十六年并以前一

應本折錢糧照閩省事例槩

賜蠲免保全萬死一生之餘民庶得漸次招徠復業開墾

臣謹會同撫臣陳秉直合詞具

題緣係燒糧困苦已極遵

詔備陳貼黃難盡伏乞

皇上全覽

勅部議覆施行

康熙十六年十二月初八日題奉

有該部議奏

李文襄公奏疏卷七

三請蠲糧

四三

李文襄公奏疏卷七終

李文襄公奏疏目錄

題稿卷之八 督師

海洋獲捷招撫偽將林雲林麒麟天樞船兵來歸

會勦江西子午口獲捷

四請蠲免被兵地方錢糧

報明援閩官兵數目並浙省情形

會勦江西玉山縣八仙洞獲捷

密陳邊防佈置機宜

招募新兵

遊補營員

李文襄公奏疏卷八 目錄

請調江南官兵協防要汛

請撤接閩官兵回浙

石塘捷功恢復雲和縣

遵例自陳乞罷

遵 諭自陳乞罷

請免荒蕪地方錢糧

南鎮雙頭洞獲捷

李文襄公奏疏卷八

男 鍾麟編次

海洋獲捷招撫偽將林雲林麒麟等船兵來歸疏

總督浙江等處地方軍務兼理糧餉兵部尚書兼都

察院右副都御史正一品臣李之芳謹密

題為海島賊氛尙熾臣謹密飭勦撫稟報情形仰祈

睿鑒事案據定海鎮總兵官牟大寅稟協副將汪國祥等

報又准水師提督臣常進功咨報又據溫州鎮總兵

官陳世凱報各到臣該臣看得浙省陸地渠逆雖經

勦撫無遺而沿海一帶屢據投誠人吐供咸稱鄭逆

李文襄公奏疏卷八 海洋勦撫

分佈偽五鎮各統領水師船隻甚多凡寧紹台溫等

處各汛洋面或乘潮長風便之時或於昏夜陰雨之

會連帆窺伺邊海延袤二千餘里在在可以登犯不

比陸地之寇可以扼要堵備各鎮將奔馳防援刻無

寧息羽書絡繹今浙省安插新附投誠不下數萬皆

鷹眼未化之徒內地既資兵力彈壓而沿海官兵總

計則多分佈則少每有汛廣兵單顧此失彼之慮臣

夙夜籌畫多方布置密移提臣并飭行各鎮將設法

勦撫務期鞏固海疆陸續准提臣及據鎮將堵剿殺

賊并招撫偽官兵情形前來當此海疆多事激勵有

功將士與撫綏向化之衆皆屬緊要機宜除零星者
禦不及議敘之例者臣自酌行獎勵并投誠人衆無
多者臣亦分別賞賚安插外如象山副將汪國祥等
於廟嶺湖邊地方殺賊五百餘人生擒三十九名得
獲器械等項又溫州鎮總兵官陳世凱等於除夕元
旦之際大夥賊踪一時分犯各汛官兵冒雨衝擊經
兩晝夜處處嚴謹不使一賊登犯打壞賊船滄死賊
衆甚多又水師提督臣常進功等招到偽副將林雲
等溫州鎮總兵官陳世凱等招到偽副將林麒等皆
率領船兵來歸又招到偽副將詹天樞等殺偽將麥

李文襄公奏疏卷八

海洋剿匪

二

仁來歸提臣鎮將俱能盡心勦撫保固嚴疆伏乞

勅部議敘以勵有功至偽副將林雲林麒等帶領船兵詹

天樞等窮逆自効與平常投順者不同相應題

請并予甄錄以鼓向化至殺賊傷亡官兵另候彙

題駕到投誠船隻如係堪用堪修即補沿海戰船缺額

容臣通查另疏

題報所有勦撫海逆情形臣謹彙疏密

題伏乞

皇上睿鑒施行

康熙十七年二月二十八日題奉

旨據奏副將汪國祥等擊敗海逆又提臣常進功等招撫
到偽副將等可嘉着議奏兵部知道

李文襄公奏疏卷八

海洋剿匪

三

江西子午口獲捷疏

總督浙江等處地方軍務兼理糧餉兵部尚書兼都察院右副都御史正一品臣李之芳謹密

題為擊敗鄰省逆寇以安地方事竊照江西岐界餘氛自經臣

題請會剿之後凡一應剿撫機宜無不悉力而行見今饒廣等屬次第就平尚有未靖餘孽臣以江西省官兵見在搜剿各屬地方皆有江省經制官兵到汛且浙省要地亟資彈壓是以前經

題明將援剿江西官兵酌量陸續調回在案仍於交界

李文襄公奏疏卷八

子午口捷

四

處所設兵守禦偵探今於康熙十七年三月二十四日據衛協副將李承恩等塘報到臣該臣看得江西岐界匪徒如偽將軍程鳳下偽官兵并偽總兵陳山林爾瞻等俱經臣調度官兵剿撫始盡廣信等處尚有未靖餘孽臣於常山開化駐劄官兵備禦屢據報江省餘寇數千在廣信所屬往來流突今據飛報賊眾侵犯玉山之子午口等處殺掠人民臣查子午口雖係江西地方逼近浙界向係賊寇屯兵處所不可復令盤踞以致荼毒殘黎即飛調臣標參將蔣懋勛統領衛協都司夏必成帶領官兵星馳撲剿今據

報康熙十七年三月二十八日官兵前至賊寨口于

奮勇鏖戰擊敗賊眾當陣殺賊六百餘名攻入賊寨木城又殺賊三百餘名得獲器械等項餘賊奔遁塘報前來除一面移咨江西督臣酌發官兵相機會剿外緣係賊寇逼界官兵進剿獲捷情形合將在事有功人員造冊送部謹密疏

題報伏乞

皇上睿鑒施行

康熙十七年閏三月十六日題奉

旨據奏遣發官兵於子午口地方殺敗賊眾得獲器械等

李文襄公奏疏卷八

子午口捷

五

項具見將士奮勇可嘉在事有功人員着議敘具奏兵部知道

請蠲被兵地方錢糧第四疏

總督浙江等處地方軍務兼理糧餉兵部尚書兼都察院右副都御史正一品臣李之芳謹

題為殘疆困苦已極難民號救堪憐謹遵

恩詔並

請蠲賑大沛

皇仁以救百萬生靈事據浙江布政司布政使李士楨呈詳到臣該臣看得浙省自康熙十三年閩變以來衢溫處等府屬地方與閩逼近被陷最先恢復最後臣等欽遵

李文襄公奏疏卷八

四請蠲糧

六

恩詔將應行蠲免事宜已經三疏上

請百姓貼危慘苦情形自蒙

皇上洞鑒惟是部臣因需餉之際再三駁查仍令分別苦

累輕重具題再議臣遵行布政司確議今據該司行據各屬詳覆前來竊惟恤民以固邦本裕賦以資

國用兩者原屬並重然必使有可存之民而後有可徵之賦今凡賊所蹂躪之地民之轉於溝壑者業已過半矣僅存殘黎瘡痍哀痛之聲未絕於耳室家離散田廬蕩然環顧謀生之計一無可恃其去死無幾所恃以存其一綫之生機者惟望

天恩將康熙十六年并以前錢糧盡予蠲免庶可拯救保全若云苦累輕重不同必有所以不同之故即如臣等會

題備陳地方等事一疏分別極苦次苦蓋以失陷恢復或久或近從此分別至江山等各屬與閩變相終始其失陷恢復年月及百姓萬死一生傷心慘目之狀備晰前疏仰望

朝廷非常之恩實屬一體但部議仍令分別臣等再三酌查如西安龍游遂安湯溪原止將被寇殘害最廣之各都額

李文襄公奏疏卷八

四請蠲糧

七

請全蠲此即分別之處也其餘各屬極力搜求僅有溫屬樂清一縣雖旋復旋失亦已淪陷三年因賊兵亦旋去旋來尚與永久盤踞者稍問自平定之後多方招集窮黎漸次來歸鵲衣鶴面慘苦與各處相似但以現在戶口校其多寡不致如各縣之空虛除十五年并以前錢糧地方未復不可再問其十六年錢糧或可責以勉力供輸此於萬分慘苦無可分別之中強為設法尚難必其按額全完其他各縣衛所地方欲再指一處為次苦實不可得伏念

詔旨頒行乃普天共被之恩而浙民尚未蒙

恩闈省全獨乃見今已行之例而浙民未得引例萬姓哀
號考成交迫爲有司者業已盡解罷謫使其尚可追
呼豈不自愛功名總爲此甫離湯火喘息垂盡之民
田荒戶絕無法可施若不亟沛

恩綸無論舊逋終不能完徒使新逋愈積現徵復虧雖日
黜一官無益於事而地方元氣從此不可挽回矣且
浙東幸賴

天威平定投戈效順安插各屬者不下數萬必使四民安
堵庶幾鷹眼漸化如朝夕不保之窮民復加以催科
彼妻子既已散失田畝既已拋荒飢寒竝切析楊在

李文襄公奏疏卷人

四請蠲賑

八

前計窮勢迫地方之憂尚未可知臣等每念兵革之
餘傷慘已極欲期民皆樂業復還舊觀實非易事惟
獨此不可復徵之賦將來休養生息仍成

國家財賦之地者卽在於此臣等屢瀆

宸聰爲恤民計未嘗不爲籌餉計也伏乞

皇上俯念江山等各縣衛所及西龍遂湯四縣分晰之各
都皆係極苦

特賜命允臣等前疏所請將康熙十六年并以前一應本
折錢糧照閩省全獨其樂清一縣自康熙十五年并
以前本折錢糧應請一例蠲免外康熙十六年錢糧

議令地方官設法勸輸仍請寬限考成庶可漸次徵
解臣謹會同撫臣陳秉直合詞具

題仰祈

皇上俯賜全覽

勅部議覆施行

康熙十七年四月十六日題奉

旨該部知道

李文襄公奏疏卷人

四請蠲賑

九

報明援閩官兵數目並浙省情形疏

總督浙江等處地方軍務兼理糧餉兵部尚書兼都察院右副都御史正一品臣李之芳謹密

題為報明調發援閩省官兵並浙省近日情形仰祈睿鑒事該臣看得閩省海澄告警綠旗官兵不敷調撥永

准大將軍康親王諭調浙省官兵查浙省自援剿標標官兵奉裁江南京各營官兵調回原汛惟存向來經制官兵如寧紹台溫各鎮營俱屬逼臨邊海分佈防守毋患汎廣兵單近日海氛更肆猖獗據各鎮將塘報鄭逆下偽總督朱天貴統領偽五鎮官兵分

李文襄公奏疏卷八

官兵數目

十

踪飄忽或駕駛船八九十隻或一百餘隻成羣來往刻圖窺犯官兵晝夜堵禦在在戒嚴是沿海營伍已無一兵可以抽調至臣標五營官兵中左後三營多已赴閩見在福州漳州右營見在防守仙霞關前營見在會剿江西餘寇前因江右岐界賊氛復熾經臣添發官兵前往玉山縣子午口地方剿賊獲捷案經具疏

題報在案又准江西提督臣趙賴咨稱賊首楊一豹等現踞江西鉛山之洪山等處賊首江拐子等現踞永豐縣之封禁山等處賊首何秉誠等現踞玉山縣之

火燒確等處俱與福建浦城崇安二渡關浙江江山開化常山地方相接咨會迅發官兵協力堵剿又據臣標參將閩進等塘報賊首李日生洪成隆等屯劄玉山縣屬之八仙洞老鼠洞等處臣即復令參將閩進等衛協都司夏必成嚴協都司馬起龍等各帶官兵漢入夾剿現在另疏

題報是存留衛城之兵已屬寥寥無幾至撫標金嚴杭嘉湖各營設兵原少業經先前抽調援閩且各屬安插投誠不下數萬皆應暇未化之徒不可無兵彈壓揆度地方形勢浙省正非無事之時官兵實難抽調

李文襄公奏疏卷八

官兵數目

十一

惟是閩省需兵甚亟承准大將軍康親王密諭臣即多方酌量查福建益亭地方界連三省為浦城之外藩當江右之衝要且益亭所轄王家橋木城二渡等關隘口甚多日今永豐等處賊寇正在猖獗欲鞏固浦城要地尤須先設重兵於益亭大將軍康親王既令臣策應浦城并撥官兵防守益亭臣即一面相機策應一面權宜飛調金協都司郭正明紹協守備李應科嘉興營守備薛受益各帶領官兵星赴益亭分佈防守約前赴閩各營官兵與今續調進閩官兵通計共四千五百餘員名浙汛兵單四應不敷臣現在

多方籌畫設法佈置所有承准王諭調發官兵援圍

並浙省近日情形相應密疏

題報伏乞

皇上睿鑒施行

康熙十七年五月初二日題奉

旨兵部知道

李文襄公奏疏卷八

前兵部題

十二

會勦江西玉山八仙洞等處獲捷疏

總督浙江等處地方軍務兼理糧餉兵部尚書兼都

察院右副都御史正一品臣李之芳謹密

題為會勦鄰省逆寇攻克洞寨獲捷事康熙十七年四

月初八日據衛協副將李承恩報江西賊眾在德興

所屬陳村一帶出沒靡常至嶺頭大橋頭等處皆為

逆踞現今賊兵愈多日加猖熾等情又據臣標參將

蔣懋勛報江西玉山縣屬秘口洞口等處盡係賊巢

意在侵犯浙界各汛防守兵單合請裁奪等情又准

江西提督臣趙賴春稱賊首楊一豹等踞江西鉛山

李文襄公奏疏卷八

八仙洞捷

十三

縣之洪山賊首江拐子等踞永豐縣之封禁山賊首

何秉誠等踞玉山縣之火燒確俱與福建浦城崇安

一二渡關浙江江山開化常山地方相接各會迅發官

兵協力堵剿等因臣查江西各路賊寇屯割處所逼

近浙界常開等處宜急為夾擊隨密授臣標參將閻

進機宜令其帶領在衛官兵并嚴協都司馬起龍等

由開化縣屬之華埠進剿又令臣標參將蔣懋勛等

帶領官兵由常山縣屬之徐家嶺進剿并飭各該將

等揆明逆賊老巢迅速飛報聽候調度所到地方尤

須申明紀律毋許秋毫滋擾隨據參將閻進等確據

賊首偽都督李日生等擁眾二千餘人盤踞玉山縣屬之八仙洞老巢又偽中路提督總兵洪成龍等帶領賊眾三千餘人盤踞玉山縣屬之二十六都老鼠洞又名仙姑洞各倚險負固流毒四處不可不亟為撲剿等情臣即飛檄該將等刻日會師夾剿先取八仙洞乘勝攻克老鼠洞務須一鼓蕩平仍據江西進兵情形約會聲援去後今據參將門進蔣懋勛等塘報又准江西提督臣趙賴咨各到臣該臣看得江西逆寇屯紮玉山縣屬子午口等處逼近浙界臣即遣發官兵擊敗獲捷經臣具疏

李才襄公奏疏卷八 八仙洞捷 十四

題報在案今又據各將領飛報臣查逆賊屯紮處所雖係江西地方倘不亟為剿除蔓延日久恐成大患臣隨密令臣標參將門進蔣懋勛等統領官兵會合江西官兵深入夾剿威能奮勇用命不憚艱險隨於康熙十七年四月十六日斬賊一千三百餘名連破三關攻克八仙洞得獲器械等項焚燬巢穴又於十七日連破四關攻克老鼠洞斬賊一千六百餘名陣斬偽遊擊都司等員得獲器械偽劄等項焚燬巢穴此皆各官兵同時齊進越險深入故能連戰獲捷攻克洞寨功勤難泯除江西各營有功人員應聽江西督

臣董衛國

題報外所有臣調度援剿在浙各員造冊送部臣謹密題伏乞

皇上睿鑒施行

康熙十七年五月十三日題奉

旨覽卿奏遣發官兵於玉山縣八仙洞等處地方屢次殺敗賊眾陣斬偽遊擊等得獲器械等項焚燬賊巢具見調度有方將士奮勇可嘉在事有功人員着議敘具奏兵部知道

李才襄公奏疏卷八 八仙洞捷 十五

密陳邊防佈置機宜疏

總督浙江等處地方軍務兼理糧餉兵部尚書兼都察院右副都御史正一品臣李之芳謹密

題為提臣領兵援閩沿海形勢單虛臣謹密陳邊防佈置機宜仰祈

睿鑒事康熙十七年五月二十日准提督臣石調聲撫臣

陳秉直咨又據溫州鎮總兵官陳世凱呈報各到臣

該臣看得浙江海邊延袤數千餘里通潮港口甚多

賊船皆可乘風直入是以一營必有數十汛一汛必

有十數臺更設城寨以資扼守往時酌定營制當海

李本襄公奏疏卷八 佈置邊防

十六

氛平靖之時意在省兵雖按汛設立而額數俱少邇

來洩氛日熾臣與提鎮諸臣多方備禦先經節次

題報在案今提臣石調聲奉

旨援閩除帶提標官兵外又調溫台官兵共足精兵三千

名已經啟行沿海鎮將咸以兵力愈單汛守掣肘請

兵貼防但浙省前後援閩官兵共計七千五百有餘

如撫標嘉湖杭金嚴紹各營俱抽調已多臣標官兵

除援閩外盡發會勦江西餘寇并防守仙霞關各屬

營伍在在單寡沿海一帶竟無從貼防洩寇逼處門

庭近日更加猖獗疊據塘報連踪或七八十隻至一

百三四十隻處處停泊官兵奔走堵禦晝夜不息實有顧此不能顧彼之慮臣自用兵以來無時不以節餉為念是以援勦鎮奉裁之後復將江南京口松江等營官兵具

題撤回實期就現在兵額殫心籌畫以鞏封疆今閩省

又調去多兵事出意外軍機緊要援兵既不致

請雷

國用正繁懸額又不致

請補臣夙夜焦思展轉無策當此兵勢單虛之時不得不

設法佈置如台屬營汛向係黃巖鎮管轄今既已改

李本襄公奏疏卷八 佈置邊防

十七

鎮為提則鎮所舊轄之地不便空懸且水師尚無戰

船之際臣前

請將寧海太平等營令水師提臣暫為統轄部議以水陸

各有分管未經允行惟因邊海現在多事是以台屬

寧海等汛係陸路提標官兵撥赴協防今提臣石調

聲援閩向來撥協之兵皆已隨行寧海太平一帶俱

係衝邊險汛若專恃該營額兵防守其為單薄恐誤

事機臣與水師提臣常進功咨商將陸提官兵原防

今撤處所盡易水提官兵補防庶台屬地方得藉就

近策應以固疆圉至寧屬除定海營外其餘奉化象

山等汛向係黃巖鎮管轄當日寧屬地方不屬定澆鎮而遙統於黃巖鎮實為舍近就遠鞭長不及且黃鎮已經議裁故奉象等汛亦係陸路提標撥兵遊巡協防今亦調撤入閩僅有象協寧波城守及提標分汛大嵩甯防郡城官兵汛守不敷難資應援如以黃巖鎮舊轄寧屬之故并令水師提臣兼顧則黃寧相去數百餘里海寇窺犯恒在瞬息之間恐不及事查定海鎮駐劄寧屬聲息相聞應援近便臣今照會定海鎮牟大寅將鄧象奉慈等汛兵單處所撥兵貼防庶寧屬地方亦有聯絡呼應之勢矣至溫屬各營所

李文襄公奏疏卷八

佈置邊防

十八

調撥閩之兵不多應責成鎮臣陳世凱拜音達禮將現在官兵悉心備禦以固地方可也總因游氛正在猖熾官兵調發單虛事勢艱難封疆重大臣所以酌議權宜措置雖用兵之際原不拘平時已定之制但提鎮俱係重臣伏乞

天語申飭俾各勵職守共保嚴疆并請

勅部覆議將台屬地方令提臣常進功暫為統轄調度將寧屬地方令鎮臣牟大寅暫為管轄策應統候提臣石調聲回浙之日再議惟是浙閩同一海洋賊情正測風帆倏忽兩省原無緩急之分仰祈

皇上睿察俟閩省寇警稍平即將浙省官兵先准撤回則邊防有恃矣臣謹密疏具

題伏乞

皇上睿鑒

勅部議覆施行

康熙十七年六月初七日題奉

旨兵部議奏

李文襄公奏疏卷八

佈置邊防

十九

招募新兵疏

總督浙江等處地方軍務兼理糧餉兵部尚書兼都察院右副都御史正一品臣李之芳謹密

題為請

旨事康熙十七年七月初十日准兵部密咨開該議政王等題前事內開該臣等查得浙省綠旗兵丁陸續調撥福建者甚多浙省近海關係最要兵額宜增應請勅下浙江總督李之芳巡撫陳秉直如有家眷強健精兵易於招募即一面招募一面速行奏

聞彼時再將數目議定具題倘招募不出亦將緣由速行
李文襄公奏疏卷八 招募新兵 二十一

旨依議速行欽此為此合咨欽遵查照施行等因到臣准此該臣看得浙省各鎮標協管官兵前後調撥開省者共計七千五百有餘沿海賊踪正在猖獗鄰省又當多事兵力實係單虛今准部文兵額宜增行臣等招募速行具

題再將數目議定等因臣即飛檄各營迅速招募有家眷強健兵丁去後合先具
題其應募兵數聽部議覆但招募之法原係陸續驗收不能即時成旅且新兵亦須演練整齊方得實用若

所募之兵即議酌補各營調缺之數便應先將衝要缺多處所隨時分發各自收伍訓練如所募之兵議令會集一處另候調度應亟議設官統領約束庶不至漫散真紀至于盔甲器械皆所立需查裁存撥勦鎮甲械除陣失及見在附支兵丁隨帶外臣一面查明存貯堪用實數并舊械可以修理者相應修理應用倘有不敷者作何動支製造其兵丁應募驗收之日即須予以糧餉作何支給馬步戰守作何定額皆宜預為酌定行臣等遵奉請

勅部議請

李文襄公奏疏卷八

招募新兵

二十一

旨定奪臣謹會同撫臣陳秉直合詞密疏具

題伏乞

皇上睿鑒施行

康熙十七年七月十一日題奉

旨該部速議具奏

邊補營員疏

總督浙江等處地方軍務兼理糧餉兵部尚書兼都察院右副都御史正一品臣李之芳謹密

題為浙省正當多事要缺刻難乏員臣謹遵例邊補以

資防勦事康熙十七年七月三十日准兵部密咨為

請調賢能文武等事內開該議政王等會覆福建總

督姚啓聖題前事等因移咨到臣該臣看得福建督

臣姚啓聖

題請調用浙省將弁臣標前營參將蔣懋勛中營守備

王文魁提標中營參將王英左營遊擊曾承水師提

李文襄公奏疏卷八

邊補營員

二二一

標前營遊擊劉詔定海營參將高祿寧海營參將林

葵嘉興左營守備薛受益衝協左營守備康成功右

營守備馬伏秀嚴協右營守備吳德榮等皆臣自用

兵以來試用選拔屢著軍功勇敢歷練之員浙省多

事之時正資禦侮今奉

旨移調當漳泉海寇猖獗臣義切同仇隨即飛檄各官遵

照前赴惟是所遺員缺皆衝疆險汛現在封壘之地

非得諳練能員難以勝任除參將王英遊擊曾承先

隨提督臣石調聲進勦漳泉應請提臣就近酌

題外查定例內開浙江近海沿邊缺出准該督提將才

技優長諳練地方銜缺相當人地相宜之人保

請題補又准兵部咨開如係用兵與賊接壤之處緊要缺

出准該督提將果有才能勤勞昭著之人仍照例保

題等因奉

旨通行在案臣今詳按功能酌量才地如定海寧海二營

及兩提標皆邊海緊要查有太湖營遊擊功加副將

姚世熙堪補定海營參將提標右營遊擊郭守金堪

補寧海營參將又有江南京口左路鎮標遊擊馬從

龍狼山鎮標遊擊楊亨俱經在浙征勦臣熟知其才

能雖已撤回江南因原缺已補有人尚在守候數年

李文襄公奏疏卷八

邊補營員

二二三

戰場勞績之員久置閑散殊為可惜若即補用足勦

有功馬從龍堪補提標右營遊擊郭守金所遺員缺

楊亨堪補水師提標前營遊擊劉詔所遺員缺查楊

亨雖係福建投誠但今用人之際如參將王英林葵

遊擊曾承皆與楊亨一體之人先經補用著有成績

相應援照此例

題補至臣標守備王文魁嘉興營守備薛受益現征調

在閩衝協守備康成功馬伏秀現在江閩交界防勦

嚴協雖稱內地今現調該營都司馬起龍赴延平等

處尚需領兵之員此各員缺皆係緊要查有臣標功

加遊擊劉澤溪堪補臣標中營守備臣標功加署遊擊張文福堪補嘉興左營守備水師提標前營千總功加署都司僉書朱子龍堪補衛協左營守備定海營千總周文進堪補衛協右營守備臣標左營千總功加署守備劉發堪補殿協右營守備以上各員皆係歷經戰陣才技優長勤勞昭著內劉澤溪張文福論銜應補都司僉書惟因領兵援剿亟資能員暫以守備補用總為需才起見臣謹遵例保

題至臣標前營參將及太湖管遊擊員缺查有奉

旨以參將用之鮑輔仁以遊擊用之李鳳翔俱行臣遇缺

李文襄公奏疏宋人 遊補管員 三五

題補鮑輔仁堪補臣標前營參將李鳳翔堪補太湖管

遊擊仰祈

皇上允臣所請庶得收臂指之效巖疆攸賴矣除干總宋

子龍周文進劉發履歷一面查取另咨送部外臣謹

密

題伏乞

睿鑒

勅部議覆施行

康熙十七年八月初七日題奉

旨兵部議奏

請調江南官兵協防要汛疏

總督浙江等處地方軍務兼理糧餉兵部尚書兼都察院右副都御史正一品臣李之芳謹密

題為兵力單虛已極巖疆事勢可憂經制補額未敷招募尚難應急仰祈

睿鑒迅調鄰近成旅以資戰守事康熙十七年八月初一日准兵部密咨為請

旨事內開職方清吏司案呈奉本部送密封內該議政王等會覆浙江總督李之芳題前事等因康熙十七年

七月十一日題本月二十日奉

李文襄公奏疏宋人 請兵協防 三五

旨該部速議具奏欽此密封到部又經兵部緣頭牌啓

奏浙督李之芳等題為遵

旨招兵一疏奉

旨該部速議具奏欽此查得先經議政王等會題浙省近

海關係最要兵額宜增令浙江總督李之芳巡撫陳秉直如有家眷強健精兵易於招募即一面招募一

面速行奏

聞彼時再將數目議定具題等因今該督等請定應募兵數前來此原係議政王會議欲定數目之事應仍交與議政王等議覆等因康熙十七年七月二十三日

奏本日奉

旨依議欽此該臣等會議得浙江總督李之芳疏稱浙省官兵前後調撥閩省共計七千五百有餘兵力實係單虛今准部文行臣等招募臣即檄各營迅速招募其應募兵數聽部議覆若所募之兵即議酌補各營調缺之數便應先將衝要處所隨時分發如議令會集一處另候調度則應亟議設官統領至於盔甲器械臣查明貯庫堪用井可以修理者修理應用尚有不敷者作何動支製造餉餉作何支給馬步戰守作何定額皆宜預為酌定行臣等遵奉等因查先經臣

李文襄公奏疏卷八

請兵協防

二十六

等會議浙省近海兵額宜增應請

勅下浙江督撫如有家眷強健精兵易於招募即一面招

募一面速行奏

聞彼時再將數目議定具題在案今既經該督備行招募具題前來應照江西新近添招之數令其招募有家眷強健兵丁五千名馬步戰守俱照通省經制兵丁之例其所募兵丁不必另設官員統領應聽該督按要緊地方分附各營約束仍將分附各營數目報部俟請赴閩省官兵回浙之日將此項添募兵丁再議裁減所需盔甲器械除將存貯堪用井可以修用者

修理充用外不敷者速行造給其製造所需銀兩作何動支兵丁錢糧作何撥給聽戶工二部議可也等因康熙十七年七月二十四日題本月二十六日奉旨依議速行欽此密封到部移咨到臣該臣看得浙省官兵調發福建甚多前經議政王等會議浙省近海關係最要兵額宜增奉

旨行臣等招募是蒙

皇上明見萬里俯念鞏固嚴疆必資兵力誠萬不可緩之

計臣等一面分令各營招募一面

題請定數今准部文議定五千之數將緊要地方酌量

李文襄公奏疏卷八

請兵協防

二十七

添補但新兵募足尚需時日更待簡練方可成旅非現在實用之兵今浙省自溫台寧紹一帶鄰近遺發賊踪分踞洋面臣詢據投誠偽遊擊陳紹先偽都司鄭虎臣等供稱偽正總督朱天貴偽張都督偽周都督等割管台州近洋以至舟山偽副都督劉天福等割管游山茅平偽四鎮陳義等割管游山連社偽九鎮劉祖漢等割管大青山鄭逆近又添發偽六鎮黃炎等割管玉環山刻圖窺犯風帆倏忽處處可登沿海將士無分寒暑晝夜操甲堵禦所備之處愈多則兵力愈患其少且溫台游洋即連接福興漳泉之海

洋乘風而至不待終日今賊勢方張狡謀叵測毒爲乘虛掩襲之計卽如先犯海澄及大兵盡聚於漳則又移犯泉州已有明驗倘或見大兵節次南下出我不意并力照踪直犯浙境若無重兵何以禦敵至閩江接界山寇四發逼近浙閩大路見奉大將軍康親王令諭三省會剿是浙省三面皆用兵對壘之地卽內地往年賊寇投戈向化原爲懾於兵威然不軌之徒如邵良榜等造謀散割奸萌未息今投誠安插各屬者不可勝計明見各處營伍形勢單弱豈無生心兩年浙省幸而無事原藉將士百戰之餘無不聞警

李文襄公奏疏卷八

請兵協防

二十一

直前而臣等夙夜申儆不遺餘力堵防今兵旣頻次調發而歷練勇敢緩急可恃之將弁多已遵

旨調去在閩省誠爲緊急然浙省賊氛不爲不熾使因循目前不亟整備設有不虞必致束手無措臣前請撤

回江南援浙官兵五千餘員名原爲

朝廷節餉起見但今日事勢又與前日不同環顧地方在

在可憂若一蹶跌收拾甚難恐所費且不貲矣臣等念切封疆寢食俱廢謹劄切痛陳於

皇上之前伏乞

睿鑒浙省重地宜防逆賊乘虛突犯必得訓練勁旅方克

有濟請

勅將江南官兵立調三千赴浙固守衝要俟募兵成旅之日分發汛守庶巖疆稍有可恃統計新募與請調之數尚不及經制所缺之額臣等務期多方佈置勉力支撐以保地方仰祈

皇上俯賜俞允封疆幸甚臣謹會同撫臣陳秉直合詞密題伏乞

勅部議覆施行

康熙十七年八月初七日題奉

旨議政王貝勒大臣會議具奏

李文襄公奏疏卷八

請兵協防

二十二

請撤援閩官兵回浙疏

總督浙江等處地方軍務兼理糧餉兵部尚書兼都察院右副都御史正一品臣李之芳謹密

題為鄰疆海汛突犯堪虞疏

請撤回原兵以資堵禦事據各鎮將塘報到臣該臣看得

浙省衢屬界臨江閩仙霞一關首當喉鎖崇山峻嶺在在為鄰寇出沒之地溫台寧紹等府逼近海洋而定海關尤為東浙門戶當山海交訖之際惟藉厚集兵力分佈設防自康熙十五年開調發臣標撫標及杭嘉湖各協營在衢勦禦之兵隨同大兵入閩數年

李文襄公奏疏卷八

請撤閩兵

三十

依勦現駐漳泉繼則提督臣石調聲統師援閩將軍

台各屬防汛官兵抽撤啓行經臣具有兵力單虛已

極等事一疏請調江南官兵赴浙防勦嗣准部文浙

省近海關係最要兵額宜增行臣招募兵丁五千名

按緊要地方分附是浙省衝險需兵情形久在

皇上睿鑒中矣但當軍餉浩繁之時凡有可省錢糧者臣

自應多方樽節查有援勦鎮裁存附支兵一千餘名

即撥入募兵額內所增新兵僅三千餘名在浙省先

後陸續調閱者不下萬數而以前項新兵分派治邊

衝邊之重汛所在有提襟露肘之虞且邇來衢屬閩

常江山一帶節練各汛鎮將飛報德興玉山永豐上

饒等處逆賊在逞緊逼浙界圍犯仙霞白沙等關風

林王村等隘口以及九牧吳墩大路一帶勢甚猖獗

臣一面調發在衢官兵分頭堵禦又據沿海各鎮營

塘報賊船飄忽往來不絕轉盼二三月間春汛屆期

揚帆瞬息隨處可犯陸兵奔馳毒慮不及况浙省經

制戰船有限自失陷之後現泊寧波者通共僅有八

十一隻正在興修即工完操駕止堪保障定關若台

溫二區防無隻艘片帆可備出洋攻勦臣憂心如焚

竊思浙省閩省同係

李文襄公奏疏卷八

請撤閩兵

三十

朝廷之封疆防閩防浙總屬固圍之至計向年尚有援浙

江南京松各營兵五千餘名惟因節省行糧地方稍

定隨即具

題發回不敢久留糜費今亦不敢復請鄰省官兵赴浙

所有浙省各標協營兵隨征入閩歷有年所東征西

勦陣亡已多嚴寒酷暑病故大半即今另募補伍者

率非當日之勁卒矧今漳泉海逆屢經大創勢亦漸

平且閩省綠旗官兵又經

題准增設兼有江南山東河南標京口奉調及隨帶之

兵輻輳到閩浙省前項官兵留閩不見其多回浙實

屬有濟更可省隔省之行糧資浙汎之兵力誠一舉而兩便也臣以近日山海賊寇情形交迫故敢激切敷陳仰祈

皇上俯鑒特賜俞允有裨軍

國誠非淺矣除續調進閩及現在延建官兵接壤江西

仍留該汎防守容臣另行題

請外臣謹會同撫臣陳秉直署提督事水師提督臣常進

功合詞密

題伏乞

勅部速議施行

李文襄公奏疏卷八

撤復兩兵

三

康熙十八年正月二十六日題奉

旨兵部議奏

石塘捷功恢復雲和縣疏

總督浙江等處地方軍務兼理糧餉兵部尚書兼都察院右副都御史正一品臣李之芳謹

題為呈報殺敗堵寨進圍嶺口逆賊恢復雲和縣事該

臣看得處屬石塘地方自逆賊變叛以來偽都尉連

登雲等率領賊兵二萬有餘盤踞要口共制營盤二

十八座勢甚猖獗先經寧海將軍固山貝子傅喇塔

同副都統總兵等官親見賊營扼險拒守最為堅固

若此路不克勢難夾攻入閩因激勵官兵奮勇川命

功成之日許照攻克府城之例議敘當經溫州鎮總

李文襄公奏疏卷八

石塘捷功

三

兵官陳世凱等親領各官兵奮不顧身衝鋒破壘并

協同滿漢官兵會合進剿隨於康熙十五年八月二

十二日殺賊大敗焚燬營盤斬獲甚多二十五日恢

復雲和縣經固山貝子塘報大將軍康親王具

題奉有在事有功人員着議敘之

旨欽遵諭臣造冊具

題茲行據各鎮營造報履歷前來臣查石塘天險官兵

環攻難拔幸固山貝子許照攻取府城之例鼓勵議

敘而總兵官陳世凱等冒險迎鋒首先破敵遊擊李

同親冒矢石各官兵捐軀用命戮力疆場故能成此

大捷恢復地方在事人員功誠難泯前大將軍康熙
王疏內所報獲捷情形在事綠旗有功人員例難備
載惟於總兵官陳世凱王廷梅之下開列等字又臣
於

題報疏稱在事有功人員容臣一面查明另敘良以

戰之功未便遺漏先為聲明在案伏乞

皇上俯念總兵官陳世凱等克此最險要害功績甚偉

勅部准照固山貝子傅喇塔鼓勵照攻克府城之例將冊

內人員一體從優議敘庶立功將士益知用命除揭

送吏兵二部核敘外相應

李文襄公奏疏未人 石署贊功

三四

題報伏乞

皇上睿鑒施行

康熙十八年三月初七日題奉

旨該部知道

遵例自陳乞罷疏

總督浙江等處地方軍務兼理糧餉兵部尚書兼都
察院右副都御史正一品臣李之芳謹

奏為遵例自陳不職仰祈

睿鑒罷斥以重封疆以肅官守事康熙十八年正月二十
日准吏部咨為題明京察事內開查得例內京官六
年考察一次今查自康熙十二年三月內考察扣至
康熙十八年三月六年已滿例應考察京官其各直
省督撫俱在考察京官自陳官員之例應令各直省
督撫亦照例自陳考察等因奉

李文襄公奏疏未人 遵例自陳

三五

旨依議欽遵移咨到臣准此竊臣由順治四年進士除授

浙江金華府推官歷陞刑部廣東司主事山西司員

外郎湖廣司郎中廣西道監察御史湖廣道監察御

史掌河南道事監察御史都察院左副都御史吏部

右侍郎於康熙十二年六月內奉

旨以兵部右侍郎兼都察院右副都御史總督浙江等處

地方本年十月十五日到任除康熙十二年三月以前

事過不開外查臣於康熙十二年五月內為遵

旨確察議奏事臣前任吏部右侍郎任內將粵省南山洋

較滿地方劫一案都察院議以未經行查照司所

議罰俸三箇月奉

旨明珠朱之弼色塞黑冀如錫勒布楊永寧對哈納都惟
訥陳鼓永舒恕李之芳并司官等俱從寬免罰俸餘依
議康熙十三年八月內為遵

旨一併嚴察議奏事臣前任吏部右侍郎任內將道員丁
思孔等不行查叅經都察院議罰俸一箇月奉

旨米斯翰對哈納都惟訥舒恕宋德宜梁清標班迪達都
勒德洪陳鼓永李之芳劉鴻儒及在部司官俱從寬免
罰俸馬紹曾董色丁思孔等俱依議康熙十四年七月
內為特科貪酷等事因紹興府知府張三具一案擬

李文襄公奏疏卷八

遵例自陳

三十六

罪失錯部議罰俸三箇月奉

旨李之芳從寬免罰俸餘依議康熙十六年四月內為賊

首拒命流毒地方等事遣發官兵在白沙關外地方

勦殺賊寇獲捷部議准紀錄二次康熙十六年六月

內為彙報勦寇獲捷情形等事遣發官兵勦撫江西

鉛山等處賊寇部議加一級奉

旨李之芳着加為兵部左侍郎兼都察院右副都御史授

為從二品照舊管事七月內准撫臣陳秉直移准吏部

咨為題明留換馬匹事捐換進關馬匹部議准紀錄

一次康熙十六年九月內為欽奉

上諭事部議飛報官兵大捷等事一十四案俱係臣調度

有方擒斬逆賊之案的量議敘奉

旨李之芳着加兵部尚書仍兼都察院右副都御史授為

正一品照舊管事康熙十七年正月內為各路勦撫等

事遣發官兵在楊梅灘等處殺賊獲捷部議准紀錄

一次五月內為報明委用官員事將筆帖式邵經邦

啓送福建部議罰俸一年銷去紀錄二次免其罰俸

七月內為鄰省岐界巨寇等事遣發官兵在江西洋

塘等處殺賊并招撫陳山等部議准紀錄二次八月

內為會勦鄰省逆寇等事遣發官兵在玉山縣屬八

李文襄公奏疏卷八

遵例自陳

三十七

仙洞等處殺賊獲捷部議准紀錄二次又為暫移存

留可緩等事鼓勵屬員裁省錢糧十萬兩以上部議

准加一級註冊又為遵

旨會勦恢復鄰省縣城事恢復江西玉山縣部議准加一

級註冊十二月內為欽奉

上諭事捐解閩省馬五十匹部議准紀錄二次俱各奉

旨欽遵在案伏念微臣一介草茅遭逢

殊遇荷蒙

皇上簡授節鉞謬任巖疆入浙以來夙夜兢惕惟懼才不

勝任有負

隆恩不意受事未幾遽值閩變維時承平日久猝爾震鄰
遠近倉皇人無固志當此事勢危急之際正臣捐軀
報

國之時遂自忘其綿劣馳赴衢郡首扼賊鋒調遣官兵

分路佈置申大義以勵人心捐薄資以鼓士氣督率

勦禦衛冒於矢石砲火之間總以

恩重命輕勉圖報答屢次獲捷情形節經具

題奉

旨欽遵在案幸而仰仗

天威大兵由衢殺賊賊衆各路聞風瓦解地方旋定此皆

李文襄公奏疏卷八

題詞自陳

三十九

朝廷洪福

廟謨勝算豈臣區區智力之所能及迨浙省恢復之後民

力凋殘僅存者瘡痍未起轉徙者離散尚多兼以水

旱頻仍災荒疊見臣雖百計撫綏未能使其樂業官

兵出征多載從前摧鋒陷陣備嘗艱險迄今枕戈擐

甲尚戍疆場臣雖加意軫恤無以慰其用命至兵燹

之餘百姓困苦全在地方各官砥礪循良培養元氣

臣雖正己率屬未能有副澄清則臣不職之狀固已

難道且臣年近六旬夙抱怔忡之疾五載軍旅晝夜

靡寧內則心耗血枯外則髮白齒落精力日衰形神

俱憊屢欲籲陳祇以地方多故未即上

請茲當澄敘之期敢不據實披瀝况浙省界聯山海鄰境

之逆孽方張沿海之寇踪日伺臣以衰病疎庸亦虞

貽誤在臣之一身固不足惜而所關於封疆者甚大

伏乞

皇上睿鑒亟賜處分俾臣獲免隕越當銜結於無既矣臣

無任悚息待

命之至

康熙十八年三月十九日奏奉

旨卿才品優長簡任總督殫心料理効力行間著有勞績

李文襄公奏疏卷八

題詞自陳

三十九

着照舊供職該部院知道

遵 諭 自 陳 乞 罷 疏

總督浙江等處地方軍務兼理糧餉兵部尚書兼都察院右副都御史正一品臣李之芳謹
奏為遵

諭自陳不職仰祈

睿鑒罷斥以消災變事康熙十八年八月二十二日准吏部咨為欽奉

上諭事內開康熙十八年七月二十八日奉

上諭諭吏部等衙門自古帝王撫御萬方兢兢業業勤求

治理必期陰陽順序和風凝庥或遇災異示儆務首愆

李文襄公奏疏卷人

遵諭自陳

四十一

思過責修人事挽回

天心茲者本月二十八日巳時地震之變謹告非常反覆思

惟深切悚惕蓋由朕躬不德敷治未均用人行政多未

允符內外臣工不能精白乃心恪盡職掌或罔上行私

或貪縱無忌或因循推諉或恣肆虐民是非顛倒措置

乖方大臣不法小臣不廉上千

夫和召斯灾者若不洗心滌慮痛除積習無以昭威格而致

嘉祥朕茲力勤政務實剛修省目今應行應革事宜着

部院三品以上官及科道在外各該督撫明白條奏直

言無隱其在京三品以上堂官併督撫提鎮俱着據實

自陳毋得浮泛塞責爾部即遵行仍通行曉諭內外軍

民人等咸使聞知特諭欽此欽遵移咨到臣准此除康

熙十八年三月已經自陳者不敢復贅外本年八月

內准撫臣陳秉直咨准刑部等衙門咨為直糾浙江

學道等事因撫臣陳秉直會同薦舉程汝璞一案議

降二級調用銷去軍功紀錄二次免其降調奉

旨依議在案伏念臣才識庸庸謬膺重寄前已備陳不職

亟請罷斥荷蒙

皇上寵異溫給照舊供職至薦舉程汝璞一案雖係撫臣

主稿臣准移會亦即書題復蒙薄加處分仍留原任

李文襄公奏疏卷人

遵諭自陳

四十二

臣撫循悚懼益凜冰淵茲因地震特奉

上諭着令據實自陳臣惟地乃臣象蓋由臣下失職以致

坤輿示儆臣猥以疎賤仰荷

皇上高厚之恩雖捐糜頂踵不足報稱於萬一旦身任封

疆凡安輯地方愛養百姓澄清吏治皆臣夙夜所當

屢勉以盡職守者乃自滄浙以來旋遭寇亂黎庶死

於兵革老弱困於征徭即底定之後田野多荒此難

載道山海之遺孽未殄成卒之休息無期是皆政治

多乖有負職掌積愆召變臣固無以辭其罪責也且

臣年近六旬髮白齒落居然頹朽之人况心力已竭

耳目難周浙省何地總督何官而可容其尸素倘致貽誤關係巖疆誠非眇小除臣一面痛加修省外相應據實自陳伏乞

皇上亟賜罷斥庶天變可弭而臣工咸惕矣臣無任悚息待

命之至

康熙十八年八月二十八日奏奉

旨李之芳着照舊供職該部知道

李文襄公奏疏卷八

避諭自陳

四十一

請免荒蕪地方錢糧疏

總督浙江等處地方軍務兼理糧餉兵部尚書兼都察院右副都御史正一品臣李之芳謹

題為遵

諭陳言事康熙十八年七月二十八日因地震之變奉

上諭目今應行應革事宜着部院三品以上官及科道在外各該督撫明白條奏直言無隱欽此臣惟災變告儆

上天固示以仁愛目今消弭之道補救莫急於民生如浙

省自罹變亂百姓塗炭老弱溝壑男婦仳離皆數年來未有之慘惟衢台溫處四府受禍為甚益界接閩

李文襄公奏疏卷八

請免錢糧

四三

疆賊寇蠶起所至之處輒被蹂躪戶絕民逃田土荒蕪荆榛滿目即平定之後百計招徠者不過十之四五其餘非死於兵革道路即喪於飢寒疫癘而莫可問也其康熙十四十五十六年以前無徵錢糧先經臣分別請蠲荷蒙

皇上俯鑒被寇慘傷

特恩蠲免所屬殘黎歡聲手額始有更生之慶其漸次復業者僅可拮据胼胝開墾在戶之地地勉輸本身之稅糧尚苦不能成熟完課其無主荒田已絕戶口自不能代為包賠理勢然也案經撫臣陳秉直為備陳

荒田絕丁等事會疏

題豁未蒙

俞允臣查衛屬江山常山開化三縣台屬黃巖太平仙居

三縣溫屬永嘉樂清瑞安平陽泰順五縣處屬麗水

縉雲青田松陽遂昌雲和龍泉慶元景寧宣平十縣

俱遭淪陷又西安龍游寧海天台臨海五縣當日僅

存城邑郊外則盡屯兵馬鄉都則遍為賊巢所在田

畝或割寨連營或掘壕築壘悉成荒地向之村落數

十處者今則僅留數村或盡廢為丘墟矣向之煙火

數百家者今則僅存數家或且闕無其人矣兵革游

李文襄公奏疏卷八

請免錢糧

四四

經戶口消耗豈能與承平相同此最顯而易見者古

云大兵之後必有荒年非盡雨暘弗若亦以開墾無

人漸成榛莽若一概按畝催科縣官迫於考成勢必

督責現在之民包賠貽累嗟此予遺殘喘未蘇瘡痍

未起自救不賸豈能代完無主已絕之丁糧哉况今

鄰省餘孽未靖正恐九死一生之窮黎或逃避遠方

嘯聚山谷徒滋隱患不惟荒者無補行且熟者亦荒

矣臣非不知

國用浩繁但民為邦本身在地方日擊痲瘵當此謹告

非常

皇上求言若渴之際豈敢緘默仰祈大沛

弘恩將衛台溫處屬并衢州所荒田絕丁盡行豁免則此

數郡皮骨僅存之民尚可相安故里是亦消弭災變

之一端也應豁荒田絕丁銀米數目俯俟

俞允之日容臣另造清冊送部其拋荒地土流亡人戶臣

一面極力設法招徠開墾俟轉徙漸歸民力稍蘇即

當照例起科以足賦稅庶

國計民生均有賴矣如果臣言不謬伏乞

皇上睿鑒

勅部議覆施行

李文襄公奏疏卷八

請免錢糧

四五

康熙十八年九月初十日題奉

旨九卿詹事科道會議具奏

南鎮雙頭洞獲捷疏

總督浙江等處地方軍務兼理糧餉兵部尚書兼都察院右副都御史正一品臣李之芳謹密

題為塘報事准福建督臣姚啓聖移送疏稿到臣案據溫州鎮總兵官陳世凱奉令會勦南鎮雙頭洞賊穴當即遣發官兵於康熙十八年四月初三日到敵城由三墩嶺至南鎮係盤山險隘一線路影樹木叢雜難以行走官兵開砍路道逐程揆進到南鎮創營瞭見逆賊在對山官兵分作三股扒山附葛而上砲矢齊發斬殺賊衆一百餘人賊奔海邊上船不及淹死

李文襄公奏疏卷八

雙頭洞捷

甲六

不計砲打壞雙篷賊船二隻三板小船五隻燒燬賊城二座等情又據平陽鎮總兵官拜晉達禮報本年四月二十日官兵到桐山東山嘴東山樑堵禦瞭見賊船十七隻在海邊灣泊官兵奮力齊進賊從山窠突出官兵砲矢齊發賊敗奔船淹死甚衆其船飛駛而去去二十一日抵雙頭洞封江剗營見賊窠四面汪洋有三板八槳船二十餘隻茅屋三百餘間官兵發火砲攻打賊死傷不計連夜帶船奔逃將賊窠茅屋盡行焚燬訖又於五月十三日進八尺門前崎地方會水師夾勦又於二十日水陸夾攻殺死賊衆得獲

船隻駕回桐山又同桐山官兵前往棲山燒燬草樓

十餘所等情各在案臣查南鎮雙頭洞一帶俱在福建桐山逼近之海其獲捷情形隨經移詢福建督臣去後今准移送疏稿到臣該臣看得南鎮雙頭洞係海賊巢穴出沒窺伺浙閩邊海飄突不常實為門庭之患經臣咨會福建遣發官兵水陸夾勦去後今准福建督臣姚啓聖移送疏稿內開浙省用命官兵聽臣另疏

題報等因今將浙省官兵殺賊獲捷情形具疏

題報臣謹密

李文襄公奏疏卷八

雙頭洞捷

甲七

題伏乞

皇上睿鑒施行

康熙十八年十一月初一日題奉

旨兵部議奏

李文襄公奏疏卷八終



李文襄公奏疏目錄

題稿卷之九 督師

操練戰船襲擊海寇

海洋擒賊獲船大捷

請會剿海寇酌留戰船

援閩回浙官兵循例陸續補伍

請撤調防浦城官兵回汛

請免故官加徵銀米數目

偽將軍劉天福等大踪全族歸誠

請免追扣賞給官兵銀兩

李文襄公奏疏卷九

目錄

彙報招撫投誠總冊

彙報剿殺逆賊恢復城池

送事平議敘各案功績冊

請開復象山營都守各官

請補黃巖鎮額馬

請撤水師提標暫留兵丁

請復楓嶺營浙閩分轄舊制

賞給官兵銀兩委難追扣

李文襄公奏疏卷九

操練戰船襲擊海寇疏

總督浙江等處地方軍務兼理糧餉兵部尚書兼都

察院右副都御史正一品臣李之芳謹密

題為戰船亟資操練攻擊全藉隨機臣謹

題明不時掩擊以靖邊疆事竊惟浙東遼海外通島洋

通連閩界最稱衝險以故承平之日寧台溫三區額

設戰船分路灣泊維時僅係零星賊艘游移外洋尚

不致盤踞海島沿邊飄突今自變亂以來海逆日熾

李文襄公奏疏卷九

操練戰船

聯船結隊在在窺犯沿邊各汛將士振甲枕戈晝夜

堵禦不遑啓處止因黃溫二區戰船盡已失陷存寧

船隻又屆修期未得配駕官兵出奇襲擊茲者寧區

戰船修葺已竣及時訓練相機撲剿自不容緩臣隨

飭行定海鎮總兵官牟大寅整齊官兵配駕并令就

近各會巡查浙省海口戶部郎中臣布魯等驗明出

關操演精熟遇有賊寇星速搜剿一面飛報以憑具

題去後今據總兵官牟大寅報稱本鎮帶領舟師於康

熙十八年十二月十一日出關見各寨有木城草房

官兵當即搜剿打死在寨賊兵所有現修未完賊船



併堆貯樹木版片米穀盡行焚燬至清浦見有賊船
我官兵揚帆追趕砲矢齊發泅死賊衆三十餘人奪
船二隻擒賊三名得獲器械等項值此隆冬難以遠
涉今於十二月二十四日回關見在熟練船兵遇警
馳勦等情到臣該臣看得浙省爲邊海重地向來額
設戰船分泊寧台溫三區以資防勦維時賊艘無多
沿海各汛頗精寧溫至閩變以來今昔時勢大不相
同如康熙十四年二月內前任定海鎮臣朱萬化等
奉寧海將軍固山貝子傅喇塔令諭出洋搜勦又康
熙十六年二月內原任水師提督臣常進功出洋搜

李文襄公奏疏卷九

操練戰船

二

勦俱於旋師之日題報在案近據各鎮將塘報海賊
蟻聚各島耽耽窺伺時復連檣飄忽出沒熾常且沿
邊廣闊隨處皆可登犯官兵奔馳堵勦我勞彼逸必
須舟師撲勦追躡賊衆始知畏懼臣日接報文恨不
滅此朝食總因黃溫戰船盡遭失陷存寧船隻又屆
興修今工程報竣檣帆畢具自應出關操練速行搜
勦臣即密飭定海鎮總兵官牟大寅整齊官兵配駕
船隻并令就近各會巡海部臣布盾等驗明山關去
後今據該鎮塘報操練情形并勦殺賊衆得獲船隻
焚燬賊巢及焚逆賊候修船隻木版等情前來此謹

掩其不備少示創懲惟是海洋大島逆寇甚衆盤踞
飄突莫測狡謀現在舟師聞警迅擊軍機呼吸難拘
時日今春汛已和除臣密飭定海鎮一面將舟師
操練精熟一遇警息即便知會巡海部臣布盾等點
驗出洋俟有斬殺獲捷情形另行

題報外所有配船操練并不時裝擊機互相應

題明臣謹會同撫臣李本晟署提督事溫州鎮總兵官

臣陳世凱合詞密

題伏乞

皇上睿鑒施行

李文襄公奏疏卷九

操練戰船

三

康熙十九年二月初六日題奉

旨兵部知道

海洋擒賊獲船大捷疏

總督浙江等處地方軍務兼理糧餉兵部尚書兼都察院右副都御史正一品臣李之芳謹密

題為飛報官兵擒賊獲船大捷事據定海鎮總兵官牟

大寅呈報到臣該臣看得浙省海島逆寇懸踪飄突

莫測狡謀經臣

題明目今春汛已和密飭定海鎮將舟師操練精熟一

遇警息即便知會巡海部臣布詹等點驗出洋俟有

斬殺獲捷情形另行

題報等因在案今據定海鎮總兵官牟大寅塘報遵臣

李才襄公奏疏卷九

海洋大捷

四

密飭并會同巡海部臣布詹等遣發遊擊衛聖疇安

疆等駕船出關前至孝順洋遇有大夥賊船官兵並

戰打沉賊船十四隻燒燬賊船五隻陣斬偽參將董

權等偽官一十九員賊兵二千餘名生擒偽官兵共

一百餘名陣獲大小賊船一十五隻并獲器械偽印

劄等項塘報前來臣惟海逆狂逞沿邊將士擐甲枕

戈晝夜堵禦今戰船告竣仰仗

皇上天威出奇掩擊斬賊獲船大創逆氛官兵用命功勳

難泯除將在事有功人員并擒獲賊船跳船官兵職

名暨傷亡官兵現在確查容另造冊送部疏內不行

備載至於陣損船隻槓具并得獲賊船名色統俟查

明彙報外所有剿殺海賊獲捷情形臣謹密疏

題報伏乞

皇上睿鑒施行

康熙十九年三月十一日題奉

旨據奏遣發官兵擊敗海賊擒斬甚多得獲賊船器械可

嘉着議奏該部知道

李才襄公奏疏卷九

海洋大捷

五

請會勦海寇酌甯戰船疏

總督浙江等處地方軍務兼理糧餉兵部尚書兼都察院右副都御史正一品臣李之芳謹密

題為閩省逆氛已潰浙洋餘孽尚繁亟請乘時會勦并議酌甯戰船承與海疆事竊照浙省邊海重地前此承平之時原有額設戰船一百六十隻隨船哨船一百二十隻分泊寧台溫三區勢相犄角以備搜勦會哨之用不意康熙十三年間黃巖温州變亂二汛船隻盡皆失陷僅存定關孤艇為數無多其台溫連甯復額情由經臣於黃鎮現在缺員等事疏內

李文襄公奏疏卷九

會勦海寇

六

題明候錢糧稍充再行酌議等因在案迄今逆賊沿邊窺伺知我溫台無船懸旌忽出沒無常臣股飭各鎮將士操甲枕戈晝夜堵禦者已數載於茲矣雖一於康熙十四年二月間經前任定海鎮臣朱萬化等搜勦於沈家門等處再於康熙十六年二月內經原任水師提督臣常進功等搜勦於螺頭門等處終以賊眾船多不能制其死命頃者定鎮船工告竣臣於康熙十九年二月間密飭官兵出奇掩擊遂得於孝順洋斬獲奏捷以示大創但今寧屬之舟山紅峙山南田等處台屬之玉環橫山等處溫屬之鳳凰山雞

龜山大洋山茅簷山等處島嶼甚多賊徒恃為窟穴

勾聯盤踞若不亟圖翦滅誠恐日益蔓延沿海要區終難寧謐臣蚤夜等惟恨不滅此朝食前經臣咨會福建督臣姚啓聖等遣發舟師會合浙省官兵於康熙十八年五月間南鎮雙頭洞等處殺賊獲捷此時福建水陸之師專力漳泉因調到船隻無多未及大舉今福建海澄廈門金門等處俱經全定官兵戰船應有盈餘兼以浙洋餘孽聞風膽落之時乘此合勢會勦更與向日情形有間且浙閩連洋勢同唇齒福寧海道緊接温州前此猶以配駕無兵中間險阻為

李文襄公奏疏卷九

會勦海寇

七

慮茲幸閩省賊氛帖息乘風破浪瞬息可通會勦之舉時不宜失伏乞皇上勅部議調福建水師官兵分駕戰船一百號由閩洋直趨溫台浙省水師由定關會師夾擊將一切島窟迅掃無遺庶一勞永逸臣更有請者浙省台溫二區戰船前於失陷之時被會養性駕赴閩海臣於康熙十五年十月內曾經具啓大將軍康親王內開會養性既經受撫所有前此浙省溫台二區失陷戰船亟請查出歸還原標等因在案時因閩省用船未及還浙今全閩業已大定各項新舊戰船頗多浙省缺額

未補仰祈

皇上俯鑒浙省製造煩難准於會勦事竣之日即以前項
閩來戰船分泊溫台配兵守汛其閩來官兵徑由陸
地回汛事屬妥便總以

朝廷之戰船捍衛沿海之疆固在閩可免將來修船之煩
在浙可無目前成造之費於是寬物力而省錢糧一
舉而數善備矣臣從

國計封疆起見謹會同撫臣李本晟署浙江提督事溫
州鎮總兵官陳世凱合詞密

題伏乞

李文襄公奏疏卷九

會勦海寇

八

啓鑒

勅下該部速賜議覆施行

康熙十九年四月二十日題奉

旨兵部議奏

援閩回浙官兵循例陸續補伍疏

總督浙江等處地方軍務兼理糧餉兵部尚書兼都
察院右副都御史正一品臣李之芳謹

題為題明事康熙十九年四月十二日准兵部密咨為
閩省海逆廓清等事內開該議政王等會覆福督姚
啓聖題前事等因康熙十九年三月十二日題本月
二十九日奉

旨議政王貝勒大臣會議具奏欽此密封到部該臣等會
議得福建總督姚啓聖疏稱浙省原調官兵自當盡
數撤回早去一日早省一日錢糧今援閩官兵相應

李文襄公奏疏卷九

援閩官兵

九

照援浙官兵例一而具題請撤一而移咨起程等因
查該督既稱已將海賊剿殺恢復海澄廈門等島閩
省俱已底定應將自浙調來提督石調聲之兵撤回
浙江節省錢糧等因具題應如所題行令提督石調
聲率領官兵回赴浙江將頂募兵丁照數裁去聽該
督提等查汰通省各營老弱補入節省錢糧可也等
因康熙十九年四月初二日題本月初四日奉

旨依議欽此移咨到臣准此又案為請撤援閩官兵以期
節省錢糧以免士卒遠戍事准兵部密咨內開職方
清吏司案呈奉本部送密封內該本部覆江西巡撫

安世鼎題前事等因康熙十八年十一月二十日題
本月二十三日奉

旨這官兵隨征効力應撤回江南額外支給糧餉遇各營
缺少兵丁即將此兵填補以後有此等撤回効力官兵
亦應照此行着再定例具奏欽此密封到部該臣等再
議得江西巡撫安世鼎疏稱龍泉泰和等縣俱經新
添官兵安徽遊擊周時隆官兵一千五百名應撤回
還江南等語臣部議覆奉

旨欽此應俟周時隆等發回江南之時將官兵額外存留
准食俸餉官員俟本省有應補缺出臣部即行推補

李文襄公奏疏卷九

擬開官兵

十

其兵丁亦行文該撫鎮查汰通省老弱并缺額陸續
頂補仍將補過數目日期造冊咨送戶部查核千總
把總等聽該撫鎮等俟有缺出即行頂補嗣後撤回
効力官兵如有似此裁缺者俱照此例等因康熙十
八年十二月初五日題本月初六日奉

旨依議欽此移咨到臣遵奉在案今該臣看得浙省邊海
重地先於請

有事一疏部議浙省近海關係最要兵額宜增令招募兵
丁五千名按要緊地方分附各營約束俟調赴閩省
官兵回浙之日將此項再議裁減等因今准提督臣

石調聲咨稱所統旋浙官兵止係原帶提標并溫台
標營及現在援勦漳泉督撫杭嘉湖各標營官兵其
請防福建盆亭并光澤浦城等處浙屬官兵福督臣
未經議及帶回等因現在另疏請撤外目今援勦漳
泉官兵將次抵浙旋師之後自當遵照部文將前項
募兵裁去查汰通省各營老弱遇缺補入但浙省軍
興以來各營之兵或調援征勦或防禦險隘不啻幾
經挑選幾經訓練矣現在行伍者實多衝鋒川命之
人即間有患病開除事故逃汰者俱係隨缺隨補並
無空懸今令將新兵補入雖嚴行查汰勢必陸續需

李文襄公奏疏卷九

擬開官兵

十一

時斷不能以回浙之日盡數補額若將頂募兵丁裁
去住支糧餉此項兵丁之內有將援勦鎮各營舊兵
歸入充數者有精選強壯之人業經操練成旅者現
按緊要地方分撥防守若不安頓得所遠議住支則
此數千充伍之人一旦斷其口糧勒歸田里不無奸
勇疾貧之憂散於四方恐相結為患臣為地方起見
又不得不懇懇過慮也除臣一面嚴行查汰循照裁
去援勦鎮標兵丁之例陸續補伍務期安插得所以
副節省錢糧之至意再照臣標前後二營官兵案於
亟請安輯來歸官兵事疏內

題明部覆既稱見在會勘江西及入關未回其增設前
後二營官兵應俟該督標下各營官兵回來之日再
行議裁等因在案今既旋師是臣標前後二營官兵
相應裁減惟是戮力疆場遠戍隔省勞苦倍常案查
援勦江西官兵上厯

宸衷允其額外支餉遇缺填補奉有以後有此等撤回効
力官兵亦應照此行之

旨欽遵在案行間士卒無不歡呼雷動茲臣標前後二營
援閩官兵除叅將趙得壽守備王和等已陞補閩省
員缺外其守備任選等應遵

李文襄公奏疏卷九 援閩官兵

十二

題允近例額外存留准食俸餉俟本省有應補缺出即
行補用陸續頂募者也其叅將鮑輔仁守備龔堂等
係先經會勘江西叅將劉國翰等係先經防禦仙霞
及現在軍前事同一體應否照隨征効力之例相應
一併

題明聽部議奪臣謹會同撫臣李本晟署提督事溫州
鎮總兵官臣陳世凱合詞密

題伏乞

皇上睿鑒

勅部議覆施行

康熙十九年五月初三日題奉
旨兵部議奏

李文襄公奏疏卷九

援閩官兵

十三

請撤調防浦城官兵回汛疏

總督浙江等處地方軍務兼理糧餉兵部尚書兼都察院右副都御史正一品臣李之芳謹密

題為請撤原調援浙官兵節省糧餉事竊照康熙十三年間准兵部咨移調發京口隨旗綠旗官兵及兩路鎮標綠旗兵丁三千名并江南提標綠旗兵丁二千名令原副都統補福建提督臣段應舉統領來浙與總理糧餉侍郎臣達都等會商酌量策應所遺兵缺令募補足事平凱旋之日將補額兵丁仍額外留營等因奉

李文襄公奏疏卷九

浦城防兵

十四

旨欽遵在案自康熙十五年八月間大兵進閩准總理糧餉侍郎臣達都咨稱浙省官兵多隨大兵進勦溫台等處海疆多事需兵防勦將京松各營官兵仍應存浙等因其京口右營遊擊張弘弼官兵隨同寧海將軍固山貝子傅喇塔入閩即令駐防福建益亭等處臣以京松各營官兵調援日久浙寇平定即應撤回原營既以恒兵兼閩省餉案經啓請大將軍康親王承准諭開京口營遊擊張弘弼官兵一千員名現留防浦城等處要汛未便撤調其餘在浙京松各營官兵應行調回等因隨經臣

題明除京松各營官兵盡行撤回止將遊擊張弘弼所領官兵暫留浦城遵奉在案今該臣看得京口右營遊擊張弘弼官兵原係奉

旨同江南京松各營援勦浙省者也嗣因該營隨軍入閩留駐浦城又浙省閩寇初平臣以節省行糧起見將調援官兵具

題撤回原營時緣浦城界接三省餘孽未靖承准康親王諭令將該營留汛貼防以資策應今福建廈門等處海賊蕩平已經全定浙省援兵俱已撤回則京口右營官兵奔馳征勦戍守有年自應亟請撤回以省

李文襄公奏疏卷九

浦城防兵

十五

行坐兼支之費當經啓請康親王承准諭覆海島俱已平復地方寧靖張弘弼援勦官兵應准撤回聽該督具

題等因前來相應

題請將京口營遊擊張弘弼官兵一體調回江南庶援

師早歸本汛而行糧亦可節省矣臣謹密

題伏乞

睿鑒

勅部議覆施行

康熙十九年五月初三日題奉

旨兵部議奏

李文襄公奏疏卷九

浦城防兵

十一

請免故宦加徵銀米數目疏

總督浙江等處地方軍務兼理糧餉兵部尚書兼都察院右副都御史正一品臣李之芳謹

題為軍需方虞匱乏臣竝共當急公請

勅遣議通行勸諭宦圖地稅之法下不致擾民間上可仰
裕

國用事據浙江布政司布政使李士楨呈詳到臣該臣
看得浙省杭嘉等府屬原報宦產內有官員亡故子
孫並非舉監仕宦者其加徵銀米案經前任撫臣陳
秉直具

李文襄公奏疏卷九

故宦加徵

十七

題請豁部議康熙十五年十六年宦戶加徵銀二萬三

千餘兩米一萬六千餘石已經該撫照數徵收今十

七年何一年即亡故官員六百九十餘員其中恐地

方官捏報行臣嚴查官員亡故年月具

題遵即備行布政司嚴查去後茲據該司詳覆康熙十

五十六年宦戶加徵銀米較多者蓋因內有官宦已

故而產戶尚列故宦之名者作何分別徵輸案經前

任撫臣咨請部示部覆生員民地無容加徵此外不

論文武照會議不比百姓各項地畝槩行加徵等因

是以浙省遵照部行彼時止除生員民地外凡係歷

年故官田地亦俱盡數查報開徵此從前遵照部行故有如許加徵之銀米也嗣後每據各屬紛紛籲詳咸稱亡故官戶不能加徵復經前任撫臣咨部准部咨行官員真正已故子孫非係舉監仕宦者作速造冊具題再議等因是以前任撫臣將原報徵糧內歷年真正故官子孫非係舉監仕宦等戶一併彙冊

題豁是原係歷年所故之官非十七年已故官員有六百九十餘員之多也今嚴查各官亡故年月其在康熙五十六年并未奉文之先亡故官宦計五百一員在康熙十七年亡故官宦八十四員共五百八十九

李文襄公奏疏卷九 故官加徵 十八

五員名至部查六百九十餘員者蓋緣一縣之中產坐各里又有一人之名產坐各縣以致各里各縣戶名重列若按戶計算則有六百九十餘戶而按名合算實止亡故官宦五百八十五員也凡此委皆真正故官子孫並非仕籍實難加徵應請除豁以甦民困既據該司查明詳送各屬造報各官亡故年月細冊前來臣復嚴加查核無異除冊送部外臣謹具

題伏乞

勅部議覆施行

康熙十九年六月初八日題奉

旨該部知道

李文襄公奏疏卷九 故官加徵 十九

偽將軍劉天福等大鯨全旅歸誠疏

總督浙江等處地方軍務兼理糧餉兵部尚書兼都察院右副都御史正一品臣李之芳謹密

題為恭報偽將軍大鯨全旅歸誠仰祈

睿鑒事據溫州鎮總兵官陳世凱溫處道張有傑申報到
臣該臣看得浙省海洋沿邊二千里惟溫屬與閩接
界海島賊寇呼吸相通盤踞作逆實繁有徒內如偽
定北將軍劉天福偽左都督劉祖漢黃炎等各統大
鯨飄突窺伺使我將士枕戈擐甲東奔西馳疲於堵
禦者業經數載此誠諸逆之渠魁疆圉之大害也臣

李文襄公奏疏卷九

海寇歸誠

二十

百方籌畫冀弭邊患除密令定海鎮標舟師不時搜
剿又經

題請浙閩會兵合剿在案臣復頒發告示宣布

皇仁曉以禍福鼓以功名分行鎮道設法招徠去後今據
溫州鎮總兵官陳世凱溫處道張有傑報稱奉令差
員往返招撫今於康熙十九年五月十六日招到偽
定北將軍劉天福率領偽左都督劉祖漢黃炎并偽
都督副將參將遊擊都司守備千總及偽監軍按察
司同知通判等官共一百八十員偽兵二千餘名駕
船進關投誠一面安插溫州隨將劉天福等眾伴赴

臣軍前繳有偽定北將軍銀印一顆偽銅關防三十
七顆偽令諭劄付一百八十五張經臣逐一編賞稅
帽銀牌豬酒口糧路費等項開刺安插訖溫州鎮總
兵官陳世凱等協同文武各官捐資招撫隨征官軍
進廉等冒險宜勞功俱難泯惟是劉天福等擁鄭逆
名號久踞浙洋實係各島之領袖今既大鯨向化其
餘醜類不難勦撫仰祈

皇上嘉與向化

勅部將劉天福等并招撫人員從優議敘庶餘孽聞風革

而而各員咸知鼓勵矣其駕到投誠船隻據稱尚有

李文襄公奏疏卷九

海寇歸誠

二十一

後船未到除現行確查外應俟到齊查明是否堪用
另行彙報事關招撫海寇渠首大夥投誠除將招撫
在事人員開明履歷并投誠偽官兵花名繳到偽劄
付數目造冊送部外臣謹密

題伏乞

勅部議覆施行

康熙十九年六月二十一日題奉

旨據奏招撫偽將軍劉天福等率眾投誠可嘉着議奏該
部知道

請免追扣賞給官兵銀兩疏

總督浙江等處地方軍務兼理糧餉兵部尚書兼都察院右副都御史正一品臣李之芳謹密

題為題明賞給官兵銀兩仰祈

天恩特賜開銷以鼓兵心事據浙江布政司布政使李士

楨詳稱奉臣案驗康熙十四年八月十六日准戶部

密咨內開浙江清吏司案呈奉本部送奉

御前發下紅本該本部密覆浙江總督李之芳題前事等

因康熙十四年六月初八日題奉

旨該部議奏欽此欽遵於七月初四日密封到部該臣等

李文襄公奏疏卷九

賞兵銀兩

三

查得先經浙江總督李之芳密疏稱臣於解發開餉

十五萬兩內雷銀六萬兩於衢州備兵餉支用內有

製造軍器者應於軍器案內銷算外有預給通省滿

漢官兵一月俸餉者另疏會題又賞恤官兵仰荷

天恩許臣造冊報部核銷等因臣部議覆支給官兵俸餉

銀兩並未開明細數無憑查核行文該督作速開造

細冊具題到日再議又製造軍器賞給官兵銀兩燕

檀動之例請

勅該督照數補還以濟軍需等因具題奉

旨道製造軍器賞給官兵銀兩着俟造送細冊到日一併

再議具奏欽遵行文去後今據浙督李之芳密疏稱上

年逆警初聞人心搖動實有叵測之勢臣與已故將

軍圖喇原任撫臣田逢吉夙夜籌畫有可以固結軍

心裨益封疆者行之惟恐後時公議通省滿漢綠旗

官兵俱預給俸餉一月諭以勉力立功即作賞賚不

於月餉扣除嗣後部議不准動支既不敢請銷又無

從抵補若不題請開銷必須扣除月餉但當此用兵

之際如將已給之賞復行扣除所損於公帑者小而

所係於兵心者大仰懇

天恩俯念倉猝震動之時賴此鎮定人心實為封疆起見

李文襄公奏疏卷九

賞兵銀兩

三

權宜急著非常格可拘特弘曠典准予開銷等因會

同巡撫陳秉直具題前來除製造軍器等項銀兩應

俟該督造送細冊具題到日再議外查備賞官兵銀

兩先經浙撫田逢吉請動支正項錢糧具題臣部會

同兵工二部議覆將士立功理應酌賞無功之人不

便置賞如有立功之人彼時稿賞具題在案今該督

何得不論有功無功將通省官兵俸餉預給一月相

應請

勅該督撫將此項賞給銀六萬二千三百二十三兩六錢

零於康熙十四年支給月餉內陸續半年之內照數

扣抵再查該督前題疏內稱雷衛銀六萬兩預給通
省滿漢官兵一月俸餉并製造軍器賞恤官兵等項
支用今總督李之芳疏稱預給通省官兵一月俸餉
一項共銀六萬二千三百二十三兩六錢零此前雷
用銀兩數多此銀六萬兩既俱支給俸餉其製造軍
器等項用過何項銀兩該督並未聲明應行令該督
查明造冊具題之日再議等因康熙十四年七月十
六日題本月十八日奉

旨依議欽此欽遵密封到部移咨到本部院准此為照賞

給通省滿漢官兵一月俸餉計銀六萬二千三百二

李文襄公奏疏卷九

賞兵銀兩

二十四

十三兩六錢零係本部院與前任圖將軍前任田撫
院會議公同頒給至於解發閩餉十五萬兩內雷銀
六萬兩於衢州軍前備用先經為軍中有刻不可少
之需等事一案特疏

題明奉

旨着俟造送細冊到日一併再議具奏今本部院已行該
司核造細冊另疏題覆原係兩案與此案不侔今准
部咨將先經具

題為軍中有刻不可少之需等事一案所用銀數即作
為此案銀數因查前後題報數目不符并令於月餉

內照數扣抵移咨前來合行知照仰司即將賞給滿
漢官兵一月俸餉銀六萬二千三百二十三兩六錢
零於月餉內作速照數扣抵明白具文詳報以憑
題覆等因奉此遵即轉移各標鎮協營查照扣抵去後

今准標鎮協營各移刊司該本司看得康熙十三年
三月間閩省突變浙壤震驚斯時人心風鶴皆無固
志惟賴官兵進戰退守蒙本部院與前任圖將軍前
任田撫院籌畫加賞各營官兵一月俸餉收拾人心
修整器械以備戰守之用乃自加賞之後果皆懽聲
雷動感激効命如金衢台州等處賊寇臨城得將士
奮勇堵禦固志堅守幸獲保全而仙居太平黃巖等
縣以及溫處一帶地方相繼恢復從此軍心不振敵
人喪膽仙霞關省一鼓平復固

朝廷歷年養士卒之

弘恩人心忠義奮發然亦加賞鼓勵之成效也今奉部行
此項賞給銀兩於支給月餉內扣除內有領賞之後
相繼失陷如黃溫平陽等鎮以及溫處黃巖城守樂
清瑞安太平大荆寧村磐石等營無從查追外其餘
現在各標營本司諒念錢糧匱絀遵經通移追扣去
後茲據移覆復蒙撫院批詳到司皆言不能追扣之

李文襄公奏疏卷九

賞兵銀兩

二十五

故備稱浙省自閩疆變叛以來各營將士征調蕪休
枕戈沙場寄命鋒鏑恢復疆土平定浙閩功實不小
再各營官兵或勇往殺賊殞命於疆場者或經年對
壘寒暑交侵相繼病故者其名履節次詳報開除此
又從何追扣其餘見在官兵或隨征戍守海疆或調
遣防禦隘口尚在用命亦皆出於萬死一生之下何
忍以其見存之官兵而獨追扣乎孔所需防勦衣食
與養贍家口惟賴此月餉今若一旦追扣則死者固
不可問而生者亦必向隅若先以事急則加賞今以
底定則扣追不惟有悖

李文襄公奏疏卷九

賞兵銀兩

三六

朝廷愛養德意抑且非以鼓舞兵心即從古所有挾纜投
醜之舉莫非加賞豈謂虛事以此論之實情有所不
忍勢有所不能行者也今據各鎮營移覆前來擬合
詳請本部院俯念窮兵連歲沙場捐軀報

國保固浙省克復閩疆其功不小其賞亦應免追伏祈

恩賜具

題請銷則存歿三軍咸沐

皇恩於蕪既而所關激勸鼓勵更非淺鮮矣等因詳奉本
部院批官兵用命征勦勞苦堪憫且死亡過半前項
賞資委難追扣但案准部文令於月餉內扣抵自應

作速扣還據詳應否免追仰再確議另詳速報等因
批行到司奉此復經轉移各營扣追去後今准各營
移覆到司該本司布政使李士植覆看得康熙十三
年閩疆告變事出倉猝浙省勢切震鄰人心風鶴莫
有固志斯時惟有鼓勵士卒為

國家用命乃第一急務本部院惟懼遲籌早見及此會
同將軍撫院公議通省滿漢綠旗各營官兵一體賞
給俸餉一月用以固結軍心激發忠勇俾之安頓家
室修整甲械以備戰守一自賞給之後果能感恩効
命戮力禦侮或保固危城或攻克淪土皆百戰沙場

李文襄公奏疏卷九

賞兵銀兩

三七

捐軀報

國一鼓而奪仙霞定入閩功莫大焉雖

朝廷養養之恩施於平日而猝遇事變同志立功不可謂
非加賞鼓勵之成效也語云重賞之下始有勇夫况
當危急之際原非常格可拘今奉部文將此項賞給
銀兩於支給月餉內照數扣抵本司遵即通移各標
營照數扣除去後茲准各營節次移覆皆言不能扣
追之故念自閩省叛亂浙地雲擾各營將士征調不
時隨處攻勦寄命鋒鏑建績疆場實係賞當其功豈
非無功溢賞况滿漢官兵自由征以來或臨敵赴難

或疾病傷亡此等官兵尙當優恤已不能起白骨而問之卽見在官兵有隨征閩海調防各汛尙在用命所藉月餉以資飽騰今若以給過之銀而於見餉內追扣能無呼庚癸而糜士氣乎且查滿漢

禁旅從京出征者皆荷

皇恩預給賞資每名一二十兩不等莫非鼓勵之意若浙省所賞以滿漢官兵一月之餉每名不過一二兩費朝廷涓埃之惠而收地方底定之功一旦復欲扣除是國家用兵則同官兵用命亦同而

恩典獨異更非

李文襄公奏疏卷九

賞兵銀兩

壬八

廟謨軫恤同仁之意此扣追之議行於今日非惟事有所不便亦勢有所不能行也既經各鎮協營節次會覆相符合再詳請本部院俯念邊海窮兵數年盡瘁平定浙閩皆係有功之人宜有應得之賞不爲濫及仍賜具

題請銷免扣作三軍之氣而廣一視之仁俾人人知所勸勉其感激奮勵豈何如耶等因到臣該臣看得閩變初聞逆氛震動斯誠地方危急之時必須官兵先有固志威奮圖報而後戰守可恃故臣與前任將軍臣圖喇前任撫臣田逢吉公議預給通省官兵俸餉

一月共銀六萬二千三百二十三兩六錢零勉以立

功卽作賞資蓋合滿漢綠旗官兵而均行酌給者也當此征勦方興之際查爲餉糧衣裹有裨急需以故滿漢各營遣調勦禦用命爭先遂成勁旅是亦鼓勵之明效也臣先將權宜急著難拘常格情由具疏

題請開銷部議令於支給月餉內陸續照數扣抵奉

旨各行到臣隨行布政司遵照去後據該司詳覆移准各標鎮協營備稱當日官兵領給賞資之銀卽時濟用捐軀報効俱立戰功且有死亡事故日久開除見在之兵已非原伍勢難扣追詳請

李文襄公奏疏卷九

賞兵銀兩

壬九

題銷前來臣復遵照部文批行扣抵據該司覆詳無異臣惟當日事勢實與承平大不相同當機應變關於呼吸兩浙爲東南重地

朝廷數百萬錢糧皆由此出必不靳此六萬餘金以鼓滿漢官兵之士氣故臣與將軍巡撫諸臣毅然行之今仰仗

皇上天威疆圉底定滿漢各營兵丁皆百戰僅存之身咸有邀

恩過望之念若將見支之月餉扣抵從前之賞資無論陣亡事故者不可復問卽見在官兵扣一月之餉卽缺

一月之食游邏窮成勢難枵腹因而各營米口哀籲紛紛請節雖嚴行扣抵而軍心傍徨呼號彌切實以勢所難行况前項銀兩總出於追回闔餉十五萬兩數內僥失復得藉以鼓勵衆心有闕

國計仰祈

皇上俯鑒通省滿漢綠旗官兵捍禦封疆底定地方著有功績將所賞一月俸餉特弘

曠典准免扣追在諸將士感奮歡呼益當效死燕旣矣至

部議內開前疏稱雷銀六萬兩今疏稱六萬二千三百

百二十三兩六錢零比前雷用銀兩數多者因前銀

李文襄公奏疏卷九

賞兵銀兩

辛

六萬兩係爲軍中有刻不可少之需等事一案具

題臣據布政司造冊見在另疏

題覆外至此案內銀六萬二千三百二十三兩六錢零

係屬兩案彼此數目原不相同再查內有給賞滿洲

官兵并督標衛協官兵一月俸餉銀四千六百九十

八兩六錢三分八釐又係即於軍中有刻不可少之

需等事六萬兩案內動支給賞擬合一併聲明臣謹

會同撫臣李本晟合詞密

題伏乞

勅部議覆施行

康熙十九年八月十八日題奉
旨該部知道

李文襄公奏疏卷九

賞兵銀兩

辛

彙報招撫投誠總冊疏

總督浙江等處地方軍務兼理糧餉兵部尚書兼都察院右副都御史正一品臣李之芳謹

題為招撫統仗

皇威安插業已告竣謹據冊彙疏

題報仰祈

勅部議敘以昭鼓勵事據浙江布政司布政使李士楨詳稱閩變以來禍延浙省勾聯煽惑偽劄嘯聚實繁有徒自非勦撫竝用散其羽翼未易奏功如浙屬衢金嚴寧台溫等處并鄰境海島各偽官兵分踞險要聯

李士芳奏

投誠總冊

三

結山寨無不稱立名號互相倚角荼毒生靈實為地方大害蒙本部院多方指畫廣示招徠或開誠布信示以安全或冒險差員特申禍福或倒戈於對壘或自拔於逆管者不可勝計迨斬關克敵崇山遂谷蟻結蔓延又復設法開導始激賞於先歸後相繼而革面至於鄰封遺孽海島餘氛又必諭示頻頒告誡再切然後絡繹歸命在本部院殫心畢慮解散消弭而在事奉委人員亦皆恪守凜遵不憚勞苦因此各偽官兵傾心感激陸續來歸除隨便分發安插外其赴本部院軍前納款者俱蒙賞給袍帽銀牌口糧路費

等項分發効用入伍歸農安插訖今據各官將安插

過偽官花名偽兵數目并招撫在事人員造冊前來本司查各案投誠有先經具

題已經造冊送部議敘今無庸重造者有先經具

題未經造冊送部今現在彙冊同送者有陸續招撫應彙案具

彙案具

題今一併彙冊造送者遵俱逐一明晰造冊并另備簡

明總冊現在詳請本部院具

題送部議敘庶在事人員冒險宣勞俾得均沾錄功之

典等因到臣該臣看得浙省向遭閩變衢溫台處四

李士芳奏

投誠總冊

三

府首當賊衝金嚴寧紹一帶寇氛四佈奸宄之徒所在叢起臣謬膺重寄督飭文武將吏勦撫兼施多方招徠臣具有恭報招撫情形等事前後兩疏具

題仰邀

皇上俯鑒俱奉有悉心籌畫可嘉之

溫綸有功人員事平議敘之

俞旨欽遵在案繼而大兵前進此時偽授名號盤踞山谷

者不可勝計且江右鄰氛出沒岐界海島遺孽突犯

不常臣殫竭心力設法消弭凡賊中名目最著者臣即給以諭帖開示禍福分頭往招各皆傾心革面再

如溫區逆衆相率輸誠臣隨具有微臣設法招徠等
事一疏及溫州全府恢復等事一疏各經

題報奉

旨在案此外臣或遴選人員冒險開導或宣布誠信務令
安全使屯聚逆黨早得解散一日地方百姓早得舒
困一日故不敢靳惜犒資以示鼓勵然後各偽官兵
感泣向化陸續來歸除大將軍康親王暨撫提各臣
題報不計外凡經臣

題報者共投誠偽官三千餘員偽兵人等一十一萬二
千二百餘名又陸續招撫偽官三千二百餘員偽兵

李文襄公奏疏卷九

投誠總冊

三四

五萬三千三百餘名通計招撫過偽武職將軍都督
總兵副參遊都守千把等官偽文職兵部總督道府
等官共六千二百餘員偽兵人等共一十六萬五千
五百餘名所有偽勅印劄除繳送各衙門先經臣繳
送兵部并投誠各官出山之日焚燬不計外現在陸
續繳送軍前者偽勅三道偽令諭劄付牌檄等項
共五千五百餘張偽封袋七百九十餘箇偽印一百
八十九顆前將招撫投誠偽官兵除造冊送部議敘
外尙有未經造冊送部者案經臣於恭報招撫情形
等事疏內備開招撫有功人員投誠偽官花名并入

伍歸農及繳到偽劄俟安插定日容逐一查明造冊
另疏

題明在案凡此投誠官兵皆易動難安之人若使其聚
食衆多不但糜費錢糧且慮別生意外故當其來歸
先加厚賞撫慰歸農必給途費總以立時解散為主
其情願收標者大約皆不便歸農之輩勢不得不准
其効用入伍加意約束以馴服其叵測之心以故隱
患漸消羣疑盡渙是皆仰賴

皇上天威使兩浙人民重登衽席也今據布政司備將招
撫安插數目并在事人員繳到偽勅印劄開造總冊

李文襄公奏疏卷九

投誠總冊

三五

及細冊前來臣惟在事道府等官奉臣飭行格勸後
輯在事員役齎諭往招著有功勤其與成例相符者
難以泯沒除將各冊送部外仰祈

皇上勅部分別議敘以示鼓勵至繳到偽勅劄付爲數甚
多一面彙發布政司收貯解部其繳到銀銅錫偽關
防印信臣并發布政司貯庫應否照兩廣例就近銷
燬止將銀銅錫斤兩報部以免驛遞之繁統俟部奪
臣謹具

題伏乞

皇上睿鑒

勅部議覆施行

康熙十九年八月十八日題奉

旨該部知道

李文襄公奏疏卷九

投誠總冊

三六

稟報剿殺逆賊恢復城池疏

總督浙江等處地方軍務兼理糧餉兵部尚書兼都察院右副都御史正一品臣李之芳謹

題為稟報剿殺逆賊恢復城池事案於康熙十六年正月初五日永准奉命大將軍和碩康親王諭開准兵部咨該臣等議得奉命大將軍和碩康親王疏稱遣發滿漢官兵於大溪灘曹平關等處剿殺逆賊恢復江山常山二縣直取仙霞嶺浦城等語奉

旨覽王奏親統大兵進剿逆賊指授都統賴塔副都統胡圖等方畧於大溪灘曹平關等處擊敗賊衆斬殺甚多

李文襄公奏疏卷九

稟報剿殺

三七

焚燬賊營恢復江山常山二縣乘勝直取仙霞嶺招撫投誠偽副將王明庫等沿途斬殺逆賊恢復浦城縣安撫百姓得獲偽印劄查甲器袍甚多具見王殫心籌畫調度有方勦撫並用將士奮勇激為可嘉在事有功人員着從優議敘具奏兵部知道欽此將滿洲有功官兵俟回京之日議敘外查得總兵官黃大來等於大溪灘等處勦殺逆賊恢復江山等縣應議敘但未造清冊送部不便遽議移咨奉命大將軍和碩康親王轉行浙江總督將在事有功人員確造清冊送部之日再行議敘可也查得康熙十四年十二月議政王等

會議具

題一疏內稱投誠各官仍照定例部議給劄必致壅滯不得錄用嗣後各處統兵大將軍將軍等諒投誠各官功勞之大小酌給劄付簽大將軍將軍等印遇缺之缺仍行報部等因通行在案今投誠偽副將王明庫等大將軍康親王已經酌量加銜給與劄付毋庸再議於康熙十五年十月二十四日題本月二十六日奉

旨依議等因到本親王合行諭知為此特諭到臣承此該

李文襄公奏疏卷九

彙報勅諭

三八

臣看得衢州係入閩咽喉而大溪灘一路尤係賊管扼截之要害也是時閩逆精銳之卒畢集衢郡江山常山等縣悉淪賊境故必先破河西之勁敵而後各路諸賊不難瓦解臣是時察審形勢迤南則江山迤西則常山皆可間道截其糧運斷其歸路我兵一進賊必首尾受敵勢不能仍保巢穴便可長驅入閩止因兵力不敷先於逆賊負固日久等事請調鄰省官兵疏內備陳進勦機宜

題明在案嗣蒙大將軍和碩康親王於康熙十五年八月十四日統師至衢遣發官兵臣復督飭綠旗標營

直搗大溪灘賊營使彼首尾中斷方克制勝而滿漢官兵仰藉

皇威奮勇前進先取大溪灘營盤收復江山縣扼賊後路一面從河西進勦恢復常山縣軍聲自此大振直取仙霞關偽副將王明庫等相率來歸得獲險要克復福建浦城縣經大將軍康親王具題奉有將士奮勇撲為可嘉在事有功人員着從優議敘具奏兵部知道之

旨欽遵諭臣造冊送部議敘隨行據領兵鎮將各員造報

履歷內因提閩官兵相距遙遠造報難齊今始旋浙

李文襄公奏疏卷九

彙報勅諭

三九

逐一查造前來惟是衢州歷年死拒之寇懸營列寨僅隔一河臣身行在行間督勵各鎮將大小百餘戰毒不捐軀用命自大溪灘獲捷恢復江常賊氛潰遁由此各路逆眾聞風瓦解實賴

朝廷威靈大將軍勝算其在事人員功績亦皆昭著難泯前康親王疏內所報獲捷情形在事綠旗有功人員例難備載於領兵各官之下開列等字又臣於題報疏稱其各官兵獲捷功次容核明另報誠以二戰之功未便遺漏先為聲明在案伏乞

皇上勅部將冊內人員一體從優議敘庶立功將士獲邀

信賞威知激勸矣除將在事各員經臣逐一覆核彙

造履歷清冊揭送兵部核敘外相應

題報臣謹具

題伏乞

皇上睿鑒施行

康熙十九年十二月二十五日題奉

旨兵部知道

李文襄公奏疏卷九

彙報勳敘

四十

送事平議敘各案功績冊疏

總督浙江等處地方軍務兼理糧餉兵部尚書兼都

察院右副都御史正一品臣李之芳謹

題為欽奉

上諭事該臣看得浙省痛遭變亂衢溫處三府首當賊衝

而杭紹寧台金嚴等府賊寇四出臣同平南將軍都

統臣賴塔仰遵

廟算統領官兵抵遏重敵分頭堵禦凡一應進剿機宜與

保固地方收拾人心臣皆晝夜兼行不遺餘力幸藉

皇上天威將士用命屢著捷功迨大將軍和碩康親王與

李文襄公奏疏卷九

送議敘冊

四十一

寧海將軍固山貝子傅喇塔相繼抵浙軍聲不振案

將各路獲捷情形俱經逐疏具

題荷蒙

皇上隆恩屢畀調度有方之

天語勗勵微臣欽遵事平議敘之

恩綸鼓舞將士無不感激涕零奮身圖報以故逆氛不旋

踵而殄滅此皆

煌煌上諭時切軫念之

宸衷格於遠邇也案照康熙十四年間蒙

皇上軫念綠旗官兵効力勦賊固守地方特奉

上諭議敘加恩臣欽遵案將奉

旨事平議敘各案在事有功人員造冊送部其尙在行查

竝續後各案功績經臣

題明容另造冊送部在案嗣蒙我

皇上軫念勞績凡奉

旨事平議敘者俱令察明功次卽行議敘准部咨行造冊

臣通行曉諭一面備行各標鎮協營造報清冊內因

援閩官兵相距遙遠一時不能取齊今始旋浙核造

前來臣復加確核備造履歷清冊除揭送吏兵二部

核敘外相應

李文襄公奏疏卷九

送議敘冊

四十一

題報臣謹具

題伏乞

皇上睿鑒施行

康熙十九年十二月二十五日題奉

旨該部知道

請開復象山營都守各官疏

總督浙江等處地方軍務兼理糧餉兵部尙書兼都

察院右副都御史正一品臣李之芳謹

題爲窮弁無俸堪憐年久例邀開復臣謹據詳

題請以勵後效事據浙江布政司布政使李士楨呈詳

等因到臣該臣看得象山縣於康熙十四年八月內

因該協副將羅萬里從逆失陷部議將都司會書高

昌守備張秉乾楊升千總郭進德張瑞劉之升鄭泓

把總聶大標楊虎劉有功周進功張悌李振均應革

職免其應擬之罪仍留原任立功贖罪內郭進德已

李文襄公奏疏卷九

開復各官

四十二

補定海鎮標守備鄭泓現補千總亦准各留陞任立

功贖罪等因於康熙十五年二月初四日奉

旨依議欽遵在案今除守備張秉乾已經陣亡守備楊聲

千總鄭泓先後病故俱無庸議外至都司會書高昌

守備郭進德千總張瑞把總張悌李振等均立有功

績經臣具

題開復部議高昌等所行之處不大不足以抵罪

題請開復之處應無庸議等因隨行遵照在案今據定

海鎮總兵官牟大寅黃巖鎮總兵官林本直及象山

協副將汪國祥復詳都司會書高昌守備郭進德于

總張瑞劉之升把總聶大標楊虎劉有功周進功張
悌李振自任俸以來已經五載有餘防禦險汛備極
勞苦且高昌等在營或久至六七年不等甚有二十
餘年者若再淹滯不邀升斗之祿不幾老斃疆場終
難陞轉因援三年無過之例呈詳請開復批行布政
司查覆前來臣惟武弁戴罪圖功乃

朝廷令其改過自新之典若必軍功方准開復今地方已
定衝鋒血戰事不恒有終身幾無開復之期故戴罪
圖功一條又開有三年之內地方寧謐并無罪過亦
准有題請開復之例今都守千把各官高昌郭進德

李文襄公奏疏卷九 開復各官 四十四

等十員自奉

旨任俸以來已逾三年之外咸能奮勉圖報克盡厥職現
今常俸停支枵腹從事邊海窮員實堪憫惻今既據
該司查議與例相符擬合

題請開復以廣

皇仁以鼓後效者也臣謹會同撫臣李本晟提督臣石調
整合詞具

題伏乞

勅部議覆施行

康熙二十年五月二十四日題奉

旨該部議奏

李文襄公奏疏卷九

開復各官

四十五

請補黃巖鎮額馬疏

總督浙江等處地方軍務兼理糧餉兵部尚書兼都察院右副都御史正一品臣李之芳謹

題為請循原鎮舊制加撥額馬以資馳剿以固邊防事

據浙江布政司布政使李士楨呈詳到臣該臣看得

黃巖鎮營制原額馬一步九戰三守七共戰守兵丁

二千九百五十名戰馬二百九十五匹此係前經

題定并於歷年季報冊內開造達部在案至康熙十五

年間緣浙省設立水師提督尚在募兵未足適黃巖

總兵官鮑虎病故亟資重臣彈壓臣遂將黃巖鎮標

本文裏公奏疏卷九

請補額馬

四十六

官兵改為水師提標庶可兵不別募餉不加增技之

另設水師提標歲費糧餉所省實多臣於黃巖鎮現

在缺員等事一疏

題改為水師提標因照水師營制存馬一百匹將餘馬

撥入各營補額此當日改鎮為提之始末也今復設

為黃巖鎮是仍以原舊之鎮標復還原鎮之舊制實

非原係水師提標今始改設為鎮標也先據鎮臣請

復鎮標缺額馬匹詳臣

題請部覆黃巖鎮標兵丁乃係水師提標原額其請補

設缺額馬匹之處仍無庸議等因隨行遵照在案茲

復據鎮臣林本直激切呈詳又准提臣石調聲循例

咨會臣行據布政司議詳前來查黃巖鎮營制歷設

已久前者水師提標原從黃鎮改設今茲水師而復

黃鎮仍係以鎮復鎮實非水師提標原額也在當日

改設水師提標原無陸營之責故止留馬一百匹今

復設為鎮標現轄寧波象山寧海台協黃巖太平陸

汛延袤七百餘里遇警策應惟馬是需職掌既與水

師不同營制又非水提原額馬匹自應照舊復設况

現今浙省溫州平陽定海三鎮俱係馬一步九黃巖

通臨濱海邊汛延長四鎮經制事同一例戰馬誠難

本文裏公奏疏卷九

請補額馬

四十七

獨缺既據該司議詳前來除水提原額暫留兵四百

五十名臣見在另疏裁撤外其所缺經制額馬臣從

防勦海疆起見謹再疏

題請仰祈

皇上勅部將黃巖鎮標缺額馬一百九十五匹仍照原制

補設庶戰守有資所裨營務匪淺矣臣謹會同撫臣

李本晨提督臣石調聲合詞具

題伏乞

勅部議覆施行

康熙二十年七月二十七日題奉

有兵部議奏

李文襄公奏疏卷五

請補額馬

申入

請撤水師提標暫留兵丁疏

總督浙江等處地方軍務兼理糧餉兵部尚書兼都察院右副都御史正一品臣李之芳謹

題為

請撤暫留兵丁以節省餉事據浙江布政司布政使李士楨呈詳等因到臣該臣看得浙省於康熙十五年間將黃巖鎮改設水師提標增為四營兵技鎮標多添四百五十名共計戰守三千四百名馬技鎮標裁減一百九十五匹止存一百匹後水師提標仍復為黃巖鎮隨將原兵二千九百五十名歸入經制原額

李文襄公奏疏卷九

撤暫留兵

四十九

馬止將現在一百匹改入鎮標經制額馬迄今未補維時有餘剩兵丁四百五十名因沿海寇氛狂逞汛廣兵單分佈不敷經臣

題明暫留分禦要汛俟海寇稍平再議裁汰等因准有部覆如臣所

題奉

旨依議欽遵在案嗣查海口戶部郎中臣布詹等聞視沿海目擊險要在在需兵移臣撥發分防幸各安堵但前項兵丁原係暫留又當酌量情形以圖節餉臣隨移戶部郎中臣布詹等復撤布政司查議詳覆前

來臣惟近日浙洋餘氛出沒毒瘴沿海各營汛瞭報賊踪飄忽無定備禦固不容少弛然技之渠魁劉天福劉致等未經歸順以前大踪巨夥分頭窺犯之形勢似不相同雖暫留兵丁為數無幾未免多一兵即糜一兵之餉當此

朝廷軍興浩繁之時安敢不力行節省相應將前項餘兵四百五十名

題明裁撤陸續查汰補伍使有歸著至邊海緊要各汛臣當與撫提各臣綢繆調度嚴飭各鎮營官兵加謹防禦相機勦撫以固封疆者也臣謹會同撫臣李本

李文襄公奏疏卷九

撤營官兵

五十

展提督臣石調聲合詞具

題伏乞

勅部議覆施行

康熙二十年七月二十七日題奉

旨該部議奏

請復楓嶺營浙閩分轄舊制疏

總督浙江等處地方軍務兼理糧餉兵部尚書兼都察院右副都御史正一品臣李之芳謹密

題為仙霞係全浙咽喉請復舊時營制增補現在官兵以固險要以重責成事據浙江布政司布政使李士楨詳稱看得仙霞一關浙閩要隘先係順治十一年間奉前任浙閩劉邵院於要地議設專營事案內

題請設立楓嶺營在衢郡江山縣念入都地方浙閩接壤緊要之處設遊擊一員守備一員千總二員把總四員兵一千名浙閩各設兵五百名分防即於浙閩

李文襄公奏疏卷九

楓嶺營制

五十一

各支糧餉後因康熙九年為財賦盡糜於兵餉等事案內奉部將楓嶺營在浙食糧兵五百名算入福建經制數內此後俱歸閩省支給糧餉調度不屬浙省統轄矣迨十三年變起倉猝浙省聲息不通要地早為賊踞者弊實由此及經恢復荷蒙奉命大將軍康親王統兵入閩相度仙霞險要論令復勦鎮李總兵統兵駐防及援勦鎮奉裁蒙本部院又另撥官兵專防迨援閩督標後營官兵回浙即撥後營官兵分防因而數年以來鄰寇竊發餉藉經臨得保無虞是以營將有復設專營之請也今本司查循屬界臨江右

接壤閩疆其仙霞一關最稱險要西聯處屬龍泉遂昌兩縣其間如柱溪周公源口黃皮山等處又東聯玉山永豐兩縣地界其間鷄公山封禁山子午口猴嶺八仙洞等處向稱盜藪出沒仙霞一帶烏道叢雜處處可通此係上游重地非特設專營控制不可第目今需餉浩繁其官兵若另行創設復恐多費錢糧查援閩督標後營官兵原奉部文照例額外留浙准食俸餉遇缺補用今現存官兵五百餘員名相應補入楓嶺營其營制仍照舊管轄庶兵不加增浙閩各有責成而全浙門戶得以永固誠為計慮深遠策之

李文襄公奏疏卷九

楓嶺營制

五十二

至便者也伏乞特賜具

題等因到臣該臣看得浙省上游重地界臨閩江莫重於三衢而衢之險要特為咽喉門戶者又莫重於仙霞一關蓋其山勢險峻旁通各屬伏莽易於嘯聚是以順治十一年間經前任督臣劉清泰

題設楓嶺營制駐劄浙省江山縣念八都地方分防浙閩內遊擊一員千總一員把總二員兵丁五百名入浙江營制俸餉歸浙支給又守備一員千總一員把總二員兵丁五百名入福建經制俸餉歸閩支給迨康熙九年為財賦盡糜於兵餉等事案內部議將浙

兵五百名撥入閩省自此於浙不相統轄至康熙十三年閩中變亂楓嶺官兵不屬浙省所管以致仙霞天險反為賊踞聲息不通寇兵遂得深入仰賴

朝廷天威掃蕩恢復大將軍康熙親王統師征閩目擊仙霞險隘隨諭浙省官兵駐守茲據營將具詳批行布政司查議前來又准福建督臣姚啓聖移咨三省總要之區應設官兵駐防誠有見於交界重地岐路叢雜幅頓遼闊惟恐奸徒乘虛竊發變亂之後不得不計慮周密也臣惟衢屬念八都仙霞等汛皆係浙省地方若徑聽閩省官兵駐劄防守一應稽察節制事宜

李文襄公奏疏卷九

楓嶺營制

五十三

浙省皆不得與無論萬一地方失事難於責成查奏卽地方無事督護餉鞘稽查奸宄一切職掌汛守均屬未便况閩省處外浙汛在內從來守關之法自應從內以控扼於外未有反藉他兵自外而遙制於內者為今日地方綢繆之計自應為浙閩永遠之謀當此需餉浩繁若於浙省添營或增額募兵均非所以節省糧餉查臣標後營守備任選等官兵援閩並戰効力疆場部議照例額外留浙准食俸餉遇缺補用奉

旨依議欽遵在案臣請將楓嶺營循照舊制兩省分轄仍

為浙閩楓嶺營將現存援閩臣標後營官兵五百員名增入該營經制分為左右兩營其中守備改為左軍守備并千總一員把總二員兵丁七百五十名於閩省支餉增設守備一員為右軍守備并千總一員把總二員兵七百五十名於浙省支餉其遊擊一員兼聽兩省節制仍於浙省支餉至於增設右軍守備一員臣

請即以守備任選補授如此則汛守各有專責職掌不致

兩岐且卽以現在支餉之官兵補人需兵之重汛兵不另募餉不加增其於鞏固三省要地實有攸賴矣

李文襄公奏疏卷九 風嶺營制 五十四

臣謹會同撫臣李本晟提督臣石調聲合詞密

題伏乞

勅部議覆施行

康熙二十年七月二十七日題奉

旨兵部議奏

賞給官兵銀兩委難追扣疏

總督浙江等處地方軍務兼理糧餉兵部尚書兼都察院右副都御史正一品臣李之芳謹密

題為題明賞給官兵銀兩仰懇

天恩特賜開銷以鼓兵心事據浙江布政司布政使石琳呈詳據各標鎮協營移稱等因到司該本司布政使石琳看得給發官兵月餉一案康熙十三年間因閩逆變叛浙省震驚當時急圖保固封疆安全民命厲兵秣馬之秋全在格外鼓舞收攝將士之心使之奮勇克敵為

李文襄公奏疏卷九 委難追扣 五十五

國家用命蒙本部院與前任圖將軍前任田撫院公議籌畫給賞通省滿漢綠旗各營官兵一月俸餉共銀六萬二千三百二十三兩六錢零賴以固軍心而發忠憤安家室而整甲械俾士卒同心戮力恢復疆土此一月之賞實繫全省之安危今浙閩大定功莫大焉先將前賞之銀已於康熙十三年地丁

奏銷冊內造報開銷在案屢奉部文扣抵在部臣職掌司農不得不為漢求但當日賞賚實關闔外機宜今復於見支月餉內扣抵本司遵卽移行各標鎮協營去後除江南提標右營狼山營俱經回汛無從扣追

外今准滿漢各標鎮協營覆稱皆以賞賚官兵事在
康熙十三年間距今業已八載當日領賞原人或
對壘衝鋒捐軀陣亡者或有陞調他省無從查扣者
或有久戍沙場事故開除者有黃巖溫處各原營官
兵俱皆陷失者再有上年奉文裁汰撥補新募兵丁
者此皆莫可追求今榮榮士卒仰給月餉計日授食
尙苦不敷若扣除一日卽枵腹一日且係立功在先
殊難扣抵於後懇請

題免各情歷覆前來本司新任茲土雖未覩昔時戰功

情形然按閱原卷及各營移文復加諮詢歷歷可稽

李文襄公奏疏卷九

委難追扣

五十六

如衝台溫處賊勢猖獗省會重地亦幾爲震動所賴
滿漢官兵保固危城克復淪土繼而斬奪仙霞進定
閩亂成此大功雖諸將士効忠報

國義奮同仇亦莫非感

恩用命獲賞致勇之效也况案奉部文開有功之人理應
犒賞之語在各官兵披堅汗血轉危爲安誰非有功
之人孰非應得之賞今疆圉底定一旦扣追死者固
難問諸九原生者亦不能枵腹荷戈此滿漢官兵勢
難扣追之實情如此前項賞銀康熙十三年地丁
奏銷冊內造報開銷在案相應再請亟賜

題銷庶建功官兵死生銜結不朽矣等因到臣該臣看

得康熙十三年間當倉猝告變之時人心搖動封疆
安危攸係若非鼓勵官兵俾其戰守有資焉能激發
忠勇使皆樂於用命臣與前任將軍臣圖喇前任總
臣田逢吉公同籌畫議將追回闕餉十五萬兩內給
發通省滿漢綠旗官兵俸餉一月共銀六萬二千三
百二十三兩六錢零蓋以前項失而復得無虧

國家之公帑且使行者齎裹有資守者內顧無缺然後
軍心齊奮戮力禦侮保固危城恢復淪土以致底定
全浙由此直入闔境此固

李文襄公奏疏卷九

委難追扣

五十七

朝廷養士卒之深恩亦激賞官兵之明效也前部議令
於月餉內扣抵經臣備將勢難扣追緣由屢疏請醫
部議仍令速行扣抵卽嚴行布政司遵照於滿漢各
標營扣抵去後臣隨准鎮浙將軍臣馬哈達咨稱各
旗兵寡婦咸稱前因閩省變亂蒙憐窮兵無銀整備
器械各賞銀兩自亂以來買馬置械家負債若按
扣除將何抵償且陣亡病故骨殖到杭寡婦已經進
京者甚多叩乞移咨覆部免追等語而綠旗各標營
亦復紛紛詳籲今據該司詳覆各標鎮協營皆以賞
賚官兵事在十三年間當日領賞原人陣亡病故歷

調開除以及陷失裁補事故多端見存舊兵無多即聞有十之一二皆係衝鋒陷陣百戰餘生方在邊

恩過望此滿漢官兵勢難扣追之實情如此臣惟兩浙當日情形安危關乎呼吸方賴滿漢官兵効命堵禦安可少靳賞賚况藉此以鼓軍心人思奮勵始克底定是所費者少而所全者大若欲事後扣抵以見在兵丁之口糧追補從前之給賞不但代人賠累扣除一日即受一日之枵腹宜眾兵之謦謦中訴也自用兵以來臣伏見我

皇上軫恤滿漢綠旗官兵

李文襄公奏疏卷九

季難扣追

手八

天恩優渥今隨骨殖進京之寡婦既無從清追即各標營防勦之窮兵勢難代扣臣身在行間目擊兵苦諒難緘默不敢不據實上

聞仰祈

睿鑒俯照前疏准免扣抵存歿三軍咸沐

皇恩於不朽矣臣謹會同撫臣李本辰合詞密

題伏乞

勅部議覆施行

康熙二十年十一月二十九日題奉

旨該部知道

卷九終

李文襄公奏疏目錄

題稿卷之十 班師

請設專員審理逃人

請免通省各營裁兵

恭報旋省日期

請免出征馬匹賠椿

請免追扣裁兵糧餉

彙報確核給領卹銀

陞補兵部尚書謝 恩

題明總督印務巡撫署理

李文襄公奏疏卷十

目錄

交代赴京

男 鍾麟編次

請設專員審理逃人疏

總督浙江等處地方軍務兼理糧餉兵部尚書兼都察院右副都御史正一品臣李之芳謹

題為請賜循例分設以專職守事據浙江布政司布政

使石琳按察司按察使教化新呈詳到臣該臣看得

逃人一項定例開載

題明頒行者條分縷晰既重逃丁之窩匿尤嚴板害之

株連旗民均有關係故職司審理之官務期至當始

李文襄公奏疏卷十

審理逃人

一

可奉行而無弊先據杭州府同知程汲詳稱以省會

銜繁本等職業之外不能兼理通省逃人請照江南

另設理事同知之例批行布按二司查議去後茲准

部文今後率獲逃人將軍城守尉等與同城居住之

總督或巡撫或官職大者會同審理等因又准將軍

臣馬哈達咨開審理逃人本將軍衙門向發理事佐

領協同地方官審理取供回堂其會同審理之員聽

臣專委等語隨行據該司等會詳省城官員各有錢

糧刑名地方責任勢難專司會審并移查江南專設

理事同知之例詳請前來臣惟旗下私逃人犯多係

浙省土著又皆奸猾無良不安於鄉里始投旗典身

生事為害詭譎變詐不可窮詰彼既不念旗主收養

之恩何有於平民百姓以故率獲狡供希圖挾詐為

禍最烈若非設立專員滿漢兼通才幹精敏者豈能

洞燭情理以窮免脫藏匿之奸并杜株連無辜之害

惟是所屬司道各官俱有地方民務諸事殷繁即或

分身兼理稍不專心詳慎貽害非淺江南與浙省燕

異前設理事同知一員專管審理滿漢一切互訟及

旗下逃盜等案即將總督臣阿席熙衙門筆帖式觀

音保

李文襄公奏疏卷十

審理逃人

二

題授成例昭然今臣衙門筆帖式傅爾丹滿漢兼通才

識勤練向來管理通省逃人報部冊籍目今浙省燕

平亦無別項清字文移番譯可省伏乞

皇上俯念審理逃人有關兵民休戚請照江南之例另設

理事同知一員即以臣衙門筆帖式傅爾丹補授協

同理事佐領等官審理取供回堂發落庶各旗走過

之人易於緝審而指供扳害之弊亦免株連矣臣謹

會同撫臣李本晟合詞具

題伏乞

勅部議覆施行

康熙二十一年二月二十一日題奉
旨該部議奏

李之襄小奏疏卷一

著理邊人

三

請免通省各營裁兵疏

總督浙江等處地方軍務兼理糧餉兵部尚書兼都察院右副都御史正一品臣李之芳謹密

題為請

旨班師事康熙二十一年正月初五日准兵部密咨內開

職方清吏司案呈奉本部送密封內該本部覆綏遠將軍湖廣總督蔡毓榮題前事等因康熙二十年十一月初四日題本月二十五日奉

旨兵部建議具奏欽此當封到部該臣等議得祇遵將軍

總督蔡毓榮疏稱雲南新復地方最為緊要進勦緣

李之襄小奏疏卷十

請免裁兵

四

旗官兵畱守雲南及發回原汛等因具題查近經議政王等會議將軍總督蔡毓榮止帶伊標五營官兵同大兵駐劄雲南候

旨其餘綠旗官兵均應令其回汛總督金光祖董衛國提督卞世等亦將伊等原帶進勦綠旗官兵各回原汛等因具題奉

旨遵行在案應將此處無庸再議其進勦雲南隨征各兵丁有願為兵者補入額兵內為兵願為本處兵者發往本省頂補裁汰老弱兵缺為兵願為民者俱發各回原籍交與地方官安插得所各省調發官兵俱令

回各原汛應將建義將軍侯林與珠同大將軍等奉
京俟到日再議至懷忠將軍海潮龍因進兵機會帶
領官兵迎降且海潮龍係舊人准留雲南以總兵缺
補用至逆賊吳三桂變亂地方反叛以來各省有議
政王等會議添設官兵者亦有臣部議覆准添設者
此皆係酌量地方緊要所設今仰仗

皇上威福恢復雲南省城剿滅賊首吳世璠地方皆已底
定此等添設多餘官兵均應裁去相應行文各省督
提等俟調發官兵回汛之日所有添設多餘總兵并
官兵一面裁去一面速行奏

李文襄公奏疏卷十

請免裁兵

五

聞其兵丁查經制內裁汰老弱補入其總兵并各官俱令
赴部候補可也康熙二十年十一月二十八日題十
二月初二日奉

旨依議欽此密封到部移咨到臣行據浙江布政司布政
使石琳查覆到臣該臣看得自逆賊吳三桂等變叛
以來各處多有添設官兵今部議地方皆已底定此
等均應裁去等因臣即移咨撫提二臣并行布政司
遵照去後茲據該司詳稱浙省當用兵之際因經制
官兵防禦不敷會調發江南提標各營暨京口各營
以及狼山營官兵赴浙援剿又添設援剿鎮標督標

前後二營并黃巖鎮改為水師提標官兵後因浙省
官兵調閱者多部議浙省近游關係最要兵額宜增
令召募五千名按緊要地方分附迨地方漸定陸續
裁撤訖又新奉文議留撫標兵丁裁去通省各營兵
丁一千五百名沿海汛地兵單尚苦不敷此外實難
多餘非若別省因地方變亂於經制額外另有添設
鎮營官兵今應裁撤者可比詳請

題覆前來又准提督臣石調聲咨會前因臣查浙省自
閩變以來添設官兵俱已裁撤無存惟是浙為邊海
重地原額經制兵共五萬一千五百五十名自康熙

李文襄公奏疏卷一

請免裁兵

六

五年以後陸續裁去兵共六千五百五十名臣於
任之初酌量形勢要害具有浙省汛廣兵單等事一
疏量復原額兵三千六百三十九名尚不及當日經
制之數况今議留撫標兵丁又裁通省各營兵一千
五百名在各營兵數益少目今地方雖定而沿海遠
近閩洋毒據各汛營報文賦綜不貯飄忽官兵分佈
在在宜嚴不無提襟露肘之虞通省各營見在額兵
並非多餘應俟海氛盡絕之日再議者也相應具疏
題明臣謹會同提督臣石調聲合詞密疏具
題伏乞

勅部議覆施行

康熙二十一年七月二十五日題奉

旨該部議奏

李才著本奏疏卷十

請寬裁兵

七

恭報旋省日期疏

總督浙江等處地方軍務兼理糧餉兵部尚書兼都察院右副都御史正一品臣李之芳謹

題為遵

旨班師恭報微臣旋省日期仰祈

睿鑒事康熙二十一年六月二十六日准吏部移咨到臣

准此捧接

繪音仰見我

皇上俯鑒微臣駐衛九載將士久戍

特允班師不勝感激涕零伏思康熙十三年間驟當閩變

李才著本奏疏卷十

旋省日期

八

臣仰遵

廟謨星馳衛境逆賊精銳已逼內地臣與滿漢官兵扼截

賊衝誓師孤城且戰且守調遣所屬將士激勵申明

共圖滅此朝食計大小一百四十餘戰俱經臣

題報在案此皆仰賴

皇上天威殄滅逆賊底定疆圉惟是三衢地處上游為全

浙門戶江閩隔省地方及各路遺孽竄伏未靖臣勦

蕪兼施恢復江西玉山鉛山等縣并招徠各路渠道

統計經臣

題報撫過各偽官兵共一十七萬餘員名一面解散安

插消弭隱患綏輯黎庶漸致安全今遵奉

俞旨旋省三軍歡聲雷動臣統師之初本欲捐糜頂踵上
報

國恩何幸今日事定班師臣有生餘年皆我

皇上之再造也隨分微各屬文武并沿海各鎮將及江西

福建三省交界地方嚴行申飭加意防範復將投誠

人員安插得所已於康熙二十一年八月初一日旋

省謹將微臣旋省日期

題報所有

欽部事件俱應於旋省之日扣限完結合併

李文襄公奏疏卷十 旋省日期 九

題明臣謹具

題伏乞

睿鑒勅部施行

康熙二十一年八月初八日題奉

旨該部知道

請免出征馬匹賠椿疏

總督浙江等處地方軍務兼理糧餉兵部尚書兼理
察院右副都御史正一品臣李之芳謹

題為請定歲終

奏報以肅馬政事據浙江布政司布政使石琳詳稱奉

臣案驗康熙二十一年三月十五日准兵部咨開車

駕清吏司案呈奉本部送准浙江總督李之芳咨前

事等因到部奉批駕司察送司奉此准浙江總督李

之芳咨稱康熙十七年分浙省各標協營倒斃馬七

十八匹俱係出征閩省援剿漳泉各處勞傷倒斃難

李文襄公奏疏卷十 請免賠椿

照承平倒馬之例追賠且十八年分各營出征倒馬

賠椿銀兩奉

旨着免則十七年出征倒斃馬匹在十八年之前各請一

例免賠等因前來查浙省十八年出征倒斃馬二百

五十三匹奉

旨出征地方馬匹倒斃着免椿銀不為例欽遵在案前項

倒斃馬匹不便一例准免應仍咨該督速行按年追

賠椿銀報部可也等因呈堂咨院行司奉此又為前

事奉本部院案驗康熙二十一年四月二十一日准

兵部咨開車駕清吏司案呈奉本部送兵科抄出本

部覆浙督李之芳題前事等因康熙二十年十二月二十四日題二十一年二月初五日奉

旨着察核該部知道欽此欽遵於本月初六日抄出到部該臣等議得浙江總督李之芳將浙省各營并江南調浙各營官兵康熙十九年分册椿銀兩馬匹數目造册奏報前來查册內新收册椿銀三萬一千九百一十四兩八錢六分零內各營買馬一千一百一十八匹用銀一萬七千七百六十兩等語每匹一十六兩與上年買馬價值迥異浮相應照數准銷又各營修船動用册銀二千二百四十四兩二錢二分零應俟

李文襄公奏疏卷十

請免賠椿

十一

工部核明之日再議尚餘銀一萬一千九百一十兩五錢零應交戶部充餉再查册開其收裁馬五百七十五匹分給各營止四百五十五匹數目不符此項裁馬分給各營領騎或係新增或係頂補缺額未經聲明且所裁馬匹從前並未報部又出征倒斃馬二十一匹免賠椿銀等語並非對陣追賊倒斃不便免賠應查該督照例按年追賠椿銀并將前項裁馬數目不符之處逐一查明報部再議可也等因康熙二十一年三月初六日題本月十九日奉

旨依議欽此欽遵抄出到部咨院行司奉此除裁馬數目

不符之處已經另詳咨部外所有賠椿銀兩遵即轉

移各該營追賠椿銀去後續准各營移稱等因各到司准此該本司布政使石琳查得浙省各標營官兵請援閩省各路馳驅征勦康熙十七年間共倒馬七十八匹內督標中營二十三匹左營一匹後營二十一匹撫標左營六匹右營四匹提標一十二匹嘉興營九匹湖協二匹又康熙十九年間共倒馬二十一匹內督標後營一十一匹撫標左營八匹右營一匹提標一匹此皆因勦禦勞傷以致倒斃業經造入奏册請銷又蒙本部院各部免賠椿銀在案今復奉部

李文襄公奏疏卷十

請免賠椿

十二

文按年追賠椿銀報部遵經移行各營追賠去後今准各營成稱俱係出征閩省馳勦勞傷倒斃之馬與平時在營喂養不調者不同仍請照十八年出征倒馬奉

旨免賠椿銀之例請免各等情前來查康熙十八年浙省出征倒斃馬匹奉

旨出征地方馬匹倒斃着免椿銀不為例欽遵在案則十七年十九年出征倒斃之馬似應一體遵

恩况援閩各兵効用疆場晝夜堵勦馬不離鞍人不解甲衝鋒冒刃身命尚不自惜何能保馬不勞傷并不倒

鑿乎迄今時遠年久無論各兵裁汰身亡事故者難以追賠仰見在窮兵俱係百戰餘生餬口不給萬難再加追補既據各營合詞哀籲實屬勢所難行伏祈俯照十八年

恩免之例具

題豁免以廣

皇仁以恒窮兵等因到臣該臣看得浙省各標營援閩官兵於康熙十七年間共勞傷倒斃馬七十八匹十九年間共勞傷倒斃馬二十一匹案經援例請免賠椿銀兩復准部咨按年追賠報部隨行布政司遵照去

李文襄公奏疏卷十

請免賠椿

十三

後茲據該司詳稱康熙十八年出征倒斃之馬奉

旨免賠椿銀則十七十九年分出征倒斃之馬似應一體

遵

恩况援閩各兵効命疆場晝夜堵勦衝鋒冒刃身命尚不自惜亦何能再保積勞之馬匹不致倒斃且時遠年久無論各兵裁汰身亡事故者難以追賠仰見在窮兵俱係百戰餘生餬口尚苦不敷萬難再行追補今據各營合詞哀籲請照十八年

恩免之例

題請豁免前來臣查康熙十七年十九年間援閩倒斃

馬匹實係征勦勞傷其十八年倒馬已蒙

皇上俯鑒出征地方奉

旨着免賠椿勞苦窮兵歛聲載道在十八年者既免則十

七十九年分同為出征地方應邀一視之

恩况各兵百戰餘生勢難追補仰祈

皇上俯念兵丁隔省馳驅將此出征地方勞傷倒馬准照

十八年免賠椿銀之例

勅部一體豁免則三軍感激共沐

皇仁於無既矣臣謹會同提督臣石調聲合詞具

題伏乞

李文襄公奏疏卷十

請免賠椿

十四

勅部議覆施行

康熙二十一年十月十五日題奉

旨該部議奏

請免追扣裁兵糧餉疏

總督浙江等處地方軍務兼理糧餉兵部尚書兼都察院右副都御史正一品臣李之芳謹

題為兵食自當合算請嚴冊報之限以便綜覈事據浙

江布政司布政使石琳詳稱奉 臣案驗康熙二十一年四月初五日准兵部咨開職方清吏司案呈奉本

部送准浙江總督李之芳題前事等因到部送司查先准浙江總督李之芳咨送康熙十九年分浙省各

營實在官兵數目文冊前來本部查康熙十九年六月內將浙省新增兵五千名督標前後二營兵二千

李文襄公奏疏卷十

裁兵糧餉

十五

名裁去今查該撫送到糧餉冊內將所裁督標前後

二營及新增兵丁至八九等月尚有開支糧餉不便轉送戶部應行該督標查明扣除另造清冊送部再

議去後今准該督咨稱標下前後二營及新募兵丁因裁兵數多各營不能一時如數清汰窮兵在營候

補萬難令其枵腹所支八九等月糧餉難以扣除等因查浙省所裁督標前後二營并新募兵丁本部已

經議覆不准陸續頂補於通省各營內查汰老弱兵缺作速撥補在案其各兵糧餉是應於奉裁之日即

行住支何得於奉裁之後仍令照舊支給相應仍咨

該督撫八九等月支過糧餉查明扣除另造清冊送

部再議等因呈堂移咨到院仰司印將奉裁督標前後二營并新募兵丁支過康熙十九年八九等月糧

餉查明扣追另造清冊具詳奉此遵即備移督標并

附支新兵各鎮營遵照查扣去後續准各鎮營移稱等因各到司該本司布政使石琳看得浙省康熙十

三年間閩逆變亂賊寇蜂起四野震驚斯時汛廣兵單防禦不敷因奉文添設督標前後二營兵二千名

應援金甯調防江閩歷年征勦刻蕪寧粵又康熙十七年間本省經制官兵多調援進閩奉部議浙省近

李文襄公奏疏卷十

裁兵糧餉

十六

海關係最要兵額宜增令招強健兵丁五千名按緊

要地方分附隨即選募強兵分發沿海一帶并衢州緊要地方扼防前項各兵寄身鋒鏑而樂為我用者

惟藉此區區糧餉以羈縻之耳及賊寇蕩平班師回浙禁戢成卒暫得休養而七月內即奉行裁於通省

各營內查汰老弱兵缺撥補第各營兵多缺少一時不能即補且前項兵丁尚在江山仙霞盆亭并邊海

各汛見役糧餉自不可一日缺給所以有支至八九等月今奉部行各兵糧餉應於奉裁之日住支何得

於奉裁之後仍令照舊支給應將八九等月糧餉查

明扣除另造清冊送部再議等因遵奉轉移各鎮標營扣追去後今准各鎮營移覆援請

恩詔俱免扣追之例請免前來本司查此項兵丁如竟奉文裁撤不令補伍似應於奉裁之日住支若謂軫念有功着令查汰省內老弱兵丁及缺額頂補則是奉裁之日始得轉行各營查汰各營轉報汰退兵數數目往返必需時日即使作速檢補乃各營兵丁亦係歷經戰陣之兵非盡老弱安能一時補足是斷不能以奉裁之日住支可知矣其支過八九等月糧餉不退回籍歸農與夫逃故之兵無從追償即見在補伍

李文襄公奏疏卷十

裁兵糧餉

十七

之兵亦難復行扣除而使之枵腹荷戈也查康熙二十年十二月二十日奉頒

詔款入旗官兵及綠旗官兵並投誠官兵有因多給錢糧扣追者俱免扣追等因又康熙二十一年八月初六日奉

上諭論兵部近因逆賊蕩平四方底定將經制之外增設綠旗兵丁議令裁汰於二年內陸續報完原以寬恤民力欽定四方今思各處兵丁多有隨征進勦効力行間綿歷歲時倍常艱苦事平回汛若漫無分別一槩裁汰洩為可憫着該督撫提鎮等官於裁汰之時詳加察閱

不得混置私人反將曾經効力兵丁輒行裁退至於已

裁兵丁及投誠歸籍人等恐有無籍可歸艱於生計者各該地方官設法安插善加撫輯等論則是督標前後二營兵丁與新增兵丁俱經隨征閱江汛防沿海効力行間亦幾綿歷歲時倍常艱苦矣即有裁汰歸農者亦當在安插得所善加撫輯之中茲不過於奉裁之後因通省各營不能一時即補多支一二等月役過糧餉此正與上諭憫恤効力兵丁之

漚繪及

李文襄公奏疏卷十

裁兵糧餉

十八

恩詔款內多給錢糧俱免扣追之例相符是前項糧餉相

應照例免追無庸另造清冊合請核

題照冊開銷以廣

皇仁以恤窮兵等因到臣該臣看得康熙十九年分浙省實在官兵數目先經造冊送部准兵部咨查所裁臣標前後二營及新增兵丁糧餉應於奉裁之日即行住支何得於奉裁之後仍令照舊支給應將八九等月支過糧餉查明扣除另造清冊送部再議等因茲據該司詳稱奉裁補伍兵丁前因不能一時即補各兵尚在汛防難以住支所有支過八九等月役過糧

餉不但歸農逃故者不能追償即現在補伍兵丁亦復難行扣除援奉

上諭並頒行

恩詔請免扣追照冊開銷前來臣查臣標前後二營因閩變添設調援金衢各處繼同大兵進圍恢復地方兼防江右岐界江山仙霞及福建盆亭等關又續募新增兵丁分附沿海各險要地方晨昏風雨荷戈戍守備極艱辛臣於事平之日未奉部文即具

題裁撤總為節省錢糧起見但裁去多兵是必安插得所即部議查汰省內老弱及缺額作速撥補亦未合

李文襄公奏疏卷十 裁兵糧餉 十九

將糧餉即行住支浙省裁兵數至七千不為不多若一旦遽絕其養贍之資勢難保其相安無事故於數月之內將應裁之兵汰補俾妥使其帖然就伍不為不速所有給過康熙十九年八九月糧餉實處萬不容己之勢查

恩詔內開綠旗官兵有因多給錢糧扣追者俱免扣追實與此款相符仰祈

皇上俯鑒効力窮兵役過糧餉萬難扣除勅部一體免追照冊開銷三軍頂戴

皇恩賞無既矣臣謹會同撫臣王國安提督臣石調聲合

詞具

題伏乞

勅部議覆施行

康熙二十一年十一月初六日題奉

行該部議奏

李文襄公奏疏卷十 裁兵糧餉

二十

彙報確核給領卹銀疏

總督浙江等處地方軍務兼理糧餉兵部尚書兼都察院右副都御史正一品臣李之芳謹

題為彙報傷亡官兵事據署布政使司布政使事驛傳道參議李之粹呈詳該臣看得浙省於康熙十三年間閩變突犯衢扼首衝溫台處全以及嚴寧紹等處山海交誼煽亂竊起維時臣鼓勵將士申明紀律奮勇用命仰賴

皇上廟算各標鎮協營綠旗官兵遵臣調度所向克捷其間大小血戰一百四十餘次衝鋒陷陣多有傷亡念

李文襄公奏疏卷十 給領卹銀

此殄賊捐驅魂游戰壘誠堪憫惻臣屢次捐資設奠

臨祭灑泣以慰報

罔之忠茲據鎮將陸續呈報陣傷官兵共二千五百餘名陣亡官兵共一千五百餘名臣屢經駁查在案欽奉

恩詔內開滿洲蒙古漢軍漢人文武五品官以下有頂帶以上若係陣亡殉難賜卹致祭又定例開陣亡千總給卹銀一百五十兩把總給卹銀一百兩馬兵給卹銀七十兩步兵給卹銀五十兩外委官不論大小照馬兵例等因在案第

朝廷卹賞所以於慰存亡當此軍餉浩繁之際斷不敢少

有冒濫臣矢公矢慎如當陣受傷經臣捐資就地量加賞賚并行各鎮將酌量獎勵者無庸再為請賞至若陣亡官兵雖無家屬例給貨銀臣思此項既無親人承領恐致中飽且屢經臣行開祭奠無庸概給是亦節省錢糧之一端也惟見在確有家屬者行據布政司轉移各鎮營造送冊結前來共計真正有家屬陣亡千總共二員把總共五員外委官共五員馬兵共十八名步兵共三百七十二名臣復再四嚴加確核無異除冊送部外相應

李文襄公奏疏卷十 給領卹銀

題卹以彰

皇恩俟給領卹銀完日將動用錢糧數目并家屬姓名實收送部查核如有家屬續報亡故當另行扣除再照浙省援閩陣亡官兵咨准福建督臣姚啓聖咨開調援福建官兵當日各處殺賊內有傷亡官兵經據報彙冊具

題請卹內或有傷亡彼時未經造報者無憑彙題此外尚方傷亡官兵應聽臣就近查明照例徑題等因第查浙省援閩官兵如平陽鎮標把總王一彪臣標把總郭惟俱援閩陣亡經臣節次移咨福建督

臣姚啓聖在案今福建請帥之內尚無其名并有獲
閩陣亡官兵未邀

題帥者屢據家屬紛紛募額所有援閩未經

題帥官兵應請

勅福建督臣查明一并

題帥以慰忠魂除將各營呈報援閩陣亡官兵復移

福建督臣姚啓聖外相應

題明臣謹會同撫臣王國安提督臣石調聲合詞具

題伏乞

勅部議覆施行

李文襄公奏疏卷十 給領部銀 主

康熙二十一年十二月十七日題奉

有該部議奏

陸補兵部尚書謝 恩疏

兵部尚書正一品臣李之芳謹

奏為恭謝

天恩事臣於康熙二十一年十一月二十八日准吏部咨

為補授尚書事內開文選清吏司案呈奉本部送吏

科抄出本部題前事等因康熙二十一年十一月十

一日奉

旨李之芳陸補兵部尚書欽此欽遵抄部送司相應行咨

等因到臣准此臣恭設香案望

闕叩頭謝

李文襄公奏疏卷十 陸補尚書 主

恩訖伏念臣一介寒微遭逢

皇上知遇游膺顯秩授以軍旅抵浙以來自愧菲庸雖勉

力戎行本無足錄仰賴

朝廷廟算海宇昇平幸免隕越茲者班師未幾遽荷

給音輟膺

特簡之榮遂畀中樞之任顧臣何人當此

異數銘鏤心膂不覺涕零臣敢不自矢捐糜少酬我

皇上高天厚地之隆恩於萬一惟是輿場十載遠隔

闕廷犬馬戀

主之誠時形寤寐今欣奉

君命臣該應星馳就道拜觀

天顏臣一面將限內

欽部事件料理完畢即將印務面交撫臣王國安署理臣

無任感激惶悚之至除起行日期另疏

題報外謹具疏恭

謝伏乞

肅鑒施行

康熙二十一年十二月初一日奏本

旨該部知道

李文襄公奏疏卷十

陸補尚書

三五

題明總督印務巡撫署理疏

兵部尚書正一品臣李之芳謹

題為

題明事竊臣奉

旨陞補兵部尚書經具奏恭謝

天恩備將印務交撫臣署理緣由

題明在案正擬束裝登舟接准撫臣王國安揭帖應否

候代具

題臣惟人臣之義

君命所臨義不待駕况臣莅事疆圉已經十載茲者

李文襄公奏疏卷十

請交印務

三五

簡命自天漢幸戰壘餘生得以早覲

天顏實屬至願瞻戀微誠真有刻難自己者且總督內陞

新舊交代例冊未載如安徽撫臣靳輔陞任總河其

印務部文內開今照例交與江南總督阿席熙署理

在巡撫陞任既照例交與總督則總督陞任亦應照

例交與巡撫臣閱歷軍中班師旋省兩浙昇平並燕

錢糧地方粘帶不了之事仰祈

皇上俯察愚誠

俞臣所請不勝幸甚臣謹具

題伏乞

皇上睿鑒施行

康熙二十一年十二月二十日題奉

旨該部知道

李文襄公奏疏卷十

請交印務

三七

交代赴京疏

兵部尙書正一品臣李之芳謹

題爲恭報微臣交代印務并起行日期事竊臣奉

旨陞補兵部尙書已經具疏恭謝

天恩備將欣逢

君命誼應星馳就道拜覲

天顏并印務交撫臣王國安署理緣由

題明在案臣正擬束裝登舟因撫臣王國安具疏請

旨應否候代臣遵候間今新督臣施維翰於康熙二十二

年二月十五日抵浙江境地方臣將原奉

李文襄公奏疏卷十

交代赴京

三八

欽給浙江總督關防一顆

王命旗牌十面桿副并標下官兵經制書吏文卷面與

新督臣交代接管訖臣卽出境起行至臣原奉坐名

勅書一道專差官孫文豹恭捧送部轉繳外所有交代印

務并起行日期理合恭疏


題報伏乞

睿鑒

勅部查照施行

康熙二十二年二月十五日題奉

旨該部知道



李文襄公別錄卷之一

行間紀畧

啓王請增募綠旗兵

啓王請給還金華被難子女

啓王衛城勢迫亟請撥兵防禦

啓王請調崇明官兵

啓王移調嘉湖官兵

啓王湖協官兵仍留嚴州防勦

啓王調兵赴處州

啓王酌留披甲馬匹草料

李文襄公別錄卷一

目錄

啓王請調蒙古閩督鎮標官兵

啓王嚴送賊勢向熾請留總兵鮑虎

啓王請調援勦鎮標回衛

啓王沿海賊勢緊急請調援兵

啓王請嚴禁旗營搶擄並給還難民子女

啓王提鎮兼設免造水師船隻

啓固山貝子齋犒滿洲官兵銀兩

啓王請發官兵乘勢恢勦常山

啓王請調鄰省官兵

啓王指陳進勦機宜並調鄰省官兵

啓王轉報陸路提督移駐艱難

啓王請撥在閩戰船用濟舟師

啓王收藩投願招撫江西餘黨

啓王請諭給還難民子女

啓王贖難民子女

啓王塘報江山嶺等處勦敗賊衆

啓王會勦江西賊寇

啓王撥兵延平並陳浙省兵單

附內咨

咨戶兵二部請給投誠効用官俸

李文襄公別錄卷一

目錄

咨送戶部賑濟難民冊結

二

李文襄公別錄卷一

啓王請增募綠旗兵

康熙九年九月



謹啓

大將軍和碩康親王殿下伏惟

親王大駕臨浙職以身在行間未獲面承方畧前蒙

令諭下詢地方情形及官兵數目除會同將軍賴塔

具啓外竊惟以順討逆原操必勝之理卽以事勢技

量逆賊何難撲滅但欲早平逆賊則在厚集兵力以

期迅速進剿謹爲

李文襄公別錄卷一

啓請增兵

親王陳之閩來之賊共有三路兼溫處從叛之兵分向

衢州金華台州而其狡謀專在布散謠言潛給偽劄

煽惑人心以致各處土寇紛起然皆烏合之家能戰

者少我兵皆久經訓練若分路齊進賊自望風而靡

此必勝之勢一也閩中錢糧原少向恃外省協濟今

耿逆搜括富戶剝削窮民人不聊生供輸不繼兵必

自變我兵糧餉飛輓相續一切軍需皆動支正項不

果民間士馬飽騰軍心踴躍此必勝之勢二也賊兵

所至淫掠婦女焚燒房屋民間資蓄寸草不留百姓

恨入骨髓我兵紀律申嚴秋毫無犯

皇上屢頒

恩諭嚴禁騷擾前包衣佐領兵馬進剿義烏得獲賊巢內

所掠民間子女皆查訪還民歡呼載道今

親王臨蒞約束倍嚴百姓願望

天兵此必勝之勢三也溫黃叛帥負恩從逆度其弁兵豈

盡良心漸滅亦有籍居內地願戀室家

王師既至自必有幡然歸命者至於亡命奸徒嘯聚山

林其附近百姓被脅割辦使其無路自歸此乃賊之

詭計官兵所至拒敵者卽行勦殺安居者卽行撫戢

朝廷仁義之師本爲定亂安民不戮無辜地方易於平靖

李文襄公別錄卷一

啓請增兵

此必勝之勢四也有此必勝之勢而數月以來未卽

蕩平總因兵少之故今衢金台郡城皆駐滿兵一可

當百自是所向必克但各處皆濱山仄徑勢必兼用

步兵浙省向來沿海兵多內地兵少台寧二府見在

綠旗兵有一萬五千餘金衢二府連職標并各營調

集之兵僅六千餘屬縣地方處處緊要四面分佈愈

見單寡戰則無兵以守則無兵以戰職前與將軍

賴塔再三商酌疏請增調綠旗兵七八千蒙發提督

段應舉之兵又已盡赴台紹且職等具疏之時嚴紹

尙未有警今此兩處並須防禦本省既難抽調鄰省

不能屢發惟有陸續召募訓練成軍庶為一策查浙省經制兵四萬八千六百三十九名除新設援勦三營及太平營外尚缺額兵一萬有餘擬於職標照提標之例添設前後二營每營設兵一千名并增中左右三營內兵一百五十名共足五千之數以資策應進勦其金衢嚴紹見今俱係衝疆各副將下俱應添足二千名以守地方合算共應增綠旗兵四千八百五十四名俟平定之日仍可酌量分撥各營汛並在經制額外若目前戰守足用便可合勢齊進早奏蕩平如蒙

李文襄公別錄卷一

啓請增兵

三

親王允行伏乞准令召募并製造甲械俟

親王具

題或令職具

題統祈

諭示施行

啓王請給還金華被難子女

康熙十三年十月

為啓請事該職看得金華所獲婦女小斯先據副都統馬哈達等塘報稱係嶺下朱地方殺賊所獲職同平南將軍賴塔具啓彼時未有兵民控告之事也不意於十月初一日有民人姜阿二等及兵丁王與各具狀稱係金華府金華縣十九二十一三十二等都二三四等處人民在東泥塘胡楊等處居住於九月二十六日大兵自嶺下朱回轉府城經過該地方搶去衆家男婦子女共一百餘名口皆稱係納糧當差之民王與係職本標在衢州屢經出陣之兵呼天搶

李文襄公別錄卷一

金華難民

四

地哀求給還妻子職有地方責任不敢置之不問隨發隨征布政使李士楨審取口供據供離城十里內外不等久有撥兵分駐地方從未有賊等語又據金華府知府李忱報稱十里內外婦女幼男亦被搶掠等語除再行該府縣確查外竊思先蒙

親王行文副都統馬哈達等應否作伴仰見

親王定亂安民之心惟恐或有枉濫今既據兵民控告

不係嶺下朱地方所獲自應查明給還相應據實啓

請

親王鑒裁施行謹啓

啓王衢城勢迫亟請撥兵防禦

康熙十三年十一月

謹啓

親王殿下衢州四面賊寇逼犯前蒙遣護衛日擊情形今滿漢綠旗官兵在城外沿河拒守晝夜振甲目不交睫將及一月賊衆有增無減職標營自副將以下兵丁以上盡數發出已無一旅甯城分佈要口接連二十餘里每處官兵不過二三百前後皆係賊營賊勉勵將士竭力支持但衆寡懸殊兵力疲敝實非長策若撤回守城賊勢愈加猖獗四而益難堵禦見今龍游蘭谿一帶皆有賊兵窺伺劫截糧草以此二千

李文襄公別錄卷一

衢城勢迫

五

餘兵東西不能兼顧日切憂慮况與賊相拒日久悉知我兵虛實倘或合勢齊犯前後受敵一有疎虞則衢州岌岌不保全浙形勢不可收拾矣職數月以來從無張皇告急之詞惟鼓勵人心支撐衝要祇待大兵絡繹繼進初因金衢綠旗兵少請到江南五千之兵已盡往台紹向於金衢兩府之中酌量緩急東馳西應自金華賊勢並緊就近遂無應援若論戰則不可以孤軍深入而不顧後路若論守則未有晝夜振甲並無更番而可以持久者也且四鄰之民扶老攜幼避賊而來燕居燕食皆草樓露宿哀號荒野不忍

見聞間有一二鄉村自相團練尚在堵禦但鄉民力量有限原藉官兵救援今官兵自守不暇安能四出救應若日久燕援非爲賊所殺掠即亦將化而爲賊矣如此賊衆愈增而徒恃此二千餘久疲之兵以當日增之賊難保無虞職膺封疆之任非以身在衢州而獨言其急實爲扼守門戶第一重地不可不計萬全如台州當溫州一路之衝台寧二府有二萬兵而尙憂不足金衢當江山常山溫處四路之衝共止五千餘兵形勢單弱較然明白職非不知省城亦無兵可發顧今綠旗兵似不能再請

李文襄公別錄卷一

衢城勢迫

六

朝廷增調而三鎮雖經設立召募尙非旦夕之事不得不就見在之兵權其緩急以濟事機伏乞親王鈞裁將太平營兵撥赴衢州至福建總督卽廷佐之兵雖召募未足然多必及千少亦數百如蒙并賜先發在衢州緊急之時增一兵得一兵之用再如金華大捷之後賊勢稍緩并容職酌量移調兩郡相距頗近如有警息仍可隨時策應若啓候示自衢至省往返數日當此賊情緊急惟恐有悞爲此劄切上陳伏乞恩鑒施行

啓王請調崇明兵

康熙十三年十一月

謹啓

親王殿下竊惟逆賊倡亂以來已及數月惟因兵少之故直前進取則後路空虛欲分兵四出則形勢單寡賊雖烏合之衆居多而依山傍險必須步兵火器數而夾攻聲勢接續深入搜剿始克有濟已蒙

親王洞鑒

題設三鎮招募兵丁但九千之兵繕備器械訓練成伍尙非旦夕之事而今各屬土寇日以蔓延處處告急無兵可發地方失業之民老弱轉於溝壑壯者化而

李文襄公別錄卷一

調崇明兵

七

爲賊驅除之力愈費於內地則耿逆授首之期未可計日矣職展轉思惟若使衝金亦如台寧有二萬之兵自可戰守兼資竭力清蕩今三鎮兵數雖分行募補旣不能一時粹集而浙省業已無從抽調近省江南如狼山京口松江之兵俱經調發另補似難再議惟有崇明一鎮共兵七千有餘向爲專防海寇而設但海寇遠踞孤島形勢不比往時凡今海上所報卽是耿逆之船虛張聲勢竝無臺灣一艘且海寇內犯必乘夏秋東南風使之時今北風正勁萬里水程不能飛渡其無警急可知如蒙

親王鈞裁得將崇明兵調發三千到浙令江南另行募

補亦易足額崇明由蘇至浙道路甚近若行此三千兵發至金衢再令福建督標鎮標兵一齊進發則兵力充足庶可仰藉

親王方畧以紓

朝廷南顧之慮倘因官兵已經

題增恐費糧餉卽以所調之兵算作新補額數亦屬安

便伏乞

恩鑒施行

李文襄公別錄卷一

調崇明兵

八

啓王務調嘉湖官兵 康熙十四年二月

啓為啓請移調官兵事竊惟衢州自逆賊屯踞近郊依山阻水日夜窺伺侵犯官兵拒河而守已三月有餘賴將士奮勇保固無虞但堵防各路隘口連延二十餘里以少禦衆兵力難以再分屢欲別屯南北兩山以絕十寇交通運糧之路至於賊寇遊騎出沒亦應隨處追剿皆因沿河之兵不便輕撤遂令逆賊得以相持至今職思各處無兵可調近日嚴屬投誠接踵賊氛漸戢惟遂安尚須堵防查嚴協經制兵一千餘名前後調集兵共二千四百名見今黃巖鎮又有

李文襄公別錄卷一 調嘉湖兵 九

新募兵丁儘可酌量抽撥前職曾調回嘉湖營兵適因嚴州告警奉

親王諭令停止今衢嚴兩府緩急勢殊相應將嘉湖官

兵調至衢州以資援剿伏乞

垂鑒施行

啓王湖協官兵仍留嚴州防剿 康熙十四年三月

啓為緊急賊情事康熙十四年三月初三日奉諭據黃巖總兵官鮑虎啓稱本年二月二十六日據遂安縣牒呈本月二十六日已時據練總生員毛印昌報稱蔡寇汪飛隆吳明初蔣君一汪重賜等寇剽盧村詹家孫肇業程惟一等寇剽石塘鮑家余冬荷汪英毛余祝鄭文等寇剽破橋洪家其楊七保曹家葉家等處新賊峰起衝鋒係毛魯余貞初余仲孫及程姓等寇仍剽黃金林共下社橫山小泉等處老幼男婦皆已逃盡又傳言王賢孫同楊林二寇并姜九

李文襄公別錄卷一 官兵番嚴 十

桂姜明喜江泰平豐四十江秀如等寇亦盡自入都往十都過十五都會齊揚言是馬鵬過來此係生營鄉勇撲實的音具報等情前來除通報外理合彙報等情為照清湖閩逆糾集土寇共有萬餘窺伺遂城所隔不遠總兵現在督兵相機撲剿惟是在遂之兵除嘉湖前後二次官兵六百五十名盡調赴衢者外現在遂安兵力單薄守城不能殺賊殺賊不能守城况遂邑在萬山之中閩寇在前淳壽二縣投誠復叛各逆在後東西受敵策應無兵理合呈覽啓報伏乞俯鑒閩逆土寇併力侵犯不論何項官兵迅賜調

發星馳來遂以保萬全等語據此照得嘉湖之兵原係防禦遂邑前因該督啓稱近日嚴屬投誠賊氛漸戢應將嘉湖兵調至衢州等語本親王以該督身膺重任必知地方緩急情形如果遂安平靜無庸防禦即行調去今據鮑虎報稱逆賊汪飛隆孫偉業余冬苟各賊復來侵犯遂邑東西受敵策應無兵應作何調度使遂安無虞該督酌行可也特諭到職奉此該職看得處州新復需兵甚亟職已將自嚴調到把總李友明路宗良所領官兵星馳赴處另具啓聞外今蒙

李文襄公別錄卷一

官兵番屬

十一

令諭遂安告警令職酌行查金衢嚴三郡綠旗官兵數不滿萬所在皆慮兵少惟藉移緩就急以應事機查在遂安止有李友明所領兵二百五十名其路宗良兵一百名向係分防壽昌尚有調到嘉興營守備孫篤蔭所領兵二百名向係畱守府城此二處情形今已稍緩原不盡係遂安之兵况總兵官鮑虎鎮標新募已增數百名以抵所調之數儘足相當未致遽為單寡職權衡事勢當以處州為急所調之兵仍應赴處尚有在嚴湖協把總胡卿官兵一百名雖經移調尚未到衢職仰承

親王令諭相應將此項官兵仍畱嚴州一面飛飭該鎮多方勦禦職自當相機酌量策應可也謹啓

李文襄公別錄卷一

官兵番屬

十二

啓王調兵赴處州 康熙十四年三月

啓為報明發兵赴處防禦事據援勦金衝總兵官李榮溫州總兵官陳世凱報稱竊照本職等奉令統兵恢復溫處已於康熙十四年二月初四日抵處緣由及地方情形已經稟報在案但處郡居萬山之中三面與溫台衝接壤巨寇環繞惟縉雲一陌可通金華三等台吉察渾副都統馬哈達帶領滿兵駐劄於彼獨本職等一枝孤軍衝鋒冒險名雖兩鎮不上二千之衆分佈週城安設砲火堵禦要口及下河巖泉石牛諸處皆當撥一二百兵扼守兵分則勢單存城實

李文襄公別錄卷一

調兵赴處

十一

屬家家見今接得偽都督徐尙朝復聚衆數千於雲和龍泉山內馮公輔亦聚三千餘衆紮立木城於宣平龍坑又溫州青田一帶沙穆李王各賊首共聚衆萬餘耽耽虎視欲圖復犯以備禦嚴密未敢輕窺本職等毋擬出城撲剿而城內空虛恐致顧彼失此前經屢請添發大兵未奉發至百姓看破兵單將欲入城輒復疑畏裹足倘賊寇偵知猝然突犯內乏糧草外鮮聲援刻所慮本職等一身有限其如封疆之重何伏乞撥發一旅迅至處州共商機宜以固圍等因到城該職看得處郡三面與溫台衝接壤為

今日進兵扼要之地仰賴

親王調度得以恢復但賊寇尙多屯聚近山窺伺巨測必須厚集兵力聲援相接庶可戰守兼資屢據援勦溫州二鎮呈請增兵查原調在嚴嘉興營把總李友明官兵二百五十名湖協把總路宗良官兵一百名前經職啓調至衢州今衢州雖見當賊衝需兵甚亟而處郡形勢孤懸策應更難刻緩隨將前項官兵移調赴處尙有調防諸營太湖營把總李虎官兵二百名今該縣巡警寧息并令星赴處州使該鎮原標之兵得專統轄而增此一旅亦足稍助軍聲謹啓

李文襄公別錄卷一

調兵赴處

十四

啓王酌雷披甲馬匹草料

康熙十四年四月

爲啓請酌雷披甲馬匹草料以恆旗丁以資進剿事竊惟大兵効力疆場全藉馬匹今因各處用兵部議裁減固是軍需浩繁宜加撙節但披甲止准馬二匹議令放青職竊不能無請者南方溼熱馬匹最難牧養旗下各披甲見在衛疆勦禦自必多備以便騎征料豆先經減半今又僅支二匹正當對壘之時飼秣不敷飽騰何賴至於浙省多屬高山峻嶺本無平原廣澤水草叢茂之區難以放牧間有平衍處所尺寸皆係民田竝無隙地今當殘黎甫集招徠耕種之時

李文襄公別錄卷一

馬匹草料

十五

若馬匹放青雖欲禁其不毀禾苗不可得也似宜酌量減雷庶使兵民兩便竊謂軍興一日自有一日之費但使官兵用命平賊迅速則

國帑自省如裁減過多則旗丁實有不敷之苦伏乞

親王上裁或仍照前支給四匹或量雷三匹

恩賜

題請庶使七馬權騰征勦有賴仰祈

鈞鑒施行

啓王請調蒙古閩督鎮標官兵

康熙十四年五月

啓爲啓請移調官兵會勦賊寇事竊惟衛州逆踞近郊處處窺伺河內賊船聚集上流意在乘機掩襲我兵晝夜防範又據探報逆賊王楊羅廖等聚集數千餘衆分剽龍游南山楊堆屯剽沐鹿羅廖二寇屯剽山源戴王孝同吳姓賊首剽上塘等地又處州遂昌出來賊寇數千今已合營一處內有逆賊繆國英義子同領兵自靈山一路擺撥直至石塘地方等因據此該職與平南將軍賴塔會商職等前請增兵伏冀親王諭開衛州滿漢兵力不爲不敷今職等相機勦禦

李文襄公別錄卷一

調蒙古兵

十六

何敢再爲請但在衛官兵合計似爲不少分佈實不爲多職等再四熟籌必須增兵分路撲勦使其首尾不能兼顧方可大創賊氛克復疆圉有蒙古兵三百名福建總督鎮標兵丁現駐省城伏乞

親王俯鑒酌調前項官兵來衛以便合力分頭會勦庶

在衛逆賊翦滅可期矣職謹會同平南將軍都統賴

塔合詞具啓仰祈

裁奪施行

啓王嚴遂賊勢尙熾請雷鎮

康熙十四年七月

啓爲嚴屬賊勢尙熾仰祈雷鎮勦禦以全金衢糧道以固封疆事據遂安縣知縣劉從龍詳稱據紳士余國棟毛際可等連名呈稱遂邑壤接開常羣寇嘯聚在水路衢州爲八閩之門戶在陸路遂邑係兩浙之咽喉地方雖小關係甚大幸遇鮑總兵駐鎮茲土威德兼施勦撫並用兵民安堵遐邇沾恩但以餘氛尙熾寇夥橫近復勾引鄰寇擁衆萬餘窺伺大兵去雷出沒河沿覲覲糧米之往來人心惶惶總鎮一日之移動係遂邑萬民之安危伏乞恩詳雷鎮等情前

李文襄公別錄卷一

請雷鎮

十七

來該卑職看得遂居僻壤層巒疊嶂處處皆窩盜之藪幸藉鮑總兵守鎮有年山川之形勢夙知閭閻之疾苦遍悉東兵愛民勦撫兼著殘黎稍獲安堵今者逆寇猖獗盤山屯野警報紛紜水路守禦全靠衢州陸路保障首關遂縣軍機民命所關不得不急切籲雷伏乞俯准在遂接勦以靖地方以安民心等情到職該職看得嚴屬爲金衢糧運要津遂安又爲開常接界見今閩逆僞郭總兵帶領賊寇糾集開常夥黨屯剗遂境離縣僅數十里之途所藉黃巖總兵官鮑虎率兵堵禦故賊不敢他出窺犯論糧運則爲咽喉

之地論形勢實當心腹之衝是以衢屬賊勢披猖兵力不敷亦不敢啓調該鎮赴衢蓋恃以堵截常開保護糧艘使金衢一帶可無梗阻之虞耳今奉

親王諭調該鎮整旅起行隨據遂安縣知縣劉從龍申稱該屬士民各以賊勢地方起見激切挽留雷前來職思嚴屬賊勢尙熾勦禦方殷今該鎮移調所存遂安防守官兵爲數無多萬一賊衆乘虛分道直入遂邑或有他虞則嚴州不無可慮疆圉所寄殊切隱憂仰祈

親王俯鑒嚴屬關係最重暫留該鎮堵勦俟賊勢稍平

李文襄公別錄卷一

請雷鎮

十八

或令赴台夾勦或令恢復開常以圖進取恭聽
裁奪施行

啓王請調援勦鎮標回衛 康熙十四年七月

啓為請專勦禦賊守以資分路並進事據援勦金衛總兵官李榮呈稱竊照本職叨沐

題擢奉

旨金衛援勦

勦印開載

天語煌煌欽遵領受是金衛寇盜一日不平皆本職一日之責也上年任事之始即蒙調遣金華歷秋徂冬仰藉德威指授方畧勦撫兼施屢奏捷音漸次恢復入縣救寧今正月奉

李文襄公別錄卷一 調兵回衛 十九

親王令諭同滿漢官兵進勦溫處二月初四日恢復處州府城現在駐劄竊思溫處地方自有坐鎮總兵官管轄前時因係新復溫鎮官兵未齊而處郡城守亦未設立是以本職統帶援兵竭力拮据芟荆榛披草萊撫綏百姓保固封疆半載於茲已成安壤迄今溫鎮大小將弁已齊三千額兵已足而處協副將熊兆乾業經任事又加城守之兵並撫標之衆堪以守禦稍異則有劉總兵統兵防守是內外堅壁矣惟見衛州寇氛未殄不遑寢食况本標官兵尙有在衛者正好合力勦擒伏乞賜撤調援勦併湖協官兵速赴

軍前協力報効以靖逆氛以明職守惟俟轉啓速賜施行等情到職該職看得援勦鎮總兵官李榮統轄地方金衛是其專汛

勦書開載欽遵在案前因處州未復會同各路官兵協力進勦今據該鎮呈稱溫州總兵官陳世凱現統額兵防勦兼有撫標之兵處協副將熊兆乾又已抵任足資守禦縉雲則有劉總兵駐劄內外可保無虞獨是衛境賊寇責任攸關故懇請并力合攻以明職掌况近日賊中情形叵測賊節據據報河西逆賊分調往常山一路窺伺西安北鄉計圖攻圍衛城阻絕糧道

李文襄公別錄卷一 調兵回衛 二十

又賊首馬勝周立集念楊雄等各於上路源西山牛角浮河大溝等處分道四出今在衛滿漢官兵晝夜抵敵實在分佈不敷仰祈親王俯察危疆重地允將援勦鎮官兵并原帶湖協官兵調回衛汛以資戡守職以封疆起見不避冒瀆伏乞鈞鑒俞允施行

啓王亟請調兵應援寧台 康熙十四年七月

啓為沿海賊勢緊急亟請援兵以固封疆事據定海總兵官朱萬化報稱據防守奉化縣千總周夢熊接報七月二十一日賊船盡行登岸於撤開嶺西墊一帶地方俱下營盤駐劄公文客商不能前往其海口營寨盡燒奉地百姓俱逃防守馬家寨百總王元同提標左營趙把總帶兵那在方門地方堵守懇乞速發大兵星夜來寧救應等情又據該鎮報稱七月二十二日據象邑副將羅萬里接報象定洋面賊船聯檣接尾絡繹不絕今竟直入湖頭內洋倘象邑設有

李文襄公別錄卷一 請調援兵 三二

不測寧定危在旦夕伏乞迅發勁旅救援等情又據該鎮報稱七月二十三日據定海城守參將孔國元接報大毛山邊大小賊船一踪約有一百六十餘隻開往舟山洋面青龍港使來雙篷賊船二十三隻象山洋面使來大小賊船一踪俱向火燒門十六門行使河頭渡大小雙篷賊船四十一隻逼近定關等情又據寧紹道副使許弘勳署寧游營參將蘇葵提督遊擊郭守金等各報同前情又准原任水師提督常進功咨開狡賊登陸割營非風帆游移可比煩乞迅發官兵保全寧郡或不以本提督為不武即帶所發

官兵裹甲前驅開通台路等情各到職該職看得海寇大踪聯釋直入內洋疊據各鎮將塘報自寧屬象山定海台屬寧海一帶登岸割營斷我台路者有停泊窺伺圖犯定關象縣者各汛孤危亟請救應賊思時已入秋正宜厲兵進剿只因兵力分佈不敷以致逆賊苟延狡謀窺犯今寧屬在在在危定關尤屬全浙門戶倘有不虞關係非小今各處現在堵禦雖極力相持每慮兵力單薄實在別無可調查江南蘇松京口等地方俱駐有滿漢綠旗重兵距浙甚近儘可移緩就急以資策應仰祈

李文襄公別錄卷一 請調援兵 三二

親王俯鑒告急情形迅賜調發星馳應援不惟目前藉以合期即各路亦可計日蕩平伏乞鈞裁定奪封疆幸甚謹啓

啓王請禁旗營搶擄并給還難民子女 康熙十五年正月

啓為亟請安撫殘黎收拾人心事據布政司布政使李士楨詳稱大兵攻抵溫郡需用糧料備濟今處屬雖經恢復地荒民逃米穀鮮少今應察訪民情隱痛請啓

親王清字崇禎為張掛鼓舞招徠民自悅服四方景從糧草不缺兵民兩利等因又據分巡溫處道姚啓聖詳稱本本部院牌開據該道呈稱見在

貝子軍前料理地方殘黎設法招撫百姓但自樂清書田至永嘉全經搶擄日見無妻無母一二殘黎相對

痛哭等因到本部院據此為照難民子女案准部文不得一槩搶擄奉

旨通行在案况百姓苦為賊陷實出於勢不得已官兵仗罪救民自應多方緩輯該道身屬監司隨軍撫民責任攸繫仰道即將樂清書田溫州一帶難民子女未經擄帶者作何啓請禁止已經擄帶者作何查給還民遠攜販賣者作何稽察杜絕此係地方緊要事務萬勿瞻徇推諉等因奉此正在啓請間又奉本部份牌開據樂清縣申詳樂清民人妻女被官兵搶擄數千贖回僅正有數或一家盡掠斬絕煙或遠攜販

李文襄公別錄卷一 請禁搶擄 三十三

責以此覓利巷多啼哭之聲野遍呼號之慘等情到

本部院據此為照樂邑男婦子女多被進剿官兵掠帶遠攜本部院批閱申詳殊堪憫惻案准部文內關真正賊寇未必攜帶妻子而行營中所有難民子女許令民間認領不得一槩搶擄奉

旨欽遵在案今據前因仰道立速就近啓請貝子查明給還一面速議杜絕遠攜販賣之法庶免難於查給等因到道奉此竊照旗營搶擄男婦子女奉

本部院檄行未經擄帶者作何啓請禁止本道已經啓請

貝子自康熙十四年十月十五日以後不許擅搶一名并求

貝子印發清字告示遍行張掛禁兵拏夫強買等事間有強橫者本道當即拏請貝子鞭責此項亦可稍止矣又奉檄行遠攜販買者作何稽察杜絕本道通行察訪實非民人販賣俱係金華杭州滿兵來買其實以兵賣兵及至本道行查則託云是我親戚我送他等語以旗賣旗殊難稽究又奉檄行已經擄帶者作何查給還民本道自抵軍機招集殘黎盈庭哭訴慘不忍見當即啓請

李文襄公別錄卷一 請禁搶擄 三十四

貝子尙未給還等因又據溫州知府王國泰報稱既民
久遭寇虐慘傷已極今兵馬踵至鄉民妻女被掠蕪
存營盤左右數十餘里村落惟有瓦礫渺無人跡極
目遙望炊煙幾絕案蒙頒發告示給還民間婦女不
謂各兵將所掠婦女或託寄於省中或匿藏於營內
鄉民尋覓無謀面甚有遭兵荼毒者叩乞啓請

親王頒發令諭通行給還等情又據永嘉縣知縣鄭廷
俊報稱永嘉自二十九都起至五十二都民人悉被
槍擄逃亡始盡間有招集一二民人又被各旗營兵
廝以放馬尋菜爲名四處槍掠致百姓紛紛逃避田

李文襄公別錄卷一

請禁槍擄

三十五

稻暹野不割將來兵餉民食大是可虞等情各到職
該職看得樂清青田永嘉一帶先因逆賊祖弘勳後
叛官兵應援不及將百姓失陷原出於勢不得已迨
大兵進剿真正逆賊竄入甌城此守土弗去之百姓
卽不肯從賊之百姓正可宣布

朝廷德意招徠撫綏使其室家完聚樂業安居庶幾人皆
懷我漢仁到處效順將見逆賊勢窮自相離散卽直
入八閩亦不難於聞風底定今據司道府縣稟報旗
營擄帶子女情形是地方雖復有土無人不但

朝廷財賦將來無從出產卽見在糧糶已乏人供運亦恐

有誤軍機且百姓既遭槍擄無家室繫念必致鋌而
走險反得遂逆賊狡謀煽誘愚民以增賊寇關係非
淺職思大兵進取固須鼓勵士氣尤須收拾人心此
被賊蹂躪之百姓孰非

朝廷之赤子亦卽

親王之赤子

親王急欲平賊總爲亟欲安民職受

國恩謬膺重寄安敢將地方情形緘默不言有負

親王救民水火之至意用敢據地方各官來文激切敬

陳仰祈大張清字嚴諭民間認領併乞

李文襄公別錄卷一

請禁槍擄

三十六

親王頒示各旗營官兵嚴禁槍擄庶

王言一出萬姓歡呼非特戶口復集賦役有資兼之人

心鞏固向化接踵不難立致蕩平矣爲此具啓仰祈

鈞鑒施行

啓王提鎮兼設免造水師船隻 康熙十五年三月

啓為補授提督事康熙十五年二月初九日奉

諭內閣准兵部咨該本部覆浙江總督李之芳題前
事於康熙十五年正月十三日奉

旨該部議奏欽此該臣等議得浙督李之芳疏稱浙省官
日原設有水師提督駐劄寧波今日水師提督有應
援進剿責任其駐劄地方必須扼險可以兼顧策應
查定海為全浙門戶見在戰船俱灣泊蛟關以之駐
劄其地甚為利便若不設專統標旅非惟各汛將士
呼應不靈即配船出洋亦非素所練習如欲從新添

奉文襄公別錄卷一 提鎮兼設 二十七

募又未免加增糧餉今定海總兵官朱萬化業已告
病乞休請照江南崇明改鎮為提之例將定海鎮標
官兵改為水師提標等因查近經臣部將定海總兵
官朱萬化准其原品休致應將員缺補授等因具題
奉

旨道員缺着奉命大將軍康親王等於軍前効力各員內
選擇具奏欽此已經咨行在案今定海鎮標官兵改爲
水師提標或定海總兵官員缺應行補授之處請
勅奉命大將軍王並該督議定具題到日再議可也等因
於康熙十五年二月初九日奉

旨依議欽此欽遵移咨到本親王查得近來寧台一帶賊
寇雖經漸次掃平海逆游移海面耽耽窺伺水師提
督既有應援進剿之任沿海一帶地方遇有警息該
提統領官兵策應海島逆賊蟠踞出洋搜剿則定關
並無重臣彈壓時當多事定海為全浙門戶仍補總
兵其提督另設經制水師凡策應搜剿提臣出師則
鎮臣彈壓鎮臣出師則提臣彈壓事有攸賴矣今奉
有會議之

旨該督應即具定議啓覆以便具

題可也特諭到職奉此該職看得前准部覆定海總兵

奉文襄公別錄卷一 提鎮兼設 二十七

官員缺應行補授之處與改設水師提標緣由經職
啓報

親王鑒奪在案今奉有令職定議啓覆之

論因查案准部文開載

親王原疏常進功見班職任不便管轄他人之兵今職
酌議駐劄地方管轄事宜原不令另設水師管制應
因定海鎮總兵官朱萬化告病乞休職議照崇明改
鎮為提之例庶幾兵不另募船不另造船不另增似
屬妥便經職具

題在案今奉

今論定海為全浙門戶仍補總兵此誠

親王弘籌遠慮實於封疆有賴職謹仰遵定議惟是提

督另設經制水師勢必議造船隻但浙省木料採贖

艱難屢據該地方官申詳抑且工費浩繁曠日持久

不能一時告竣難濟急需其水師提標不必另造船

隻之處統祈

親王於城內聲明並候部議定奪附職銜名

題覆伏乞

鈞鑒施行

李文襄公別錄卷一

提鎮軍機

三十一

啓因山貝子齋翁滿洲官兵

康熙十五年三月

謹啓

貝子殿下職以統師衝郡遠隔

恩光馳仰之誠與時交積伏諗

大駕親總師旅露處既郊帷幄焦勞職又不獲躬承

驅策惟增悚息正擬肅候

崇禧適接二月十七日夜我師大捷之報是皆

貝子威武丕揚致逆賊自投斧鑕此番大創賊衆膽落

蕩平自可立待元勳偉績上安

宗社下庇封疆職之踴躍欣豈可名狀謹東望百叩以

李文襄公別錄卷一

齋翁滿洲

三十一

志欣馳特達下役叩候

萬安惟是滿洲官兵奮勇用命建此奇功外遣齋銀

五百兩交發溫州總兵官陳世凱今其啓請

貝子分犒滿洲有功官兵少佐投醪之需統祈

垂鑒謹啓

啓王請發官兵乘勢恢期常山 康熙十五年三月

啓爲啓請調發官兵乘勢協力恢期事竊照開化一
邑界接徽饒路通廣信逆賊偽都督馬鵬等偽總兵
周立等與衢郡河西之寇互相聯絡肆毒地方爲害
已久職與平南將軍賴塔會議必由嚴遂進兵先取
開化則常山唇亡齒寒自不難於克復可以合廣
信大兵惟因嚴協官兵分佈不敷隨發署瑞安營副
將事職標參將武榮平陽鎮標遊擊陳國任帶領在
衢官兵令其前赴會同嚴協副將洪起元等官兵及
調援在嚴撫標官兵協力進取現將屢次獲捷并恢
復開化情形另行啓報外惟是開化既復我兵已抄
其後再得迅發勁旅由衢直抵常山兩下夾剿賊必
首尾莫應職與平南將軍商酌在衢官兵現已分發
由嚴進取開化且衢郡河西逆賊對壘我兵防守要
汛保衛城池處處皆宜嚴密印克復常山又必屯兵
戍守方爲萬全衢汛官兵未能分佈仰祈
親王俯察機宜乘此勝勢即將福建督標或鎮標官兵
速賜調發星馳前赴協力夾剿庶軍聲大振而常山
即可底定矣職謹會同平南將軍賴塔合詞具啓伏
乞鈞鑒施行

李文襄公別錄卷一 請兵恢期 三十一

啓王請調鄰省官兵 康熙十五年四月

啓爲逆賊負固日久亟請酌調鄰省官兵以資進剿
以收蕩平事竊惟衢州界聯閩境爲全浙咽喉自耿
逆叛變江常失守彼時人情震駭勢幾莫保職與平
南將軍賴塔率領滿漢官兵進逼賊衝鼓勵將士收
拾人心極力支持賊勢漸蹙於是分佈各營堵禦要
害枕戈擐甲無間寒暑者已逾二年幸皆奮勇用命
屢著捷功賊知無隙可乘始爲溪溝高壘以示持久
兼自上年

安親王進剿江西恢復廣信與衢屬接壤互爲犄角使

李文襄公別錄卷一 調鄰省兵 三十一
賊不敢狂逞其時在衢境河西對壘者止偽驍騎馬
九玉偽都尉朱懷德等一股之賊也今聞廣信大兵
業已撤回附近數百餘里賊復嘯聚跳梁如分水關
之偽將軍白四鬚等排山之偽將軍郭忠孝偽總兵
李廷魁等屢據報文將與馬九玉合而爲一是在前
止河西一股之賊而今則益以江西各路之賊揆之
事勢必須厚集兵力始可制勝萬全職與平南將軍
賴塔會商兩年以來止緣浙省各路用兵戰守不敷
使賊得以苟延喘息前此猶望一路掃平便可併力
攻取不意各處寇氛尙未盡殄竊慮軍興浩繁錢糧

不繼關係匪淺但浙省綠旗各營屢經抽調現存本
汛者有限卽新復制營召募維艱不惟緩不濟事抑
且未經訓練無裨實用爲今之計惟江南省松江崇
明綠旗官兵額設原多合計幾及二萬且蘇松距賊
尙遠勢難窺犯又與浙省相鄰調發最易合燕於松
江提督標下酌量調兵三千名崇明提督標下酌量
調兵二千名俱各選擇精壯達委營將統領剋期赴
浙兵力既厚足以制賊死命河西賊巢一破從此收
復常山直抵仙霞自不難於次第進取矣仰祈

親王鈞鑒特賜主維或聽候

李文襄公別錄卷一

調鄰省兵

三三

親王具

題或令職具

題統乞

諭示遵行

啓陳進勦機宜并調鄰省官兵

康熙十五年五月

啓爲逆賊負固日久恢勦萬難再遲等事康熙十五
年五月十二日准兵部咨開該議政王等會覆浙江
總督李之芳題前事等因康熙十五年四月二十三
日題五月初一日奉

旨議政王貝勒大臣會議具奏欽此該臣等會議得浙江
總督李之芳疏稱若欲亟圖滅賊松江崇明綠旗兵
幾及二萬合燕於二提督標下酌量調兵五六千名
選擇精銳懇

勅提鎮重臣一員剋期統領赴浙等因查江南崇明松江

李文襄公別錄卷一

進勦機宜

三三

等處乃海口要地所關甚大今當夏令正東南風起
之時江南省兵不便調動且計浙省所有綠旗官兵
爲數不少相應請

勅大將軍康親王總督李之芳等於浙省內審度緩急緊
要不緊要酌量調遣勦滅逆賊又總督李之芳親赴
衢州善能保守而浙省倚賴今作何擊破逆賊及應
由何路進取福建事宜令其作速明白具題可也等
因康熙十五年五月初二日題本月初四日奉

旨依議速行欽此移咨到職該職看得浙江與閩省接壤
衢郡富上游首衝誠全省之咽喉入閩之門戶也職

與平南將軍都統賴塔統師捍禦已逾二年止因本省各營兵馬屢經抽調戰守不敷議調鄰省官兵併力進剿前經具啓

親王令職具

題職印祇遵疏請去後茲准部議以江南乃海口重地不便調動請

勅親王暨職於本省內審度緩急酌量調遣并令職作何擊破逆賊及由何路進取福建事宜作速明白具題等因職惟逆賊耿精忠背

恩叛變以來分遣賊衆一由衢州一由溫州一由處州三

李文襄公別錄卷一

進剿機宜

三五

路入犯兼以零星賊艘游移外洋狡謀牽制而且廣佈偽劄煽惑人心以致杭紹台寧金嚴溫處等府不逞之徒所在蠶起自

王駕同固山貝子及平南將軍相繼抵浙遣調官兵各路堵禦屢奏捷功職復督飭各鎮將文武等官相機勦撫內地漸次安堵今止溫州一路尚有逆賊曾養性祖弘勳等拒守未下處州一路尚有逆賊連登雲徐尚朝等負固石塘沿滂一帶尚有逆賊熊進學等連踪飄忽然擊破逆賊進取福建必宜由衢州一路蓋衢州向爲入閩捷便之徑取逆緊要賊衆畢集於

李文襄公別錄卷一

進剿機宜

三六

此若此路逆賊一破則諸路之賊自不難於瓦解矣雖有逆賊馬九玉朱懷德等見在淡溝重壘死守河西然衢州南則江西則常山皆可以截其糧道斷其歸路使賊首尾不能兼顧便可相機勦擊但分路前進必須重兵足以制賊死命畱守地方亦必須重兵足以固我後路今浙省綠旗各營如杭嘉湖紹附近內地者先已抽調殆盡其寧波定海象山寧海台州黃巖太平大荆樂清等處悉係沿海要汛則本省實無可調之兵職與平南將軍都統賴塔再四籌畫必須仍請調發鄰省官兵若江南崇明松江固爲海口重地然形勢與浙不同賊踪游移倚船爲命斷不敢捨舟渡入江南官兵卽有抽調來浙存剩之兵尙足以保固無虞今浙江逆賊未平滿漢官兵枕戈擐甲已逾四年若再曠日持久軍餉浩繁萬一錢糧不繼關係非小職見在酌議再疏具

題仍請調發江南官兵來浙進剿但未經啓請鈞裁不敢擅便相應備將籌畫情形啓達仰祈親王鑒察諭示以便遵奉施行

啓王陸路提督移駐艱難

康熙十五年八月

啓為密論事康熙十五年八月初二日准石提督咨稱奉

親王令諭內開照得沿海地方在在俱係緊要險汛今寧定既添設水師提督茲諭到之日該提督即移駐台州如沿海一帶倘有緊急情形居中提調以便策應如有用滿兵之處與夸蘭大科爾大霍柱商酌而行毋致疎虞等因奉此自應遵照

令諭即行移駐台州因職標官兵除左營一千現隨貝子軍前其餘皆分發寧波所屬寧慈奉象各縣以及

李文襄公別錄卷一

提督移駐

三七

大嵩鹽場吳家埠應家棚水村松懸等沿海一帶佈置嚴防日報賊踪窺伺未敢一時輒撤貽誤機宜况標兵五千經制將備千把官四十餘員又投誠効用隨征各官一百餘員俱有家眷兵有數口官有數十口者住寧年歲既遠各有產業家伙老幼牽累重土難遷且自寧赴台計程四百餘里大小山嶺九重溪渡一十餘處官兵眷屬跋涉各縣人夫須用數萬更必先行台郡查議官署兵屋俟有就緒方可次第而行沿海地方此番舉動兵民交困非比內地萬難輕率若將官兵各眷畱住寧波隔遠難於照顧眾

心不安更屬未便且今水師新設官兵俱必以職標

原住之屋照數查插是職標官兵舉眷既苦跋涉之難甯眷更苦隔遠不安之累則全標移駐台州其中情狀人心不一大有不可言者職又何敢以不可言之難有違

令諭除即轉行五營參遊一體遵照作何酌撤官兵整備移駐外合先啓覆請候

親王鑒奪令示等因除啓覆

親王外頃閱邸抄為補授提督事兵部覆

親王題前事內開水師提督應駐何處作何管轄等項

李文襄公別錄卷一

提督移駐

三八

聽該督另議具

題等因本部院必灼見安讓今

王諭一到衆情驚惶若即遵

諭移台全標官兵既有挈眷搬家崎嶇跋涉萬萬不能之苦更有拋眷畱寧隔遠難顧洵洵不安之處且沿途起撥人夫動輒數萬台郡查插房屋勢必七八千間台州湖疲小郡十室九頽既駐協將官兵三千有餘豈能再插提標五營本提督任在全省隨處皆可駐劄但事關重大有患不得不言有言不得不早如以寧郡一隅水陸二提標不能並劄則移駐者不

應議及陸師已設之營伍再台郡現有協將三營理
九邊郡地窄民稠如爲固圍之計止可調防汛守又
不應將陸提全標官兵再議加插抑更爲定關江蘇
要口必應水師提督駐劄然尚有提鎮二標提標兵
多鎮標兵寡何反專移提標綠奉

王諭前因合亟咨請查裁示奪等因到職該職看得浙
省提督向來駐劄寧波官兵眷口安居已久近因添
設水師提督茲奉

親王令諭有陸路提督移駐台州之行仰見

親王洞察時勢以提督應援全省之責居中調度保固

李文襄公別錄卷一

提督移駐

三九

沿海便於策應恭釋

諭內原未令其營將官兵家口盡數移駐台郡也况

水師提督駐劄地方前奉

親王

題明聽職另議除候部文到日當爲確議啓明題請定
奪外今提督石調聲以標下官兵家口衆多搬移艱
難且咸疑爲竟令移駐安土重遷致有人情洶洶之
慮咨請前來事關地方相應備敘啓報伏乞

親王鈞鑒頒示曉諭官兵庶衆心驚疑可定而重地亦
有攸賴矣謹啓

啓王請檢在閩戰船用濟舟師

康熙十五年
年十月

啓爲浙省戰船現闕閩疆灣泊頗多職請移調到浙
節省錢糧以固海防事竊惟浙省邊海重汛當承平
之時原額設有戰船一百六十隻隨踪哨船一百二
十隻分泊溫台等區不意康熙十三年間黃巖溫州
變叛凡在黃溫船隻盡皆失陷僅存泊定戰船七十
隻久蒙

親王洞鑒在案今陸路雖經平定據報鄭錦賊踪仍不
時窺伺且台州黃巖溫屬一帶俱逼臨大海近因黃
巖鎮總兵官鮑虎病故亟資重臣居中調度職仍擬

李文襄公別錄卷一

請撥調船

四十

將黃巖鎮標官兵改爲水師提標移駐黃巖控制溫
台一面具

題去後第水師標旅若無船隻憑何操駕以備分配出
洋之用若令浙省各地方製造當此錢糧匱絀民力
凋疲無論採運木料工費浩繁且曠日持久一時不
能告竣以濟急需今據投誠人員供稱閩地戰船頗
多既已受撫所有前此浙省溫台二區失陷戰船似
應撥還原標以資守禦仰祈

親王俯鑒將現泊閩中及溫屬地方查有堪用戰船酌
撥二百隻其在閩省者卽令彼中官兵駕至浙洋其

在溫屬者即就近補還原額庶浙省免於勞民傷財
而舟師立可成旅有裨海疆匪淺鮮矣伏乞
鈞鑒施行

李文襄公別錄卷一

請撥開船

四十一

啓王請諭耿藩速令江西餘黨歸誠

康熙十五年十一月

啓爲耿藩已經投順餘黨尙多蔓延請

諭速行招撫以安地方事竊照徵饒德興廣信玉山

一帶與浙通壤其岐界未平諸賊奉

旨二省會剿職即遣發官兵恢復江西玉山縣城已經啓

報在案又於龍山源白沙關等處剿賊敗潰招撫偽

總兵汪文生等現在另行啓報外但今耿藩已經投

順凡在該藩所屬渠逆自應卽行剃髮剋期來歸今

分檄各路確據餘孽據職標守備段斌等報稱鉛山

縣石塘東源湖坊等處尙有偽副將林爾瞻許志遠

李文襄公別錄卷一

請諭耿藩

四十二

陳龍施廷宇曾傑偽參將王勝等駐劄又興安縣與

十七都地方尙有偽總兵下偽遊擊李友才駐劄又

弋陽縣尙有偽徐副將等駐劄又貴溪縣尙有偽教

遠將軍朱統昌偽副將李元勛周大順卽七瓜郎等

駐劄以上各偽員俱係偽都尉白顯忠所管又樂平

德興等處地方尙有偽揚烈將軍程鳳並賊首陳崑

山陳大馬鵬張世英林瑛吳正等駐劄以上各偽員

係偽驍騎馬九玉偽都尉朱懷德等所管均各嚴守

城池尙未剃髮又據投誠偽將軍黃朝川呈報職奉

親王令諭將廣信城守事務交付偽總兵榮明等職卽

起行進聞親繳偽印劄但目今傾心歸誠者固多而
抗命踞城者亦復不少如興安七陽貴溪鉛山石塘
港東源湖坊等處各逆皆梗化未服江省行途未通
等情職惟各逆散布岐界現今奉
旨三省會勦豈難滅此朝食惟仰體

朝廷浩蕩弘恩

親王好生德意且軫念無辜生靈因子以自新之路令
其悔禍輸誠伏乞

頒諭耿藩將江西一帶抗命踞城之輩速令及早來
歸盡洗前愆早靖地方如再負固不服當即發兵征

李文襄公別錄卷一 請諭耿藩 四三

勦庶百姓早離湯火而根株不致蔓延矣相應啓請
伏乞

鈞鑒施行

啓王請諭給還難民子女 康熙十六年三月

題發還完聚以廣

皇仁事據浙江按察司按察使張登選呈詳到職除按察
司另冊開錄旗官兵隨

固山貝子出軍沿途一帶搶掠子女職現在嚴檄分行
各鎮營查給完聚不另送冊呈

覽至冊開滿旗槍帶人口查內有小八旗係京口綠
旗各營亦經職摘出分行查給又尚有各屬難民呈

李文襄公別錄卷一 難民子女 四十四

控現在行查未經取到結狀者容俟另行啓報外該
職看得浙閩地方仰藉

親王德威俱已平定大兵所至秋毫無犯仁恩浩蕩遠
近傳聞是真

朝廷之福萬民之幸也惟是溫台處一帶遭寇殘破百姓
流離困苦正當招徠撫綏俾令復業乃當日官兵進
勦捉帶民間子女甚多前有全允升陶人麟朱四元
等赴部控告准部文行職等確查完結又據各屬難
民紛紛赴告以至杭州省城哀號載道皆係尋妻覓
子之人職等有地方之責當此殘疆初復必有人民

而後有賦稅亦必有家室而後有人民况准部文行查不敢置之不問行據按察司現查捉去男婦共二千二百八十八名口造冊詳報前來竊思浙省皆親王平定之地方百姓皆

親王拯救之赤子今閩省咸蒙

恩造家室安然即變叛之徒勢窮來歸尙得保全妻子獨浙省溫台處等各屬難民池魚受禍如仙居樂清等縣原因官兵退駐台寧棄而不守旋爲賊踞永嘉瑞安黃巖縉雲青田松陽等縣原因叛將內變或因官兵救援不及相繼淪陷皆非百姓甘心從賊及

李文襄公別錄卷一 難民子女 四十一

大兵進剿其真正賊寇或據城抗拒或相率逃遁惟此殘黎依棲故土不肯隨賊而去

朝廷用兵救民水火正救此等之民也至如金華諸暨常山等縣難民子女皆於殺賊旋師之時隨路攜帶並非從賊拒敵之人案准部文內開真正賊寇未必攜帶子女而行營中所有大率非係擄掠民人子女即係爲彼脅從嗣後如殺賊之餘賊寇所擄難民子女許令民間認領不得一概妄行搶擄奉

旨依議速行欽遵在案是在賊營所得子女皆許民認領况不係賊營所得尤宜給還又伏讀康熙十四年十

二月十四日

恩詔一款國家用兵原以靖寇安民凡恢復地方甫離寇亂尤宜加意保全安插得所勿得借端擄掠重擾良民欽此是恢復地方不許搶擄况現在版圖之民尤宜保全今各屬難民感戴

皇仁浩蕩又仰荷

親王恩德是以匍匐奔赴控告不休今據司府縣各官查明逐一造冊詳報是准部文確查者業已查明惟有給還便可完結但旗丁非督撫可以徑行查給隨移咨鎮浙將軍馬哈達查行去後今准咨覆祈請

李文襄公別錄卷一 難民子女 四十二

親王得有給還之諭在凡搶得者庶無藉以推諉之處等因前來職等謹將擄掠戶口旗色住址清冊上呈親王鈞覽伏乞特頒

恩諭并發滿字告示嚴飭各旗凡有所擄難民妻媳子女如伊親屬認領迅速給還完聚併請許令地方官便宜查給庶

王言一出萬姓骨肉重逢地方得有起色矣職謹會同巡撫陳秉直合詞具啓伏乞鈞鑒迅速

諭示職等遵奉以便結案覆部施行

啓王贖難民子女
康熙十七年三月
啓爲顛憐情慘俯賜代

題以全生民骨肉以足丁糧事康熙十七年三月十一日准巡撫陳秉直咨文又據布政司李士栢按察司張登選驛傳道李之粹杭嚴道王樑運司閻廷謨會詳前由到職據此該職看得自用兵以來

詔旨頻頒惟以愛民爲亟

親王仰體

皇上至意自進駐全華以及平定全閩所至之地約束嚴

明百姓無不感仰惟溫台一路當時

李文襄公別錄卷一

難民子女

甲七

固山貝子有放槍之令以致難民子女被搶獨多前

准兵部據百姓控告咨行職等確查報部行據按察

司查明被搶男婦數目造冊啓

請查給紫

親王行據各將軍都統啓覆並無擄掠良民子女等因

以致奉

諭未允職等所請在各將軍都統以爲賊所曾到之

地其子女卽係應搶之人遂覆稱並無良民但真正

賊寇始則用兵負固既則投戈乞降其妻子固安

無恙而所得者則皆賊至不能自脫賊去不肯相贖

窮苦難民之妻子也查部文殺賊之餘不許擄掠難民子女卽得自賊營亦許民間認領奉有依議速行之

旨正指賊所屯踞地方而言賊自爲賊民自爲民原有分別今未經查給則與部文未合因此未經報部近來或有地方官捐助代贖者難民自行募化取贖者間或有旗丁自心感動徑行給還者但給贖者少留營者多今值蒙古官兵凱旋各屬難民盈千累百羣集省城呼號呈控援引

詔旨咸稱不蒙具

李文襄公別錄卷一

難民子女

甲八

題發還惟有跟隨赴京叩

關等語隨准巡撫移咨會

題并各司道呈詳前來職查各難民紛紛哀控已非一日職等惟諭以

親王自必查給稍以慰安其心今日未蒙給還而蒙古

又現在起行生離死別只在頃刻是以情狀迫切如

此溫台等處僅存殘黎皆係飢寒失業之人既見骨

肉永無還期彼更何所瞻顧若使千百爲羣赴京登

聞職等不先陳

奏何以自解見擬會疏具

題不敢不先啓報如蒙

親王徑頒令諭通令給還職等仍與地方各官公同捐

散酌給價值則百姓既得完聚而旗丁亦無苦累實

為兩全則亦可以報部完結矣職謹會同巡撫陳素

直合詞具啓伏祈

鈞鑒獨斷迅賜

諭示施行

李文襄公別錄卷一

羣民子女

四十九

啓報江山嶺等處殺賊并請會勦 康熙十七年七月

啓為塘報堵禦賊眾情形事康熙十七年六月二十

九日據駐防益亭金協都司郭正明駐防楓嶺管遊

擊倪文陞駐防浦城遊擊張弘弼各塘報到職該職

看得浦城以至仙霞係浙閩大路見今江西賊寇復

肆猖獗此地控聯三省最為緊要職先奉

令諭浦城一帶如有警息即行策應又奉

諭浦城楓嶺仙霞各將領互相應援職已經飭行防

守仙霞秦將饒承德防守益亭木城關等處都司郭

正明等楓嶺管遊擊倪文陞浦城遊擊張弘弼馬登

李文襄公別錄卷一

啓報會勦

五十一

瀛等各嚴加堵扼聯絡聲援據各將領咸稱汛廣兵

單不敷防禦職復差員前往各路險隘相度形勢除

見有將領駐防處所外尚有念里村條爐等處太平

梅溪等關皆須重兵鎮遏果係地方遼闊岐路甚多

在在應防實慮兵少奈浙省官兵調發已多無可添

撥職又飭行都司郭正明等酌議分兵佈置務使太

路得以保固遇有賊息即便星馳撲剿去後今據都

司郭正明等及遊擊倪文陞塘報並發官兵同守備

薛受益於木城關外江山嶺地方殺敗賊眾遊擊張

弘弼塘報於念里村條爐等處剿敗賊眾各得獲獲

械等項各官兵奮勇用命稍挫賊鋒但賊寇巢穴
在江西不時出沒浙閩地界蔓延可虞前江西提督
趙賴駐兵廣信席未及煖又准部文調征茶陵所帶
官兵復已撤回而閩省浦建之兵亦患單寡今蒙
諭調到總兵赴浦統率各營此正平靖地方之機會
查江西撫建總兵許貞現在廣信若三省刻期會同
進剿庶可掃蕩餘氛雖山險崎嶇溪入攻圍原非易
事但賊勢流突不常官兵燕處不備用力多而成功
少江右百姓受其荼毒不能聊生盡為賊所驅脅日
漸加衆倘不亟靖根株將來必致大費兵力必須乘

李文襄公別錄卷一

奉報勦賊

三十一

時撲滅為一勞永逸之計如不四面會合窮其去路
則此期彼遁亦屬無益必奉

親王鈞諭飭行方可使三省呼吸相應職現在調度將
士整束候令伏乞

諭令兩省總兵會訂師期同時並進以靖封疆相應

啓請

鈞鑒施行

啓王會勦鄰境賊寇

康熙十七年八月

啓為會勦賊寇事該職看得江西賊寇出沒三省地
界流毒地方經職啓請會勦以期早淨根株今奉
諭前因運將發來總兵官許貞

令諭一角立即轉發外適准江西總督董衛國咨稱
親統官兵并咨會福建督撫分路進兵會勦逆賊楊
一豹江機等又據福建左鎮總兵官劉顯芳稟報錢
村老營賊寇出營不知向往何處又稱楊一豹着賊
到崇屬隔界踏擇營盤然後率部卒踞逆賊此番
洗營而出不知意欲何為等語職查逆賊移屯巢穴

李文襄公別錄卷一

會勦賊寇

三十一

或知三省會勦希冀逃遁或窺伺兵少之處乘間流
突皆未可定職即照會總兵官劉顯芳并行浦城遊
擊張弘弼馬登瀛楓嶺營遊擊倪文陞調防金亭金
協都司郭正明等調防仙霞關職標參將饒承德各
整率官兵一面接明進兵路徑一面嚴加堵扼又飛
移江西總督確訂師期俟江西官兵一到即刻知照
進剿俟有勦殺情形另行啓報外合先啓覆伏乞
鈞鑒施行

啓報撥兵延平並陳浙省兵單 康熙十七年八月

啓爲海氛方熾未熄等事康熙十七年八月初一日
准兵部密咨內開該議政王等會覆福建巡撫吳興
祚題前事等因康熙十七年七月廿一日題本月二
十三日奉

旨議政王貝勒大臣會議具奏欽此該臣等會議得福撫
吳興祚疏稱延建邵汀四府皆有伏莽乘隙蠢動今
省城甲兵前調赴漳泉其延建等府額兵亦經先後
調撥雖新任提督暨八旗大兵將次入閩到即急赴
漳泉不能駐防延平等府伏祈於浙江督標官兵三

奉文裏公別錄卷一 撥兵延平 五十三

千或二千星速赴閩駐防延平彈壓等因查浙省官
兵雖經屢次調遣今海寇侵犯漳泉等處事屬緊要
浙省附近福建且近又令浙江督撫召募兵丁宜調
浙省之兵發往彈壓福建延平等處應請

勅下浙江總督李之芳巡撫陳秉直量留鎮守浙省設法
將各營官兵抽撥或二千或二千名儘其所得即速
調遣迅發彈壓延平等處可也等因康熙十七年七
月二十三日題本日奉

旨依議速行欽此等因到職該職看得浙省官兵先後調
發撥調者爲數已多今因延平等處需兵准部支行

職等設法將各營官兵或二千名或二千名即速調
發職等奉有依議速行之

旨多方籌酌查浙省邊海遼遠逆賊刻圖窺犯將士燕分
寒暑晝夜操甲在在戒嚴且溫台海洋即接連福興
漳泉之海洋乘風而至不待終日倘或大兵節大南
下乘我單虛并力聯鯨直犯浙境若無重兵何以禦
敵至閩江接界山寇猖獗逼近浙閩大路現在三省
會剿是浙省三面正在用兵而內地安插投誠不下
數萬皆屬鷹服未化之徒今見山海賊寇既築防禦
尤宜周密職等四顧浙省營汛兵單已極賊氛尙熾

奉文裏公別錄卷一 撥兵延平 五十四

事勢堪虞實屬無兵可以抽調案查金亭地方原爲
浦城外援前奉
親王俯念浦城係屬重地所以

諭職酌發官兵防守金亭今浦城已有福建左鎮總
兵官劉顯芳駐劄其金亭自可兼顧且金亭與仙霞
關相隔不遠職一面並暫令防守仙霞將領就近兼
顧一而再行的發添防隨令原駐防金亭全協都司
郭正明等官兵一千一百五十名先赴延平又於浙
省各營設法抽撥以足二千之數陸續前進外所有
調發官兵前赴延平數目並浙省兵單情形相應啓

報職謹會同巡撫陳乘直合詞具啓伏乞
鈞鑒施行

本文彙公別錄卷一

兵部

五十五

各戶兵二部請給投誠効用官俸
為成例可稽懇乞咨
康熙十七年六月

部給俸事據標下中軍副將吳三畏詳稱奉本部院
批標下隨征効用副將楊彪等知府朱定遠參將閻
士龍等遊擊程魁等都司王子管等呈稱竊以彪等
待罪鄰封荷蒙賞文招撫彪等傾心向化奔投恐後
自至衝城感荷

皇仁浩蕩

親王德澤安插給劄彪等廉身盡瘁不足仰答高厚之

恩何敢復有希冀但思碌碌庸材既受養生燕極區

本文彙公別錄卷一

投誠官俸

五十六

匪肝屬必圖効死有階查案中樞政考內開投誠各
官有獻城池帶官兵最多而功大者於原銜外酌量
優加職銜給與全俸帶官兵不多無大功者仍給原
銜全俸彪等屯駐德興縣城率領全旅歸誠六萬有
奇雖不能與獻城而功大者比亦可與帶官兵多者
相等也規制雖出

朝廷之盛典榮枯總由本部院之持衡故彪等不得不獲

例陳情伏乞施恩提拔賞咨達

部換劄給俸彪等銜結圖報盡等情奉批仰中軍
官查報奉此該界職查得楊彪等皆係楊烈將軍下

同時投誠之官也業奉

親王各給劄付在案今稱率領全旅六萬有奇來歸與

中樞政考內帶官兵最多者相等是以懇請咨

部換劄給俸但可否出自裁奪咨請

部示遵行等因到本部院據此為照給劄副將楊魁

等俱係同僑揚烈將軍王玉貞帶領官兵六萬有奇

除解散外實帶領偽官兵三萬投誠先於招撫偽將

軍轄下官兵全旅歸誠等事

題准經

親王給劄在案今據呈援中樞政考帶官兵最多之例

李文襄公別錄卷一

收誠官傳

李

請咨

貴部投劄給俸查投誠官員各處大將軍將軍等照

功之大小給與劄付遇缺可用者即酌量補用此係

見行之例固與向來定例不同但投誠日以衆多屢

不能一槩補用

朝廷開恩招撫期於早奏蕩平必須隨時措置毒傳參

以安歸附之心鼓向化之路庶為長策浙省投誠

下數萬安插得宜實非易事每遇一起來歸本部院

無不晝夜籌畫入伍歸農漸次解散久而始得帖

即前准

部文於入伍歸農之間准給口糧未經停止之時本

部院意存節省亦不槩為動支惟其中頭目非附從

之衆可比既已投有銜劄不便令其入伍原非安於

隴畝之人又不便令其歸農僅可收入各標糧倉鈔

束非兵非民求衣食日有呼籲之詞不獨楊魁等

各員也本部院雖時時量為周給難以為繼且亦不

足以資其糊口既已錄用無期兼之飢寒不免論其

帶兵效順之功則屬可憫而情急勢窮亦不可不慮

本部院多方駕馭時切隱憂

貴部持衡軍

李文襄公別錄卷一

收誠官傳

李

國計謀遠欲自必洞鑒作何裁奪擇其帶兵多者

舊例給以俸糧俾此鴟音乍革之衆永戴

朝廷之恩則日前安輯者絕未形之患而望風率服者

當接踵矣如僅責成督撫加意接設究屬毒未之也

未能有濟倘謂各省投誠甚衆若議給俸非所以

省錢糧但今日徵兵轉餉總為不定地方而慮置

誠實關安攘大計事有費而不可省者此之謂也况

貴部

題請在外給劄原因在部給劄不得補用之故今浙省

已經停止

題補則技誠之人更無他望酌量舊例舉行他省亦未
可比例嗣後一省事平次第做照亦不致頓費
國帑而四方早得寧定其所省己不費矣擬合咨請為
此合咨
貴部請煩查照裁奪仍祈示覆施行

李才襄公別錄卷一

投誠官紳

二十一

咨送戶部賑濟難民冊結

康熙十七年七月

為殘疆困苦已極等事據浙江布政司詳稱案於康
熙十六年二月二十一日奉本部院案驗准戶部咨
開浙江清吏司案呈奉本部送戶科抄出該本部覆
浙督李 題前事等因康熙十五年十一月十八
日題十二月十七日奉

旨該部議奏欽此欽遵於本月十八日抄出到部該臣等
查得浙督李 疏稱浙省衢溫處等府屬江山等
縣衛所新復地方內中多人亡戶絕數載不毛之地
康熙十五年以前并十六年一切錢糧並請蠲免查

李才襄公別錄卷一

賑濟冊結

二十一

照墾荒之法分給牛種限三年照例陞科至垂死之
民一面於捐助銀米內動支給賑等因會同總理糧
餉侍郎達 巡撫陳 具題前來查民原無給
牛種之例又給牛種多費錢糧今正值需用錢糧之
際支給牛種三年後始行陞科之處俱不便准行應
飭諭各官設法招徠勸勉耕種其恢復江山等各縣
衛所內亦有失陷日久而恢復者亦有失陷日未久
而恢復者今豈得將新舊應徵錢糧一槩蠲免其江
山等各縣衛所仍應令該督撫再行確查分別具題
再議至各府屬難民既稱照例於捐助銀米內動支

賑濟等語相應將支給過細數開列造冊報部查核可也等因康熙十五年十二月二十四日題本月二十六日奉

旨依議欽此欽遵案呈到部咨院行司奉此案照先為附賑難民事又為處民接踵來歸等事又為萬命懸危無生等事又為亟請

題賑以救殘黎事據各屬紛紛申詳難民待賑甚殷緣由請行賑濟等因奉督撫二院批行查議到司該本司看得閩疆初變寇盜紛起衝處各屬相繼失陷被

李文學公別錄卷一 賑濟冊結 本十

寇地方恢復殘黎復見天日全浙漸獲寧宇但大兵之後流離難民雖招撫歸來而田地蒿萊廬舍焚燬牛種農具全無飢寒相對嗷泣據各府詳稱紛紛哀籲獨賑前來本司思

國以民為本然死者不可復生而生者惟仰

皇上好生之德意則議安插賑濟之富先念完糧辦課之所資則議給牛種之益不容緩也查賑濟恢復各邑難民前台金衛處四府先經恢復各縣蒙本部院具題奉文於捐助銀兩內動支賑濟在案今續經恢復地方賑濟事同一例其間衝之極苦者則有常山獨社

江山西安龍游是也嚴之極苦者則有遂安是也處之極苦者則有先復之麗水宣平縉雲與新復之樂陽雲和龍泉景寧遂昌慶元青田是也溫之極苦者則有永嘉平陽瑞安樂清泰順是也各邑之殘喘其死生止爭呼吸若稍濡緩必盡填於溝壑而燕噫類矣但地方遼闊荒殘已極其所需篷廠衣食牛種之資甚多今難民為數浩繁而賑濟銀米未能限量枯槁之極豈涓滴之所能濡被惟所用之銀兩既多不得不不再為申請

李文學公別錄卷一 賑濟冊結 本十一

題明凡一應賑濟米數安插篷廠支給牛種等項乘於捐助兵餉案內動支賑濟飭令地方官親自給數務使窮黎均沾實惠如有借名侵蝕察出揭參仍將給過每名每戶銀米數目彙造細冊送部核銷伏候一面

題明一面先行批示以便遵照等因於康熙十五年十

二月十五日通詳奉本部院批各屬賑濟一項業經本部院題請仍於捐助銀米內動支報銷難民望賑甚殷已經前批行矣至分給牛種等項候部覆遵照仍候據院批行繳奉總理糧餉侍郎達 批衙嚴溫處各屬

民爲救活黎當此錢糧匱乏恐難週行賑濟既經
司議於捐助兵餉案內動支仰候督撫兩院批示
奉巡撫都察院陳 批飢民望澤甚殷如詳速行
分賑仍飭該府縣務俾災黎得沾實惠毋致胥役侵
漁並候督部院批示繳奉此又奉本督院牌開爲照
各屬難民顛連困苦望賑甚殷自應分別速賑以延
殘喘除照各地方被難情形酌量增減派發外合卽
知照仰司卽將單開分賑各屬米石查明照數折銀
文到卽日委官齎往各該府協同該縣印官務將眞
正窮苦難民照依戶口酌定數目躬親唱給不得假
手胥役致滋侵冒等因本司遵照檄行單開派賑屬
屬西龍江常開五縣銀共八千五百五十三兩八錢
內本司先發銀五千三百五十三兩八錢交發該府
知府王弘仁收領轉發賑濟又找發銀二千七百兩
給差官李夢鸞傅希說齎交該府知府王弘仁收領
轉發各縣賑濟又找發銀五百兩給差官吳尙禮齎
交該府知府王弘仁轉發開化縣賑濟又派賑屬屬
遂安縣銀共一千四兩一錢內本司先發銀五百兩
兩一錢又找發銀五百兩俱交發該縣知縣劉從龍
收領賑濟又派賑金屬湯溪縣銀四百兩交發該府

本文稟公別錄卷一

賑濟冊結

六十一

知府張蓋收領轉發賑濟又派賑屬屬永樂瑞平泰
五縣銀共四千三百兩內本司先發銀二千一百五
十兩差官聶世榮齎交該府知府王國泰收領又找
發銀二千一百五十兩差官蕭繼昌妻九德齎交該
府知府王國泰收領轉發各縣賑濟又派賑屬屬麗
縉青松遂雲龍慶景宣十縣銀共一萬二百兩內本
司先發銀五千一百兩交發該府知府線一信收領
又找發銀五千一百兩差官蕭繼昌妻九德齎交該
府知府線一信收領轉發各縣賑濟去後今據衢州
等府造到各都花名細冊併具印結各到司據此該
本司看得聞疆告變寇盜橫行衢溫處各屬相繼失
陷被賊占踞有家者打餉追糧死於敵扑貧窮者抽
丁入伍鋒鏑殞亡沉淪遂至三載其間逃流他鄉者
甚衆直至康熙十五年八月
王師入閩之後我兵乘勢攻殺各府地方蕩平恢復其
久陷之民甫離湯火鶴面鳩形新招之衆屋燬田荒
妻涼滿目攜妻挈子覓食無從雖據地方官自行捐
助安插賑濟奈歸來者日衆而捐助力不能周又如
嚴州府遂安縣之上鄉一帶衢州西安縣之下湖百
靈等處龍游縣之南源一帶金華府湯溪縣之十靈

本文稟公別錄卷一

賑濟冊結

六十二

六都盡是煙燼荒廢之地無不慘遭荼毒淪陷三載於十五年恢復若不給以銀米則少壯必致復逃老弱盡轉溝壑而

朝廷之版籍空虛墾荒辦課責之何人前據各屬詳稱難民哀號遍野聲徹邇原蒙本部院飢溺為懷痲瘵在抱

題請仍於捐助銀米內動支賑濟報銷本司遵照各地方被難情形分委各官齎解給發以上通計動支司庫存貯浙省康熙十六年分捐助銀二萬四千四百五十七兩九錢通計賑過難民一十三萬一百九十九

李文襄公別錄卷十 賑濟書稿 本五

一名口今將支給銀數并據各縣冊報賑過難民名數備造簡明總冊同各縣造報花名細冊送到不致冒破縣結一併詳送覆核咨部查銷施行等因到本部院據此為照聞疆變亂浙省接壤衢台溫處之民或遭淪陷或當用兵其間死亡徙竄不知凡幾即有寥寥孑遺雖招徠復歸故里其男婦化離顛連困苦之狀不忍見聞是以本部院具疏題

請動支捐助銀兩分派各府賑濟案准

貴部議覆將支給過數目開明造冊報部查核隨即轉行布政司遵照去後茲據詳稱動支司庫康熙

六年分捐助銀二萬四千四百五十七兩九錢分發各府通共賑過浙省被難窮民一十三萬一百九十九一名口將支給過銀數併賑過難民數目備造簡明清冊並同各縣造報花名細冊及各印結一併詳送前來擬合咨送貴部察核為此合咨貴部請頒查照施行

李文襄公別錄卷一終 賑濟書稿 本五

李文襄公別錄卷之二

行間紀畧

咨提督酌議通省增兵
 咨江西巡撫添兵設塘
 咨江南督撫提固防沿海
 咨覆提督調守分水仙霞二關
 咨將軍轉移副都統飛據仙霞堵禦
 咨副都統犒賞滿漢甲兵
 咨提督會商方畧
 咨提督赴省會商堵禦衢州

李文襄公別錄卷之二 目錄

咨江南總督調發滿兵赴浙應援
 咨京口將軍迅發滿漢官兵赴浙應援
 咨巡撫撥發官兵防守埭頭
 密咨福建海澄公提督
 咨提督統兵赴援瑞安
 咨催提督統兵赴瑞
 咨催提督赴甌
 咨覆提督調發官兵
 咨覆巡撫酌籌大兵糧餉
 咨巡撫催解草料

咨覆巡撫已發龍游防期官兵

咨覆將軍巡撫已發援處官兵

咨江西督撫提督會剿岐界賊寇

咨覆提督援台事宜

咨商巡撫發兵援嚴

咨覆巡撫各路援兵難撤

咨覆提督滿師仍駐金華

咨督餉侍郎巡撫籌酌運糧船隻

咨巡撫留兵協防嚴屬

咨江南總督查取韓斌家屬

李文襄公別錄卷之二 目錄

目錄

二

咨提督犒賞官兵

咨會福建總督發兵赴常夾剿

咨江南總督知照韓斌原籍

咨江西督撫發兵夾擊潰賊

咨督餉侍郎巡撫調兵至衢

咨江南督撫發兵分路剿賊

咨江西督撫委員整理新復地方

咨會將軍禁旗兵攜帶難民婦女

咨覆將軍再諭旗兵給還難民子女

咨覆水師提督湖頭渡哨船

終

李文襄公別錄卷二

男 鍾麟編次

康熙十三年正月

咨提督酌議通省增兵
為咨商事准

貴提督咨開浙省各營兵不敷防移商增戍等緣由到本部院准此為照浙省舊額經制兵四萬八千六百餘名分防所屬地方延袤工千餘里戍守原自單薄嗣經

議政王會議裁去三千六百名僅存四萬五千餘名而各汛分防愈不敷矣是以前部院兩敘不敷情形

李王文襄公別錄卷二 酌議增兵

合詞請益未荷

俞允今准大咨移請誠見許漢第查從前減兵原為節餉是就昔日蕪事而言今值滇省有事之時則浙江一省西北地接兩江東南界連八閩處處防禦宜嚴况海逆未靖蠢動堪虞若夫湖寇山寇亦恐乘機竄擾建威消萌之法不得不早為籌計且查各管官兵分防各縣村鎮俱已零星派撥其存城在營者寥寥幾遇有警息固守尚慮不足征剿愈難猝應通省地兵單不止象紹寧衢等處即杭協一詳言之難可聽此後各營詳請增兵者料必接踵漸至然而

昔時勢固已不同自當因時的宜寧可備陳於事庶免貽誤於日後亟請於通省十一郡中自邊海以至各要隘分別銜緩按地指畫極言兵不敷用情形毒營見在兵馬之外各計應添兵馬數目然後總計通省共宜增戍守兵丁若干馬匹若干或當仍復舊額四萬八千六百之數統祈勝算佈置周悉庶便繪圖貼說合詞額請相應咨商為此合咨

貴提督煩為查照確酌示覆施行

李王文襄公別錄卷二 酌議增兵

二

咨江西巡撫添兵設塘 康熙十三年三月

為飛報事康熙十三年三月二十九日准提督塞
咨准平陽鎮咨呈為飛報靖藩兵變事本月三十日
又據平陽蔡總兵塘報同前事等因到本部院據此
為照閩省倡亂江右與浙屬俱為首衝本部院見在
飛調官兵馳往常山江山等處相機堵禦仰藉鄰封
互資應援貴屬廣信乃閩屬崇安大關通衢諒
貴部院宏猷碩畫早已周防但恐建協兵力未可專
恃亟應調發一鎮率領重兵駐防以固疆圉仍所設
立塘緝使兩省聲息不特飛遞以便策應合亟咨會

李文集公別錄卷二 添兵設塘 三

為此密咨

貴部院煩請查照迅賜裁酌示覆施行

咨江南督撫提固防沿海 康熙十三年四月

為緊急軍務事照得閩省倡叛搆連漳逆冀圖侵犯
前據浙屬文武各塘報隨經本部院一面密疏
題報一面調發滿漢官兵前赴溫衢二府閩浙交界處
所分守險要協力堵禦及飛飭沿海各鎮將整頓嚴
防并咨會

貴部院預設重兵屯劄交界處所互相聲援持角在
案但查海洋由閩至浙自浙抵江皆可順帆直達隨
處可以登犯今浙境雖設法調兵堵禦而江浙實為
屏齒誠恐賊踪飄突靡常亟宜預為綢繆庶幾有備

李文集公別錄卷二 固防沿海 四

無患合再密咨為此合咨

貴部院煩為查照希即飛檄江省沿海各營將加意
嚴防險要處所預撥勁兵扼守遇有賊踪登犯毋論
江浙俱勿岐視即飭鄰汛將領互相星飛策應共固
封疆幸勿遲緩速賜示覆施行

咨覆提督調守分水仙霞二關

康熙十三年四月

為至請援師以固封疆事康熙十三年四月初五日
准

貴提督咨開耿逆兵變勾連海寇水陸交訖先經四次催請調發滿漢官兵堵禦浙閩交界各處要口在案今准黃巖鎮激切飛請相應立賜調發保固封疆等因到本部院准此除先准

貴提督咨移俱經節次咨覆在案所據黃巖鎮咨請前由未准大咨之先即據該鎮具詳前來隨經本部院照會該鎮內開耿逆叛變勢必結夥海寇沿邊侵

李才葉公別錄卷二

附存二關

五

掠浙省壤址相接亟當堵禦揆度形勢温州密通福寧衢州界聯浦城通途大道為浙省門庭是以本部院酌調平陽鎮前往分水關一帶堵禦險要而以溫鎮應之酌調衛協往守仙霞關堵禦險要本部院見在抽調各路官兵相機策應若賊踪乘風飄突寧台溫處處可以登犯則似應處處增兵設防惟是浙省經制官兵盡佈海疆內地寥寥無幾且各處山麓土賊見在竊發無可抽調若提標勁旅見駐寧波台區有警尙可馳赴應援本部院見在飛章

題報請發大兵赴浙不日即有

成命該鎮忠猷著偉畧夙聞邊疆險汛實倚長城本

院案所欣藉惟冀益展雄才相機籌酌聯絡鄰汛
角聲援務保無虞仍不時飛報情形以憑本部院隨
即調度萬勿疎誤毋毋忽等因照覆在案今准前
因合再備覆為此合咨
貴提督煩為查照施行

李才葉公別錄卷二

附存二關

六

右將軍轉移副都統飛據仙霞堵禦 康熙十三年四月

為逆藩負恩反叛難臣忍死請兵亟彰

天討速固鄰封事康熙十三年四月初七日辰時據福建

建寧府通判何源濬呈稱卑職朝

觀回閩於三月二十六日抵浦城縣民心惶惶傳說藩兵

即至次日到回龍村口離建寧二百里三更時分忽

見署延建邵道事延平蕭知府一牌上寫為軍務事

有王師前往浦城所過地方修整橋梁道路竟不用

我

朝年號止寫甲寅年三月二十五日自延平發及詢差役

李文襄公傳錄卷二十一 飛據仙霞 七

口稱三月十五日各官設祭先娘娘藩王當即殺官

四員一福州王知府一建寧喻同知一侯官知縣一

閩縣知縣總督撫院義不少屈俱拘禁王府但范總

督歷數其罪存亡未確是夜率兵擄掠南臺男婦盡

逃淹死無數二十四日有總統上將軍徐曾江三人

領兵三千抵延平二十七日抵建寧逼民投順方免

殺戮今將辨子截短袖口切平各戴藍帽等語職痛

心無地疾首呼天恨不血濺賊前無奈孤忠其展法

右思惟既無任可到與其徒死溝壑不若赴浙請兵

庶於時事有補隨於二十九日夜奔走一百二十里

平明達浦見西門外大張告示獨免錢糧內有弔民

伐罪妄語職氣憤欲絕旋即晝夜奔過仙霞關初三

日回望賊兵前站已上楓嶺漸入浙界聲言勤王意

在直下杭州賊今千里跋涉旬旬轉門請兵援剿等

因到本部院據此合亟密咨為此合咨

貴將軍煩請查照希即迅移往衢副都統立督滿漢

官兵飛據仙霞險隘堵禦賊眾萬分緊急望勿刻遲

至切至速

李文襄公傳錄卷二十一 飛據仙霞 八

咨副都統錫賞滿漢甲兵

康熙十三年四月

為軍務事照得閩逆猖狂稱兵倡叛凡在同仇義旅討逆

貴副都統親率滿漢將士扼險禦侮會見疆土奠安

形弓錫爵惟茲將士用命疆場雖奏功之日

朝廷自有酬庸之典而此日撥甲枕戈本部院不勝軫念

是以特發庫帑用酬勞勛甲兵今特檄行標下中軍

副將王廷梅查照兵數約計銀兩解赴

貴副都統軍前聽候頒給并祈轉行曉諭則荷高誼

李文襄公勅諭卷二

錫賞滿兵

九

不度矣相應咨達為此合咨

貴副都統煩為查照示覆施行

咨提督會商方畧

康熙十三年四月

為緊急軍務事准

貴提督咨開調發費標等營官兵前往分防平陽全

水關又調台協等營官兵前往分防龍泉各要口堵

禦緣由到本部院准此為照閩逆倡亂浙省綢繆

圍自宜兼防瘴道尤當親賊鋒所專向并力堵禦屢

次咨覆

貴提督就見今兵勢典籌佈置已悉縷陳燕庸復

今准大咨已發費標并酌調近處官兵一千前往

處二屬正與本部院咨商事宜相符淡佩頌畫但前

李文襄公勅諭卷二

會商方畧

十

據塘報浦城偽檄情形頗駭以全勢向衛已盡

兼業經三次咨請

貴提督親臨省城會商方畧至於沿海一帶各鎮皆

專統一方保障之任各有責成

貴提督統衛通省今當賊兵近在交界爾屬實繁

要衝形勢緊急願候台旌迅發面奉指誨庶得應機

策應保固嚴疆兵貴神速萬勿滯緩為此密咨

貴提督煩為查照星刻命駕施行

咨提督赴省會商堵禦衢州
為塘報事准
康熙十三年四月

貴提督咨開寧台溫實兵總算可觀分計不足此後
沿海之兵一人未敢輕動等因到本部院准此為照
賊警初至之時本部院即以衝屬形勢最急移會
貴提督親統官兵亟防衝要

貴提督亦即秣馬厲兵前軍先發元戎繼進嗣因塘
報惟恐勾連海賊水陸並宜兼顧

貴提督暫留行旌以待賸撥確音今賊至浦城塘報
情形甚駭仙霞關大路既在萬分緊急若賊由崇安

李文襄公屬錄卷十一 堵禦衢州 十一

出至常山坦途易達江西之廣信兼重兵不可倚
恃此兩路實今日燃眉之勢也本部院暨

將軍撫院會議滿兵雖已前進後繼寥寥內地舊兵
可調而寧台溫各鎮皆有分防海道之責惟候

貴提督親統官兵先至省城會同商畧急應機宜移
咨奉札再四正在願望捧接大咨俱未慮及衝屬兩

路之危寇在門庭難以先計堂奧封疆事宜兵機難
收不得不激切指陳仰祈台鑒為此合咨

貴提督董率將士電赴星馳庶得面商方畧共保嚴
疆煩為查照迅速命駕施行

咨江南總督調發滿兵赴浙應援
為緊急軍務事照得閩逆叛亂本部院屢經
題請大兵赴浙援剿案奉
康熙十三年四月

上諭調撥江寧滿兵前來策應當經專差馳赴

貴部院軍前請賜督催起發在案今浙省需兵甚亟
前項滿兵猶未即到不意又於本年四月二十三日

據浙江黃巖總兵官阿爾泰飛報內開康熙十三年
四月十七日平陽鎮兵變將蔡總兵圍擊等因前來

據此除即刻密疏

題報外是浙省外寇未弭而內患旋作勢切燃眉見在

李文襄公屬錄卷十二 調發滿兵 十二

官兵俱有汛防堵禦之責無一可以抽調應援惟望

貴省滿兵星飛策應庶保無虞合再亟請為此合咨
貴部院煩請查照希即立刻移催滿兵星夜兼程赴

浙願望應援軍務萬分緊急幸勿刻遲併賜示覆施
行

咨京口將軍迅發滿漢官兵赴浙應援 康熙十三年四月
為緊急軍務事照得聞逆叛亂本部院屢經

題請大兵援剿見經兵部咨調江寧大兵一千又防守
安慶副都統所領兵全來又江寧察 所領四旗兵
全來又定南將軍和碩額駙所領兵五百名夸爾大
二員赴浙應援等因前項官兵雖經調撥迄今無一
到浙不意又於本年四月二十三日據浙江黃巖鎮
總兵官阿爾泰飛報內開康熙十三年四月十七日
平陽鎮兵變將蔡總兵圍擊等因前來是浙省外寇
未弭而內患旋作勢切燃眉目今見在官兵俱有汎
防堵禦之責無一可以抽調應援所有部撥滿兵又
未即到本部院再三籌畫特又密疏
題明先請
貴將軍就近酌發滿漢官兵星飛赴浙除見備小揭
塵覽外第軍機呼吸若候部覆奉
旨方行起發勢必有誤合亟咨請為此合咨
貴將軍煩請查照立刻調發滿漢官兵星夜兼程赴
浙應援以固鄰封併祈先將調撥官兵數目起行具
期預行咨示以便備辦供應望勿刻遲

李之華奏分別錄卷一 咨發撥兵 十三

咨巡撫撥發官兵防守埭頭 康熙十三年五月

為據報事據分守杭嘉湖道詳稱四月二十六日據
差去快手沈錫俞禮筭桌稱錫等蒙差往歸安所屬
廟喜等處地方挨聽土賊信息今挨得十八日有盜
首李成龍即李振海等從廟喜進山往埭頭一帶錫
等隨往埭頭鎮打聽鎮上百姓慌張說離鎮二十里
山內賊首李成龍楊相嘯聚三百餘人往來擾害鎮
上無兵汛守恐早晚來鎮搶掠等語除密移協守羅
副將防剿外該本道看得湖屬山橫水繞向為寇盜
出沒之藪今聞變震鄰汛兵抽調一切不軌之徒利
結匪類紛紛蠢動見據報稱賊首李成龍等嘯聚三
百餘人逼近埭頭將欲搶劫鎮民湖協一營除奉調
撥外僅存兵三百餘名分防州縣城池庫獄不能分
撥進剿合無上請憲臺或於憲標或於撫標暫撥標
弁帶兵一百名防守埭頭安慰民心等因到本部院
據此為照湖郡半屬山隈半阻水滙最易藏奸今經
封震警而不逞之徒乘機竊發以致百姓張皇該道
詳請撥發標兵駐防埭頭誠屬急務但本部院標下
二營官兵先經兩次調撥赴衛防剿今本部院現在
會同平南將軍統兵進剿其存營官兵勢難再為抽

李之華奏分別錄卷二 防守埭頭 十四

調然湖郡需兵亦難緩視似應於貴標酌發官兵
百名前往埭頭防守擬合咨商爲此合咨
貴部院須請裁覆施行

防守埭頭

十五

密咨福建游澄公提督
爲欽奉
康熙十三年五月

上諭事准兵部密咨內開康熙十三年四月二十四日奉
上諭取精忠反叛游澄公黃梧提督王進功隔越泉州漳
州與浙江聲息不通着行廣東王及總督巡撫江西巡
撫浙江將軍總督等由廣東江西設法差人於黃梧王
進功處確探消息若游澄公黃梧提督王進功等能各
守地方着令固守若力單不能自守廣東江西有何處
可來會合着來會合欽此合咨貴部院須爲欽遵施行
等因到本部院准此爲照逆賊耿精忠背負

國恩稱兵造亂本部院聞變之日即知

貴提督忠義憤激惟因覺阻軍書無由達達今我

皇上明見萬里特頒

上諭指授機宜此皆

貴提督丹誠昭格簡在

帝心佇見不世勳名傳榮千載今平南將軍賴 統率

旅十萬指日直抵福州本部院欽遵

睿謨問道馳使密咨

貴提督請須查照欽遵

上諭事理相機酌裁迅賜示覆施行

咨提督統兵赴援瑞安 康熙十三年五月

為飛報事據溫州鎮飛報內稱康熙十三年五月初二日午時據瑞安營副將吳三畏飛報平陽南岸疾逆於康熙十三年五月初一日點兵帳房加至五百餘頂其人馬俱抵中洲連夜搬運砲械馬跳版等項喊聲不絕本職會同提標劉遊擊分撥兵馬在上下兩處阻截初二日賊盡拔營俱向中洲周村落船尾已等時即已渡江而浦口南岸船隻亦已起蓬撐駕往上意在水陸並進但本汛節案本鎮撥兵添防似此賊勢重大終虞杯水車薪本職等惟有盡命堅守

李之襄本別錄卷二 赴援瑞安 十七

倘荷發大師尾賊之後攻擊於外面城內官兵堵勦於內自然一可當十瑞邑保全全浙均叨利賴矣仍懇憲臺賜文通報亟請救援等情同時又據提標遊擊劉國珍報同前情又據瑞安營副將吳三畏報稱平陽叛兵勾引閩寇二萬有奇於初二日辰巳時渡江已到我岸雲集蜂擁屯剗橫山等處分布攻擊見在會同提標劉遊擊分發官兵迎敵等情各到職據此為照平陽官兵叛變勾逗逆勢緊急瑞安之危如同累卵夫瑞安為東甌離落萬一挫失勢必逼犯瓊城水陸交侵腹背受敵鎮標之兵除已先調發往瓊

應援外所在之兵有限今本職於據報間立發溫州城守副將楊春芳鎮標左營遊擊魏萬侯各帶領馬步兵二百名又檄調樂清營千總一員把總一員磐石營千總一員把總一員大荆營千總一員把總一員各帶馬步兵二百名星馳應援又檄調寧村營千總一員帶兵於該汛接瑞安一帶聯絡救應但我兵已在單弱之時又經調發郡城根本水陸重大亟請憲臺賜發救兵解此危急本職再為籌思若待援兵不免稽延時日於是專咨黃巖鎮火速先發援師拯我鄰難惟恐彼處推阻尤祈本部院星檄黃巖鎮開

李之襄本別錄卷二 赴援瑞安 十八

聲譴救全浙幸甚等因到本部院據此為照平陽叛弁勾引逆賊輒敢擁眾渡江恐有狡謀陰合今瑞安孤城吳副將悉力拒守如此一心報國奮不顧身誠為可敬若棄置不援何以勵忠義之士且溫郡倘有他虞西犯金處東逼台寧在在可虞今溫屬萬分危急滿兵向俟馬到前進必藉台旌迅發庶可保固封疆合亟咨會為此合咨貴提督煩為查照即日統兵進援施行

咨催提督統兵赴瑞

康熙十三年五月

為飛報事康熙十三年五月十二日據溫州鎮塘報內開康熙十三年五月初三日午時據溫州城守副將楊春芳本標左營遊擊魏萬侯報稱早職等帶領官兵至南慈湖安營於初三日寅時發兵前進路過鄉民攜婦女數百人北來審問賊人情形口稱賊有萬餘兩路進發一路在瑞安東山塔下營一路游上渡北來等情本日酉時又據該副將報稱早職等領兵前往瑞安應援於初三日巳時到瑞安三都紫巖地方據拔兵王有福等報稱拔至三都嶺下見鄉民

李太僕公別錄卷二

咨催赴瑞

十九

紛紛逃竄嶺上俱是賊兵擺列大砲佔踞險隘不能前進等語早職等見在鼓勵官兵征進等情到本職惟所憲臺亟發援師共圖殲滅等因到本部院據此為照瑞安被賊攻圍勢在危急先經咨移貴提督就近赴援諒必慮切嚴疆星馳進發今據塘報各營援兵屯劄紫巖地方尚未直抵瑞城夾擊何能立解重圍各營將領無所統轄號令參差議論不一恐其躊躇瞻顧必致有誤大事今本部院見同至南將軍統兵前往金衢一帶惟藉貴提督台旌迅發以援危城合亟咨會煩為查照行

咨催提督赴甌

康熙十三年五月

為泣請援師以救危疆事據分巡溫處道飛報稱溫處為山海僻隅值閩逆變叛防弁倡逆甌城致平陽秦順相繼湮沒瑞安受困半月郡城之外海鯨騰帆游移官民露處城隈慶景已為賊踞雲遂各邑警息不絕郡城危同累卵本道飛請援兵已十有三次今於本月十六日酉刻接憲臺劄諭以公議提督臨甌視師撥狼山官兵五百員名到瑞援剿兩郡賊勢浩大危在旦夕日間提督統帥即至而馬牌尚未到甌吳副將竭力死守忠貫天日瑞民亦百計捍圍以待

李太僕公別錄卷二

咨催赴甌

二十

援師倘望救不至一旦瓦解是孤忠義之心而絕城守之念也伏乞憲臺迅賜撥發勁旅并催提臺早統雄師星夜前進以救孤危等因到本部院據此為照瑞安圍困二旬賊踪直犯甌江前堆大咨親統官兵赴溫援剿計今諒已抵溫但屢據該鎮道疾呼請救今復據該道激切籲催前來合亟咨達貴提督煩為查照如台旌業已抵溫希將到溫日期示覆以慰翹望倘尚未抵甌祈即迅督官兵到日星飛前赴以救危疆幸勿刻遲至望至切

咨覆提督調發官兵 康熙十三年五月

為泣請援兵亟救孤危等事准

貴提督咨開賊困瑞安危急前後調發官兵六千五百有餘赴溫瑞援剿寧台兵力單薄煩請迅催江南抵浙滿漢官兵一從金處上游星赴溫州夾剿一往台州一往定海聯絡備禦緣由到本部院准此為照瑞安被困業荷

貴提督統率官兵親赴調度計算赴援官兵前後調集六千五百餘員名兵力不為不厚今准大咨復請滿漢官兵赴溫夾剿但會商平南將軍公議抵浙滿

各本奏公題錄卷之二 調發官兵 三十一

兵馬力未齊不便零星四應溫州一路全藉

貴提督策勵官兵奮勇撲剿刻期殲滅至於台寧沿海一帶本部院熟籌再四浙省官兵多在溫台寧三府今處屬數邑大守衛屬餉道幾致中梗何等危急無兵調遣是以前又備敘情形會列台衛特疏上

請或發江南和碩額駙所統滿漢官兵或發江南一鎮赴浙策應在案兵部見又調撥揚威將軍處所副都統喇哈及包衣佐領下官兵赴浙策應諒可不日抵浙統俟到日會商分發策應合就咨覆煩為查照施行

咨覆巡撫酌籌大兵糧餉 康熙十三年六月

為請留鹽課銀兩等事准

貴部院咨商部覆浙省錢糧已多題請協濟發帑俱不准行煩請酌籌示覆以便補贖會

題緣由到本部院准此為照用兵之際糧餉為先日今各省俱有大兵進發若浙省可以足用豈敢屢疏請但部議所計者以通省一年徵解之數總算作見在銀兩而督撫身在地方既不敢緩誤軍需又不敢竭竭民力其事勢實有萬難者今本省原額兵餉大兵糧餉駐防官兵加餉綠旗官兵行糧已前支給之數并

各本奏公題錄卷之二 酌籌糧餉 三十一

將來月給之數皆可按籍而稽其餘備辦槽餉僱募夫船添增驛站等項種種皆需現銀至於豆草日用浩繁雖按時支放必須先期採辦非可緩待而溫處衛三郡近賊地方人民逃避見在竭力招徠寧台三郡額徵本少海寇告警人不寧居金嚴二郡就近供應衛屬且為兵馬孔道力役困苦此數處雖迫以追呼終無實濟所藉惟杭紹嘉湖四府又值二麥無收釐桑失望且今時方六月其先解并備辦豆草等項約已盡額徵之六七惟以軍需緊急不敢為民告難若取必一時概行裁并使人心搖動則事勢可虞此

等情形身當責任者安得不早計乎惟

貴部院與藩司熟籌將已經支給并見今實需之數約畧可以徵解接濟之數通盤打算如可竭蹶支撐且不必再疏上陳若司帑空虛萬難供應則必將各項實用數目明白簡易具詳

貴部院再加裁酌會疏入

告亦不得不然之勢耳相應咨覆煩請查照施行

本大業公册錄卷二

酌籌糧餉

三五

咨巡撫催解草料 康熙十三年六月

為料草催解不前馬匹枵腹難待專員再懇亟催飛運事照得在衛滿漢綠旗官兵馬匹豆草全無缺餉已踰數日暗此情形甚為憂迫是以三次咨請

貴部院迅督轉輸接濟迄今又復數日總無顆粒寸草解至各官兵朝夕環訴而該道府無米難炊徒嗟束手軍興何等緊急豈藩司以一派解詳報之文移便可弛擔耶查該司前詳省運米豆屈指一月杳無片艘到衛各府報解多屬空文亦未見該司將遲誤各官揭報似此藐玩軍需何賴本部院統兵行間糧

本大業公册錄卷二

催解草料

三四

草軍需惟藉

貴部院籌畫接濟業已屢次咨催今事切燃眉不得不再專差咨請為此合咨

貴部院煩請查照立刻嚴督藩司將貯省料豆草束已起解者添差沿途催起未起解者督令該司親赴倉棧料理上船遞差能員飛解赴衛并遵委監司一員駐劄嚴州專司催趨毋特徵員以致誤事至各府派辦豆草等項定限守催隨到隨卸陸續迅速接濟引領順候并祈先賜示覆以慰寬望至緊至切

吞覆巡撫已發龍游防勦官兵

康熙十二年六月

為稟報事准

貴部院咨開偽逆馬千總突犯龍游勢甚詭悍煩請就近會酌迅發官兵進剿緣山到本部院准此為照偽逆突犯龍游本部院於途次聞報即發隨帶官兵令杭協副將陳世凱江南提標遊擊崔天福統領駐劄該縣相機防勦兼顧蘭湯二縣外今准前因合就咨覆煩請查照施行

李太妻公册像卷二

龍游防勦

主筆

吞覆將軍巡撫已發援處官兵

康熙十二年六月

為會商機務事准

貴部院會咨內開處屬十邑大半失守賊勢猖獗近郡城亟請會商

平南將軍再調勁旅速發處州以除急患狼山鎮標官兵五百名速令回處餘再別處抽調一二千名分頭征進方克濟事又來省滿師將次進發原調金嚴嘉湖等處官兵亦當酌量撤回以為地方防守之計統所酌籌指示緣由到本部院准此為照處郡報營本部院途次龍游即已調撥遊擊于昌祐統領各標

李太妻公册像卷二

援處官兵

主筆

管官兵會同處協副將姜騰蛟相機策應援勦嗣據塘報龍慶遂昌等縣相繼失守青田告急復又咨移提督并照會黃巖鎮調發該鎮親統官兵二千餘員名星赴處州前後夾勦俱經吞達在案及狼山鎮標官兵五百名未准大咨之前本部院業已檄令黃巖策應是處州一郡除原額經制之外前後已調撥通各管官兵約計三千五百六十餘員名矣至於原調金嚴嘉湖等處官兵共計不過二千一百餘員名防守常關等邑今逆賊數萬盤踞清湖相拒咫尺况處常關各邑俱有賊眾侵犯龍游營息頻聞業發統

副將陳世凱統領該營官兵及江南提標官兵駐紮
進勦見今又發湖協官兵二百名赴常策應惟存宜
兵二千有餘在郡隨本部院進勦若再撤回金嚴嘉
湖調防之兵不惟本部院勢難單騎前進并常山開
化龍游亦無一兵防守仰藉
貴將軍部院垂念嚴疆亟賜調兵星速赴衢分防庶便撤
回前項官兵合亟咨覆煩請查照施行

李才襄公別錄卷二

機處官兵

三七

咨江西督撫提督會剿岐界賊寇 康熙十三年六月

為鄰界寇警交訂亟咨調兵策應共衛封疆事為
浙省常山開化等處與江省接壤先經移咨
貴部院提督亟發重兵固守廣信玉山鉛山等處已准大
咨示覆在案不意叛賊柯昇擁兵從逆玉山一帶賊
兵盤踞聲息斷絕而永豐等處賊首詹三公子等嘯
聚夥黨流突浙境常開之間土寇附合時時窺犯今
浙省雖見在發兵搜勦而兵至之時賊蹤又復寂然
總因交界叢山易於出沒非兩而夾勦此搜彼遁終
難靖盜根株

李才襄公別錄卷二

會剿賊寇

三本

貴部院提督說切同舟自當有碩畫指授亟奏蕩平今屢
據塘報緊急合亟咨會為此合咨
貴部院提督祈即迅發官兵搜勦仍刻期示覆以便約會
策應施行

咨覆提督援台事宜 康熙十三年六月

為亟請援兵以保封疆事康熙十三年六月二十四日准

貴提督咨移太平失守亟請立發杭州養馬大兵繼往台州緣由到本部院准此為照溫鎮叛變賊寇勢必侵犯台郡先經本部院會商平南將軍將駐杭滿兵請發赴台應援見准將軍圖咨移已調副都統馬所帶馬兵并察哈力兵共四百一十九名又將安南將軍華奉

旨所撥看守杭城兵五百名又將杭州兵添補八十六名

李工專公身錄卷二 援台事宜 三十九

共合一千委副都統阿為兵主星夜赴台應援等因又准撫部院咨移前項赴台滿兵已於十九日起行諒月內自可到台可藉防禦惟是金華賊又逼犯是以先將在杭在衢滿兵分路援剿今常山又陷將見雅副都統兵馬仍撤回衢其台州今日事勢惟藉貴提督就近兼顧以保蕪虞今見准兵部咨調江寧右翼查哈喇全軍及毒佐領甲兵一名令副都統吉爾塔布統領赴浙應援除經一面咨移江南督院迅催前項調發滿兵星夜赴浙外今准前因合亟咨覆煩為查照施行

咨商巡撫發兵援嚴 康熙十三年七月

為咨商亟救嚴屬以固輝餉重地事照得全浙大勢以衢溫處三郡為門戶溫處相繼變叛惟衢州尚有當衝扼要之勢賊亦以全力相抵而金華為居中要道防禦不得不亟今滿兵在衢止有一千六百餘甲在全不及一千非有餘力以四應至調集綠旗官兵共六千有餘常山一千扶傷而回開化四百尚不知下落防守龍游五百湯溪三百蘭谿五百金華一千一百存衢賊者僅及二千晝夜糧甲以當數萬之賊而土寇在在竊發警報踵至本部院應接不暇今遂

李工專公身錄卷二 發兵援嚴 三十九

安賊眾攻逼嚴郡存兵數不及百岌岌可危若嚴郡有失則省城震動餉道中絕萬難緩視奈清湖賊兵連營漸進如再將此二千之兵分調赴援則衢州守禦更無可恃全省兵馬之在本部院與提督共之今台黃告急如此東路援師不可望矣思省城兵亦寡多但嚴州為省城之屏蔽仰祈貴部院於貴標發兵數百赴嚴協同鮑副將相機剿禦此亦萬不得已之著目前事勢不得不急治其標耳迫切燃眉專員馳請為此合咨貴部院煩請查照迅賜調發并希示覆施行

杏覆巡撫各路援兵難撤

康熙十三年七月

為機務事康熙十三年七月十三日准

貴部院咨移全嚴各屬告警嚴州已發標兵五百名
前赴防勦金華逼近諸暨為杭紹通衢可不將原調
赴衢官兵撤回緣由到本部院准此為照賊兵四面
侵犯衢州連營四十餘里實有數萬之眾滿漢綠旗
官兵共三千有餘於七月初七日出城奮勇衝擊而
賊營外掘濠內設木城火器排列相繼迭發碎擊
攻破自龍游以至湯溪無處非賊兵分佈勢甚猖獗
忽於七月初十夜拔營遁去恐有狡謀連發官兵漸

李文襄公別錄卷二

援兵難撤

三十一

進哨按一面先調官兵往龍游湯溪沿河一帶進勦
以通運道今俟沿河清蕩即當先復東義以固紹興
之西路台屬仙居賊方攻破西門幸援兵適至遂得
保全嚴屬兵單慮之已久惟因在衢之兵業已四往
分防再難調發止令金協兵百餘前往今貴標兵既
發稍可恃以防禦紹屬見調之兵勢不能撤回
貴部院令其酌將臺寨官兵回郡此亦權宜緩急不
得不然今惟有急為金屬收拾之著即所以保固紹
屬專待龍湯一帶進勦回報至日酌行但衢郡兵勢
實單前日情形萬分危急將軍已疏

請喇吉二副都統之兵齊赴金衢新

貴部院與

總理部堂達

將軍圖 迅為兩發庶戰守有藉耳相應咨覆須請

查照施行

李文襄公別錄卷二

援兵難撤

三十一

咨覆提督滿師仍駐金華

康熙十三年七月

為飛商緩急情形事准

貴提督咨開駐防金華副都統馬雅俱准部文回省

未識因何調回必需副悉形勢立疏

題明挽回保固金華等因到本部院准此為照浙省形

勢自溫處叛變而後金華實為東浙藩籬水陸交衝

運糧孔道馬雅二副都統領兵駐守一戰勝賊即准部

文調回省城本部院隨會商平南將軍已經調發在

衛副都統吳星赴金郡彈壓逆賊擁眾逼城滿

漢官兵協力蕩勦接據塘報大捷隨即具疏上

李文襄公別錄卷十一

滿師駐金

三十三

聞業有小揭移覽見今馬副都統又復至金防守自可垂

庸題明照准前因凝合咨覆煩為查照施行

咨督餉侍郎巡撫籌酌運糧船隻

康熙十三年八月

為咨商立法預備運糧船隻以濟緊急軍需事竊照

大兵進剿首在糧餉轉運接濟必資船隻今駐衢滿

漢兵馬所需糧料缺給日久本部院差檄頻催陸續

前來不過寥寥數艘矧今和碩

康親王總統大兵征閩將來糧料需用正殷其運糧船

隻若不亟籌良法即使儲備有餘而無船載渡勢必

遲誤查自省城以至嚴州江港稍寬大船可以行使

驛傳項下原有額設座船等七十餘隻見在江干

於內量留十餘隻以應大差其餘俱令往來杭嚴裝

李文襄公別錄卷二

運糧船隻

三十四

運糧料并再搜尋寬大航漁等船二百隻每四十隻

編為一號互相保結連泊江干遇有糧料隨到隨裝

其自嚴以至衢州溪流狹小水淺難高重大船隻難

以行使前委糧道駐劄嚴州責司催督應令稜備小

船四百隻亦每四十隻編為一號互相保結連泊嚴

州馬頭一遇省城解到糧料隨即轉發裝載其省城

嚴州各船俱照民間僱價現給紋銀不許官役短少

遲延致使船戶苦累起行運載之時除解官外俱毋

遲或府佐或三司首領官一員多帶幹役專司督

船隻往回并沿途催備人夫以資遣往如有沿途

雙潛避立者互結各船催追倘通同故縱任其脫逃
互結船戶一體究懲押船官役分別參處至編號各
船止許裝運糧料凡一應差使等項概不得擅行動
用至有奸猾船戶躲藏徽州河路藉口隔省規避似
應就近移明江省地方官徑行拘拏如是庶船隻不
致缺少而軍需或可無誤耳除行藩司暨糧驛二道
酌議外是否可行擬合咨商為此合咨
貴部堂煩請查照會奪仍希見覆施行

杏巡撫雷兵協防嚴屬

康熙十三年八月

為請兵添防保固地方事據嚴協副將鮑虎詳稱
得淳遂壽三縣前因土寇糾集開常餘逆乘我兵
節大襲陷卑職於七月十五日親統官兵前往恢
七月十六日恢復壽昌二十三日恢復淳安八月初
三日恢復遂安半月之間連復三城壽遂二邑雖有
城郭多倒塌不堪而淳安蕪城俱在萬山之中卑職
血戰二十餘陣跑倒坐馬二十餘匹始克底定今遂
安賊寇散而復聚卑職現又督兵進剿因思新復地
方必須多著官兵防守今本營之兵除爾守府城并
分防桐分二縣外其餘隨帶只有四百餘人先爾一
百五十名防守壽昌又爾一百五十名防守淳安現
今卑職隨身所帶之兵寥寥無幾即全爾在遂尚不
能資戰守况今淳安賊首劉萬冲復聚逃散之賊出
沒於靈岐富昌窺伺分水恐一時難盡根株伏乞本
部院垂鑒恢復三邑兵單難守不論何營之兵酌撥
數百前來添防庶疆圉可保事干軍機至急理合詳
請等因到本部院據此除詳批該管統領并貼防本
平兵數仰速行募補標官兵暫爾協同防勦俟官
兵調齊再行酌議仍候咨明

撫部院去後爲照嚴州失陷屬邑該副將力戰恢復見在分兵防守但隨帶官兵既欲隨軍征勦又欲分防守禦自是不敷既經該副將詳請增兵前來除批令該副將遵照將貴標官兵暫爾協同防勦外擬合咨明爲此合咨
貴部院煩請查照施行

咨江南總督查取韓斌家屬

康熙十四年十二月

爲咨提僞官家屬取信投誠以解賊黨事照得逆賊耿精忠造亂閩疆迫脅官兵勾合土寇竊踞仙霞竄思狂逞本部院親行統師會同滿漢官兵在衢進剿屢加撲殺惟是逆賊依險負固冀圖苟延殘喘且附從黨羽實繁有徒所以百足未僵尚稽天討今荷

天討今荷

皇恩浩蕩矜憫裔從准令投誠本部院見在勦撫並用茲據投誠人章啓元供稱係江南亳州人氏因耿逆殘忍刻薄官兵多係離心是以前來投誠又供亳州人

韓斌係福建興化府城守營守備在仙霞關一路賊營帶領八百人意欲投順聞賊營傳說韓斌家已獲抄所以尚不敢來若取其家人到此差發過去當即全營來投等語又據獲犯李斌稟稱寇營都司韓斌係我

清朝武進士原任興化府城守中軍守備年方三十有五被耿逆迫脅將部下官兵五百名領入衢地毒命君恩輒卽流涕一載有餘向無登陣見今衣號只掛興化城守都司韓七字詢及家眷稱在江南家有父母妻子計百餘口窺其衷腸實有歸誠之念若查取其父

于兄弟一人密到衢州潛通消息大則可以內應外
合共屠叛逆小則可以招其投誠等情據此則韓斌
有心向化相應取其家屬往招惟希
貴部院轉行該地方官將原福建興化府城守管守
備韓斌家內選取的屬親丁一名賜文移解過院以
便設法招諭俾其傾心來歸用彰
朝廷寬大之德以解逆賊煽誘之謀擬合咨會為此密咨
貴部院煩請查照迅賜轉行查取移示施行

右提督領賞官兵

康熙十五年
年二月

為軍務事照得逆賊負固既城官兵攻勦用命本
院演為軫念今接據各鎮將塘報於二月十七日大
創賊氛此皆

貝子威武暨

貴提督帷籌之所致也會見疆土奠安湯平當在指
日矣雖奏捷錄功

朝廷自有酬庸之典惟茲將士屢戰宣勞本部院不勝嘉
子酌備銀三百兩專員齎送所

貴提督分給在事有功將士聊為牛酒之需相應查

達為此合咨

貴提督煩為查照施行

咨會福建總督發兵赴常夾勦

康熙十五年三月

為咨會調發官兵以資恢勦事照得開化一邑界接徽饒路通廣信逆賊偽都督馬鵬偽總兵周立等與衛郡河西之寇互相聯絡本部院擬由嚴遂進兵則常山唇亡齒寒自不難於克復可以會合廣信大兵是以調發署瑞安營副將事恭將武榮平陽鎮標遊擊陳國任帶領在衛官兵赴嚴會同嚴協副將洪起元等官兵及調撥在嚴撫標官兵協力進取業將開化克復抄其後路若再得勁旅由衛直抵常山兩下夾勦賊必首尾莫應惟因在衛官兵現已分發由嚴

李文襄公集卷之二

請兵夾勦

四十一

進取開化且衛郡河西逆賊刻刻對羣我兵防守要汛保衛城池處處皆宜嚴密即克復常山又必屯兵攻守方為萬全衛郡官兵未能分佈當此賊勢披靡正可乘時進取得荷

貴部院弘籌偉畫督發費標勁旅或鎮標官兵前赴夾勦則常山一邑不難立奏蕩平矣除經具啓

親王外擬合咨請煩請查照施行

咨江南總督知照韓斌原籍

康熙十五年四月

為懇恩移咨知照事據標下隨征副將韓斌呈稱竊照卑職係江南鳳陽府亳州人辛丑科二甲第一名武進士於康熙十年間選授福建興化城守中軍守備康熙十三年三月十五日耿逆叛變時職在省領餉隨被細鄉禁錮逆府彼時恨不欲生無奈孤掌難鳴後逆衆出兵來衛界職帶領親丁隨從久欲投奔前來奈賊衆疑忌防範嚴切只得苟延歲月幸蒙憲恩提取職子韓世晉僕人苑亮王爵到衛於今四月初九日遣發苑亮前赴賊營暗通信息卑職即於

李文襄公集卷之二

韓斌原籍

四十二

十二日帶領都司王得功施虎把總蘇起袁宗舉思臣張玉披甲隨帶什物騎坐馬驟憤不顧身飛奔渡河賊衆發兵追趕幸賴憲天遣發兵馬接應卑職得見天日隨蒙啓送

親王俱蒙賞給劄付恩同再造誓必竭力報効滅此叛逆上報

國恩下舒積憤竊思前蒙憲天提取職子韓世晉現任在衛今令回籍伏乞賞咨

江南總督部院并行原籍亳州知照凌為恩便等情到本部院據此為照韓斌失陷賊地久欲自拔來歸

前請

貴部院查取伊子韓世晉到衢遣僕苑亮往招而該將即率領偽官飛騎歸誠其忠勇之樂誠可嘉尚隨經本部院啓送

親王當蒙頒給副將劄付發標効用并即具疏

題報除另備小揭呈覽外今該將遣子世晉回籍呈請

移咨知照前來相應據以咨達爲此合咨

貴部院煩請查照希即轉行該將原籍地方官一體

知照俾無內顧得令盡力疆場感佩舟說不淺矣

李文襄公別錄卷二

韓誠原稿

應年

咨江西督撫發兵夾擊潰賊

康熙十五年八月

爲移會恢勦大捷亟請夾擊共靖逆氛事照得浙閩與江右連壤自耿逆變叛以來兩省郡邑多被荼毒如偽驍騎將軍馬九玉盤踞衢郡河西竊佔江常等處今康熙十五年八月十四日

奉命大將軍和碩康親王駕臨衢郡本部院密啓情形

於本月十五十六等日隨奉

諭令調遣滿漢綠旗官兵分路勦殺河西逆賊大敗

鼠黨營壘盡被我兵焚燬本月十七日恢復江山十

八日恢復常山賊勢被靡潰遁我兵已抵仙霞一路

李文襄公別錄卷二

夾擊潰賊

原稿

直逼玉山馬逆敗殘餘衆必奔永豐等處以冀殲死

若

貴部院撥發官兵乘機夾擊渠魁不難投首更祈惟

籌調遣官兵竟取閩境俾逆孽首尾受制諒可立奏

蕩平合亟密咨爲此合咨

貴部院煩請查照亟賜調度仍祈將逆敗情形併於

某路進兵不時移示以便會勦施行

咨督餉侍郎巡撫調兵至衢

康熙十五年八月

為移會調發官兵事照得衢屬逆賊敗遁官兵追逐進聞今江常開化各邑新經恢復山鄉村落伏莽未靖且偽驍騎馬九玉等竄入廣信見據探報搜取民間農具打造器械而德興永豐二渡關諸處綿亘數百里尚有逆賊盤踞各隘切近衢境茲雖賊氣消沮不無隱憂况地方初復人民甫定未免時懷風鶴兼之

王師淡入閩疆衢屬又為糧運咽喉思患預防更宜早計查衢州原調湖協官兵六百名之內有該協將弁

李丈妻公別錄卷二 湖廣王

四十五

帶歸本營及事故等項約共缺兵二百名公據該副將照數撥補并調太湖營官兵三百名來衢分發添防以圖善後以保萬全相應咨會為此合咨貴部院煩請查照施行

咨江南督撫發兵分路剿賊

康熙十五年八月

為咨請乘時剿撫早殄逆氛事照得王師進剿連克開常奪關入閩兩經咨達

貴部院在案茲聞化各賊亦復聞風奔遁浙省衢屬業已廓清閩粵險要既失自必喪膽近據探報偽驍騎馬九玉等竄入江西廣信搜取農具打造軍器玉山係屬空城等語是此際賊眾敗竄驚魂未定即前此四出黨羽亦必奔顧巢穴乘此督發官兵分路遞勦廣布招徠當即瓦解本部院一面咨會

李丈妻公別錄卷二 分路剿賊

四十六

江西督撫二院訂期夾擊但江西省徽州毗臨浙西江右恐逆賊勢窮奔突必期彼此堵剿庶可早靖根株

所 貴部院再行就近會同江西督撫二院并飭徽州一帶鄰汛將領整肅嚴防相機夾勦合亟密咨貴部院煩請查照至賜示覆施行

咨江西督撫委員整理新復地方 康熙十五年十一月

為亟請整理殘疆共圖鞏固事照得江浙聯壤勢同肩齒而廣信一郡更為切近今偽義武將軍黃朝用嚮化歸順已赴閩省和碩

康親王軍前投誠一郡七縣復入版圖前奉

王諭速發文武官員前往接管料理撫綏地方接汛防禦等因本部院業即星移

貴部院在案但廣信雖復而江右餘寇尚未悉平若不亟議綢繆恐致復生意外况該府淪陷日久甫定殘疆亟須安集流離掃清伏莽本部院謹切同舟合

李文襄公別錄卷二 整理地方 四十七

再專員咨請除玉山縣知縣事務業經本部院委令張偉烈前赴署理移達外其一郡各縣統乞

貴部院再賜迅檄文武各官星飛分赴接管料理平定地方防禦要隘以期安堵即浙省開常亦藉庇鄰輝無既矣為此合咨

貴部院煩請查照速賜示覆施行

咨會將軍禁旗兵攜帶難民婦女 康熙十六年二月

為嚴禁潛攜難婦他往特飭稽查事照得出征官兵攜帶難民婦女自應亟查完聚近因縉雲諸暨等縣難民陶人麟金允升等赴京奔控給還准有部文移咨本部院見行按察司葉詳定奪在案頃據該司具詳多有旗兵潛攜北上

貴將軍統領滿漢鎮守兩浙恆兵愛民原無岐視滿旗官兵必藉

貴將軍再行會飭庶幾知所凜惕擬合咨會為此合咨

李文襄公別錄卷二 禁攜難婦 四十八

貴將軍煩請查照傳令各旗并賜示各門嚴行禁飭使窮黎骨肉得以完聚

朝廷尸口得以安全感藉舟楫非淺鮮矣仍祈示覆施行

咨覆將軍再諭旗兵給還難民子女
康熙十六年三月
為咨明事准

貴將軍咨開難民被擄子女當此歲黎極窮極苦之時焉能不亟拯救今准移會張哲芬毛天德等細加捧釋不忍見聞但倘價取贖一項今如僅有錢數千銀數兩而欲備贖妻女子婦技之價數懸殊本將軍欲令民照數備贖則責民無點石之金即短價勒兵俾令完聚恐他日出兵誰為効死用命要在兵民兩不交病均希貴部院酌奪等因到本部院准此為照難民妻女被擄一案准捧釋大咨以歲黎極窮極苦

李文襄公別錄卷二 難民子女 四九

亟宜拯救此誠

貴將軍仁慈替被為

國為民即所以為兵也本部院忝任地方之責兵以衛民原無岐視但案准部文內開真正賊寇未必攜帶妻子而行嗣後殺賊之餘賊寇所擄難民子女許令民間認領不許妄行搶擄奉有依議速行之旨欽遵在案是以本部院遵

旨移查給還且今變叛之徒勢窮來歸尚得保全妻子獨此被陷人口反致骨肉生離誠如大咨所云不忍見聞者也近准部文據難民呈詞咨移本部院確查完

結如有難以完結情由另行報部再議等語惟有仰

藉 貴將軍德威開諭旗兵仰遵

恩旨庶可完結至各難民貧窮徹骨沿途拜跪募有微貲安能盡如所索之數且掠帶子女豈有定價似此難結情由未便報部仍祈

貴將軍鴻慈酌裁多方拯救推廣

皇仁庶俾新復殘疆得有起色相應移覆為此合咨

貴將軍煩請查照施行

李文襄公別錄卷二 難民子女 五十

咨覆水師提督湖頭渡哨船 康熙十六年十一月

為遵例請修哨船以防海疆事准

貴提督咨開據寧紹道咨呈前事為照湖頭乃象山

洋面案奉部文以寧波湖頭逼近大洋駕船出關操

演不便准行奉

旨依議欽遵在案查湖頭向為賊船往來之所漿船非賊

船之具即未奉部禁亦不便住泊於此不識當日何

所議而借名哨船致費金錢也今據該道來文補造

哨船十隻俱已交發該營捕盜收管仍泊方橋內江

取具收管見在不知該營是何標營捕盜是何名姓

李文襄公別錄卷二 湖頭哨船 五十一

此船作何調用况不便於出勦既未預聞本提督是

可不必議及惟名曰哨船誠恐後日大部議以水師

之事則本提督亦有責成不得不將此無裨戰勦并

未有報聞情由咨明貴部院存案等因到本部院准

此為照湖頭渡設立哨船案於康熙十年間前部院

巡歷沿海更定營制以象山與大嵩所相對其中為

湖頭渡此內有寧海奉化鄞縣汛地當日止於海崖

延袤曲折設立臺寨官兵防守其湖頭渡未經設兵

故於南岸象山北岸大嵩各設哨船十隻扼要防守

以之外禦寇警內杜透越將以內臺寨官兵裁減為

各處改水為陸之用久經

題准部覆奉

旨欽遵在案嗣因修葺屆期是以本部院照例

題請亦經部覆時因閩省變亂海洋賊艘飄聚不時前

修船隻恐有疎虞經寧紹道議詳泊於內地本部院

因時酌宜隨經批允擬俟戰船出洋之時駕赴巡防

况當日

題設哨船經督撫提鎮會議實有裨於防勦今部議不

准出關操演原指遠出洋而言非以舊設巡防之

哨船槩置不用也今准前因合就咨覆須為查照施

李文襄公別錄卷二 湖頭哨船 五十二

行

李文襄公別錄卷二終



李文襄公別錄卷之二

軍旅紀畧

行司道府飭勵官常

行藩臬二司查取官員劣蹟

飭金衢道府廳縣擊散割逆犯

飭杭嘉湖道申嚴防範機宐

飭寧紹道府廳縣緝拿賊黨

飭溫處道府守禦地方

飭金衢道府守禦地方

飭寧台溫紹杭嘉湖各道府守禦地方

李文襄公別錄卷之二

目錄

飭金衢道確撲閩逆情形

飭杭嘉湖金嚴各道府預辦糧料

飭仁和錢塘知縣嚴保甲讖奸宄

飭各道察拏奸宄

檄布政司預給兵丁糧餉

飭金衢道府備辦糧料安撫居民

飭溫處道府嚴催大荆邊海整餉

獎勵寧紹道府廳縣

飭驛道整理夫船馬匹

檄布政司酌議軍需

檄查勸收草豆使費

檄布政司驛糧二道趨運軍需

飭杭州知府查解兵廝騷擾浙西鄉村

檄溫處道嚴禁掠販難民子女

飭按察司嚴肅秋聞

飭金衢溫處嚴台各道府撫集流亡

發銀行府中元薦度陣亡將士

檄委杭嚴道隨軍招撫

飭西安知縣撫輯新復地方

飭衢州知府查勸賊遺砲械

李文襄公別錄卷之二

目錄

飭同知楊道泰赴江山縣協辦軍務

飭江山知縣招撫馬勝家屬

飭金華知府乘時招撫

飭處州知府乘時撫輯

飭龍游知縣乘時招撫

飭湯溪知縣乘時招撫

飭江山知縣查議給還婦女

飭溫處道隨軍整理處屬恢復六縣

檄委金衢道隨軍招撫

檄委台溫道撫輯溫郡餘寇

飭龍泉宜平遂昌各知縣撫綏地方

飭開化知縣齋諭招撫程鳳

飭江山縣看養廣信難婦俟領完聚

牌給生員盛鼎招撫

查釋閩省歸浙難民子女

飭禁司道府應州縣差役

飭司道各府嚴禁害民諸弊

飭各道查訪衙堂

飭司道嚴查縱盜諱盜積害

飭按察司禁止酷刑

李文襄公別錄卷三 目錄

三

檄杭嘉湖道亟議靖盜安民六條

檄衢州道府縣愛養衢屬黎民

李文襄公別錄卷三

行司道府飭勵官常

康熙
年十月



為飭勵官常以肅吏治事照得安民必先察吏大法
然後小廉蓋以吏治之臧否民生之休戚係焉本部
院素知浙省頻年災馭民生困瘁全賴良有司撫綏
愛養漸起湖疲乃其間屢勉從事克修厥職者固不
乏人而置筭不飭尸位負乘者亦比比皆是如徵收
錢糧則額多火耗審理詞訟則庭有冤民或縱容衙
役以生事或聽信情面以徇私甚至賄賂通行是非

李文襄公別錄卷三 飭勵官常

顛倒本部院持憲長安早知大概今庸

簡命節制是邦必期力清積弊以挽頹靡凡此董率羣僚
凜持廉法惟各方面官是賴尤當秉公執法不得瞻
顧因循本部院當茲叱馭伊始姑行嚴飭以觀自新
為此牌仰該司道府官吏照牌事理即便遵照嗣後
務須持廉秉公恪勤乃職并轉飭所屬深已愛民奉
公守法倘有政績勳敏操守無玷者本部院不靳特
疏薦揚以昭激勵倘仍溺職敗檢貪黷乖張本部院
惟有白簡從事斷不姑徇以貽一路之哭各宜慎
慎無嘗試

欽行藩臬二司查取官員劣蹟

康熙十三年五月

為查取不職官員劣蹟以肅吏治事本部院欽承

簡命總制全浙下車之後例有入境糾參浙省地處衝繁

災殺之餘民生困瘁已極所望以澄清吏治村循地

方惟監司守令是賴若乃貪殘不法職業全廢置民

瘼於罔聞惟苞苴之是問既已有玷官常亟宜立登

白簡合行查取為此牌仰該司照牌事理即將通省

道府廳縣各官逐細查訪有溺職敗檢穢跡邪彰者

倘開贓款劣蹟限文到日內密揭呈送本部院以

憑覆核糾參至於察訪之法務須持廉秉公勿購徇

李才襄公別錄卷三

查取劣蹟

二

情面勿畏勞市恩勿寬大吏而以卑員塞責勿含食

醋而以微疵點綴款犯必實有其人不許賄捏說各

以畱展轉之地事蹟必詳冊月日不得游移朦混以

開出入之端該司職任綱紀見聞必確萬毋克縱其

劣狀大者為害地方之官本部院已經密訪真確

記於此若不據實指揭亦即特疏

題參該司難辭徇庇之咎慎毋違錯

檄飭全衢道府廳縣密拏散劄逆犯

康熙十三年三月

為密報出首偽劄事據金華府東陽縣詳報內稱逆

黨單于郭美之王彥俞造劄散布肆行煽惑早職設

法密接令施應驪盧魁甫騙劄出首一面差兵快緝

拏先將出首狀詞口供并抄偽劄具文密報等因到

本部院據此為照浙省地方久經寧謐何物奸徒輒

敢散布偽劄煽惑人心大干法紀令行密拏審究為

此牌仰該道府廳縣查照牌內事理即便密拏散劄

逆犯單于郭美之王彥俞到官嚴究確審雕印散劄

情形并起獲偽劄及根究逆黨數目的確姓名住址

李才襄公別錄卷三

密拏逆犯

三

一併密拏審解務盡根株毋使滋蔓一面清查保甲

加謹防備毋得疎虞慎速慎速

檄飭杭嘉湖道申嚴防範機宜

康熙十三年三月

為申嚴防範機宜以因疆兩事照得浙省為海疆重地杭嘉湖尤為劇郡衝繁外防海寇侵邊內慎匪徒窟聚必須有備始可無患况邇來逆氛多警愚民惶惑保無飢寒不軌之徒結夥謀害則思患預防正宜網緝早計該道素具弘猷凡地方形勢如何設防由海要隘如何戍守砲火作何整頓墩臺作何修葺以及內地遊巡邊方駁哨一應機宜皆當會商妥確合行申飭為此牌仰該道照牌事理即查該道所屬地方如嘉郡平湖海鹽通臨海濱近閱塘報時有一二

李文襄公別錄卷三

防範機宜

四

賊艘游移則當相度情形確酌隘口何處添兵何處守禦嚴飭空兵勤加瞭哨其餘嘉秀各縣以及杭湖二府屬或支港濠紆錯雜或地當南北衝衢如太湖巨浸風稱盜藪近雖設兵駐守稍為斂跡如杭郡省會根本重地雖設重兵彈壓而其間山鄉水澤奸良混雜邪正莫辨更當嚴查保甲稽詰奸宄蕪使容隱滋擾三府砲位安頓處所應需火藥砲架砲蓮等項應請給者速行詳議請給應置辦者速為設法置辦一應道路橋梁速飭該地方官預為修築完固毋致臨事周章并一應未盡事宜星速會同各府督將

議妥確因地制宜相度籌酌料理停備文請

李文襄公別錄卷三

防範機宜

五

檄飭寧紹道府廳縣緝拏賊黨

康熙十三年三月

為報聞事據紹協副將報稱蕭山縣七八都地方賊首朱玉華朱元甫等煽誘愚民嘯聚釀亂被保正報縣拏獲審供緣由到本部院據此為照浙省地方久經寧謐惟有紹屬蕭山諸暨等處既在崇山疊嶂之鄉復處水陸交通之地夙稱盜藪最易叢奸况近日邊方多警民心惶惑誠恐飢寒不逞之徒鋌而走險招誘亡命流突鄉村先經本部院申飭防範嚴行稽詰毋許怠忽貽患節次告誡在案今據報賊首朱玉華糾集已獲之李啓元等輒敢糾聚謀亂釀害地方

李王臺金剛寺卷三

緝拏賊黨

六

合亟嚴拏審究為此牌仰該道府查照牌內及黏抄事理立提已獲賊犯會同確審嚴究倡亂起事真情賊黨的確數目姓名住址一併密拏審解一面將逃匿未獲各賊差兵快廣偵密拏并預行知會鄰遠縣汛一體協力擒拏追緝務盡根株毋使滋蔓亦不得混捉良民濫及無辜一面嚴查保甲相度險要加謹防備毋得玩誤疎虞密速密速

飭溫處道府守禦地方

康熙十三年三月

為飛飭守禦地方事康熙十三年三月二十九日據溫州鎮塘報內稱靖藩變亂緣由到本部院據此為照浙閩接壤據報閩省兵變溫屬最為密邇隨即飛飭平陽鎮躬統官兵前往分水關一帶堵禦并檄調溫州鎮瑞安營官兵聯絡接應外合行知照防範為此牌仰該道府照牌事理即便分派守禦城垣稽察奸宄措辦糧餉接濟軍馬聽候本部院酌調官兵齊集星赴仍不時哨探情形飛報本部院以憑調度事關軍機毋得遲誤

李王臺金剛寺卷三

守禦地方

七

飭金衢道府守禦地方

康熙十三年三月

為飛飭守禦地方事據溫州鎮塘報內稱靖藩變亂緣由到本部院據此為照閩省兵變衢屬最為密邇且仙霞關又係浙境險隘隨即飛檄衢協副將躬統官兵前往仙霞關小竿嶺一帶守禦外合行知照防範為此牌仰該道府照牌事理即便會商衛協一面速據險要固守關隘一面分派守禦城垣稽察奸宄措辦糧餉聽候本部院另調官兵齊集星赴仍不時哨探情形飛報本部院以憑調度事關軍機毋得遲誤

飭寧台溫紹杭嘉湖各道府守禦地方
康熙十三年三月

為飛飭守禦地方事照得閩省叛變浙境壤連水陸
交衝在在自宜嚴防本部院據報隨即調發滿漢官
兵前往衢州大路堵禦并行附近鎮將統兵扼守除
要本部院與

提督隨即相繼進發酌量調度外但閩省既經倡亂
勢必結聯海寇濱海地方務宜加意防範用保無虞
合行飛飭守禦為此牌仰該道府照牌事理即便會
同城守營弁固守城池稽察奸宄修葺城垣措備糧
料接濟兵馬嚴飭沿邊加意巡防倘有賊踪飄突一

李文襄公別錄卷三 飛飭守禦 八

面飛報本部院軍前調度一面協力堵禦仍將情形
不時飛報毋得怠忽

飭金衢道確探閩逆情形
康熙十三年三月

為確探緊急軍情事照得閩省兵變本部院見據溫
州鎮飛報隨即調發官兵分守要隘相機堵禦但衢
郡與閩境接壤其閩省倡亂情形何未據該道報聞
合行申飭確探為此牌仰該道照牌事理即便遴選
精細兵快密往楓嶺浦城一帶偵探的確消息星速
回報隨即轉報本部院軍前以憑調度仍一面多方
密探不時報聞毋得刻遲致誤事機慎速慎速

李文襄公別錄卷三 確探偵探 九

飭杭嘉湖金嚴各道府預辦糧料
康熙十三年三月

為飛飭守禦地方事照得閩省叛變浙境壤聯本部
院據報隨即調發漢滿官兵前往衢溫二處扼險堵
禦外浙省水陸交衝在在自宜嚴防合行飛飭防範
為此牌仰該道府照牌事理即便申嚴各屬固守地
方稽察奸宄嚴行備禦并預行整備一應錢糧草料
以俟大兵供應毋得缺少遲誤致罹咎咎各宜慎重
封疆以盡職守勉之慎之

檄飭仁和錢塘二縣嚴行保甲察拏奸宄四月初四日

為嚴飭察拏奸宄保衛地方事照得邇來軍書旁午民間訛言四起因有不軌奸徒乘機擾動煽黨結謀希圖搆亂各屬屢經發覺擒拿法處嗟此愚頑自投羅網省城為通會之區五方叢聚譏察尤宜嚴謹合亟申飭為此牌仰該縣照牌事理即督所屬地方人民嚴行保甲一甲之內互相稽查并寺廟庵觀通加嚴飭如有來歷不明之人毋得容留其或出入詭秘蹤跡可疑者立刻報官查究倘有徇隱事發之日定行連坐治罪該縣一面分遣的役密行巡緝果能捕

李文襄公別錄卷三 嚴行保甲 十

獲真正奸細者定加重賞但不得借端生事擾動良民該縣務須實心奉行俾奸宄無可潛藏地方共保安靖如或因循玩忽虛文塞責軍情重大取咎匪輕

飭各道察拏奸宄康熙十三年四月

為密飭察拏奸宄保固地方事照得浙屬山陬水澗向來毒易藏奸近日不軌之徒訛言煽動勾黨散佈屢經發覺今邊圉戒嚴恐有外來奸細潛跡窺伺或本地狂徒乘機竊發必須嚴謹查察弭患未萌城池庫獄關津隘口皆當留心倍加防護各郡縣司牧之官固圍衛民責有專屬該道監統一方寔資保障合亟申飭為此牌仰該道照牌事理即便轉行所屬通諭城市鄉村嚴行保甲各自稽查互相聯絡并寺廟庵觀通加督飭凡有外來之人細加盤詰來歷不明

李文襄公別錄卷三 察拏奸宄 十一

者勿得容留其或出入詭秘蹤跡可疑者立刻報官查究如勾連黨羽聚謀不法者即時舉首擒解倘或徇情事發之日定行連坐治罪各該府縣仍分遣的役密行巡察如有真正奸宄立速緝拏但不許借端生事擾動良民凡城垣頽壞即時修葺倉庫牢獄勿致疎虞該道務須實心奉行不時督飭倘有玩不遵奉者揭報

題參如或因循故事虛文塞責貽誤地方咎有攸歸慎之勿違

撤布政司預給兵丁糧餉

康熙十三年四月

為預給兵丁糧餉以恤勤勞事照得軍興勇午各標營兵丁調防駐守以衛封疆並皆勞苦本部院備金各兵皆有父母妻子平時支給額餉止可贍給一身已難兼顧今警備邊圍行者有資裝之費居者有守望之勤推其至情均應體恤本部院一片丹誠無時不痾瘝身切今將通省兵丁不分調汛雷管一體預給糧餉以資飽騰除行各鎮將遵照外合行知照為此牌仰該司照牌事理即便一體查明給發取領存案彙冊報銷毋致遲誤

李太襄公別錄卷三

預給糧餉

十三

撤飭金衢道府備辦糧料安撫居民

康熙十三年四月

為緊要軍務事照得閩逆叛亂逼近浙壤本部院據羽書隨即會商督院先行調發滿漢官兵星赴衢郡險要地方相機堵禦又經具疏請

旨撥發大兵接應去後惟是師行糧從刻難遲緩今大兵雲集所需糧米草料合亟知照備辦為此牌仰該道府官吏照牌事理即便動支正項錢糧多加採辦倘本地出產不敷亦必遴差幹員分行購買總期支應無匱一面將動支錢糧通報查考至於支給數目本

李太襄公別錄卷三

備辦糧料

十三

部院見在酌就批行藩司遵照聽候該司移會照數給發仍須嚴別派撥曉諭里民倘有百姓驚惶奔竄者務須開誠招轉安置得宜勿令失所該道府風具裕國嘉謨兼擅匡時偉畧向日山陔底定已見一斑今日封疆多事更徵經濟未盡事機總在隨時籌畫以期鞏固疆圉將來報績論功本部院必當從優題敘超遷榮擢拭目可期慎毋疎誤勉旃

檄飭溫處道府嚴催大荆邊海整備

康熙十三年四月

為報明緩視邊工屢催未竣等事准

提督塞 咨開據大荆營參將左助呈稱前事等因

到本提督據此為照閩省告變見據飛報有船數千

隻劉住閩安鎮又鄭逆帶船停泊三盤而大荆逼近

三盤洋面尤為可虞該汛城垣敵樓道路橋梁與砲

架砲蓋船筏等項悉關戰守先經飭催修備至今未

見報竣相應請飛檄嚴催立限修辦整頓齊集庶

戰守有藉等因到本部院准此為照大荆邊海嚴疆

一應城垣敵樓道路橋梁砲架砲蓋等項皆關戰守

李才襄公別錄卷三

邊海設備

十四

急務自應火速併工催趨收拾完固庶可恃以為一

方保障且近日閩省變亂勢切震鄰而海逆游魂必

來窺犯豈可怠緩遲延設有警息官兵藉何堵禦合

行嚴飭亟催為此牌仰該道府照牌事理即將大荆

一帶詳議應修城垣敵樓道路橋梁砲架砲蓋船筏

等項立督該縣印官親身料理併力完工毋再推諉

微官致誤事機倘仍悠悠遲誤即行揭報定行

題參不恕速速

獎勵寧紹道府廳縣

康熙十三年四月

為特申獎勵以昭激勸事照得浙省瀕海嚴疆自奉

旨招撫海寇歸誠之後數年以來四境寂寧乃今閩逆踴

張逼臨浙境結聯海寇圖擾沿邊此忠臣義士誓切

同仇盡忠報

國之時也有能繕治器具修葺城垣鼓舞兵民措置屬

備者其實心實政誠可嘉尚查該道府廳縣官捐貲

購買硝磺配製火藥修葺城門城樓置辦砲車砲房

以及綿簾箭簾一切守禦器具無不完備使荒殘郡

邑有所恃以無恐其忠勤之効已表見一斑矣至若

李才襄公別錄卷三

獎勵道府

十五

拊循兵民籌畫戰守因時制宜真海疆之能吏應慶

之長才雖

王事靡盬分所宜然而壯猷碩畫地方攸賴惟冀益展

謀猷同心共濟保固疆圉平成之日本部院自當特

疏

題敘行將起遷榮秩報績酬庸合先獎勵為此牌仰該

道府廳縣遵照一體更加勗勉共建豐功

徵飭驛道整理夫船馬匹
為軍務事照得江南滿兵奉

康熙十三年四月

命應援浙江已經振旅起行不日抵浙一應上江下河船隻樁夫亟當早為備辦庶不臨期有誤合行知照為此牌仰該道照牌事理即將下河自平望入境以抵省城又自江干以至衢郡一應樁夫船隻遴委幹員速為料理聽候大兵經臨應用毋許缺少遲誤但查縣驛額設人夫有限勢必僱募充數貧民應役先期守候關閉公所若行之不善未免飢寒困苦該道更當體恤民隱務須籌酌良法措置得宜既不有誤軍

李文襄公別錄卷三 整理船馬

十六

務又不貽累小民方為妥便再如船隻守候裝兵各有人口亦當酌給口糧其自省城以至嘉興平望各驛已經另撥撥備馬匹伺候今查原任台巡道有馬騾四匹逆藩下丁崇有馬騾三匹相應酌發緊要驛遞應差其餘各驛應添馬匹速為購辦仍飭驛官夫頭上緊喂養應壯毋許侵冒有誤軍機定行挨查立按軍法從事決不輕恕慎速

徵行布政司酌議軍需

康熙十三年五月

為酌議軍需以恤民力事照得大兵征勦供億浩繁一應派辦督催皆屬該司專責該司才畧優長本部院凡據申詳不復中制良因軍需緊急寧使備備有餘但就見在兵馬之數以一萬五千匹計算每月約需豆四萬石入筒月應三十二萬石每月約需草一百萬束八筒月應八百萬束至於杭衢兩處駐牧進勦計四馬一槽一銅一桶每處各約三千有餘鍋數減半每處約一千五百有餘今所派太多未必一時齊集徒致地方騷擾况已發銀外地買豆即有賴到

李文襄公別錄卷三 酌派軍需

十七

大兵可以支給其草束雖因就近辦運而金嚴二府出產原少省城駐牧不過暫時亦應并運衢州接濟至處州素稱瘠苦今賊氛已逼四邑人民震驚溫屬僅存三邑俱係兵衝衛屬惟有西龍二邑又當孔道此三郡派辦軍需徒有空文無裨實事不如榮行調免尚可撫慰民心寧台二郡既無兵馬添防又不便遠令解運派數雖少亦屬勞民本部院再四籌畫杭嘉湖紹四府豆先解十分之六草先解十分之四槽銅桶先解十分之五鍋先解十分之三金嚴二府豆先解十分之四草先解十分之六槽銅桶先解十分

之五鍋先解十分之三衢州量派先解草八十萬束
槽銅桶各五百副鍋三百隻溫處各量派先解穀一
萬石草十萬束槽銅桶各三百副鍋各一百隻似於
見在兵馬支給已數至於各項價值該司卽行該縣
照時值申詳出示曉諭毋豆穀一石准條銀若干草
一束准條銀若干槽銅桶一一定價如有輸納者
立時填定銀數給與串票毋得稽遲虧短惟恐照本
部院約計之數其中尚有應酌者合行查議爲此牌
仰該司照牌事理卽將本部院酌派前項料草槽銅
等項并其中尚有應酌事宜逐一妥確議定通詳以

李文襄公別錄卷三

酌派軍需

十八

憑定奪俱速

撤查勒收豆草使費 康熙十三年六月

爲嚴查勒收豆草使費以甦民困事照得兵馬駐紮
豆草爲軍中必需是以令各府動支正項錢糧買備
運濟一經解到自應隨到隨收豆必照數平斛草期
足斤而止夫何里民竭盡心力不憚險遠運解至衢
訪聞各旗悍卒使費不到並不發檔支收致使小民
坐食守候更且百般刁措草每束索使費銀二釐
豆每石索使費銀五分又故嫌草束不堪每三束
并爲一束甚至借名豆草已足強勒折價草每束
折銀一分入釐豆每石折銀入錢稍不遂意率棍

李文襄公別錄卷三

豆草使費

十九

兇毆嗟此異鄉貧民何堪當此橫索悖違

國法擾累良民莫此爲甚合行嚴查禁革爲此牌仰該
同知照牌事理卽查各屬解到豆草米糧因何不官
收官放乃容旗丁與里民對支以致橫索使費強勒
折乾該同知身膺收支之任不爲禁阻所司何事限
文到卽日查明有無勒索情弊具文據實回覆以憑
會同

平南將軍出示禁革嗣後遇有各屬解到豆草米糧
隨到隨卽收明出給批收給發里民回籍各旗應需
糧米料草查明清檔支放不許兵民面交尤不許借

端通勸使費敢再恃違

功令擾累解役里民本部院即時據實

題參必不輕恕凜遵毋忽

李文襄公別錄卷三

豆軍使費

二十

撤布政司驛糧二道遣運軍需

康熙十三年八月

為設法遣運以濟緊急軍需事照得滿漢大兵進勦
閩逆雲集衢州日支糧料係計口按數投食之需但
地居上游惟恃省城解運源源接濟數月以來該司
報解之數似覺有餘陸續至衛之糧竟不敷用屢據
各旗營噉噉控領有缺至十餘日者有缺至二十餘
日者本部院差檄頻催不遺餘力惟見沿途運解零
寥數艘盼望後運並無片帆衢州司餉各官日事攢
眉仰屋無策該司道遠居省會漠然不理今缺乏日
甚一日則士馬飢餓堪虞矧和碩

李文襄公別錄卷三

遣運軍需

二十一

康親王總統大兵不日臨衛將來糧料更多設有遲礙
關係匪輕本部院再四圖維特立以號船遣運之法
先經飭行外合再條列申明為此牌仰該司道照履
事理即便查照後開各條將運糧船隻編號稽查
押催趨各事宜悉心料理作速奉行完備具文詳報
如再推諉遲延漫不經理玩誤軍需之咎自難為隱
司道寬也凜之慎之至緊至速
一查駐衛兵馬每日需料豆一千三百餘石月該
萬石食米日需二百石月該六千石此見在應需
之數而將來

王師需用尚不與焉即以見在計之自應陸續解運
定限三次起行每次解豆一萬石米二千石不
許顆粒缺少

一衢州居浙上游溪河一帶非船莫渡如杭州以至
嚴州河寬水淡大中船隻可以行使應備大漁航
以及驛站等船九十隻每隻可載一百五六十石
者連泊江干分爲三運以省擁擠耽延每運分編
天地人三號上列小旗一面書衢州運糧船隻字
樣沿途不得停留片刻到嚴州交卸定限六日往
回如遲即以違誤軍需嚴加查究

李士英奏本朝錄卷三 運軍需 二十二

一自嚴至衢灘高水淺應設立江山小梭等船四百
隻每隻可裝二三十石者連泊嚴州馬頭亦分爲
三運以免擁擠耽延每運分編智仁勇三號上列
小旗書衢州運糧船隻字樣沿途不得停留片刻
到衢州交卸亦定限六日往回如遲即行嚴加按
究

一船隻往還若不設官統領帶役管押不無潛逃規
避今自杭至嚴專委杭州府通判許天榮沿途統
管自嚴至衢專委才能廳官一員沿途統管每二
運時除解官外另委雜職一員協管每五船於司

府廳縣各役內撥販賣者一名分押往回催遣如
有遲誤及船隻脫逃官以玩誤軍需

題參役以軍法從事不貸仍將自嚴至衢委用廳官
職名呈報查考

一船戶水手原係趁食糊口之人若不給發工價口
糧必致苦累且必脫逃應公平議定照船隻大小
酌給口食工價大船一隻每月約給銀六兩江山
船一隻每月約給銀三兩梭船一隻每月約給銀
一兩五錢此項銀兩酌議停妥俱交與該管廳官
當面給發令得實受不得聽衙役埠頭措留短少

李士英奏本朝錄卷三 運軍需 二十三

至於押船人役亦應酌量給發鹽菜食米每處先
發銀一千兩以備支用如有冒破侵扣等弊定行
參究

一船隻載糧既重船戶水手無多必須沿途相幫批
拽庶能適往今前項運糧船隻到各該地方該縣
驛官於大船每隻立撥棒夫三名大船每隻立撥
棒夫二名江山船及小船每隻立撥棒夫一名相
幫載拽遇有水淺灘高之處船隻難行各該地方
官多備竹簿起卸毋得推諉遲延違者立行

題參

一設各船專供裝運糧料無論文武衙門別項差使
一樂不許封拏借用敢有故違即將封拏借用官
職名呈報立即參處不貸

一運載糧料若不稽查數目恐有沿途盜賣情弊關
係非小着令統管通判及所委廳官於起運之時
帶原斛四隻自省至嚴嚴道稽查盤驗自嚴至衢
衢州府稽查盤驗若有缺少按數呈報以憑參拏
一解運糧料各船既編天地人及智仁勇等字仍以
舟一號起至十號止着令各船戶互相保結取具
互結存案如有一號潛避責令九船賠補仍將此

李文襄公別錄卷三

漕運軍需

三五

船應運糧料帶運至於沿途務須晝分晝夜風雨
星飛前進兼程馳輓經過各該地方嚴行督催毋
使逗遲時刻遲延寸晷敢有延挨該地方官即刻
通報查考仍於起行之日填給運官時日限單自
杭至嚴報糧儲道查核自嚴至衢報金衢道衢州
府查核其督押官役及船戶人等敢有延誤情弊
即按軍法懲治重則參拏不恕

一搜覓各船務期足數其在嚴江山小校等船四百
隻除行衢州府備覓一百五十隻並委差官役其
餘二百五十隻該司道及糧道星速分覓無論村

河僻港及在江南徽州地方各船嚴行搜取至於
省泊大船九十隻亦即分投搜取務期足用不得
缺少遲誤

以上事宜該司道務須實力奉行作速料理先將分
運船號官役押解姓名造冊呈報查核如再仍前遲
視遲延致誤軍需咎有攸歸至在事各官若事平糧
完勤勞有功定行特疏從優
題敘該司道通加勸勉至和碩

康親王總統大兵應需糧料前項所設船隻尚慮不敷
該司道再行酌議詳報

李文襄公別錄卷三

漕運軍需

三五

飭杭州知府查解兵馬騷擾浙西鄉村

康熙十四年三月

為嚴禁兵丁損壞山花荒廢農業以重

國本事照得浙西民俗半資耕種半藉營桑當此春寒

夏初正民間婦子齊力蠶繅之時又如山區沃壤所

產茶笋小民一年家計全望此際收成不惟播種有

本即辦課完糧亦於此是賴歷來蠶卵之時正供錢

糧尚且暫寬徵比以免紛擾乃訪聞旗營兵馬往往

三五成羣打柴打草遍往鄉村離城漸遠肆志橫行

或索飲食或詐銀錢或踐山花或奪茶笋稍不遂意

生擄尋非無所不為甚至荒村僻徑搜括搶奪孤客

李文襄公別錄卷三

飭禁騷擾

二十六

難行商販裹足蠶繅失時民情困苦殊非法紀除咨

將軍嚴禁外合行知照為此牌仰該府官吏照牌事

理畱心禁飭各宜恪遵軍紀與民相安不得騷擾鄉

村荒廢農業以及恃強搶奪致干

國典倘有仍前橫行許附近里甲居民協同扭稟該府

查明申解以憑嚴加重究

撤溫處道嚴禁掠販難民子女

康熙十四年閏五月

為嚴禁奸棍掠販難民子女以肅法紀事照得處郡

人民慘遭閩逆寇亂盡皆攜妻挈子逃竄山林潛藏

僻地官兵進剿所有獲帶者本部院見在嚴飭清查

給還但訪聞有一種奸棍嗜利無良陰囑出征官兵

擄回婦女可以掠販為娼公然懷資奔聚擇人買易

名曰販指本部院向經出示省城禁飭訪擊業已斂

跡今聞猶有杭紹金蘭永康等處棍徒仍復相率潛

往處郡倚仗營勢結黨成羣隨營販買人口由山徑

小路先趕回家且假冒營兵乘勢搶掠殊可痛恨合

李文襄公別錄卷三

嚴禁掠販

二十七

行嚴飭查擊為此牌仰該道照牌事理即查所屬地

方如有前項奸棍或充營兵或充商販設計掠販難

民婦女者立即察訪嚴拿重懲枷示依律定罪詳報

本部院核奪此係懲奸除害免致婦女遠離難以盡

給該道務在力行毋得視為虛文漫塞體察致有株

便

飭按察司嚴肅秋闈

康熙十四年七月

為申飭秋闈倍宜嚴肅以光

大典事照得

朝廷設科取士揀選真才比及三年人思脫穎湖名分授之法不為不嚴近年部頒條教不啻諄切當斯任者自能凜遵第今賦寇交訌四方多事如秦楚江粵各省用兵之地俱議停止獨浙省當此羽檄交馳之際照例舉行良以人文宿著雖處金革不廢詩書

聖朝文教覃敷藉此作養儒修鼓舞向化是今歲鄉試投之往年為尤重今藩司府縣正印等官切以軍需地

李本襄公別錄卷三

嚴肅秋闈

三十一

方關係重大不能分身趨事以該司練習請詳密陳監臨之任一應場務責有攸歸至於分按各官借林鄰省江浙一水聲氣兼通防微別嫌更宜嚴禁本部院雖在軍中鞭長莫及誠恐以時值軍興諸務草率弊竇叢生士論稍有不孚鉅典何以克副合亟申飭為此牌仰該司照牌事理查照

部頒科場條例實在力行內外事務及聘至廉官務須加意防閑盡釐積弊該司身任監臨更當振作風裁肅清法紀告誡執事大小員役恪遵憲典使檢舉之後得人交慶與有榮施倘以此舉視為具文潦草

告竣致啓弊端本部院一有所聞即當指名

題參從重拏究勿謂本部院越俎多事也勉之慎之

李本襄公別錄卷三

嚴肅秋闈

三十一

飭金衢溫處嚴台各道府撫集流亡 康熙十四年十月

為申嚴恢復郡縣及時撫集流亡以培邦本事照得
閩逆叛變以來地方不逞之徒糾集亡命乘機劫掠
擾累地方凡我良民受其荼毒流離慘苦不忍見聞
今大兵進勦漸次恢復其如兵燹之後哀鴻未集田
地拋荒非盡力撫綏何以起瘡痍而復元氣倘地方
官稍有怠惰將見有土無民今

皇恩浩蕩視切如傷凡開闢地方着令能員隨軍安撫又
復動支賑濟停徵舊逋酌寬見餉并嚴禁兵丁姦淫
搶掠

李太僕公別錄卷三 撫集流亡 三

朝廷如此軫念臣工益當勉勵合即嚴飭為此牌仰該道
府照牌事理即便轉行該縣一切民人未會復業者
務必多方招徠安插得所賦稅不得橫徵詞訟不許
濫准勒諭開墾禁飭詐害如有兵丁不法姦淫搶掠
擾累地方立即指名申報以憑嚴拏究處未盡事宜
隨時措置加意整頓使土闢民歸本部院耳目最詳
自有鑒衡獎擢倘若罔恤民瘼怠惰偷安定行特疏
料參斷不徇恕當茲盤根錯節正可具覘才能各宜
覓勉慎勿輕視

發銀行府中元薦度陣亡將士 康熙十五年七月

為薦度陣亡將士事照得衢州自閩逆叛變以來查
有各營將士兵丁用命疆場以致身殞雖經本部院
隨時恤殮但為

國捐軀殊為可憫今七月中元節屆蘭盆之會擬修佛
事懺度幽靈合即知照為此牌仰該府官吏照牌事
理即將發去銀二十四兩酌擇清淨處所於十三日
起至十五日止設立道場三晝夜延請高僧二十四
眾宣誦經卷功德追薦陣亡將士以資冥福應需紙
劄祭品香燭等項務要鮮明整齊虔誠精潔具文呈
報以憑核奪并候親臨拈香致奠

李太僕公別錄卷三 薦度陣亡 三

徵委杭嚴道隨軍招撫 康熙十五年八月

為專委隨軍招撫事照得耿逆造亂以來荼毒生靈已經三載一切被陷人等或因煽誘失節或因迫脅陷身接厥所由情當矜憫今指日蕩平急應招撫以全生命案准

吏部咨開進勦地方委令才能官員隨往軍前專司撫民事務沿途曉諭招撫等因奉有

諭旨欽遵在案今該道才能夙著諳練機宜合即特委隨軍招撫為此牌仰該道照牌事理即便隨同大兵前進沿途宣布

李文學公別錄卷三 撫軍紀略 三十一

朝廷德意設法招徠所到地方連諭士民人等照常迎接

王駕剃髮歸誠從前罪愆槩置不問如有率眾來歸或擒渠納款者多方鼓勵一面具報以憑彙敘錄用該道招撫有方定行一併題敘以酬勞績

飭西安知縣撫輯新復地方 康熙十五年八月

為知照事照得衛城郊外賊窟二年被害黎民困苦已極今大兵恢復地方急應設法招徠使百姓仍歸故土漸登衽席該縣職司民社合亟飭行為此牌仰該縣官吏照牌事理即便躬親踏看几經失陷處所宣布

皇恩設法招撫曉諭士庶即速來歸從前罪愆槩不追究如有原存廬舍照舊安居或已被賊焚燬作何賑卹安插逐一措置妥當務使哀鴻漸集田土蕪荒此目前第一要務慎毋泄視即將奉行緣由報查毋違

李文學公別錄卷三 撫輯地方 三十三

飭衢州知府查勘賊遺砲械 康熙十五年八月

為軍務事照得逆賊敗遁所有得獲大砲器械自應逐一查點明白檯運進城以憑驗用合行知照為此票仰衢州府官吏照票事理即便委員并撥人夫前往賊營查勘一應遺存砲位器械即速搬運進城將砲械數目另造清冊報查不得遲違

飭同知楊道泰赴江山縣協辦軍務

康熙十五年八月

為軍務事照得江山縣已經恢復人心甫定諸事未

周且值

王駕新臨大兵雲集該縣雖行委署如撫輯殘黎督催

夫役備辦槽鋼船隻安頓官兵駑剝查還難民婦女

盤緝奸宄巡守城池諸凡事務誠非一手一足所能

辦集該同知素稱敏練合行專委為此牌仰該同知

照牌事理即刻前赴江山縣凡一應軍前各項事務

協力料理目今殘黎作何撫綏糧料作何輓運槽鋼

軍需作何備辦人夫船隻作何應付以及地方諸事

李文奉公別錄卷三 牌委協理 三十四

俱宜悉心籌畫務使安全更有應行事宜牌內未盡

開載者一面酌量舉行一面具文呈馳報奪著有功

績自當破格

題敘如或怠玩違錯責有攸歸慎毋泄視

飭江山知縣招撫馬勝家屬

康熙十五年八月

為特委招撫事照得閩逆叛背乘機附和者實繁有

徒

皇恩浩蕩有能悔罪來歸從前罪愆悉行寬宥仍准照依

原銜錄用今查馬勝雖未投誠家屬本是無罪誠恐

伊等懷疑畏避有辜撫恤合委招撫為此牌仰該縣

官吏照牌事理即便執牌前赴該地方宣諭

皇仁令其星速歸誠免前愆不得驚避失所招到馬勝

仍當從優錄用該縣招撫有方一併敘擢

李文奉公別錄卷三 招撫家屬 三十五

飭金華知府乘時招撫

康熙十五年八月

為乘時招撫以靖地方事照得金華土賊不過附和

烏合先因江常各逆未除得借勢肆害今大兵進剿

直搗仙霞新關入閩勢同破竹則零星小醜求生無

路逃竄山隅本部院安集念切廣行招諭合亟知照

為此牌仰該府官吏照牌事理即將發去告示照式

大書速選能差曉諭偽眾從前罪愆不追究有願

心來歸者該府多方鼓勵安插得所仍將投誠緣由

具報以憑獎賞該府悉心料理務期伏莽漸消根株

盡淨招撫有方定行敘錄

飭處州知府乘時撫輯

康熙十五年九月

為亟飭乘時撫民以安地方事照得處屬久罹賊慘難民困苦異常今進勦石塘賊眾敗遁所在遺黎亟宜多方綏輯及早整頓地方始無忝民牧旬日來不見該府籌畫詳報殊屬因循合亟查飭為此牌仰該府官吏照牌事理文到立將所屬地方何處賊眾已經潰散何處賊眾尚在負固目今作何勦撫四境難民作何招徠安插速據情形一日一報聽候裁奪如有緊急機宜專差請示不許發備稽遲如再泄視一籌莫展定以瀆職參處慎之勉之

李文襄公劄錄卷三

處州撫輯

三六

飭龍游知縣乘時招撫

康熙十五年九月

為嚴飭乘時招撫安集殘黎事照得寇亂民逃地方荒廢所藉民收實心任事如該縣南山賊寇王孝張子書等負固已久初不過倚藉下洲之賊為聲援今巨寇敗遁瓦解該縣自當乘時招撫并地方失業難民加意接濟以示軫恤旬餘不見該縣籌畫詳請殊屬玩違合行查飭為此牌仰該縣官吏照牌事理即便乘勝勦撫以靖伏莽仍將地方情形一日一報如緊急事宜專差請示不得備遞稽遲倘泄視軍機該縣無衛定以瀆職參處慎速

飭湯溪知縣乘時招撫

康熙十五年九月

為嚴飭乘時招撫安集殘黎事照得地方初定若有實心任事之官自能整頓殘疆立致安集查該縣東源西源等處向為土寇窟穴不時出沒其初不過倚藉閭逆聲勢今各路賊眾敗遁正開風靡落之時乘此勝勢正可設法招徠并綏輯難民令其復業該縣履任方新亟宜淬礪新礪以覘實效合亟飭行為此牌仰該縣官吏照牌事理文到即將該縣地方情形土俗民情留心體訪現在餘寇作何招撫四境難民作何安集逐一籌畫詳請一日一報聽候裁奪毋得

李文襄公劄錄卷三

湯溪招撫

三七

虛文塞責如有聚眾等機專差請示不許發備稽遲果能實心愛民鎮懾寇盜克著成績本部院定行獎勵

題敘慎勿忽泄視自貽瀆職之咎勉之慎之

飭江山知縣查議給還婦女

康熙十五年九月

為查議事照得江山浦城一路有賊擄婦女盡係開常西安以及江西各處之人業經本部院行令該縣查明住址親屬一面酌給養贖一面曉諭認領迄今未知領去若干見存多少但其中不無父翁年老貧病交纏不能前往識認者或有夫婿逃亡親屬離散不知其所往者亦有窮乏賸危資斧莫措力不能裹糧認回者是本部院雖懷保合之念而難民終無完聚之期合亟行查議為此牌仰該縣官吏照牌事理仰查該縣賊遺婦女自冊報之後曾否有人領去若

本文彙公別錄卷三

給還婦女

三十九

干見存若干查明分晰詳報一面移文各縣其未領婦女如果親屬貧不能前可否酌給路費即令親屬赴領所需路費應作何支給至見在遺存婦女之外有無兵丁地棍仍然藏匿不行舉出者作何查還一併酌議具報以憑核奪施行

飭溫處道隨軍整理處屬恢復六縣

康熙十五年九月

為再請嚴督恢復各縣印佐官員飛催到任事據該道詳稱雲和景寧龍泉慶元松陽遂昌等六縣印佐各員俱不在軍前今大兵已抵龍泉撫綏百姓料理軍需一日難緩伏乞差押各官星赴新任等因到本部院據此除龍泉縣令李經邦現委署江山縣事務其餘各員先經檄行藩司飛催赴任去後今據前因復又批行該司嚴催外為照處屬土寇負固抗拒不過藉石塘逆賊以為聲援今大兵攻破石塘直抵龍泉其餘處屬零星孽黨自是聞風披靡但該屬百姓

本文彙公別錄卷三

管理地方

三十九

連年困苦今恢復之後亟應多方撫恤安集懷柔該道隨軍進勅所到地方雖印佐尚未到任其一切整頓事宜自應隨地料理如果實心任事旬月之間自有就緒合再申飭為此牌仰該道照牌事理即將去兵所到縣邑凡招徠餘黨撫恤殘黎與夫軍前一應糧草星速加意料理俟各員到日即令任事毋得誤至一應軍機情形仍不時飛報本部院察奪通勿玩違

撤委金衢道隨軍招撫

康熙十五年九月

為專委隨軍招撫事照得

王師攻取閩疆指日立見平定一切被難人民向因逆

賊煽誘迫脅以致陷身揆其情由所當軫憫案准

吏部咨開進剿地方委令才能官員隨往軍前專司

撫民事務沿途曉諭招撫等因奉有

俞旨欽遵在案今該道才能夙著諳練機宜合即特委隨

軍撫民為此牌仰該道照牌事理即便速赴

親王軍前隨同大兵前進沿途宣布

皇恩暨

本文裏公別錄卷三

隨軍招撫

四十

親王德意所到地方速諭士民人等照常迎接剝髮歸

誠從前罪愆不追究如有率眾來歸或輸渠納款

者多方鼓勵一而具報以憑彙敘錄用該道招撫有

方定行一併

題敘以酬勞績勉毋忽

撤委台巡道撫輯溫郡餘寇

康熙十五年九月

為特委撫輯以靖地方事照得耿逆疊眾犯我疆圍

將及三載今

王師兩地進剿下洲石塘相繼掃蕩長驅入閩直抵建

寧逆賊滅亡指日可計衢屬各縣悉已恢復本部院

現在軍中極力整頓目今負固未下者僅有東甌叛

鎮櫻守孤城勢窮力詘若設法招徠必聞風向化乘

我勝勢及早收功則浙省全局可清溫處道隨征進

勦不遑兼顧本部院統師在衢鞭長莫及該道才畧

兼優保固台城紛繁四應足當一面况台溫接壤兼

本文裏公別錄卷三

撫輯餘寇

四十一

分畛域合行專委為此牌仰該道照牌事理即便束

裝前往大荆樂清一帶酌量機宜零星餘孽相機招

撫流離難民加意綏輯有聞風來歸者的動官銀或

勸激賞地方應獨應賑事宜區畫具詳以憑核議并

即招諭叛鎮祖弘動彼能悔禍革面悉宥前愆更當

特疏

題請其餘附從俱復原職該道顯示此意凡有應行事

宜徑行調度其緊要情形不時密報核奪該道受茲

專委務實心任事功績昭著本部院當從優

題敘以膺懋賞所有招撫動用銀兩另冊報銷勿違

飭龍泉宜平遂昌各知縣撫綏地方

康熙十五年九月

為亟飭撫綏地方事照得閩逆構亂侵犯浙疆三年之內被賊難民慘澆湯火今大兵進剿恢復城池然地方殘破哀鴻甫集必良有司全副精神傾心經理方有起色合行申飭為此牌仰該縣官吏照牌事理即將該縣人民加意綏輯如戶口流離作何軫恤賑濟未靖餘寇作何解散招安荒蕪田地作何力稽勸耕一應地方事宜從長籌畫應請示者迅速詳奪總期扶救瘡痍培養元氣以盡職守不得因循怠忽致干咎愆先將奉行緣由具報查考毋違

李文襄公別錄卷三

撫綏地方

四十二

飭開化知縣齋諭招撫程鳳

康熙十五年九月

為知照事據該縣稟報開化難民饑饉情形并賊首程鳳竊踞玉山緣由到本部院據此除殘黎慘苦已經檄行衢州府酌發庫銀赴開賑濟外所有玉山賊首程鳳合行知照招撫為此稟仰該縣照票事理即將發來招撫程鳳書一封查收遞差的當人役前往玉山相機撫戢仍將情形具報酌奪

飭江山縣看養廣信難婦候領完聚

康熙十五年九月

為查議事據該縣申稱遵將已未領去婦女分晰造冊呈報其未領婦女業已移文西常開各縣查令親屬赴領尚有廣信玉山縣難婦數口因彼地賊寇未平難以移關應否解赴憲臺定奪或仍權養在縣或應解衛懇賜知照等因到本部院據此查該縣冊內尚有遂安難婦人口未據聲明作何移明認領已經另檄遂安縣知照查明曉諭外至於廣信玉山難婦該地方既未恢復難以移關該縣仍應看視給養俟地方平定立行移查明白合即知照為此牌仰該縣

李文襄公別錄卷三

看養婦女

四十三

官吏照牌事理即便遵照將廣信玉山未領各婦女好生看養俟該地方平復之日移查親屬領回完聚毋違

牌給生員盛鼎招撫

康熙十五年九月

為給牌招撫事照得大兵進剿閩逆聞風遠遁一處附從接踵來歸悉安捕得所從前迫脅情由築不追究本部院屢頒曉諭在案今據金衢道詳報生員成鼎稟民生困苦願往龍游湯溪二縣南山一帶招撫松送餘氛令行給牌為此牌仰生員盛鼎遵照即便前往湯龍各處山源如楊雄王孝勞雲升張子書周裔伯羅騰馬二及餘黨本生曉諭禍福令其率眾投誠定行擢用本生招徠有方一體彙敘其脅從人民已經剃髮者不得藉端滋擾有負任使

李文襄公別錄卷三

開諭招撫

四十四

查釋閩省歸浙難民子女

康熙十六年六月

為查釋被難子女事案照閩省歸浙難民子女五百六十餘名日本部院前因各屬難後遺黎之費難以遠行且慮土音不同恐有差訛是以差官趙宗文等先後赴閩搬押來衢以便就近給發完聚嗣據衢州府議詳其中有江常開各縣人氏送至衢州復還原籍未免多此往返議令差官於各難民子女內查係江常開人氏先行冊報再添差標官赴清湖接送各縣查收傳令親屬認領隨經檄行知照造冊呈報差官前赴分押在案今各子女已至清湖據稟內中童稚居多若就清湖分發仍恐土音各別不無錯誤相應仍令送赴軍前一併查給為此牌仰本官照牌事理即便馳赴清湖傳知前差伴送標官趙宗文王金蕭錢陳灝等將自閩搬來子女盡行押送赴衢以憑轉發細詢籍貫仍候撥給船隻遞交各縣給親完聚通毋錯誤

李文襄公別錄卷三

難民子女

四十五

飭禁司道府廳州縣差擾

康熙十八年二月

為嚴禁差擾以肅政體以安民生事照得兩浙軍興以來民勞特甚向因用兵之際諸務孔急地方各官藉口軍需或不免于差提四出今幸底定正培養元氣之時凡有監司臨民之責者咸宜飭已奉公共襄治理然最為擾民無如差提一事蓋司道之承合與府縣之快役莫不以承稟賞差視為生意下府落鄉如虎傅翼或藉稱憲件恐嚇鎮宰或妄指重情恣兇撲捉以致坐坊皆有應捕各里分立苗差上下相沿絡繹無定差錢酒食狼藉貪饕鷄犬為之不寧男婦

本文裏公別錄卷三

飭禁差擾

四十一

望而辟易此輩揚揚自得見事風生不肖之官非惟藉為爪牙寄為耳目久之且倚為心腹資為呼吸於是線索在手提撥皆靈大則指官營私小則憑威勒詐其視承稟差錢飯食常例則又未矣究竟於政事公務毫無補益徒糜百姓之脂膏以充豺虎之吞噬是何厚於衙役而薄於民生厲政養奸莫此為甚合行通飭嚴禁為此牌仰該司道府廳州縣官吏嗣後司道各衙門承奉事件止行牌票倘如有司藐抗玩延據實揭報叅處不得擅差承令守提滋擾府廳等官一體遵照不許差役下縣至州縣催呼詞訟尤

宜痛革一槩不許擅差拘提如有故違或經訪聞或被告發本官從重

題叅差役立拏究贓盡法懲治決不輕貸

本文裏公別錄卷三

飭禁差擾

四十二

飭司道各府嚴禁害民諸弊 康熙十八年十一月

為嚴禁害民之弊以甦窮黎事照得浙省連歲災傷今年復遭亢旱先據地方官申報俱經批行布政司確勘去後現據詳覆內有竭力補救薄有收成被災分數與蠲免之例未符各縣外其餘被災地方查明分數業已據詳具

題惟是所屬殘黎自用兵以來被賊竊踞地方慘遭殘害兵馬往來處所供應繁苦家無蓋藏室如懸磬比比皆是即時逢大有尙苦難支乃今復又薄收困苦何堪除另行布政司議詳外因思拯救之方首在革

奉文奉令別舉舉三 備禁害民 四十一

除害民之事使百姓少一分額外之誅求即留一分養家之餘地免一項棍蠹之索害即安一項良善之謀生如重加火耗私派溢徵與夫蠹胥索詐保歇遊奸地棍株害弁兵騷擾以及濫差濫禁詞訟干連一切厲民害政本部院俱經屢次嚴行禁飭在案誠恐地方各官陽奉陰違仍踵前弊嗟此災黎益增困苦合再嚴檄申禁為此牌仰該司道府照牌事理即便轉行嚴飭各地方官務須軫念災民益加勉勵廉介自持不得絲毫派累嚴束衙役不許一事擾民禁戕兵棍嚴革保歇一應從前禁革各弊俱須實在力行

仍將作何矜恤殘黎事宜議詳查奪倘不顧民瘼前指弊端有一於此立即揭報定行從重特奏勿為方行舉劾遂置不特料奏之例於不問也至嚴至切

奉文奉令別舉舉三 備禁害民 甲九

飭各道查訪衙蠹

康熙十八年十一月

為訪拏衙蠹事照得從來厲政殃民無過於積年衙役蓋其久而成蠹鑽蝕之技既工蠱媚之術更熟庸者漸已入其彀中貪酷者更且資為羽翼於是磨牙礪吻飛而擇食則軍民不勝其害矣本部院遠駐軍中向以羽檄交馳未遑痛加繩治漸致肆無畏懼叢奸恣弊不肖官吏貓鼠同眠恬惡不改已經屢行申飭嚴禁並未見該管各官發摘開報等語蓋皆奉公守法一蕪干犯者乎總由各官平日通同私暱縱蠹養奸惟恐事發相連甘為徇庇殊可痛恨况今

奉天奏本別錄卷三

查訪衙蠹

五十一

功令森嚴蠹害為重衙役發覺處分匪輕合行嚴飭查拏為此牌仰該道照牌事理即將衙門胥役逐一釐剔并轉行所屬各官一體遵照立將現在各役內嚴查如有積蠹奸胥壞法婪贓致為弊害者一面嚴查一面將款蹟據實呈速申報以憑轉發究處慎勿徇庇遲延致經本部院親訪拏究定將該道一併照例題參不貸

飭司道嚴查縱盜諱盜積害

康熙十九年十月

為嚴飭縱盜諱盜之積害以安地方以信旅商買莫不寒心甚至禁城之內公然肆劫開闢之中剽掠頻聞其餘身藏刀械三五成羣恣行偷竊者不勝枚舉究其釀害之由總因地方各官畏懼叢罰凡民間具報盜情必勒其改強為竊不論大劫小偷並不責捕追拏反致苛求事主真盜未獲或先拏失主家屬拷訊或重責鄰佑里甲咎其疎虞間有一二緝獲真盜旋即營謀賄放既顧自己之功名又貪盜

奉天奏本別錄卷三

嚴飭諱盜

五十二

賊之賄賂使奸徒窺破底裏尚復何所忌憚無怪竊盜馴為強盜小夥結成大夥其間更有身列衣冠為盜為窩因賭計窮家庭子弟糾夥行劫事敗不究似此養癰貽害目中尚有法紀乎除現在訪實從重題參外定例地方失盜固有處分然猶係限年緝獲且有擒獲過半免議之條若諱盜不報與積至大盜案人及苦累失主者皆係分別革職降級處分九釐功令炳著何各官不知輕重甘於執法參盜殃民其此為甚合行嚴飭為此牌仰該司道照牌事理即便轉飭該地方各官務宜悉心緝盜加意稽防慎毋仍前疎

誤遇有失劫情事許失主於三日內通赴府縣印捕官及司道各衙門據實具呈該司道立刻飛飭該管官即日嚴督兵捕限日追緝真盜真賊務在必獲一面通報以憑勒限督緝核實

題報如有威勒事主改強為竊不緝不究及減報盜數盜賊者立行揭報即以誣盜叅處如有苛求事主妄率家屬凌虐者以誣良縱盜糾叅如有已獲大盜而改為竊賊已得贓証而擅自輕釋者以受賄縱盜叅率以上情弊或本部院訪查的確或被害失主赴本部院軍前具告核實官則白簡飛叅衙憲教探提獲

李太妻公別錄卷三

嚴飭緝盜

五十一

一併嚴拏盡法痛懲仍專責該司道密行體訪揭報倘瞻徇庇護弁叅不貸

飭按察司禁止酷刑

康熙二十二年二月

為嚴禁酷刑以恤民命事照得設立刑法用以止暴懲奸所置刑具律文名例內載有尺寸式樣然必具正違條犯罪之人而後加以決責至於夾拶二者兩蹀碎骨十指連心自非十惡巨憝人命強盜以及盡役尤棍情罪重大者不得濫用向經欽奉

上諭嚴飭部議申明若將小事及案內干連不應夾訊之人恣意妄夾致死者照例處分

李太妻公別錄卷三

禁止酷刑

五十二

功令煌煌炳如星日孰意近來浙屬各官立心慘刻不論事之巨細曲直正犯干連一經審鞠非拶即夾任情拷掠不顧民命有立斃於臺楚者推其意不過借嚴刑峻罰殘民以逞使人望而膽寒遂可敲脂吸髓賄無饜誠所謂酷以濟貪者言之不禁切齒痛恨夫身在地方皆有子民之義小過則富滿鞭示辱得情亦宜哀矜勿喜奈何視百姓如仇曹假三尺為刀俎忍心如此尚可一日姑容於民上乎更聞徵比錢糧輒用番青大板責至數十甚且枷拶押追趁惡殃民莫此為甚除真正慘酷劣員現在確訪題叅率問外合行嚴示通飭為此牌仰該司照牌事理即便遵照并行所屬嗣後各宜洗心守法痛改前非

審理刑名詞訟務室分別情罪遵照定式施刑至此
較錢糧尤不得濫用重板任情枷拶若非十惡大罪
命盜棍蠹必不容已之事不許濫用夾棍其餘戶婚
田土鬪毆細故以及因公林果情可矜原者更不許
妄加酷虐敢有故違一經發覺斷不容忍心害理之
酷吏流弊閣閣立即飛章從重特奏為小民驅除豺
虎決不姑貸

檄杭嘉湖道議靖盜安民六條

康熙二十一年七月

為函議靖盜之法以安民生事照得嘉湖一帶乃平
川大道江浙通衢商賈行人晝夜不絕兼以村莊懸
絡雞犬相聞若使司土統兵各官留心彈盜何致大
盜公行是處焚劫甚至列械對敵放砲開船目中全
無官兵究其分立旗號創設渾名盡係土著奸兇豈
非遠來流賊何難擒剿撲滅自去冬迄今旋散旋聚
日恣日橫各官醉生夢死置諸隔膜若不能制其死
命者本部院每閱報文不勝切齒往歲東浙叛寇蜂
起淡山窮谷列寨稱戈尚且掃蕩無遺何有此區區

土賊而敢大膽其頑動輒聚成羣焚掠村墟驚擾
良善况其出沒之處南至仁和交界之軍屯半山北
至歸安之合山棟市東至桐鄉之錢王村白馬塘西
至德清之下塘村塘橋頭廣袤五六十里之內即所
恃為窟穴者如大盜嵇二一夥常屯在於霞岱銀
扒東浜白田頭仰家兜鄭家兜一帶大盜章茂之等
一夥常屯在於雙橋蔣巷南陽村錢王村一帶大盜
沈文侯等一夥常屯在於莊頭史胡浜書師橋王家
閣一帶大盜吳五等一夥常屯在於新宅道村一帶
而蔓延於隔屬仁和界中來去蹤跡歷歷分明使地

方文武同心協力勤加偵獲出其不意不過發兵一哨差捕數名立可掩捕渠魁其黨羽孰意各官因循不振莫展一籌弁兵分汛全無防禦之設施積捕勾通反作盜賊之耳目投誠明通線索保甲從事虛文日復一日必致釀成大患本部院遠距上游言念及此寢食幾廢故不憚細細察訪臚列數條按本塞源務期靖絕除各村互相圍甲另檄行知外合亟查議爲此牌仰該道照牌及黏單事理即將開列各款逐一細心籌畫

功令森嚴監司責成甚重痛飭所屬共圖殄滅土賊毋累

李文襄公別錄卷三

靖盜條款

五十六

功名其各款中或有未盡事宜應加斟酌損益總以有裨地方爲主不妨剴切具詳實在見諸施行若仍踵故習苟且因循貽誤民生白簡具在勿謂言之不早也至切

一督飭官兵勒限滅賊杭嘉湖爲浙西重地設立協濟弁兵用以彈壓疆圉消弭盜賊邇來巡防備禦之法全不講求以致羣盜毫無畏憚分汛會剿幾同兒戲所謂建威消萌其義安在卽如去冬三府會兵若果實心任事大創示懲翦剔艾除何致復有今日前者取結回覆明係贖盜殃民百喙奚辯今乃尙復逍遙

河上一切勦捕之法未聞作何佈置轉瞬秋盡將冬復將託故回營使蟻結之盜散而再聚流毒無窮官之可恨該道移行督飭目今作何偵獲擒勦向聞嘉湖交界五河涇地方形勢四達盜賊往來必經該道親詣相視作何設奇埋伏指授機宜令各官兵扼截擒勦仍一面勒限定期務盡根株具文查考逾限立即指參事關軍機與尋常盜案疎防迥異各保功名毋貽伊戚

一嚴飭廳官責成緝捕各府設有同知一員專司緝盜

地方失事皆其責也土盜如麻焚劫踵告平日不能

李文襄公別錄卷三

靖盜條款

五十七

消弭竊發又不追捕

朝廷設此專官何用况捕快人等皆屬管轄若能實心督緝按法究比大盜積賊斷難漏網何致官之衙役反爲盜之腹心不能獲盜而償於縱盜溺職殃民其此爲甚該道嚴行申飭除前檄有名各盜逐一星速緝拿必獲一面遴選幹捕分頭設法挨緝務期一賊不遺果能用命立有成效據實具詳官則核明獎賜補授按名給賞如或株累平民冒功誣盜察出從重題參嚴拿究處其各縣賊聚屯聚之處確據明白開列手摺密釘星送以備查覽

一 嚴察捕役通息賄縱各屬應捕人等原為緝盜而設近來勾通線索打成一片大盜來蹤去跡捕役未有不燎然於胷中者乃竟按月受賄名為打月錢及至會兵進剿用為嚮導盜東則引兵而西盜南則引兵而北或為官兵圍困密令散伏民家無所窮詰是捕役之奸惡更出羣盜之上殊堪切齒該道嚴飭廳縣各官於捕役中密察平日慣通賊線及受月錢者立即密率從重究治庶懲一儆百使盜無所憑藉伎倆立窮自不難於翦滅矣

一 防範投誠為賊耳目從前積賊投首蓋以誅不勝誅

李文襄公別錄卷三

請盜條款

五十一

特為免罪安插其實此輩鷹眼難化皆羣盜之知交舊好也名雖投誠暗與關通事所必至故賊眾即寄耳目於此輩一遇發兵遣捕攝影追蹤彼即傳遞風聲呼吸立應神鬼不覺以故難於弋獲今須嚴飭地方官從前投誠安插今應作何設法稽查防範使不得暗通聲息一有發覺立置重典庶免洩漏事機使賊透逸

一 應立賞格以示鼓勵除賊安民要在信賞而後人愚用命如地方人有能殺賊或生擒解送者每賊一名應賞銀若干兩每盜首一名加賞若干兩或賊屯在

某村有一人來報即免闖村之罪報人賞銀若干兩進兵擒捉不許秋毫無犯違者軍法從事

一 蠟厥渠魁嘉與自新今各盜皆土著窮兇互相勾煽其中保無道術誘引失身為非者若一槩置法殊非本部院好生之意該道即便多出告示各處曉諭如盜夥內能將渠魁擒斬來獻不但免其本罪當即給賞收標錄川有能擒斬同夥及首報指引捕獲者俱准投誠免死或久窩走線之人能回心首報立功者亦准免罪縱有供扳一槩不究若賊現藏某村本村不報或被鄰村報知致被官兵搜勦擒獲即將窩家

李文襄公別錄卷三

請盜條款

五十二

盡法重處同村容隱一併究治

徵衢州道府縣愛養衛屬黎民

康熙二十一年七月

為申飭愛養殘黎稽察奸宄以安地方以盡職業事
照得衛屬地處上游接連閩江三省岐界最稱要衝
自遭耿逆變叛旁邑俱罹寇擾鄉村市鎮無不受其
蹂躪郡城之內官兵雲集士民星散斯時本部院聞
警疾馳統師彈壓躬擐甲冑勦撫兼施幸仗

皇威赫濯將士同心賊氛殄滅第軍興以來兵馬經臨難
後遺黎疲於奔命本部院設法招徠加意撫綏漸歸
故土重課桑麻請獨被寇之錢糧追聚已散之家室
百般軫恤復視昇平則此三衛僅存之赤子皆本部

李文襄公別錄卷三

愛養黎民

李

院奪於虎狼之吻而增於版圖之數者也為民上者
宜如何愛養以培元氣今本部院奉

旨班師離衛稍遠惟慮司土各官不恤民艱病瘵無告疎
於防範奸宄旋生除經檄行衛協約束官兵料理城
汛外但安民察奸原係地方官專責合行飭知為此
牌仰該道府縣官吏照牌事理即將所屬地方嚴加
防範用心稽察必期盜息民安奸宄斂跡凡本部院
在衛與革利弊務須實力遵行恪守罔替民間疾苦
隨時補救各與安全至該道府縣身在地方尤宜各
循廉介剔盡懲奸嚴飭所屬不得縱擾殘黎有負本

部院軫恤奉奉至意各宜慎遵毋忽

李文襄公別錄卷三終

愛養黎民

六十一



李文襄公別錄卷之四

軍旅紀畧

照會四鎮防禦海疆

照會四鎮中嚴軍紀

照會四鎮查訪劣弁

飭太湖營遊擊嚴防湖港要隘

飭湖協副將嚴防長興四安一鎮要隘

照會平陽鎮并飭衛協守禦地方

照會溫州鎮并飭瑞安協守禦地方

照會四鎮濱海地方嚴加守禦

李文襄公別錄卷四 目錄

一
撤調溫處二協屯據泰順龍泉險隘

撤金嚴二協官兵駐江山常山聽調

飭溫州鎮協嚴防要隘

飭紹協副將撲剿土寇

撤飭察拏傳遞偽牌奸宄

撤調湖協官兵赴省紹協官兵赴衛

撤發本標中軍副將統兵赴衛

飭分防金鄉遊擊賈文學保固地方

撤中軍副將賈賚在衛官兵

撤調嘉興營守備晉大忠領兵赴省

飭委統領戎旗選鋒官管轄親兵

照會四鎮各協營預給兵丁糧餉

撤中軍副將統領抽調赴衛官兵

密授衛處溫三協副將堵禦機宜

撤各鎮協副將遊犒賞軍士

撤調平陽鎮遊擊協防分水關

撤紹協副將獎賞殺賊官兵

照會平陽鎮保固分水關

照會溫州鎮防禦海疆策應分水關

論調全協副將協守常山

李文襄公別錄卷四 目錄

二
論中軍副將知照金協赴衛

論中軍副將獎賞退賊官兵

撤狼山遊擊武榮犒勞援浙官兵

給照免罪魏于文等執牌招撫

撤中軍副將賞勵臨山剿賊官兵

照會各鎮嚴禁焚燬民房

撤各營將查給諸暨難民子女

撤各鎮將頒示賞格鼓勵衝鋒

撤飭各將嚴禁搶擄妄殺

撤飭嚴協總理恢勦機宜

檄飭寧紹台三協營靖寇安民

檄飭嚴協防勦機空

照會援勦鎮中明賞罰

檄飭衢協相地置防

檄飭嚴協會兵乘機撲勦

檄飭嚴協赴開化防禦

照會援勦鎮嚴查營兵藏匿婦女

照會溫州平陽二鎮乘機勦撫

檄參將蔣懋助統領駐防常山官兵

檄催福督中軍官兵赴衢防勦

李文襄公別錄卷四

目錄

三

飭金協都司任九玉勦撫湯溪土賊

檄參將蔣懋助勦玉山開化賊寇

牌委標官卞佳招撫

獎勵千總趙秀

檄參將蔣懋助招撫廣信地方

牌委標員疊更司賑浙閩遇往人夫

飭金協副將乘時招撫

飭樂清營大荆營各將乘時撫勦

照會黃巖鎮撫輯鄰疆

飭原任把總胡聰啓率兵來歸

照會溫州鎮勦撫直取臨城

牌給千總葉順招撫

牌給守備尹升招撫

照會溫州鎮亟赴料理嚴疆

檄飭沿海鎮將稽察固防

諭杭州溫州二副將竊賞弁目兵丁

照會定溫平三鎮沿海嚴謹備禦

檄湖處抗嚴四協調兵彈壓延平

照會定海鎮飭催撲勦海寇

差員嚴拏不法兵廝

李文襄公別錄卷四

目錄

四

飭衢處二協副將防勦竄賊

檄中軍副將會勦江西逆賊

檄金協都司郭正明等截擊敗寇

檄守備張萬成領兵協防二渡關

檄參將饒承德會兵協勦山寇

檄參將饒承德查仙霞營房窩舖

檄參將饒承德招撫江機等渠寇

李文襄公別錄卷四

照會各鎮防禦海疆

康熙
年十月



為嚴飭防禦海疆以重汛守事照得浙省地當邊海
寧台溫郡尤屬要衝是以選將屯兵星羅棋布無事
則勤加偵撲遇敵即破浪摧鋒是必平日嚴防恭備
務使逆艘潛蹤毋致奸民竊越最是風雨晦冥洋濤
連接一望茫然遠視不及甚恐賊踪飄忽近岸若官
兵懈弛偷安但以寥寥庸卒虛應故事抑或兵不在
汛無人稽察倘有警息便失勦禦疎防之罪百喙難

李文襄公別錄卷四

防禦海疆

辭將弁身家固當自惜所在疆土人民豈堪坐視貽
患本部院叨膺

簡命節制全浙以澄清邊海為首務令行嚴飭為此照會
該鎮照依事理轉行所轄督率弁兵不特隄備兵馬
戰船晝夜詳加巡瞭俱於要隘遊巡梭報如遇逆賊
揚帆上下無論接檣連踪零星窺伺一面飛報本部
院軍前暨提鎮衙門以憑飛檄調度一面聯絡鄰汛
官兵協力蕩勦若遇迫近海口即駕所泊戰船一齊
堵截相機率擒必期滅此朝食共保無虞毋許一船
近岸劫掠毋容一人遠越交通如有將弁偷安怠惰

致誤軍機大則飛章指參小則軍法從事失咎目兵
審明臬示斷不姑徇至於沿海江港潮汐相通處所
如有船隻載貨乘風越界希圖貿易或為賊巢奸細
要見原通某弁某兵受賄常從某口放行立速拏獲
會同有司秉公研究確詳起解以憑覆訊定擬苟有
容隱故縱情弊立按

新例正法但不得借端誣捏擾害無辜汛防各官仍會同
地方官嚴查保甲盤詰奸宄凡兵民人等或係出外
日久不歸或容畱來歷不明面生可疑之輩必須根
究明白一有故違地方保甲營伍目兵一體連坐汛

李文襄公別錄卷四

防禦海疆

防印捕各官特疏

題泰法在必行毋得視為尋常告誡自羅大咎追悔燕
及

申嚴軍紀

康熙十二年十月

為申嚴軍紀以綏地方事照得設兵所以衛民設將所以統兵務宜訓練有方統御得法庶幾兵民相安疆圉有賴乃近日驕兵悍卒往往不遵紀律騷擾民間有攫取財物者有分防苛派者有酗酒賭錢放債割削者有藉緝私鹽誣害良善者種種不法民何以堪在各將弁既無捍禦之益復鮮約束之能更有剋餉肥己虛冒兵糧耽逸偷安疎防縱盜不惟職守有乖抑亦有悖

國典本部院叨膺

李文襄公別錄卷四

申嚴軍紀

三

簡命節制茲土必期力除風弊務使壁壘改觀今當下車伊始合行嚴飭為此照會該鎮照依事理即便轉飭所轄申明紀律約束弁兵不許蕩論軍紀倘有仍前徇縱擾民侵剋虛冒等項兵卽直按軍法官卽揭報題恭本部院統屬文武兵民原無岐視倘果兵民稱睦謀畧著聞本部院自當專加優異特疏薦揚各宜自展壯猷毋得身干咎譽勉之慎之

照會各鎮查訪劣弁

康熙十二年十一月

為查訪不職劣員以肅軍紀事照得國家逸將屯兵原為保護生民奠安疆土是以民有輸將資其俸食官有超擢酬其功苦惟在專圖分戎者仰體

朝廷優異之隆時加儆惕恪盡厥職各於汛防熟酌戰守機宜所統士卒則必畱心簡練務期平日可以建威消萌有事足以衝鋒對壘而又文武和衷兵民安輯庶有裨於地方况浙省地臨邊海年來災祲頻仍內則瘡痍未起外則寇警戒嚴凡有捍禦惟各鎮將弁

李文襄公別錄卷四

查訪劣弁

四

是賴其間清操自勵紀律嚴明者固不乏人惟是有等貪殘乖張之輩不遵鎮帥約束事上剛愎恃氣驕下刻薄存私或冒馬虛兵或借端剋扣甚至賈易專利放債准折官價虧行干預民事縛制有司廢弛營伍疎防縱盜與夫諱盜誣良等類是皆難容貽誤地方且將弁律已不嚴自必縱兵生事或佔民居又勒供飯或市井行兇鄉村竊掠以及強買強賣一切擾害民間者均屬不法詎可姑容至於都司衛所各弁雖職專軍屯然皆有催徵僉運等事其剝削加派縱盡養奸種種糜祿誤公者亦復不少今本部院奉

命督浙詰戎固圍兼欲體恤軍民首當甄別將弁賢否

當下車伊始凡有不職者先行糾劾令行嚴查為此
照會該鎮照依事理即將所轄大小各弁逐加體訪
一有犯及前項情弊并通洋貿易等事劣狀昭彰者
備開該將弁職款實蹟的限 日內密揭呈報以憑
飛章奏

奏摺問究擬至於察訪之法必須持廉秉公不得因循
瞻顧姑舍將領但以偏裨末弁塞責亦不得故寬貪
暴重款止於點綴微疵至款中所開務求實有其事
如款內盡役并被害証佐亦必實有其人不許捕捉

李文襄公別錄卷四

查訪劣弁

五

風影暗砌詭名以雷日後辯實毒一事款內又必詳
書所犯年月日期毋得游移朦混以開審勘出入之
端如去任已劾之官概勿開送充數此外果有謀勇
超羣廉能素著者本部院不吝特疏薦揚以示優異
該衙門久任地方聞見必確萬勿徇情寬縱如不依
限揭報本部院察訪有據徑自具疏糾劾如於事後
補揭其徇縱之咎仍不能寬慎毋泛視致貽後悔至
嚴至切

檄飭太湖營嚴防要隘

康熙十三年三月

為申嚴防範要隘以弭盜源事照得太湖巨浸環繞
江浙其間支港錯雜盜賊易聚屢經本部院申飭告
誠在案備查浙汛沿湖各港雖設有官兵巡防稽詰
但港多兵少何足分防如大錢夾浦蔡浦港等處皆
湖濱要隘其餘各港何止數十餘處見在防兵寥寥
無幾設有盜賊竊發作何剿禦合行的議相地添防
為此牌仰該遊擊照牌事理即查浙江沿湖各汛港
口除支河小港見在釘椿豎柵禁止出入外其餘險
隘港汛舟楫相通者共有幾處見在防守官兵實有

李文襄公別錄卷四

嚴防要隘

六

幾何星速查明呈覆一面作速相度形勢添兵防守
早晚勤加偵察即釘塞各港亦不時差兵巡緝毋致
奸宄窺跡仍整飭管伍操練官兵倘有奸宄乘機竊
發立即詰獲通報以憑審究毋得違誤疎虞

徵飭湖協副將嚴防長興四安鎮

康熙十三年三月

為申嚴防守要隘以固疆圉事照得湖郡水鄉澤國支港錯雜其間萑苻易聚在在自宜嚴防而惟長興為最要查長興形勢有四安一鎮路通江南之廣德可以直達江寧計程不過三日且皆係坦途并無關隘則是長興為江浙藩籬而四安為長興要隘雖駐防縣鎮設有守備千總然各統官兵為數無幾在平常無事可備巡防若遇盜賊竊發江浙接壤孔道豈寥寥成卒足以分防合行的議添兵守禦為此牌仰該副將照牌事理即查長興四安鎮地方既係通衢

本文襄公別錄卷四

嚴防四安

七

要地實在官兵防守不敷亟為確酌情形一面量調郡城官兵前往添防一面相度形勢分扼險要稽察奸宄設有蹤跡詭秘之徒潛入境內及土賊竊發立即擒擊務保無虞毋致疎忽

照會平陽鎮并飭衛協守禦地方

康熙十三年三月

為飛飭守禦地方事康熙十三年三月二十九日據溫州鎮塘報內稱靖藩變亂緣由到本部院據此為照浙閩地方接壤據報閩省兵變合行飛調官兵堵禦為此照會該鎮照依事理即便躬統本營官兵星夜前往分木關橋墩門一帶立據關隘嚴謹固守多方偵探相機援應毋致疎虞本部院見在飛調大兵前來鎮守軍機緊急不時飛報勿得遲延怠忽慎速慎速

本文襄公別錄卷四

守禦地方

八

照會溫州鎮并飭瑞安協守禦地方

康熙十三年三月

為飛飭守禦地方事據報靖藩變亂除照會平陽鎮躬統官兵前往分木關橋墩門一帶堵禦外溫郡與瑞安平陽相距不遠合行飛調策應為此照會該鎮照依事理即便嚴加防守城垣邊汛稽察奸宄一面酌撥官兵前往瑞安平陽一帶相機策應聯絡聲援協力堵禦務保無虞本部院另調官兵齊集星赴事關軍機毋得疎忽

照會四鎮濱海地方嚴加守禦 康熙三十三年三月

為飛飭守禦地方事照得閩省叛變浙境壤連水陸交衝在在自宜嚴防本部院據報隨即調發滿漢官兵前往衢州大路堵禦并行附近鎮將統兵扼守險要本部院與

提督隨即相繼進發酌量調度外但閩省既經倡亂勢必結聯海寇濱海地方務宜加意防範川保燕虞合行飛飭守禦為此照會該鎮查照事理即便嚴飭營弁會同守令固守城池一面躬統官兵巡防沿海邊汛倘有賊踪突犯即行協力堵禦仍飭各墩臺哨

李文襄公別錄卷四 濱海守禦 九

卒遠偵確換一有情形不時飛報本部院軍前以憑調度毋得遲誤慎速慎速

檄調溫處二協屯據泰順龍泉險隘 康熙三十三年三月

為飛飭守禦地方事照得閩省叛變浙境壤聯本部院據報隨即調發滿漢官兵前往衢州大路堵禦并行附近平陽溫州各鎮管統兵扼守險要本部院隨

即與提督相繼進發酌量調度查 溫屬泰順各處山谷實與閩省 福建 建寧 徑路相通可直達 溫處 郡合行飛調防守為此牌仰該副將照牌事理即便酌派營弁會同守令固守城垣一面躬統官兵前往 泰順 龍泉 與閩省交界處所屯劄先據險隘竭力堵禦務保燕虞仍遴選精

李文襄公別錄卷四 調防案記 十

細兵快遠偵確換一有情形不時飛報本部院軍前以憑調度毋得玩忽疎虞慎速慎速

檄調金嚴二協官兵駐防江常等處 康熙十三年三月

為緊急軍務事照得閩省叛變浙江衢溫二府最屬密邇本部院據報隨即調發衢協副將李承恩統兵前往仙霞關屯劄扼險守禦一面見發滿漢官兵前往策應但查衢屬江山常山二處逼近關疆務宜厚集兵力以備不虞合行抽調為此牌仰該副將照牌事理即便遵照文到即將標下官兵挑選勇敢勁兵四百名酌撥守備千總一員統領前往衢州駐防江山常山等處聽候本部院另行調度即具起行日期呈報查考事關軍機毋得遲違

奉文奉公別錄卷四 調防江常 十一

飭溫州鎮協嚴防要隘 康熙十三年四月

為飛飭守禦地方事照得閩省變亂勢必勾通海逆分頭入犯浙境水陸交衝處處自宜嚴防溫郡尤屬濱海要地合行飛飭守禦為此牌仰該鎮協照依事理即便整頓兵馬器械倘有賊踪驟突即便相機堵禦仍會同文武官弁加意保固城池知會鄰近汛防務角聲援遇警策應一面發發官兵前往泰順通關山險去處密接情形嚴防要隘不時飛報本部院軍前以憑調度軍機事重慎毋疎忽速達

檄飭紹協副將撲剿土寇 康熙十三年四月

為稟報賊情事康熙十三年四月初三日據紹興府報稱湯浦等處因閩省變叛土賊相繼嘯聚山林者百十餘人伏乞發兵撲剿等因到本部院據此為照浙省地方久經寧謐頃報閩省兵變浙境壤地相連誠恐山海土寇乘機竊發本部院屢次申嚴防禦在案今據紹興湯浦等處有賊聚至百十餘人騷擾村坊合行飛飭撲剿為此牌仰該副將照牌事理文到即便撥發官兵遴委勇敢都守一員統領會同廳縣捕快前往湯浦四都一帶地方將前項土賊盡行撲滅務盡根株毋使滋蔓仍確探別處有無餘黨竊緝密行躡緝將情形不時報聞更須申明軍紀束兵戢民不得因而擾累無辜察出取咎未便速達

奉文奉公別錄卷四 浙湖土寇 十一

減務盡根株毋使滋蔓仍確探別處有無餘黨竊緝密行躡緝將情形不時報聞更須申明軍紀束兵戢民不得因而擾累無辜察出取咎未便速達

撤飭察拏傳遞偽牌奸宄

康熙十三年四月

為特嚴察拏偽牌奸宄以靖地方事照得閩逆倡亂各處山賊乘機竊發冀圖搖惑人心糾結黨羽輒敢捏造偽牌偽示公然粘貼傳遞恐嚇愚民若非奸宄潛藏暗通消息何以賊黨牌示擅行鄉鎮凡地方文武官弁切受

國恩同仇義切自當一見憤激立行焚燬并查來自何處傳自何人搜緝奸宄立正軍法方為盡職何以任其逃匿遂致民情惶惑逃匿山谷奸徒因之嘯聚殊堪髮指嗣後如有山海賊寇暗遣偽牌傳遞鄉鎮及

李文襄公別錄卷四

察拏奸宄

十三

張掛偽示冀圖煽惑人心者立將牌示即刻焚燬并拏傳遞潛藏奸黨審實有據解送軍前立行正法務期寧靖地方毋得擾動良民均宜凜遵

撤調湖協官兵赴省紹協官兵赴衢

康熙十三年四月

為飛調官兵事照得閩逆叛亂浙省連界防禦宜周亟須調集官兵相機策應況當疆場有事之時正俊傑立功之會爰資材武用震軍聲合行飛調為此牌仰該副將照牌事理文到即刻挑選該營勁勇兵丁六百名遴委勇敢能員統領各帶軍裝器械星馳前赴衢州聽候調遣務須人馬強壯器械精整該副將忠惻素著為

國諒有同心轉飭營弁奮發忠勇力樹勤勞報功之日本部院定當特疏

李文襄公別錄卷四

飛調官兵

十四

題敘

朝廷必酬報

國之丹心將領亦遂建功之素志勉旃毋忽

檄發本標中軍副將統兵赴衝 康熙十三年四月

為督發官兵守禦要隘事照得聞寇叛亂浙省界連防禦宜周亟須調撥官兵往守險要該副將韜畧素嫻謀猷綽裕今茲兇跳梁之日乃干城建樹之秋合行督發起行為此牌仰該副將照牌事理即行遵照統領標下中營馬步官兵各帶軍裝器械星馳前赴衢郡相度形勢扼守險要仍將情形不時飛報本部院軍前以憑調度該副將受茲委任務須一心捍衛千里清寧報捷書功本部院定當特疏

題敘

李文襄公別錄卷四

中軍赴衝

十五

朝廷必有旂常之懋賞該副將亦遂孤矢之丹衷勉旃毋

忽

檄飭分防金鄉遊擊保固地方 康熙十二年四月

為申嚴保固疆圉事康熙十三年四月初三日據該遊擊塘報內開偵探靖藩兵變緣由到本部院據此為照閩省兵變平陽密邇福寧金鄉尤屬溫汛要地本部院聞報即行調發鎮管官兵前往守險堵禦該遊擊素具長才夙據忠悃瀕海險汛實藉綢繆當此逆氛倡亂勢必侵犯鄰境務宜更加勉勵用固疆圉合行飛飭守禦為此牌仰該遊擊照牌事理即便整頓兵馬器械遠偵確探倘有賊踪飄突相機奮擊保障隄防再查金鄉離分水關不遠就近報聞該鎮將

李文襄公別錄卷四

保固地方

十六

角聲援聯絡策應仍將警息不時飛報本部院軍前以憑調度倘能更展謀猷摧敗逆賊本部院自當察明功績從優

題敘萬勿玩忽疎虞勉之慎之

檄行中軍副將賞資官兵

康熙十三年四月

為頒給賞資激勵忠貞以鼓敵愾事照得閩逆猖狂稱兵叛亂凡我將士義切同仇本部院調發滿漢官兵守險堵禦所賴將弁一心士卒用命共搃丹赤以保封疆果能樹建奇功不惟

朝廷恩榮超擢行將勦旂常名垂竹帛此正忠臣義士奮發有為之時也本部院軫念各將士披堅執銳効力疆場特發帑銀犒賞以昭鼓勵合行知照為此牌仰該副將照牌事理即將本部院差官張一亮等押到餉銀一萬兩會同嚴州府同知金雲鳳查明在衛

李文襄公別錄卷四

賞資官兵

十七

滿漢官兵人數除滿洲漢軍各位領兵章京查照另單禮數分餽致敬外其滿漢甲兵以及撥什庫各照伊一月餉銀數目賞資彙解駐衛

副都統吳石軍前聽候俟發給發其綠旗官兵自本

標中營衛協以及調到各路官兵俱各查明實在官兵數目官按一月俸銀兵按一月餉銀之數給與其兵丁按名唱給以示鼓舞若有餘剩交貯府庫聽候另行支用仍誠諭各官兵務須益加勉勵登陴屢險俱各奮勇爭先嗣後立有功績者另行隨時頒賞功績尤著者自當不時

題敘各宜勉旃毋負倚任即將發給過數目具文報查毋違

李文襄公別錄卷四

賞資官兵

十八

檄調嘉興營守備晉大忠領兵赴省

康熙十三年四月

為飛調官兵事照得閩逆叛亂浙省連界防禦宜周亟須調集官兵相機策應該營守備晉大忠素稱勇敢前有邊海立功之請今當疆場有事爰資材武用震軍聲合行飛調為此牌仰該遊擊照牌事理文到卽刻轉行晉守備統領勁兵六百名各帶軍裝星馳赴省聽候調遣務須士馬精壯器械整齊該遊擊併飭該守備奮發忠勇力樹勳勞本部院定當特疏題敘以昭懋賞勉旃毋忽該營事務另委能員署理可也

牌委統領選錄

康熙十三年四月

為委用統領選錄官員事照得標下三營將士皆本部院臂指之助而從來用兵制勝必有選鋒平時則護衛帳前臨陣則衝堅破敵今於三營內投試弓馬精良勇敢當先者每營百人必得能員統領以壯軍威查中營隨征官劉澤淡左營儲將官張文福右營隨征官王文魁久歷戎行諳練營務才藝兼優允堪茲任合行委用為此牌仰本官照牌事理今委為中左右營統領選鋒守備各管轄親兵一百名常隨本部院帳前務須嚴明約束勤行訓練使紀律肅然軍

李文襄公別錄卷四

委統領選錄

十九

容整暇爰成勳旅以建奇功本部院自當

題敘實授尚其勉旃

照會四鎮并行營將預給兵丁糧餉

康熙十三年四月

為預給兵丁糧餉以恤勤勞事照得軍興旁午各標營兵丁調防駐守以衛封疆並皆勞苦本部院憫念各兵皆有父母妻子平時支給額餉止可贍給一身已難兼顧今警備邊圉行者有資裝之費居者有守望之勤推其至情均應體恤本部院一片丹誠無時不痾瘝身切今將通省兵丁不分調汛留營一體預給糧餉以資飽騰合行知照為此牌仰該將照依事理即將各標營兵丁糧餉各准預支一月於司庫支給見今調發赴省者即於省城支給已調別府及仍

李文襄公別錄卷四

預給糧餉

二十

留本汛者該管將領即具冊領專差赴省齋回分發各兵務須奮勇爭先同心報

國奏凱旌勤別有賞賚如能特立奇功定行破格

題敘各宜勉勵毋怠

檄委中軍副將統領調到官兵 康熙三十一年四月

為軍務事照得閩逆倡亂衝屬首衝經制官兵不敷防守是以本部院抽調全嚴二協官兵共八百名赴衛貼防江山常山等處但各路官兵齊集合行專責統領為此牌仰該副將遵照即將全嚴二協抽調赴衛官兵各四百名并領兵守備千把總各官俱屬該副將統領約束一應支給糧料整齊甲械調遣戰守俱該副將相度形勢悉心料理酌量江山常山二處險要分兵防守務須申嚴紀律束兵安民思威並用協力同心以副本部院委託之意至於守關據隘戰

李文襄公別錄卷四 詳委統兵 二二一

守機宜該副將仍聽駐衛

副都統 吳酌量調度其有積到各營官兵俱照此例毋得違誤

密授衛處溫協副將堵禦機宜 康熙三十一年四月

為密授堵禦機宜以固封疆事照得閩逆變亂侵擾邊疆浙省陸路要隘如衛之仙霞處之龍泉慶元溫之分水關泰順等處皆接連閩省在在須防突犯本部院一面題

請亟發禁旅前來接應一面速行據險扼要嚴加固守設奇制勝相機進止查仙霞龍泉慶元泰順分水關各處皆山溪錯雜有險可據我兵扼守必擇其兩傍石壁中惟一路可通之所兩邊壘石特為門戶埋兵設伏中空一道惟用多藏砲火逆賊雖眾限於山路窄

李文襄公別錄卷四 密授機宜 二二二

狹勢必不能參擠而前俟其一至火砲齊發賊必少退乘其步驟已亂出兵奮擊不可乘勝遠追即回據原處此時火砲藥彈又可裝就如賊再至又如前法擊之賊鋒必挫自不敢侵突矣更恐賊從兩旁山頂突然而至勢不可禦必於兩邊高處多設鳥鎗礮石伏兵偵望毋分風雨晝夜一有侵犯鎗石自上而下

一可殺百此正據險設奇以少勝眾相機進止之要策至於臨敵隨時制宜因地變通方畧又在該將一心之運用耳擬合亟行知照為此牌仰該將照牌事理即便會商守禦諸將一體協力遵照毋違

撤行各鎮協將鴉賞軍士 康熙十三年四月

為申大義以鼓將心布至誠以作士氣亟勵忠貞其圖報

國事昭得闕逆猖狂稱兵叛亂凡我多士義切同仇本部院奉脣重任秣馬勵師所賴將士一心士卒用命共搃丹赤以保封疆諸鎮協久著邊功洵承

天寵爵榮傳世寄重登壇必能率勵三軍折衝一面若參遊都守雖分班列並託干城平時守職不過次遷今日建功即蒙超擢並宜枕戈待旦買勇爭先千把等官初試長途咸參

李文襄公別錄卷四 第貳軍士 二十三

命秩苟能奮其材武自可立致顯榮偏隅負固捷仗用張

順逆既殊大小懸絕未戰而勝已決幾先効一朝汗馬之勳樹百世旂常之積忠臣義士可不勉旃至於

馬步守兵登陴臨陣並極辛勤居送行齋殊浚勞苦本部院會同

撫院酌議額餉之外仍加優給欲使投醪飲惠挾纊

知溫各宜奮力前驅另自計功行賞用是開誠布告

鼓勵羣心崇卑雖有殊倫忠義本無二理冀高履厚孰非

君父之恩仗義同心即是身家之福合行通諭為此 照會

該鎮照依事理即便抄牌出示轉諭大小將領務須布展方畧鞏固邊疆鼓勵隊目兵丁共抒忠憤懋勤勞在

朝廷特懸殊格以待奇功近如湖廣報捷齋奏人員亦廣一命之榮何況行間將士本部院論功題敘自當巨細不遺以副酬勳

盛典日今軍書旁午優恤宜先各官兵不論隨征守汛優給賞資官按一月俸銀兵按一月餉銀如數給發俱各差員赴省支領作為犒勞不在成額之內應領月餉仍照舊給發嗣後如立有功績者另行隨時頒賞

李文襄公別錄卷四 第貳軍士 二十三

功績尤著者不時

請敘用我將士共聽斯言報

國傳家正在此日矣

撤調平陽鎮遊擊協防分水關

康熙十三年四月

為酌調官兵事照得閩道構亂平陽最為鄰近而分水關尤屬衝衝已經鎮標官兵防守但山徑叢雜惟恐偷越更須謀勇能員協力堵禦今查該遊擊風燭緝畧入著謀猷拒險設奇堪當此任金鄉懸隔江海形勢稍緩合行的調為此牌仰該遊擊照牌事理即便統率馳勁弁兵星赴分水關協同防守扞忠奮勇建功樹勳本部院自當特疏

題敘其金鄉防守事宜聽平陽總兵官酌行調度該遊擊務體本部院甄選至意勉之毋忽

李本善公別錄卷四

調防分水

三五

撤行紹協副將獎賞殺賊官兵

康熙十三年四月

為塘報事照得土寇乘機嘯聚亟宜撲滅據報官兵奮勇爭先斬賊奪械殊為可嘉効用官李章張西彭輝及兵丁陳元陸貞王以良各行獎賞為此牌仰該副將照牌事理即將發來銀牌三面紅袖三匹給與李章等三名又銀牌三面給賞陳元等三名仍飭屬官兵用心搜勦務盡根株毋使漏網

照會平陽鎮保固分水關

康熙十三年四月

為軍務事照得閩道騶張平陽最近原宜厚集兵力拒守險要前照會該鎮統師駐守分水關自必忠義奮發率勵將士保固巖疆然平陽通閩大道不止分水橋墩一處恐兵勢分應難周是以會商

提督撥發提標官兵五百名前來協防亦足以拒險守禦至於金鄉係屬彈丸一隅向撥該鎮左營官兵防守原以防海寇之侵突今陸路告警揆度形勢金鄉未為衝要已經密飭該遊擊統兵前赴分水關協同堵禦其金鄉防守事宜聽該鎮自行酌量調度務

李本善公別錄卷四

照會守關

三六

須併力守關保固素虞一面已經照會温州鎮總務策應該鎮雄才偉畧夙著威名值此疆圉多警正忠君報國之時惟冀大展謀猷同心共濟奠安之日本部院自當特疏

題敘行將勦勦旂常名垂竹帛以昭報績爾庸之典擬合照會為此照會該鎮查照事理一體遵照勉勵速積慎速

照會溫州鎮防禦海疆策應分水關

康熙十三年四月

為軍務事照得閩逆叛變勢切震鄰平陽密邇福寧是以飭令平陽鎮總兵守禦分水關然逆賊狡謀勾聯海寇或致沿邊侵擾溫屬一帶逼臨海濱凡防禦事機戰守良策惟該鎮是賴至於平陽路阻飛雲尤須勤加哨探相度聲援聯絡策應并鼓勵將士奮發勇敢保固衝汛該鎮素優方畧雅擅機宜當此烽烟警急正抒忠報

國之時惟冀壯猷大展義氣弘宣奠安之日本部院自

當特疏

奉文奉命別錄卷四

防禦海疆

二十

題敘行將旂常著績彙鼎登名以昭報功策勳之典擬

合照會為此照會該鎮查照事理一體勉勵建績慎速

論調金協副將協守常山

康熙十三年四月

論金華副將前調該營官兵協防衛屬已經進發知該副將忠義奮激勇氣無前本部院可勝嘉尚特奏壯畧共衛嚴疆當邊方有事正臣子報

國之時豪傑展勳之日若通省將士盡如該副將則本部院倚藉成功指日可期矣論到該副將即便帶領驍勁官兵一百名前往衢州協守常山大路先次所發官兵三百名撤行中軍副將總領今該副將既經親往仍歸統轄已另諭中軍知照一切堵禦機宜該副將隨方布置務須展抒方畧大建奇勳本部院自

奉文奉命別錄卷四

調守常山

二十

當特疏

題敘以昭報績酬庸之典勉旃特諭

論標下中軍副將

論中軍副將官兵此時計當抵衢一切布置情形宜不時速報金華牟副將忠勇出羣今已調令親赴屬協力堵禦其該營前次調到官兵仍歸牟副將統轄調度特此諭知

諭賞退賊官兵

康熙十三年四月

諭中軍王副將棟報本月十五日賊兵突犯清湖攻逼江山該副將星馳赴援千總高祿陳國任薛受各渡水奮擊閻寇大敗陣獲馬匹刀鎗等件賊隨退回等因本部院漢為嘉悅本標及協標在事有功官兵該副將分別功勞等第即於前發銀一萬兩內酌量頒給諭以本部院獎勵忠勇憫念勤勞之意千總高祿等率先破賊另自紀功該副將親冒矢石首挫賊鋒今劉營城外誠為獨任賢勞然旂常之績從此而始勉之勉之茲

李之襄公別錄卷四

諭賞官兵

三九

提督副都統已統兵前來本標官兵五百名一併進發矣本部院稍俟整頓糧草有緒即當親行該副將一應進止機宜并聽提督調度蓋軍中號令必須專一總期同心報

國勿以本標致有岐視至於安營處所必須據其形便謹防賊兵衝突後到兵五百名應於相近處別創一營以成犄角之勢尤宜熟接路徑相機防禦凡事不能適度該副將將用心籌畫務出萬全一切糧草地方官見在作何接濟情形仍不時馳報以便預為措置

故諭

敕行狼山遊擊稿勞援浙官兵

康熙十三年五月

為稿勞官兵事照得逆賊猖狂浙省用師征勦江南提督部院義切同仇調發官兵前來策應諸將士驅馳遠道以副簡書雖報國自有素心而勤勞實堪軫念鄰封有賴稿勞宜先令行知照為此牌仰該遊擊照牌事理即將發來稿銀遊擊俸資三十二兩千總俸資十六兩把總每員俸資十二兩馬兵每名賞銀二兩步兵每名賞銀一兩聊充牛酒之需以勵三軍之氣將來建立功勳定當題敘優資報績酬庸另照

李之襄公別錄卷四

稿勞官兵

三十一

部頒賞格各宜勉旃

給照招撫牌

康熙十三年六月

為給牌招撫以廣

皇仁事昭得開誠布信乃行師之大義見幾反正即智士之良圖自逆藩倡亂人心動搖不思殺賊以取職官乃反忘軀而殉偽剗其中無知迷惑者固多豈無一二抱負奇才不甘終淪草澤或因無路自歸懷疑觀望今據魏于文葉觀徵等供稱朱石年等在九都源地方招集人眾原因適負所迫激而走險願將家屬為質前往招撫等情本部院欽奉

上諭凡有殺賊立功即行優敘或能隻身歸命亦准收雷

李文襄公

給照招撫

三十一

天恩浩蕩嘉與維新合行給照為此牌仰魏于文等免罪

前罪即便執牌并騰發

上諭前往九都源等處宣諭

朝廷恩信如朱石年等漢明順道真心效順率領大眾

誠或能擒斬聞賊自效並當論功

題敘授官頒賞其有自拔來歸悉與安插得所

給音漢頒發如日月轉禍為福惟在此時爾等刻期展報

須至牌者

檄中軍副將賞賜臨山剿賊官兵

康熙十三年十月

為賞賜官兵事照得本部院統師討賊既藉將領同心尤賴士卒用命各營官兵隨征半載咸能奮勇先登所至克捷且恪遵紀律不擾地方今該中軍在臨山一帶勦賊安民本部院不勝喜慰在事官兵合行犒勞為此牌仰該副將照牌事理即將發來銀兩內各將領花紅銀副將勇員十兩守備勇員六兩隨征都司千總勇員四兩把總勇員三兩目兵犒賞銀兩賊兵每名五錢殺賊兵每名三錢隨陣兵每名二錢照數分頒其陣亡兵勇名先給卹銀五兩仍查明家

李文襄公

賞賜官兵

三十二

屬具報另候加恩撫養該中軍宜諭將士益勵忠勇建立功勳共奏蕩平以膺超敘

照會各鎮嚴禁焚燬民房 康熙十三年十二月

為嚴禁焚燬民房事照得大兵進剿原以滅寇安民凡賊寇盤踞經過之地焚其木城柵寨至賊寇占住民房原無燒燬之令此不足以斷賊蹤而徒傷民業合行嚴禁為此照會該鎮查照事理即便遵照并轉飭各該將弁凡進剿賊寇兵馬所到地方止應殺賊不許焚燬房屋如有大夥賊寇盤踞巢穴造有木城柵寨之處亦止許將木城柵寨拆毀焚燒有將民房混行焚燬以致百姓失業者定將領兵將弁參究不貸

李文襄公別集卷四

禁焚民房

三十三

檄各營將查給諸暨難民子女 康熙十三年十二月

為賊寇倡亂負固宜誅避難子女被掠可矜等事據紹興府詳請本部院檄行進剿暨邑官兵被擄子女內有被難脅從者備細確查數目仍聽民間認領使彼骨肉重聚以昭

皇上愛養洪恩以副各憲好生德意等因到本部院據此為照大兵進剿原以滅寇安民被擄脅從蒙宥

皇仁矜憫則凡出征得獲寇賊所擄難民子女俱應查給還民先經刊示通行曉諭在案今據前因除行該府確查難民子女實據詳報外合亟行查為此牌仰該

李文襄公別集卷四

難民子女

三十四

將照牌事理即查本營及所統各營官兵於十一月內進剿諸暨得獲男婦子女詢問明白如係賊寇所擄難民子女立即移會該地方官出示曉諭民間認領仍具報查考倘有官兵隱匿不舉或被首告或經訪聞除將子女仍給還民外定將該將弁兵以搶擄不法參鞫究處不貸

檄各鎮將領示賞格鼓勵衝鋒 康熙十四年四月

為頒示賞格鼓勵衝鋒事照得逆賊叛亂以來官兵經年勦禦衝寒冒暑晝夜操甲備極勤勞每次進兵獲捷皆能奮勇用命本部院既深嘉獎更殷軫恤但今逆賊屯踞近郊連營窺犯惟恃山林險阻延其喘息如兩陣相當必得先鋒驍銳越眾先登後隊勇敢齊心並進始可直搗中堅斬擒渠首以成一鼓蕩平之功凡爾各標營將士為

國干城若能立時建績定當不次酬勳合行曉諭為此

照會該鎮 照依事理即便轉諭所轄官兵遵照凡有

李文襄公別錄卷四 領示賞格 三十五

勇敢超羣矢心報効願為前鋒者即於該管主將處報名派立隊伍以俟進勦衝鋒如賊眾大列陣勢對壘相持之際有能破陣深入當先立功不論百隊戰守兵丁為首之人賞銀五十兩授為守備第二賞銀四十兩授為千總第三賞銀三十兩授為把總遇缺即行先補其餘兵丁酌量給賞若係有職官弁另行越資超擢其各主將開報捷功務須秉公核實倘有將首功之人混沒不報者許赴本部院控稟查詢明確即時補敘其主將以掩功虛報題參至有臨陣退縮不前定行立正軍法斷不姑宥各

宜勉勵忠勇奏凱策勳本部院恩信有素匪託空言 咸宜遵悉

李文襄公別錄卷四 領示賞格 三十六

徵飭各將嚴禁搶擄妄殺

康熙十三年正月

為特行申明紀律嚴禁搶擄妄殺以肅軍令以安黎庶事照得朕逆造亂勾連海寇侵犯浙疆前此溫台一帶鎮將叛變從賊以致生靈塗炭調發官兵進剿原為賊安民自不容秋毫滋擾以致重困百姓現

皇仁浩蕩

上諭屢頒加惠元元矜憫務從嚴禁搶擄申誠安殺在爾

進剿官兵自應凜遵恪守今樂清被賊竊踞人民復

遭荼毒誠恐收勦官兵恣行不法合將禁飭錄由列

款申嚴為此牌仰該將照牌事理即將後開禁諭各

李文襄公別錄卷四

嚴禁搶擄

三十七

款嚴飭各官兵一體遵照實力奉行敢有愆不畏法

妄殺無辜冒功請賞株連良善生事害民焚燒房屋

掠奪衣資搶擄婦女姦淫販賣有一於此或本部院

察訪得實或地方官稟有據將弁兵丁立以軍法

從事必不寬徇至嚴至切

一逆賊竊踞地方百姓如在湯火日望大兵進剿以解

倒懸行軍之際除執械抗拒者嚴行勦殺外其餘被

脅民人傾心歸命皆吾赤子投戈向順即屬良民務

須加意安全不得槩加誅戮至於剪辮長髮地方既

為賊踞實出勢不得已毋許故意苛求敢有擅殺無

辜慘戮歸誠希圖冒功請賞該管將領一經查出官

即拏候請示兵即軍法處死倘該將領瞻徇容隱本

部院訪查得實一併參拏不貸

一民間婦女小子關係戶口錢糧恢復地方原期有土

有人斷不容進剿官兵橫肆淫掠即見在賊巢者要

皆難民子女劫掠在營蓋真正賊寇豈有攜帶妻子

而行之理業奉

嚴旨禁飭不得一槩搶擄即賊營所獲亦許民間認領欽

遵通行在案今官兵收勦樂清凡民間婦女小子不

許搶擄姦淫即有前被賊寇擄帶今被官兵得獲者

李文襄公別錄卷四

嚴禁搶擄

三十八

問明姓氏出示曉諭民間認領即給完聚敢有貪濫

不法弁兵或攜帶隨營或掠販遠地官即參究兵即

法處仍治該管將領約束不嚴之罪

一民間房屋廬舍被賊焚燒拆毀僅存無幾田園地土

被賊蹂躪橫徵業已拋荒今恢復後加意培養滋植

尚慮棲身無處餬口無資若官兵進剿再加焚燬賸

食勢必哀鴻遍野露宿啼飢况賊屯住之處原係民

居賊退之後即成村落非賊巢木寨窩棚可比該管

將領務須嚴飭官兵凡村莊市鎮所有房舍不許放

火焚燒滋植田地不許踐踏割取敢有故違即行法

處不食

一近日為賊奸徒皆保飢寒匪類搶劫橫行受害地方向之素封殷實者今已貧窮向之衣食充足者今已困乏所有劫掠之餘幸存衣食什物賴以稍資生命若進剿官兵再加搜奪勢必盡填溝壑且搶奪不法軍令首嚴該管將領務須嚴行約束經過地方必期絲毫無犯敢有不遵即行軍法重處倘該管將領漫無約束容縱滋擾一併參處斷不爾貸

一官兵所到之處或算食壺漿來迎或導引接濟前進出自士民子來之義務宜優加鼓勵進剿官兵不得

李才軍公別錄卷四

嚴禁搶奪

三十九

謹提良民扛挑甲械民間婦女不許凌辱姦淫該管將領嚴加禁止一有違犯盡法究處慎勿姑容自干重咎

一樂清復為賊踞良民受害堪憐今大恢勦自應著意安全予以休息官兵進勦止在對陣克敵擒斬賊寇若通賊奸徒與謀為不軌等犯應聽地方官搜查究處以靖根株以消反側營中將弁兵丁不得攪越干預敢有貪惡肆橫弁兵不事殺賊惟以借名查拏叛屬生事株連索詐滋擾陷害無辜一經察出將領等弁弁兵究處不恕

撤飭嚴協總理恢勦機宜

康熙十五年 年四月

為軍務事照得開常逆賊突犯跳梁前遣調各營官兵現在駐劄遂邑相機恢勦惟是軍中號令既貴嚴明制勝機宜尤期畫一今瑞安營平陽鎮標衛協等營各有該營將領統束所部既分事權不一或互相商酌遂生推避之端或所見參差難期滅賊之效甚非所以重軍紀嚴責成也該協身在本汛地理險要皆所周知偵探寇蹤堵禦出沒諒俱洞悉所有一應恢勦事宜及各營官兵專委總理為此牌仰該副將照牌事理嗣後軍中一應恢勦事宜該將既膺總理

李才軍公別錄卷四

總理恢勦

四十

之責務必運籌至當就近酌量調度毋得以主客岐見有誤事機各標營官弁俱令遵照指畫共奮立功倘有故違軍令各持意見致債事機一面據實報關以憑參究該將責成攸專更須實心籌畫以副倚任果能剋期恢勦本部院自當從優題敘如有疎誤責有攸歸勉旃毋忽

撤飭寧紹台三協營靖寇安民

康熙十五年七月

為申嚴軍紀以靖寇氛事照得邇來地方多事山海交証伏莽可虞邊烽未息各該將領咸有專城之寄務須時勤訓練加謹偵防如遇寇賊生發或值鄰境戒嚴自應立刻調發官兵撲剿并移會近汛協力窮追無分畛域盡絕根株使地方安寧斯稱職守近訪聞各該將領玩愒成風遇有土寇竊發疆界毗連惟事推諉或以驅趕出境即可卸責更且遲疑畏縮臨敵不前以致鼠賊蔓延肆為民害即如狡賊胡雙奇等不過通誅遺孽竄跡大嵐四明山中勾聯烏合雜

李文襄公別錄卷四

靖寇安民

四一

時官兵各路會剿奚難捕獲乃一任其乘潮下海是皆軍紀不嚴何能掃蕩寇氛勉圖實效合行嚴飭為此牌仰該將照牌事理嗣後一應險要地方務須嚴督官兵加謹巡察如遇土寇流突或盜賊生發一面移明該縣印官多撥捕役率同團練并知會鄰汛防兵協同搜勦根株未靖不許遽撤回汛復致蔓延倘敢仍然恣玩坐悞事機推諉因循養癰貽患以致渠魁漏網遺孽復萌該將領從權官兵分協之名不能靖寇安民於地方安賴定行從重指叅決不寬貸至嚴至切

撤飭嚴協防勦機宜

康熙十五年八月

為申飭軍機事照得逆賊屯踞開常屢掠各將塘報遂安情形緊急請兵添防查在遂各該協營官兵屢次調集已成大旅不為單薄該將職專統領應將各汛險要從長相度某處最險當設重兵某處稍緩止須防範兼顧用某處之兵策應用某處之兵逐一妥籌有備無患至出師進剿尤必審度時勢調遣得宜以期有戰必勝在汛官兵務必時加操演一經分派各有專汛不許偷安懈惰尤須和衷集事共建功勳方無負總統之任今進剿伊邇合再一併嚴飭為此

李文襄公別錄卷四

防勦機宜

四二

牌仰該副將照牌事理即便遵照將在遂各營官兵籌酌妥當安置分防并將汛地情形及某營官兵見防某處是否俱在防勦各緣由明白開報以憑核奪方今王師臨衝指日進剿誠恐狡賊分頭侵犯誘我兵勞該將尤須申飭加謹固防如有任臆執拗不遵軍令偷安自便欺蒙矯飾致誤事機即便據實報聞軍法具在斷不姑貸倘若調遣乖張偏徇瞻顧稍有疎誤定行從重叅處慎勿輕視

照會援勦鎮申明賞罰
康熙十五年八月

王駕臨衛軍威百倍平民珍賊全在此舉故必申履紀
律明示賞罰使人知所激勸則用命爭先區區小醜
不難一鼓而殲該鎮身在行間更宜核實分別賞罰
以勵士氣為此照會該鎮照依事理凡遇敵爭先有
功人員依前頒定賞格官則加等陞敘兵則從優賞
擢一面核明據實開報如有退縮不前故違紀律者
即以軍法重治賞罰必行庸功克奏慎勿泄視嚴切
嚴切

敬飭衛協相地置防

康熙十五年八月

為軍務事照得逆賊雖經敗遁但地方初定之時一
應險隘緊要界口自應設立撥兵加謹偵防以為善
後之策合即知照為此牌仰該副將照牌事理即將
各路地方界址星速查勘明白某處係緊要汛地全
應作何安設管官某人帶領兵丁若干名防禦偵探
保固地方如有伏莽未除潛匿蹤跡者責令晝夜稽
查搜緝務期奸宄潛消疆圉永固該將有地方專責
不得疎虞遲誤仍將安設緣由立速具報查考

敬飭援協會兵乘機撲勦
康熙十五年八月

為塘報事據該副將呈稱遂安兵單不足戰守呈請
添發官兵緣由又為稟報事各等因到本部院據此
為照開化逆賊向日敢肆猖獗原恃常山各路賊營
應援今下洲老巢賊渠敗遁大兵進發直抵仙霞恢
復江山縣城復又分路蕩勦常山已經攻克大小逆
賊咸皆喪膽遂安賊徒自必聞風驚懼已經本部院
檄行該副將將遂開各賊相機一併殲除在案今據
前因合再飭知為此牌仰該副將照牌事理即便會
同在遂各將弁乘賊披靡之時立即相機撲勦先聲
嚴切

敬飭援協會兵乘機撲勦

康熙十五年八月

四

所至草木皆兵無庸添發自必成功仍須設法招撫
以全羣黎生命軍行之處紀律嚴明不許秋毫有犯
乘時樹績以待超遷毋得藉端觀望坐失事機嚴切
嚴切

撤飭嚴協赴開化防禦 康熙十五年八月

為亟飭駐守開城相機勦撫事照得衢郡河西賊寇敗遁我兵分路進勦恢復江常攻克仙霞直抵閩境今聞開化賊眾亦經宵遁新復地方急須官兵駐守合亟知照為此牌仰該副將照牌事理即將原額各官兵會同都督謝鳳遊擊朱知微守備廖成功等即日整頓兵馬星赴開化縣駐守相度要隘嚴加防禦如伏莽未靖即行相機勦撫被難民人多方招徠早歸復業倘有兵丁不遵紀律騷擾地方者立按軍法重治并將賊寇敗遁情形不時飛報立速

李文襄公別錄卷四 駐守開化 四十五

照會援勦鎮嚴查營兵藏匿婦女 康熙十五年八月

為嚴查營兵藏匿婦女以肅軍紀事照得官兵進勦收復江山原為靖寇救民面奉

親王令諭不許擅動民間一草一木違者即以軍法從事向來逆賊擄掠開常一帶子女悉皆安頓江邑今敗勦奔逃遺棄甚多倘有不法兵丁潛行藏匿大干法紀合亟嚴查為此照會該鎮查照事理即便通查各營如有收藏者許即首明交與該縣看護俟親屬認領完聚如敢隱藏不報查出指名開報以憑按法重處該管營弁一體治罪斷不輕恕嚴切

照會溫州平陽二鎮乘機勦撫 康熙十五年八月

為緊急軍務事照得逆賊馬九王敗遁我兵恢復江常開化三縣直搗仙霞連奪三關勢同破竹大兵進闔逆賊倒戈溫處負隅之賊膽落魂搖正宜宣布皇仁乘時招撫立使解散一面相機撲勦先聲所至立可成功且近日情形未據該鎮具報合即飭知為此照會該鎮查照事理即將各路逆賊有應設法招撫者即速多方曉諭招撫其負固拒命者即行撲勦務必淨絕根株早使難民復業并將情形不時飛報以憑籌度

李文襄公別錄卷四 溫平勦撫 四十六

撤參將蔣懋勛統領駐防常山官兵 康熙十五年八月

為知照統領事照得官兵駐防常山營制不一非得能將統領無以明約束而資捍禦該參將軍紀素嚴才識通練現今駐常合行專委統領為此牌仰該參將照牌事理即便嚴申軍紀加意鈴束凡在常各鎮官兵悉聽該參將統領務須恤兵愛民與各將弁和衷共濟毋得推諉玩弛致負委任如有不法弁兵不遵約束立即據實具報以憑究處

徵催福督中軍官兵赴衛防剿

康熙十五年八月

為軍務事奉

親王令諭福建督標官兵本親王已經行文調赴衛州
該督將爾處綠旗官兵酌發一千員名速赴江山防
禦等因奉此為照衛郡逆賊雖經敗遁但西龍開常
及廣信等處尚多伏莽需兵正殿今在衛官兵奉
親王調取前去衛城兵單該標官兵速應赴衛防剿合
亟知照為此牌仰該將照牌事理即將該標原奉令
諭調赴衛州官兵立即遵照刻日統領赴衛事關軍
務不得遲延

李文襄公別錄卷四

徵催官兵

四七

飭金協都司任九玉勦撫湯溪土賊

康熙十五年八月

為飭知事照得該都司已經本部院

題補江南前營遊擊員缺項准

福建提督設 移催着令赴任前來似應聽赴新

任但查湯溪三源各路賊氛未靖勦撫正殿且該都
司駐湯日久於地方情形寇賊出沒自所熟悉若遽
行更易一應機宜則初到彼土者猶恐未諳况江常
各逆已經掃除湯邑土賊不過附和烏合之徒乘此
大創之際勦撫並施何難立靖除移覆福建提督外
合即飭知為此牌仰本官照牌事理即將該汛地方

李文襄公別錄卷四

勦撫土賊

四八

各土寇設法招徠開誠曉諭速令來歸槩寬既在于
以自新如有梗頑抗拒本官即督發汛兵用心搜勦
務淨根株一切事宜仍當悉心料理聽候
部文知照赴任勿因已經陞遷遂爾膜視取咎未便
嚴切

撤參將蔣懋勦玉山開化賊寇 康熙十五年九月

為酌議勦撫機宜以靖寇氛事據署常山縣候報玉山賊首小林兒等帶領二百餘人在三十六都山內每日辰來午去又玉山子午口賊首顏飛隆帶領四百五百人在彼住劄又開化賊寇俱退至龍山源其賊首吳正陳祿馬鵬張世英陳山張兒可等步賊數千查龍山源北通開化東通華埠又通常山七都球壁為江右玉山德興岐界實與開常毗連豈容依險負隅致貽後患合行酌議勦撫為此牌仰該參將照牌事理即便會同該縣并行間將弁從長確籌將玉山

本文裏公別錄卷四 開玉期甚 四七

縣賊首小林兒等作何招撫其開化縣龍山源各賊在近日機宜自應先撫後勦或即遴選能事之人前往曉諭禍福開陳順逆利害招徠歸順如仍倚頑抗拒乘其營壘未固器械未備之時酌發勁兵密訂師期同日進剿并接連玉山之隘口作何防禦一併酌議妥當星速具報以憑調度事關軍機毋得刻遲遲速

牌委標官下住招撫 康熙十五年九月

為特委招撫以安綏黎事照得逆賊敗遁難民亟宜來歸其從前迫脅之情本部院屢經示明宥懲不追究乃聞各鄉猶有負隅山谷徘徊觀望者甚失本部院矜恤至意合行委官招撫為此牌仰本官照牌事理即便會同巡檢胡應龍投誠遊擊張三虎前往洋溪源白巖源周公源尖樓蔡口獨山周公口翁源湖山遂昌廿四都洋坑黃壇源龍鼻頭相思溪口湖南破石朱家嶺界村嚴剝柘木十一都石門一帶四都地方等處相機招撫如有負固賊黨及無歸難民

本文裏公別錄卷四 委官招撫 五十

本官開陳利害嘉子維新設法招集具報安插其帶去練長鄉兵俱聽本官約束嚴行禁戢不許生事擾民如有違犯本官亦難辭咎至於洋溪源有無逆賊馬勝造就砲位軍器隱藏在彼本官務須確查回覆如係妄傳不得借端搜查騷擾民間自干軍法倘能實心任事靖寇安民勤勞著績本部院隨當覈拔題敘如或怠忽乖張定行按法究處不貸

獎勵千總趙秀

康熙十五年九月

為獎勵事據標下將參將報稱原常山把總何起先
叛受偽副將潛伏不赴投誠又偽遊擊祝茂華仍領
兵叛踞卑職前領憲票即差千總趙秀冒險入山宣
佈招撫今於初七日二人俱經出山投誠見在給賞
外理合稟報等因到本部院據此為照寇氛伏莽招
撫宜先該弁獨能冒險入山開誠撫輯以致偽弁何
起先等傾心向化殊為可嘉合行獎勵為此牌仰本
官照牌事理即便益加勉勵立功報効果能再立功
勳本部院自有甄拔勉旃毋忽

李文襄公別錄卷四

獎勵千總

五十一

徵參將蔣懋勛招撫廣信地方

康熙十五年九月

為軍務事據該參將稟報選差揆得玉山縣有廣信
府領兵賊首汪總兵林十二桑明王福等割營於一
都楊宅地方有偽把總何起先同偽遊擊祝茂華已
經投誠等情到本部院據此為照玉山雖屬江右地
鄰常邑所有遺孽正在勢窮若遣人齎諭往招必聞
風歸命合行知照相機招撫為此牌仰該參將照牌
事理即將發來諭帖會同金華府王同知商酌鼓勵
投誠何起先齎往廣信府玉山縣等處地方開誠招
諭立功之日定行敘錄俱毋違錯

牌委標員疊更司賑浙閩過往人夫

十五年九月二十日止

為委司賑給稽察人夫事照得大兵駐閩差使交馳
一應人夫匍匐長途殊為困苦先經本部院酌計道
路捐發銀兩建設廠所買備米石茶葉什物委官賑
給粥食茶湯稍救饑渴兼恐過往滿漢兵丁擅捉人
夫投害地方是以即令該委官照站稽察人夫在案
今已一月應行更換合行知照為此牌仰本官照牌
事理即便前赴江山縣等處與原委官宋瑞昭等交
替明白本官管理賑給事宜遇有過往人夫給與粥
食務聽充飽煎備茶湯隨便接濟不得缺乏如人夫

李文襄公別錄卷四

更換司賑

五十二

洛晚燕處投宿者准與安歇將賑過人夫每十日一
報查考仍將過往人夫逐名查問如係不法兵丁私
自捉來而無牌票執據者即行攔住放歸不許該兵
帶去如敢抗違無論滿漢旗營兵斯許即查明的確
姓名一面指報以憑嚴拿究治本官務須專心董理
禁察侵盜體恤窮民嚴查夫役副此委任不得怠忽
贖徇取咎

飭金協副將乘時招撫

康熙十五年九月

為亟飭乘時招撫以安地方事照得閩逆敗遁各路零星殘寇蕪路可逃必至倚山負固乘此勢窮靡落之際苟能分遣的當人役設法招徠自必革心向化况本部院先經給示日來近處餘黨接踵輸誠已有明效今據該副將稟稱東武義等處行本營守備朱住麟遣差招撫西湯溪等處行千總徐九乾豐旭等遣發招撫南山一帶令千把總許國用常定邦等分投招撫俱令近山人民齋示入山等情雖云各有責成但機貴敏捷方易收功若或遲回延諉不無致誤

李文襄公別錄卷四

金屬招撫

五十三

合亟申飭為此牌仰該副將照牌事理即查金屬各處山源賊寇一面分委各官相機招徠仍一面遴遣的當人員前往開導乘此軍威赫濯之日正宜及時平靖地方清除積患早為收效以覘該將實心任事毋容少緩致誤事機先有來歸者即行鼓勵賞資使餘黨感化如果抗拒不服即便發兵相機搜剿星速用心佈置以副委任仍將勦撫情形不時具報查考均各稟遵勿違

飭樂清營大荆營各將乘時撫剿

康熙十五年九月

為亟飭乘時撫剿以靖地方事照得溫州樂清地方淪陷已久前此猶以賊勢鴟張徐圖恢復今自衢郡下洲巨逆敗遁

王師斬關入閩直抵建寧處州石塘相繼勦蕩大兵收復雲松會師進取聲靈赫濯各路餘孽望風瓦解城象浦即或拒守亦皆釜底游魂其他山源小醜乘時勦撫平定地方刻不容緩該將身在疆圍亟宜料理合即申飭為此牌仰該將照牌事理即將未靖逆黨酌量機宜或勦或撫凡有革心歸命者即當予以

李文襄公別錄卷四

徵飭撫剿

五十四

自新如或率眾輸誠尤宜多方鼓勵除專委台巡道前赴綏輯外其賊踞各縣作速相機恢復若有發兵撲勦之處即與該道合議而行毋得因循致誤事機并嚴禁兵丁借端騷擾一應情形不時飛報以憑調度該將若能實心整理克敵立功本部院自當優敘倘或怠玩泄視軍政所關毋干咎責至切

昭會黃巖鎮撫輯鄰疆

康熙十五年九月

為特委撫輯鄰疆以靖寇亂事照得閩逆構禍三載地方被其淪陷人民悉罹湯火今

王師分路進剿所向無敵旬月之間衝屬各縣悉皆恢復處州石塘相繼掃除本部院念此殘疆百計整頓今各屬投戈效順者始無虛日惟溫州叛鎮尙在通誅但逆賊大勢已傾衆心瓦解乘此亟宜開導予以自新必盡輸誠恐後除經檄委台巡道前往大荆樂清一帶相機招撫緩輯流離并令酌動官銀鼓勵激賞以風向化外合併知照為此照會該鎮查照事理

李文襄公別錄卷四

撫輯鄰疆

五十五

即便會同該道兼分汛守多方招撫安輯如各路餘孽有能率衆投誠者會同該道鼓勵激賞分別安插其或仍前結聚即便遣發官兵撲剿示創以靖地方至叛鎮祖弘勳等若能悔禍革面自應悉宥前愆保全合境生靈仍當特疏

題請該鎮務須顯示此意俾令來歸一切應行事宜悉心區畫仍將被難人民加意撫恤凡有情形不時具報以憑調度該鎮謀勇素著故特專委料理以紓本部院東顧惟實心任事立有功績定當特疏

題敘切勿泄視

飭原任把總胡聯啓率兵來歸

康熙十五年九月

為投誠事據該把總詞稱原防遂昌因兵寡莫支萬不獲已暫歸賊營受偽副將原非甘心從賊今幸大兵勦撫重覩天日伏乞准予投誠賞給委牌免罪執照以圖報効等情到本部院據此為照閩逆叛變侵犯疆圉處屬地方駐守官兵或衆寡不敵因而淪陷失身自非得已本部院原諒心迹屢示招徠在案况朝廷恩綸沛渥從罔治凡有自拔來歸率衆納款者俱照原銜錄用煌煌

李文襄公別錄卷四

屏衛投誠

五十六

天語炳若日星今該把總既能自拔矢志可嘉除另給免罪照票外合再行知為此屏仰原任處協把總胡聯啓遵照印將所領兵丁一併率領來歸再行設法招徠立功報効定行從優敘錄毋得遲疑

照會温州鎮勦撫直取甌城

康熙十五年九月

為孟飭乘時勦撫以復甌圍事照得閩逆構禍三載淪陷地方人民悉罹湯火今

王師分路進勦所向克捷甌屬各縣盡皆恢復處屬漸次蕩平僅東甌一城尙未底定頃據樂清縣申報逃出難民供稱城中賊已寥寥坊市盡閉俱有倉惶失措之狀各路逆賊敗副大勢已傾乘勝發兵長驅前進誠可不戰而克該鎮隨軍進圍是以撤行黃巖鎮就近聲援并行台巡道相機招撫在案今該鎮既已回處自應及時勦撫除移咨駐處總統莫 并行

李文襄公別錄卷四

直取甌城

五十七

署處協王參將外合行飭知為此照會該鎮查照事理即便會商總統莫 并王參將將見在官兵滿甲及駐紮雲兵立即酌調齊備相機前進直取温州所到地方申嚴號令撫輯焚聚務期秋毫無犯仍當設法招撫開誠曉諭若能悔禍獻城革心向化保全合境生靈准予從優擢用其投誠人等多方鼓勵一應事宜從長籌酌恢復郡城本部院特疏題敘以酬勤勞仍將發兵勦撫緣由不時具報以憑調度均勿遲違密速

牌給千總葉願招撫

康熙十五年九月

為開誠招撫以廣

皇仁事照得閩逆造亂淪陷地方一時受惑被脅之人悔悟有心自拔無路良可哀矜今賊寇敗遁正解甲歸正之時從前罪愆已經示論棄不追究據稟有偽員勞雙隆原投都司劄付隨有多人俱在遂昌源蕩懸給免死照驗遵赴投誠合即給牌招撫為此牌給千總葉願赴該地方傳本部院開誠至意即令率眾來歸願効力者准原銜錄用願歸農者安插得所勿得遲疑該千總招撫有功一併獎勵

李文襄公別錄卷四

招撫偽員

五十八

牌給守備尹升招撫

康熙十五年九月

為開誠招撫以廣

皇仁事照得閩逆流毒所到附從之人率遭迫脅自拔殊難誠堪矜憫本部院屢行招諭並宥前愆今查原任衛協千總王孝向化有心猶豫未決合即給牌招撫為此牌給守備尹升赴該地方傳宣曉諭從前罪過槩不追究即令率眾來歸准予原銜錄用其隨附兵丁願食糧准收入伍欲歸農即當安插勿得遲疑有負本部院開誠至意該員招撫有功一併獎勵

照會溫州鎮區赴料理嚴疆

康熙十五年 年十月

為亟飭赴溫料理保固嚴疆事照得溫州被陷官民
已經剃髮歸誠惟是該郡淪沒已久城鄉殘破人民
逃亡及今恢復務必從新整頓加意料理除嚴檄布
政司速催在省府縣星馳赴任外合亟飛檄嚴飭為
此照會該鎮查照事理文到立即前赴溫州彈壓地
方將見今投誠原授偽職人員并有無偽劄印信者
逐一通查明白星速造冊呈送以憑

題敘至尚有無知餘黨懷疑畏罪竄匿山谷及乘船潛
遁海濱者該鎮即便開誠曉諭着令迅速來歸如能

李文襄公別錄卷四

溫州彈壓

五十五

帶有賊船兵丁效順者自當從優敘錄至於城鄉人
民久罹湯火困苦倍常務必加意懷保安插得所一
應官兵更須申明號令嚴行約束不許藉端搜捕騷
擾如有故違即以軍法重治其瑞安平陽二縣今應
作何緩靖凡有未盡事宜該鎮從長區畫悉心運籌
以副倚任不得因循怠忽致干咎愆仍將奉行緣由
具文報查毋違

檄飭沿海鎮將稽察固防

康熙十七年 年三月

為欲靖海氛務嚴汛守再申稽察之令以固邊防事
照得海逆未靖賊踪飄突靡常汛守官兵所當刻刻
提防晝夜瞭摸至如昏夜陰霾風潮緊急之際或逆
寇游移洋面奸民窺隙潛通尤宜加謹巡邏奮勇堵
禦以杜登犯透越本部院節次飭行不啻三令五申
矣查近據各屬塘報仍有海寇登犯劫掠民人殺傷
男婦焚燬屋宇之事皆由設防官兵疎玩懈弛虛冒
汛守奸民交通接濟甚有慙不畏死之弁知情故縱
覓利營私平時既失稽查臨事又多畏怯扶同玩愒

李文襄公別錄卷四

稽察固防

六十一

大干軍紀除經分案查取疎防職名叅處外值此春
汛已屆邊烽未息合再嚴飭為此照會該鎮照依事
理即便督飭汛防官兵凡臺寨撥派弁目不時查點
毋許影射虛伍擅離汛守責令晝夜瞭防如有賊艘
飄忽登犯立即一面堵禦一面飛報該管將親領官
兵撲勦毋使登劫沿海居民平時巡查稽察申嚴保
甲如有形蹟不軌之徒置備違禁貨物及借名捕魚
出入界外者立時協擊申解究擬慎勿徇玩故縱致
干法網總之內奸敢賊外寇自消防禦既周邊方自
固該鎮將身在地方責任所係毋視泛常凜之慎之

論杭州温州二副將犒賞弁目兵丁

康熙十七年六月

論馬趙二副將知悉往日浙省用兵該將等著績疆場身不解甲歷經三載本部院每念艱危之際賴爾將士同心齊力得以成功地方既平正期共得休息而該營官兵隨征入閩又經二年比之各營勞苦更倍本部院時切懸念屢啓

親王調回爾等

親王以浙江官兵皆忠勇用命藉以護衛軍前是以未

允今復調援漳州雖將士矢心報

國樹立勳名固為素志但回浙之期尙未可定當此炎

李文襄公別錄卷四

犒賞弁兵

六十一

天枕戈對壘本部院遠在隔省無由親自撫恤凌軫於懷今特差員齎銀四百兩赴管聊充牛酒之資該將可照單開數目分給弁目兵丁傳諭本部院慰勞之意特諭

照會定溫平三鎮沿海嚴謹備禦

康熙十七年八月

為浙閩海洋連接亟飭謹嚴整備事照得沿海賊寇連踪窺犯每據申報輒云尾追不及未聞大創捷音致彼來去自如日肆猖獗是各將弁於聯絡策應出奇制勝之道全未講求徒以水陸遙隔為詞不思地方一有疎虞百喙何能辭咎况今閩省海寇正在鴟張狡謀不可不備或浙洋之寇窺我官兵調發因而勾引大夥乘機突犯或閩洋之寇見大兵陸續南下因而流突浙境以圖避實擊虛皆不可定一切營伍汛守事宜務須從新整頓處處周防事事警飭必使

李文襄公別錄卷四

沿海備禦

六十二

無懈可乘庶可保固疆宇合亟申飭為此照會該鎮查照事理即便嚴行所轄簡練兵丁秣養馬匹整齊砲械查有老弱兵丁速行簡汰即日頂補砲位久未試用者即行洗試如或火藥不敷立即請給弓箭等項逐一驗備共要隘處所務選能員領兵防守應添撥者速即添撥哨探瞭望務令星馳傳報如遇警息本汛鄰汛以及存城官兵協力勦禦不得岐視至謂缺額兵本部院現在酌議另候知照勿以額請增兵虛文塞責文到即將各項事宜作何整頓緣由具文備覆倘悠忽從事取咎匪細慎速

撤湖處杭嚴四協調兵彈壓延平 康熙十七年八月

為海氛方熾等事康熙十七年八月初一日准

兵部密咨內開題覆福建撫院吳 題前事等因

今福建延平等府需兵彈壓應將浙省各營官兵或

三千或二千名即速調遣迅發彈壓延平等處等因

奉

旨依議速行欽此移咨到本部院准此為照浙省地方山

海交錯額兵原少且又屢經抽調汛防自是不敷今

既奉

旨調遣自應欽遵除將浙省調撥金亭官兵發往延平外

奉 李文襄公別錄卷四 彈壓延平 六十三

合再抽調為此牌仰該副將照牌事理即於該協營

內挑選精兵八百名委守備薛受益千總羅士英等

統領星赴本部院軍前聽候遣發不得遲延短少致

干軍紀需用大船移知經過地方官撥給并飭該管

官約束兵丁不許沿途生事至於各處汛地仍酌量

派撥加謹巡防毋得稍有疎忽先將官兵員名數目

起行日期具報查考勿違

照會定海鎮飭催撲劫海寇 康熙十七年八月

為移商防守以固海疆事案據該鎮具詳象汛石燕

港等處海賊盤踞今戰船現在修造未便撲劫請一

面嚴飭沿海汛防加謹備禦俟船隻完工督師搜剿

等因本部院查先據象山營請發舟師先剿石燕港

等處餘孽批行該鎮速議原非專為象山一汛現今

堪用戰船尚有二十餘隻若整飭將士上船演練使

時刻有出洋之勢遇可襲擊之處相機迅發雖蕩盡

餘氛必候戰船齊備如隨時零剿見在之船儘可生

法前曾照會該鎮未據確覆邇來海洋賊匪日漸增

奉 李文襄公別錄卷四 飭勦海寇 六十四

加若不設法撲剿貽誤非輕合再飭催為此照會該

鎮查照事理即將近日鹿頭頭石燕港等處逆賊踞

巢及往來游移情形速行確探并現在堪用戰船作

速整頓出奇制勝立速確議具詳核奪現今寧郡所

屬地方已經題奉

俞旨令該鎮管轄責任綦重毋再悠忽致誤事機大有未

便速速

差員嚴拿不法兵廝 康熙十七年八月

為嚴拿不法兵廝騷擾地方勒帶過站人夫事照得
西安江山地方路當進關孔道過往兵馬絡繹不絕
一應夫役皆取給於該縣百姓供應繁苦疲憊已極
聞有不法兵廝將領到入夫勒索折價併於身畔搜
取盤費甚至衣服食物罄削一空又將水次練夫過
勒挑運過站稍不如意百般筆楚日夜無寧以致夫
役死亡接踵兵廝成羣作隊經過地方擅入村莊搶
奪生畜物件捉拿民人驚嚇婦女種種橫行惡惡不
作屢經本部院禁嚴在案合再差官查拿為此牌仰

奉文襄公別錄卷四

差率兵廝

三五

本官照牌事理即便前赴百靈街江山縣清湖地方
以及廿八都沿途禁嚴兵廝不許生事滋擾凡西安
練夫送船至江山即行盡數放回不許留帶一夫過
站如有前項不法兵廝捉聞人夫或強勒折乾搜剝
衣服食物并擅入民家恣意擾害者即行解軍前
以憑會同

都統審實輕則按依軍法懲處重則啓請

親王察究如有夫役患病及被兵丁毆傷不能前往者
即留發回不得仍令帶往如有違犯一併解軍究

治不貸

飭衛處二協副將防剿竄賊 康熙十七年八月

為嚴飭防剿竄賊以固疆圉事照得逆賊江機楊一
豹等盤踞上永錢村等處出沒投害先經本部院啓
請

親王并准

江西督院咨移會合三省剿除本部院節經檄行援
防各營整備進剿在案今聞逆孽已知三省大兵合
剿自揣勢窮力蹙四散奔竄多往處屬山谷隱藏雖
釜底游魂不足為慮但匪類潛蹤終為地方貽害合
亟密飭為此牌仰該將照牌事理即便遵照立選能

奉文襄公別錄卷四

防剿竄賊

三六

員前赴仙霞關江山鳳林各處確勘通達賊管要隘
處所多撥精兵扼守如有賊徒宵遁即便尾追盡行
剿殺倘遇形蹤詭秘之徒必須嚴行盤詰究毋使
一孽漏網仍差精細口兵遠偵確獲凡有情形不時
飛報以憑調度毋得違錯

撤中軍副將會勦江西逆賊 康熙十七年八月

為緊急軍務事康熙十七年八月十七日准

江西總督部院董 咨開照得逆賊楊一豹江拐

子等盤踞中錢村洪山等處荼毒生民今本部院親

統官兵已抵信郡的於本月二十以內調發官兵分

路進剿相應咨請貴部院速發貴省官兵由馬路跡

關而進務於十八日至錢村會剿庶逆賊不致奔逸

等因到本部院准此為照逆賊江機楊一豹等盤踞

江西永豐一帶錢村等處出沒擾害先經本部院啓

請

李文襄公別錄卷四 撤委會勦 六十七

親王會同三省官兵合剿今又准

江西督院咨會等因前來令行專委統領為此牌仰

該副將照牌事理即便遵照帶領標下并衛協官兵

八百名見調常山兵二百名共成一千名一併統領

大早起程由永豐前赴馬路跡關會同江西福建官

兵確撲逆孽情形嚴行夾勦務靖根株毋使遺孽流

突貽害地方仍將進剿情形不時飛報以憑調度所

過地方務須約束兵丁秋毫無犯功成之日定行特

疏

題敘毋得怠忽

撤金協都司郭正明等截擊敗寇 康熙十七年八月

為軍務事據該都司等呈稱見在盆亭兵丁四百餘

名今或往延平或候會剿統候裁示等因到本部院

據此為照該都司等所領官兵先經撤行前赴延平

彈壓今永饒餘逆見在會剿已經本部院調發標下

中軍副將吳三畏統領官兵由馬路跡關進發盆亭

等處為控扼三省要地逼近大路總係閩省地方應

暫留駐嚴加堵禦策應以防逆賊奔逸流突據報前

因合亟行知為此牌仰該都司照牌事理即便會同

嚴協都司馬起龍署嘉興營守備張文福將見在官

李文襄公別錄卷四 撤專賊寇 六十八

兵於緊要口子嚴加堵禦仍偵探江浙進剿情形如

有敗逆賊流突一面截擊俟進剿稍定另檄知照

前赴延平不得疎忽

撤守備張萬成領兵協防二渡關

康熙十七年八月

為緊急軍務事照得本部院檄調該守備帶兵赴閩延平彈壓今江西上永餘逆江機楊一豹等流毒地方本部院見在調發官兵移行會勘查二渡關等處為三省扼要界上經檄行嚴協都司馬起龍統領杭湖二協官兵五百名暫行駐守外合即知照為此牌仰該守備照牌事理即將所領兵丁即日前往二渡關會同嚴協都司馬起龍將緊要隘口酌量分防嚴加堵禦如有敗遁逆賊流突侵犯即奮勇截擊以靖根株不得疎玩俟會勘稍定另檄調遣進閩毋違

李文襄公別錄卷四

防二渡關

李九

撤參將饒承德會兵協勦山寇

康熙十七年八月

為稟報事據該將呈稱逆賊江機等現在三省會勦誠恐逆賊敗遁屢奉嚴飭堵禦今據報逆賊王召福帶領偽眾屯駐永豐九都之松尖山內或探知我兵會勦假就撫之名為賊外應亦不可知亟欲帶兵進勦必需楓嶺營撥發官兵由六石關堵截方克有濟惟因關汛重大呈請示行等因到本部院據此為照逆賊江機等見在三省會勦自必勢窮力竭希冀奔遁先經本部院飭行該將偵探情形相機堵禦在案今據前因查楓嶺營官兵除福建左鎮調遣會勦外存兵無多不能撥發今益亭二渡關已經本部院陸續調發杭湖處協官兵七百名行令都司馬起龍統領堵禦自可就近策應合即知照為此牌仰該將照牌事理即便會同嚴協都司馬起龍將前項逆賊相機勦除以杜流突或開誠招撫以靖地方立即議妥就近酌行仍於各汛嚴加偵撲防禦不得疎玩

李文襄公別錄卷四

會兵協勦

七十

檄參將饒承德查仙霞營房窩舖

康熙十七年八月

為軍務事照得仙霞關為浙閩險要是以調發該將帶兵駐守分佈防禦聞在關兵目多有染患疾病必係駐劄處所山嵐瘴霧寒溼侵加或營房窩舖未嘗整理以致感冒染疾殊為懸念合即行查為此牌仰該將照牌事理即將仙霞汛地見在駐劄兵丁應需營房窩舖是否足用如應添造或應修理之處立即查勘明白并應需工料匠役人夫等項若干一併估計具文冊報以憑給發銀兩檄行該府縣構造修葺以資屯劄速報毋違

李文襄公別錄卷四

檄查營房

十一

檄參將饒承德招撫江機等渠寇

康熙十七年九月

為特飭開誠招撫以靖鄰氛事照得江西餘寇久不悔禍歸命流徙地方見在三省會剿頃據塘報業已攻破巢穴江機退道雞公山官兵會合刻期進攻本部院念此素知之徒原屬

朝廷赤子或一時失計以致自新燕路亡命山林昨據該參將呈報江機等有願赴浙江歸誠等語按其情詞已有悔過遷善之心如果幡然革面自應嘉予維新除經給牌差委隨征都司鄭鳳城招撫外合併知照為此牌仰該將照牌事理即便遴選精細籌辦等事

李文襄公別錄卷四

招撫江機

十一

委人員協同本官不必由吳副將及會勅各營盤前進另覓路徑開誠招撫明示禍福宣布

皇恩如能及早歸誠從前罪愆槩免追究仍准分別錄用兵丁補伍歸農安插得所務令乘時向化不得疑畏

觀望自失良圖該將等招撫著積一併從優

題敘將遣發緣由速報查考發來免罪牌一併收付毋違

李文襄公別錄卷四終



李文襄公別錄卷之五

文告紀事

關防詐偽告示

示禁門兵需索

示禁汛防擾害

申嚴反坐禁止白呈

示禁兵棍槍奪

示禁渡夫勒詐

示禁餽遺

申嚴夜禁

李文襄公別錄卷五

目錄

示禁捐勒領餉

示禁保歇積弊

示諭遵嚴保甲舉首奸宄

曉諭安民

曉諭立法辨認截髮良民

召募金華獵戶効用軍前告示

示禁兵厮沿江騷擾

示給船戶口糧

示禁悍兵旗厮騷擾

申嚴軍令條約

大兵經臨地方安民告示

飭行團練保甲告示

曉諭被脅良民

示禁阻撓投誠

示諭招撫脅從將士

大兵進剿撤示歸誠

宣揚大義撫納歸誠告示

嚴禁妄殺槍擄告示

招撫溫處陷賊官兵歸正告示

示禁義烏投誠擾民

李文襄公別錄卷五

目錄

示禁駐防處郡弁兵下鄉騷擾

曉諭江常開三縣陷賊士民來歸

二

李文襄公別錄卷五

關防詐偽告示

康熙十二年十月



為關防詐偽事照得本部院通籍以來一任司李再
擢巡歷兢兢潔已奉公外見諒於輿評內無懈於余
影今復蒙

簡界總督全浙自念生平宦遊半在茲土山川屢識其面
天日久鑒此心矢慎矢勤益嚴益恭藉以下行所學上報
主知惟是浙省五方雜處奸宄叢生素所稔悉本部院籍
本山東青箱世授羣從子弟皆令閉戶讀書從不游

李文襄公別錄卷五

關防詐偽

一

學經商擅離鄉邑况孤介性成交游絕少即與利除
弊一一潛心諮訪竝不奇耳目於人今在任方新誠
恐有等蕪藉棍徒不知利害或假認宗黨或冒認親
朋或謬指師友淵源或妄述譜牒世好勾引土棍廣
布聲援借徑居停潛通線索不惟詐騙小民寔至招
搖屬吏庸愚誤信其奸往往自投法網本部院冰霜
礪志鐵石為心除一面親行訪拏仍檄各屬密緝外
合行曉諭為此示仰所屬文武官吏軍民人等知悉
即便恪遵禁約設法密緝如有各項奸徒指稱何等
名色潛藏何方寓所勾連某處衙密交接何官關說

何事曾否索物受賄有無被害証佐俱許一一訪確

立擒諸犯火速研審若果事屬有據即按光棍定例

擬以重罪詳解前來以憑親究明白具

題正法倘地方官奉行不力失於覺察抑或通同容隱

不行捉獲申解一經本部院訪聞及被他人首告即

將徇庇雙贖劣狀指名

題參法在必行斷無寬假務各洗心滌慮痛革非為若

待禍及身家則已噬臍無及莫謂本部院約法不早

也

李文襄公別錄卷五

關防詐偽

二

示禁門兵需索 庚辰十二月 年十月

為嚴禁門兵需索以肅法紀以便商民事照得設立門兵原令稽察奸宄兼司啓閉豈容借端生事今聞守門兵丁不遵軍紀凡遇負販食物輒敢私抽狼藉無異搶奪其有攜帶包裹行人及婦女肩輿出入往往勒索銀錢故意攔阻至於迎婚出殯吉凶大故尤為奇貨可居刁措苛索無所不至爾等門兵皆從官伍輪值稟給則有月糧約束則有紀律豈宜乘機理貨恣肆為非合行嚴加禁戒為此示仰守門官兵等知悉嗣後務須凜遵軍律凡遇往來士民商旅人等

李文襄公劄錄卷五 禁門兵

或買易大小貨物俱不得仍前抽取一切婚喪迎送亦不得攔截吹求如敢故違一經本部院巡擊訊確必加重處并許受害人等備將經過某門月日被搶何物被詐何財明白開列徑赴本部院報門據實查告即行按日查拏立加究治法在必行慎毋身試各宜凜遵

示禁汛防擾害 庚辰十二月 年十一月

為嚴禁汛防弁兵擾害地方以肅軍紀事照得朝廷設立官兵駐防該汛原為禦盜安民並不許生端滋擾近訪台州寧海等處沿海地方向來奉遷居民近

新恩復業舊有田疇廬舍久成既脫流離甫經安集拮据構葺倘極艱難又因開墾積荒重息揭債難贖既是其職分而剝肉實可矜憐乃有巡防弁兵罔恤民艱恣行貪暴縱容悍卒勾結土棍凡遇油鹽穀麥茶豆柴炭魚蝦等物皆係民力所出藉為生計者輒敢虛

李文襄公劄錄卷五 嚴防汛防

稱官價公然搜其所有以致小民喪身蕪策飲泣聲而地方無賴棍徒樂為羽翼料派月糧馬料灰薪酒食混濫差錢剝削民脂分填婪壑甚至強買米穀更逼挑送或繳還官價仍索領狀又或捏放管債在月加二盤算準人妻子拆人骨肉刁措故券冀爾藉藤又或霸種民田強砍民樹至藉口遊歷名色則徒民之居奪民之食種種惡狀權髮難窮低離子遺民遭侵害本部院節制通省一夫不獲即有負簡昇隆恩今蒞任之初令行出示嚴禁除已往姑不究外自本部院申飭之後凡爾汛防弁兵等各宜洗心滌

應恪遵紀律盡力防禦地方不許縱恣騷擾該道府
及該將領不時密訪倘有不遵仍前侵害居民者着
卽據實飛報或被害人赴本處告理卽與申詳以憑
本部院審確悉按軍法重處該將領一併
題參究治爾等弁髦成習祇緣向來雖曾飭禁未經盡
法懲創以致藐玩視爲具文今本部院執法如山斷
不姑貸各宜遵守慎勿嘗試

申嚴反坐禁止白呈

康熙十二年十一月

爲嚴別呈狀并申明反坐之法以杜陷害以安民生
事照得浙省連遭荒歉民不聊生本部院病痲在心
下車之初卽嚴禁官差弁兵不許生端擾害務使
民安分樂業庶幾快覩雍熙至於詞訟一節原爲申
理冤抑不意近來人情刁險輕聽訟師煽惑捏駕不
根欺誑官府動將白呈混瀆或一呈而言累千百或
一事而牽犯多人甚至案已生塵急同拯溺事如風
馬慘過割膚非稱倚勢抄屠卽指統兵劫殺論相加
之暴則似人盡九頭計被詐之賊又若家藏金穴縱
橫筆底總是子虛問其肺肝只圖一推不學事體
官豈逃法訊反坐之律何等森嚴而乃不自三思好
爭健訟小則拋荒生計大則貽禍身家苟是良民必
不出此爲此示諭屬軍民人等知悉嗣後各宜安
居守分不得聽信訟棍扛唆致干法紀果有重情奇
冤萬不容已必要一字不虛言言皆實照例於每月
初二日赴控亦止紳衿學校方許具呈一應民詞皆
用格眼狀式具告至於反坐之律原不止論全虛實
如告人三命內二命情真自治二命以應抵之牌一
命若虛必加以一命反坐之條告賊百兩內九十兩

情真自治九十兩以應得之罪十兩情虛必加十兩以反坐之法一權利害何苦為之倘敢不遵款式仍連寫呈狀等字樣白呈混擾者除不准外定行嚴提重處決不姑貸

李文襄公別集卷五

申嚴反坐

七

示禁兵棍搶奪

康熙十二年十一月

為禁戢兵棍曠野搶奪以安商民事照得西興關口錢江西岸乃商民賈販往來絡繹孔道其間牧馬營廝毒於沙灘曠野窺有孤客遠商負販貨物攜孳行囊覲目欺心往往結黨成羣中途邀截或搜奪行李或搶剝衣帽譁然四散既無地方救應復鮮官兵追擒遂使孤立無援嗚冤莫助杭紹通衢大道商民聚足難行殊非法紀除經差官巡拏外合行示禁為此示仰商民人等知悉嗣後往來錢塘江岸西興渡口倘遇有不法兵廝及地方奸棍恃強搶奪貨物行李

李文襄公別集卷五

兵棍搶奪

八

衣帽者即時喊鳴該地方巡邏官兵協力追擒連人賊解赴本部院軍前以憑會審重究倘巡邏官兵坐視不救聽其搶奪遁逸者許受害商民記明時日經過何處失何物件曾否喊鳴防守官兵因何不救據實赴轅門呈稟立行查出以扶同容隱一體治罪決不輕貸

示禁渡夫勒詐 康熙十二年十二月

為嚴禁渡夫勒詐以甦商民積困事照得錢江渡口原係杭紹往來通津其間客商絡繹常恐洪濤巨浪一時覆溺堪虞向因渡夫乘機勒詐立有碑禁不許多載人貨橫索銀錢特建靖浪亭房以便行人休息凡遇風波偶作鳴鐘止渡不許舟人嗜利冒險誠屬便民利濟至計茲值歲暮一應手藝窮民賈易商賈以及調館書生終歲勤勞異鄉自然各思歸里度此新年近聞渡夫仍蹈故轍任意勒詐每每將船拋泊江心遇有行人肩挑背負而來一夫攘奪行李一大

李文襄公別錄卷五 渡夫勒詐

拉扯行人逐使人貨兩離伴侶疎失形同邀截及孤客登舟名為載頭延捱招攬挨擠滿船猶不輕易開行常至潮頭驟到激浪排空危險異常悍然不顧毒遇霜雪之朝風雨之夕行人忍飢受凍慘不可言幸而將近江岸復停楫中流迫索重資校諸尋常不至數倍不止更窺隻身行囊沙灘遼闊四顧無人之時措留不還種種肆害殊為可恨除見在責令巡察官兵查拏解究外合行出示嚴禁為此示仰該地方民人及過往客商人等知悉嗣後如有渡口舟人不遵碑禁仍前攘奪行李多載人貨延捱不開半江勒搶

銀錢等弊俱許被害於登岸時喊鳴該地方即行擊其巡察官兵協力追擒押解本部院轉門以憑重責枷示如該地方徇縱及巡察官兵賄庇訪出一體嚴拏重究不貸

李文襄公別錄卷五 渡夫勒詐

示禁餽送 康熙十二年十二月

為嚴禁餽送事照得各官俸薪僅備養廉原無餘此可供餽送况屢奉嚴旨禁革煌煌

功令咸當凜遵為此示仰闔屬文武官員人等知悉以後凡奉調本部院及投遞公文一槩不許攜帶東揚儀獻禮物如有故違定行指名題參其司道將領府廳等官務各洗心滌慮共殫廉潔庶幾改絃易轍政治一新倘或因循陋習貨賄公行一經采訪真確無論與受悉以白簡從事慎之

申嚴夜禁 康熙十三年正月

為嚴禁夜行以靖地方事照得省會重地人民稠雜其中保無奸宄叵測正宜申嚴夜禁以防不虞乃邇來各處雖設有柵欄每夜靜更深仍有行人張燈挈伴冒勢橫行守柵兵民稍加盤詰非指稱督撫司道之衙役即倚藉旗營豪勢以凌人究竟真偽不分奸良莫辨雖有燈籠實難憑信若不嚴禁何以綏寧地方合行出示嚴禁為此示仰督屬官吏兵民人等知悉嗣後定更砲響之後守柵人役謹守局輪一槩不許人行倘有指稱衙門人役緊急公幹必驗印信

李文襄公別錄卷五

申嚴夜禁

十一

牌票實據方許放行不得徒信燈籠致滋奸混如有民間急病延醫生產接穩二項必確詢住址何處今果何往攜帶印信一家牌驗實放行歸途仍依此徑應便稽查記認其餘不拘何項人員不許擅行干禁倘有勢豪橫行闖越及孤身隻影行蹤詭秘言語支離者守柵人役即協同保甲鄰佑鎖拏天明押赴地方官審明轉解本部院軍前重處不得徇情賄縱察出一併嚴提重究法在必行決不輕貸

示禁措勒領餉 康熙十三年二月

為嚴禁領餉措勒遲延以重兵食事照得官兵荷戈戍守全資糧餉領餉各官遠者千里近者亦數百里跋涉赴省自應遵照掛發號領隨到隨即兌給早得領運回營分散俾邊海窮弁無守候之苦而嚴疆汛守實藉操防今尋見領餉官弁經月坐守守候尚未給發軍卒嗷嗷仰望而營弁各有分防險隘久滯汛守淡焉未便揆此滯滯情由皆緣各役作奸希圖扣餉需索使費打點不到措勒遲延又或日帶借端謀幹虛報冒銷皆望領餉之時取償是以一經放餉通

李文襄公別錄卷五

措勒領餉

十一

同扣除在領餉之官守法者又因使領餉受餽法者正好乘機侵蝕及其領運到營止於十存八九種種弊竇殊干法紀合行示禁為此示仰各管領餉官員知悉當此春汛屆嚴各以汛守為重赴省關領餉餉制錢隨到隨給星飛領運回營務須查驗原報原數交割營務明白倘有奸宄於搭放餉銀制錢之賒借端勒措扣剋短少遲延時日者許據實指名赴奉天院報門呈告以憑嚴鞫審究開撥海關餉項亦不得畱戀耽延中途侵蝕察出直行軍法重處決不輕貸各宜凜遵

示禁保歇

康熙十三年三月

為嚴禁保歇永除積弊以甦民困事照得浙省賦役殷繁民力凋敝兼往歲海濱災荒屢蒙

皇恩獨賑僅保生全未臻康樂本部院下車以來念爾小民疾苦痛切身受與利必期永行除弊必期盡絕訪聞各屬向有保歇一項最為民害分定都督傳買項首積盜相承竟同世業民間事涉公庭不論錢糧何訟認定居停奉為著蔡當其周旋應付死若親朋實則播弄風波情同鬼蜮每年飯米節規如取租稅不時需索雜費若抽繭絲百計侵漁一手搵定糧里

李文襄公別錄卷五

示禁保歇

十一

充役務交納條銀輪解本色蕪不任其包攬種種耗花銷輒曰衙門常例一遇比卯遲到完額又納便扇動經承竣使差役出籤出票索詐分肥或將正額銀米吞侵入腹隱避燕蹤追呼敲朴仍歸本人是得剝肉醫瘡重賠重納至於雀角小訟從中鼓浪生風愚民不諳官司倚伊打點某承行應早囑託某差應許厚酬危言聳動某鄉紳可以依靠某遊客可以央求巧語鋪排無一事不聽其指揮無一處不備其路壑凡攢眉蹙額之經營皆吸髓吮膏之伎倆此輩惡端昭著人豈無知其如衙門情熟狐鼠成羣

結一團呼吸相應線索在手因而甘受其把持機弄

四張不得不由其籠絡量其人之愚點隨機打合不壓不休計其家之豐齊徹底誅求不盡不止嗟此小民正供有限膏血半竭於催提成獄何時資產已空於候讞總因衙役勢如狼虎而保歇為衙役之鬼僕土棍毒如蜂蟻而保歇為土棍之羽翼遂使良民汗血微資但供魚肉與言及此髮指心傷難從前屢經禁革而盤踞已深窟穴甚固暫時潛跡旋復現形若不嚴加肅除何以永息民害除密行訪拏外合示嚴禁為此示仰各屬官吏糧里人等知悉自示之後

李文襄公別錄卷五

示禁保歇

十四

應保戶歇家盡行革除不許指留把持復萌舊習如有前項奸棍仍買保歇頂首或改立名色包侵錢糧起滅詞訟一切招搖騙詐科派婪索者許地方里鄰並受害之人從實舉首有司官不時查訪立拏究辦以憑按法嚴刑竊此姦賊倚地方里鄰容隱不舉一并治罪有司奉行不力仍縱此輩害民本部院親訪得實定行奏處法在必行斷無寬貸

示諭避嚴保甲舉首奸宄

康熙十三年三月

為曉諭事照得浙屬地方往時屢遭兵燹邇年幸得寧息

朝廷德澤覃敷寬省徭役軫恤民瘼惟恐一夫失所每逢災稔上履

宸衷破格錫賑欽頒

上諭十六條欲使爾民漸摩教化永享太平本部院仰體九重清問之心策勵大小文武各官共矢廉隅力圖休養

爾民各有身家遭逢

盛世豈可不知自愛近者滇黔反叛大兵進剿計吳逆查

李文襄公別錄卷五

避嚴保甲

十五

底遊魂不日嚴滅浙省相去數千里環浙遠近如

南江西等處皆添設重兵控扼險要重守禦此地

風馬不及烽燧無驚凡爾小民正當各安耕鑿齊

風俗刁頑詭言易起遂有亡命奸徒希圖煽聚佈散

偽劄謀劫市鎮如東陽縣等處周叔輜單干等蕭山

縣擊獲嚴九如李啓元等諸暨縣擊獲李茂朱應顯

等亂形甫萌旋經發覺無不立時就縛誰能漏網本

部院嚴飭郡縣管汛凡山限水遠處處隱防時時

察倘有奸宄效尤真是自投陷穽在首惡同夥輩由

已作正法奚辭可憐父母兄弟妻子原不知情一期

事發禍及全門以及愚民不諳法度或因循不首或

傳送居停凡有干連並權重典且有跡涉疑似共填

牢獄迨至審明省釋業已皮骨僅存亦有正犯脫逃

責比親鄰牽涉經年廢時失業以被奸徒貽誤骨肉

流毒地方如此凡我良民亟當同心協力各相稽察

勿將保甲視為虛文果能實意奉行奸宄自難容跡

如有親族鄰里在外為非一有見聞立時舉首到官

除此敗類保全眾家身命不致玉石同焚今東陽縣

出首之人本部院現加獎賞以後如有首報或擒解

者自必一體給給凡被奸徒須知地方守法者多

李文襄公別錄卷五

避嚴保甲

十六

惡者少耳目難逃發覺最易與其盡命刀頭死為叛

鬼何不迅息在謀自求活路倘或怙惡不悛陰相勾

結譬如禽獸不可化誨天網恢恢張盡殺無赦念頭一

錯噬臍莫及本部院念通省老幼男女皆我赤子不

惜諄切告誡冀令家喻戶曉為此示仰合屬軍民人

等知悉嗣後城市鄉村各安邊守保甲加意盤查凡

游手游食業行不端交結匪類出入無常以及來歷

不明形體詭秘者務須密遞稽察倘有勾黨聚賭

制倡亂真情立刻報官拿解本家親族出首者休

免罪斷不株連即奸徒惡黨有能備保投首其從寬

貸如能擒獲夥犯解官與平人一體給賞但有知
容隱藏匿者事發之日並置大法爾民須將本部院
示內情節仔細思量互相警戒各安本業共保身家
咸宜凜遵毋貽後悔

中興公判卷五

卷五

七

曉諭安民

康熙十三年四月

為曉諭安民事照得閩道倡亂浙省壤地相接先經
調發滿漢官兵固守各路關隘交界既有備內地
自是晏然見今續訊各營官兵相繼進發又有江南
江西滿漢官兵分頭策應彼一隅負固蕩平有期茲
聞省城百姓紛紛驚動皆由誤聽訛言致有消惑不
知通省兵馬星羅棋置處處隄防何等鞏固本部院
暨

本部院隨方佈置自能保衛爾民其調集各路官兵雖
具詳不時經過並皆申明約束無敢騷擾今當孟夏蠶桑

中興公判卷五

曉諭安民

七

正至爾民一年生計全在此時豈可自棄安居廢
本業至於游手奸徒捏造蕪根之言意欲使人倉皇
走避以圖乘機搶劫爾等聽信正是中彼奸謀亟當
曉諭為此示仰省城內外居民人等知悉邊界悉已
堵防內地安如磐石爾民務宜安堵如常專心生理
不必驚疑遷避有誤農營時務仍須遵行保甲互助
稽察使奸宄無所潛蹤則地方自然寧謐矣各宜
省毋負本部院一片誠心特示

曉諭立法辨認截髮良民

康熙十三年四月

為曉諭事照得閩逆倡亂浙境相聯恐有奸宄潛蹤自應稽查整詰賊中俱係割髮則凡短髮平梢之人跡涉可疑連日守門兵丁孳獲頗眾及至審勘截髮緣由或起爭鬪或因疾病訊其居址藝業皆有實據親族鄰佑各具保結並從寬釋但軍務戒嚴議察不容稍縱本部院惟恐愚民未能通曉致干擾繫合行立法辨認為此示仰浙省官吏軍民人等知悉見在如有短髮之人除真正來歷不明身藏劊票煽惑人心及歷審作奸有據者立即正法外其餘平民果係

李之華全副卷五十一 辨認截髮 十七

居址有憑保甲有據者許協同鄰佑即赴該管縣官處據實呈報截髮緣由時日該縣官即與按日記檢仍給印照為憑設遇滿漢官兵盤詰即可驗明釋發即使孳獲到官若有縣冊可查亦准鄰佑保釋庶愚民不致罹法奸宄易於稽查當此民心驚恐之時倘有縣胥里甲乘機借端勒賄者或捏告發或標本縣院訪聞立即嚴鞫處死決不姑貸

召募金華獵戶効用軍前告示

康熙十三年四月

為召募事照得發屬東義等處民風驍勁俗尚慷慨夙稱材武之鄉山中多有獵戶慣用鳥鎗並皆技藝精嫻膽力勇敢當今邊疆有事正爾等奮身之時本部院親在戎行恭行

天討幕府之下師旅如雲而收羅壯士多多益善爾等射獵為生何如建功立業如願効用軍前者應募到日各給安家銀兩別成隊伍以作親兵支領糧餉其中別有謀勇出眾者即劊委職官為之統率有功之日分

李之華全副卷五十一 召募獵戶 十七

題敘獎賞本部院昔年司理茲郡開誠布公爾士民相信有素本部院如父兄之視子弟爾等必如手足之衛頭日惟恐轉行有司或致查攝滋擾特委本地賢幹招集起送合行出示召募為此示仰金華府屬士民人等知悉凡有技勇素優願來應募者但赴吳生員處報名驗明堪用即查籍貫住址取具地鄰保結起送軍前本部院驗試收標各給安家銀十兩隨軍征進另給糧餉仍擇其材技有餘眾所信服者授以職官劊付統領約束一俟建立功績即當特疏題敘臨陣之日計功行賞斷不後時爾等務須奮發

義聞命爭趨其士類中有奇材異能超出等倫者如能聞風樂赴定當別加優禮各宜悉遵

示禁兵船沿江騷擾
康熙十三年四月

為嚴禁兵船沿江騷擾事照得設兵本以衛民當此軍興孔亟一應夫船芻粟無事不煩民力本部院商目焦思痼疾切體豈容悍卒奸廝乘機騷擾今聞江干一帶多有借名搜檢掠奪貨財致使商旅小民含冤抱怨舉足驚疑殊可痛恨除見在差員巡緝外合行出示嚴禁為此示仰軍民人等知悉自示之後倘有旗營兵廝敢犯紀律或地方無藉假冒為奸仍舊借名搜檢掠奪銀錢行李者巡視人員立行鎖解該門治以軍法仍許地方人等協力擒拿毋得瞻畏

示給船戶口糧
康熙十三年四月

為酌給船戶口糧以軫困苦事照得大兵進剿指日絡繹前來勢需船隻供應惟恐臨期難以猝辦不得不先行齊集念爾小民載渡資生一家口食皆藉於此今守候江干廢失恆業父母妻子舉室啼號風雨飢寒一身受忍本部院軍務倥偬之際毒一念及不勝惻然惟是封疆重事萬非得已

朝廷軫恤民艱凡大兵進發輒奉

恩旨毋致苦累百姓今爾等船戶若照例候官兵到日支給口糧目前倘候暫時何堪枵腹已行布政司詳候

示禁兵船沿江騷擾
康熙十三年四月

道酌議先給本部院斷不以日後開銷之難而尋覓爾等困苦莫訴也合行曉諭為此示仰船戶人等知悉務各安心守候勿得驚疑俟本部院按船給放口糧以資日食如有蠢役奸埠扣剋等弊許爾等赴該控稟即行拏究事完之日另當給賞并免差徭以昭優恤咸宜遵曉

示禁悍兵旗廝騷擾

康熙十三年五月

為嚴戢悍兵恣擾以安地方事照得鄉居小民耕耘為業田地魚蕩花息皆屬血汗脂膏賴以完糧餬口近聞樵採營廝不遵禁約百十成羣往來如穢豆麥菜種強割蕪遺蔭木桑麻砍伐始盡備竿提網羣取塘魚入戶穿簾分攘絲繭甚至器血雞犬葦茨柴蕪一覆蕩然分賦滿載明欺鄉民稀少不敢抵當辱一阻拒即遭攢毆更加沿途分伏阻掠行人衣帽銀錢侍強搶剝民不安生錢糧何出營廝既開奪取之端即有蕪藉之徒乘機假冒真偽莫辨為害地方大亟

法紀合行嚴禁為此示仰該地方里甲居民人等知悉嗣後倘仍有悍兵旗廝不遵法紀擾害居民強割菜麥攘竊魚絲并搶奪衣帽行李等項者爾地方里甲即協力會同批稟地方官查明申解以憑會同將軍立按軍法重處決不姑恕各宜凜遵

李文襄公刑憲卷五

嚴戢悍兵

五

申嚴軍令條約

康熙十三年五月

為申嚴軍令事照得本部院同平南將軍統領大兵已到衛屬地方見在調發進剿討亂安民紀律森嚴務使秋毫無犯業經再三申飭誠恐不法兵丁猶敢違令騷擾特為條列禁約敢有違犯定以軍法從事各宜凜遵毋忽

一各官兵駐劄及中火處所俱在空閒地面不許一人一騎擅入民房居住及拆毀民間一椽一木

一各官兵俱自帶行糧自為炊爨不許擅借民間器血物件及拉百姓炊爨食物

一各官兵蓋甲器械俱各自行隨帶不許捉拏百姓搬駝

一各官兵馬匹自有應支豆草喂養不許擅動民間一草一粟并踐踏田間禾苗

一各官兵在各城門處所止司防守稽察不許借端生事民間婦女任其進出不許藉名搜檢恐嚇攔阻其搬運家伙物件不許措留索詐

一各官兵遇行路鄉民聽其往來不許搶奪衣包搜取財物

一遠鄉百姓被賊割辦者勢由迫脅原係良民如有

李文襄公刑憲卷五

申嚴軍令

五

里甲可查地方公保俱即赴地方官呈明存案照

舊安居樂業不許官兵捉拏及借名嚇詐

一各官兵需用食物俱照時價用紋銀公平買辦不許恃強短少

一民間牧放牛羊及雞豚狗彘之類不許攘取宰殺以上各條滿漢綠旗官兵務須一體遵守見在差官

巡視敢有故違即行綁拏立即會同

平南將軍嚴究重治倘有擅離營伍姦淫婦女擄掠財物情重罪大者立行斬首該管將領一併拏拏決不姑貸須至示者

奉天軍令

申嚴軍令

壬午

大兵經臨地方安民告示

康熙十三年五月

為曉諭安民事照得逆賊聚眾侵犯所過鄉村肆行淫掠雞犬不甯嗟我良民妻孥不保衣食無資猶復迫脅搜求責供酒米割去辮髮驅逼同行欲使官兵到日玉石難分狡謀流毒我民如在湯火今本部院同

平南將軍統領大兵已到見在分途進剿其鄉城百姓漸次歸來亟宜撫綏俾各得所官兵經過駐劄地方紀律素嚴並無侵擾本部院又經三令五申敢有違犯立正軍法凡我民人早宜安集令行曉諭為此

奉天軍令

安民告示

壬午

示仰軍民人等知悉除約束兵丁另行逐款開列出示嚴禁外見今鄉城百姓已歸故居者悉宜安心恐其有先經逃避者作速相率歸來耕種貿易往來出入俱各照常倘有不法兵丁絲毫侵擾許徑赴本部院暨

平南將軍喊稟或控地方官申詳立行嚴拏究治其遠鄉居民被賊割辦者勢由驅脅原非從叛但能保守本業樂不淡求大兵所至全為安民爾民毋得疑顧望四散奔逃致遭賊手受其荼毒各宜遵悉

飭行團練保甲告示 康熙十三年六月

為飭行團練保甲各衛身家以別良善以安地方事
照得閩道稱兵犯順今各路官兵俱已齊集同時進
剿指日蕩平惟是浙閩江西連界地方不逞奸徒乘
機嘯聚屯踞鄉村民居即為賊窟雖有良善自拔由
由或有無知誤被恐嚇中懷觀望大兵到日玉石難
分殊堪憫惻本部院念地方人民皆我赤子為爾等
早計安全惟有本鄉自相關練人人協力處處警防
無事則照舊耕農有事則奮勇殺賊庶逆寇不致蹂
躪官兵有所辨別誠保衛身家至計合行出示曉諭

李文奉公別錄卷五 團練保甲 二十七

為此示仰金衢嚴溫處屬人民知悉一應近賊地方
鄉鎮村落凡有德望里黨推重者即就本地聯絡居
民團結守禦逐戶相保其外來奸細潛行煽誘或本
處狂徒陰謀通賊立刻擒拏解官請賞倘土寇突犯
或偵探情形一面堵截一面飛報官兵立時進剿全
所在俱有重兵屯守斷不使爾勢孤無援但有用命
擒殺賊眾者本部院即時賞賚其倡率義士分別功
次定行
題敘不惟身家保全抑且功名有路各宜思付遵即

行

曉諭被脅良民 康熙十三年六月

為大兵指日進剿開誠曉諭以安良善以醒愚頑
照得逆藩倡亂閩省人民受其荼毒如蹈湯火時
顯望

天兵今浙省師旅雲屯刻期進剿凡我百姓順逆禍福之
機豈待智者而後決乃有亡命奸徒乘機嘯聚勾合
賊眾突犯城邑流劫鄉村遂有被其迫脅割解者爾
民原無拒賊之力豈有從賊之心至於大兵到日若
以無從分別一槩翦除殊堪矜憫本部院暨
平南將軍恭承

天語討亂安民同惡必誅有從國治其本由驅逼並非
從者務在保全或一時被誘旋復悔悟者亦從寬宥
惟有怙終不悛必殺無赦合行出示曉諭為此示仰
將吏兵民人等知悉凡曾被賊侵犯地方或有收
偽劄或有投入賊隊或為窺探聲息或為齎送資糧
是皆孽由自作無可哀矜如有守分良民身在故
被賊制勢非不得已許同地方保甲赴官呈明立案
照舊安心生理即有陷在賊中乘間脫歸仍務本
並無別情亦許里甲公保不滾求爾民務宜自
身家早自別白毋致玉石難分誤罹鋒鏑地方有

天語討亂安民同惡必誅有從國治其本由驅逼並非
從者務在保全或一時被誘旋復悔悟者亦從寬宥
惟有怙終不悛必殺無赦合行出示曉諭為此示仰
將吏兵民人等知悉凡曾被賊侵犯地方或有收
偽劄或有投入賊隊或為窺探聲息或為齎送資糧
是皆孽由自作無可哀矜如有守分良民身在故
被賊制勢非不得已許同地方保甲赴官呈明立案
照舊安心生理即有陷在賊中乘間脫歸仍務本
並無別情亦許里甲公保不滾求爾民務宜自
身家早自別白毋致玉石難分誤罹鋒鏑地方有

速盡招徠安集之職征勦將士共體

朝廷愛民之心各宜遵悉毋忽

李文襄公別錄卷五

收會良民

三十九

示禁阻撓投誠

康熙十三年九月

為曉諭事照得閩道侵犯近地無知愚民結黨嘯聚乘機竊發今大兵雲集見在勦除蒙

皇上天恩浩蕩矜憫無知准予投誠本部院仰體

德意不忍即加兵威是以開誠招撫查杜承順等未經歸

誠之先爾士民固有被其害者今既真心向化率眾來歸

朝廷恩信昭如日月業已嘉與維新概不追究既往乃爾

民未忘怨恨阻截道路不但欲報前仇惟慮或貽後

患第杜承順前除前過復為良民招撫奉有明文非

李文襄公別錄卷五

禁阻投誠

三十

爾民所宜獨阻見在軍前聽候安插亦不必慮慮將

來合行曉諭為此示仰該地方士民人等知悉凡係

投誠人等如經革心歸命准從就撫者以前過犯悉

從寬有爾百姓毋得阻撓生事亦毋庸慮患驚疑其

有各處山賊頑梗不服仍然橫恣者爾百姓照前懸

格守禦以保地方本部院或勦或撫自有鑒裁無非

為爾等早計安全各宜遵悉

示諭招撫裔從將士
康熙十三年十二月

恩負

國造亂殃民罪盈惡極罄竹難書以彼喪心樂禍自取

滅亡凡在將吏兵民本非同黨何意一朝僨謬相率

波靡或亦瞻顧室家情非得已今

奉命大將軍康親王統步騎十萬已集浙省指日南征

平寇大將軍安親王

揚威大將軍簡親王各統雄師十萬從江南江西絡繹

繼進取逆狼狽一隅安能再延喙息獨念附從稱兵

李太僕公別錄卷五 招撫裔從 三十一

者皆受

朝廷高爵厚祿上可反旌回指建立功名次則歸命投誠

保全富貴何以棲焚游沸糜爛為期自非至愚豈無

先覺我

皇上如天之仁含弘覆育欽頒

上諭開以自新具有良心能無感動凡爾裔從將士如能

真誠效順即宜早決良圖或獻關納款或率眾來歸

本部院自當立為奏

聞悉照原領偽銜授以實職其有功績尤著者特請加

恩超擢至於兵民人等誤被驅迫若能幡然歸正兵即食

餉民即歸農原屬

國家版籍不忍槩行剪除是用開誠曉諭

上諭一道咸使聞知爾等亟漸叛亂汗名復作

天朝臣子存亡禍福在此一時各當猛省毋貽後悔

李太僕公別錄卷五 招撫裔從 三十一

大兵進剿撤示歸誠

康熙十三年十二月

為大兵刻期進剿撤示歸誠事照得自逆藩造亂以來糾連土寇蹂躪內地荼毒鄉村以致桑農廢時工商失業甚則妻孥不保廬舍無存生民之禍亦已慘矣豈意不逞之徒走死如鷺互相招誘寔以蔓延水火在身而不知陷穽交前而不悟所受者片楮偽劄有何榮名所掠者幾領敝衣有何厚利乃爾蜂屯蟻聚螳臂猖狂官兵一臨立膏斧鑕計數月以來衙嚴金紹台等處大小數十戰斬獲之多或至盈萬少亦不下百千聞來之賊安得如許大都驅爾烏合以備

李文襄公別錄卷五

撤示歸誠

三

前禽爾輩所圖幾何以此糜爛身家泥沙性命至於朝投賊營暮櫻鋒刃懸頭竿首暴骨荒原誠自取之夫何足惜但揆之順逆之理罪在當誅而本諸惻隱之心思為堪憫在

朝廷興師致討本為定亂安民是以屢渙

綸音弘開

天網而本部院再三曉諭宣布

皇仁正以導其迷途開之生路何乃子誨諄諄而聽者藐藐夫

朝廷多方以全爾之生而爾輩自甘投死至逆賊百計以

驅爾於死而爾輩不早求生譬之雀處危枝魚游釜

底當此大兵雲集號令風行凡爾亡命溪山豈復苟延旦夕所幸者本部院始終矜全之誼所恃者

朝廷浩蕩之恩不及此時洗心歸順更待何時為此示仰從賊民人知悉凡係脅從之輩相率來歸固猶赤子即或倡亂諸渠一朝悔悟亦是良民總之向化投誠槩與撫綏安插願歸農者照舊服田願為兵者登名入伍進不以鋒鏑為憂退不有飢寒之患其曾受偽劄齋劄來投及乘機立功率兵歸正錄用之外尚當從優

李文襄公別錄卷五

撤示歸誠

三

題教本部院欽承

上諭信義昭明早決良圖毋貽後悔

宣揚大義撫納歸誠告示

康熙十三年十二月

為

天討方彰

皇仁覃布宣揚大義撫納歸誠事照得耿逆背

恩倡亂鼓煽狂圍閩嶠一隅咸被汙染

朝廷仁聖軫念將吏兵民皆由迫脅雖懷忠義莫能自明

特與

給晉布昭大信

天恩浩蕩罔不聞知念各大小將領昔拜命於

天朝非受恩於私室倉卒附從諒非本心奈何淪陷逃竄

李文襄公別錄卷五

論撫歸誠

手書

久無覺悟古來稱兵犯順誰克保全惟有智者見機

毒能轉禍為福近日荊州

郡王大將軍岳州

貝勒大將軍已定湖南又四川

貝勒大將軍恢復全省各路進兵滇黔逆賊逃竄無路

可見

天兵所至立見蕩平今浙江

奉命大將軍和碩康親王江西

平寇大將軍和碩安親王江南

揚威大將軍和碩簡親王各統雄師十萬進圍征討三

而夾攻逆渠投首已在旦夕即如溝溪之捷聊遺偏

師斬賊盈萬又如金華積道山徐尚朝全營覆沒失

其偽救單騎而逃鑒此前車敗亡一轍既已勢窮力

屈便當悔禍革心至於兵丁百姓止因顧戀家室被

逼強從尤非得已今枵腹單衣奔命風霜之下潛行

野掠輒已執縛而來數里連營不過片時可掃若不

投戈返正徒然殞命溝渠茲蒙

大將軍和碩康親王仰體

朝廷德意不忍遽極兵威特赦繫囚開恩招撫合行給示

曉諭為此示仰從賊將吏兵民人等知悉速宜淡想

李文襄公別錄卷五

論撫歸誠

手書

禍福早定良圖如能真心向化率眾來歸本部院即

行

奏請自當照銜錄用其有擒斬逆首獻納城池者自必

榮膺顯爵以示酬功兵即收入行伍民即仍歸版籍

撫綏安插務俾得所倘有怙終不悛甘心從逆大兵

至日掃蕩無遺後悔何及咸宜知悉

嚴禁妄殺搶擄告示

康熙十四年二月

為宣布

恩諭賊兵撫民事照得溫處地方自被賊寇蹂躪民間室廬焚燬田畝荒蕪資蓄無存妻孥失散顛連困苦誠可哀憫今大兵所至賊寇奔逃凡此被難百姓皆從殺掠之餘僅存子遺已無生計亟宜拊循軫恤俾得安葆室家漸復故業

朝廷恢復疆土所重在於人民一應婦女孩童悉係版籍

戶口若使有土無人豈是安民靖亂策奉

欽差侍衛到浙宜傳

李文襄公別錄卷五

嚴禁妄殺

三十七

上諭滿漢官兵在各地務須恪守紀律秋毫無犯如有

騷擾情由督撫卽行題參若徇庇不卽題參將督撫一

并議處欽此又准

部文陷賊地方百姓原皆

朝廷赤子一時被脅割去辮髮今勤勞師旅征勦賊寇特

以為民凡大兵所到之處如有割辮之人持械拒敵

及竊踞城池山寨不卽來降者仍行誅戮其餘割辮

之人槩予寬免不得妄行誅戮多方安輯以副

皇上好生之至意至真正賊寇未必攜帶妻子而行營中

所有大率非係擄掠民人子女卽係為彼脅從嗣後

如殺賊之餘賊寇所擄難民子女許令民間認領不得一槩搶擄以昭

皇上愛養元元之意等因奉

旨通行在案煌煌

恩旨誰敢不遵惟恐溫處地方百姓淪陷日久未悉周知

愚民或懷疑畏驚竄潛藏致有官兵借名搜勦乘機

搶擄合行頒示曉諭為此示仰官吏兵民人等知悉

凡出征將士務須仰體

皇仁恪遵紀律除賊寇割管拒敵用兵勦殺其餘鄉村潛

避民人不得妄行殺戮搶擄各地方隨軍官員所至

李文襄公別錄卷五

嚴禁妄殺

三十八

宣布

德音撫綏黎庶凡已經安輯處所卽知會領兵將弁毋得

縱兵騷擾百姓人等及早復歸故里料理春耕如聞

大兵到日立即相率來迎以分涇渭如有賊寇經邊

屯劄務須飛報官兵追勦毋或觀望遲延致令官兵

借端殺擄無從分辨如已經來歸安輯地方敢有不

法官兵故違

恩旨或殺戮平民或擄掠子女或搶奪牛畜或搜劫貨財

有一於此不論滿漢綠旗本部院自當遵

旨題參斷無瞻顧各宜遵悉

招撫溫處陷賊官兵歸正告示

康熙十四年二月

為宣諭

皇恩招撫歸正事照得逆賊倡亂以來

朝廷遣發大兵四路追剿荷蒙

天恩浩蕩罪歸元惡矜憫脅從本部院又經特奉

上諭如耿精忠恬逆不悛或伊下官兵心存忠貞殺耿精

忠來投或率眾來投俱着從優議敘加恩即隻身來投

亦着收留恩養欽此欽遵在案凡溫處地方各標營將

領兵丁平日受曾祿之榮叨秦養之惠一當封疆有

事為官者有功即不賫超擢為兵者出征即加給行

李文襄公別錄卷五

招撫溫處

三九

糧

朝廷之恩厚矣本部院推誠撫士甘苦必知自軍興伊始

預給資糧破格賞賚正期爾等勉圖報効共立功名

豈意一旦變生相隨淪陷勢由驅脅諒非本心即如

瑞安官兵固守全城方當論功敘擢亦復不保厥終

泯棄前勳殊為可惜且爾等多有父母妻子俱在本

處遠望哀號惟恐林連幸沐

洪恩槩從寬宥間有一二逃回竝已照舊收伍投誠頭目

咸已給劄授官爾等豈不聞知何乃枵腹單衣甘為

逆賊先驅自揆鋒刃雖在至恩未有不思改計者矣

今大兵前進正爾等重見天日之時速宜乘機返正
保命全家兼可因會圖功策名受賞禍福之機決在
俄頃合行出示曉諭為此示仰溫處原舊各官兵知
悉務須欽遵

上諭事理前非勉圖後效或獻城納款或臨陣歸降
或率眾迎師或約期內應如能擒渠獲醜更是奇功
即使間道拔身亦明素志並當遵

旨奏聞優加敘錄倘或執迷不悟敢逆顏行
天戈所臨盡行剿滅毋失良圖自貽後悔

李文襄公別錄卷五

招撫溫處

四九

示禁義烏投誠擾民

康熙十四年三月

為嚴禁投誠擾民以肅法紀事照得各屬投誠人家既已悔悟前非革心歸命幸蒙

皇恩浩蕩嘉予維新自當安分守法復為良民乃其中尚有頑犢成習復倚投誠名色擾害地方在市鎮則交易逞強往鄉隅則違奪肆詐陸路則拘執人夫水路則強抗船隻至於指稱賊械板富板仇借端索詐不厭不止種種不法殊堪痛恨爾等既沐再生之恩豈復貽自作之孽合行飭禁為此示仰義烏縣投誠官兵人等知悉務須恪遵法紀遷善自新充伍者各圖

李文襄公別錄卷五

示禁擾民

四十一

報効立功歸農者宜安分守業倘有怙非逞勢倚端擾民如前所指諸弊者許該縣不時查明申報本部院定行提究重處

國法具在各宜凜遵

示禁駐防處郡弁兵下鄉騷擾

康熙十四年三月

為嚴禁兵丁下鄉騷擾以安地方事照得處郡新經恢復餘氛未靖駐防官兵戰守方亟非奉令搜勦原不許擅離營汛若各處鄉村小民驚魂未定正在招徠安集乃訪聞旗營兵廝結隊成羣肆行村落擄奪雞豚剽掠財物致使湯火殘黎望風逃竄有地無民軍需安出似此違禁騷擾大干法紀除現在差員察拏外合行嚴禁為此示仰滿漢綠旗官兵人等知悉務須恪遵紀律防守地方不許擅離營伍私自下鄉即偵揆軍情擬撥傳報營官必選謹慎兵目前往仍

李文襄公別錄卷五

示禁騷擾

四十二

嚴加約束不時訪查如有兵廝不遵禁約私往鄉村驚嚇愚民乘機搶擄致使招集遺黎驚惶逃竄者該管將弁立時查拏軍法懲處如有徇縱經本部院訪聞得實滿漢官兵即啟報

親王嚴究綠旗將領定以束兵不嚴參處凜遵毋忽

曉諭江常開三縣陷賊士民來歸

康熙十四年閏五月

為屬邑陷賊已久難民罹害堪於亟速反正來歸以全生命事照得衢屬常江開三縣自耿逆變叛以來荼毒最慘其間富而有力者早已攜挈家口奔避遠方現在存留者非至貧極苦之小民即老弱孤寡不能自拔之貧獨也及寇逆忽至米糧被其搶劫衣服被其搜剝田土被其蹂躪房屋被其焚燬牲畜雞犬被其烹食家資什物被其掃蕩甚至婦女被其淫汙老幼被其殺戮或有衣不蔽體藉木葉以遮形食不充腸掘草根以延命逃竄於深山窮谷寧依豺虎為

李文襄公別錄卷五

陷賊士民

四十三

鄰流離於絕壑幽巖尚慮刀兵尋及地方既陷則割髮長髮固出於無可奈何盜賊成羣即強捉投充亦詘於勢不得已一入巢穴便作羈囚衝鋒逐隊驅死地以何辭漢塹重圍求生機而無路本部院念爾三縣人民日在水火惻隱心傷茲者恭奉

天討分兵進勦原為弔民伐罪拯救生靈况今賊勢日竄盜糧已盡逃亡相繼瘟疫流行此誠天地不容人神胥憤敗亡撲滅剋日可期又我兵進取温州者已將石帆諸賊勦殺殆盡克復宣平松陽將入逆境江西和碩

安親王已破建昌進攻邵武南贛東粵分道竝進耿逆以方隅之地兵力糧餉能有幾何豈能當

王師之合勦誠所謂釜底游魂亡不旋踵不待智者而後知也爾等不乘此時及早歸正更待何時既受逆賊慘害又將性命相殉漢為可憫合亟曉諭為此示仰陷賊地方士民人等知悉爾等陷賊經年流離艱苦本部院俱已稔知今得畱一綫殘喘猛省回頭復為良民依然是

朝廷赤子念其為賊迫脅已往之罪槩行寬宥有能即時自拔挈帶家口來歸者當即特疏

李文襄公別錄卷五

陷賊士民

四十四

題請投以不次之賞其有會受偽劄偽官率眾來投者官則照舊擢用兵則入伍歸農聽其自便併有即時解散為民大兵一至相率迎降者一槩免死俱不追究本部院開誠布信斷不爽言若曉示之後仍復執迷甘心與賊同盡自作之孽誠不可活指日大兵進勦玉石難分身受誅戮妻孥存沒悔當何及本部院不新諄諄告誡者淡念爾民陷於湯火不啻拯溺救焚開以生全之路人非木石定當感發良心慎毋自遣致負矜恤至意

李文襄公別錄卷五終

李文襄公別錄卷之六

文告紀事

示諭從逆官民亟早歸命

大兵連奪仙霞三關告示

撫輯開化縣難民告示

曉諭西江常難民認領子女完聚

再諭陷賊百姓速歸樂業

曉諭難民立候親臨賑濟

曉諭耿逆乞撫情形

曉諭懷疑閩人歸命

李文襄公別錄卷六 目錄

飭修鄰境道路統帥親勸

曉諭西安江山常山開化四縣寬徵

示禁擾害來歸被脅人民

嚴飭速繳偽劄告示

宣布慰問出征綠旗官兵告示

再諭陷賊官民迅速就撫

示撫江西廣信等處被陷官民

曉諭陷賊未歸人民

申飭吏治告示

釋廣信俘囚招撫地方告示

嚴禁潛攜難婦他行告示

示禁縱馬踐食禾苗

示禁踐踏粟地強採橋果

示禁橫索夫役

行十一府屬嚴飭叛逆告示

嚴拏真寔飭禁株累告示

力敦風俗儉樸告示

禁革漕弊十款告示

嚴禁奸民通海告示

申飭合屬文武告示

李文襄公別錄卷六 目錄

嚴禁賭博告示

嚴禁營債告示

禁革巧取火耗告示

嚴禁關稅橫徵告示

嚴禁捕役誣良告示

嚴禁矜棍條陳告示

嚴禁兵捕假緝私鹽告示

李文襄公別錄卷六

男 鍾麟編次

示諭從逆官民及早歸命

康熙十五年七月

為閩省構亂難支取逆死亡已迫亟宜自拔歸命早沐

皇仁事照得耿精忠驕縱狂戾乘吳三桂稱戈犯順墮其

狡謀忽發難端犯我浙界兩載以來百姓被其慘毒

實難盡言其陷溺湯火者惟福建百姓為尤甚三丁

抽一五丁抽二使父兄老幼咸成沙場婦人輪布女

子輪鞅致孤寡伶仃悉供在籍誅求餉戶拷掠盡其

李文襄公別錄卷六

示諭歸命

一

脂膏擅造偽錢荼毒遍於市井種種惡蹟罄竹難書

且其藉為聲援者則遠交吳逆而近結鄭錦今當

上天厭亂首逆元兇吳三桂已於五月二十八日病死鄭

錦乘機吞并占踞漳泉興汀等府直搗福寧耿逆膽

落無路投生是福州已如朝露爾等捨父母妻子隨

被抽充而來者悉皆無家可歸之人嗟嗟耿逆不能

自保首領而能顧惜爾等身命乎即統領爾等之頭

目已據進退維谷之勢其心搖搖莫定向能固一爾

等之衆志乎當此之時捨投誠之外別無他策第聞

賊營捏造訛言爾各處土賊投降者皆生惟福建人

投降必殺以故爾等持疑卽有逃出老營者皆各竄

匿山谷希圖緩死被賊捉獲立時誅戮殊不知爾等

不幸生於閩地遭此惡劫為耿逆驅迫非出本心

朝廷伐罪弔民救焚拯溺本部院宣布

皇仁總以好生為德豈有畛域之殊自凡渡河來歸者不

論何處人民一出逆境有生無死故特倡率捐資搭

蓋蓬廠使得居住分給賑米以資贍養有官職者仍

復其官若能擒縛渠首率領兵馬而來必為特疏

題請加以高爵顯秩用示優異爾等更何遲疑觀望不

趁此機會及汲歸命必欲束手待斃相率同死哉曷

李文襄公別錄卷六

示諭歸命

二

可異者衙屬附近從賊之人投入賊營不過為彼服

役視同奴隸緩則供其糈汲之事急則驅於鋒鏑之

間本部院屢示曉諭豈竟全無覺悟究其甘心蟻聚

以待死者大約因平日附賊既經擾害地方惟恐投

順之後仇家必圖鳴官報復以故畏懼觀望自今已

後果能革心向化已往之事一槩不許追究俱准照

照歸農合再開誠招諭為此示仰賊營被脅諸色人

等知悉務須亟乘此時大兵尙未進勦星速來歸不

論閩人浙人但離賊營卽屬赤子決不使爾失所本

部院全以恩信昭示遐邇諒亦周知更可轉相傳說

使其各自為計總之不計零星大隊過河之後自必安插得宜行賞敘功毫髮不爽即有從前過惡稟行寬宥不許仇家報復永絕弊端如猶不悟是本部院必欲全爾之生而爾自甘受死兵威所至寸草不甯彼時本部院即欲保全爾等亦不可得矣思之思之

李定國傳

王

王

大兵連奪仙霞三關告示

康熙十五年八月

為衛寇業經掃滅大兵已奪仙霞剋日蕩平事照得閩逆負嵎已逾兩載今大兵雲集下洲偽驍騎馬九玉等大敗潰逃江山常山開化縣城俱已恢復於八月二十一日連奪仙霞三關

王師乘勝入閩取逆授首可期合行曉諭為此示仰督屬官吏軍民人等知悉兵入三關賊險已失長驅擣靖指日蕩平自此兩浙安寧永享平成之福故特曉諭俾令通知

李定國傳

王

四

撫輯開化縣難民告示

康熙十五年八月

為開誠撫輯生全民命事照得閩賊肆虐凡淪陷地方人民盡遭湯火今者

王師奮勦逆賊敗逃正爾百姓更生樂業之際合亟出示撫輯為此示仰開化縣被難人民知悉立刻剃髮歸誠凡係有從前罪愆不追究勿生疑畏致負軫恤特示

曉諭西江常難民認領子女完聚 康熙十五年八月

為曉諭認領搶失子女急圖完聚事照得逆賊慘毒將被陷地方良民子女向來擄掠者悉皆寄頓江山以為三窟今大兵恢復之後通查難民子女甚多已經本部院諭令該縣另擇空房加謹安置一面行着親屬認領在案但內有隔縣人民路途遙遠未及周知合行曉諭為此示仰難民人等知悉如有子女從前被賊擄帶藏匿江山者立即前赴該縣報明對同年歲籍貫速領回家完聚倘有官兵措勒苛罰指名具呈以憑舉處或地棍冒名捏認查出一體重究

再諭陷賊百姓速歸樂業 康熙十五年八月

為乘時亟宜歸撫早沐

皇仁事照得爾民先因逆賊迫陷原屬勢不得已今地方業已平復爾等各有廬舍田園父母妻子正當及早復為良善何苦竄身山谷自致失所本部院屢奉皇恩申諭凡爾等一切從前罪愆槩不追究務必保全安輯合再曉諭為此示仰陷賊被脅一應人等知悉各仰體本部院至意迅速歸誠復完家室重整田園即有無依准與賑恤安插萬勿自誤若再冥頑梗化發兵搜捕立成齏粉悔之晚矣

曉諭難民立候親臨賑濟 康熙十五年八月

為曉諭難民立候親賑以甦窮困事照得爾民不幸慘遭荼毒三年已來本部院時切痛癢今賊雖敗遁爾遺黎室廬化為瓦礫田土盡沒蒿萊極日荒涼欲歸無計是欲安輯爾民必須亟施賑濟前已檄行該府查議去後若待轉報花名造冊詳請恐費時日頃見遠鄉近地鳩形鶴面男婦扶老攜幼求賑紛紛正如久病之人元氣未復亟資湯藥稍或遷延安望起色本部院既喜爾民之已出水火又痛爾民之未免飢寒極濟之施不容刻緩合即曉諭為此示仰被難士民人等知悉聽候酌定日期分設賑廠凡係同村之人各聚一處俟一面派委職官動支銀兩本部院親臨賑所點齊散給務使各沾實惠少蘇困苦再圖生計以見本部院軫恤至意特示

曉諭取道乞撫情形

康熙十五年九月

為曉諭閩省乞撫情形事照得浙閩毗聯致遭禍亂地方困苦之狀不堪備述今大兵分路進剿沿途望風投順直抵延平頃據建寧府塘報耿精忠已遣差員陳善道等來營乞撫併齎有陳

奏自訴從前不得已之由欲懇

大將軍親王閱過代

題業經

親王俯加慰諭限期親赴歸順准為保全隨差蝦貝折

爾瓦千總鄭化蛟等同來員往省并諭延平偽左將

李士華奏本

曉諭乞撫

七

軍取糧善傷右都尉呂雲翔等俱各到營投見等語

是就撫已定立見昇平浙省自可安堵合即通行曉

諭為此示仰官民諸色人等知悉爾民被寇地方

久罹兵燹稍遠府縣亦苦徵收今幸首禍革心鄰封

底定行當力圖休養務各安生樂業以副本部院於

懷至意

曉諭懷疑閩人歸命

康熙十五年九月

為曉諭閩人乘時歸撫以全身命事照得賊渠敗遁各處接踵投誠經本部院安插得所聞惟閩人心懷疑懼未即輸誠殊不知浙人閩人總是

朝廷赤子本部院原無岐視合亟開誠曉諭為此示仰各

處被脅福建人等知悉爾等亟宜乘時歸命有能率

眾輸誠悉照原銜授職其餘願効川者酌給大糧人

伍願歸農者發回原籍安插務令各得其所同樂昇

平慎勿游移疑畏自失良機致貽後悔特示

李士華奏本

曉諭閩人

八

飭修鄰境道路統師親勦

康熙十五年九月

為飭修道路以利官兵進剿事照得耿逆竊踞閩疆

浙省江右盡遭流毒今大兵直取延平浙境寧謐豈

容鄰封尚阻聲教本部院身任封疆滅賊安民

國事攸關奚分畛域茲親統軍旅由常山玉山往廣信

一帶掃蕩餘氛誠恐道路傾圮馬匹難馳令行飭修

為此牌仰經過常山玉山廣信等處地方官民人等

知悉即便預為料理開路疊橋伺候本部院大兵經

臨如有延誤治以軍法勦逆撫順總為地方民生遲

見一勞永逸各宜踴躍趨事均勿遲違

曉諭西安江山常山開化四縣寬徵

康熙十五年九月

為曉諭初集殘黎免徵科安心復業事照得衛屬淪陷地方數年以來困苦已極田地拋荒老弱轉死甚有不忍見聞者幸今拔離湯火重見天日而瘡痍未起流亡未歸此正多方補救之時本部院見在一面設法賑濟務必培養休息以慶更生使人民照常復業斷無催徵錢糧之事昨據西安士民張義升等呈額俟該縣詳覆再行藩司確議本部院為民請命當即特疏具

題繁行獨免以恒民困合行曉諭為此示仰新復各縣

李才壽公別錄卷六

曉諭寬徵

九

士民人等知悉各宜安心復業作速開墾耕作秋成漸畢正宜佈種春花以資贍養俟民力蘇息漸復元氣方議開徵本部院軫恤民艱無微不至誠恐士民過慮遠赴具呈故特通知俾各安心耕種以副拳拳至意

示禁擾害來歸被脅人民

康熙十五年九月

為嚴禁擾害來歸以鼓向化事照得開逆敗遁之後凡被脅人民曾在賊營者不論是官是兵但經剃髮歸里即係平民從前罪愆不追究已奉有親王令諭頒示在案雖未到官投明悉皆准復本業誠恐地方棍徒因其向經從賊未據到官藉端索詐有失撫輯至意合行嚴禁為此示仰被脅諸人及地方人等知悉但經剃髮不論曾否到官悉與平民無異安分樂生照常度日如有棍徒借端詐害許被害民人指名呈稟以憑嚴拏究治不貸

李才壽公別錄卷六

示禁擾害

十

嚴飭速繳偽劄告示

康熙十五年九月

為嚴飭速繳偽劄以杜後患事照得被陷人民失身從賊今既悔禍來歸本部院業已宣布皇仁赦其已往自應洗心滌慮慶幸更生所有領授偽印劄付無異追魂奪命之符不詳孰甚亟宜繳銷以絕禍根誠恐爾等無知藏匿未繳萬一日後發覺皆難辦合亟曉飭為此示仰一應投誠人等知悉如有從前曾受偽印偽劄者通限三日內交明地方官繳查銷示杜後患倘有隱匿收藏即非實心向化被劫人首發定行嚴拏從重究處不貸

宣布慰問出征綠旗官兵告示

康熙十五年九月

為欽奉

上諭事康熙十五年九月二十一日

欽差刑部郎中色 臨衛宣傳

皇上面諭自逆賊叛變以來浙江綠旗官兵衝鋒對壘奮

勇用命勞苦已極殊為可嘉到彼俱加慰問官兵好處

嗣後更當勉勵欽此欽遵合即曉諭為此示仰各標營

出征官兵知悉浙省師旅効力行間仰歷

九重軫念口宣

德音凡屬將士兵丁俱當感泣頂踵衝鋒肝膽盡心竭力

李支襄公別錄卷六

宣 諭告示

十一

以報

國恩嗣後益宜倍奮忠勇一體欽遵毋違

再諭陷賊官民迅速就撫

康熙十五年九月

為乘時亟宜歸撫早被

皇仁事照得閩逆構禍侵犯疆圉無知愚民為賊煽誘迫

脅投身陷穿殊可哀矜本部院念切好生開誠招撫

凡屬來歸槩免從前罪愆今大兵已入福州耿精忠

俯首就撫閩省已經底定爾等尚不乘時歸命更待

何日合再開誠曉諭為此示仰陷賊被脅一應人等

知悉務須幡然悔禍迅速來歸復為良善或願報効

或願歸農悉准分別安插必不令爾失所毋得遲疑

驚畏有負本部院矜恤至意

李支襄公別錄卷六

再諭就撫

十一

示撫江西廣信等處被陷官民
康熙十五年十月

皇仁事照得江右與浙西地方唇齒相依自閩變三年兩省人民悉遭荼毒今大兵克捷渠魁就撫浙境安寧惟廣信餘寇現今二省會剿立見蕩平但念兩民久被賊陷疆域雖分誰非赤子本部院設難膜視特分兵進取廣示招徠務期安全復還良善合亟曉諭為此示仰江西被陷一應官吏人等知悉念爾等久遭寇虐困苦已極浙兵所到總為寧爾百姓不論兵是民曾否受職但悔過剃髮並准來歸本部院信賞

李之藻奏分別錄奉
康熙十五年

真寶軍紀森嚴無疑無擾爾等不得觀望自誤有負恒鄰至意

曉諭陷賊未歸人民
康熙十五年十二月

為詳切曉諭陷賊愚民立速來歸以免誅戮事照得逆賊變叛肆毒侵疆姦淫搶擄無所不為強暴傷殘有生罕見我

皇上軫念羣黎遭其淪陷爰是調遣大兵刻期掃靖凡在食毛踐土均當義切同仇上則奮勵忠勤共圖殲滅次則聯絡守禦保護身家無如頑冥無知聽其煽誘或供應盜糧或甘為驅使或因片紙偽劄冒稱職官委身命於不顧或自投入賊寨充當寇兵致首領之不保更有竄踞溪山招奸聚眾潛伏僻路揆息傳音

李之藻奏分別錄奉
康熙十五年

天戈所至非膏鋒鏑即作俘囚見今本月二十日官兵進剿擒獲張左金壽袁生穆一即李有子李壽周春丘宗等審皆係真賊頭目無可矜疑已經正法其餘人等雖髮長過肩從賊已久論法誠無可寬緣奉有

恩旨憫念陷賊民人原皆赤子翦辮蓄髮此係愚民貪生怕死暫免須臾之恆情仍令多方安輯欽遵在案本

院會同
平南將軍仰體

德意不忍槩加誅戮准予自新並經釋放因念陷身賊地之人實業有徒合行詳切曉諭為此示仰陷賊地方

人等知悉爾等皆係土著良民各宜安居恆業遭賊
逞兇田地被其蹂躪衣資被其搶劫室廬焚燬骨肉
流離甚至父子弟兄多遭殘殺母妻兒女盡被姦淫
如此慘酷安有沉迷到底不思棄逆效順者哉爾等
試觀

聖朝節次恢復地方一應錢糧皆已停徵各項軍需皆發
價買且賑濟頻施撫恤備至投之身陷賊中重斂苛
求橫虐凌賤妻孥不保性命難全者何啻天淵爾等
急當猛省相約來歸本部院加意安插各令得所已
往之罪槩不漢求如再遲疑觀望大兵到日玉石俱

事文事本別錄卷六

廣論人民

十一

焚後悔無及思之思之

申飭吏治告示

康熙十五年
年十二月

為申嚴吏治共濟民生以收治平之效事照得兩浙
人民自軍興以來死於盜賊兵戈轉徙四方者不可
勝計即偏僻粗安之處亦皆困於徵輸徭役竹盡皮
穿苦累已極而不肖有司非惟不加軫恤反乘此用
兵擾攘之際借端培克漁利擾民執法營私無所不
至如近日於潛知縣為閩縣士民告發已經參處此
彰明較著者也府官表率全郡司道綜核庶務自應
力持風紀振飭官方向以未聞有所釐剔本部院雖
遠在軍中地方各官一舉一動無不洞如觀火其間

事文事本別錄卷六

申飭吏治

十一

借事風生吸詐富戶者有之假公濟私勒詐僚屬者
有之徇情需獄縱盡害良者有之弊竇叢生貪風且
熾嗟此了遺不死於盜賊兵火而復消磨於司牧
削之手者又不知凡幾矣本部院痛心已久特以軍
務倥傯未暇整頓今地方已平民瘼堪念若非改絃
易轍何能物阜民康合行通飭為此示仰督屬官吏
人等知悉凡平日居官盡職潔己愛民者嗣後務宜
益加勵勉舉起循良其居官贖贖貪黷殃民者嗣後
務宜洗滌肺腸改過遷善若猶殘民以逞恣所欲為
本部院訪聞的實白簡立加該司道庇縱贖徇一體

叅處乘茲告誠之初及早回心共勦治理庶兵革戢
黎早復元氣以收治平之效使百姓羣相愛戴爾各
官永保令名不亦善乎慎毋以本部院諄摯良言視
同泛常自貽伊戚

釋廣信俘囚招撫地方告示

康熙十五年
年十二月

為特釋俘囚廣示招撫速行效順以沐

皇仁事照得閩省就撫以來遠近有名偽帥無不望風輸

款浙境悉已廓清江西密邇鄰封如雁門關偽崇義

將軍廣信府偽義武將軍悉皆齋繳偽印反正來歸

其他總兵副參遊守呈繳劄記者更不可勝數

朝廷恩覆如天一體宥過錄用本部院駐劄衛城各路赴

軍前投誠者俱經賞賚

題敘恩禮有加惟德興一帶賊首馬鵬等跳梁出沒擾

害地方人民塗炭是以本部院題

請三省會勦今大兵一至馬鵬立刻生擒解赴轅門除印

梟首示眾外復據浙江提標遊擊郭守金等於本月

初一日撲勦上饒將陣獲賊象賦俘前來本應立正

典刑以示懲儆第本部院仰體

皇仁好生為德不殺為武嗟此頑民陷身賊境隨聲附和

誅不勝誅特行宥免據稱鉛山弋陽等處向有烏合

之眾勢窮力誦久思向化無路來歸如果出於至誠

凡從前被迫脅之人誰非叛圖赤子惟因江右道路

梗塞自拔無由此情殊可矜憫合即給示招撫為此

示仰被陷一應人等知悉江浙雖屬鄰省本部院痛

念地方久罹寇虐餘氛一日不靖百姓一日不安心切同體無分彼疆今大兵雲集上饒何難四路撲勦盡絕根株然兵威火烈於心有所不忍爾等既有志歸誠不妨逕赴本部院軍前傾心革面自當一體具題從優錄敘或願歸農或願効用各聽其便總令安插得所使爾等父母桑梓之鄉早覩太平安居樂業同游光天化日之下校之東甯西奔致被官兵槍斬者何啻天淵各宜猛省無失事機如再執迷後悔何及思之思之

嚴禁潛攜難婦他往告示 康熙十六年二月
為嚴禁潛攜難婦他往特飭稽查事照得浙東各屬因地方罹變官兵出師恢勦原為靖亂安民屢准部文嗣後殺賊之餘難民子女許令民間認領不得妄行搶擄刊刻告示曉諭百姓等因奉有

俞旨欽遵在案但滿漢旗營其中奉法者固多乘機搶帶者正復不少以致骨肉離散傷心慘目不忍見聞今難民陶人麟金允升匍匐京師伸冤控告現准部文嚴行查給除檄行按察司逐一確查彙詳核奪外今不法兵丁惟恐搶帶子女有干禁例寄頓省城者故

為藏匿更有裝載登舟潛攜北上希圖滅跡事關部案勢必水落石出根究尋查地方各官里甲人等漫無稽查殊干法紀合行嚴禁為此示仰兵民人等知悉凡有從前搶帶難婦人口已經贖還者槩不追究現在省城各旗營未經查明者一槩不許搬移遣發如有潛攜他往裝載上船該地方官鄰佑里甲船埠即時攔阻一面稟報該管官立刻查明具報各城門關津處所一體稽查倘致通同徇隱受賄放行查出從重究提地方官不行覺察一併

題參此係報部案件毋得視同泛常自取罪戾

示禁縱馬踐食禾苗 康熙十七年六月

為額天嚴飭縱放馬匹踐食菽粟以安民生事據西安縣繆村難民繆節秀等詞稱竊身地方播種菽粟為生向遭寇亂荒蕪數載今荷昇平蒙撫歸家開墾種植不知何營官兵縱放馬匹踐食幾盡身等鄉情愚民不敢趕逐哀叩嚴飭收回馬匹無許踐食菽粟等情到本部院據此為照營兵縱放馬匹踐食禾苗先經本部院通檄嚴飭在案據呈前情合再給示禁約為此示仰兵廝里民人等知悉嗣後馬匹止於空野郊原牧放敢有不法兵丁於民間開墾種植處所

李文襄公別錄卷六

禁踐禾苗

三十一

縱肆放青以致踐食菽粟妨廢民業者許被害人等指名呈稟以憑嚴拏重究該管官縱兵擾民一併參處不貸

示禁踐踏粟地強採橘果 康熙十七年九月

為號天勅示嚴禁兵丁踐踏粟地強採橘果以裕國課以安殘黎事據西安上萬里民萬元等呈稱身等世居上萬路值通衢遭寇殘害之後僅存橘木數株開墾荒蕪種植粟米供課資生近有兵丁成隊踐踏粟地強採橘果目擊心悲哀阻拂怒抽刀毆打茶毒何堪伏乞賞示禁約等情到本部院據此為照西安上萬兵燹之餘小民倍嘗慘苦種植橘果粟米輸課資生公私倚賴值此收成之際豈容兵丁成羣用強採摘踐踏傷殘甚至行兇毆打大干法紀合行嚴禁

李文襄公別錄卷六

禁強採橘

三十二

為此示仰兵民里甲人等知悉嗣後敢有不法兵棍經過地方擅採橘果踐踏粟地肆行騷擾凌虐鄉愚者許會同鄰甲協拏鳴稟以憑重處決不輕貸及聞地方各官亦常差役收買橘果致妨民間貿易殊屬不合一併禁止各宜凜遵特示

示禁橫索夫役 康熙十七年九月

為嚴禁勒索夫差以避民累事照得處屬日兵燹之後哀鴻甫集百廢待興本部院念此遺黎力圖休息愛養麗水青田二縣為賦郡孔道除白牌小票例有嚴禁不許支用人夫外凡關緊急軍務以及運送軍火錢糧等項勢必取用應付以勤機務查白處至既係屬下水一汛可到原無撥給絳夫之事頃據溫處道呈詳乃有不法弁兵或指緊急軍機或借風道漸沙咆哮肆橫額外勒索夫甚至欺官辱吏婪私折乾種種不法大干軍紀合行嚴禁為此示仰官吏弁兵人

李文襄公別錄卷六 禁索夫役 三

等知悉嗣後敢有不法弁兵於牌票所開應付外橫索下水絳夫或既坐船隻復勒陸路應付折乾肥己藐官害民恣肆騷擾者該縣指名申報以憑嚴拏從重究治本官縱容失察一併叅處不貸

行十一府屬申飭叛逆告示 康熙十八年十一月

為申嚴叛逆之條曉飭愚頑各保身命事照得四民樂業耕鑿茲歌孝弟力田仰事俯蓄使父母妻子安然歡聚此人生之大幸也浙屬數年以來海練兵燹愚民乘機鼓煽死於鋒鏑者不可勝計此猶以鄰變蔓延遺此惡劫痛定思痛正宜寒心股栗各相敬戒共樂昇平不意尚有邵良楞張川益等造刻印割謀為不軌發覺於浦江繼則楊有忠胡君彩等結夥倡亂於縉雲分割稱官幾同兒戲方一舉動旋即就擒今邵良楞等已經

李文襄公別錄卷六 申飭叛逆 三

題請正法梟斬市曹其餘擒獲賊黨現在嚴審究罪此皆自作之孽

國法森嚴不容寬貸惟是村野愚民安分守己者固多而奸勇疾貧為非樂禍者正復不少不知自顧首領因未講究律條一旦身陷大法害及鄉鄰而使老幼連坐重可憫也謹按

大清律內開凡謀反及大逆但共謀者不分首從皆凌遲處死祖父父子孫兄弟及同居之人不分共姓及伯叔父兄弟之子不限籍之同異年十六以上不論篤疾廢疾皆斬其十五以下及母女妻妾姊妹若子之

妻妾給付功臣之家爲奴財產入官知情故縱隱蔽者斬又凡謀叛但共謀者不分首從皆斬妻妾子女給付功臣之家爲奴財產並入官父母祖孫兄弟不限籍之同異皆流二千里安置知情故縱隱蔽者絞憲典昭然爾民皆宜家諭戶曉何苦以七尺之軀輕干三尺之法試觀近年叛逆渠魁擁兵踞險潰敗相尋何況狗鼠之麼稍萌異念立取屠滅本部院於念愚氓惟恐不教而誅合再嚴示諄切曉飭爲此示仰督屬士民人等知悉務須凜遵

國典保守身家共樂昇平將謀反叛逆律例互相講解

李文襄公別錄卷六

申飭叛逆

三五

俾鄉里宗族咸知利害內有不識字義者亦須傾耳默記念此叛逆不軌誅戮之外一人作孽害及全家祖孫父子兄弟夫婦皆不能保豈不可畏如地方遇有愍不畏死之徒造逆惑衆立即首報所可以免株累但不許奸徒以無影之事誣指害人敢有不遵致干嚴拏正法悔蕪及矣本部院特爲曉飭各保身家毋得視爲泛常不思儆惕凜之慎之特示

嚴拏眞靈飭禁株累告示

康熙十九年十一月

爲嚴拏眞靈巨惡飭禁砌款株累事照得衙害害人爲禍甚烈此輩舞文弄法作弊叢奸蠱媚官府魚肉小民是其長技如承管錢穀則有侵蝕加耗之靈經承刑名則有恐嚇詐財之靈供應軍需則有私派苛斂之靈催收糧餉則有勒贈索費之靈鑽竇用事則有關說過付之靈謀差籤票則有恣肆橫行之靈遇審事則有打詐班例之靈遇詞訟則有包庇打合之靈收稅管鹽則有剝擾商賈病民侵課之靈漕運驛遞則有扣剋苦累軍民夫役之靈甚至無中生有不風起波磨牙礪吻飛噬殷實之家提撥改移逢長本官之惡凡此眞正巨靈上而司道下而府廳縣佐各衙門無處不有浙省吏治不清閭閻困苦半由衙靈爲害先經嚴檄飭拏痛加繩治乃不肯劣員平日通同私賂貓鼠同眠視爲心腹豈肯割愛揭報或不得已而充數塞責不過么麼新役李代桃僵究竟窮兇極惡悉皆漏網更有積猾巨奸自知不免巧借無影之事故爲點綴或撫他人之款假砌虛賊及至發審尋多不實此又窩訪造訪兩浙歷來之大弊以故移甲就乙率皆素不謀面之人捕影捉風盡屬絕不相

李文襄公別錄卷六

嚴拏眞靈

三六

干之事如近日顧朝錫一案將訓蒙之屠合章指為
孤貧頭目炭行之吳伯泓開作典當舖家憑空插入
款內不但對簿情事茫然且使旬旬公庭經年拖累
諸如此類難以枚舉是盤惡未懲反致無辜小民先
受其害總由開報之本管官朦朧脫卸黑白混淆司
道各官又不實心體察虛應故事執法殃民莫此為
甚除另行確訪究併行司道遵照外合行出示曉
飭為此示仰督屬官吏人等知悉嗣後各該管官務
期嚴加鈐束不時查別毋得仍前容隱藉為心腹申
通過付食黥殃民自干系處真正積蠹即速開列真
李文襄公別錄卷六 嚴奉真堂 二十七

款真賊據實揭報聽候拿究倘仍踵錮弊徇庇大蠶
縱惡養奸及掩飾微賊故捏虛款再將事外無干之
人巧砌株連定將本管官及轉行揭報之官一體
題參仍將窩訪造訪奸徒拿究盡法處死言出必行各
宜凜遵毋貽伊戚

劉新入戶用山委事坊
洪清亂也 惜音而思懷

力敦風俗儉樸告示

康熙二十
年二月

為力敦儉樸以厚風俗事照得兩浙軍興以來此雖
滿目轉徙載道死於鋒鏑飢寒者不可勝計今幸地
方寧謐民物安恬凡我官吏四民父老子弟正各痛
定思痛省愆約已移風易俗之時也向聞浙俗淳厚
勤苦儉約喪祭婚嫁稱其有燕歲時伏臘飲食宴會
各有常度至於衣飾居室均安其分未有敢於逾制
肆侈者他若冶遊陸博一切耗費之事稍一濡迹人
輒目為不祥長老戒其後生父兄飭其子弟以故家
給人足民安物阜不意數十年來俗尚澆靡衣服必

李文襄公別錄卷六

力敦儉樸

三十

極其綺麗器皿必極其精工食物必極其豐美屋宇
必極其華飾爭相效尤無所底止梨園卜夜幾竭中
人之家車馬遊春豈止杖頭之費狐裘貂帽下賤及
於輿僮金纓寶釵紛靡悅其婦女甚至相優隸卒亦
竟無所分別矣更有兒女婚娶妻室生辰親朋應酬
里鄰宴會不憚變產揭債剜肉醫瘡最可異者行頭
物色傾家產以炫新奇賽會迎神逞淫巧以驚耳目
創名禮拜則旗械轟天演席花園則笙歌匝地而其
破家蕩產之尤者無如賭博馬弔構管串棍設局置
罔田產家貨立化烏有本部院亦既申嚴告誠近來

此風更盛殊切痛心惟是有司為親民之官鄉紳為閭里之望必先敦崇儉樸而後小民有所效法况當兵革災荒之後尤宜節省物力培養元氣止樂昇平用是諄切告誡合行出示曉飭為此示仰督屬官吏士民人等知悉嗣後一應居處服食婚喪宴會慶弔禮節各宜樽節自為生計其餘奇技淫巧冶遊玩好不急之費槩行痛絕不惟惜福安分亦以返樸歸淳至於賭博馬弔蕩析身家尤為首禁倘仍不知悔禍侈靡相高以致越禮逾制自干

功令定行拏究重懲以挽薄俗官員紳士更期澹泊儉約

李文襄公別錄卷六

力敦儉樸

五

共砥波靡諒有同心勿以本部院此言為迂也特示

禁革漕弊十款告示

康熙二十年九月

為禁飭漕糧積弊痛加釐剔以甦民困事照得浙西地方連年兵馬往來供應繁苦加以旱澇頻仍收穫鮮少以八十餘萬漕糧數十餘萬銀錢定限二月內盡數完納民間剝肉醫瘡已不堪命若再無藝謀求額外苛派官弁丁蠹橫行剋剝嗟此子遺何以存活本部院屢經禁飭不啻三令五申今徵漕伊始除經密訪參拏究處併檄行司道各府遵照列款嚴飭通行外為此示仰督屬官吏軍民人等知悉嗣後漕糧徵收兌運照依後開條約實力遵行如有視為故套

李文襄公別錄卷六

禁革漕弊

三

陽奉陰違仍前恣肆妄行者一經訪實告發立將官弁從重

題參棍蠹嚴拏盡法處死決不姑容致貽民害各宜凜遵毋忽特示

一糧米進倉出兌應用斛手籬脚看廠等夫修倉諸費前院以道里遠近酌量出錢或三十二文四十五文六十文不等貼給各項使用著為成規無如法立弊生前項制錢俱被不肖官役朋比侵漁復於此外故生枝節捏名指派迫漕船到次又聽強丁悍弁橫勒私截或二百文及三四百文不等計民間完糧一石

連正截私貼加派共費銀七八錢不等以致百姓罷市鳴冤逼迫自盡地方官如同木偶竟無區處良策殊堪痛恨今除完糧正截并原議貼制錢聽從民便自行支給外如有不遵官收官兌額外科索分釐私貼者該縣將不法旗丁立時拏解并縱容遲弁據實揭報以憑網責參革如監兌各官扶同容隱并道府查察不嚴一併

題參不貸
一自道府廳縣以及佐貳等官督徵監兌各有職掌自應釐奸剔蠹以期弊絕風清乃令運丁聽封橫行蠹

李文襄公別錄卷六

禁私漕弊

十一

棍交相煽或司漕各官全不悉心整飭百姓例懸莫知顧恒總以漕糧一項向來各衙門立有陋規公行派索具文解送甚至前官已經覆盡署官復肆貪婪上下相蒙甘受線索一任刁軍惡棍百般苛詐甘心隱忍莫敢摘發敗壞法紀莫此為甚今後司漕大小各衙門務須洗滌肺腸從新振作敢有仍以清規科斂分送者本部院察訪得實定將受贓職名特疏參革重處

一糧長之名久經禁革惟貪官蠹役無糧長不能藉以營私於是改易名目稱為區甲該年鄉總傳催當分

等項名色遞年更換究竟仍是糧里之人按役充當又積年光棍盤踞倉場負充歇家更名看夫等役串通該縣蠹胥從預徵輕齋月糧起以及開倉收糧出兌開行止指派之名愈出愈奇竊壑之慾不飽不壓浙西士民視糧長為畏途破產亡身人人飲泣嗣後爾民凡有本年應完清糧照額依限上納領串歸農不必復來縣倉伺候其積年衙蠹本部院現在訪拏該道府廳縣務將下惡惡蠹即時察拏據實揭報并將積年倉歇盡行禁革仍將革過倉歇姓名呈報查核如仍匿倉歇縱蠹殃民以及暗存糧長名色作弊

李文襄公別錄卷六

禁革漕弊

十一

逞私為掩耳盜鈴之計許爾糧里直陳控告本部院立時拏究為爾民除害毋得隱忍含容自貽伊戚一漕糧之為害不獨衙蠹倉歇縱橫虐民而地棍劣紳從中簸弄為禍尤烈查杭嘉湖土棍劣紳所獲皆有虎踞縣中擅作威福專橫鄉民某某股實某某恩備見伊該值糧現強拉包攬於中取利即前議定各夫工食制錢官蠹既已分肥於棍必留坐位名為計注糧船到支旗丁必先親暱其家私相打合然後赴倉講兌一應私貼銀錢由伊出口許貼一例派斂運丁仗彼巧作機關於棍藉此暗分潤名為賣水次甲

官明知而不敢問稍不遂忿羣起公許互相誘誦
見指陳地方利弊假公濟私者大約皆係此輩嗣後
如有劣於地棍人等在縣把持魚肉小民許被害之
人指名呈告縣官即時拏解以憑盡法重處

一斛面已准倉場衙門移行照依舊制祖解自應公平
斛量出入如一乃聞各縣現製斛面不用釘鉗不加
炮記故將鬆板裝成得以高下其手且十斛三尖淋
滴滿地小民粒粒辛苦而泥沙狼戾盡飽食腹殊堪
痛恨今歲收兌漕糧悉將官斛校準縣官親用鈐記
督收其淋尖錫斛并三斛一尖等弊盡行痛革敢有

李文襄公別錄卷六

禁革漕弊

三三

官役不遵示禁欺侮窮愚仍前婪索者許被害人等
指名呈告以憑嚴拏究治

一圖差害民本部院屢經嚴行禁革無如若輩狡同冤
窟官吏藉爲虎狼陽奉陰違成牢不可破之局輕者
灰石行月等項每一事必有一差道府廳縣佐貳等
官每一行必專一役濫差之害弊難悉數除現在密
拏外嗣後催收糧米并各項錢糧照依向例刊給簡
明易知小單將每戶下原該田地若干額徵銀米若
干逐一確核扣算明白每戶各給一單令彼照單依
限完納其道差下府廳府廳差下州縣州縣差下鄉

都嚴行禁革如仍踵前弊混差滋擾一經訪實告發
定將濫差虐民職名特疏糾參并將差役盡法處治
不恕

一今歲入夏以來雨水泛溢田禾大半浸沒自六月至
今異常亢旱早晚二稻俱無收穫即有稍獲些須大
率米粒碎小不能豐實收糧官止須驗明米色乾燥
潔淨燕有糠秕糲穀即與斛收不得借端指勒滋擾
如違許被害控告以憑驗明究治

一漕糧出兌軍民原不許見面向經各院條規存日額
定米數掣籤交兌限日開行歷有成案可考近來各

李文襄公別錄卷六

禁革漕弊

三三

屬官弁不遵成規派船配廠分圖對兌致旗軍認定
某圖某廠爲我應兌之米藉口截銀裁減橫索私貼
軍民交關如同鼎沸先經本部院檄飭隨據糧儲道
議詳製備竹籤令監兌印運各官於臨兌之時當堂
抽掣運丁領籤受兌等因批行在案嗣後印運官弁
一體遵照製籤掣兌永不許軍民見面如仍派定圖
都廠間配船對兌致軍丁藉端勒索糧民者將
官弁糾參旗丁細責不饒

一領運官督丁兌運起交隨幫官催償船隻回空俱應
潔己奉公恪盡職掌令領運官惟利是圖平時專橫

某家富厚可啖某人懦弱可欺無論軍籍民戶借倉運之名施攫取之術先以報名誘嚇私行賣放少不遂意即通申都司糧道不察來歷混行倉卒若蕪奈承認則又多發難端如措索見面花紅匿賣底船字號等項種種苛索不可枚舉窮丁受累家破人亡如杭州右衛千總蕭發運死運丁喬慎可金華所千總謝天濤將民戶余士蛟混扯軍籍挾仇妄報已經審擬發落此皆明驗也至於現在運丁每年定有陋規先勒具送領狀隨於現發錢糧扣除及督船到次概容軍丁恣肆打詐插身分潤恬不為恥隨幫官皆係

李文襄公別錄卷六

崇寧漕弊

五

蕪籍棍徒負緣冒充批委到手一班狐假虎威科派滋擾以致軍丁弁髦法紀臨兌成羣賈詐開行任意逗運糧船愈致稽遲小民益淡苦累漕法弊壞皆由於此今後一應陋規極詐等弊盡行革除如再貪黷乖張擇股飛噓駕軍害民許被害人等據實呈控以憑嚴拏按漕法細打仍行參革不貸

漕載銀兩原係給軍之項祇因軍需孔亟酌裁充餉餘仍給發軍丁近有借充餉之名銀色勒令足紋傾鎔成錠方准收受每兩勒加火耗一二錢不等解費四五分不等嗟此窮民何堪剝削今年收截止須驗

明紋色卽零星小塊亦准收納其火耗解費添兌等項盡行禁革至於運丁以船為業經洪歷險惟籍載銀支應每開給發截頭攬和色銀短少等頭放散員重修船行月折銀盡借使費名色看幫次之強弱定扣頭之多寡甚至四折五折六折不等運丁愈窮瘠民愈苦皆由不肖官扣剋之故嗣後給發各項錢糧該管官務須當堂親行驗給不許絲毫扣除如仍隱鋼弊不加痛改本部院查訪得實參拏究處悔之晚矣

李文襄公別錄卷六

崇寧漕弊

五

一受兌開行向來定有嚴限凡幫船到次即時開倉立督上船今監兌各官袖手旁觀衙蓋枰棍交相敲煽名雖調停實營私窟致運丁稽延觀望漕運一日不開必有一日加增遂致軍民交訐成何法紀今漕船到省勒令即日興工修船一完即令赴次交兌不必俟齊成羣生事如漕船到縣該糧儲道酌定交兌日期檄知印運官弁遵照如某衛所某幫某丁船於某日到次該縣卽日通報然後將某日兌給某丁船米數三日一報以憑本部院查考如有逾限不報開行卽以違禁索詐聽候拏究稅遲為速庶於漕務有裨

嚴禁奸民通海告示

康熙二十一年九月

為嚴禁奸民透越接濟以遵

功令以安海疆事照今沿海一帶賊艘飄忽靡常每因乘
間登犯焚擄劫掠擾害生靈現經整頓舟師刻期剿
蕩惟是此等游魂奇命窮洋必藉米糧貨物苟延旦
夕若無接濟何能存活本部院節次申嚴力行保甲
共相稽防協力守禦以期疆圉鞏固民生安業今台
寧各汛日報賊踪游移內洋屢次登犯揆厥所由蓋
以時當秋盡禾稼登場希冀乘機搶奪以為糧食除
經嚴檄沿海各將領轉飭備禦加謹巡防外恐有不

本支事本別錄卷六

嚴禁通海

三十七

法奸民交通透越干禁矣為利寇資盜俱不可定合
行通飭嚴禁為此示仰官吏兵民人等知悉務各遵
遵法紀毋得妄行透越米糧紬布及一切貨物不得
違禁下海交通接濟其地方保甲自為稽查守口官
兵嚴行巡緝毋得知情容隱通同故縱敢有怒不畏
死之徒甘蹈重法定行嚴拏照例治罪決不輕貸稟
之慎之

申飭合屬文武告示

康熙二十一年七月

為曉飭合屬盡除夙弊砥礪官方稟遵

功令事照得浙省自值軍興本部院督旅三衢專意辦賊
兵馬絡繹機務旁午雖民生之休戚吏治之臧否戎
政之勤惰俗習之奸良未嘗不時歷於懷第以遠距
上游輟長莫及地方文武不肖官弁恣肆敗檢貪黷
乖張信盡行奸徇情需獄嚴刑酷拷私派橫徵干犯
法紀之事無所不為甚而聚盜誣良縱兵行劫巡防
惟工騷擾守禦每致疎虞占冒虛糜講張掩飾則又
所在皆是馴致地棍勾旗指逃串詐營兵放債准利

本支事本別錄卷六

申飭合屬

三十八

賣身媮民以局賭破家惡少以游閑上盜劣科把持
武斷豪右怙惡無良風俗澆漓人心敗壞總由司土
各官不能視躬表率以至於斯也嗟嗟吾民游經盜
賊兵燹供億糧芻雨暘疾病之餘迄有今日三空四
盡室無蓋藏羅殺賣絲僅存皮骨此正加意休養冀
培元氣之時豈容不肖官弁縱容兵黠旗廝惡棍荼
毒吾民本部院每念及此不禁痛心疾首又念人難
至愚誰不顧惜功名自愛身命今奉
旨班師重稅昇平此正諸務維新之時故不靳告誡叮嚀
改過遷善盡除夙弊毋干大法其真正貪官衙蠹勢

惡土豪悍兵地棍除一面確訪分別參拏從重究處
實力舉行外合再曉飭爲此示仰督屬文武官員兵
民人等知悉自今以後務各稟遵法紀克勤職業極
稱官方敢有不肖文武劣員貪酷敗檢叢弊殃民巨
蠹窮兇過賊執法強兵悍卒生事滋擾尤棍營梟借
端挾詐豪右劣矜把持怙惡或告發有據或訪聞得
實一面拏究特曉
題參從重懲處決不姑貸慎之慎之

李本寨公刑錄卷六

申協合屬

正本

嚴禁賭博告示

康熙二十一年七月

爲緝拏賭博奸徒以靖盜源以安地方事照得呼朋
聚賭多係游手無藉之徒輪極無聊則亡命犯法之
事無不可爲故語云賭近於盜况今世風日變呼盧
不已轉爲鬪葉馬弔之風浸淫遠近忘餐廢寢晝夜
不絕於是奸棍乘機串同旗營豪惡開場放賭接應
良家子弟殷儒愚民引誘入局拈頭設阱潛藏高樓
密室淡巷幽居婦女司門蹤跡詭秘鼠則流連忘返
輸亦無計脫身遂使勒索滾利傾蕩家財窘辱兒戚
準折妻女更有一種惡棍糾合旗丁身藏賭具匿於

李本寨公刑錄卷六

嚴禁賭博

申

冷街僻巷廟宇神祠喝采擲骰巧誘無知執籌行詐
又或羣聚通衢藉名擲色遇有擔負行人蜂攢搶奪
種種無良不可枚舉地方印捕等官漫無巡察總甲
捕役縱庇扶同馴致奸徒肆無忌憚強劫公行率由
於此本部院屢申告誡全無改悔總以軍前遙遠未
經懲創賭風日熾盜患難除今當旋省加意剔釐一
面密飭該管官緝拏嚴究外合再禁諭爲此示仰官
役兵民里甲人等知悉嗣後凡有窩藏賭博聚眾呼
盧以及鬪混江打馬弔者許該坊里保總甲鄰佑執
獲籌具報明該縣嚴拏如係民人卽照例擬罪具詳

如係綠旗營兵解赴本部院軍前盡法懲處如係滿
 營旗廝即行申解以憑帶赴公衙門會同
 將軍照例重治有經旁人首告審實必將該地方里
 甲人等連坐究擬或係本部院訪確差拏定將印捕
 各官照失察例來處言出必行斷不寬假衙役里甲
 人等亦不許借端騷擾及刁惡地棍捏情誣首加等
 治罪慎之毋忽

奉天奉天刑部
 嚴禁賭博
 聖
 奉天奉天刑部

嚴禁營債告示 康熙二十一年七月

為嚴禁營債剝民察拏奸惡緯棍以遵
 功令以甦民困事案准

兵部咨開會都御史張 疏稱營官壓勒地方官員
 賈事說情官兵占行賈易恣行放債將民間之妻子
 忍拆嚴行禁止等語應將此處行文督撫等通行滿
 漢營官兵丁若有擾害地方情弊者該督撫等即指
 名題參若督撫等徇情不行題參或被科道題參該
 督撫等一併嚴加議處等因奉有

諭旨欽遵通行禁飭又查現行則例內開旗下人既不准
 奉天奉天刑部
 嚴禁賭博
 聖

出境外放債與境外州縣民控告者樂不准行其境
 內之人欠債能還而刁蹬年久不還者准行審理若
 借債之後身死而家業實無可還之物者債主雖告
 亦不准行等因頒行在案是營債剝民久有

禁令其如浙省無藉惡棍毒多駕營滾利違

旨殃民本部院屢經禁飭悍兵惡棍全不悔禍自悛流毒
 閭閻日甚一日凡遇民人借債止有七折八折票約
 則勒寫足數又加每月每兩行利三分此外又科索
 東道錢保人錢種種名色窮民借銀到手十不及半
 迨至取債不容少寬時日或利息過月不還又勒展

票利上加利不數月間貨產吸盡禍及妻孥始慮民人
不即依從先肆兇威登門毒毆弔營拷打百般狼藉
藉命若懸絲勢不得不需妻賣子甚至毆打傷重慘
致殞身又或窘迫無聊因而自盡而狼丁惡棍方且
張牙磨吻擇人飛食里鄰親族咸遭波累本利必算
孰敢通欠分毫管債之害一至於此惟是推原禍始
旗管與民人原不相識乃有一種絳棍勾通引誘輒
單牢籠今欲除違

旨判民之大害必先除釀禍設國之根源除暴安良惟此
為亟除否會

奉政要本刑錄卷六

嚴禁管債

聖

鎮浙將軍外合再嚴示禁飭為此示仰官吏旗民里
甲人等知悉嗣後旗營兵廝務須恪遵

功令不許重利盤剝及違例出境放債凡從前未清債負
止許照依本利清還如果有刁蹬不還止許照例呈
告審理如敢仍前恣肆行弔打逼勒妻孥飛害親
朋鄰里者被害之人據實呈告以憑會審治罪至奸
惡絳棍亟宜痛改前非毋許交結旗營影射詐害如
再容爾旗廝交結往來公然放債及巧立印子錢百
日錢等項名色代為中保圖利者兩鄰總甲報鳴該
地方官擊解本部院軍前審實立斃杖下如兩鄰總

甲通同容隱告發訪聞定行一併嚴究懲處爾等百
姓亦須仰體軫恤毋得甘墮術中自貽噬臍有負本
部院恤民至意

奉政要本刑錄卷六

嚴禁管債

聖

禁革巧取火耗告示

康熙二十一年七月

為禁革巧取火耗以蘇民困事照得本部院視師九載雖軍旅倥偬凡於民生疾苦時刻屢念所有與利降害之事申嚴告誡不啻再三無奈銅弊叢奸牢不可破如各屬火耗一項有名為自封投櫃及至拆封或稱銀色青潤或稱等頭短少既已按數追補仍復加倍科罰以為榜樣而差役需索往來使費又且倍蓰鄉民視為畏途何敢不加一加二投封於櫃以圖不測之禍又巧立官匠名色一應錢糧俱令赴彼領餉稱足必用官匠烙記又設匠頭在櫃估驗復令印

李才聚令別錄卷六

禁取火耗

聖五

鈐封上方准投收若無舖匠記號櫃吏決不給發收申蓋假手於匠役稍不遂意惟銀匠是問在匠役既飽現在之窘整復畏將來之株累自不得不為官蠹預留地步勒令加一加二此外經收櫃胥每給一串亦必勒錢一二寸文且開完納房號不計完銀申票竟算房屋間數且於間數之外浮加混報指稱各衙門公費肆意瓜分各蠶乘機弄完房號一間勒申錢四五十文不等亦有縣胥不收申錢弄里竟派規例或入兩十二兩每年二次徵收及至領銷發解又按圖加派名為解費公然紙票追徵上下相蒙恬不為

怪本部院雖遠駐上游民間利弊洞如觀火即欲繫繩以法誅之不勝其誅今當班師耳目日近各宜洗滌肺腸痛加俊改決不肯少事姑息重困吾民除一面現在察拏叅處併檄行布政司及各府遵照通行外合行嚴示禁革為此示仰官吏士民人等知悉嗣後徵收錢糧遵照

部頒法馬聽民自封投櫃如有零星小塊止期足色紋銀而止不得勒令傾鎔成錠若果有青潤短少止許將戶名欠數開明示知該里聽其下次完補不得擅差胥役下鄉滋擾其一切加耗并設立銀匠傾估

李才聚令別錄卷六

禁取火耗

聖六

鈐記科派解費及櫃吏指勒申錢等弊盡行痛革如有陽奉陰違官蠹通同斂派巧取分肥爾百姓即據實指名呈告以憑嚴拏審實官印特疏從重題參蠹即立時處死本部院言出必行斷不寬恕各宜猛省保全身命毋貽後悔

嚴禁關稅橫徵告示

康熙二十一年七月

為再申嚴禁額外橫徵之弊以遵

功令以肅關政事照得商賈買賣貨經營設關抽稅奉有部

頒則例分別條款照項徵輸然必俟商賈抵關按貨

抽納從來有就地交易部則不載及貨不由關并己

經過關上納稅銀之後積蓄奸書叢弊執法縱差巡

攔擅遣家人內丁分踞要津借端搜奪任意苛求節

節搜查常稅之外復多私稅層層疊罰倍稅之銀幾

俸貨本即如省城水陸各門一班蠹棍輒借查積名

色不論時零包裹半肩行李無不喝令開看倒篋翻

李士英奏本朝條奉本

禁稅稅徵

甲午

囊行同禦貨乘機搜奪無所不為以致商旅視為畏

途怨聲載道前奉欽頒

恩詔內開各處關差有將不應納稅之物額外橫徵差役

四出分踞津隘擾害商民者該督撫題參若不行題

參事情發覺一併從重治罪等因欽此是責成督撫

稽察關政橫徵之弊既嚴且切向因遠在軍中已經

出示禁飭今本部院班師旋省商民困苦亟應懸虛

斷不容仍循前弊除一面密訪查拏外合再申嚴示

禁為此示仰官吏商民人等知悉嗣後貨物應行納

稅者俱照定例遵行不得隱漏取咎如有仍前將不

應納稅之物蠹書作弊額外橫徵巡攔差役分頭四

出盤踞津隘及各城門恣肆擾害借名搜求者或經

訪聞或被告發查審得實定即特疏

題參蠹書攔役一併嚴拏盡法究處斷不姑恕凜之慎

之

李士英奏本朝條奉本

禁稅稅徵

甲午

嚴禁捕役誣良告示

康熙二十一年七月

為嚴禁惡捕線盜板窩誣良私拷以肅法紀以安民生事照得捕役誣陷私刑立法甚嚴現行則例內開凡番役人等捉獲強盜先送官審不許私刑取供違者於本衙門枷號一箇月責四十板革役如得財及誣陷無辜者從重科罪至於妄用腦籠毛竹連根大板及竹簽烙鐵等刑致斃人命者以故殺論不准援赦其初招既定不許積板又孥強盜於未審之時水問官即驗其有無傷痕如有傷者即將捕役詳審照例懲治等因遵行在案

李之襄奏本朝錢糧

禁役誣良

卷七

國法昭然孰敢違悖詎意奸惡捕役不懼死凡遇竊事案不將其犯上緊緝獲先驅殷懣鄉愚指窩指盜任意私孥多在溪林僻地古廟菴觀空房冷屋之內非刑弔拷五毒備至名為做案言之慘不忍聞當此生死呼吸之際何求不得隨所意授矢口招承清白無辜之人頃刻即成眞盜於是恣其勒詐傾家蕩產賣子鬻妻無不飽其虎吻乃復公然私放又慮事後告發故當弔拷之時埋勒親供留為左券使被害者備受慘苦緘口難言若或詐案不遂即以拷勒口供為憑離點私賦嚇令到官照供直認少有更改倍

加嚴刑嗟此蚩蚩之民心膽墮地只顧目前暫緩痛楚含糊供認地方官方以獲盜為倖以奸捕之刑拷

勒供奉為金科玉律冀圖結案誰肯細心推勘即司府各官拘泥初招亦不暇更端平反孰知差之毫釐失之千里無辜之民憑空枉陷有案未結而拖累瘵死即間有一二昭雪而身家早已破碎及至眞盜就獲則又勒囑板窩株連妄指統兇肆捉勢若抄家劫掠姦淫無所不至橫行蔑法言念及此奸捕罪不勝誅而杭嘉湖寧紹為尤甚除一面密訪嚴拏從重究處外合行出示嚴禁為此示仰官役軍民人等知悉

李之襄奏別錄卷六

禁役誣良

卷七

嗣後敢有前項惡捕誣良詐害妄用私刑買盜板窩株連波累如前所指諸弊許被害人等據實指名呈告以憑嚴拏審有實據盡法處死若在溪林僻地空房古廟菴觀寺院私刑弔拷許地方鄰佑僧道密報就近有司添差協拏將惡捕嚴禁通詳從重究擬如有扶同容隱事發一體治罪該管各官嚴加申飭據實揭報敢再徇縱殃民定即一併一
題參本部院法在必行斷不姑貸

嚴禁杓棍條陳告示

康熙二十一年七月

為嚴禁杓棍巧借條陳公行挾詐剔積害以彰法紀事照得地方大利大害公是公非自必博採輿論原不禁絕人言壅蔽耳目孰意人心狡詐習俗澆漓輒有一種無恥劣杓串通訟棍慣弄刀筆出入衙門初則獻媚乞憐繼則求情關說橫行鄉曲飛食善良庸闇有司任其簸弄起滅詞訟包攬公事無所不為遂其所欲結聯同類長篇疊牘稱頌德政稍或拂意號召死黨搖唇鼓吻投遞條陳閱其詞若似乎義憤填胸究其實則盡皆誇張滿紙又復暗砌款蹟羅織多

李文襄公別錄卷六

嚴禁條陳

三

人夙怨微嫌讒言塵案無不闖入偶或聳准志得氣揚地棍從而和之凡詞內有名之人盡可供其刀俎百般嚇詐展轉誅求既饜其慾不難調停收局匪影潛形或詭覆匿名或巧行檢舉愚民畏其拖害事外懼其干連即被指摘之官方欲匿瑕掩過曲意相徇從此把持之勢愈堅圖詐之心愈辣是此輩雖黃短長竟可操汝南月旦之評矣本部院飭吏甚嚴嫉惡尤甚如果有貪官蠹役身被婪詐慘痛剝膚何難指名呈告安用借稱利弊假公濟私况因條陳受財詐害者不一而足早已灼見肺肝地方所有大利大害

自必廣諮博訪加意興除刀筆快意顛倒是非妨政厲民首宜痛革合行飭禁為此示仰官吏士民人等知悉嗣後劣杓積棍亟宜痛改各守本分肄業保身如或故智不悛假捏條陳希圖挾詐仍前聳誑一經察出文武劣杓即行概革從重究擬地方積棍立斃杖下爾等百姓倘有受害據害控告以憑嚴拏懲創決不輕貸

李文襄公別錄卷六

嚴禁條陳

三

嚴禁兵捕假緝私鹽告示

康熙二十一年七月

為嚴禁兵捕假緝私鹽搶劫肅法靖盜以恤商民事
照得杭嘉湖紹一帶舟楫往來既苦於盜賊生發復
苦於巡鹽兵捕其兇惡更浮於盜有不勝其害者夫
鹽捕之設止司巡緝私販乃因不逞巨梟聚夥拒捕
而鹽捕得以揚舡列械使得禦敵防身遂致流弊無
底凡無良執法之徒癩心斃目營謀充捕腰牌入手
符可護身輒駕三柁快船明列鎗銃器械或盤踞要
津或分截港汊凡遇商民往來船隻無論有無私鹽
邀截盤查巧立酒錢及燒紙名色船內本無顆粒鹽

李文襄公別錄卷六

嚴禁兵捕

五

斤亦必勒收常例若遇孤客行舟隻身鄉儒即將資
囊什物肆搶一空飛棹遠颺莫可蹤跡甚至黃昏暮
夜公然行劫嗟彼商民飲泣吞聲無門控訴尤可恨
者嗣有殷實鄉愚或遇重載貨物或微鹽倉內或暗
櫛鹽包名為生蛋飽其獵詐卽化有事為無少與爭
衛便可認真駕害誣稱搜獲証首有司不肯官吏方
且欣然藉以居奇動指私鹽二字隨意鍛煉傾家蕩
產天日俱昏夫盜賊行劫尚慮鳴官贖緝此輩為盜
反可進退自如呵問則有巡鹽之名追尋又無行劫
之迹竟可公行於光天化日之下矣卽有一二受害

告發其如該管之官平日既受其牢籠事發又慮為

失察以致大法難申民害日甚至若兵丁巡鹽尤當
恪遵軍紀乃敢扞法行奸稔惡與鹽捕相等如杭協
千總崔士泰縱兵朱一進等借巡鹽名色行劫監生
沈廷徵等財物此卽近日明驗除按軍法緝打斥逐
并兵丁現在嚴審究擬今本部院班師凡此藐法害
民之事亟當首除一面密訪嚴拏外合行嚴飭為此
示仰官吏兵民商賈人等知悉嗣後凡有巡鹽文武
衙門務須嚴飭兵捕痛改前非如果有巨梟積販人
鹽確據者仍行拏究外其商民往來船隻一概不許

李文襄公別錄卷六

嚴禁兵捕

五

借名盤查希圖索詐倘怙惡不悛仍行駕舡列械搶
奪商民船隻及生蛋聚詐者告發訪聞立將該管官
飛疏
題參奸惡兵捕嚴拏處死決不寬貸

李文襄公別錄卷六終



序

壬申之歲竊得參訂武定先生年譜已又盡得所為
奏疏文移諸稿頗檢點之既卒業撫卷而歎抑何其
與有明王文成公生平奕世同符也文成撫南贛而
定宸濠之亂先生制兩浙而定耿逆之亂皆值藩臣
干正其事同也文成論功錫世爵先生亦論功得世
職其酬勳亦同也夫漢之周勃亞夫唐之李郭等豈
不亦更一傳而再造者乎然類皆兜鑿之臣耳即雷
侯武侯鄴侯非武臣矣而不出於科目惟文成與先
生皆以名進士起家而知軍旅之事故曰同也然而

年譜

唐序

亦有不同者文成獨見知於王晉溪司馬預為戡定
之謀先生乃受知於

聖主得奏匡扶之績則其知遇不同宸濠羽翼未定一鼓
而擒耿逆犄角方張三載始靖則其難易不同文成
由郎署上封事不畏強禦譴官幾罹不測先生由烏
府拜昌言亦不畏強禦超遷獨承異數則其遭逢不
同文成事平而起讒言迫易世而後膺新建之封先
生事平而內召大司馬大家宰授世職而有繪屏之
拜則其酬庸不同獨是文成嘗聚徒講學而以良知
為宗先生則以至誠為本姑無論學術即遭逢建豎

有如文成者抑亦指不多屈矣而先生由司理以來

正色敢言不避強貴凡所規畫皆救時之良藥者為
令甲者班班可考此即先生阜比橫經之餘也及出
督浙師力清海內餽遺之習且傾產以佐鼓勵用命
之資危坐輪指扼塞在握屬吏對而驚心三軍聞而
感泣行間流離之屬已成死別而僥得生聚以歸鄰
省革心之衆不投近壘而遠來釋戈於浙而先生運
籌之詞亦惟曰廓然而大公物來而順應而已講學
孰有大於是者哉故雖偏裨走卒皆得引入帷幄叩
其疾苦而知其情狀以奏奇功至於軍需支領之數

年譜

唐序

以不先闕白司農而屢不得請於會計者殊然發憤
然不以為意也謂當其時甲冑被體矢石當胸業已
置吾性命於度外而遑計及身家之區區耶懋賞之
王言如雲宜捷之露布如雨筦中樞歷冢宰金甌之

九重最慎重而不輕下者而卒以昇之上下感孚之盛宜

若文成生平所未嘗有者蓋其與文成同者值逆藩
之亂紀而其所不同者逢

皇上之知人也而要之非至誠之格乎不及此夫誠即知
也良知即誠之至也究之未有異學也歸

關廷後絕口不言蕩平之事亦不一登貴戚之門一介不

苟取與落落不與時諧然名益高而情益孤矣未幾

一再乞休致政歸里日惟杜門謝客雖盛夏嚴寒蕭

衣冠一編獨對而已先生雖不能與時俯仰然敷歷

中外激頑洗貪扶翼世教增重

國光其為翌贊不止在疆場勳勞已也迨

皇上已巳南巡先生率在籍諸臣同地方官恭迎

聖駕於德州郊次

皇上停鑾問勞垂詢年齒

天顏醉移玉音和暢嘗辱從筵羽之後親見其盛自昔勳

年譜

唐序

三

臣以功名始終精力矍鑠雍容里門者史冊不易多

得微論文成矣今彙集章奏若干卷啓稿咨稿文告

之屬凡若干卷以行於世猶記十餘年前曾有贈句

云陰功武惠為前輩封爵文成屬後身覽斯集者其

亦有感於明良之會也夫時

康熙三十有二年癸酉正月滿川舊史氏唐夢賚拜

手敬題

李文襄公年譜

杭州受

歲在壬戌明天啓二年八月十八日卯時

山東濟南府武定州諱之芳號鄴園 先世自真定

府棗強縣徙居武定譜牒洊經兵燹散失宗系遠不

可考高曾以來代有隱德為閭里所稱祖墓在州之

北距城三里許以公貴建坊樹表豐碑崇畫佳城鬱

蔥積善忠孝之家盛事也

癸亥天啓三年公二歲

甲子天啓四年公三歲

年譜

十

乙丑天啓五年公四歲

丙寅天啓六年公五歲

丁卯天啓七年公六歲

戊辰崇禎元年公七歲

始就外傅

己巳崇禎二年公八歲

庚午崇禎三年公九歲

辛未崇禎四年公十歲

壬申崇禎五年公十一歲

癸酉崇禎六年公十二歲

一日就塾偶遇方外異人目公曰郎君好自愛公輔之相也

甲戌崇禎七年公十三歲

初應童子試見知於王崇巖郡侯

乙亥崇禎八年公十四歲

丙子崇禎九年公十五歲

丁丑崇禎十年公十六歲

戊寅崇禎十一年公十七歲

娶元配夫人胡氏

時山東督學使者為浙江翁一癸先生解元名進士

年譜

二

衡鑑公明考場生童交卷多面閱得公卷即欣賞大書取字示之補濟南府庠生

己卯崇禎十二年公十八歲

庚辰崇禎十三年公十九歲

辛巳崇禎十四年公二十歲

壬午崇禎十五年公二十一歲

鄉試中式第九名

癸未崇禎十六年公二十二歲

丁父母憂居喪營葬皆遵古禮

國朝順治元年甲申公二十三歲

順治二年乙酉公二十四歲

順治三年丙戌公二十五歲

春試南宮未第

順治四年丁亥公二十六歲

是年

詔復行會試中式第九十六名

殿試三甲第四十四名

順治五年戊子公二十七歲

順治六年己丑公二十八歲

授浙江金華府推官

年譜

三

十一月泄任首謝請託發俗薦紳遊客遇事率多關說民志輒不獲伸公槩絕之訟獄以平

東陽縣多盜賊鄉結為社即古守望相助意武弁好事動必徵調致都社呈控上官委公查覆公謂設防

以來民既苦於土物之餽又苦於芻茭之供若再迫

以奔走折衝恐馬力之竭而泛駕也防官誠能訓練

精銳之氣自倍安用此不知步伐之社兵壯其旗鼓

乎給示禁飭毋容後時

順治七年庚寅公二十九歲

總兵馬進寶即馬逢知駐金華性驕縱所部兵毒抑

買民物民漢以為患官吏緘口莫敢問惟公繩兵以法遂知泣訴道府欲令地方官監買公拒以無此例但令其照市價無擾民乃得安迨後遂知以不軌伏誅是公於十數年前已先見而概邪覲矣

金華縣民張十三衙堂兄張三兩宿怨乘孤村夜兩棍擊三兩立斃借弟張十四投屍溪中滅跡三兩有寡嫂倪氏聞聲及其妹張氏啓戶視之血漬殷然張氏具控以雪兄冤證據明確兇犯亦俯首服辜而上司必欲獲屍檢驗且以兇仗不得再三批駁幾成漏網公謂棄屍逝波必滅兇仗若以無屍檢驗得從狡

年譜

四

脫則棄屍水中之律可以不設况木棍可滅而血漬難泯倪氏雖死而張氏猶存即張十三妻范氏亦不能為夫諱安能寬其殺兄之戮卒正典刑

順治八年辛卯公三十歲

巡按御史杜公覺菴按部金華欲清理獄囚時逮繫者數十餘案杜語公令吏胥攜卷以備省察公曰不須攜卷但逐案喚問即可清理至則某案情罪緣由如是某案口供前後如此詳述纖悉無遺杜曰此真司理也

婺城當兵燹後土著流散市鮮寄廬即有舊家舍宇

悉為隨征將卒占住民多野棲露宿之歎公逐一清查將營弁大廈一十一所兵房一百五十七所給歸原主民始得聚廬而居焉

秋八月浙江鄉試公同考分易二房得趙昕許兆桂范敬生楊學溥張晉錢洪泰周贊許日霖等八人許日霖後更名曰琮登進士官御史

是年八月二十一日恭遇

覃恩授公為文林郎

救贈公父如其官母贈孺人元配胡氏封孺人

順治九年壬辰公三十一歲

年譜

五

撫按委修賦役全書先是委杭湖二刑官編纂日久未報成書遂改委公公念賦役一書為國計民生所係於是稽求往牒斟酌時宜多者裁闕者畱挂漏者考覈隱蝕者清釐衰多益寡務求合於大公用經久遠費盡調劑澆心書成上之各院撫院蕭批該廳於布在方策中斟酌通融因革損益具見為國民籌計苦心按院杜批條分縷析備徵石畫如議編纂付之剞劂以垂永久

部民周成之與周彝之同族屬行素有隙乘陳希文被劫失牛告緝在縣遂將彝之呈首復於彝之家搜

復一牛私囑希文冒認致葬之莫能辯竟陷死法筆楚之下妄扳周英之等英之激而上控公察辭辨色反覆推究乃知向指所盜係成之設謀以害葬之而英之等尤屬無辜據縣詳則葬之萬無生理公按葬成之而出葬之沉寃始雪羣稱神明

順治十年癸巳公三十二歲

巡道以獲盜大案委訊內有李四陳鸞等一案已論強劫坐十一大辟矣公鞠而疑之謂屠法與吳成二家同日被盜居非連址且相距甚遠李四陳鸞等既盜吳成何能又盜屠法審據屠法稱入門止覺二三

年譜

六

賊吳成亦供不過三人呼鄰追散因辨初招開列多人之非引強劫論死之誤乃將李四陳鸞詳賊各杖餘犯竟行釋放

方銓九殺死方五十五及妻陳氏事經五年屢訊未服幾於漏網公平心研審不動刑訊而虛實各獻其情總由至誠明察民莫敢欺公在婺六載於八邑健訟慣証之徒一經對簿數年不忘再見即能舉其姓名以故奸猾斂跡服心向化

義烏縣令宋某與駐防武弁不相能武弁懇於上司委府廳鞠之宋令持三百金乞助公諭之曰武弁暴

橫使有司不得為民戢兵余所夙惡也余惟秉公審斷乃能令彼心服若先自私曷由執法弗受迫鞠訊之日剖決兩造俯首允協即堂官亦不能出一語唯唯而已

是年舉公卓異

恩賜蟒袍褒榮

順治十一年甲午公三十三歲

四月陞刑部廣東司主事將司理讞稿彙次成帙頗為棘聽草刊刻問世并載署攝郡邑各篆事時條陳民隱疾苦及纂修賦役全書調劑制用征輸安全良

年譜

七

法公自序有云凡所承斷一秉大公使詢者盡言諱者獻詐反覆推勘務得其情而已即有不得寧為閉閣勿為姤簡又云念此三尺誠非武健自快之物鏡其情理以準於法苛心恕心兩無所庸於此見公之明刑慎獄學力心術而恤民體

國早裕變理輔相器度

十一月抵京師蒞刑部任

順治十二年乙未公三十四歲

上諭各部院衙門有才優經濟堪任養民者咨送吏部從優擢用滿漢堂官會議舉公公力辭或謂公曰優陞

他人求之不得君奚辭為公曰余歷俸尚淺未敢先
人後堂官乃以他人易之且語公曰失此機會勿後
悔公曰若有後日之悔則無今日之言

順治十三年丙申公三十五歲

三月陞刑部山西司員外郎協修

大清律

十一月陞刑部湖廣司郎中加一級 題留久任

順治十四年丁酉公三十六歲

三月初十日授公階朝議大夫

詔贈公父如其官母贈恭人元配胡氏封恭人送一子入

年譜

國子監讀書以長子鍾麟廢

識積案獄詞特南開科場弊發

世祖章皇帝命嚴鞠令將在事六十餘人口供勘語攝為六

十餘疏各予以應得之罪款狀糾結夢如亂絲啓心

郎不能理舉以委公公立辨明晰瞭如指掌是時

世祖知公辦理明敏獨承

眷注遇六月

恩詔加一級總理刑部十四司案稿

上諭裁刑部啓心郎一時十四司科抄董成無人僉議以

公總理其事京抄存招冊數百葉公曰各省刑獄閱

實於內部民命繫焉若有一穢可生者機不為謀經
看出是由我我之也以是毋招必再三緝閱平反甚
多

順治十五年戊戌公三十七歲

九月

世祖御試改授監察御史

十月補廣西道監察御史

十一月有蘆葦私食民解清奸除弊禁革委官查勘

以恤民生嚴察假冒棍徒以靖地方各疏

順治十六年己亥公三十八歲

年譜

春正月都察院堂劄為政治既期精詳法守宜垂畫

一事奉

旨選委專管纂修會典夏五月巡視西城秋七月以悖

旨委官特參兩廣總督

順治十七年庚子公三十九歲

正月掌陝西道事

六月代巡山西按部所歷必延見士民細訪疾苦以

圖實政貪墨解殺勢豪屏息

公廉知晉省風俗漸澆婦女毒毒輕生或舅姑抽埋

夫婿之間稍有嫌隙輒投井維經仰藥列頸母家痛

以搶奪豪猾因之索詐一婦之死致父子兄弟相率
傾家公先示諭明禁復嚴加重懲搶奪索詐者務必
追給即分帛齋醮亦不准有司輕斷澆風頓除
順治十八年辛丑公四十歲

學士常公格囑子師事 時公巡方三晉

世祖賓天遇常學士於哭臨所學士謂公曰敬服先生為聖
賢中人也學士還京師復語同官稱公盛德不可及
不去口公入都學士過邸會晤敘談竟日未幾寢疾
曰吾生平雅重李公願得一枉車騎永訣死不恨矣
公造問疾學士扶病款洽且命其子出拜囑云公當

年譜

十

今聖賢若等每事師之母忘吾言尋卒按常學士父
達公海位至大學士諡文成始造

國朝字諧聲分類佐同文之治述國語垂世法是父是子
亦可謂聖賢中人矣

是年停止巡方 公於文到日即將行過案牘槩
撫院掾吏白公須一加檢點公曰凡我所行無不可
與人知何檢點為慮使去逸單車就道不移晷

五月在京邸因督傳其餉全完加一級
康熙元年壬寅公四十四歲

時值

大計考績黜幽有特恭老邁監司糾拾溺職學臣各疏

夏四月十三日恭人胡氏卒公為行狀曰嗚呼恭人
與余相莊二十四年而恭人即世神爽登遐忽已一
周今展厥有日而恭人令問淑德懼無以昭管彤雖
馬胤崇隆無異委壑况其從我於艱難不可忘也用
是取所泉著綜條如左無復文采惟不誣耳恭人姓
胡氏世為順禮里人父胡公萬錦母程氏儲耕相敬
蘊義懷仁雖其聲名不出閭左而鄉之言隱德者歸
之恭人生而凝重自其幼時峻整有儀法余舅氏知
其賢為言於先朝議筮之良遂委禽焉恭人乃以年

年譜

十

十七歸余猶逮事先王父母先朝議太恭人先王母
時稱內則女誠諸篇以教恭人恭人謹受教婉婉媿
媿盎如也先太恭人性端察恭人承之言笑稱絕而
色養甚備體醜毫美手自調穆奉為姑驩遇有疾病
即一切滄瀟滄漱嘗先意刺情不需呼命察疾將侍
變羹憚憚無敢啖歌無敢臥寐必調適而後即安
上事兩世即無不喜心歡稱之者人以為難無何
未大變家遭閔凶余握文據几研昏練矣不知米鹽
何等恭人晚寢早作手經指挂屣勉有無即緩急
苦乏絕者其為弟妹支持婚嫁辛勤仗助不以艱

解曰吾其為死者撫生者令死者復生者不愧耳
丁亥余踏都門幸以一經收於主者報至恭人悲泣
不能歡曰惜哉舅姑不及見也已丑之官寶葵恭人
從焉余既稱法吏拔薤破柱威至氣發輒不禁齒齟
齟張呼譽之聲殷動牆宇恭人已聞之顧謂余何事
威怒四達如此南人更不任梃棒幾何不牙戰毛粟
耶會簿牒叢劇質成者糜至余戴星出燭再跋不得
寢以為常恭人曰人言榮進夷猶耳庸知其痺痺至
此孰與夫荒邨小築種蔬養豸修閑居遂初之樂乎
余至今猶愧其言也屬育女兒乳媪民間有棄子慮

年譜

十一

募者恭人詢得其情急遣令曰吾何敢憚乳哺之
勞而飢人之子為余奉

簡書視晉陽瀕行恭人惻然為余言繡斧不患無威患過
威耳過威則傷人必多其仁心為質皆此類也兩際
覃恩辛卯封孺人丁酉又晉今封以次薦副笄六珈烏奕
華舉是時宗姻內外燕近遠畢會皆呼嗟言曰天姿
報施仁人如此恭人益自傷顯號褒錫幾得以榮
燁而不待也乃為象服即墓下焚告然後一御新
北向呼天祝釐云恭人性不蓄財雞鳴戒且常通
金不如積德一語余亦所至揮冰履霜品金粟馬

之誓向非恭人澹蕩於榮利則亦安能動燕北門之
誦靜有由房之歡者乎余徇翔中外既十餘年諸閭
內事無鉅細一切倚辦恭人恭人握轡守銜蓼菜甌
甌不失堤列執麻泉課紡績賦事比功有程有要余
所得馳驅王事而無內顧者恭人力也恭人雖身膺
綸命猶浣衣菲食如未貴時訓女婦御婢妾必教之樽節
儉素遺絲棄縷無弗撥而藏之者乃若寢廟歲時享
祀躬視錡釜必精必虔尤好行其德厚親黨篤故舊
收俸養卹飢寒皇皇乎如有所者也汲汲乎如有所
追逐也恭人素多病顧矻矻操作無間時雖甚困施

年譜

十一

加必整枕簟必斂箴管繫裘必不率爾置之疾革之
日神理炯然無所愴恨以終恭人生於明天啓壬戌
十月二十七日丑時卒於康熙壬寅四月十三日午
時得年四十一耳子男子二鍾麟攀麟嗚呼恭人為
余家勞人者二十有四年孝友慈儉薄於奉身而厚
於施人嚴於教子而寬於御下簡重有識語多合道
者余推甚無能哆一言也
冬十月公給假歸里
康熙二年癸卯公四十二歲
四月十二日葬恭人胡氏御史傅公展撰墓誌且為

贊曰余與鄴圃公相距百里素稱石交既而同入
府朝夕聚首仰退食之暇亦源源晤語故聞恭人之
賢甚悉去歲處京邸鄴圃有悼亡之賦同人皆爲之
惻然謂郝禮鍾法微音莫嗣矣又銘曰備其德飭其
容龍章賁馬鬣封億萬斯年式茲幽宮誌文多同行
述故不全載

六月公繼娶張氏

秋假滿還京師八月補湖廣道監察御史加二級

康熙三年甲辰公四十三歲

十二月有請嚴叩

年譜

十

關定例審虛治罪以肅政體直陳奸棍誣逃以安民生各

疏

康熙四年乙巳公四十四歲

至阿有大僚關係甚重甄別不可不行請酌議追劾

事例適當各疏

四月巡視西城

康熙五年丙午公四十五歲

春正月有請

敕各部院衙門察恭府員疏

二月有春月農務踏勘宜緩疏

秋巡視兩浙鹽課

康熙六年丁未公四十六歲

兩浙鹽政舊多積弊公下車三日即將兩引給發以
除從前扣留科派之弊革按臨各所掣鹽供應飭運
司措勒商人水程陋規禁各官鎖營掣鹽積患嚴
員盤驗需案治捕役構通販私惟安兩恒寬剔
奸實節商家之費並除電場之害
是年差竣九月復

命遇十一月

恩詔加一級

年譜

十一

康熙七年戊申公四十七歲

公掌京畿道事有特科科臣嚴覈郡守駁參司道徇

庇各疏

康熙八年己酉公四十八歲

公掌河南道事有政本關係甚重稟擬理宜嚴速請

甄別督撫以挽貪風請酌勒限緝賊之法請嚴錢糧

覺察官役侵欺積弊各疏

康熙九年庚戌公四十九歲

四月有請除蕪益條例疏 同三法司校正

大清律滿漢字義畫一遵行

八月內陞以正四品頂帶食俸仍管河南道監察御史事奉

旨同大學士六部諸臣參定滿洲漢軍漢官品級考

留掌河南道一年公具呈循例更換詞云

實錄開載江浙山陝五掌道用兩差御史掌一年未差御

史掌道止六箇月其掌河南道雖未題定大約與五

掌道月日不遠今職以內陞留掌道已逾一年祈照

五掌道例一體更換庶臺規昭而愚分安

公歷

計典京察二次悉乘至公無論苞苴餽遺嚴卻弗通即知

年譜

十六

交情面亦俱謝絕

康熙十年辛亥公五十歲

六月有密陳封疆關係非輕翼鎮當求實濟請停止

薦舉卓異官員各部行察請禁雜流委署各疏皆著

為例

康熙十一年壬子公五十一歲

二月陞都察院左副都御史舊例御史內陞必由太

常太僕少卿或通政司左右叅議大理寺丞及督捕

左右理事官順天府府丞洊轉公前以內陞四

品仍留現任管事

恩遇逾格今奉

特旨陞副憲皆從未有之異數也

議盜案處分 公以緝盜之法督責太嚴勢必至於

諱盜誣良於是會同閩衛門上疏嗣奉部議允行有

司乃稍免盜案所誣至今守之為例

六月有請覺察奸竊內外畫一以祛積弊請省外官

過當處分以裨吏治議巡鹽當有實政不宜專論課

完又請嚴飭諱盜累民各疏皆報可

是年奉

命差赴浙江勘問杭常二御史事

年譜

十七

皇上知其賊罪甚晰面諭嚴切以部郎副公行公即日就

道質審情狀各無異辭遂復命

公任御史歷左副都御史在臺中十四年凡有建白

皆忠言讜論關係朝野大利弊彈劾不避權貴不肯

隨人好惡借眾俯仰諫草載文集

十月陞吏部右侍郎

康熙十二年癸丑公五十二歲

四月京察有違例自陳疏六月奉

特旨以兵部右侍郎兼都察院右副都御史總督浙江軍

務兼理糧餉通值

皇上宴羣臣於瀛臺賦柏梁體詩禮部奏李某轉兵部右

侍郎總督浙江軍務應否與宴序坐奉

旨李之芳着與宴從吏部右侍郎職銜迺同諸臣恭和

御製柏梁體詩宴畢

賜蓮藕八月朔日

陛見辭

賜鞍馬奏明便道歸里展墓告祭家廟示長子鍾麟曰買

表之嘗謂仕宦當作御史否則為將帥餘不足為也

余行能淺薄先任御史今擢總督則居然將帥之任

矣念一介儒家子荷

年譜

十本

兩朝恩遇惟有殫心圖報無復為私計者吾生平大節汝

所稔知脫有緩急則以家財濟之其勿靳嗣是軍興

招募健兒犒賞餽餉所費鐘麟輒鬻產供應皆如公

命無敢少違

七月十五日抵浙江總督任

康熙十三年甲寅公五十三歲

春正月聞吳三桂據雲南叛遂飭沿海等處重嚴武

備

三月初四日疏請提鎮協各營試用銃砲循例開銷

火藥攻堅擊遠為軍中首資

十六日疏請增設督提二標及各鎮協營兵馬

二十九日福建耿精忠反報聞隨檄各路官兵分守

要害

四月初一日疏請

救江南省滿漢官兵調集交界之地以資聲援江西省於

廣信駐宿重兵以防崇安大關一路或有警急咨調

策應

初三日疏請迅發大兵剋期援剿

檄發本標中軍副將王廷梅統領勁兵一千名先赴

衢州堵禦仙霞關

年譜

十九

初七初十等日賞賚官兵勉以大義命將至江山縣

援剿復會同將軍撫院提督議駐兵衢州扼閩浙要

塞公曰

朝廷以封疆之任屬吾儕事至須身先之吾雖文臣然位

在提督右當襄糧倍道而行遂決計趨衢州公念從

征將士俱有內顧妻子之憂又與將軍撫院提督公

議滿漢綠旗官兵均於額俸餉銀外再行賞賚咸以

奏銷為慮公曰以

朝廷錢糧賚

朝廷將士俾出死力捍衛封疆情理允協且揆之時勢人

情洵未定小有怨望緩急未必可用今日之舉吾身任之惟期有濟公事遑顧其他額外優給官按月俸銀兵按一月餉銀之數不論隨征守汛差員赴省領支

十九日疏請照例支給滿漢綠旗官兵行糧馬匹草豆聽部議奪

二十九日疏陳各路瘡痍情形

五月十五日親統領本標並杭協營江南提標官兵共一千五百名申嚴軍令自杭赴衢欽遵

上諭公同平南將軍賴塔一應軍機事務酌而行時撫

年譜

二十

院及紳士俱以省城為控制重地不欲公去杭公云吾奉

旨督兵豈敢坐誤機會且方今事勢所爭在衢苟上游失守不但全浙動搖將江淮以南皆震驚矣遂行舟次富陽一卒與賣菜備競令立縛鞭之從官請少寬公曰法令之始毋得姑縱於是軍中悚息所至秋毫無犯

二十五日疏請再發江南援兵數千相機進剿
二十八日抵衢州駐節時在衢滿兵一千餘人綠旗兵二千餘人逆賊全力屯聚清湖日窺侵犯而應援

之兵猝未能至公捐貲召募家鄉勇壯五百人長子鍾麟能先意承志整甲利兵購馬贏糧簡練健丁馳赴軍前効命

六月初二日據報耿精忠潛遣奸細張連進投送逆書即令衢州副將李承恩立將連進擒縛會同平南將軍賴塔都統胡圖吳申把都魯雅大里公審口供斬首示眾題報

初六日疏報賊船侵犯瑞安官兵奮勇堵擊全城

十二日常山開化勦殺偽總兵李雲龍等報捷

二十二日疏舉原任鎮臣李榮為援勦總兵官設立

年譜

主

三營官兵以榮宿將統領鼓勵用命固圍破賊
七月初一日密報逆賊侵犯金華滿漢官兵擒斬獲捷

初六日公大閱將士於水亭門宣布

皇上厚恩講明順逆大義將士皆感激奮發願決一戰遂同賴將軍統率出城軍於坑西既壓賊營賊接戰良久退入壁公令諸將協力進攻復大戰轟礮之聲震地流丸如雨左右請少避公曰不可三軍司命少移動即為賊乘今日之事以兵勝敗為吾死生耳介廉指麾終日晚始收兵翼日復進逼之賊不敢出是役

也所提兵不滿四千擊賊數萬眾無不以一當百公親冒矢石將士勇敢用命或謂公曰公封疆大臣何不遣將督陣乃親蹈不測之險耶公曰古云將軍有死之心壯士無生之氣然後可以破敵吾若貪生誰不惜死聞者歎服

軍法斬衛協右營守備程龍坑西之戰諸將皆鼓勇爭先獨程龍臨陣退縮師還公坐營門召龍面數之明證其罪按軍法斬龍以徇諸將士見聞皆股栗紀律嚴明如此所以振新集之兵而摧方強之寇無難矣

年譜

三

初七日再疏請亟催副都統喇哈率領滿兵速至應援時各路逆賊披猖鎮營羽書旁午晝夜不下數百通公無論是官是兵投報轅門令即刻引至帳前親加撫慰詢賊情形示以戰守方畧雖淡夜不倦或以爲太勞宜稍節之公曰賊勢方張人罕固志宜多方激勵使上下之情聯屬庶可滅此朝食若漢居自逸使人難得見面豈集謀廣聽一心同仇之道乎公至衢州以來禁擄掠詰姦宄信賞罰不妄殺一人十八日疏報金衢官兵大捷擒斬偽都督嚴彪偽副

將葉國榮等

紹台湯溪石梁鎮龍游蘭谿嚴州相繼報捷

八月九月屢戰克捷疏報恢復壽昌淳安遂安諸暨嵎縣義烏東陽等處擒賊首汪磐以歸又密拏不軌奸徒葉日生等

十月十六日疏報招撫偽參將杜日葵率兵首先歸順偽遊擊鄭鼎彪偽都司杜承盛偽千總李龍等投誠

二十四日疏請增督標前後二營足五千經制之兵策應進剿

年譜

三

十一月十五日疏報金華十二里莊大捷二十四日疏報衢州溝溪前墓山捷功滿漢官兵在金華壽溪地方陣斬耿精忠下偽總兵張元兆等二十餘員二十八日疏報金華竹園村季宅馬澗捷功十二月初十日疏報蘭谿東葉山嚴州威平鎮捷功擒偽總統汪匪石十四日疏報金華積道山擒殺渠逆徐尚朝等捷功二十四日疏報嚴屬捷功恢復分水縣城康熙十四年乙卯公五十四歲正月初六日疏彙報自康熙十三年八月以後至今

衛金嚴紹等處招撫投誠人員一萬二千餘名招回難民三千餘名

十三日疏報龍游蘭谿壽昌捷功

軍中復敵管間諜公漫詰之曰吾營中亦有爾營與相通者乎對曰有之問為誰乃言姓劉者不知其名公默意姓劉者必某也呼至訊之果供有提塘鄭君能現在隨營凡朝報緩急軍情機密皆漏洩與賊因立質得實置君能於法敵間遂絕倘非公機警識破奸人盡以國情輸敵矣

二月十一日疏報衢屬黃壇口陣斬偽總兵葉念等

年譜

三

十五日疏請賑被難飢民

嚴州湯溪繆村礮底前嶺雙石嶺歷潮相繼報捷

四月恢復武義處州宣平等處擒賊首繆國英

五月十六日疏請卹死節署武義知縣事蘭谿縣縣丞徐詰

疏請開復隨征往倭定例地方被盜專汛兼轄以佐俸罰俸降級為別所以責成汛守立法甚嚴公謂當用兵之際與平時無事不倖若使身當大敵効力疆場仍不免於失事之咎分身無術何以鼓其用命酌議變通除平定地方初無調遣者仍照定例其隨征

立功之員有因盜案住倭者破格開復

疏奏軍中有刻不可少之需動帑有萬不得已之勢因初出征時調到都督林宗吳朝宰陳世凱等咸以資裝不辦為辭公各給銀五百兩三百兩不等無不踴躍隨行且用兵之始大賚將士預支月餉請給行糧及軍裝犒賞死扶傷諸費倉猝於正餉借支屢疏陳悉部議不准開銷復題明從容補還於時司道各屬竊議釀金為助公堅謝不可

閏五月初一日疏報衢州南塘萬青前嶺等處擒斬偽都司何應龍等捷功

年譜

三

六月疏請開銷賞給官兵銀兩送歷年獲捷軍功冊

七月初一日報明得獲逆書

十一月初九日疏彙報招撫衢台溫處四府偽總兵

等官二百餘員偽兵四千餘名難民十一萬餘名又偽總兵侯晉爵等自拔來歸

十二月初四日疏議殺木師提督管轄駐劄事宜

是年十二月十四日授公階通議大夫

詔贈公祖父如其官母俱贈淑人元配胡氏贈淑人繼配

張氏封淑人

康熙十五年丙辰公五十五歲

二月初四日疏報衛屬湖南地方捷功

三月初九日疏報溫州大捷斬偽都督孫可德等並賊眾一萬餘人擒偽副將何賓等五百五十餘名

十六日疏報嚴州朱村等處屢次擊敗賊眾勦撫並用恢復開化縣城

四月密招降將有亳州人章啓元者自賊營逃回言賊將馬九玉麾下副將韓斌將兵八百人駐九龍山願歸誠恐不納若馳一介宣示德意則趨命矣公即咨查江南以斌子世晉家人苑亮至令持家書並諭札縫履底中密使走入斌壘斌得書遂與同志相謀

年譜

三

日中奔歷潮營僞都司王得功施虎僞把總畢思臣蘇起袁宗張玉假爲追斌竟與偕來公俱令隨營任用絕不猜嫌降將感奮斌家人苑亮爲賊所執公高其忠義作傳曰從來義勇節烈得之光明俊偉者居多而難榮於推魯罕樓之子謂其見理未明而赴義燕識也若夫身不越與隸之徒智不在堂廡之外一旦有故而感主之恩忠主之事且全主之名節而不惜捐軀以從者余於義僕苑亮有異焉苑亮籍鳳陽之亳州投里中韓氏爲僕者有年韓爲故家斌卽苑亮之主也斌業武登辛丑第尋授閩中興化守備甲

寅春耿逆叛初授之職不從後爲逆所脅勉受副戎然其心戀

本朝念及國恩輒感泣涕零會有歸誠人來述其忠悃欲得我信使卽乘間來歸余因備移江省制府傳其子世晉而苑亮遂同一夥僕奉幼主來衛世晉方弱齡未練苑亮則頎然偉漢貌言樸率余慮往彼突目其一八年差少體亦短小欲屬之以行然猝未定也因發平陽王鎮杭協馬副將本標後營趙叅將公同驗選於兩人之中擇其當可者以報僉稱苑亮能勝任余亦思此事巧慧者或至浮露誤事若苑亮者庶不

年譜

三

負命耳遂諭以所遣亮惟唯再示之方畧使之全主亦自全時亦漫無可否但請奉諭以往余卽授之札平陽王鎮與斌子世晉皆屬書去時世晉拜亮亮亦拜主相向號哭隱然有永訣之意焉越兩日鎮將具報斌果率其部將某某等渡河輸款時余正在元戎賴公師中亟問苑亮獲者覆云隨後卽至少頃又問答復如前比斌至余復亟詢苑亮何在斌答曰斌負亮矣亦不禁爲之黯然而斌悉閩中脅迫狀與前歸誠人所述同再悉苑亮齎論情事過河西卽爲賊卒所執僞帥馬九玉訊問供爲斌僕因家中被籍竄

入投主逆卽傳斌辨識時主僕不敢交語亮乃泣請詣斌所逆令二卒押赴卽回不許通一言亮於此時計無所出乃抱主足慟哭卽於此中示意哭罷稱履爲水淹請易之予之及去斌料遺此雙履非無意拆視之則余所付論札竝諸書也由是忠懷益奮遂攜劉率近員始爲河濱酬神策馬歸誠嗚呼斌之志尚矣若苑亮者又豈僕中人哉當其身赴危險毅然無他諉一何壯也置札履中燕片語輕洩一何密也主僕痛別示以有死無生之義一何烈也及抱足傳心哀號易履俾伊主見論傾懷以成大節又何膽與識

年譜

壬午

交絕也前之見爲椎魯卑棲者豈意其智漢勇沉若此杭協馬副將復稱斌父昔年被誣在監肄業官索不得亮至官刑拷幾斃卒不供吐其地前州牧票傳世晉竝其家僕時蒼頭不乏斌之母曰是行非苑亮不可亮卽身任無難色此皆得之斌與世晉口悉是苑亮義勇之槩本於天性故前後赴難履險若坦嗚呼苑亮豈僕中人哉頃有自逆來歸者稱亮在馬逆處夾訊已三次從未供有齋論一字惟仰天待盡是亮之生死未可卜豈不痛惜雖然亮而生也忠膽將與國士賦同仇亮而死也亦義氣盈於寰宇炳炳麟

麟與古之貞臣義士竝垂不朽豈直以荒煙蔓草動人悲惋也歟余深嘉其義竝爲抒管紀之以愧世之得寵忘恩肯主操戈者後亮竟死於賊賊平公令人徧覓其骸骨不可得有識其被殺處者乃招魂以葬之立石曰義僕苑亮之墓

四月二十三日請調江南官兵疏議併力直搗仙霞關爲一勞永逸之計部議云江南有海口重防不便移調着於本省審度緩急酌量遣發併將擊賊進取事宜具奏

五月二十日再疏請調發鄰省官兵剋期赴浙破賊

年譜

壬午

入閩可奏蕩平

二十一日疏議安插難民江常開化淪陷日久民有脫走而來者公加意撫慰量給銀米嗣是歸附日衆無家可依因與道府議權爲篷廠以居軍興費用浩繁公帑無可動支公又與撫院商議量行捐助身爲之倡且請照捐助袍帽給賞投誠例按數紀敘以勵急公有餘兼給民牛種於是來歸益多人無失所八月初九日疏請優卹陣亡將士成國樞晉大忠等每逢中元公必親行追薦撰文割切感動三軍詞曰中元令節虔修經懺餞口道場超度陣亡將士伏惟

節屆中元悲憫建蘭盆之會月逢大慶慈光燃蓮筏之燈俯悼國殤仰資

佛力念此三年成壘堪憐泣月悲風嗟伊百戰忠勤况復

捐生效死雖妖氛淨掃重觀昇平而義憤爭先陰膏

原野丹燐碧火難返春閨夢裏之魂白石黃塵誰憐

無定河邊之骨追惟痛定益知當日之瘡痍感歎人

亡忍沒從前之殄瘁於茲七月撫我三軍恩威無間

於幽明體恤有同於生死顧沙場染血

朝廷卹典已加卽馬革裹屍孤寡恩蒙堪慰值此薦亡之

候再申懷舊之情虔集名僧肅宣妙品如已超生法

年譜

辛

界固知四大皆空倘猶滯迹冥途聊擬九蓮是度

聖人神道以設教總期有裨羣生

大士面燃而導迷惟願同歸極樂滿城花雨銷兵氣以接

慈雲一縷旃檀證菩提而登淨土

十七日衢州大溪灘大捷偽將軍馬九玉竊據河西

轉運糧芻以大溪灘爲咽喉公數請於

朝廷師前進部議衢州善能保守奉

旨下詢進取機宜公覆奏從常山江山截其糧道則入關

之路可通河西之賊自潰會大將軍和碩

康親王兵臨衢州公卽面啓王於本夜發兵諸將率領

由小南門銜枚疾走直逼賊營我軍勇氣百倍一鼓

破之進師江山乘勝復其城初議發兵王問公曰賊

勢尚張能勝之乎公對曰勝之王復遣侍衛雅布蘭

問曰所策果萬全乎公曰兵已發若復猶豫則沮士

氣何以冀成功遂詣親王所啓曰賊寇情形在職目

中矣翼日此時捷音必至已而破賊羽書報聞王乃

大喜此一役也馬九玉方逼衢爲壘我兵乘夜疾走

出其後直破大溪灘此江山一師也比其退奔仙霞

而三關已爲我據此常山一師也三關既破賊失其

年譜

壬

之勢方公覆奏進取機宜時已默有成算不待捷書

露布而知之也然所切切濶計者惟軍紀嚴而民心

順誠以伐罪救民之心爲戰勝攻取之本爾馬九玉

賊敗知歸路已絕猶冀繞道入仙霞關據守而諸軍

已遵公密諭疾抵關口分路夾攻偽副將金應虎偽

千總金起彪等乞降

二十一日師入三關公飛章奏捷草檄宣布

聖天子伐罪救民至意是時馬九玉既遁我兵於湖南地

方搜獲六十餘人軍吏議置之法公曰此是守土勿

去之百姓卽不肯從賊之百姓亟宜招徠完聚

朝廷用兵救民水火正救此等之民也盡釋之

恢復開化并福建浦城建陽等縣

二十二日疏報恢復常山縣城追勦大捷

大將軍和碩

康親王自衢州統師征閩復問曰此行若何公對曰王

但禁其下毋擄掠財物婦女即揚旂入福州兵不血

刃矣更優恤滿漢士卒勞苦用固眾志王頷之遂行

九月初一日疏請亟

敕江西南江西督撫及統兵將軍會師合勦連寇整頓殘疆

又疏報滿漢官兵攻破石塘賊寨大捷

年譜

辛

十五日彙報招徠歸命偽總兵知府文武等官四百餘員偽兵一萬四千九百餘名皆給賞酒食袍帽各

予安輯

又疏報恢復雲和松陽龍泉三縣城池捷功

十月十二日疏報會勦獲捷恢復江西玉山縣城

又疏報恢復景寧遂昌慶元并福建政和松溪等縣

疏請改黃巖鎮設為水師提督節省錢糧

十四日疏報恢復溫處二府州縣

十一月初六日疏報會勦鄰省開玉交界陳村等處

廣信偽總兵汪文生就擒又處屬偽鎮馮公輔向化

率領偽官兵全旅來歸

十八日疏請蠲免被兵地方錢糧

十二月十二日擒獲賊首馬鵬鵬素稱梟聚眾於

開玉交界之陳村及江西德興之白沙關跳梁怙惡

屢招不應公密飭副將武榮領兵攻賊連破木城六

座斬獲無算鵬眾潰散遁入德興老巢公又飭參將

蔣懋勛等自白沙關直抵德興連破賊寨十三座陣

斬偽將數十員生擒馬鵬械送軍門公責其逆天負

固誅之

是年大將軍和碩

年譜

辛

康親王大兵進福建耿精忠降三藩竝叛廣東尚逆至

丁巳年始平雲南吳逆至辛酉年方滅惟耿逆在丙

辰年底定獨先則公擁固衢州扼要制勝之力也

康熙十六年丁巳公五十六歲

二月初七日疏報處屬柱溪周公源口楊梅灘等處

獲捷又疏報勦撫江西廣信等處捷功恢復鉛山興

安弋陽貴溪等縣

四月偽揚烈將軍程鳳全旅歸順偽官三百四十八

員家口四百七十七名兵丁三萬一千二百四十三

名先是十五年間公檄行招撫偽將軍程鳳已遵諭

向化因解散偽兵八萬三千有奇程鳳病亟未及投
轅鳳死其眾推鳳妻王玉貞掌偽印務公再檄曉諭
玉貞傾心遵奉又解散偽兵六萬七千三十二名親
率官兵願就撫於衢州

是年吏部議敘軍功四月二十一日奉

旨李之芳着加爲兵部左侍郎兼都察院右副都御史授
爲從二品照舊管事

六月二十七日再疏請蠲被兵地方錢糧十五年冬
請蠲被兵地方錢糧部議以支給牛種三年後始行
升科不便准行至恢復江山等各縣衛所亦有久暫

年譜

不同不得新舊錢糧一槩蠲免公復具疏切陳

七月二十六日勦撫江西巨寇偽總兵陳山偽參將
陳祿等至軍前投誠偽官一百四員偽兵二千一百
餘名屯踞椒巖洞山寇險阻悉平

八月二十一日疏請卹殉節陣亡副將蘇木代把總
左朝極以慰忠魂

先是議敘軍功時樞部議敘武職軍功共加二十九
等紀錄一十九次銓部敘文職軍功例照武職一體
議敘乃以無庸議具題奉

旨李之芳着議敘部議酌加三級以兵部尚書正一品照

舊管事計公軍功四十有八內恢復城邑者六部議
以總督統轄全省置不敘或言提督石調聲亦係統
轄全省何以恢復象山等處卽行議敘况公調度有
方歷蒙

溫旨六十七次何以止稱酌議似應具疏陳明以達
睿聽公曰余蒙

聖主簡拔位躋總督雖捐軀未足云報當多事之時惟有
致命疆場以盡臣忠從來希圖爵賞之人必無見危
授命之志余戮力行間身家久置度外仰荷

朝廷德威海宇載寧餘生無恙皆

年譜

五

皇上再造之恩至於寇亂繁興流離滿目將士擐甲莫必
存亡此情此景甘苦同之日則傾身於矢石之間夜
則營心於調遣之策七箸不暇衣帶不解者三年於
茲而後使婦子安於田宅軍旅歸於行伍封疆無事
意願已足雖部議不敘而李某着議敘之

思綸出於

宸衷獨斷卽剖符賜券不榮於此矣夫復何言

十月疏請撤江南京松五營官兵歲省金錢數萬
十二月疏報鉛山偽總兵林爾瞻率眾來降偽官一
百餘員偽兵二萬三千八百餘名公毒於投誠人至

不列兵衛從容問話全無疑心人多感而泣下
初八日請獨被兵地方錢糧公於被兵地方請獨請
賑已力陳二疏部議未允欲令分別地方苦累輕重
具題再議

康熙十七年戊午公五十七歲

正月初十日疏請開復循處台降革各官畧曰康熙
十三年漕項應開徵之時或城池失陷或鄉都賊踞
則無可徵解之地凡賊所蹂躪百姓死於屠戮死於
拷掠死於飢寒疾疫則無可徵解之人即恢復後僅
止一城有司供應軍需身親勞役附近城郭遺黎運

年譜

三

砲運糧日無寧刻則無可徵解之時今雖事平向來
戶口十無一二又皆蕪家室衣食哀號求賑若復迫
以追呼必無生理且恐更生他變則無可徵解之勢
非可與平時息緩不完者比且各官能建功於軍旅
之際豈獨拙於催科今遵

詔請獨之錢糧正在候

旨一旦俱以未完降革三年勞績未蒙甄敘地方甫平旋
被稅斥非所以昭明功罪激勸官方至各縣拊循子
遺民情相依爲命其於吏治民生均有攸賴云

二月二十八日疏報海洋獲捷並招撫偽將時陸地

諸寇漸平而海氛方熾僞總督朱天貴等設有五鎮
於各汛洋面乘風來去使我有顧此失彼之慮公飭
提鎮嚴加防勦復宣諭投誠據象山副將汪國祥於
廟嶺湖擊斬賊五百餘名生擒三十九人賊綜分犯
溫州汛兵冒雨衝擊淹死賊衆無算僞副將林雲林
祺詹天樞等船兵來歸又擒僞將麥仁以降
閏三月十六日疏報會勦江西子午口獲捷
四月十六日請獨被兵地方錢糧公疏凡四上特奉
恩旨允行遺黎困苦得以頓蘇

五月十三日會勦江西玉山八仙洞等處告捷

年譜

三

六月初七日疏奏沿海兵汛單弱密陳佈置機宜
八月初七日疏請調江南官兵防海
公麾下由偏裨弁目起家陞擢至提督總兵官者二
十餘人如吳英陳世凱李榮鮑虎王廷梅薛受益李
華李承恩林宗劉澤漢林寶趙得壽馬化龍詹六奇
蔣懋勳劉詔武榮陳夢陽等皆由公拔用無私鼓勵
忠勇以故人人感激戰功累著戎行整齊上徹
天聽各以勳名顯

康熙十八年己未公五十八歲

正月二十六日請撤援閩官兵回浙

三月初七日疏報石塘獲捷恢復雲和縣
京察三月十九日公循例拜疏自陳乞罷
七月二十日疏報會勦玉山八礮關獲捷
二十八日因京師地震奉

上諭目今應行應革事宜着部院三品以上官及科道在
外各該督撫明白條奏直言無隱

九月初十日公條奏四疏又自陳乞罷
十一月初一日疏報南鎮雙頭洞獲捷

康熙十九年庚申公五十九歲

正月初七日彙報海島諸寇投誠偽都督蘇亮蘇柱

年譜

三

等又偽總兵王酉莊永爵等自江西率眾來降

二月初六日疏請操練戰船襲擊海寇

三月十一日據定海鎮卒大寅報孝順洋打沉賊船

十四隻陣斬賊兵二千餘名偽參將童耀等十九員

生擒偽官兵一百餘名告捷

四月二十日疏請調福建水師會勦海洋諸寇

五月初三日疏請撤調防閩省延平盆亭官兵節省

糧餉裁汰援閩回浙官兵循例陸續補伍

送餉銀清冊技鄰疆用兵地方節省錢糧甚多先日

請銷軍中需用餉銀屢疏備載奉

旨着造細冊公令藩司逐一開造款項數目具疏彙報查

軍興以來共用銀一十一萬四千四百七十餘兩內
部覆以五萬四千四百餘兩之數為公捐輸扣抵免
賠銷結然公已破產矣

六月二十一日疏報偽將軍劉天福率偽官一百八
十員偽兵二千餘名自海歸誠

八月十八日彙報招撫浙江江西等處投誠總冊
通計文武偽官共六千二百餘員偽兵共一十六萬
五千五百餘名分別給賞解散歸農人人各得其所
願畱者收標効用

年譜

三

請免追扣賞賚官兵俸餉銀兩

康熙二十年辛酉公六十歲

又請開銷賞賚官兵俸餉當用兵之始預給通省官

兵俸餉一月合滿漢綠旗均行分給許以立功便作

賞賚事平後題請開銷部議不允令扣抵月餉諸軍

聞之洵洵公慰之曰此無與若事吾自處之耳據各

鎮協標營覆稱當時領賞官兵或對壘陣亡或久成

病故或事故開除或改調他省至如江南之提標右

營狼山營俱經回汛旗兵久已入京俱無從追扣其

餘現在不過十存二三又皆鋒鏑餘生尚有邀恩望

外之意安能追求昔日已給之餉反覆條奏久而奉旨准銷公爲

國爲兵心血幾枯矣後有述當時事者云

康親王常於朝中會議每曰惟浙江李總督一人不爲

已私若皆如此何慮天下不太平

是年十二月二十四日

誥授公階光祿大夫封四代撰給玉軸自公會祖父竝

如公官母俱贈一品夫人元配胡氏贈一品夫人繼

配張氏封一品夫人

康熙二十一年壬戌公六十一歲

年譜

聖

會題楓嶺營屬浙閩分轄永爲定制

王師克平福建 公於浙閩通衢百靈街江郎街念

八都保安橋等處設粥廠施湯藥專委標員管理自

十五年起二十年止賑濟往來人夫飢民一百二十

二萬一千五百名有奇雖兵燹之餘民無供役病斃

道塗之苦

七月二十五日請免通省各營裁兵

是年奉

召班師於七月二十五日啓行八月初一日回杭州計自

十三年五月至本年八月歷九年公身在行間先事

佈置機宜調度勤撫兼施大小一百四十餘戰克奏膚功叠蒙

皇上恩旨疏稿載文集

舉劾文武各官 公督浙十年補用各官皆按績量

能纖毫無私不惟不徇人情亦且不任己意武職雖

千把微員拔用一人三軍無不服爲至公所以人皆

激勸性命可捐摧鋒破敵大率由此凡薦舉屬官人

未嘗知有知者或以姓牢食物稍佐軍需公必却之

且論曰凡我所用稿賞軍中無不知其所由來蓋所

爲者極難庶足激勵衆心能得其死力耳有交遊謂

年譜

聖

公宜爲子孫田舍計公曰受

國厚恩卽捐糜踵項猶恐難報何暇念及子孫或又謂

封疆大臣當地方有事之日一介不取乃是小節公

曰此豈小節總督爲一省吏治民生攸關敢不自律

以正嘗面諭屬官曰時雖多事爾等存心行政仍作

太平無事時觀

朝廷功令毋容寬假余爲

朝廷執法之人亦不敢寬假也余表帥文武一有染指則

地方官無所顧忌民不聊生矣惟抱此區區庶幾上

報

國家下安黎庶耳

公嘗自為定亂記曰余筮仕至今幾三十載宦遊閱歷蓋浙省居多焉前此司刑婺郡巡核鹽鹺旋又出理

欽牒皆矢心清白克奏厥成及入而歷憲副佐銓亦屢勉無過歲之癸丑復奉統制兩浙仔肩重任惴惴焉恐不勝然其時中外承平疆宇又安謂可次第釐飭以答

聖明不數月而西藩輒有矯制之變東南享太平日久聞變驚惶微書羽檄遂不少息甲寅春耿豎復搆亂浙

年譜

聖

聞毗連人情騷動蠢爾之徒轉相煽惑時請兵未至調遣乏員羣醜乘間蜂起既括兩郡馴為叛踞若台紹若金嚴諸屬邑亦多為土寇攻陷余嚴督專汛分路撲剿隨多收復至衢之江常竟為賊穴且逆眾鷓張駭駭有東下之勢閩師居會城不輕動提亦鎮守甬上所恃以式遏寇亂者惟本標數旅耳於斯時也將士久不親兵革又以師單憚於行陣同官率屬代為躊躇余毅然曰逆豎猖狂已甚若不乘此引兵擊滅則生民塗炭江浙將不可保臣子以身許國義無息偃非膺危險以捍封疆則設官何為也余雖

素親文治不諳武畧然殫力為之庶期有濟隨飭將弁曰成敗利鈍自有定數處之安地而未必不死試之危地而未必不生汝等受

朝廷養養幾歷年所奮勇奏績正在此際况將在謀不在戰兵在練不在多逞我軍威殄此烏合直捲簾耳雖彼眾我寡無畏也由是陳師江泝揚帆前進人人有敵愾之懷矣第隨征軍士可以指屈而賊眾如蟻攢蝟聚不可計數布散村落蹂躪地方及聞我師至境皆潛入深窟以伺動靜余駐節柯城分兵拒守軍民之志始定嗣是平南將軍率其部旅來衛兵威益振

年譜

聖

賊奔出全力窺犯余身親甲冑冒矢石以為將士先滿漢官兵亦觀感用命每戰俘斬甚多賊乃怖威退守河西重濠密壘以自固獨是衢為浙之西鄙控制甚遙士馬屯於郊而轉餉千里事變起於遠而決策一心非先時經畫當機以決莫能及余兢兢業業不自暇逸晝則應務詰戎夜則持籌削牘數載無寧暑也因思行間征戍揮甲枕戈經年累月雖斷屢石之時不辭衝鋒冒鏑之險每念唏噓繼之以泣故凡在戎行時加慰問伍中疾苦論將領多方周恤力疆場者計功題敘毋少偏徇軍中餽遺請託集為

禁絕惟一與將士推心置腹焉蓋與物以誠物莫敢欺示人以公人莫敢私此大小將弁無不精白乃心矢懷克敵從無自作不典以干軍紀者至於被陷良民父母妻子以及廬舍田園俱在賊境其何能脫而營間兵目往往有以長髮羅縵者余與將軍鞠其情實應釋者釋之時或有以寬典議余余曰是蚩蚩者皆

朝廷赤子何忍以無辜棄市耶卒之宥宥之間無漏網笞鎖之下無冤民其有自拔來歸者輒令有司安插得所給以粟米予以棲止而後之聞風輸款者因無虛

年譜

四

日將軍嘗與余商進取之策余曰賊毒流於衆餉匱於中又內難交証其勢自潰爲今日計者不難制勝於未取之先而難得心於既取之後假使大軍既入玉石不分肆其誅掠是益之虐也安責其背義以助叛乎兵貴威之以武感之以仁况禁掠則民喜離湯火而攜篋以迎縱掠則民欲保妻女而堅壁以守得失之驗燦如也是宜於平日曉諭將士則臨時自無屠掠之慘而淪陷之區皆可乘勢而復矣將軍曰普余以是告誠鎮將亦莫不頷首奉命余曰猶未也夫禁人之取者先在豐其所予懲人之貪者先在謀其

不乏故軍前將士常厚賚以周其困溢格以濟其艱若陷身鋒刃於請卹之外廉其家口予之廩給餘如犒賞諸費每月以千百計悉取之家雖拮据以應弗惜也余自備健丁五百名以資守禦役食衣仗并購馬備料纖毫不涉公帑如是者行之既久入人心骨故將有請纓之志士有死綬之心也惟是賊率其十萬之衆依山附谷負嵎爲險我兵未集不得不緩其須臾之死道

親王自發臨衝官旅雲屯星羅碁布賊已望幟寒心余卽面啓漏夜進師且請弘不殺之仁嚴肆掠之禁寬

年譜

四

被脅之誅悉從之於是傳命軍士分道擊勦東由大溪入江山以斷其餉道西渡河入常山以絕其應援賊計窮勢困狼奔鼠竄兩日而復諸邑奪三關蓋蒼之者銳而用之者神耳今大師進闔不事虔劉不驚子女所至迎降勢同割竹耿豎亦悔罪歸命彼甌土餘氛不翦自滅匝月之內立奏蕩平師中皆以余言爲驗但殘疆初定哀中谷而歎化離者在在見告雖轉粟賑濟歲瘵未可驟起然民之所苦者寇耳寇退則綏輯無難也嗚呼寇之退也豈易言哉方余孤軍就道賊焰方張輿情未固勢非不危然不危則境可

得安乎及經營幾日晷不食漏盡不寢身非不勞然
不勞則民可得息乎捐資勞士鬻產佐公力難繼矣
然非是則無以作三軍之氣也賞罰不濫請謁不行
志云介矣然非是則無以服百執之心也若夫禁洗
掠寬脅從令甲原自煌然非時動宜諭亦安必人人
凜之罔或悖哉今日者閩疆底定浙土救寧皆賴
皇上之寵靈王師之赫濯將軍奮揚威武鎮將協力宣猷
下逮卒伍亦著功勤余何敢尸其績願余四蒞浙而
艱難危苦百倍疇昔三年來致身

君國軫念蒼生一縷血忱燕慚余影昔道州使君元結於

年譜

甲未

賊退後作春陵行以示官吏但悉戎旃民困之狀而
不言功杜少陵以其能為天子分憂謂得結輩十數
公落落然參錯天下為邦伯萬物吐氣天下少安因
作詩美之余才不逮古人聊自述其槩以追蹤道州
於萬一至於少陵之知則余不暇問也
十一月初六日請免追扣裁兵糧餉
是年陞補兵部尚書十二月拜疏謝 恩
康熙二十二年癸亥公六十二歲
二月十五日公應
召赴闕士民懼送自城郭及郊外填塞道路至輿馬不得

遂行其結亭留韓為遺愛者一百三十餘處先有欲
釀金為建生祠豎碑頌功德者公禁飭之迫公去浙
後羣情愛慕卒不能禁也凡建祠豎碑處甚多而杭
之在西湖者尤為鉅麗其三衛生祠有聯云淮蔡之
功茂矣抑又過之大難削平重奠三衢半壁琴鶴之
節凜然於今為烈名賢繼起恰符五百餘年南國之
棠峴山之碑畧可見矣當水次登舟士民津送者數
百里間水陸絡繹不絕及舟進江南浙人不忍別相
與挽舟返行公在舟中固不覺也紀綱再四慰勞始
各揮淚而去

年譜

甲

三月公便道旋里省視墳墓展祭遂入都
四月初三日蒞兵部尚書任時銓法多端主者莫可
究詰有一弁循資應陞遊擊竟欲越格陞為副將公
曰陞轉原有定例破格之事余決不為也
八月部議查敘調度滿漢官兵擊敗水陸逆賊等事
加五級紀錄二次
康熙二十三年甲子公六十三歲
議土官陞轉之例甘肅有土官曩係提督請補改授
流官乃一時權宜後不為例者部臣欲照流官陞轉
公持議不可眾數強公從公獨持不允乃止

殿校武官騎射本部除授武職例試弓馬公校射一
秉至公卽故舊亦不敢干以私云

八月轉吏部尚書二十日蒞任

九月二十四日

恩詔給得玉軸

誥命四世

皇帝制曰盛代酬庸之典申錫命於五章良臣報本之榮
極推恩於四世載嘉舊德爰沛新綸爾李鮮乃吏部尚
書正一品加三級李之芳會祖父善以開先業能昌後
一經垂教發詩禮之菁華奕世貽休表弓裘之矩矱欣

年譜

聖

逢慶典特賁天章茲以覃恩贈爾爲光祿大夫吏部尚
書正一品加三級錫之誥命於戲秩崇報渥遷寵澤於
中朝源遠流長樹風聲於來禩欽承顯命用闡幽光
制曰朝廷布榮綵之褒禮求其始彝典錫重開之澤恩逮
所生嘉命載頒徽音益遠爾吏部尚書正一品加三級
李之芳會祖母康氏柔嘉維則淑慎其儀矩法嫻明夙
協宜家之化風規表著式昭啓後之模集介福於曾孫
邇芳型於累世茲以覃恩贈爾爲一品夫人於戲龍章
煥采猶傳珎瑀之聲風誥增華益煥并珈之色尚承寵
渥永席鴻庥

制曰家傳積慶之風必溯原於水木國重推恩之典自燕
間於後先爰錫崇褒以昭彝憲爾吏部尚書正一品加
三級李之芳繼會祖母任氏敬以相夫慈能裕後秉稟
溫恭之訓夙夜襄勞丕昭佑啓之模箕裘衍緒嘉懿
範貴以綸章茲以覃恩贈爾爲一品夫人於戲式廓會
孫之慶象服宜膺廣敷一視之仁鸞書申命載揚闡德
永佩休光

制曰貽厥孫謀令德克傳爲家範服乃祖訓殊恩用錫夫
朝章俾服皇休曲成臣孝爾李登雲乃吏部尚書正一
品加三級李之芳之祖父德能垂後業足開先積行累

年譜

聖

仁越再傳而滋大流光篤慶歷三世而彌昌旣克佑乎
後人宜崇褒其往烈茲以覃恩贈爾爲光祿大夫吏部
尚書正一品加三級錫之誥命於戲源遠流長實啓造
家之澤根深枝茂益昭報國之猷寵綵承幽光用顯
制曰良臣奏績溯積累於先型壹教垂休逮恩榮於大母
聿徵內德式煥王綸爾吏部尚書正一品加三級李之
芳祖母蕭氏慈著含飴教先詒穀闔儀克備流風垂女
史之規門祚彌昌介福食孫謀之報徽音旣茂淑行攸
嘉茲以覃恩贈爾爲一品夫人於戲譽美崇班用錫重
闡之慶榮膺寵命常敷奕葉之光被厥殊恩彰茲世德

制曰位列崇階作忠由於移孝業隆嚴訓資父所以事君
念茲堂構之貽厥有絲綸之責爾李才望乃吏部尚書
正一品加三級李之芳之父躬裕懿修世推淳德澤流
弓冶裕家學於庭幃慶衍門閭亮天工於邦國令名允
稱殊典庸加茲以覃恩贈爾為光祿大夫吏部尚書正
一品加三級錫之誥命於戲一經迪後式傳報國之忱
七命沾恩益著象賢之美欽承休寵丕佑來昆

制曰職重朝班宜溯源乎內訓功崇王國尤歸美於母儀
式獎芳規俾承休寵爾吏部尚書正一品加三級李之
芳母李氏名成令善質秉柔嘉七誠早嫻流徽聲於婦

年譜

五十

職三遷足法著慈教於卿材令問夙彰洪施宜沛茲以
覃恩贈爾為一品夫人於戲鸞書錫慶伸烏哺之恩私
象服增榮慰熊丸之勤苦欽予寵命昭乃遺風

制曰冠六卿而分職必資民譽之賢統八柄以馭臣首重
官聯之治惟抒誠而展力乃錫典以酬庸爾吏部尚書
正一品加三級李之芳器識淵通才猷敏達稽言考績
勸懲一守夫章程舉善興能甄敘不惰夫流品累更華
貫率恪慎以持躬洵陟銓司益端勤而著範崇褒宜及
茂烈攸彰茲以覃恩特授爾階光祿大夫錫之誥命於
戲掄材有序夙標簡要之聲勵節無私尚懋公忠之操

式承寵命彌樹嘉猷

初任浙江金華府推官二任刑部廣東司主事三任
刑部山西司員外郎四任刑部湖廣司郎中加一級
五任廣西道監察御史六任湖廣道監察御史七任
以正四品頂帶食俸管河南道監察御史八任都
察院左副都御史九任吏部右侍郎十任浙江總督
兵部右侍郎兼都察院右副都御史十一任加兵部
左侍郎從二品十二任總督浙江等處兵部尚書兼
都察院右副都御史加正一品十三任兵部尚書十
四任今職

年譜

五十

制曰職重上卿地道合含章之譽禮崇內則家人彰順位
之功爰嘉壹範之修用晉國恩之錫爾吏部尚書正一
品加三級李之芳妻胡氏克勤懿德式贊良猷合志相
成奏公忠之茂績同心交儆樹廉正之休聲令軌攸昭
褒章載沛茲以覃恩贈爾為一品夫人於戲風著素絲
佇助良臣之闕閱芳流形管敬承宸陛之絲綸嘉爾德
音貴茲寵命

制曰臣忠體國靖其格乃謀猷婦順宜家貞靜昭其似積
爰嘉令德宜沛鴻施爾吏部尚書正一品加三級李之
芳繼妻張氏秉性端莊持躬淑慎組紉執作積內行以

重輝珩珮和諧佐清操而媲美前席克嗣寵命宜頒茲以覃恩封爾為一品夫人於戲壹教相承允著坤闈之範繪章載錫均邀天室之恩懿則丕昭榮光祗服

康熙二十四年乙丑公六十四歲

公掌銓衡兩年惟精白盟心裁抑僥倖徑竇悉絕以嚴馭下諸吏聽行文書而已或以却餽金於

廟堂微有姜菲之語公亦卒弗自白也

七月上疏乞休疏曰臣以一介庸愚昔蒙

世祖章皇帝拔置臺班方愧獻納無具有玷言責

皇上特逾常格以臣內陞品級管御史事超擢副憲旋晉

年譜

至

佐銓叨沐

隆恩忝竊已極

皇上又簡臣浙江總督適閩逆披猖賴

皇上睿算神謨天威布照羣醜殄滅臣藐爾餘生莫非

皇上再造之賜惟是十載行間已成衰羸獨為封疆任重

不敢以乞身私念上瀆

宸聰又蒙

皇上陞臣兵部尚書臣以官守在外仰荷

寵命重覲

天顏已為萬幸豈敢更望遷進

皇上復陞臣吏部尚書曠恩異數臣撫躬自揆何足仰酬

萬一常於奏事之際跪起失儀筋力不堪兢惶靡措

天度優容不加譴責臣感激

恩慈不覺門涕計惟勉勵衰殘仰答

眷遇不意臣於六月間有臂突患癰腫毒勢深重延醫治

療纏綿難愈臣衙門事務尚欲勉行辦理奈頭昏手

顛莫能自支精神日憊臥起須人計已三旬未離牀

褥朝會公務曠廢殊多念銓衡職掌何等重大而臣

以衰疾謫劣偃息充位人雖未嘗寧不愧心即使幸

痊血氣固已大傷枯朽之質理難再壯若仍因循緘

年譜

至

默不據實上陳營之敵車難勝重載必至力不從心

有誤

皇上之任使臣職彌曠臣罪愈淡矣臣以草茅之賤

皇上洪恩養育歷官中外三十餘年竊慶遭逢

盛世千載一時臣不勝犬馬戀

主之心而不幸有劇毒摧殘之疾伏乞

皇上憐臣老病真情准解部務賜歸田里倘未即填溝壑

則有生餘年皆荷天高地厚無窮矣臣子候選同知

李鍾麟齋本通政司上

聞奉

旨卿才品優長簡任銓衡正資料理者照舊供職不必以老病求請解任

上令太醫院官劉存恕祁嘉釗視公疾所需藥物於

尚方御藥房支取調治月餘復時

存問不絕

康熙二十五年丙寅公六十五歲

查敘軍功加八級世襲拖沙喇哈番

廷議賦役全書裁去五絲以下數目時戶部建議各直

省錢糧冊籍欲簡明其釐毫絲忽等名目徒滋紛擾

而無實濟且有司以少派多或致病民自絲以下宜

年譜

五十四

盡行裁去其在五絲以上者直作一毫不及五絲者竟可不派戶部奏請

敕天下藩司各改造賦役全書嗣令各衙門會議衆悉扶

同燕異論獨公以爲不然謂算數之法有畸零細數

乃有總彙成數正使分派銷算支放之際整齊均平

無有餘不足之患非好煩也諺謂燕零不算帳若撤

數不明則總數如何算得出去撤留總直是世間行

不通事假如省以萬千百十派府至府派縣則不得

不分總爲撤矣及縣派丁地則勢愈散而數愈微安

得不需沙漠沙塵細數乎如去其細數則派法必不

勻平雖百十之數已有不足以派一縣者况一府乎

且繕冊報銷亦須有細數乃核算清醒支放糧餉亦

須有細數乃給散均齊故釐毫絲忽之不可泯混直

與萬千百十等誠以國賦之重收支之間合天下之

絲忽積之亦萬千百十也至若五絲以上直作一毫

則愈是不通之論夫賦稅之數惟細數勻明乃查核

清楚若先淆亂從何查算明白是戶部核算永無清

醒之術矣謂五錢以上直作一兩可乎故天下事有

似無實用而實不可省者此類是也若彼議果行簡

則簡矣恐簡而不明不惟無利於國直先使派者算

年譜

五十五

者無處下手非會計之程法也會議亡慮數十次時

及一年各省已繕有成書改造不勝其煩公獨持前

議不變

聖上以戶部前議不便行停止改造公之議始伸

是年公長子鍾麟除授湖廣湖南岳州府清軍同知

之任訓以汝當見利思義見危授命鍾麟跪曰大人

之教自日夜在心者也其後三年戊辰五月武昌裁

兵叛亂全楚震動賊兵已至蒲圻逆前鋒候騎距岳

城僅數十里公長子時以郡司馬兼攝巴陵縣篆聲

大義以固城郭捐家貲以濟軍需賊平提督徐公治

都特疏題請敘功雖格於部議而公義方之謂因已遠且大矣

康熙二十六年丁卯公六十六歲

八月再疏求罷疏曰臣草茅謏陋倖叨養養四十餘年歲月因循久嬰老疾於康熙二十四年具奏乞休未賜

俞允繼蒙

皇上授臣拖沙喇哈番臣無片善微長獨幸遭逢

聖主叨異數之榮加致洊躋於重秩

天高地厚千載一時惟思力竭駑駘酬恩末路頓臣質本

年譜

五十六

愚昧老更燕能職掌皆關於重要報稱無補於涓埃

復蒙

皇上垂憐庸邁格外優容昔人臣不當得之

殊恩實思慮未敢希之

寬典臣曾於九卿諸臣會同面奏時自陳朽劣至情上祈

慈憫伏念我

皇上親政以來臣歷官內外燕時不在班行仰沐

皇上含弘養育之恩擢用保全以至今日臣以年近七旬

夙抱怔忡之疾形神凋耗聽重目昏趨事則步履艱

難躡班則奄忽欲仆筋力不堪諸臣共見跪或扶之

使起行或掖之使前且近來左軀麻木多方將理迄燕痿損自顧頹齡一至於此恭值

皇上勵精圖治之時分猷宜力正貴得人銓衡何地尚書

何官臣以疲憊之身偃然充位雖猶人之未言臣亦

寧容自默誠不勝戀恩之下惻無如難療之衰殘若

不瀝忱乞罷臣罪滋渙伏乞

皇上鑒臣懇切愚誠特沛

天恩允臣所請俯准休致罷歸田里則臣未盡餘生永戴

皇仁浩蕩矣奉

旨卿才品優長簡任銓衡正資料理着照舊供職不必以

年譜

五十七

衰病求罷

九月拜文華殿大學士入閣辦事奉

敕纂修

大清會典政治典訓大清一統志總裁官

賜元狐帽一頂元狐褂一襲

康熙二十七年戊辰公六十七歲

二月十一日奉

上諭休致回籍時公長子鍾麟在岳州任公手諭有云由

都抵家樸被蕭然琴書無恙皆

皇上之恩也汝在楚中勉為良吏事上接下臨民交遊俱

宜謙讓小心謹慎固懈方不負我諄囑來字云今日仕途以安穩為福由此行之永矢勿渝不慮不安穩耳公生平凡有筆札必端楷整齊即家書諭子孫亦字畫不苟唐柳誠懸所謂心正則筆正信然

康熙二十八年己巳公六十八歲

春正月

聖駕南巡道由德州公時同地方文武及在籍諸臣跪迎道左瞻仰

天顏蒙垂顧問賜賚有加送駕至濟南時遇免東省錢糧謝恩又問公住處離海遠近來路多少尚有筋力能

年譜

乘馬至此耶公一一奏對

上始命歸里

夏四月公長子鍾麟陞廣東潮州知府公手書示鍾

麟曰汝沐

皇恩循資歷俸陞授方面位至郡守須念漢宣帝所云與我共治天下惟良二千石今之知府即漢之二千石也良字最宜體認并手書惟公足以服人惟明足以祛弊惟廉足以養民惟敏足以集事四語俾長君懸之座右

秋七月二十五日部文頒到

孝懿皇后崩逝公成服哭臨具本齋京奏請聖安

康熙二十九年庚午公六十九歲

辭同鄉頌德先是山東巡撫張南溟先生為臨米輸運小民苦累二十四年七月再疏云運解臨米有道路間隔牛羸車脚雨雪泥爛盤剝候交曬颺加贈種種賠補之苦亟請改折維時公猶在朝班得叅部議准其折徵奉

旨依議常豐倉米原解德州民力最勞議令支兌附近營

兵月米兵民皆便此固公篤念桑梓然亦從國賦

年譜

兵民起見是年有以此事欲為公勒碑者公謝不可

康熙三十年辛未公七十歲

公從致仕歸里杜門懸軌常云自慶景運之親逢得享太平於晚歲每遇冬至元旦

萬壽聖節必齋沐盛服於廳事前望

闕九叩頭一如在官之儀

康熙三十一年壬申公七十一歲

公一生無他嗜好無論聲色貨利絕不關心即鼎彝字畫諸古玩亦從不留意齋中惟架上書數百卷年過古稀猶晨夕繕閱寒暑無輟常談論古今惟以天

下善人君子得行其志爲己稱快

康熙三十二年癸酉公七十二歲

八月十八日公生辰盛服焚香拜

天地神祇家廟看子孫在膝前者祝眉壽忽而微中風疾

覺似往時積勞臂指麻木之狀常口中自云太白愛

其山水之句家人亦莫識公所云何意後時檢公書

笥得手寫殘簡中有此一語乃知前五十年所問仙

數也或以太白愛謝家山水仙機殆以公方謝安乎

然公之律身集獲勳業遭逢過謝安遠矣留侯黃石

魯公碧霞古來名臣往往遇之

年譜

六十

康熙三十三年甲戌公七十三歲

仕宦有自京師來者詣宅候安公病中不能迎送延

之內室小齋坐談良久方別聞知因雲貴總督員缺

奉

皇上令九卿將照似李之芳爲國爲民的人保舉之論遂

以爲國爲民四字額於書齋恭紀

玉音然病體時重時輕而神氣超然世外談笑眠食如常

忽於十一月初二日未時考終里第是日天鼓鳴有

星隕於西方州人士聞之見之初不知爲公騎箕之

徵也公有遺疏曰臣一介庸愚蒙

世祖章皇帝拔置臺班我

皇上特恩內陞躡躡卿貳尋擢浙江總督臣本書生不諳

軍旅賴

皇上指授方畧臣遵奉

廟謨數載軍中奉有調度有方之

恩旨數十餘次復

召掌中樞再遷冢宰優給世職拖沙喇哈番

異數隆施旋昇臣入閣辦事臣力小任重有過無功伏荷

聖慈容歸田里康熙二十八年正月內恭遇

聖駕南巡臣跪迎道左蒙

年譜

六十一

垂顧問

賜賚有加感激

恩禮不覺涕零不意去年八月忽得痲症病廢年餘醫藥

罔効今者臣病瀕危惟思

天恩罔極未能仰荅萬一伏枕悽然哀鳴奏

謝奉

旨李之芳効力年久前爲浙督時隨大軍進剿歷有勞績

簡任機務勤慎素著忽聞在籍溘逝朕心澆切軫惻應

得卹典着察例議奏該部知道禮部准吏部咨稱原任

文華殿大學士兼吏部尚書正一品又加三級休致

回籍李之芳病故應照定例

卹典與現任官同按其加級品級給與全葬之價並給一

次致祭銀兩

遣官讀文致祭應否與諡伏候

上裁等因康熙三十四年二月初九日題本月十一日奉
旨依議還與他諡

康熙三十六年丁丑八月二十一日

皇帝遣山東等處承宣布政使司布政使加二級張勅

論祭故原任吏部尚書文華殿大學士正一品又加三級

拖沙喇哈番休致回籍諡文襄李之芳之靈曰朕惟服

年譜

李

官宜力爰垂懋賞之經旌賢報功尤重飾終之典其有
敷歷中外茂著聲施勞績奏於封疆譽望彰於朝列生
既膺夫顯秩歿必被以榮恩爾李之芳志秉貞誠材優
幹濟初通仕籍旋列臺員當官而審諤咸稱廉隅自飭
論事而浮夸悉屏條奏多裨游登卿貳之班簡畀節鉞
之寄維時閩逆煽亂浙省被兵爾夙負忠忱仰承廟算
歷巖疆而指畫親蒞戎行偕禁旅以徂征克勦武畧連
銷鋒警聿敘勤勞用是晉陟中臺誕膺世職泊乎入司
機務忝列鈞衡恪勤固替乎初心祇慎能持乎晚節茲
聞溘逝淡切軫懷特命備考彝章爰申祭醊載徵嘉績

諡曰文襄嗚呼垂勳猷於竹帛惟爾奉職之忠貢寵錫
於泉臺惟國酬庸之厚靈如不昧尚克歆承

丁丑之秋九月初五日葬公於武定州東原之

賜卹是日天高氣清風塵不動四方遠近觀者如堵莫不

歎美隕涕非公盛德感人之澣能如是乎

賜全葬立碑銀康熙三十六年十月初二日由工部繕給

御製碑文曰朕惟國家垂恩錫命聿昭眷舊之仁臣子宜

力奉公爰有酬庸之典矧夫勞勩克兼於中外慎勤罔

間乎初終宜備哀榮以弘獎勵爾李之芳志識貞純才

猷練達臺班建白歷彰侃直之聲卿貳迥翔夙勵靖其

年譜

李

之度用簡膺夫節鉞俾彈壓乎東南激濁揚清法行官
吏宜威布德惠及兵民適當小醜騷擾海隅奮動爾乃
親隨禁旅冒矢石以馳驅祗奉廟謨竭股肱而捍禦既
奏功於屏翰更亮采於樞衡泊乎晉陟綸扉與叅密勿
奉職匪懈夙夜益殫勤勞秉志不渝操履恒懷祇慎莫
優游於田里遽隕謝夫老成追念助庸特加褒卹載稽
彝典諡曰文襄嗚呼綸章式煥誕被澤於松楸偉績猶
新永垂休於竹帛九原用慰奕葉彌光
康熙三十七年戊寅十一月初一日公長子鍾麟
奏為恭謝

天恩事竊臣父之芳一介儒生遭逢聖世受

皇上知遇之隆

簡畀節鉞歷任中樞冢宰入參機務

殊恩渥寵疊荷生前人臣之榮遇近古希逢於康熙三十

三年十一月初二日病逝遺疏上

聞荷蒙

皇上軫恤優隆

賜謚文襄

賜祭

年譜

本

賜全葬立碑銀兩榮施身後光被泉壤又人臣罕親之異

數也臣鍾麟苦塊之下感激

恩禮涕淚交零恭設香案舉家望

闕叩頭將父喪安葬於康熙三十七年正月二十七日立

碑事訖即呈原任山東撫臣李燁代題謝

恩撫臣批查有無代題之例臣查江南原任大學士謚文

恪臣朱德宣子宋駿業曾具呈撫臣代題臣即呈遞

撫臣適值李燁離任未經上達臣父受

皇上天高地厚之恩未獲奏謝臣五內激切夙夜靡寧今

匍匐來京謹循例具本通政司奏謝

天恩惟有捐糜頂踵竭犬馬之効於萬一耳臣不勝惶悚

待命之至為此具本謹具奏

聞奉

旨該部知道

公沒後州紳士耆老以公功德名位宜崇祀學宮鄉

賢具呈州學申詳郡太守學使者大方伯遞加詳看

詞章藻麗允稱揄揚其最傳誦者為大方伯張公劾

看語內有一聯云生於武定公真無愧斯邦謚曰文

襄名果不誣其實雖使蘇文忠操筆不是過也其明

年譜

本

年郡人士又以公由府學諸生登科第請崇祀郡庠

俱奉撫軍置主入祠

李文襄公年譜終



年譜後敘

松江林子威撰

武定李公昔司理金華繼以直指視浙熾政其澤被於斯民甚厚及以少司馬中丞總制軍事邦之人譴然曰我公來矣下車五月而閩變作精甲直走仙霞圖建瓴之勢厥括相繼內叛山寇蜂起江東之民烏驚魚駭公以一書生韎韐臨戎親扼三衢阻遏其衝以數千之師當十萬之寇任使將校各盡其才論功行賞不爽毫髮人樂為用所向克捷

天子倚為長城以紓南顧憂大帥上章陳兵事

年譜

林序

李

特旨問公計賊何時可平當以何策取勝公上言賊聚重兵於河西以拒我師仙霞之守必虛今臣距河對壘而以大兵從江山長驅而入賊必自潰越數月大將軍果用公策批亢擣虛河西之寇一朝瓦解窮山漢谷挑刀走戟之徒於甲來歸者日以千數浙閩遂平公雖欲然不自言功天下有識者皆以公不獨保全兩浙而南定閩西靖豫章屏障江南為蕩平滇蜀之先聲胥於是始用是作為雅詩以詠歌其事子威披閱之次喟然曰天下之所知者曩渠獻凱誅賊舍服赫然可見之功而三載以來公之茹荼拮据非身見

其事者未之或悉也當事初起承平日久文恬武嬉罔不失措公即決策向三衢主兵者以公出而不便於獨後也百方沮說麾下將士亦競以居中調度為請而公迄不為動然浙省重兵半在邊海時則有以鳥上游帆虛聲恫喝方泣請濟師而雲屯之旅匹馬不前公之赴衢離衛之衆不滿千人直以封疆之事義無返顧實力殆無可恃者迨以便宜發帑犒師百里之內牛酒日至而士氣奮矣誓馮戒途不戢於樵蘇者寘之法而軍紀肅矣臨陣督戰斬偏裨退勦者以徇而人有前死之心矣發廢弁之奸謀鉤得內間

而敵不知所窺矣倖囚就訊脅從罔治哀矜之色刑者不怨而民志漸定矣晝則會議幕府巡行壁壘常在鞍馬矢石間歸坐堂皇雞翹旁午將吏之白事者不遑次進黃童白叟牒頤踵接下及馬圍廝養無不慰勞頓置人人得所欲而去夜分乃入治簿書猶或聞遽復出每食必吐其哺鐘鳴假寐及晨烹者月無一二焉侍史之更番者皆不能支而公不暇自知其勞也子威謬承顧盼竊在左右見公臨事皆如燭照數計應機立斷而周詳審固巨細一揆從未有倉猝見於辭色蓋其思慮精專久而愈礪靜如山立動若

年譜

林敘

李

見於辭色蓋其思慮精專久而愈礪靜如山立動若

川流剛明而仁體用兼備其迄以成功也豈徒然天
意哉且以

親藩承制開府專決於上羽林神策之將皆驕貴自重
多異議文武大吏挈權分衡各有所主公處其間以
誠信相孚格而當大事執持侃侃無旁顧燕中撓既
以斯民爲己任故力膺艱巨而不遑他恆民亦知公
之足以恃也故赴者如歸今爾田爾桑漸還舊觀咸
曰非公之賜不及此公雅不欲以帷幄運籌掩武夫
橫草之烈然力而拘諸原者亦咸曰非公不及此是
曷故歟昌黎有言行事服人心而風采可畏愛也子

年譜

林敘

去九

威敬述所見不敢溢詞平淮西碑雅以俟世之昌黎
其人者

跋

李文襄公佐

聖天子平逆藩耿精忠之亂功在東南勳在社稷太常紀
之太史載之非草茅下士所敢置筆也惟公生平宦
績多在吾浙其初仕也爲金華府理刑官其由部郎
歷御史臺則巡巖兩浙嗣又奉審理鹽差之獄繼又
特簡爲浙江總督以故公之清風仁政普利豐功被於浙
者獨淡而流傳於浙者尤詳且悉康熙辛巳春日公
長君筠巢先生假寓皖城僧舍出公文集屬予校正
既又以年譜屬予撰述因就公家乘文集中擇其事

年譜

程跋

去九

之信者采其言之嘉懿者考其持危定傾嚴氣正
性剛方不回彰彰宇宙者一一編年而筆之寧簡毋
繁寧質毋諛使天下後世仰公德行功業者一展卷
而莫不親炙是則觀察君稱揚先人之志也夫雖然
吾因之重有感矣順治辛卯浙榜得士最盛子姻家
趙雪嶽好友許亦蒼皆杭郡名士第一流俱出公門
下先兄雖爲瀛海馬乾若先生所識拔而呈卷之日
公閱予兄文極口欣賞於兩主考前亦附桃李之誼
今先後咸賦玉樓未及述公教施道公閒燕獨予以
被褐弟子得誦讀公文集且竊編年紀事焉何其幸

耶故於跋公年譜并敘淵源云
康熙四十一年歲在壬午夏四月武林受業程光祚
拜手謹跋

文襄奏疏十五卷附年譜一卷

山東巡撫
採進本

國朝李之芳撰之芳字鄴園武定人順治丁亥進士
官至文華殿大學士諡文襄是編奏疏前十一卷
為總督浙江時所上又臺諫集二卷為監察御史
時所上康熙甲申耿精忠之變經理征勦疏稿亦
具載集中末附年譜一卷淄川唐夢賚所編也

清忠堂撫粵奏疏十四卷清
忠堂署理總督奏疏一卷

(一)

〔清〕朱弘祚撰

山東師範大學圖書館藏清康熙刻本

序

古之聖賢得時遇主效汲冢
以行道爲事而無意於後世
之名至其功崇業廣財成天
地潤澤生民定禮制樂陳謨
納誨不過盡其身所當爲之

龔序十

事史冊載之如日星明而江
河流世之所謂文章者莫大
乎是固不必著書立說成一
家之言自同於窮者之所爲
也唐虞之時有若益稷皋陶
商之時有若伊尹萊朱周之

時有若周公旦召公奭或都
俞吁咈於一堂之上或君臣
相告戒或同列相勸勉以至
訓俗型方治官立政由今讀
其書一二言不爲少數百千
言不爲多有非後之儒者所

彙序二

可及蓋因政事而著爲文章
此其所以可垂於不朽也三
代而後人才不古若於是政
事文章離而爲二西漢號爲
近古然賈誼董仲舒劉向之
徒皆能則古昔稱先王其文

章可謂工矣而不長於政事
黃霸龔遂趙廣漢張敞之徒
長於政事矣又不能工文章
甚矣兼之者之難也諸葛孔
明抱王佐之才論者謂其文
采不艷紫陽集諸儒之大成

彙序三

其語言文字根柢六經經世
明道不爲新奇可喜之論故
歸安茅坤選唐宋八大家而
紫陽不與彼求文章於政事
之外非真知文章者也蓋士
大夫隱居求志行義遠道凡

平日立功立言一以古聖賢
爲法夫然後與世道人心相
爲維繫政事文章始卓然有
以信其必傳求之於今亦甚
鮮其人矣往余受知於福山
王先生每趨侍函丈從容論

龔序四

及當世之奇人傑士必首推
吾

大中丞高唐朱公祖以爲不可
及福山性嚴而介於時少所
許可而獨心折乎 公余因
是知 公之賢私心竊嚮往

焉 公以縣令卓異洊歷郎
署觀察天津道晉直隸守道
司財賦清績惠政爲朝野所
共稱者不可勝數康熙二十
六年冬

龔序五

天子超擢 公持大中丞節填撫

粵東 公疏請

陞見

天子俞之及入對

御榻之側悉當

聖意

上知 公服官廉

特賜白金千金誠異數也吾粵介
居嶺海之表其間郡縣距京
師遠者萬有餘里近亦不下
六七千里從來官斯土者率
縱恣情弛不以職業爲急
朝廷之德意難於下達草野之

翼序六

疾痛壅於上聞三十餘年以
來前苦於藩熖後苦於兵烽
又不得清明英幹之大臣整
率而噢咻之吏之廉者無以
勸貪者無以懲不急之役百
出而不知止無名之征日增

而不知減萑苻不靖訟獄繁
興凡刑名錢穀鹽權之政蠹
叢弊積相習爲固然而莫知
爬搔搜剔之術無惑乎吏日
以媮民日以蹙財日以匱風
俗日以漓也 公自辭

翼序七

國門輕裝就道舟抵大庾嶺下
卽嚴南雄派夫之禁勒石道
旁而粵之積困一甦繼而布
告列郡盡罷無藝之賦給散
軍糈計其道里之遠近水陸
之難易令各就其近且易者

閭閻無飛輓之勞士馬有飽騰之氣而粵之積困一甦吾粵鹽政向由中丞總其課最上下視爲利藪三年一易埠承埠者皆異方阻僧賄營勢奪行則奸民享其利滯則官

糞序八

民蒙其害引壅課缺在在皆然司其事者不爲久遠之畫嵯法漸壞公詳察其弊列疏備陳至云向來陋規莫如臣衙門爲甚今欲盡革陋規先從臣衙門始自非至忠至

清發於天性之誠然亦安肯以此言入

告乎疏入格於戶曹之議悉奉

特旨照公所陳允行而粵之積

困又一甦吾粵士習文風素

與中州相埒邇者州縣之季

糞序九

試不行學官之月課不舉教

育失其道往往棄詩書而蕩

名檢公下車不數月行采

風之典發五經四子詩賦題

以試多士親定甲乙拔文之

尤者捐俸刊播爲揣摩家樹

之鵠而士興於學惠潮之間
有水盜劫殺商賈流毒甚劇
踪跡詭秘郡縣咸不知盜之
主名 公憤然必欲窮其奸
乃爲文禱於城隍之神不數
日而罪人斯得則皆是地之

龔序十

篙工舟子也悉取而斃之其
類遂絕而行李以安粵地阻
山濱海民獠雜處最易藏奸
公以弭盜之法五條頒示
所屬蓋行之天津而效者行
之粵而又效鄰省節使咸取

法於粵焉粵民好鬪健訟有
小忿輒聚族而謀操兵器以
相擊遇仇有死傷懼有司之
問抵也亦於其族擇老病者
一人致之死以爲訐告之地
又或指人命抄掠旁及鄰里

龔序十一

雞犬無遺至兩造詞控株連
蔓引動至數十百人 公痛
惡之悉按律寘諸法復摘律
例諸條刊示以曉勸之其風
漸息屯糧以三斗起科數倍
於民地賦重丁困逋穀至十

餘萬石 公疏請減則凡五
上而後得當吳川澄邁臨高
三邑值兵燹之後丁逃田荒
歷年積欠正供至一十二萬
有奇前後邑令因此罹降章
者踵相接也 公疏請豁免

龔序十三

戶曹亦格而不行隨奉

特旨蠲免此皆 公之加惠於吾
粵吾粵之人能歷歷言之者
余旣從福山先生游今又居
公之宇被 公之澤及假
歸謁 公一見如故出其奏

疏文告告示各若干卷問序
於余余受而讀之其奏疏剴
摯詳明委婉曲當其文告引
繩墨切事情利害得失是非
可否如燭照數計令聞者悚
然以懼怡然以解其告示丁

龔序十三

寧周至忠厚悱惻溢於言表
雖窮谷深山耕夫織婦無不
聽之而感動然則 公之文
孔明紫陽之文也豈得以文
采不艷無新奇可喜之論而
少之哉抑余因之有感焉從

來封疆大吏當奏對之頃矢口而陳咸以砥礪廉隅激揚清濁爲任及乎之官未久一爲利回勢沮鮮有克踐其言者又或以術馭下凡可以剛上行私欺世竊名者縱不便

龔序十四

於人斷斷行之而不顧或一有建白輒自以爲功惟恐人之不知者比比也今以觀於

公如

陛見之日卽以言人之所不敢言爲人之所不敢爲自矢

天子之前試讀其鹽政八疏屯糧五奏及請免高瓊積欠諸章皆人所不敢言不敢爲者而公獨始終上陳必至於得當而後已記曰事君先資其言拜自獻其身 公有焉

龔序十五

公體方而用圓外和而內介於上下之交光明俊偉不矯激以沽名不違道以干譽私智小數屏而不用肫肫懇懇之懷形於文墨易曰修辭立其誠 公有焉 公爲吾粵

興利除弊以實心行實政是
集所載者人皆見之矣至潛
移默化是集所不載而公
不以告人者又不知其凡幾
也書曰爾有嘉謀嘉猷則入
告爾后於內爾乃順之於外

奠序六

曰斯謀斯猷惟我后之德
公有焉如公者豈非所謂
政事文章兼而有之者歟世
之讀是編者可以知

聖天子知人之明吾公報
主之勤且恪行且見公登九列


宅百揆穆穆明明賡歌論道
於

廟堂之上輔成唐虞商周極盛之
治媲美於益稷皋陶伊萊旦
奭則公之立功立言必又
有進於是者彼西漢之政事

奠序七

文章誠卑卑不足數矣是固
非俗吏所能幾而亦豈懷鉛
握槩之士可以彷彿其萬一
也

治年家弟刑科給事龔應霖
拜撰



冀序六

序

古今奏疏推賈生陸敬輿子
觀生所陳政事皆深中漢文
帝時勢誠有裨補救之言獨
其出之過激致帝不用為長
於論事而不善於托諷耳敬

梁序一

輿在有唐中葉正德宗社稷
再造之時諸進劄子多所嘉
納已大用矣而又為裴延齡
吳思玄輩沮抑是則有其時
而無其命也夫人臣事君苟
有利於天下國家宜無不言

然必予言之上聽而行之行
之久而益見予言之善始爲
無弊於中進言之道大約有
三經術湛深能裁酌古人成
法一也知識明斷能預料始
終二也立心精白可卜夢寐

梁序二

可對天地可質鬼神而後入
告三也

大中丞朱公之撫吾粵也方五
年疏凡上一百六十有五皆
從吏治民生爬剔叢弊思有
以易其舊而作其新而其大

者尤在於更定鹺政豁吳川
澄邁臨高荒糧除土豪減屯
稅改折芽茶白蠟鹺政更則
商無壟斷私販絕官引行民
歲計戶口所食鹽可省錢之
半矣荒糧絕則縣官無帶徵

梁序三

之累得以自効其功名民飛
鴻滿野聚而歸農土無滿而
不治矣土豪除則梟獍無從
噬人鷹鷂不能攫肉民如良
苗去莠而懷新嘉木無蠹而
結實矣減屯稅謂恐其已墾

者畏重而去未墾者任荒而
不來也改折茶蠟謂其非任
土作貢也疏上有格于部議
上俞 公悉行者有屢請而後
報可者他如疏所未盡 公又爲
文告諄切以諭之謂予粵自

梁序四

藩孽之後繼以兵燹民凋耗
已盡善爲上者當培養其元
氣毋俾如往日田賦正供復
有加派以克苞苴毋俾如往
日公旬之外復有役車以妨
農畝毋俾如往日刑罰囹圄

填塞罪人斯得一槩從輕毋
俾民間朋比匪類萑苻伏匿
不以報聞毋俾防汛以盤詰
爲名阻絕四方行李毋俾士
馬以兵氣驕人毋俾學校士
氣不振命師儒董率毋俾惰

梁序五

民游手舍本逐末爲諭凡一
百人十有九無一不爲民痼
瘵起見然則 公以實心行
實政大有造于吾粵微獨予
一人言之舉國之人無不尸
而祝之也 公以卽署出爲

畿輔外臺蒙

聖天子特達之知授以節鉞

陛見之日 公伏堵自奏云至粵

爲人所不能爲言人所不能

言之事以盡報稱

天顏動容賜之鞍馬猶以 公廉

梁序六

潔就道萬里

錫白金以寵其行爲

本朝大臣知遇之榮五十年來所

未有昔申伯之入謝也王遣

路車乘馬載在崧高至今讀

之如見其君臣相得之盛顧

皇上之錫遠邁宣王而 公文武

是憲不異申伯獨當時所謂

吉甫作誦以送申伯者予始

入

都門不能從諸公卿大夫之後

作詩以送 公耳茲假歸里

梁序七

歲一見 公竊比於東人之

詠衮衣繡裳於 公奏疏刑

成喜而爲之序

治年家侍生梁佩蘭頓首拜

撰



清忠堂撫粵奏疏目次

恭謝

天恩 并請 陛見

陛見紀略

恭

報入境 報入境日期

恭謝

天恩 到任奏謝

清忠堂奏疏

恭

報入省 題報入省到任受事日期

擊送逃人 奏華帖式塔巴

為米必不可停 康熙二十七年舉幼文職管停

廢官佔帶部民 糾參楊來及佔帶部民子女歸

再疏請

旨停刊由單 停刊由單

粵東監政 整理鹽政

鹽政第一疏 清理鹽法必先革除陋規

鹽政第二疏 革除三年換單

鹽政第三疏 蠲地撥引以清墾課

鹽政第四疏 驅逐流棍另募殷商

鹽政第五疏 巡緝私鹽官嚴專責

鹽政第六疏 生熟鹽引宜從民便

鹽政第七疏 打包盤取並停佛山一單

鹽政第八疏 酌量遠近鹽價

清忠堂奏疏

藩司衰庸 糾參榮藩司於庸

特參貪酷 糾參貪酷府縣各官

嚴疆知府需員 請特同知某國積重結業補授

縣令陞任被許 奏懇未許知縣聚眾攻等互許

縣令陞任被許 奏數張承政等互許一案

詳請恭迓 請恭迓

特參土豪勢惡 奏參勢惡並請禁止

特參土豪勢惡 奏參勢惡並請禁止

特奏土豪勢惡 審擬彭演招罪

縣令貪酷 參開平縣知縣王言特

瓊郡遠隔海外 請展瓊屬官員交代限期

題明事 二十七年大計無卓異之目

糾劾貪劣 二十七年大計糾劾劣員

上供物料 請免茅茶等項本色

軍器有應禁 覆民間烏鎗不必禁止

徵貯錢糧 參修湘年侵那錢糧

清忠堂奏疏 日三

恭謝

天恩 謝賜職元

時雨未霽 覆李李和等案情有可矜

遵

旨編輯全書 新所新聖屯田檢閱規則

廢官佔帶部民 參修湘年派其侵侵錢糧

特奏貪劣縣令 參知縣紀庸規

遵

旨編輯全書 再請屯田規則

遵

旨編輯全書 更改新編全書

題明請將驛站 進呈衝幹驛站黃冊

海疆傷殘獨甚 請格臨進二縣荒殘錢糧

澀陳田荒民困 請豁吳川縣荒殘錢糧

遵

旨編輯全書 請衛所屯田規則

清忠堂奏疏 日四

督催帶徵錢糧 惠州府王瑛督催積年錢糧全完

科舉事 文場亦以題各錄

恭請

聖安

恭謝

天恩 謝免罰俸

考試武舉 武場亦以題各錄

咨催事 武場亦以題各錄

遵

旨編輯全書 四請衛所屯田減則

恭繳

上諭 請豁各州縣無徵錢糧

報明帶徵錢糧 德慶州王基聲請敘

敬抒一得 餘謹見任官員捐免停陞扣俸

特參縣令 參陵水縣安國豐違制印空倉收文

詳請參追 不特追追如及校那限滿後 謝請豁

清忠堂奏疏 目五

職官舉貢監給互許 參延檢高廷臣與舉貢監

職官舉貢監給互許 死檢高廷臣等相親

恭謝

大恩 奏謝頂發存經行義

遵

旨編輯全書 五次斷所屯田減則

題明事 請勸捐賑賑民

聖德獨超今古 恭請 尤膺徽號

直陳東省詭寄 清查稅款

請嚴保舉 保題吳途出身各官

行取官 請送冉芳二令歷俸已滿允准行取

恭謝

大恩 吳賜澄三彈恭謝豁免荒殘錢糧

更定鹽法 請豁臨高縣無徵鹽課

欽奉

上諭 保奏遊擊千把各弁

清忠堂奏疏 目六

鹽課業有專司 鹽課附引鹽臣報考

恭繳

上諭 請豁荒殘無徵鹽課錢糧

粵錢搭放日多 請暫停鼓鑄

恭謝

天恩 奏謝 上慈聖問

聖德真同履載 除讓非其正地屬人員免在

清忠堂撫粵奏疏卷一目次

恭謝

天恩等事 奏謝弁請 聖見

謹見紀畧

恭

報微臣入境等事 報入粵境日期

恭謝

天恩等事 到任奏謝

清忠堂奏疏 日次 卷一目次

恭

報微臣到任等事 報人省上任日期

拿送逃人事 參筆帖式塔巴

打死兄命事 張端那招擬

恭

請酌定等事 二十七年秋審

薦舉必不可停事 曾停文職來坊

廢官佔帶部民等事 糾參知縣楊來鳳

再疏請

旨停刊由單等事 停刊由單

遵例

奏繳郵符等事 覆勘合少用印信

遵例

奏繳郵符等事 覆惠潮道梁廉勘合少用印信

打死弟命事 黃亞三招擬

打死媳命事 王玉勝招擬

清忠堂奏疏 日次 卷一目次

恭

二

清忠堂撫粵奏疏

恭謝

天恩

管理直隸錢穀守道秦議今陞巡撫廣東等處

地方提督軍務兼理糧餉鹽法都察院右僉

都御史臣朱弘祚謹

奏為恭謝

天恩并請

清忠堂奏疏

恭謝一

臣見欽奉

聖訓以盡微誠事康熙二十六年十一月二十八日

准吏部咨為補授巡撫事文選清吏司案呈奉

本部送吏科抄出本部題前事康熙二十六年

十一月二十三日奉

旨朱弘祚從優陞補廣東巡撫應兼職銜爾部議奏

欽此欽遵抄部送司相應移咨前去欽遵查照

施行等因到臣謹恭設香案望

闕叩頭謝

恩訖竊臣一介草茅謬叨鄉薦屢荷

皇恩由縣令歷陞直隸守道秦議愧無寸長報稱乃

復荷

新綸優陞廣東巡撫此誠

恩逾望外迥出非常聞

命自

天惶悚無地臣何人斯謬邀

清忠堂奏疏

恭謝二

寵眷惟有益勵冰蘄竭驥自矢以仰答

皇恩於萬一除臣守道任內經手錢糧逐一交代明

白造冊呈送撫臣于成龍覆核另

題外伏念粵東遠在天末當兵燹之後民生困苦

已極臣庸才庸此重寄必得仰求

天語親為指示庶免措置失宜况粵東去

京將及萬里臣受

皇上格外知遇今奉

命遠行大馬下情實深瞻戀仰祈

鑒臣愚衷俯允

陛見俾臣得以躬請

聖訓欽奉南行庶撫綏嚴疆遵循有賴矣伏乞

睿慈俞允施行康熙二十六年十二月初十日題十

七日奉

旨朱弘祚著來京陛見該部知道

清忠堂奏疏

恭謝三

陛見紀略

正月二十二日奉

上傳朕日久未見大臣有九卿會議要緊事件因身

不安新放二巡撫未曾起身明日勉強而論二巡

撫使各速赴新任各衙門有緊要事亦速來啓奏

欽此二十三日

上御乾清門臣朱弘祚同江西巡撫王鶚

陛見按班次跪下

清忠堂奏疏

紀畧一

上命近前遂進跪金墩內再

命近前跪

御座側江西巡撫奏訖

上問你有甚麼啓奏臣朱弘祚奏曰廣東邊海重地

與別省不同前被尚逆爲害百姓困苦已極今

雖平定流弊猶在臣以外道小臣從無陞巡撫

之例蒙

皇上從優拔置巡撫隆恩破格臣到地方也要破格

將人所不肯做不敢做的事竭力做得幾件

答

聖恩若仍是尋常用臣何益

上曰督撫以操守為要大法則小廉地方自無繁福

臣弘祚奏曰誠如

聖諭督撫封疆大臣藩臬亦地方大吏源清流潔臣

去要先從自己衙門清楚起更聖屢察藩臬兩

司督撫藩臬不要錢道府州縣誰敢要錢臣止

清忠堂奏疏

紀畧二

知有

皇上隆恩捐糜難報此外並無贍顧又江西巡撫奏

乞

上曰身為大吏尋常日用豈無所資但要操守廉潔

於大節目處留心念念從愛百姓起見便是良吏

如兩于成龍范承勳皆良吏也你們要照他做臣

弘祚奏曰臣受

皇上不次拔擢若稍萌私念不特大負

皇上仰天下人亦唾罵臣

上曰向來督撫在朕前皆說做清官及到地方往往

與所言不符人貴終始如一朕特簡爾等當砥礪

清操毋負朕拔擢之意臣弘祚奏曰臣至彼處所

行一切事宜難逃

聖鑒此時在

皇上前言之亦未有據

上曰為大吏的以從容安靜為至便是地方之福

清忠堂奏疏

紀畧三

官先要教誨他如教之不效然後題參臣弘祚奏

曰臣謹識之奏畢

上命且起稍候還有密諭是日

賜白金一千兩

恭報入境

巡撫廣東等處地方提督軍務兼理糧餉鹽法

都察院右僉都御史臣朱弘祚謹

題為恭

報微臣入境日期仰祈

睿鑒事竊臣以菲材分守京畿毫無裨益荷蒙

聖恩特簡優陞廣東巡撫思惟嶺南邊徼距京入千

餘里途路遙遠

清忠堂奏疏

恭報一

陛辭之後不帶眷屬單騎就道水陸兼程迨抵江西

省城又值潦水湧漲湖灘踰嶺于康熙二十七

年四月十七日至廣東南雄府境接准總督兩

廣帶管廣東巡撫印務臣吳興祚咨差委廣南

韶道僉事陳子威撫標中軍遊擊宋元英齎到

欽頒廣東巡撫關防一顆

王命旗牌八面桿副并送文卷書史到臣隨即恭設

香案望

關叩頭謝

思祇領訖其入省到任受事日期及恭謝

天恩另疏陳

奏外所有入境日期合先題

報伏乞

睿鑒敕部查照施行謹具題

知康熙二十七年四月十八日題奉

旨該部知道

清忠堂奏疏

恭報二

到任奏謝

奏為恭謝

天恩仰祈

睿鑒事竊臣一介小儒叨叨鄉薦由江南盱眙縣知縣兩遊薦剡濫舉卓異荷蒙

聖恩欽賜袍服至康熙十四年臺省員缺行取考選

入京時臣姪朱紱方任大理寺卿吏部題明題

避補刑部主事歷陞本部員外郎兵部督捕司

清忠堂奏疏

奏謝一

即中天津道僉事所歷各任內無不恪共職守

再陞直隸守道參議備補錢穀繁劇之任雖益

加菟業自持然實無一善足錄忽蒙

皇上非常之恩不由廷推簡畀巡撫東粵兩

命之日驚悚無地夫參議外道小臣

本朝四十餘年從無驟越數階超陞巡撫之例臣何

人斯乃蒙

皇上特恩破格擢用及奏請

陛見獲奉

俞旨星馳入都適常

皇上哀毀之際即念及臣等

特傳入見乾清門命臣跪近

御座

聖誨俄摯又

召入內廷密諭周悉復

命侍衛傳

清忠堂奏疏

奏謝二

首念臣服官淡泊路途遙遠

賜銀一千兩越日又

賜鞍馬一匹臣拜受感激不覺涕零竊念臣兄昌祚

歷官至三省總督不幸陷于非辜隨蒙

天恩昭雪至今家門受庇泉下啣

恩臣為昌祚胞弟更以道臣巡撫

異數隆恩未嘗經見臣即捐糜頂踵不足仰報萬一

臣惟有凜遵

聖訓正已率屬無所畏顧無所瞻徇核輯兵民澄清

官吏以不負

皇上之重寄不負

皇上之特知而已除到任日期另疏題

報外 臣謹望

關叩頭將感激私誠恭疏奏

謝伏乞

皇上睿鑒施行康熙二十七年四月二十六日題奏

清忠堂奏疏

奏備三

旨該部知道

題報入省到任受事日期

題為恭

報微臣入省到任受事日期仰祈

睿鑒事竊臣奉

命撫粵于康熙二十七年四月十七日入廣東南雄

府境接領

欽頒關防

王命旗牌業經恭疏報

清忠堂奏疏

到任一

聞在案隨自南雄發棹星夜前行今于本年四月二

十五日已至廣東省城入署恭設香案望

關叩頭謝

恩受事訖其地方利弊應興應革一切事宜容臣次

第釐舉詳行人

告所有到任受事日期理合具疏恭

報再照督撫新任凡承奉

欽部案件例得展限今臣衙門現理各案自到任之

日起仰遵定例依限完結外合併

題明伏乞

皇上睿鑒

敕部查照施行謹具題

知康熙二十七年四月二十八日題奉

旨該部知道

清忠堂奏疏

列任二

奏筆帖式塔巴

題為拿送逃人事據按察司呈詳該臣查得與東
僻在海隅旗民雜處兼以逆藩家屬起發之後
人口私自回南潛藏地方奸宄叢生指逃罔詐
之事往往多有若不嚴加飭禁民生何安先有
許進福仰梁進福被廣東駐防筆帖式塔巴家
人宋兒拿獲解保尚之璋家人趙家祥之人于
康熙二十二年正月在江西拐伊丫頭燕嬌并

清忠堂奏疏

逃人一

銀兩金手鐲等物逃走家祥有書寄與塔巴查
拿進福亦自認帶逃并供轉賣燕嬌及與許美
興等首飾銀兩等項地方官捉集細訊一無確
據經前撫臣李士楨移咨督捕查問其有無逃
檔未曾覆明止准咨稱趙家鳳供認進福係伊
家人帶有金鐲銀兩等物逃走速行解部等因
今據按察使沈志禮詳稱轉行會同審解現于
塔巴家獲到趙家祥供稱從未寄書查拿且不

認進福係伊家人及提宋兒面質乃稱前供盡
係伊主塔巴所使至分寄銀兩金銅珠花等物
不但許美興等堅供無有此事卽據進福所供
亦一無確証且詢屈德賢代買之妾係梁萬生
之妹並非燕嬌以前供報指拔盡屬假捏宋兒
吐供甚明再查許進福脫逃廣省並無檔案今
在廣則稱趙家祥係伊主而在部又係趙家鳳
出認且塔巴窩留趙家祥在家一年有餘許進

清忠堂奏疏

逃人二

福既係逃人何以不報明地方官乃徑令宋兒
私自拘拿囑其指供更不卽令家祥出認借逃
誣害情弊顯然嶺南天末之地民生困苦屢屢
忝懷豈敢防之具敢于通同罔詐法所難容若不按
例嚴加議處粵地窮民將來株累無已查塔巴
係八品筆帖式除移會將軍臣看守外臣謹會
同兩廣督臣吳興祚廣東將軍臣拜音達禮副
都統臣魏黑納合詞

題參伏乞

睿鑒

敕部議覆施行康熙二十七年五月十九日題奉
旨該部嚴察議奏該兵部督捕議得八品筆帖式塔
巴私拿逃人通同罔詐應交與吏部議處等因
康熙二十七年七月初九日題本月十一日奉
旨依議該吏部覆議得原疏內並未取筆帖式塔巴
囑令宋兒使供通同罔詐確實口供臣部不便

清忠堂奏疏

逃人三

速議應咨廣東廣西總督將塔巴私拿逃人許
進福通同罔詐等情逐一與宋兒等面質嚴加
審擬具題到日再議可也康熙二十七年七月
二十五日題八月初一日奉
旨依議

張端邦招擬

題為打死兄命事據按察司呈詳該臣看得張端

邦之毆死易志善因端邦親兄張景周與族人

張正乙遞欠鹽課經平遠縣行著地保拘攝時

易志善馬來春輪當地方保甲志善先自拘得

張景周解縣於康熙二十六年九月初十日志

善復回馬來春往拘張正乙行至湖洋潭地方

適張端邦張正能兄弟二人欲買食米偕行赴

清忠堂奏疏

卷一 兄命一

七

縣兩相湊遇端邦以先拘其兄歸咎志善志善

又以張正乙係其同族欲向端邦等根尋彼此

口角繼相互毆端邦用拳毆傷志善兩耳左肩

隨又用石毆打志善頂心顛門致命重傷二處

張正能亦用拳毆志善背後端邦因見志善被

打將危懈心忽萌真欲扛回救勉就意致命傷

重越時身死馬來春在場目擊收解不能報知

伊弟易志學控縣告究而張端邦畏罪脫逃至

十一月十八日始獲經縣相驗傷符証確張端

邦供認情真絞抵不枉張正能用拳助毆未執

兇器且驗無傷痕律以餘人滿杖遇熱審戒等

折責允宜餘屬無干均應免議既據該司招詳

前來經臣親審無異理合具

題伏乞

敕下三法司核擬施行康熙二十七年五月二十九

日題七月初七日奉

清忠堂奏疏

卷一 兄命二

八

旨三法司核擬具奏該刑部會同院寺會看得張端

邦打死易志善該撫歷審自認情真張端邦合

依共毆人因而致死者以致命傷為重下手者

絞監候律應擬絞監候秋後處決張正能合依

餘人律杖一百遇赦等應杖九十折責三

十五板可也等因康熙二十七年七月十五日

題十六日奉

旨張端邦依擬應絞著監候秋後處決餘依議

康熙二十七年秋審

題為恭

高酌定

朝審秋審分別之例以廣

皇仁事據按察司呈詳該臣等會看得粵東秋審六

案一起彭邦彥因拉小子官生鷄姦不從刀砍

官生腮頰等處即時身死覆審自認情真合照

原招擬斬應決一起陳正坤使用屯米丁銀覆

清忠堂奏疏

卷一 秋審一

五

審自認情真一起董海侵蝕錢糧銀米覆審自

認情真一起李璿陽加收耗米入已覆審自認

情真一起趙德弘侵蝕錢糧銀米覆審自認情

真以上四起俱照原擬分別斬絞查陳正坤兩

經奉

旨緩決并董海李璿陽趙德弘各應追銀米俱未完

補現在勘追四犯應否緩決一起吳亞石因林

石蔭牽牛過亞石麻地亞石以為踐踏其麻兩

相角口一時氣忿亞石用拳打著林石蔭左右

兩脅致命身死覆審自認無異但亞石原無毆

死之心情有可矜應否緩決統候部議又一起

余元英一起楊大康熙二十五年秋審經前撫

臣李士楨具

題部覆情真於冬至以前正法因文到已逾冬至

之期復經前撫臣李士楨具疏

題明康熙二十六年三月十九日准部咨行將余

清忠堂奏疏

卷一 秋審二

五

元英楊大停其處決於今年冬至以前行文正

法但康熙二十六年秋審奉

旨通行停止欽遵在案今據該司將余元英楊大原

招造冊并同各起招冊詳繳前來除揭送刑部

都察院大理寺會核外臣謹會同兩廣總督

吳興祚合疏具

題伏乞

敕下三法司核覆

上請行臣等遵奉施行康熙二十七年六月初十日

題十月三十日准刑部咨彙題奉

旨今年內外秋審俱著停止

清忠堂奏疏

卷一 秋審三

主

康熙二十七年舉劾文職暫停

題為薦舉必不可停事該臣看得官員二年舉劾

一次關係勸懲

大典必真知其人之賢否方敢據以入

告臣於四月二十五日蒞任適當今歲舉劾之期現

在大小官員政蹟臣雖事事體察日加採訪緣

地方遼闊耳目難周即廉有一二員是優是劣

此時尚未敢盡信為真况今冬又值

清忠堂奏疏

薦舉一

計典如有卓異之員以及有干八法者俱當覈實分
別

上請其今歲二年舉劾一案相應

題明暫停仍容臣細加察訪若果有不肖屬員自

當不時糾劾斷不敢少為姑容以貽民害有且

我

皇上澄清吏治至意為此恭疏具

題伏乞

睿鑒

敕部議覆施行康熙二十七年六月初十日題奉

旨該部議奏該吏部議得查定例內督撫二年舉劾

一次今該撫既稱蒞任適當舉劾大小官員優

劣未敢盡信應將廣東二十七年舉劾暫停如

有溺職官員仍不時查叅可也奉

旨依議

清忠堂奏疏

萬舉二

糾叅楊來鳳佔帶部民子女歸旗

題為廢官佔帶部民子女歸旗事據布按二司呈

詳該臣看得陵水縣知縣楊來鳳准部文罷斥

歸旗先經署撫臣吳興祚及臣嚴檄飭催起行

已據布政司詳報該員起程日期咨部在案茲

據布政使柴望按察使沈志禮詳稱楊來鳳在

任購買部內軍民衙役子女或托名家僕而恣

意宜淫或短價強壓而勒寫虛契教習優伶故

清忠堂奏疏

糾叅一

克婢妾今不允取贖盡挾歸旗致軍民吳國瑞

等紛紛控訴查陵水縣冊報來鳳回京家口儘

男婦三十三名今瓊山縣續送之冊增至六十

五名則溢出口顯係佔帶部民子女經瓊州

府知府佟湘年屢次委曲開諭而楊來鳳抗不

給還似此罷斥廢員日無

功令前既違例原員今復強帶回旗若不嚴加究處

海外窮民何以安生相應

題叅請

敕究擬將勒買人口給還軍民完聚以廣

皇上惠愛元元至意既據該司呈詳前來臣謹會同

兩廣總督臣吳興祚合疏具

題伏乞

敕部議覆施行康熙二十七年六月二十一日題本

年七月二十七日奉

旨該部嚴察議奏該吏部議得廣東巡撫朱弘祚疏

清忠堂奏疏

科叅二

稱陵水縣罷斥知縣楊來鳳在任購買部內軍

民衙役子女或托名家僕而恣意淫淫或短價

強壓而勒寫虛契教習優伶收克婢妾今又不

允取贖盡挾歸旗致軍民吳國瑞等紛紛控訴

相應題叅究擬等因前來查楊來鳳係罷斥之

員其購買部內軍民衙役子女之處應行令該

督嚴審究擬具題到日再議可也

停刊由單

題為再疏請

旨停刊由單永甦民累事據布都二司驛鹽道呈詳

該臣看得粵省州縣衛所鹽場徵收錢糧由單

逾年刊造頒發民間并送部存案原係舊例茲

因直隸晉省由單免刊并各省應否停止之處

部覆通行詳議具題今行據布都二司驛鹽道

議詳前來臣查由單內開田地山塘等項每畝

清忠堂奏疏

由單一

科則悉照全書開造從無更改小民按則輸納

歷年已久且每年開造總撤確數報銷內部按

冊稽核自無微多報少以熟作荒情弊則由單

原屬可有可無之項與其刊刻紙張工費不肖

官吏藉以科派累民不若徑行停刊為便相應

題

請俯照直隸晉省事例粵省由單於康熙二十八年

起停止刊造至於荒遷州縣編徵本折與嘩漆

衣裝物料溢價俱以康熙二十七年由單爲定
則後有起徵墾復稅畝照依全書則例全徵折
色待至荒遷盡復再爲均融派徵其墾復限滿
起徵與續報額外陞科應徵糧餉優免人丁應
免應扣并南海花縣順德三縣虛稅遇有陞科
抵補之數總俟年終廣參冊內造報查核合併
聲明候部議既經該司道呈詳前來臣謹會
同兩廣總督臣吳興祚合疏具

清忠堂奏疏

由單二

題伏乞

敕下該部議覆施行康熙二十七年七月初十日題

八月二十三日奉

旨該部知道戶部會議得先經直撫于成龍疏稱刊
刻由單不肯官役指稱刊刻紙板之費用一派
十窮黎不勝其困等因臣等會同議覆將直隸
晉省由單免其刊刻其各省地方不同由單應
否停止之處請

敕各省督撫詳議具題去後今該撫疏稱由單款目
與全書無異應徵銀米刊佈年久小民熟知如
有陞增獨減又出示曉諭每年刊刻紙板之費
派取累民應請循例停其刊刻等語應如所題
將由單停其刊刻俟

命下之日通行各省令各該撫等將停刊由單緣由

曉諭百姓嗣後每年如有陞增獨減等項先期

示諭務令百姓通知可也康熙二十七年九月

清忠堂奏疏

由單三

十三日題本月二十五日奉

旨依議

覆勘合少用印信

題為遵例

奏繳郵符等事據驛鹽道呈詳該臣看得粵東康

熙二十五年分赴任入

覲賚

表解餉各官勘合內少豐城清江等縣驛印信准

部咨查開列職名具題再議行據驛鹽道會事

張雲翮詳稱參將涂顯到江西南昌府南浦所

清忠堂奏疏

卷一 郵符一

无

取船徑至頤州府更換是以經過豐城等九站

皆不向取船隻致未用印縣丞鄭愛民從新淦

縣合舟登陸由奉新安義徑出建昌是以不用

新建縣印信縣丞何天祐當日船至攸鎮適遇

風狂浪急難以停泊未及赴用驛印業經呈明

兵部存查故諭方日定經過大庾縣攸鎮驛使

時染病不能騎馬自僱夫船趨程亦未向該縣

驛取印是各官勘合內少用各縣驛印信皆因

未經應付之故非有多索擾驛情弊其勘合少

用印信則係兩廣督標左營現任參將涂顯香

山縣現任縣丞鄭愛民原信宜縣儒學丁憂離

任教諭方日定曲江縣現任縣丞何天祐但據

稱已赴兵部呈明相應併列職名候部查議至

原廣東布政司丁憂離任布政使卽廷樞原河

源守禦所丁憂離任千總竇邦佐俱已回籍經

總督臣吳興祚移咨直隸撫臣查明徑覆及咨

清忠堂奏疏

卷一 郵符二

手

明兵部在案其惠潮道現任會事梁廉賚

表未回應俟旋粵之日查明另疏題

報既據該道呈詳前來臣謹會同總督臣吳興祚

合疏具

題伏乞

敕部議覆施行康熙二十七年七月初十日題奉

旨該部知道

覆惠潮道梁鼎勸合少用印信

題為遵例

奏繳郵符等事據驛鹽道呈詳該臣看得粵東康

熙二十五年各官赴任入

覲進

表解餉勘合內少用縣驛印信准部咨查先行據

驛鹽道詳稱布政使郎廷樞河源所千總竊邦

佐俱已丁艱回籍請咨直隸查覆並將兩廣督

清忠堂奏疏

卷一 郵符三

三

標參將涂顯等各勘合內少用印信緣由查覆

前來其惠潮道會事梁鼎勸因貴

表未回經臣會疏聲明

題覆在案今據驛鹽道會事張雲翮詳稱惠潮道

會事梁鼎勸回粵移准覆稱康熙二十五年該道

赴任時行至江西南昌府遵照勘合在南浦所

抄填支取紅船一隻適值上水狂風大作不能

前進隨自僱騾頭由陸路前至贛縣始將支坐

紅船其豐城新淦清江峽江吉水廬陵泰和五

雲攸鎮九站皆未向取夫船致勘合未用印信

並無兼支越站多索情弊其勘合少用印信則

係分巡惠潮道會事梁鼎勸也相應開列職名候

部查議既據該道呈詳前來臣謹會同兩廣督

臣吳興祚合疏具

題伏乞

敕部議覆施行康熙二十七年十月二十三日題奉

清忠堂奏疏

卷一 郵符四

三

旨該部知道該兵部等議得廣東各官勘合未用印

信之處行查去後今據江西巡撫宋榮咨稱江

省勘合差遺自南至北經由水路者自廣東而

度梅嶺即於南安府之橫浦驛乘船抵贛州贛

州換船直抵南昌南昌更換徑送江寧其自北

至南經由水路者江寧乘船徑送南昌而南昌

換船徑至贛州贛州換船送至橫浦驛度嶺入

粵此南北二路往來勘合一切差使之定例也

其自粵來差使抵江省南安之橫浦乘船至贛州所經大庾小溪南康三縣驛自贛抵省經過攸鎮五雲泰和廬陵吉水峽江新淦清江豐城等九縣歷未編設船隻從無應付水路勘合之例是以俱未鈐印總之江省有接替之水驛可以徑達者毋庸逐站分編以免零星盤剝茲奉行查相應咨達等因前來查兩廣督標恭將添顯惠潮道梁應縣丞鄭愛民何天禧發諭方曰

清忠堂奏疏

卷一 郵符五

五

定千總竄邦佐勒合內少用豐城等縣驛印信各情出既經江西巡撫查明歷未編設船隻從無應付水路勘合船隻之例是以俱未鈐印等語其恭將添顯等均毋庸議等因康熙二十八年正月二十九日題二月初九日奉

旨依議

黃亞三招擬

題為打死弟命事據按察司呈詳該臣看得黃亞三之毆死黃貞耀因康熙二十六年十二月二十一日夜黃貞與同弟貞耀葬父於孟子崗亞三之父黃維興謂其干碍祖墳遂於是夜父子同往理論值貞興兄弟葬畢歸遇於途角爭不已繼即互毆貞耀隨執搗帚挑竿毆打黃維興亞三護父奪竿還毆恰中貞耀腦後致命之處

清忠堂奏疏

卷一 刑命一

五

移時畢命歷審傷真証確亞三自認不諱雖因救父起見原無毆死貞耀之心但貞耀實被毆身死亞三絞抵何辭至黃維興就地拾磚拋打貞耀脊背雖驗非重傷亦當治罪弟本犯在逃應俟獲日另結既據該司招解前來經臣親審無異理合具

題伏乞

敕下法司核擬施行康熙二十七年七月初十日

題八月二十一日奉

旨三法司核擬具奏該刑部會同院寺會看得黃亞

三毆死黃貞耀該撫歷審自認情真黃亞三合

依凡鬪毆殺人者不問手足他物金刃並絞監

候律應擬絞監候秋後處決在逃黃維興獲日

另結可也等因康熙二十七年八月二十八日

題九月初四日奉

旨黃亞三依擬應絞著監候秋後處決餘依議

清忠堂奏疏

卷一 第命二

畫

王玉勝招擬

題為打死媳命事據按察司呈詳該臣看得王玉

勝之毆斃石氏也因廉郡陋俗每于新歲元宵

男女雜選歌唱為樂康熙二十七年正月十二

夜石氏乘夫外出先在門前鞦韆架側唱歌而

玉勝少年放浪適至其旁遂相贈答既而石氏

唱輪回家玉勝隨後入室致石氏臂屬裂碎其

衣激怒玉勝毒毆鱗傷石氏業已倒地垂危王

清忠堂奏疏

卷一 第命一

畫

大從旁解勸玉勝猶忿不允從復逞兇脚踢石

氏致命之處皆受重傷移時氣絕驗真証確玉

勝自認不諱按以故殺律斬洵不為枉既據該

司招解前來經臣親審無異理合具

題伏乞

敕下三法司核擬施行康熙二十七年七月初十日

題八月二十一日奉

旨三法司核擬具奏該刑部會同院寺會看得王玉

廖啟堯石氏該撫歷審自認情真王玉勝合依

凡故殺者斬監候律應擬斬監候秋後處決等

因康熙二十七年八月二十九日題九月初四

日奉

旨王玉勝依擬應斬著監候秋後處決

奏疏

卷一 總命二

考

清忠堂撫粵奏疏卷二目次

粵東鹽政等事 整理鹽政

鹽政第一疏等事 清理鹽法必革除陋規

鹽政第二疏等事 革除三年換單

鹽政第三疏等事 魚地撥引以漸墾課

鹽政第四疏等事 驅逐流棍另募殷商

鹽政第五疏等事 巡緝私鹽當嚴專責

鹽政第六疏等事 生熟鹽引宜從民便

清忠堂奏疏

卷二 目次

鹽政第七疏等事 打包盤驗金停佛山一製

鹽政第八疏等事 酌定遠近鹽價

整理鹽政

題為粵東鹽政敝壞已極亟宜立法整理謹據實

上聞仰祈

敕部詳議飭行以期利盡歸民商收實效事竊臣以

道員荷蒙

皇上不次優擢填撫粵東感激

天恩捐糜莫報自從抵任隨處體訪事無巨細凡有

清忠堂奏疏

實效一

關於地方利弊民生休戚臣可以徑行者立即

舉行不敢輕改

宸聽其有積弊相沿極重難返非請

天語申飭不能徹底清查或可施于目前不能垂諸

久遠者不得不據實

上聞仰祈

睿鑒如鹽政一事粵東行鹽未嘗無利若行之得法

則

臣課民生均有裨益其如從前各官率皆私爾忘公

因循陋例月溢日增以致流弊滋深累官害民

病商虧課所當亟為更定釐革案查康熙四五

年間有前撫臣王來任留心民瘼於鹽務立法

頗詳至今商民傳頌詎遭逆藩尙之信等在廣

凡民間生意盡被霸奪廣南部肇惠屬等處埠

商名雖里排舉報其實皆係藩棍佔踞害難舉

述迨後尙逆雖云伏誅舊日黨類猶繁仍復投

清忠堂奏疏

實效二

托勢要假日旗營流風故轍曾未有改如三年

換埠當日原應有好商踞地為害故酌立年限

使之輪充不許久戀今竟以埠之上下定費之

多寡棍徒百計貪求員本既重所以到埠恣意

橫行鹽價一倍增至數倍且夾帶販私公然無

忌四路廣布巡丁不論過往商民船隻勒買鹽

斤動輒借私挾詐肆購無窮民人無力買鹽寧

甘淡食遂至官引壅積不銷地方官迫於考成

按丁勒派代為追比部虛窮磨難不受害雖每年

奏銷通取地方官金無派累里民印結送部其實

掩耳盜鈴積弊牢不可破即臣到任適值

奏銷之時據各屬印結送到亦循例轉送及細加

體訪并據商民條議從前種種陋例盡皆和盤

托出臣現在嚴檄查拿力行禁飭雖奸棍業已

聞風欲跡然不酌立章程計圖經久誠恐射利

清忠堂奏疏

實效三

之徒旋復踵成屬階因令所司細加斟酌并將

商民條議各詞一并檄行確查去後隨據驛鹽

道僉事張雲開議詳前來如上下官役陋規之

當革除三年換埠積弊之當酌改均撥引地以

疎塞滯驅逐流棍以絕禍害并扼要稽查申嚴

巡緝分別生熟以及嚴盤掣定鹽價諸款臣復

細加查核允為商民兩便謹分晰入疏恭陳

伏乞

敕部詳議分別飭行使粵省官吏商民知有法紀永

遠遵守其尚有前撫臣李士楨因藩佔鹽田樂

行加餉一案致靖廉海等處丁連年賠累

現據紛紛控告各臣分行查勘明確另疏

題請至從前官吏陋例相承借僉商核引之名納

賄行私以致鹽政敝壞本應

題參議處但係逆藩作俑相沿日久竊思遠選

以根究且奉屢

清忠堂奏疏

實效四

赦金在

上諭以前應否邀

恩寬免理合一併具

題聽候部議伏乞

皇上睿鑒

敕部議覆施行康熙二十七年八月初七日題九月

十五日奉

旨該部知道

清理鹽法必先革除陋規

題為鹽政第一疏清理鹽法必先革除陋規事據廣東驛鹽道僉事張雲副呈稱奉臣牌開粵省鹽政之壞固在流棍霸佔灶取民財亦由司鹽官役惟利是圖以致弊端叢起積漸難返夫民間之利原應歸之民間粵省之利尤當還之粵省豈容上下相蒙害僮害商害民至于此極今做底清釐務在立法精詳商民兩便經久可行

清忠堂奏疏

清理一

該道逐款確酌妥議具詳等因奉此該本道查事張雲副看得鹽法衙門依商為利窟流弊至今常例之多不可枚舉商無以應不得不夾私騰價夾私則鹽積騰價則鹽滯此正引所以難銷納餉所以後時也今以後一切各衙門僉商拆引盤單各陋規盡行永革絲毫不許需索如有官役私加本道察實即時揭報

題參重處派不加則商本自輕鹽價自賤而編

戶窮簷日用稍蘇從此沾恩無盡等因到臣據

此該臣看得地方之利原自有數不在官則在民如粵東之鹽即粵東之利果能疏銷有方鹽價輕減萬姓皆蒙其利若任用匪人利歸中飽萬姓皆受其害臣端理鹽法細防從前陋例如食照一商無論大埠中埠小埠取結轉詳批准承兌節節皆有公費此弊即臣衙門為最又知引費每引自一釐以至數分大小官與衙役藉

清忠堂奏疏

清理二

層次分取加以盤掣納餉偏針茶菓等項均有派繳名色奸棍貪克商客上下打成一片負本既多不得不于鹽價加重并凡可以剝取民財者無不設計搜索于是民困日深官引日積私販日興課餉日進此皆由苛取陋規之故利歸于官役所以害貽于商民今自臣衙門起以後凡經管鹽務各官務將從前陋例痛加革除如有仍前踵沿舊習取索常例作何定例處分使

商本輕便則鹽價自減鹽既減價則民樂買食

引易疏銷官鹽行而私販不禁自絕其於

國課商民良有裨益抑臣更有請者粵省向來積

弊如此其他省行鹽雖事例各有不同而道司

官役因循陋例者未必全無我

皇上自有洞鑒應否

敕部一併嚴定處分之例通行禁飭伏乞

皇上睿裁

清忠堂奏疏

清理三

敕部議覆施行康熙二十七年八月初七日題九月

十三日奉

旨該部議奏該戶部議覆臣等查得廣東巡撫朱弘

祚疏稱廣東之鹽疏銷有方鹽價輕減萬姓皆

蒙其利若任用匪人利歸中飽萬姓皆受其害

臣專理鹽法因細訪從前陋例如食點一商取

結轉詳批准承克上下皆有公費此弊即臣衙

門為礙又如引費每引自查釐以至數分大小

官役層次分取加以盤掣納餉等項均有派繳

名色負本既多不得不於鹽價加重於是民困

日深官引日積私販日興課餉日進此皆由苛

取陋規之故今自臣衙門起以後凡經管鹽務

將從前陋例痛加革除如有仍踵舊習取索常

例作何定例處分伏乞

敕部一併嚴定處分之例等因前來查康熙十七年

原任兩淮御史郝浴條奏經九卿會議鹽斤課

清忠堂奏疏

清理四

銀俱有定額如額課之外加出者即為私派應

令該御史據實指叅從重治罪等因具題行文

在案今該撫既稱食商盤掣納餉等項禁止大

小官役派取等弊俱係該撫專責如有不肖官

役仍踵舊習該撫據實指叅照例從重治罪可

也等因康熙二十七年九月二十二日題本月

二十五日奉

旨依議

革除三年換埠

題為鹽政第二疏革除三年換埠以清積弊事據

驛鹽道僉事張雲鵬呈稱粵商認埠行鹽三年

一換里舉官詳轉折多端如鹽引易銷之上埠

稍有身家者固在貪求承認即身無立錐之人

投托債主勢要亦復強行攘奪期滿退商又思

更名按踞遂致上下官役任意需索不先罄其

資不止至積引難銷之埠互為推諉里排僉報

清忠堂奏疏

革除一

又開鑿詐之媒且三年限促轉輸不及各商有

何顧惜凡可以夾私騰價巧取暗射之術無所

不為及限滿課逋逃避無完此曠引遺引之數

多半賠于世介半派于民糧害無已時也今奉

本院檄行確議本道查埠之大者需本一二萬

金埠之小者亦需數千金恐土商無此厚貲且

應埠之人課多責重更慮輸納不前今議于大

埠招商二名小埠招商一名令其量力承認每

年引餉限于九月全完十月清核商之良者水

遠承充不良者即時除名另舉至于潮郡鹽斤

向來俱係本地散商承管自添棍旗棍先後霸

踞僅以三四人承充將一郡鹽利盡行包佔以

致丁窳商民均受大害據該府石文晟詳請嚴

行禁飭仍照舊例槩用土著散商擇其無過者

永令承運各商圖保恒業自不敢恣肆害民則

積奪鑿詐之端亦無自而生等因到臣據此該

清忠堂奏疏

革除二

臣看得人有恒業必圖久遠謹慎護持守而弗

失若暫時承應彼亦作暫時計矣况商人原係

射利之輩未到埠以前取結詳克互相攘奪已

用如許資本迨到埠以後引多餉重計日行銷

兼之債利滾算與拆引盤掣等項虛費甚繁不

一二年間轉瞬更換視商埠為傳舍惟恐利之

不增官私夾運惟恐利之不盡所以遠近地方

並受其害此由三年更換太頻官役需索太甚

一人承埠太重之故也今酌量大埠招商二名
小埠招商一名令其量力承認潮郡亦照舊例
樂川土著散商引餉定在九月全完十月清核
商人公平貿易與地方相安者徑令永遠承充
若課餉逋欠與作奸犯科之人即時驅逐另募
總不許旗營勢要及現任地方文武官包攬亦
不許擅立引窩名色私自頂替永除三年更換
之例既絕鑽竇又省開費商人自爲恒業久遠

清忠堂奏疏

革除三

計必慎重經營不惟

國課易完而百姓亦免派累之苦矣伏乞

皇上睿鑒

敕部議覆施行康熙二十七年八月初七日題九月

十三日奉

旨該部議奏該戶部議覆臣等查得廣東巡撫朱弘

祚疏稱粵省認埠行鹽三年一換視商埠爲傳

令官私夾運惟恐利之不盡所以遠近地方並

受其害今酌量大埠招商二名小埠招商一名

商人公平貿易與地方相安者徑令永遠承充

若課餉逋欠與作奸犯科之人即時驅逐另募

其旗營勢要地方現任文武官包攬亦不許擅

立引窩名色私自頂替等因前來查康熙二十

一年前任廣東巡撫李士楨將粵省鹽商向于

里民排甲報認今宜做准浙事例漸次招商不

拘里排不限年歲總以急公銷引辦課者久遠

清忠堂奏疏

革除四

克商臣部議覆廣東省向係里民排甲報克商

人行鹽銷引成例已久歷年課銀亦俱全完今

若不論土著外籍保令承充恐有豪強恃貴強

佔要地關津不容商民貿易欺壓作害亦不可

定應將該撫題請招商之處無庸議等因具題

准行在案今該撫所請定商人名數永遠承充

之處亦無庸議至旗營勢要地方現任文武官

包攬并擅立引窩名色私自頂替等弊該撫卽

據實題叅可也等因康熙二十七年九月二十

三日題本月二十七日奉

旨這本內事情著照該撫所題行

清忠堂奏疏

革除五

量地撥引以清鹽課

題爲鹽政第三疏量地撥引以清鹽課事據驛鹽道僉事張雲龍呈稱本口牌關粵省鹽引多有壅積不完空當酌量疏銷之法某某地方課餉難完作何量減某某地方引目易銷作何酌增不妨齊集老商公同地方官及提舉司從長確議務期引銷課裕等因奉此該本道僉事張雲龍看得近場之民掃地成鹽買鹽者稀最爲下

清忠堂奏疏

撥引一

埠引雖少而難銷遠場之所民居稠密食鹽者多最爲上埠引雖多而食猶不足今爲分別上下商承上埠者許自願增引若干計所增之數以之量減下埠則正額無缺若樂均齊至有一二縣屬創議請廢埠商將課餉派諸糧里甚至私行改派餉既加于田畝民得自挑自賣因而盛行細載四漏鄰封無從稽遏且有司借端利派一倍數倍皆未可定當一併核定實銷引數

飭優招商以成畫一之規可也等因到臣據此該臣看得州縣原有額定引數例應照額疏銷毋事更張然粵省則有不同如東莞增城等處雖稱大縣貼近沿海場寬無地非鹽小民就便取食亦人情之常所以官引多積更有縣屬雖小或界在通衢或商賈輻輳食鹽者衆官引常至不敷是鹽因地銷又未可槩以舊日引額拘也臣請通加查酌某某州縣可以量增某某州縣當行量減把彼注此積引既疏商人自願行銷更有私廢埠商課餉派諸田畝完納名雖似公而實有偏私蓋正賦科于田畝鹽課出自戶口若將鹽課槩于田地派徵則有田者代出多餉而戶無地畝者將終身竟無鹽稅矣且課賦各有款項收解各有職掌未便任其混派當一併查明該地方可銷實數撥引行運在埠雖有大小之別而無苦樂之分引不壅積課不虛賠

清忠堂奏疏

撥引二

商民均便除一面查明造冊另行報部外理合題明伏乞

皇上睿鑒

敕部議覆施行康熙二十七年八月初七日題九月

十二日奉

旨該部議奏該戶部議覆臣等查得廣東巡撫朱弘祚疏稱州縣原有額定引數例應照額疏銷然粵省則有不同如東莞增城等縣雖稱大縣貼

清忠堂奏疏

撥引三

近沿海無地非鹽小民就便取食所以官引多積更有縣屬雖小食鹽者衆官引常至不敷臣請通加查酌某某州縣可以量增某某州縣可以量減把彼注此引易行銷更有私廢埠商課餉派諸田畝完納實有偏私蓋正賦科於田地鹽課出自戶口若將鹽課槩於田畝派徵則有田者代出多餉而無地畝者將終身竟無鹽稅矣當一併查明該地方可銷實數撥引行運等因前

來查各州縣食鹽皆按丁口多寡酌定引額且該省歷年鹽引完銷及額者多今若復行的派恐滋紛擾貽累商民亦不可定應將該撫所請各屬鹽引量行增減之處無庸議至鹽課銀原自商人辦納不應派徵田地相應行令該撫查明原撥引數招商行運可也等因康熙二十七年九月二十二日題本月二十五日奉

旨這本內事情著照該撫所題行

清忠堂奏疏

卷引四

驅逐流氓另募殷商

題為鹽政第四疏驅逐流氓嚴禁現任另募殷實民戶克商以利粵民事據驛鹽道僉事張雲圃呈稱該本道看得當日逆藩在廣招集四方流氓散布郡邑作惡害民已莫可殫述迨尚逆伏誅之後家口起發回京此輩原非尚逆親丁孽蒙

皇恩寬釋仍居廣省其如鷹眼難化昔日則稱係藩

清忠堂奏疏

其有

員近來復員為旗商甚有投托現任官員倚勢強橫霸踞鹽埠到處欺凌借私挾詐賤價虐民之事無所不為流氓一日不驅地方一日不靖近雖稍知飲跡仍應嚴行驅逐聚賭百姓承克營運不許現任文武官員強行佔踞至于缺商之埠止據里排會報無從確知其殷實故以前商人每有鑽謀承埠明報殷實而家無立錐者甚多稱貸以得之必且措飲以償之寃至銷拆

不前遺引播累爲害無極今惟令土著之民現有資本預納額餉之半乃爲殷實方許承克果歲無過犯竟永爲恒業如有鄰邑互爲遷徙外民攜資入籍締媾姻親者能預納半餉亦許承準不必拘定本縣之人行本縣之鹽倘該縣無大殷實之人或有殷實而不願克商者因土著二字及滋官吏棍徒挾詐之端合候裁奪

題請等因到臣據此該臣看得逆藩人員向日在

清忠堂奏疏

某前二

廣肆惡殃民無俟再贅今流棍未靖猶有昔日黨類沿踵舊習或冒名旗營或投托現任謀克商客踞地爲害者所在多有臣抵任以來宣布皇上德威目下業已聞風歛跡猶恐日後此輩仍逞故智鑽克肆害亦未可定臣現在嚴檄查訪如尚有怙惡不悛之人另行拿究今流棍既已驅逐凡大小鹽埠聚招土著並在廣殷實民人投認預納額餉之半者卽與承克從此埠歸于民

無勢可藉自絕橫擾之端至於以後旗營再有隱藏藩棍架害地方及現任文武各官佔奪民利之處應請

敕部嚴加定例處分伏乞

皇上睿鑒

敕部議覆施行康熙二十七年八月初七日題九月十三日奉

旨該部議奏該戶部議覆臣等查得廣東逆藩未弭

清忠堂奏疏

某前三

祚疏稱逆藩人員向日在廣肆惡殃民無俟再贅今流棍未靖猶有昔日黨類沿踵舊習或冒名旗營或投托現任謀克商客踞地爲害所在多有臣今現在查訪驅逐流棍凡大小鹽埠聚招土著殷實民人投認承克從此埠歸於民自絕橫擾之弊以後旗營再有隱藏藩棍及現任文武各官佔奪民利應請

敕部嚴加定例處分等因前來查康熙六年定例王

公將軍督撫以下及地方文武各官縱放家人持資貿易盤踞要地侵奪民利者各本主及家人俱有處分通行在案如有一切佔奪民利之事卽應題參照例處分可也等因康熙二十七年九月二十三日題本月二十七日奉

旨依議

清忠堂奏疏

其前四

巡緝私鹽當嚴專責

題爲鹽政第五疏巡查務在扼要緝私當嚴專責事據駢鹽道僉事張雲翮呈稱廣地私鹽遍布察緝難周奉院牌行設法巡查確議詳奪遵查廣惠各屬濱海多岐且枕近鹽場奸徒易於走險查東莞之虎門港口乃外海深水船隻出入之區惠州浮橋乃淺水船隻載運淡水場鹽斤出入之區此二處爲必經要道雖有汛弁捕巡

清忠堂奏疏

巡緝一

向無功過專責今請於虎門港口金惠州浮橋二處各遣委廉能官一員帶役前往駐劄專管巡查按季輪換倘察查不嚴或徇隱走漏經內地查獲如由虎門進者罪坐虎門委官由浮橋進者罪在浮橋委官責成既專自無透越之弊至於魚船諸船悉行夾帶固宜嚴行盤詰而巡哨兵丁尤爲護私羽翼買私賣私公行無忌今若有犯營兵按律處治本管將弁亦以縱兵與

販罪之如能緝拏大夥大圖照例優敘若獲私
賣放裝誣索等一經發覺計贓治罪并請出示
十斤以下不為私鹽勿許妄拏索詐如是則巡
鹽者有所畏而不敢護私有所勸而力於捕私
私販無所之官鹽自是疏銷等因到臣據此該
臣看得廣屬水路旁雜山徑深窳無處不可行
私巡緝不得其要終致私梟透漏查虎門港口
係進深水船隻惠州浮橋係進淺水船隻二處

清忠堂奏疏

通緝二

皆為要津各委佐貳廉幹官一員駐守盤查其
餘小口私販出沒之地如潮屬之大城所饒平
縣之九峻嶺番禺縣之南牌沙灣三水縣之思
賢滘等處一併飭行各該文武官弁嚴加巡緝
仍諭十斤以下不為私鹽毋許巡役借端滋擾
鄉民至於私鹽必由場賣源不淋漓安得清向
來原有私鹽必查何場何竈丁私賣之處并管
官管兵販私運哨船隻夾帶護送既過往奉差

員後帶賣私鹽地方文武官弁知情縱放與不
知情者向來俱雖有定例今嶺南處天末之地
積弛已久幾不知有
功令目昧妄行者比比皆是合請
勅部將前項逐款再嚴加定例處分容臣通行立榜
曉諭使各知遵守私販禁絕官引無壅此理勢
之必然也伏乞

皇上睿鑒

清忠堂奏疏

通緝三

勅部議覆施行康熙二十七年八月初七日題九月
十三日奉
旨該部議奏該戶部議覆臣等查得廣東巡撫朱弘
祚疏稱廣屬水路旁雜山徑深窳無處不可行
私巡緝不得其要終致私梟透漏查虎門港口
係進深水船隻惠州浮橋係進淺水船隻二處
皆為要津各委佐貳廉幹官一員駐守盤查其
餘小口私販出沒之地一併飭行各該文武官

弁旅加巡緝仍論十斤以下不爲私鹽毋許巡
役借端滋擾至於緝獲私鹽必究何場何處丁
私賣之處弁管官營兵暨過往奉差員役帶賣
私鹽地方官知情縱放者均乞再嚴加定例處
分等因前來查各鹽差

勅諭內開凡貧難小民負鹽易食者勿得槩行擾害
又前撫李士楨將緝獲夾帶私鹽必究從何鹽
場買來何處河路行走務將徇縱之場官與夫

清忠堂奏疏

巡緝四

察之官兵一并參究治罪等因具題臣部議
將夾帶私鹽此鹽買自何場係何處戶私賣之
處逐一嚴查題參俱照定例重處具題通行在
案應將該撫所題請定夾帶私鹽再加嚴定則
例之處無庸議至私鹽透越津要細加盤察係
該撫專責且設有專管鹽法官員又差佐貳盤
察恐致擾累商民亦未可定應將所請遴委佐
貳盤察之處亦無庸議者也等因康熙二十七

年九月二十四日題本月二十七日奉
旨這本內事情著照該撫所題行

清忠堂奏疏

通緝五

生熟鹽引宜從民便

題爲鹽政第六疏生熟鹽引宜從民便行銷事據
驛鹽道僉事張雲翮呈稱天有雨暘之異時民
有燥濕之殊性卽粵民食鹽生熟嗜好各有不
同熟鹽由火復煖性易融化便於調和味鹹而
甘水鄉之民喜食之生鹽成於日曬性能耐久
其味倍鹹山居之民貧艱於得鹽可以省用且
謂食生多力而喜食之舊制聽商隨便拆運自

清忠堂奏疏

鹽引一

藩商朝踞熟場欲其多售增價熟引較生引課
輕承生引之埠者又欲輕餉漏課乃不論土俗
之宜與不宜徑於廣肇惠羅各埠生三熟七硬
派行銷究竟民俗之喜熟者三生亦運全熟民
俗之喜生者七熟亦運全生於是過關之日有
將生引照熟鹽熟引照生鹽官役通同容隱弊
端叢起本道近查新安縣屬城一埠民蛋二籍
從不食生鹽而陽山縣申詳該縣民人又從不

食熟鹽由此以觀益知其民俗異性難以強制

與其爲民所不食而商人銷拆不前何如宜熟
者與之熟宜生者與之生民性既適商引自銷
應候核示通查冊報定奪等因到臣據此該臣
看得粵省行鹽原有生熟二引熟鹽煎於歸德
等場生鹽產於淡水等場現今行銷生引二萬
餘道熟引四千餘道在民嗜好不同有食生鹽
者有食熟鹽者向來原聽商人隨便辨製自運

清忠堂奏疏

鹽引二

藩時將廣肇惠羅各埠改爲生熟三七配搭民
多不便於是商人有將生引照熟熟引照生之
弊合令隨民所好喜食生者徑以生引行銷喜
食熟者卽以熟引行銷或有生熟相兼者亦令
生熟兼銷既聽民便又隨商運而照引之弊不
禁自絕矣伏乞

皇上睿鑒

臣部議覆施行康熙二十七年八月初七日題九月

十三日奉

旨該部議奏該戶部議覆臣等查得廣東巡撫朱弘
祚疏稱粵省行鹽原有生熟二引熟鹽更於歸
德等場生鹽產於淡水等場現今行銷生引二
萬餘道熟引四千餘道在民嗜好不同有食生
鹽者有食熟鹽者向來原聽商人隨便辦掣自
逆清時將廣肇惠羅各埠改為生熟三七配搭
民多不便令隨民所好喜食生者徑以生鹽

清忠堂奏疏

鹽引三

行銷喜食熟者即以熟鹽行銷或有生熟相兼
者亦令生熟兼銷既聽民便又隨商運而照引
之弊不禁自絕等因前來查粵省各場所產鹽
斤生熟不同在民喜食熟鹽生鹽嗜好亦異若
令生熟三七硬派行銷恐非民便而商鹽難於
運銷亦不可定應行令該撫將生鹽熟鹽聽從
民便行銷毋致勒派虧課可也等因康熙二十
七年九月二十二日題本月二十五日奉

旨依議

清忠堂奏疏

鹽引四

打包盤驗並停佛山一掣

題為鹽政第七疏盤掣宜加嚴密以杜夾私偷販
事據驛鹽道俞事張雲翮呈稱奉 臣牌行官引
壅積皆由私鹽盛行而私鹽之中惟商客夾帶
為最若不嚴加盤掣官私混淆弊無底止仰道
細查作何稽緝禁止使課餉克裕確議詳奪等
因奉此該本道會事張雲翮看得官引夾私與
私販等委官作奸何由稽核從前官役客商打

清忠堂奏疏

盤驗一

成一凡陋規如額竟可免盤少報餘斤亦得照
轉以致私鹽充斥官引多壘半由於此今凡鹽
船赴批驗所委官預定盤掣時日鹽司先一日
報明本道會報明本院次早本道飛檄前往掣
驗委官有核印日具文報參並候本院不時親
臨抽掣至海運鹽斤俱係船散裝船身寬大
無數可稍夾帶之鹽較難盤查今後嚴飭場官
及買鹽水客遵照引內斤數無論生鹽熟鹽俱

於場內打包上船不許仍前散裝如有抗違即

以來帶治罪等因到 臣據此該 臣看得粵省然
鹽就場打包惟生鹽皆係散裝載運船深敵
雖估驗樑頭查探水漬其中夾私若干究不得
其實數今無論鹽之生熟俱令照依部定斤數
就場打包責成場官逐包驗明上船至省城油
欄門外盤掣預定時日將商各船戶船口引包
數日報明 臣衙門至期鹽道與提舉司親身掣

清忠堂奏疏

盤驗二

驗 臣亦不時往察如商有餘斤按律追擬官有
徇隱照例
題參又上水官員旗營船隻到關亦令停泊委官
查看不許擅自前行稽察既嚴自無透漏之弊
臣再查鹽船經過盤掣一處即多一處使費今
鹽船在省已經盤驗分運止有三路如往南雄
一路者有清遠一盤太平一盤往連韶 路
者有清遠一盤泮沈一盤往廣西梧州 路

者有黃江廠一盤梧州廠一盤業經三次盤掣亦可謂嚴密矣乃於省城方始盤掣之後行至佛山距省僅三十里片帆頃刻可到復令泊船秤掣似覺多此一番盤費今現於海運入口之虎門港場運進口之惠州浮橋業已添員巡緝省城油欄門外又經親驗况近年該地盤查亦無溢出餘斤開報是佛山一掣所當停止以清陋例者也合併

清忠堂奏疏

盤驗三

題明伏乞

皇上睿鑒

勅部議覆施行康熙二十七年八月初七日題九月

十三日奉

旨該部議奏該戶部議覆臣等查得廣東巡撫朱弘祚疏稱粵省熟鹽就場打包惟生鹽皆係散裝載運船船深礙難估驗標頭查探水漬其中夾私若干究不知其實勢入無論鹽之生熟俱令

照依部定斤數就場打包責成場官逐包驗明上船再查鹽船經過盤掣一處即多一處使費今於省城方始盤掣之後行至佛山距省僅三十里片帆頃刻可到復令泊船秤掣似覺多此一番盤費所當停止以清陋規等因前來查該撫既稱生鹽不行打包散行裝載則夾帶私鹽難以查核應如所請照熟鹽之例就場打包責令場官逐包查驗抵關之時聽候盤掣如有多

清忠堂奏疏

盤驗四

斤即照私鹽例治罪再查前任粵撫盧興祖疏稱佛山廠距省三十里東粵西粵江楚行鹽皆經此河於此專官秤掣等語又前任撫院李士楨疏稱鹽船自省開行歷諸河口首到佛山恐有在途掩入私鹽之弊貴成能幹官盤驗各等因臣部題覆行文在案應將該撫所稱佛山秤掣停止之處無庸議者也等因康熙二十七年九月二十二日題本月二十五日奉

旨這本內事情著照該撫所題行

清忠堂奏疏

卷五

酌定遠近鹽價

題為鹽政第八疏酌定鹽價以杜橫索之害事據
驛鹽道僉事張雲翹呈稱該水道看得奸商射
利之徒不審大局止圖高價利己殊不知價高
民即不能多買遇有私鹽價輕者即趨而買食
亦窳民常情所以鹽價愈高私鹽愈多官引愈
壅今欲便民裕課禁私通商必先抑其鹽價然
抑之太甚民則便矣而商人資重貨營運如無

清忠堂奏疏

鹽價一

利息又誰肯認課承準茲本道計本籌息酌量
道里之遠近水陸運費之多寡遠以一分二釐
為率近以七釐為率界乎遠近之間者以是為
差倘遇天時陰雨鹽不多出或船運稽遲多費
工本酌量增添一二釐總不出一分五釐之外
容本道查酌妥確開明某某處定價候本院核
定刊刻告示分發各州縣城鄉村市通行曉諭
如有額外多索者許百姓赴該州縣控告申究

如該州縣徇隱長奸本道查訪得實卽行揭報
聽候本院

題參更有奸商於鹽內揀和沙土擅用大戥小秤
以及過往船隻壓買鹽斤起鍋私煮拮取利
暗損窮民之事甚多今本道照依官法較準數
秤分發各埠遵用併出示禁約如有仍前滋弊
害民卽行查明革退不許克商定有畫一之規
爭端或可自息等因到臣據此該臣看得物價

清忠堂奏疏

鹽價二

不齊自難執一而論然鹽斤有一定引單分疆
畫界不許稍有踰越若此埠不售卽無地可買
非比別項貨物可以彼此通融所以從前商棍
貨克浪費總恃鹽價任意高騰不知鹽價一騰
私鹽日多官引日積民生日困矣今各項陋弊
業已禁絕鹽價斷不宜仍前任意增加必參酌
適中使商有所藉以裕課資生民不艱於買食
貨鹽商民兩便庶可久行無弊據驛鹽道詳議

遠以一分二釐爲率近以七釐爲率斟酌道里
分別價值次第均平倘遇陰雨之時量增一二
釐總不出一分五釐之外當候部文刊日出示
通行知照至於奸商揀和沙土或攔截過往船
隻壓買鹽斤或私自起鍋將生煮熟并戥秤不
均等項應如該道所議一并嚴行禁禁伏乞

皇上睿鑒

勅部議覆施行康熙二十七年八月初七日題九月

清忠堂奏疏

鹽價三

十三日奉

旨該部議奏該戶部議覆臣等查得廣東巡撫朱弘
祚疏稱鹽斤有一定引單分疆畫界不許稍有
踰越所以從前商棍貨克浪費總恃鹽價任意
高騰不知鹽價一騰私鹽日多官引日積民生
日困矣今各項陋弊業已禁絕鹽價斷不宜仍
前任意增加必參酌適中使商有所藉以裕課
資生民不艱於買食貨鹽商民兩便庶可久行

無弊茲酌量水陸運費之多寡適以一分二釐
為率近以七釐為率倘遇陰雨之時量增一二
釐候部文到日通行知照至於奸商插和沙土
歷買鹽斤或私自起鍋戥秤不均等項一并嚴
禁等因前來查各省鹽價無有定額俱照時價
貴賤買賣今若定價恐累商民亦未可定相應
將該撫請定價值之處毋庸議其嚴禁奸商插
和沙土私自起鍋戥秤不均等項係該撫專責

清忠堂奏疏

鹽價四

如有此等情弊嚴行禁止可也等因康熙二十

七年九月二十四日題本月二十七日奉

旨這本內事情著照該撫所題行

清忠堂撫專奏疏卷三目次

藩司衰庸等事

糾參柴藩司衰庸

特參貪酷等事

糾參貪酷府縣各官

嚴疆知府需員等事

請將袁國楨等補授瓊陽
二府

打死父命事

李季和招擬

打死父命事

趙亮彬招擬

縣令陞任被訐等事

參知縣張秉政等互訐

縣令陞任被訐等事

參擬張秉政等互訐一案

清忠堂奏疏

目次

卷三

詳請參追那欠等事

參追那欠等事

詳請參追那欠等事

帶銜招擬

清忠堂撫粵奏疏卷三

糾參柴藩司袁庸

題為藩司袁庸不能勝任臣謹特疏糾參請

救罷職另簡賢能以肅吏治事竊照督撫而下設有

藩臬二司而承流宣化察吏安民又藩司職掌

為最重藩司得其人吏治自然澄清額賦自無

混淆軍需接濟以時百事俱興矣况嶺南天末

之地幅頓遼闊吏治民俗曩時已久歷年正雜

清忠堂奏疏

糾參一

錢糧積欠未楚是復開墾田地荒蕪不清且濫

海提鎮兵馬雲屯度支窮蹙以及一切地方庶

務必得操履端潔精明強幹之才方足勝藩司

之任臣奉

命撫粵稟遵

天語隨事隨地悉心體訪罔敢稍有瞻顧然察吏之

道首先藩臬除本省刑獄臣到任數日即行清

查現在次第審理具

題外查廣東布政司布政使柴望於康熙二十六

年八月初三日到任即入秋闈至九月方回署

辦事至今在任雖云日淺無大過愆然踵沿陋

習不肯實心整頓遇事率畧以致公務舛錯多

端如康熙二十六年地丁正雜錢糧歲參廣省

例於六月內到部臣抵任日夕行催總不上緊

查造及至造到核算又復差訛駁改數番方得

就緒直至六月十八日始據詳送重大莫如銷

清忠堂奏疏

糾參二

算錢糧奏銷冊籍尚且如此其他可知又如雷

州府康熙二十五年分雜稅加增銀一千一百

二十四兩六錢零前司已撥充雷協康熙二十

六年分秋季兵餉該府已經解交取獲批收展

大申覆業經該司批府准照原行報銷在案迨

銷算之後復行雷州府催解以致該府將奉撥

批解及該司批允報銷前後原委分割具詳前

來臣嚴行駁查始據詳稱經承疎忽應將前銀

流抵二十七年兵餉等語該司爲錢糧總匯撥餉尚且如此其他又可知再如各州縣額徵銀米例係就近撥充兵糧今該司將應留支給者令其解司復令鎮協遠赴省城領兌以致兵役領解多有未便現據各屬紛紛具詳臣隨批行該司通查州縣道里遠近酌量派撥催至再至三惟聽胥役含糊混覆不卽從公詳撥再如每年辦解蠟茶紫榆等項州縣加派脚費一倍

清忠堂奏疏

糾案三

徵至數倍及十餘倍最爲民累臣蒞任卽嚴行通飭并檄該司查議各府委官辦解雖是舊例但粵省距京八千餘里路途遙遠非他省可比與其多差官員分解繁費何如遴委一二能員兼解省便任臣屢檄嚴催該司慢視悠忽金不從長議覆似此因循滋弊難以姑容再兵餉例係按期給發乃有高州鎮標夏季餉銀因該司派撥虛欸該府催給不前直至七月尚據高州

鎮差員赴省移文催給始於司庫補發緊要軍需倘致稽悞誰任其咎臣因其事事錯混傳集在宥司道親赴藩庫盤查現貯錢糧雖按額無虧而兵餉借支掛欠領備紛紜至今尚未撥造細冊送核查該司履歷雖開年五十七歲觀其容貌實已將及七旬年齒衰邁精力委靡以致諸事叢脞廣東山海交錯旗民雜處之地藩司非他員可比似此庸廢無能若聽其在位將來

清忠堂奏疏

糾案四

貽誤地方匪淺臣爲

朝廷吏治民生起見不敢瞻徇緘默謹會同兩廣總督臣吳興祚合疏

題參請

敕部照例罷斥另簡賢能星馳任事庶海疆官吏兵民均有裨益伏乞

皇上睿鑒

敕部議覆施行康熙二十七年八月初七日題吏部

議覆應將布政使柴望照例革職康熙二十七

年九月二十一日奉

旨柴望著革職

清忠堂奏疏

糾參五

糾參貪酷府縣各官

題為特參貪酷不職府縣以肅吏治以安民生事

竊臣以庸愚蒙

皇上隆恩特簡撫粵

天語諄切首以察吏安民為要蓋吏察然後民安臣

仰道

聖諭凡有屬官謁見即宣布

皇上德意先加教誨俾悛改前非去其舊染予以自

清忠堂奏疏

持參一

新今自入境抵任已三月餘隨處隨事留心採

訪體察并接閱士民呈詞合之各官申詳文案

所行政事賢否已得大槩乃有奇貪異酷劣職

昭著與省會繁劇之任昏庸尸素之員為害地

方不敢旦夕姑容有負

皇上任使今據布政司布政使柴望按察司按察使

沈志禮廣南韶道僉事陳子威驛鹽道僉事張

雲翮廣州府知府劉茂溶南雄府知府党居易

等各揭報前來與臣察訪無異謹列款爲我

皇上陳之計開惠州府知府呂應奎從化縣知縣劉

朝祚與寧縣知縣李清敏保昌縣知縣張進賢

劣蹟云以上四員或按糧加派遇事需索或

濫刑斃命縱盜婪贖所當照貪酷例請

旨革職并有名人犯一並嚴提究擬者也南海縣知

縣郭爾元年力衰頹公務盡廢所當照罷職無

爲例請

清忠堂奏疏

特參二

旨革職者也至於地方遼遠臣耳目或有未周容臣

訪實陸續不時入

告臣謹會同兩廣總督臣吳興祚合詞

題參伏乞

皇上睿鑒

敕部議覆施行康熙二十七年八月初七日題本年

九月十三日奉

旨這所參呂應奎劉朝祚李清敏張進賢俱著革了

職其貪酷各款并本內有名人犯該督嚴提究擬

具奏郭爾元者議處具奏該部知道

清忠堂奏疏

特參三

請將同知裴國楨並紹業補授瓊詔二府

題爲嚴疆知府需員 臣謹就平日所知據實

題補以襄吏治以裨民生事竊 臣謏劣庸才蒙

皇上特簡撫粵蒞任至今兢兢業業無一事敢少有

姑息無一念敢少有退諉殫精畢慮以圖仰報

皇上隆恩於萬一第廣省幅幘遼闊一人之識力有

限耳目難周 臣綜核於上必得賢郡守分理於

下同心協力著實料理庶於地方有益惟粵地

清忠堂奏疏

補授一

距京八千餘里吏部循例銓選疾驅赴任須得

半年及經蒞職或有人地不宜未免貽誤且各

屬非山即海僑黎雜處蠻俗異宜與他省迥別

自尚逆跡躡之後積弊相沿吏治不淑民生困

苦非極力整飭速難就緒查瓊州一府孤懸海

外先被海寇侵犯百姓流散至今田地荒蕪如

瓊山等州縣歷年錢糧積欠至十二萬餘兩催

比無完臨高澄邁二縣男婦紛紛逃避據該司

道府縣申詳並准瓊州鎮總兵吳啓爵咨移亟

請安戢 臣現在清查撫恤此地距省一千八百

餘里隔越海面勢遠難及必得知府一官督率

整頓方克有濟然官斯地者水土不服疾病易

生視同傳舍現今該府知府佟湘年以督催未

完康熙二十四年錢糧降三級調用若待部選

未知何人何時得到地方愈久愈誤 臣查有雷

州府同知裴國楨雖到任未幾其原任直隸滄

清忠堂奏疏

補授二

城縣知縣先經直隸前撫 臣格爾古德會舉卓

異因係漢軍不預考選改補同知 臣觀其年力

精壯才具可用請以之就近補授瓊州府知府

庶可朝聞

而夕受事又詔州府爲廣省出入衝途毗聯湖南

椰桂等州縣地曠民稀茂林寫崗猺獞出沒時

常爲害最爲多事之地該府知府唐宗堯已陞

廣西右江道現在缺員 臣查有現任河間府同

知董紹業臣先任天津道時曾相隨查繪輿圖
半載有餘見其才略優長心思細密及臣陞任
保定守道該同知屢調值季又見其審理刑名
事件斷決明爽遇事擔當請以之補授韶州府
知府可收得人之效以上二員理應聽部銓授
臣知督撫從無

題補官員之例但臣受

皇上異數深恩目擊地方情形最真報

清忠堂奏疏

補授三

主心切不敢以常格自泥謹擇緊要員缺據實題

請況以人事

若人臣之義避嫌緘默臣所不敢爲此恭疏具

題應否

允臣所請伏祈

皇上睿鑒

欽部議覆施行康熙二十七年八月初七日題奉

吏部議奏

李季和招擬

題爲打死父命事據按察司呈詳該臣看得李季
和之毆死鍾仕開也因兩人從前同往江西南
康縣賃田耕種季和潛逃仕開賠租受累會將
季和呈告在縣蓄怨已久今皆先後回籍於康
熙二十七年二月十九日在新陂墟地方卒然
相遇季和怒起口稱與之對命卽執柴棍重毆
仕開兩腿仕開年力衰邁被打仆地當有伊兄

清忠堂奏疏

卷三 父命一

士

李孟和同藍復登等力爲勸解季和拋棄其如

李季和憤恨不已益逞兇威拳脚交加重傷負

腔心窩腰脇脊肚等處致仕開移時畢命驗審

傷証金確季和自認無辭按以故殺斬抵不枉

李熙益雖會阻孟和令其勿勒但審非原謀亦

未共毆照餘人律滿杖足蔽厥辜既據該司招

解前來徑臣親審無異理合具

題伏乞

敕下三法司核擬施行康熙二十七年八月初七日

題九月十六日奉

旨三法司核擬具奏該刑部會同院寺會看得李季和毆死鍾仕開該撫歷審自認情真李季和合依故殺者斬監候律應擬斬監候秋後處決李孟和等勸解應無庸議李熙益雖未助毆乃阻住李孟和不令勸解合依餘人律杖一百折責四十板可也等因康熙二十七年九月二十七日

清忠堂奏疏

卷三 父命一

三

日題十月初四日奉

旨李季和依擬應斬著監候秋後處決餘依議

趙亮彬招擬

題為打死父命事據按察司呈詳該臣看得趙亮彬之打死馮帝旻也因亮彬養鴨於田康熙二十六年九月二十五日踐食帝旻田禾帝旻逐鴨喚罵亮彬遂往與爭角口不已即拔築陂木棍先毆膝右復擊頭顱不意棍邊尖處適中帝旻顛門隨時身死雖素無仇隙念起一朝第研審致命傷真供証金確趙亮彬絞抵吳辭趙元客趙缺六亦曾共毆但未執兇器驗無傷痕餘人滿杖亦不為枉既據該司招解前來經臣駁勘親審無異理合具

題伏乞

敕下三法司核擬施行康熙二十七年八月十二日

題九月二十一日奉

旨三法司核擬具奏該刑部會同院寺會看得趙亮彬打死馮帝旻該撫歷審自認情真趙亮彬合

清忠堂奏疏

卷三 父命一

十四

依凡共毆人因而致死者以致命傷爲重下手者絞監候律應擬絞監候秋後處決趙元客趙缺六亦會共毆但未執有兇器驗無傷痕合依餘人律杖一百各折責四十板可也等因康熙二十七年十月初六日題初九日奉旨趙亮彬依擬應絞著監候秋後處決餘依議

清忠堂奏疏

卷三

父命二

五

叅惠來縣知縣張秉政等互許

題爲縣令陞任被許營將黨衆牽連謹據實

題叅請

敕解任以便審勘事竊臣庸愚荷蒙

皇上簡撫粵東以來每於文武官吏紳衿士庶宣布

皇上愛養德意各盡本等職守慎勿生事妄爲諄諄

誠飭已不遺餘力至若吏治之嚴否實屬民生

之休戚除貪劣不職官員素饒勇克

清忠堂奏疏

審勘一

題叅外康熙二十七年七月二十八日據按察司

呈詳云該臣看得官委委職與劣衿把持挾

詐營弁懷私黨惡均干法紀臣蒞任旬餘據惠

來縣生員鍾煌等呈控該縣陞任知縣張秉政

茂禮壞法橫徵濫派賦私累繫隨據張秉政又

指鄭簡臣鍾煌等詐索不遂糾衆入城辱官毆

役拆毀房屋多家且稱惠來營遊擊韓典令千

把監旗槍犯聲言若有縣衙出救放炮爲號帶

兵當賊擒殺等語并據潮州府轉報前來事出駭聞均行臬司提審究擬去後今據按察使沈志禮詳請

題明審勘前來臣查控告張秉政欵內並無何年月日官役各得贓數證佐率避匿不出即張秉政所許遊擊構怨攻害情由韓典又無一文呈覆致辯其兩造情事虛實究未可定但既彼此牽涉許告一係陞任知州一係現任遊擊相應

清忠堂奏疏

審勘二

據實

題參請

敕各令解任容臣等將本內有名官弁竊役劣衿一并究審定擬

題覆臣謹會同兩廣總督臣吳興祚合詞會

題伏乞

睿鑒

敕部議覆施行康熙二十七年八月十二日題本年

九月二十二日奉

旨張秉政韓典俱著解任并本內有名官役劣衿該撫究審定擬具奏該部知道

清忠堂奏疏

審勘三

審擬張秉政等互訐一案

題為縣令陞任被訐營將黨眾牽連謹據實

題參請

收解任以便審勘事據按察司呈詳該臣看科惠來

縣劣矜鍾煌等告陞任知縣張秉政積微濫派

婪贓壞法張秉政申鄭簡臣等詐索不遂辱官

毆役拆毀房屋并稱遊擊韓典令千把總搶犯

暨旗互相申訐臣以未定虛實具疏

清忠堂奏疏

審勘一

題參奉

旨張秉政韓典著解任并本內有名官役劣矜行臣

究審定擬行據按察司署司事驛鹽道僉事張

雲翮密擬招解經臣復加會勘張秉政因公科

斂兩載之中層見叠出如修輯志書辦解二十

五六年

上供物料協造快船編審丁口冊籍捐修營房弔解

扣荒銀兩輒集里排議派雖無人已實則股民

研審再三官役供認至於其餘各款嚴行鞠訊

盡屬虛誣冒列排年安開干証及反詰原告非

云出自傳聞則云原無實據蓋緣鍾煌等曾被

秉政申詳發學戒飭是以乘其陞任合詞具控

假公報私不顧虛實自蹈法網者也又秉政專

任胥役不惜士民迫比錢糧縱容凌辱眾心積

憤已久遂於去年四月十七十八兩日伺其交

代鄉民聚族而謀矜監乘間而起呼朋引類奪

清忠堂奏疏

審勘二

犯毆官甚至打房屋毀器物辱婦女以方世珍

等為之倡市井小民從而和之一時喧擾姓名

莫辨勢不可遏遊擊韓典往來勸阻未常坐視

雖被打毀者止於衙役各家然亦可見矜監之

橫恣風俗之刁惡方世珍等之罪誠屬難道者

矣乃秉政不行詳察誤據林冠翁立生之稟則申

鄭式烈致書詐索誤據張琳黃連之稟則申

千總關明搶犯打差誤據鄭協之稟則申遊擊

韓典令把總帶兵監旗并傳諭等語經將官役
証佐劣矜營弁屢加窮究各得真情張秉政杖
徒係官不

赦坐贓一千八十一兩零照追入官鍾煌鄭鴻陳煥

鄭侯雅張琳黃連杖流方世珍鍾景露鄭式型

鍾文哉鄭簡臣陳國乾翁嶺吳子叔朱廷簡方

振懷朱星瑞翁勳方夢瑞方佳瑞方小二鄭亞

福發邊衛永遠充軍翁立生方伯賀林冠陳元

清忠堂奏疏

審勘三

鄭立一陳維信謝錫綬方擘柯源不應重杖但

鍾煌等各犯俱犯在康熙二十七年十月二十

三日

赦前均應援免分別就革張秉政雖奉

旨解任未經革職應聽部議韓典亦經解任審屬無

干亦聽部議其潮州府知府違例派捐之林杭

學妄稟韓典之鄭協俱經病故應無庸議餘行

省釋既據該司招解前來經臣親審無異理合

具

題伏乞

敕部議覆施行康熙二十八年七月二十六日題九

月初七日奉

旨該部核擬具奏欽此該刑部看得惠來縣生員鍾

煌等告陞任知縣張秉政婪贓一案該撫歷審

各認情真張秉政合依因公科斂所屬財物贓

重者坐贓論折半科罪五百兩杖一百徒三年

清忠堂奏疏

審勘四

律應擬徒查定例內凡官員審無婪贓之處止

擬私自加派公用科斂坐贓致罪者吏部既有

革職之例除革職外其徒杖等罪俱免等語張

秉政係解任之員應交吏部革職所派銀共一

千八十一兩零照追入官輕事重告之鍾煌鄭

鴻陳煥鄭侯雅合依誣告人死罪未決者杖一

百流三千里拆毀房屋之方世珍等均合依因

事聚眾圍繞房屋棄毀器物不分首從發邊衛

永遠充軍張琳黃連誣稟千總關明搶犯合依
誣告人流罪加三等罪止杖一百流三千里不
行勒阻之翁立生等均合依不應重律各責三
十板但鍾煌等事他在康熙二十七年十月二
十三日

赦前均應免罪各分別斥革遊擊韓典審係無干毋
容議違例派捐之潮州府知府林杭學并安稟
韓典之鄭協俱經病故亦毋容議康熙二十八

清忠堂奏疏

審勘五

年九月二十三日題二十五日奉

旨依議

參追茹鉉侵那

題爲詳請參追那欠錢糧以清欵項事據布政司
呈詳該臣看得州縣經徵錢糧收支務宜清楚
臣履任清查瓊山縣各年錢糧多有未完又據
該縣原任革職知縣茹鉉具呈未完皆因軍公
那用情由俱卽撤行布政司嚴查去後茲據布
政使柴望呈稱原瓊山縣革職知縣茹鉉任內
已徵在官浮開民欠未清銀一萬四千一百一

清忠堂奏疏

卷三 使部一

七

十八兩五錢二分九釐零屢經行催除追據完
補銀四千六百七十一兩八分六釐零歸還原
項外尚實無著銀九千四百四十七兩四錢四
分三釐零俱應追送各年帶徵案內未完之數
乃因茹鉉屢以軍公那用支飾延捱至今尚未
完補清楚事關錢糧難容虧缺除將茹鉉發行
布按二司確審是侵是那另報外相應據實
題參究追以免欵項虛懸既經該司呈詳前來臣

謹會同兩廣總督臣吳興祚合疏具

題伏乞

敕下該部議覆施行康熙二十七年九月十二日題

十月十七日奉

旨該部嚴察議奏

清忠堂奏疏

卷五 侍郎二

五

茹鉉招擬

題為詳請叅追那欠錢糧以清款項事據布按二司會審招詳該臣看得原任瓊山縣革職知縣茹鉉任內缺少康熙二十二十一二十二三年錢糧銀九千四百四十七兩四錢四分零臣蒞任即行清查據茹鉉呈稱皆為軍公那用經臣具疏

題叅部覆將是侵是那之處行回審擬具

清忠堂奏疏

詳請一

題因限滿未據審詳復將遲延職名叅處在案今據按察使李煒會同布政使張建績審詳稱茹鉉缺少前項銀兩實為歷年軍公動用其所供出那用各案如快樂馬船外海哨船工料及僱募水手工食如大兵糧草如運解江右粵西米石折耗腳價如渡海援瓊兵丁需用人夫器藥並投誠口糧等項當日提取皆有牌票起解各有批文可據但查申解文內有嚴追措捐完解

字樣恐係抵飾駁行究審據稱康熙十六七等
 年地方初復正供尚且催納不前雜項派取無
 人官應彼時軍公重務刻難遲緩只得那動庫
 項起解移新抵舊年復一年遂致缺少前項然
 不及早請銷延今已久仍致正供虧缺自應追
 擬招解前來經臣覆勘無異茹鉉合依監臨主
 守不正收正支那移出納還充官用者計賊准
 監守自盜論罪止杖百流三但准者與真犯有
 清忠堂奏疏
 詳請二
 間相應邀
 赦免罪所那銀兩仍照數於茹鉉名下坐追賠補或
 念茹鉉所那銀兩實爲軍公動用又在康熙二
 十六年五月初三日
 恩詔以前倘准其開銷豁免此則出自
 皇仁非臣所敢輕議至從前督撫司道府各官行令
 捐派提解與批允預徵均屬違例第當日行提
 各案皆係軍需重務與別項不同且查各官或

經病故或經革職或久已離任又俱在
 赦前應否邀免統候部議既據該司會審招解前來
 臣謹會同兩廣總督臣石琳合疏具
 題伏乞
 敕下該部議覆施行康熙二十九年正月二十日題
 二月二十七日奉
 旨該部核議具奏該刑部議覆議得茹鉉因援瓊兵
 丁需用人夫器藥等項那用康熙二十二十一
 清忠堂奏疏
 詳請三
 二十二錢糧銀九千四百四十七兩零該撫
 歷審情真茹鉉合依監臨主守不正收正支那
 移出納還充官用者計賊准監守自盜論罪止
 杖一百流三千里擬罪但事犯在康熙二十三
 年九月二十四日
 赦前應免罪那用銀兩作速照數嚴追還項其行令
 捐派與批允預徵之各官已經離任病故且事
 在

赦前應毋容議等因康熙二十九年三月初八日題

初十日奉

旨依議

清忠堂奏疏

詳略四

清忠堂撫粵奏疏卷四目次

特參土豪勢惡等事 率參勢惡彭演鍾仕進

特參土豪勢惡等事 鍾仕進招擬

特參土豪勢惡等事 審擬彭演招罪

縣令貪賄已著等事 余開平縣知縣王言粹

瓊郡遠隔海外等事 請展瓊屬官員交代限期

國喪天下與哀等事 審擬劉芳傑等招由

打死弟命事 林克堂招擬

清忠堂奏疏

卷四 目次

打死父命事 羅萬俊招擬

打死夫命事 梁源浩招擬

解報事 查參疎脫逃人唐遇春官役

清忠堂撫粵奏疏卷四

琴參勢惡彭演鍾仕進

題為特參土豪勢惡以除民害以肅法紀事據按察司驛鹽道會詳該臣看得貪官蠹役固應不時拏參而勢惡土豪為害地方其禍尤烈臣奉命巡撫粵東入境以後隨處察訪已知有彭演鍾仕進二人倚勢行兇擇股飛噬最為省城大棍正在嚴行查察聞於臣放告之日士民男婦多人

清忠堂奏疏

特參一

號泣擁訴當即併發按察使沈志禮驛鹽道會事張雲翮會審隨據錄取口供呈解到臣復集在省司道公同會訊據各被害供質彭演鍾仕進二棍原係微賤小人性情狡黠諂附尚逆聲勢尅剝成家除叛亂以前之事不行究訊外如彭演以偽監軍遁於尚逆歸正時借名助餉詐沙菱二都百姓幾數萬兩或稱逼死伊父或稱連殺八命或稱酷刑吊拷奇兇極惡不可枚舉

雖據誘之尚逆差官逼取但尚之信既欲助何處不可而獨於沙菱兩都且又俱係彭演里黨熟識之人則其借名挾詐無疑迨往粵西委署蒼梧道事繼得實授僉事職銜回籍正應仰戴

皇恩改過遷善乃仍逞故智勒人田地詐人錢財與鹽埠墟稅凡有纖微之利無不用強取索甚如蔡芳官斷之銀抗不給與反平空捏禁勒詐眾

清忠堂奏疏

特參二

供及此聲淚俱下願不欲與之俱生至鍾仕進不過地方武舉乃借捉人犯而株連肆詐蓋造亭館而奪人產業且佔馬明爵等之女為婢妾加服內兄嫂以非刑種種強橫罪浮尤棍弁案內黨犯經臣行提伊屬彭仰生徐敬岳等輒敢持械拒捕毆差槍犯仍踵兇頑行徑均屬不法查二犯雖有事在

恩赦以前但所詐田房子女等項未便竟真不議相

應查明追給原主其

赦後情罪可惡之事俱應逐一嚴究以昭

國典彭演現係僉事道職銜鍾仕進現係武舉猶自

強詞狡辯理合

題參請

旨革去職銜武舉容臣等將本內黨惡各犯一并嚴

究定擬另疏

題覆臣謹會同兩廣總督臣吳興祚合疏具

清忠堂奏疏

特參三

題伏乞

皇上睿鑒

勅部議覆施行康熙二十七年九月十二日題十月

十七日奉

旨彭演著革去職銜鍾仕進革去武舉并本內黨惡

各犯該撫嚴提究擬具奏該部知道

鍾仕進招獲

題為特參土豪勢惡以除民害以肅法紀事據按

察司呈詳該臣看得豪惡武舉鍾仕進曾克尚

之信團練都司助逆通誅橫行鄉曲蔑倫肆惡

詐害良民經臣具疏

題參奉

旨革去武舉行臣究擬茲行據廣東按察司署司事

驛鹽道僉事張雲翮審擬招解經臣復加勘訊

清忠堂奏疏

特參一

仕進與黨惡諸犯一一招承如將服兄鍾周子

夾打勒銀佔產將服嫂區氏櫻指垂折幼姪亞

長割耳成殘勒銀佔屋將羅德卿權糞勒女為

妾借查提叛犯詐羅姓一族之銀一千八百餘

兩益造花園拆回頭通庄之屋三十六間至於

包役派餉佔產逼財指良民為盜賊勒子女為

奴婢或被打受傷或懷憤繼殺罪惡多端真堪

髮指其應擬尤棍之罪及黨惡為從諸犯除事

在康熙二十年十二月二十日

赦前并諸輕罪不議外若吊打梁帝聖父子勒其寫

契賣產印時驅逐致廖氏墮胎威逼馬明爵兄

弟勒其寫契賣女恣行網打致明祿傷手辱毆

劉氏代寫賣契捉點指模其行徑已同光棍至

若鍾文相鄰婦譚氏失火自焚身死仕進忽於

兩年之後令鍾承錫冒認為母指係文相家所

燒捉其父子到家令承錫朱孟斗兆科兆佳鎖

清忠堂奏疏

特參二

打以勒銀未遂復令承錫具呈差孟斗持名帖

向番禺縣縣丞衙門准呈出票詐銀二十六兩

分得始放又估鍾逢年山地恨其欲告差朱孟

斗掣到家中捏其欠糧令孟斗同兆科兆佳網

打傷腿鎖禁終宵計銀三十五兩始放仕進夾

兄嫂嫂滅絕倫紀幸邀

赦免乃怙惡不悛估房屋為園奪子女為婢拷打逼

勒不遂不休甚至平空捉掣鍾文相父子及鍾

逢年到家處害嚇詐銀兩真與惡棍設法索詐

告理衙門拏去處害嚇詐財物之例照合且本

犯毒逼一方怨騰眾口當受害環泣號冤之日

官役往拏黨羽而徐敬岳等統眾執械拒捕傷

差此皆倚藉仕進威勢敢於抗法則本犯平日

之豪橫可知鍾仕進合依光棍為首立斬鍾承

錫朱孟斗兆科兆佳俱依為從擬絞監候至徐

敬岳等罪犯絞流徒杖但事在康熙二十七年

清忠堂奏疏

特參三

十月二十三日

赦前相應接免至應追田產子女銀兩等項分別給

主入官其原署番禺縣縣丞事菱塘司巡檢丁

憂離任之楊震超違例受詞合并附案既據該

司招解前來經臣親審無異理合具

題伏乞

勅下三法司核擬施行康熙二十八年五月二十四

日題七月初二日奉

旨三法司核擬具奏該刑部會同都察院大理寺會

看得蒙惡武舉鍾仕進橫行四詐一案該撫歷

審各自認情真鍾仕進合依凡惡棍設法勒索

文約嚇詐財物為首者立斬例擬斬立決鍾承

錫朱孟斗兆科兆佳應照光棍為從例擬絞監

候秋後處決徐敬岳等事犯在康熙二十七年

十月二十三日

赦前均應免罪鍾仕進一應霸佔房地財產人口及

清忠堂奏疏

特參四

勒詐銀兩各照追分別給主入官其署番禺縣

縣丞事丁憂巡檢楊震超違例受詞交與吏部

議處可也康熙二十八年七月二十八日題八

月初五日奉

旨鍾仕進著即處斬鍾承錫朱孟斗兆科兆佳俱依

擬應絞著監候秋後處決餘依議

審擬佟國瑞等招

題為特參貪酷官員以肅

計典事據按察司呈詳該臣看得連平州革職知州

佟國瑞婪賄人已濫派累民經臣與兩廣總督

臣吳興祚考覈

計典列款糾參奉

旨革職行臣嚴提究擬今據按察司署司事驛鹽道

僉事張雲副審擬招解經臣覆審佟國瑞於二

清忠堂奏疏

特參一

十七年創立陋規勒索里長贖見銀六十兩經

陳兆陳鳳交送入已陳兆陳鳳亦各得銀四兩

嚴詰里長吳永隆等供証無異又令里長辦換

什物執式票差催買經里長范張英等議定價

銀六十兩往省買回繳用官役雖未經手然派

累里民坐追不枉又黃氏控告劉漢祥背嫁其

女爭取花錢聲言欲罪漢祥索劉漢祥銀十二

兩經詹德貞交收入已詹德貞亦得銀一兩二

兼旬或鎖勒逾月或度康之時尚不放手或成
婚之夕竟爾擒來或加束縛以馬尾刺其陽或
被倒懸以醋汁灌其鼻富家大室破產傾資小
戶窮丁典兒質女庭訊之際含悲環訴不忍聽
聞至於白鶴一庄殺死高馮二姓大小八命雖
係王有智之行兇實由彭演之啓彙倖蒙
大赦并黨惡諸犯俱邀

恩宥乃

清忠堂奏疏

特奏二

赦後不思改悔益肆兇殘捉人勒財奪房佔產捏鹽
詐銀踞山阻葬藉稱風水有碍不令鄉人立廟
蓋祠撤其材料又且估鹽埠而商民困抽墟稅
而行中因設渡船而行旅困甚至做戲開賭其
妹夫蘆休誘姪善逢縱博輸錢七千蘆休唆勒
欠數演遂喝令家人黎興何貴恣行吊打逼寫
揭銀三十六兩致蘆善逢回家益死又如估蔡
芳之房業經審斷抗不遵依恨其告官諭令黎

渡黎興何貴亞保用繩繫頸峰擁捉回拷禁六
日蔡芳之子社閩連日送飯被黎渡踢翻飼犬
勒銀始放又如欲估陳瑞儀之地起造祠堂差
黎興何貴捉瑞儀并弟瑞華到家喝令細縛拷
打勒寫賣契以上三款情事真同光棍及彭演
破竿差提黨犯彭仰生等猶恃演平日之勢聚
眾持挺奪犯打差嚴訊彭演及黨惡諸人一一

招承証供明確彭演合依光棍爲首者立斬絞

清忠堂奏疏

特奏三

休黎渡亞保俱依爲從擬絞監候黎興何貴脫
逃獲日照爲從另結不
赦彭仰生等罪犯斬流徒杖但事在康熙二十七年
十月二十三日
赦前相應援免至彭演所詐贓銀所勒田地房屋等
項分別照追給主其私抽墟稅高擡鹽價等項
并彭濤仲方惟俊各贓共銀六千四百零三兩
三錢一分三釐應追入官其違例責打監生之

按察司知事徐世榮已經病故無庸議其失察
賭博之番禺縣沙灣司署巡檢事謹署連平州
長吉里司現任巡檢吳永惠現任典史李文耀
丁憂離任降調知縣孔興璉相應開列職名附
參聽候部議既據該司招解前來經臣親審無
異理合具

題伏乞

勅下三法司核擬施行康熙二十八年八月初三日

清忠堂奏疏

特參四

題九月十四日奉

旨三法司核擬具奏

參開平縣知縣王言綽

題為縣令貪酷已著臣謹再疏糾參以肅吏治事
竊惟催科撫字為縣官專責如邑令果賢則庶
民相安倘留一不肖之人即一方百姓均受其
害臣奉

命撫粵抵任以來訪有婪贓不法庸劣諸員已經特
疏

題參因地方遼闊耳目未周容臣訪實不時入

清忠堂奏疏

縣令一

告僉經

題明在案今有開平縣知縣王言綽先據各司道
府稱其任道營私作事乖張臣因未親得實跡
不敢遽行參

奏正在密加體訪隨有該縣士民紛紛來省控告
察其貪酷劣款合之布政司布政使柴望按察
司按察使沈志禮驛鹽道僉事張雲副學高廉
羅道陞任僉事孫允恭肇慶府知府李彥瑀揭

報相同收贖列爲我

皇上陳之計開筆慶府開平縣現任知縣王言緯劣

蹟一本官云此一官者賦性貪婪任用蠹棍

按戶派鹽男婦老幼盡遺其累修城蓋署夫役

幫費濫取日用且徵糧濫刑斃命供應巨細不

遺甚至收租抵賦縱役詐贓民情鼎沸難以姑

容相應據實糾參請

旨革職提問并本內有名人犯一并嚴提究擬至於

清忠堂奏疏

縣令二

該縣額徵起存餘糧一萬四千餘兩據藩司揭

稱今已九月並無分發報解明有侵那情弊咨

臣檄行署官逐一清查實據另疏

題報合併聲明臣謹會同兩廣總督臣吳興祚合

疏具

題伏乞

睿鑒

勅部議覆施行康熙二十七年九月十二日題十月

十七日奉

旨這所參王言緯著革了職其貪酷各款并本內有
名人犯該督嚴提究擬具奏該部知道

清忠堂奏疏

縣令三

請展瓊屬官員交代限期

題為瓊郡遠隔海外交代難副定限臣謹據實

題明仰請

勅部酌量寬展以便遵守事竊臣奉

命撫粵抵任以來凡地方事宜所當斟酌損益皆臣

罔有遺忘隨處力行以仰副

皇上任使至意但海疆遼闊多與內地不同現在雖

有奉行定例而事勢難以因循者臣聞見所及

清忠堂奏疏

請展一

矣敢泥於成例不為上請

容鑒茲據廣東布政司布政使柴望呈稱瓊郡孤懸

海外距省一千八百九十里往返須得兩月若

去來渡海守候風潮更難計日向來奉行一切

事件多不能副限此人人所共知者查定例陞

任官員以文憑到日該督撫即行委署限二月

內將伊任內各項事件交代明白准其離任又

旗下官員新奉定例因公誣誤緣事解任等官

俱照陞員離任例定限兩個月交代離任即催

起程回旗如逾此限應照咨留廢官例議處煌

煌定例敢不稟遵但粵省地方遙遠實有難行

近如瓊州府知府佟湘年奉文降調應即遵員

委署瓊府若無別員可委止有同知潘廷侯先

已委署萬州事務只得詳明將樂會縣知縣程

秉德接署萬州令潘同知改署府事自省行文

到瓊已是一月又自瓊府而樂會而萬州計程

清忠堂奏疏

請展二

往返又有一千二三百里轉輾起行赴任勢必

文未到而限過半文方到而祭罰隨之矣查

欽部事件各府俱以四月為限獨瓊府照隔省例以

六個月具

題誠因道途甚遠特寬限兩月之期耳案查康熙

二十六年九月內崖州陞任知州彭可有交代

前任李撫院請照

欽部事件例寬展內部以陞任官員交代之限原與

欽部事件限期不同將寬限之處無庸議何敢再為
輕請但查瓊州府寬限兩月非為事件從寬原
以海外往來與內地行走不同起見今官員交
代雖非比

欽部事件然而風帆渡海道里遙遠相同事勢總屬
一體茲於湘年降調雖經詳委同知潘廷侯接
署本官在任日久交盤冊籍非旦夕可以查造
與催令起程回旗萬難依限完結若有逾限本

清忠堂奏疏

請展三

司何難一揭報參但以人文走遞之時作為交
代逾限之日於情於理實有難安况交代之案
不止修湘年一件逾限之咎不止修湘年一官
若不由請

題明酌展將來催無辜之參罰者正復無窮也或
照

欽部事件再寬兩月或以委員接署之日起扣算二
月之限俾免逾遠之咎合請酌奪等因到臣據

此該臣看得交代久有定限各省皆照例遵行
臣何敢置議况一切

欽部事件現在嚴行申飭勒限完報又何敢於交
代一項及為下屬請寬惟是粵省幅員遼闊如
潮州府距省一千五百餘里雷州府一千六百
餘里廉州府一千七百餘里而瓊州府則一千
八百九十里若至崖陵等州縣則三千餘里矣
其間山徑崎嶇海江隔絕且有風潮守候非若

清忠堂奏疏

請展四

北地平原晝夜馳驅行程可以日計者比凡微
行瓊屬事件計程往回即絕無停留耽擱亦須
兩月如遇缺官無同堂就近之員勢必酌量別
委動至三四月始報有署事日期若交盤錢糧
等項更須署官到任清查明白方肯出結離任
今以文憑到省之日扣算兩個月即為限滿從
前接管官有方到署任而即受

題參者其有未會蒞事而即催揭報者以人文走

遞之時槩作新舊官違限之咎無辜叅處實行
未協查瓊州承奉

欽部事件向例寬期兩月非為事案難行特因隔海
路遠定限所以不同於別省今交代之案行文
走遞無異而期限仍與各府相等鮮不有悞臣
蒞任來節據各屬申訴今又據布政使柴望以
瓊州府降調知府佟湘年交代回旗之日難副
定限具詳前來臣細察其道里事勢實真且限
清忠堂奏疏
請展五

期太迫接任官憚於叅處將前官事件或未及
查明遂以清楚出結或即以未清轉報致啓日
後葛藤均有未便合無仰懇

皇恩以後瓊屬陞員命因公誣誤緣事解任歸旗人
員交代離任照依

欽部事件例寬限兩月或以署官接管之日扣限兩
個月稍為寬展庶公務不致貽悞海嶠微員感
沐

天恩無盡矣臣再有請者部發教官文憑新例到布
政司之日計算令於一月內給發如有違限將
布政司照例處分因立限甚迫窮員一時赴領
不及反受催逼之累在縣屬遙遠者雖星馳領
取亦斷不能如限以後凡瓊州等路遠各府屬
教職文憑到省即令布政司轉發各府以到府
之日扣算一月內查明給發庶為妥便合併
題明總之凡事期於可行臣仰沐

清忠堂奏疏

請展六

皇恩決不敢因循慢事如凡有應行斟酌容臣不時
查實另行奏
請伏乞

皇上睿鑒

勅部議覆施行康熙二十七年九月二十二日題十
月三十日本

自該部議奏該吏部覆瓊屬官員交代應於兩月定
限外再展限一月共為三個月教職文憑定例

內文憑到布政司之日以到日計算令於一月
給發該員等語此例遵行年久應將該撫所題
之處無庸議康熙二十七年十一月初十日奉
旨依議

清忠堂奏疏

請展七

審擬劉芳傑等招由

題為

國喪天下與哀化外一夫獨樂特揭糾參以儆不臣
事據按察司呈詳該臣看得碣石鎮標遊擊石
定榮當聞

太皇太后大喪之時敢於演戲稱觴升堂受祝經督
臣吳興祥具疏糾參奉

旨革職行臣究擬今據按察使沈志禮詳稱石定榮

清忠堂奏疏

卷四 國喪一

三

於叅後摘印押解赴省中途自勿詳明督臣吳
興祥業經

題報在案茲按疏嚴查石定榮於正月二十九日
午前優賜預慶生辰午時聞報後至二月初一
初二兩日猶然紅纓補服殘禮違制情事俱真
法應從重究處但已身故例無庸議惟科欵製
幛婦祝之劉芳傑張明二犯歷審堅供於未聞
報之先送幛祝壽是實自正月二十九日午時

聞報以後遵諭摘纓不敢往賀但欲銀八兩製
幛饋送自認無辭合依科欵律計贓杖做追贓
變價沒入餘俱免議既據該司呈詳前來經臣
親審無異相應具

題伏乞

勅下該部議覆施行康熙二十七年九月二十二日

題十月二十七日奉

旨該部核擬具奏該刑部議得查石定榮已經自刎

清忠堂奏疏

卷四 國喪二

五

身死毋庸議外劉芳傑張明合依非因公務科

欵人財物饋送人者計贓以不在法論折半科

罪一兩之上杖七十律應杖七十折責二十五

板但伊等事犯在康熙二十七年十月二十三

日

赦前相應免罪追贓變價入官列入彙題移咨該撫

知照可也

林克掌招擬

題為打死弟命事據按察司呈詳該臣看得林克
掌之打死藍亞扁也因康熙二十六年十二月
二十六日亞扁於林家祖山私割茵草林克掌
林宗肇適到撞遇同聲喊逐驅之使去乃亞扁
不行互相詬詈因而鬪毆宗肇打傷亞扁右膝
克掌竿中亞扁腦後以致傷重移時身死情真
証確本犯自認無辭林克掌依律絞抵不枉林
宗肇餘人杖懲允協既據該司招解前來經臣
覆審無異理合具

題伏乞

勅下三法司核擬施行康熙二十七年九月三十日

題十一月八日奉

旨三法司核擬具奏該刑部會同院寺會看得林克
掌打死藍亞扁該撫歷審各自認情真林克掌
合依其毆人致死律擬絞林宗肇合依餘人律

清忠堂奏疏

卷四 人命一

五

擬杖但事在康熙二十七年十月二十三日

赦前林克字應免死減等食妻流三千里至配所折

責四十板仍追埋葬銀二十兩給付死者之家

林宗學應免罪釋放可也等因康熙二十七年

十一月十二日題十四日奉

旨依議

清忠堂奏疏

卷四

第命二

五

羅萬俊招擬

題為打死父命事據按察司呈詳該臣看得羅萬

俊之打死陳伯盛緣萬俊有兄羅萬佩於康熙

二十七年五月十七日在太平墟被伯盛攔住

清算錢糧兩相角口伯盛執棍萬佩用拳彼此

互毆適萬俊在家飲酣偶然來墟見兄萬佩被

毆遂奪棍還擊致傷伯盛額角胸膛左脇致命

諸處當晚身死傷真証確本犯自甘認罪羅萬

清忠堂奏疏

卷四

父命一

五

俊依律絞抵誠不為枉羅萬佩雖會鬪毆然未

執有兇器又驗無拳打傷痕擬以餘人滿杖亦

屬允協既據該司招解前來經臣親審無異理

合具

題伏乞

勅下三法司核擬施行康熙二十七年十月二十三

日題十二月初六日奉

旨三法司核擬具奏該刑部會同院寺會看得羅萬

俊打死陳伯盛該撫歷審自認情真羅萬俊合

依共毆人致死律應擬絞羅萬佩合依餘人律

擬杖但伊等事在康熙二十七年十月二十三

日

赦前羅萬俊應免死減等僉妻流三千里至醜筋折

責四十板仍追埋墓銀二十兩給付死者之家

羅萬佩應免罪可也等因康熙二十七年十二

月十二日題十六日奉

清忠堂奏疏

卷四

父命二

毛

旨依議

梁源浩招擬

題為打死夫命事據按察司呈詳該臣看得梁源

浩打死朱世卓一案因源浩與李脩述向佃許

馨吉荒田墾種後朱世卓轉佃前田曾允備償

原墾工本銀五錢未付康熙二十七年五月初

八日各在田中工作源浩脩述同向世卓索取

前銀不得因而三人互毆源浩拳傷世卓胸肋

脚踢殺道世卓當卽仆地垂危源浩雖急取茶

清忠堂奏疏

卷四

夫命一

毛

湯灌救其如傷重難活移時殞命驗具供確梁

源浩絞抵奚辭李脩述同行共毆拳打臂膊查

非致命傷痕合照餘人滿杖既據該司招解前

來經臣覆審無異理合具

題伏乞

敕下三法司核擬施行康熙二十七年十一月初一

日題十二月初十日奉

旨三法司核擬具奏該刑部會同院寺會看得梁源

浩打死朱世卓該撫歷審自認情真梁源浩合
依共毆人致死律擬絞李脩璉合依餘人律擬
杖但伊等事犯在康熙二十七年十月二十三
日

赦前梁源浩應免死減等食妻流三千里至配所折
責四十板仍追埋葬銀二十兩給付死者之家
李脩璉免罪可也等因康熙二十七年十二月
十五日題十九日奉

清忠堂奏疏

卷四

夫命二

完

旨依議

查參疎脫逃人唐遇春官役

題為解報事據按察司呈詳該臣看得逃人唐遇
春更名何猷投充瓊州水師營兵有同伍兵趙
大為媒娶妻歐氏在營居住經該管守備沈濟
才察出遞解來省行至遂溪縣地方該縣少差
解役以致唐遇春脫逃經督臣吳興祚帶管巡
撫事務時將唐遇春趙大是否逃人咨部查示
嗣准督捕回文唐遇春查係逃人其趙大或係

清忠堂奏疏

卷四

解報一

手

旗逃之方俊隆行臣具

題今行據按察使沈志禮查覆趙大並非旗逃之
方俊隆應行省釋歐氏旋報病故無容置議解
役黃傑管押疎虞當同護兵龔得勝照例責懲
逃人唐遇春緝獲另結其少差解役者係遂溪
縣知縣宋國用也雖經別案罷斥仍應
題參至從前收留逃人食糧者係別案革職已經
病故守備賈國傑也但事在

赦前其以後不行查出之外委千總章廷秀經制把
總陳吉百總潘廷鳳管隊劉必貞均應照例分
別責處第係該管守備察解應否免責統候部
議既據該司呈詳前來理合具
題伏乞

敕部議覆施行康熙二十七年十一月十四日題奉
旨該部知道該兵部督捕查得解役黃傑護兵與得
勝外委千總章廷秀等事俱在康熙二十七年

清忠堂奏疏

卷四 解報二

呈

十月二十三日

赦前且又係該營守備拿獲據此俱免議仍移咨該
撫將逃人唐遇春查解其先收留食糧之守備
賈國樑已經病故應毋庸議將少差解役之途
溪縣知縣宋國用並原抄一併咨送吏部議處
該吏部知道應將知縣宋國用照例革職查宋
國用已經開戶罷斥應毋庸議等因康熙二十
八年二月二十八日奉

旨依議

清忠堂奏疏

卷四 解報三

呈

清忠堂撫粵奏疏卷五日次

題明事 二十七年大計無卓異之員

糾劾貪劣不職等事 二十七年大計糾劾劣員

特參貪酷官員等事 審擬修副瑞等招

特參貪酷官員等事 審擬鍾廷等招

特參貪酷官員等事 審擬周振聲等招

錢糧懸缺無補等事 參擬楊煜懸缺錢糧

錢糧懸缺等事 覆楊煜那用銀米較石俱已完

清忠堂奏疏 卷五 目次

特參侵那庫貯等事 覆王璋侵那

生生打死男命事 曹亞六招擬

活殺女命事 雷應時招擬

遊

旨會審事 參擬脫流犯職名

謀財害命事 梁計通等招擬

立打立死事 李雅吟招擬

清忠堂撫粵奏疏

二十七年大計無卓異之員

題為題明事據布政司呈詳該臣看得三年

大計官之賢者薦揚之不肯者斥逐之原所以整飭

官方鼓勵羣工也是有干八法者固應分別議

處而卓異者尤當照例舉薦仰副

皇上擢用人才至意今屆

計期臣檄飭各司道嚴行考察并細加體訪除照常

清忠堂奏疏 題明一

留任官員停其開造四柱冊并有干八法劣員

通為一本另行禁

奏外至於卓異之員臣其難其慎詳加察覈實尚

未得人然如現任驛鹽道僉事張雲翮英年粹

質管理通省郵遞數月之間積年銅弊盡行釐

革潮州府知府石文晟才守俱優海嶠殘區整

頓一新廣州府知府劉茂溶年力強壯洵稱理

繁治劇之才又如有司官員內龍門縣知縣成

王佐操潔有爲實心任事潮陽縣知縣臧憲祖
靈山縣知縣遲維城二官惟撫兼優勤慎頗著
新會縣知縣賈維英治理海疆才堪四應曲江
縣知縣秦熙祚操持謹慎豈第安民均稱賢能
之員但各官有蒞任日淺者有尙未合例者且
臣亦到任不久所見所聞皆係各官近日之政
終未敢卽以卓異舉

報臣先於二年薦舉案內

清忠堂奏疏

題明二

題明停止又於行取知縣案內會以無合例之員
咨覆吏部今

大計案內又以無卓異具題不但阻抑輿情且隳屬
員自效之心臣是以將現在真知灼見之官不
得不仰陳於

皇上之前倘以上各員內果能益加黽勉終始不渝
或再訪有政績茂著之人容臣另行特疏舉薦
其現在未有卓異薦舉之處相應據實

題明伏乞

皇上睿鑒

勅下該部院議覆施行康熙二十七年十一月十五
日題奉

旨

清忠堂奏疏

題明三

二十七年大計糾劾劣員

題為糾劾貪劣不職官員以肅

計典事竊惟職官無論大小各有民生士習之寄倘

一不得其人則民不安士不馴諸事皆不能就

理而况粵東處天末之地當逆藩變亂之餘積

弊相沿吏治駁雜臣奉

命撫粵禦遵

天語蒞任之日求其民安士馴先以察吏為第一義

清忠堂奏疏

糾劾一

到處採訪所有食庸最著之員當即會同督臣

吳興祚特疏糾參再加體察復廉得劣蹟與訐

告有據者又續經會疏

題參在案夫去惡莫如盡自應隨得隨報豈待

計覈之時方行劾奏然三年考績關係懸陟

大典臣敢不矢公矢慎益加詳察仰副我

皇上澄清吏治至意除卓異官未敢輕舉另疏

題明外今訪有干人法官五十五員遵例通為一

本恭奏茲據署布政司布政使事驛鹽道僉事

張雲翮按察司按察使沈志禮署督糧道事廣

南韶道僉事陳子威驛鹽道僉事張雲翮提學

道僉事黃雲企廣南韶道僉事陳子威惠潮道

僉事梁直護理肇高廉羅道事肇慶府知府李

彥明護理雷瓊道事雷州府知府陳颺言廣州

府知府劉茂溶南雄府知府党居易署韶州府

事本府通判王景文署惠州府事雷州府同知

清忠堂奏疏

糾劾二

裴國楨潮州府知府石文晟肇慶府知府李彥

珩高州府知府金祖彭雷州府知府陳颺言廉

州府知府佟國勳署瓊州府事本府同知潘廷

侯揭報前來合之臣確訪無異所有各官劣蹟

敢為我

皇上陳之計開貪官三員惠州府連平州知州佟國

瑞潮州府揭陽縣知縣鄭濂高州府茂名縣知

縣周振聲云以上各官利慾薰心法紀罔畏

遇事刻意誅求縱蠶營私婪索穢蹟已彰

計典難寬所當照貪例革職提問并本內有名人犯

一并究擬者也不謹官七員廣州府龍門縣典

史朱元勳廣州府增城縣烏石巡檢司巡檢徐

諫惠州府歸善縣內外管巡檢司巡檢陳國輔

肇慶府陽春縣樂安驛驛丞洪範高州府化州

吏目張士俊瓊州府司獄司司獄王永錫瓊州

府樂會縣儒學教諭楊本蕃罷軟無為官六員

清忠堂奏疏

糾劾三

廣州府南海縣黃鼎巡檢司巡檢陳際盛廣州

府順德縣紫泥巡檢司巡檢蔡宗印韶州府英

德縣家岡巡檢司巡檢馬瑞圖潮州府程鄉縣

典史劉爾振瓊州府儒學訓導馬煜瓊州府瓊

山縣儒學訓導黎暉吉云以上各官性情放

蕩官箴絕無檢束才識昏庸公務盡致廢弛既

有悞於地方自難逃於白簡所當照不謹罷軟

無為例俱行革職者也年老官二十員廣州府

從化縣流溪巡檢司巡檢李國昌廣州府新寧

縣知縣張殿珠廣州府三水縣儒學訓導吳克

聞廣州府連州陞任知州安遠里南維府通判

范之清南雄府儒學訓導李翹楚南雄府保昌

縣儒學訓導黃道臨惠州府龍川縣儒學訓導

楊士雋惠州府興寧縣典史孫禎惠州府和平

縣儒學訓導章文燦惠州府長寧縣儒學訓導

廖詣元肇慶府四會縣典史虞尚仁肇慶府恩

清忠堂奏疏

糾劾四

平縣儒學訓導鍾聲緝肇慶府開建縣儒學訓

導呂士矜高州府儒學教授何雲客高州府茂

名縣縣丞朱啓陞雷州府儒學訓導黎上鈺雷

州府徐開縣寧海巡檢司巡檢沈繪廉州府合

浦縣縣丞武橫文瓊州府澄邁縣澄邁巡檢司

巡檢陳大道有疾官八員潮州府潮陽縣雲落

徑巡檢司巡檢李四如潮州府揭陽縣儒學訓

導李廷釐潮州府饒平縣儒學訓導陳明策廉

州府欽州管界巡檢司巡檢龍圖廉州府靈山
縣林墟巡檢司巡檢樊際聖瓊州府廣豐倉大
使葉之玉瓊州府儋州安海巡檢司巡檢施鳳
翔瓊州府陵水縣儒學訓導李樹屏云以上
各官形神衰邁二暨時侵年力既不能自振公
務安望其克理所當照年老有疾例俱勒令休
致者也才力不及官四員按察司僉事分巡惠
湖道梁棟韶州府通濟倉大使張汝高州府信
清忠堂奏疏
科勅五

屈茲甄別不便姑容所當照才力不及浮躁例
分別議處者也總之考察屬吏臣職當然既不
敢舍大以繩小亦不敢懲前而略後嗣後如有
敗檢之員容臣廉訪得實仍行不時叅
奏合並
題明統乞
皇上睿鑒
敕下該部院覆議處施行康熙二十七年十一月
清忠堂奏疏
科勅六
十五日題該吏部等衙門會覆康熙二十八年
二月初四日奉
旨是這考察各官貪酷者俱著革了職併有名蠹役
各該督撫嚴提究審追擬具奏素行不謹罷職無
爲者著革職年老有疾者勒令休致才力不及與
浮躁者分別降調餘依議

審擬彭演招罪

題為特參土豪勢惡以除民害以肅法紀事據按察司呈詳該臣看得巨惡彭演乘尚之信叛逆之時貪投偽監軍道為彼腹心效其謀畫殃民

國皆所贊成迫力窮歸命

皇恩浩蕩竟其助逆之誅與以自新之路以僉事職

銜回籍怙終肆惡道路側目衆口號冤臣奉

清忠堂奏疏

特參一

命巡撫有除暴安民之責誠見彭演一日不除身民

一日不安隨經具疏

題參奉

旨革去職銜行臣究擬茲據按察司署司事驛鹽道

僉事張雲翹審擬招解前來經臣覆加研訊演

於康熙十六年五月名為歸正猶然倚勢作威

沿村派餉如沙灣菱塘圍大石市橋諸處通

庄破索一戶弗遺僮僕橫行衣冠不免或枷比

錢又赴省銷算錢糧差催約正文運隆費銀一

十二兩僱船六隻應用又整葺監舖計用工料

銀二十兩係里長歛費自修雖非入己均應坐

追以上各項賍數經臣嚴究毫無遁情佟國瑞

除坐賍輕罪不議外共入己銀七十二兩合依

監臨官吏求索所部內財物強者准枉法論五

十五兩律杖一百流三千里係旗人照例解部

枷責係貪官永不敘用詹德貞合依在官人役

清忠堂奏疏

卷五 特參二

十一

取受有事人財者計賍枉法一兩至五兩律杖

八十無祿人減一等杖七十佟國瑞詹德貞不

赦陳兆陳鳳合依官吏求索所部內財物計賍准不

枉法論一兩至十兩律杖七十無祿人減一等

各杖六十張勝謝文均合依不應重律各杖八

十陳兆等犯事在

赦前相應援免仍行革役各賍照追入官劉運哲等

供明省釋寧家既據該司招解前來經臣覆審

無異臣謹會同兩廣總督臣吳興祚合詞具

題伏乞

勅下該部議覆施行康熙二十八年七月二十六日

題九月初七日奉

旨該部核擬具奏該刑部看得連平州革職知州佟

國瑞婪贓一案該撫歷審各自認情真佟國瑞

合依凡有司官科斂所屬財物入己者計贓以

枉法論五十五兩杖一百流三千里律係旗下

清忠堂奏疏

卷五

特彙三

主

人應解部不准折贖枷號兩個月鞭一百係貪

官永不敘用詹德貞合依在官人役取受有事

人財枉法贓一兩至五兩杖八十無祿人減一

等律應杖七十折贖二十五板陳兆陳鳳合改

依枉法贓一兩至五兩杖八十減一等律應杖

七十各折贖二十五板張勝謝文事犯在康熙

二十七年十月二十三日

收前相應免罪均行革役贓各照追入官劉運哲等

審係無干應行省釋康熙二十八年九月十六

日題十八日奉

旨依議

清忠堂奏疏

卷五

特彙四

主

審擬鍾廷等招

題為特參貪酷官員以肅

計典事據按察司呈詳該臣看得

大計科叅揭陽縣知縣鄭濂居官貪庸奉

旨革職行臣究擬續因鄭濂於本年二月初五日病

故經臣題

報部覆原叅各款內有名人犯仍行嚴提究擬茲據

按察司署司事驛鹽道僉事張雲副審擬招解

清忠堂奏疏

卷五 貪酷

十四

經臣覆審已故鄭濂因徵二十七年錢糧糧米

通縣九里點收頭九名勒取花紅大里十二兩

小里六兩該縣三大里六小里共銀七十二兩

經各收頭親繳入已嚴詰里長楊球等供認如

一劉乘子謝仁山不行稟阻合擬不應又乘鄭

枚生誣首期姪鄭以揆竊穀四石拘禁勒銀以

揆家貧其從姪鄭文璉情迫將田按銀二十四

兩親繳入已不審釋放鍾廷勒銀二兩七錢黃

子明索銀二錢五分均屬枉法鄭枚生照誣期

親減等律擬以上各款經臣嚴審委無遁情至

若鄭濂哀邁不堪錢糧事件不能清理卽此二

款已見貪庸計勒索入已贓銀九十六兩合依

監臨官吏求索所部內賄物強者准枉法論八

十兩律絞病故免議贓銀著於家屬照追入官

鍾廷合依在官人役取受有事人財者計贓枉

法一兩至五兩律杖八十無祿人減一等杖七

清忠堂奏疏

卷五 貪酷

十五

十黃子明合依在官人役取受有事人財者計

贓枉法一兩以下律杖七十無祿人減一等杖

六十責革不

赦各贓照追入官劉乘子謝仁山合依不應重律各

杖八十犯在

赦前免罪革役鄭枚生合照誣告期親減等律但無

罪可減相應聲明免贓楊球等供明釋與肄業

既據該司招解前來經臣覆審無異臣謹會同

兩廣總督臣吳興祚合詞具

題伏乞

敕下該部議覆施行康熙二十八年八月初三日題

九月十四日奉

旨該部核擬具奏該刑部看得據廣東巡撫朱弘祚

將揭陽縣已故知縣鄭濂貪婪一案該撫歷審

情真鄭濂病故毋庸議鍾廷以枉法論無祿人

減等律杖七十折責二十五板黃子明杖六十

清忠堂奏疏

卷五 貪酷三

其

折責二十板均行革役鄭濂所得贓物各照追

入官經承劉乘子謝仁山雖未得贓但知縣鄭

濂勒取各里銀兩不行稟阻均依不應重律杖

八十但劉乘子等事犯在康熙二十七年十月

二十三日

赦前相應免罪仍行革役鄭枚生等無罪省釋列入

案題移咨該撫知照可也

審擬周振聲招

題為特恭貪酷官員以肅

計典事據按察司呈詳該臣看得高州府茂名縣革

職知縣周振聲不守官箴橫徵濫罰據各司道

府列款揭報經臣與兩廣總督臣吳興祚考覈

計典列款糾參奉

旨革職行臣提審究擬茲行據按察司署司事驛鹽

道僉事張雲嗣審擬招解經臣復加嚴審周振

清忠堂奏疏

卷五 特參一

七

聲因城樓窩舖監倉兩後傾頽今里長修葺所

需工料一時難辦各里具領借出庫銀一百四

十五兩後經派補還庫振聲雖無入已然擅借

錢糧律應按擬又採買

上供物料以額徵之數不敷令各里照通縣糧米派

徵銀一百四十四兩轉發採買起解審無人已

律應坐追又李捷上與吳奮先以失去糧銀互

相扭票振聲不分曲直稟令收監并同拾銀之

吳朝選均行罰穀四十石共一百二十石入已
搜以枉法擬追至如書役李廣凡在長介塘遇
雨歇於飯店邀洪尚元同飲挾妓呼盧全無顧
忌李廣凡洪尚元均屬不應各杖胡氏梁氏應
行斥逐振聲失察奚辭周振聲除坐追枉法失
察諸輕罪不議外合依凡監臨主守將官錢糧
轉借與人雖有文字並計所借之贓以監守自
盜論四十兩律斬雜犯徒五年追贓不

清忠堂奏疏

卷五

特參二

文

赦區士雄黃顯區士偉與吳均均合依不應得
為而為之事理重者律各杖八十李廣凡洪尚
元除挾妓飲酒輕罪不議外合依定例照不應
重律各杖區士雄等俱犯在康熙二十七年十
月二十三日

赦前均應免罪分別革役胡氏梁氏斥逐至原疏無
名之吳朝選當日拾銀既經追出受罰且在

赦前應免提議吳學賢等供明發落寧家肄業既據

該司招解前來經臣覆審無異臣謹會同兩廣
總督臣吳興祚合詞具

題伏乞

赦下該部議覆施行康熙二十八年八月初三日題

九月十四日奉

旨該部核擬具奏該刑部看得茂名縣革職知縣周
振聲積徵濫罰一案據該撫歷審各自認情真
周振聲除坐贓輕罪不議外周振聲合依凡監

清忠堂奏疏

卷五

特參三

文

臨主守將官錢糧借與人計贓以監守自盜論
四十兩斬律係雜犯應徒五年至配所折責四
十板不准折贖係貪官永不敘用贓追入官不
行稟阻之區士雄等均合依不應重律各杖八
十但區士雄等事犯在

赦前相應免罪俱行革役吳學賢等審係無干無罪
釋放康熙二十八年九月二十七日題

日奉

旨依議

清忠堂奏疏

卷五 特參四

千

參楊焜懸缺錢糧

題為錢糧懸缺無補據實詳請參追以免貽累事

據布政司呈詳該臣看得州縣錢糧絲粒皆關

國賦豈容懸缺臣履任嚴行清查有原任儋州降

調知州楊焜任內徵完缺少康熙二十二年

起至康熙二十六年止地丁正雜各項錢糧鹽課

積贖共銀五百九十二兩一錢六分二釐零又

缺少康熙十九年起至二十六年止共米七百

清忠堂奏疏

卷五 錢糧一

千

三十二石一斗三升五合零又缺少康熙二十

二年起至二十六年止報捐積穀四百七十九

石並無存貯倉庫經臣批行布政司嚴查勒追

茲據詳稱屢催楊焜不行完補其是使是那臣

現行按察司嚴提確審究擬另報外相應

題參臣謹會同兩廣總督臣吳興祚合疏具

題伏乞

敕下該部議覆施行康熙二十七年十一月二十三

日題康熙二十八年正月二十八日奉

旨該部嚴察議奏該戶部議覆臣等查得廣東巡撫

朱弘祚疏稱原任儋州降調知州楊焜任內徵

完缺少各年各項錢糧米穀並無存貯倉庫其

是侵是那現行按察司嚴提確審另報外相應

題叅等因前來應行該撫將前項缺少銀米是

侵是那及別年錢糧有無侵那之處作速嚴審

具題到日再議可也康熙二十八年二月初三

清忠堂奏疏

卷五 錢糧二

三

日題本月十六日奉

旨依議

覆楊焜那用銀米穀石俱已完補

題為錢糧懸缺無補據實詳請叅追以免貽累事

據布按二司會審呈詳該臣看得原任儋州降

調知州楊焜任內缺少康熙二十二等年正雜

錢糧銀五百九十二兩一錢六分零康熙十九

等年米七百三十二石一斗三升零又康熙二

十二等年積穀四百七十九石先據現任知州

沈一成揭報經臣具疏

清忠堂奏疏

卷五 懸缺一

三

題叅部覆將是侵是那及別年錢糧有無侵那之

處嚴審具題因限滿未據審詳復將遲延職名

叅處在案茲據按察使李煊會同布政使張建

績確審楊焜缺少各項銀兩有先已交收有係

因公那川各年米穀有被風雨泡爛有存貯未

交分晰詳報如二十六年監課銀二十三兩四

錢零報捐積贖銀二十一兩二錢該州詳報之

後即已交明又撥補感恩縣支應舊差銀一百

五十八兩零因歷年辦解沉香那用有土倉符
霖等領狀可據至康熙二十五年地丁稅契
雜稅匠價共銀三百八十九兩四錢六分零因
補修城垣倉庫學宮急需那應有士民領狀支
銷細册可查孫宗城等可問又二十四年以前
徵貯米五百二十五石六斗一升零捐積穀三
百六十二石於二十五年六月突遭颶風大水
淹浸後雖晒乾收貯復同二十六年續收米二

清忠堂奏疏

卷五 題缺二

三

百六石五斗二升零盡行徵爛又二十五六年
續捐穀一百一十六石雖貯在倉因前項米穀
壞爛未補後捐之穀亦因而未交今銀米穀石
俱逐項照數清補移交現任知州沈一成接收
分批起解各掣行批題倉收呈驗嚴訊楊焜并
經承王棟先等士民孫宗城等皆供實係因公
那用並無侵蝕及用過別年錢糧情弊詳前
來經臣覆勘無異楊焜那移出納計賍論罪自

不容辭但據稱各年銀米存留在州候撥候用
似與起解錢糧有間且米穀因遭風雨損壞事
出不測今又照數賠補或念其難處窮員應否
姑寬出自

皇仁至該員現係降調已經開復之官司詳不敢成
招合候部議經承王棟先等不行稟阻各杖不
枉事在康熙二十七年十月二十三日

赦前相應免議仍行革役孫宗城等應予省釋統候

清忠堂奏疏

卷五 題缺三

三

部奪既據該司會審敘詳前來臣謹會同兩廣
總督臣石琳合疏具

題伏乞

勅下該部議覆施行康熙二十九年六月初九日題
七月十四日奉

旨該部知道該戶部議覆臣等查得楊焜缺少各年
銀米穀石該撫既稱審明有係因公那用有破
風雨泡爛俱已逐項照數清補並無侵蝕情弊

等語應無庸議其完補銀米穀石應行該撫存

貯倉庫候部文撥餉可也康熙二十九年八月

十一日題本月十三日奉

旨依議

清忠堂奏疏

卷五 懲快四

三

覆王璋侵那

題為特叅侵那庫貯錢糧請行追補以清欸項事

據按察司會詳該臣看得德慶州病故知州王

璋任內缺少各年錢糧先經帶管廣東巡撫印

務兩廣總督臣吳興祚會疏

題叅部行是侵是那及別年錢糧有無侵那情弊

嚴審追補今行據廣東按察使沈志禮會詳稱

原叅王璋徵完未解康熙十八十九兩年錢糧

清忠堂奏疏

卷五 侵那一

七

銀二千九百六十三兩四錢零又領司餉回州

支給兵食銀五千一百二十五兩四錢零續查

出王璋帶徵報完康熙二十年起到二十六年

止起存各項錢糧共銀六千五十三兩八錢零

又追完前任已故知州謝蘭英賸補廣西省奏

銷康熙十六七十八年錢糧案內銀七十九

兩三分零又謝蘭英交下清出偽徵存剩康熙

十四年錢糧銀二百六十四兩六錢零以上原

叅及續查出共缺少銀一萬四千四百八十六兩三錢七分零今審據伊子王世准及經承戚世錫等咸供王璋任內徵收錢糧俱係自收在衙侵用而王世准代父掩飾仍謂伊父會說將領回司餉銀五千一百二十五兩零整解康熙二十三年舊欠錢糧等語歷審並無那解實據王璋侵蝕情真應照例擬斬但已病故毋庸議擬所侵銀兩著落伊子王世准照數追完還

清忠堂奏疏

卷五 侵那二

无

項經承戚世錫譚國張陳李茂李駢雖審各項錢糧王璋未有發庫收支並無通同分侵情弊但不力稟起解咎亦難辭各依不應重杖折責革役統候部議既據該司呈詳前來經臣覆勘無異臣謹會同兩廣總督臣吳興祚合疏具題伏乞

敕下該部議覆施行康熙二十七年十一月二十三日

日題二十八年二月初四日奉

旨該部核擬具奏該刑部議覆議得廣東巡撫朱弘祚疏稱德慶州病故知州王璋缺少各年錢糧銀兩應著伊子王世准照數追完還項等因具題前來查王璋侵蝕錢糧銀一萬四千四百八十六兩三錢零應照例擬罪但已故毋庸議所侵銀兩著落伊子王世准名下照追還項經承戚世錫譚國張陳李茂李駢雖審無分侵情弊但不力稟起解俱合依不應重律治罪伊等事

清忠堂奏疏

卷五 侵那三

无

犯在康熙二十七年十月二十三日
赦前均應免罪仍各革役列入彙題移咨該撫知照
可也康熙二十八年三月二十二日奉
旨知道了

曹亞六招擬

題為生生打死男命事據按察司呈詳該臣看得

曹亞六賒欠楊預順肉價不還預順屢次取討

久已蓄恨康熙二十七年四月十一日途遇預

順又向索銀不得惡言辱罵亞六頓起殺心執

棍潛立牆側伺其走近迎頭狠擊打中太陽當

即仆地復肆毒毆凡血盆肋骨背脊致命諸處

皆受重傷預順立時殞命傷証並確本犯自認

清忠堂奏疏

卷五 男命一

手

不諱斬抵吳辭既據該司招解前來經臣覆審

無異理合具

題伏乞

敕下三法司核擬施行康熙二十七年十一月二十

三日題二十八年二月初四日奉

旨三法司核擬具奏該刑部會同院寺會看得曹亞

六毆死楊預順該撫歷審自認情真曹亞六合

依故殺者斬監候律應擬斬監候秋後處決等

因康熙二十八年二月初十日題二十三日奉

旨曹亞六依擬應斬著監候秋後處決

清忠堂奏疏

卷五 男命二

手

雷應時招擬

題為活殺女命事據按察司呈詳該臣看得正監

旗甲兵雷應時殺妻一案緣應時向與孫氏通

姦伊妻陳氏屢諫不從反日已久康熙二十七

年七月二十九日夜應時宿於孫氏家該管防

禦查點不到次日喚訊受責而歸陳氏復有謫

言應時頓起兇心抽刀連砍一十三處貫胸劈

腦手耳零落登時慘斃供認情真傷器並確雷

清忠堂奏疏

卷五 女命一

五

應時依故殺律絞抵不枉孫氏雖不知情其通

姦是實照例枷責允宜再查雷應時係在京另

戶常差呼家僕應否解部合聽部議既據該司

招解前來經臣覆審無異臣謹會同廣州將軍

臣拜音達禮副都統臣魏黑納峩巒借兩廣總

督臣吳興祚合疏具

題伏乞

敕下三法司核擬施行康熙二十七年十二月初二

日題二十八年二月初四日奉

旨三法司核擬具奏該刑部會同院寺會看得雷應

時殺妻陳氏該撫歷審自認情真雷應時合依

凡夫故殺妻者絞監候律係旗下家僕在本處

監候秋後處決孫氏應照通姦例枷責但事犯

在康熙二十七年十月二十三日

赦前應免罪等因康熙二十八年二月初九日題二

十一日奉

清忠堂奏疏

卷五 女命二

五

旨雷應時依擬應絞著監候秋後處決餘依議

參疎脫流犯職名

題為遵

旨會審事據按察司呈詳該臣看得俞讚並妻徐氏
 乃滇省解粵安置之流犯也經前撫臣李上楨
 照發惠州府歸善縣碧甲巡檢司瀕海地方收
 管在案先據按察司詳報本犯並妻于康熙二
 十六年九月二十五日同逃當經前撫臣檄行
 粵省通緝取有查緝無踪印結又移滇省原籍
 清忠堂奏疏 卷五 會審一 審

行查茲准雲南撫臣石琳咨覆遍查並無踪跡
 等因到臣復經檄飭該司再加嚴緝未據獲報
 所有該管官係歸善縣現任知縣佟銘歸善縣
 碧甲司已故巡檢葉培統轄官係惠州府革職
 離任知府呂應奎也相應
 題彙候部查議既據該司呈詳前來理合具
 題伏乞
 敕部議覆施行康熙二十七年十二月初二日題二

十八年正月二十三日奉

旨佟銘等著議處具奏該部知道該刑部議得流犯
 俞讚徐氏脫逃未經緝獲除該管之歸善縣碧
 甲司巡檢葉培病故並惠州府知府呂應奎已
 經革職不議外應將歸善縣現任知縣佟銘交
 與該部議處脫逃俞讚並妻徐氏仍移咨該撫
 照例案緝此抄入彙題可也等因康熙二十八
 年二月初十日題二十三日奉

清忠堂奏疏

卷五 會審一

審

旨知道了該吏部議覆應將歸善縣知縣佟銘照例
 罰俸六個月康熙二十八年三月十四日奉
 旨依議

梁計通等招擬

題為謀財害命事據按察司呈詳該臣看得梁計

通陳禮等謀死朱亮林瑞祥一案因朱亮在合

浦縣地方置船學本召募舵工梁計通水手陳

禮李忠貴陳大祥駕往石城貿易康熙二十七

年三月二十二日船至海港遇風飄至澗洲孤

島船壞各人上岸搭蓬棲止彼時朱亮與附舟

同行之林瑞祥既怒責梁計通等不善操舟復

清忠堂奏疏 卷五 謀財一 姜

勒留其附搭貨錢聲言回縣必令賠償船價致

計通等各蓄毒謀僉同商定於四月初一日陳

禮等先誘林瑞祥至海邊拾螺計通舉棍重毆

瑞祥腦後兩下立即畢命隨持棍回至窩蓬值

朱亮背立吃烟亦於腦後連擊兩棍登時身死

二屍埋藏沙內四犯瓜分資財經朱亮客夥陳

龍等尋得踪跡告追今獲歷審傷供兩確梁計

通陳禮合依謀殺人因而得財者律駢斬不枉

贓物照例查追給主在逃李忠貴陳大祥緝獲

另結既據該司招解前來經臣覆審無異理合

具

題伏乞

敕下三法司核擬施行康熙二十七年十二月初二

日題二十八年二月初四日奉

旨三法司核擬具奏該刑部會同院寺會看得梁計

通等謀殺朱亮林瑞祥該撫歷審各自認情真

清忠堂奏疏 卷五 謀財二 姜

梁計通陳禮合依謀殺人因而得財者同強盜

不分首從論皆斬律應斬立決贓物照追給主

脫逃李忠貴陳大祥嚴緝獲日另結等因康熙

二十八年二月初十日題二十三日奉

旨梁計通陳禮俱著即處斬餘依議

李雅吟招擬

題為立打立死事據按察司呈詳該臣看得李雅吟係李成宇族姪雖五服已盡而名分終存乃因釐役小故彼此雀角雅吟恨成宇批頰之辱頓起兇心拳脚毒毆傷皆致命以致成宇立時斃斃供証並確本犯自認不諱李雅吟應依故殺律斬抵不枉既據該司招解前來經臣覆審無異理合具

清忠堂奏疏

卷五 立打一

手

題伏乞

敕下三法司核擬施行康熙二十七年十二月十六

日題二十八年二月初六日奉

旨三法司核擬具奏該刑部會同院寺會看得李雅

吟毆死無服族叔李成宇該撫歷審自認情真

李雅吟合依故殺者斬監候律應擬斬監候秋

後處決等因康熙二十八年二月十二日題二

十三日奉

旨李雅吟依擬應斬著監候秋後處決

清忠堂奏疏

卷五 立打二

禿

清忠堂撫粵奏疏卷六目次

上供物料等事 請免芽茶等項本色

軍器有應禁等事 覆民間烏鎗不必禁

強賊劫渡等事 賊犯陳亞國等招擬

徵貯錢糧等事 參修湘年侵那錢糧

克殺男命事 賴夢吉招擬

欽奉

恩詔事 吳亞石等援 赦減等

清忠堂奏疏 卷六 目次 一

活殺子命事 蔣弘煒招擬

欽奉

恩詔事 軍犯裴元在道會 赦

恭謝

天恩事 謝賜級正

特參庸劣等事 審擬歐陽副吏等招罪

欽奉

上諭事 賊犯文成孔等招

殺子焚屍事 李阿三等招擬

特參疎防等事 賊犯尹成佐等招罪

譯生濫觴已極等事 參承查吳名珠遲延職名

打死男命事 田東招擬

清忠堂奏疏 卷六 目次 二

請免芽茶等項本色

題為

上供物料請照土產辦解以蘇積累事據布政司呈
詳該臣看得粵省遠在天末遭逆藩蹂躪之後
民生困苦已極元氣至今猶未盡復臣蒙

皇上不次特恩畀撫東粵欽承

天語刻刻以愛養斯民為念所有地方因革事宜臣

清忠堂奏疏

物料一

可以徑行者知無不為為無不力不敢仰資

宸聽臣細加採訪尚有每年辦解物料一項頗為民

累先經檄行布政司通查去後茲據署司事驛

鹽道僉事張雲副呈稱粵省奉辦顏料內中有

非本地所產且時值與定價恆至不敷解運腳

價倍繁費無從出在賢有司或宜量數捐措不

肖者用一派十百姓連年賠補累無底止請將

芽茶白蠟銀硃酥四項免辦本色其原定價

銀或彙解部或畱充餉至沉香花梨木等項有

粵中所產與現可購辦者仍行解送但一府委

一解官路途遙遠多官未免多費酌定廣南節

惠潮五府為一起肇高雷廉瓊羅六府州為一

起每起各委府佐官一員管解具詳前來臣查

本省出產與現有者自應照數辦解以盡臣民

任土作貢之義若非粵地所產免其備送省一

分無益之費窮民即受一分實惠我

清忠堂奏疏

物料二

皇上聖心仁愛獨憐民賦錢糧無年茂有必使天下

人民無一夫不得其所且直隸山東河南三省

狐皮蒙

皇上垂念地方採辦恐致累民嗣後俱免備解准交

折色所用狐皮於京城採買在案究粵省物料

運費尤多似可一例遞

請仰懇

聖恩以後芽茶白蠟銀硃酥四項免辦本色銀

乘入起運所有沉香花梨木等項仍行辦送每
年止委府佐二員分批乘解其採買解運稍遲
仍照定例處分稍為轉移而粵省官民咸沐
天恩無既矣臣謹會同兩廣總督臣吳興祚合疏具
題伏乞

皇上睿鑒

物部議覆施行康熙二十七年十二月十六日題二

十八年二月初四日奉

清忠堂奏疏

物料三

旨該部議奏該戶部議覆臣等查得芽茶白蠟等項
係

上供物料每年辦解本色以敷應用先經江寧巡撫
田雯于康熙二十七年四月內條奏各項顏料
於價值最賤之省採辦已經九卿會覆各省顏
料向係照全書刊載辦解奉行已久毋庸議在
案又康熙二十七年六月內豫撫丁思孔題請
所增顏料改于出產省分採買本部亦無庸議

在案今該撫所請免解芽茶等項亦均毋庸議
至疏稱每年止委府佐二員分批乘解之處應
如該撫所請可也等因康熙二十八年二月初
十日題本月二十三日奉

旨依議

清忠堂奏疏

物料四

覆民間烏鎗不必禁止

題爲軍器有應禁之律伏請申嚴烏鎗之用以杜奸萌事准兵部咨該臣看得烏鎗一項湖廣撫臣丁思孔

題請除兵丁習用之外概不許私行製買從前所存烏鎗立限令其送官此爲綢繆地方起見也部議將現有烏鎗仍許留用嗣後私自製造槩行禁止又九卿諸臣會議民人一槩禁止不得

清忠堂奏疏

軍器一

私用私造仍限三月自行銷燬管伍所用烏鎗散壞募匠委官監造此亦防微杜漸之計也奉旨這禁止烏鎗有無裨益民生果否必能禁止著各該督撫各抒所見具題到日再議具奏欽此夫撫臣之請部臣九卿之議其間有裨無裨能禁不能禁在

聖明洞燭自有

容容何庸諸臣仰參末議而猶必

命諸臣各抒所見者此真

皇上聖慮周詳雖一介之出必集思廣益以求盡善卽堯舜之疇咨察邇不是過也既奉

旨著各督撫各抒所見敢不據實披陳臣竊以爲烏鎗不必禁也何也蓋兵器之設所以禁暴戢奸爲古聖世之所不廢烏鎗功用雖與他器械不同在奸民挾之固可以爲盜在良民挾之亦可以禦盜商賈藉以防其身民人藉以護其家今

清忠堂奏疏

軍器二

一旦槩行禁止良善之民自是遵法繳銷狡黠之輩保無仍行藏匿立法寬則民玩而未必燬立法嚴則奸人棍徒借此爲告訐詐索擾害之端勢所必有由此言之則於民生之有裨無裨可知矣至若將現有烏鎗仍許留用嗣後禁其製造倘或私行新造借稱舊製爲新爲舊何從辨之若新舊槩行禁止新者或能禁製而舊者匿不燬銷諒有司亦不能家至戶到以搜緝之

是徒禁良民之不用而終不能禁奸民之不用
禁之而不能禁猶弗禁也從來軍器之禁何
嘗不嚴而卒不能盡絕者良由禁之者其名而
其實有非禁之可得而止由是言之則能禁與
不能禁又可知矣在楚撫臣丁思孔身在楚地
親見賊之所恃惟有鳥鎗是以疏請禁止然而
楚省不戒裁兵也非民也因於兵失其制防而
轉於民嚴其戒令似無謂也故臣反覆思之而

清忠堂奏疏

軍器三

以爲鳥鎗不必禁也况我

皇上文德誕敷武功丕著從古未聞之土悉隸版圖

從古未聞之人咸供職貢加以

胥衣肝食惟以愛養民生爲念時弘解網之

仁歲下蠲租之

詔不使有一夫之不獲一物之失所小民感頌已是

淪浹肌體近復

恩赦肆頒禁雜派嚴扣尅文武官吏稟奉

嚴給遐邇軍民歡聲雷動薄海內外未慶昇平似不
必鯁鯁然以鳥鎗一器之禁不禁爲慮也臣不
揣愚昧直陳所見伏祈

皇上睿鑒

勅部議覆施行康熙二十七年十二月二十一日題
該兵部等衙門會議覆查直隸各省督撫所題
俱各不同若將民間鳥鎗槩行禁止恐百姓無
防護身家之具而且生勒詐之事民受其害亦

清忠堂奏疏

軍器四

未可定若不禁止恐奸惡之徒濫用爲非亦未

可定相應行令各直省督撫務期有便于民生

不致生事酌行可也康熙二十八年十月十九

日題十一月十一日奉

旨依議

賊犯陳亞國等招擬

題為強賊劫渡等事據按察司呈詳該臣看得盜

犯陳亞國等同盜首陳進業等共二十四犯駕

船三隻各執器械於康熙二十六年十二月二

十八日戌時在番禺縣所屬深井尾河面行劫

吳祐與夜渡船隻陳進業施放鳥鎗打死舵工

陳勝琳陳亞國刀割風篷繩索以致人驚船覆

客人渡夫淹斃三十四人經夥盜盧振鳳首報

清忠堂奏疏

卷六 強賊一

九

續獲陳亞國等究審供認不諱各盜內除當時

被水淹死梁順興等九名已獲取供後病故楊

順業陳新寧二名無庸置議外陳亞國陳勝友

陳自成潘瑞生黃亞三楊善吾合依強盜殺傷

人律駢斬立決梟示盧振鳳未經下手殺人今

既自首照例應減惟是此案慘斃多命應否免

死發邊衛克軍聽候部議定奪贓物照數追償

案內盜犯獲已過半未獲陳進業等六名案緝

獲日另結既據該司招解前來經臣覆審無異

臣謹會同兩廣總督臣吳興祚合疏具

題伏乞

敕下三法司核議施行康熙二十七年十二月二十

一日題二十八年二月初九日奉

旨三法司核擬具奏該刑部會同院寺看得賊犯陳

亞國等該撫歷審各認情真均合依強盜殺人

不分會否得財俱斬梟示律應斬立決梟示盧

清忠堂奏疏

卷六 強賊二

十

振鳳自行投首照例免死發邊衛克軍已獲盜

船變價入官未獲贓物將各賊家產變賠脫逃

陳進業等嚴緝獲日另結康熙二十八年二月

十九日題三月初四日奉

旨陳亞國陳勝友陳自成潘瑞生黃亞三楊善吾俱

著即處斬梟示餘依議

叅修湘年侵那錢糧

題為徵貯錢糧久催不解據實詳請叅追以免遲
悞軍需事據驛鹽道布政司呈詳該臣看得瓊
郡孤懸海外地方荒殘歷年錢糧拖欠不清因
而那移程報之弊亦在所有臣履任嚴行清查
已將瓊山縣原任知縣茹鉉儋州原任知州楊
焜各任內缺欠錢糧查出具疏

題叅外至於府庫錢糧蓋因各屬距省遙遠凡有

清忠堂奏疏

徵貯一

應解司解道之項俱交該府彙總起解或轉撥
兵餉以省繁費所以收貯甚多前因該府屢催
不解復經嚴行盤查適值該府知府修湘年因
未完康熙二十四年錢糧部議降調催令回旗
本官交代遲延臣又經照例

題叅并尚委護理雷瓊道事雷州府知府陳履言
親赴該府庫盤查去後茲據驛鹽道僉事張雲
副詳稱修湘年任內徵收報貯康熙二十四五

六年驛傳錢糧銀二千四百九十七兩五錢七

分四釐零檄催已久無銀起解顯有侵那情弊
又據署布政司事驛鹽道僉事張雲副詳報修
湘年任內收貯康熙十八年起至二十七年止
地丁正雜錢糧銀四萬九千六百八十八兩二
錢九分零有係候撥兌餉者有係已撥兵餉未
據支給者一任嚴催既不起解又無支銷數目

造報明有侵漏情弊各請叅追前來查錢糧既

清忠堂奏疏

徵貯二

經收貯自應按款支解今修湘年將收過錢糧
任催罔應又不將收放細數造報侵混顯然相
應

題叅仍俟雷瓊道盤明確數并行按察司迅提本
官究審是侵是那定擬之後另行押解歸旗追
補庶錢糧獲有著落既據該道司呈詳前來臣
謹會同兩廣總督臣吳興祚合疏具
題伏乞

救下該部議役施行康熙二十七年十二月二十一

日題二十八年二月初六日奉

旨該部嚴察議奏該戶部議覆臣等查得廣東巡撫

朱弘祚疏稱瓊州府降調知府佟湘年任內收

貯康熙二十四五六年驛傳錢糧銀二千四百

九十七兩五錢七分零收完康熙十八年起至

二十七年止地丁錢糧銀四萬九千六百八十

八兩二錢九分零一任嚴催既不起解又無支

清忠堂奏疏

徵貯三

銷數目造報明有侵涸情弊相應題參仍俟盤

明確數并行按察司迅提本官究審是侵是那

定擬追補等因前來應行該撫將前項錢糧是

侵是那及盤明確數作速究審追補具題到日

再議可也等因康熙二十八年二月十二日題

本月二十三日奉

旨依議

賴夢吉招擬

題為兇殺男命事據按察司呈詳該臣看得賴夢

吉殺死鄭欽三也因夢吉係鄭益萬嫡出之婿

欽三乃益萬庶出之子益萬正妻物故夢吉思

分家資先牽其耕牛欽三不從益萬又加呵叱

以致夢吉忿怒積中於康熙二十七年五月二

十三日夜復來爭論分家益萬回絕不與夢吉

遂執刀欲傷頭脚鄭靜庵從旁奪刀收解手

清忠堂奏疏

兇殺一

亦被勒傷幸各痊愈惟欽三急切護父砍重頭

顛移時殞命傷其供確本犯自認不諱賴夢吉

按以故殺斬抵允協既據該司招解前來經臣

覆審無異理合具

題伏乞

救下三法司核擬施行康熙二十八年正月二十日

題三月初九日奉

旨三法司核擬具奏該刑部會同院寺會看得賴夢

吉殺死妻弟鄭欽三該撫歷審自認情真願夢
吉合依故殺者斬監候律應擬斬監候秋後處
決等因康熙二十八年三月二十八日題三十
日奉

旨願夢吉依擬應斬著監候秋後處決

清忠堂奏疏

卷六

兇殺二

五

吳亞石等援 赦減等

題為欽奉

恩詔事據按察司呈詳該臣看得

欽頒

恩詔到日定例將應免罪囚內經部覆明白者詳查

登時釋放嗣行題明今恭遇康熙二十七年十

月二十三日

恩詔又奉

清忠堂奏疏

卷六

欽奉一

六

上諭圖毆殺人等犯免死減等發落等因欽遵在案

茲據按察使沈志禮詳稱廣東省現監已經部

覆明白罪囚內查無與

赦款相符應當釋放人犯惟吳亞石朱七滿張瑞邦

黃亞三四犯俱因圖毆打死人命擬絞幸逢

恩詔應遵

諭旨免死減等各令妻流三千里至配所責四十板

仍各追埋葬銀二十兩給付死者之家其黃亞

三案內在逃父黃維興應免緝究以廣

皇仁既據該司呈詳前來相應具

題伏乞

敕下該部議覆施行康熙二十八年正月三十日題

三月十四日奉

旨該部知道該刑部議得吳亞石朱七潘振麟鄭貴

亞三俱係鬪毆打死人命擬絞監候之犯與案

照二十七年十月二十三日

清忠堂奏疏

卷六 欽奉二

志

數款相符應免死減等命妻流三千里至配所各折

責四十板仍追埋葬銀二十兩給付死者之家

其黃亞三案內脫逃為從之黃維興應免緝可

也等因康熙二十八年三月二十九日題閏三

月初一日奉

旨依議

蔣弘焯招擬

題為活殺子命事據按察司呈詳該臣看得蔣弘

焯之戮死黃世品也先因徐方與黃肅翰黃

子宗父子構訟弘焯從中主唆作証經縣審出

刑責弘焯遂啣恨于肅翰父子并遷怒於幫扶

肅翰之姪孫黃世品矣康熙二十七年八月十

八日黃子宗同姪世品赴館經過伊門弘焯即

持刀趕殺子宗幸而前行走脫世品後至隨被

清忠堂奏疏

卷六 子命一

太

殺傷以致腹破腸出當晚身死傷証兩確雖本

犯有誤殺之供查律載故殺人而誤殺傍人者

亦以故殺論斬况弘焯與世品積怨深怒者乎

按以故殺律斬抵洵不為枉既據該司招解前

來經臣覆審無異理合具

題伏乞

敕下三法司核擬施行康熙二十八年二月二十九

日題閏三月初九日奉

古三法司核擬具奏該刑部會同院寺會看得蔣弘
煒殺死黃世品該撫歷審情真蔣弘煒合依故
殺人而誤殺傍人者以故殺論死者處斬監候
律應擬斬監候秋後處決等因康熙二十八年
閏三月十七日題十九日奉
旨蔣弘煒依擬應斬著監候秋後處決

清忠堂奏疏
卷六 子命二
九

軍犯裴元在道會 赦

題為欽奉

恩詔事據按察司呈詳該臣看得軍犯裴元乃係江
南解粵發配之犯也原籍於康熙二十七年八
月十四日僉咨發解本年十一月二十三日抵
粵投文自江南江寧起至廣東瓊州海南衛共
有六千四百餘里今該犯係在程限之內行至
中途遇逢

清忠堂奏疏
卷六 軍犯一
一

恩赦據按都二司會查與從前具

題在道會

赦之例相符呈詳前來相應照例具

題應否援免聽候部議理合具

題伏乞

敕部議覆施行康熙二十八年二月二十九日題奉
旨該部知道該刑部查得該撫稱裴元係江寧巡
撫田雯撥軍發解廣東之犯恭遇康熙二十七

年十月二十三日

恩赦查與在道會

赦之律相符應免罪釋放此抄應入彙題仍知照該

撫可也彙題奉

旨知道了

清忠堂奏疏

卷六 軍犯二

五

謝賜緞疋

奏為恭謝

天恩事康熙二十八年三月初三日據臣承差倫茂

勦赴部領齋

孝莊仁宣誠憲恭懿翊天啓聖文皇后升祔

太廟

恩賜蟒緞一疋片金紗一疋大緞一疋彭緞一疋到

臣臣恭設香案望

清忠堂奏疏

恭謝一

闕叩頭謝

恩訖伏念臣以菲材蒙

皇上不次超擢巡撫粵東

命下之後恭請

陛見正值

太皇太后慈馭初升親親我

皇上致誠致慈盡禮盡哀

大孝媲美於虞周

至性遠超乎今古乃當

聖心哀戚之時

賜臣對揚

命臣跪近

御榻諄諄諭臣以澄清吏治愛養民生為急臣欽承

天語祇畏簡書自抵任以來朝夕兢兢期竭報稱於

萬一惟是任大責重力薄才疎

高厚難酬涓埃無補茲者恭遇

清忠堂奏疏

恭謝二

大禮告成

弘推錫類之仁

覃布如天之澤

湛恩汪濊四海沾濡

賜帛蠲租入紘懼忭臣奉差在外不獲躬効駿奔

復荷

皇恩錫之內紓臣破服知榮感激思報惟有益術職

業茹藥飲冰上答

天心而已為此具本恭

謝以

聞康熙二十八年三月初十日奏閏三月二十日奉

旨該部知道

清忠堂奏疏

恭謝三

審擬歐陽嗣爽等招罪

題為特參庸劣患病營將事據按察司呈詳該戶

看得歐陽嗣爽身任遊擊廢弛營伍濫役兵丁

如城門要地止令一兵或二兵看守其為溺職

已甚而又縱令家人開張米當二舖巧為剋剝

海汛窮卒所領餉米有幾堪此按月扣繳審據

被害兵丁鄧鈞等開舖家人來易等各質供甚

明嗣爽亦自認不諱駐真証確除於所部內舉

清忠堂奏疏

卷六 特參一

五

放錢債違禁盤取民利輕罪不議外合依科欵

軍人錢糧入已並計贓以枉法論律按數科罪

應杖一百流三千里照例發邊陽安插係貪官

永不敘用來易陳觀係俱合依不應重律擬杖

二犯事在

赦前相應免責其追入官贓銀一百三十三兩六錢

六分零給主贓銀二兩三錢三分零既據該司

招解前來經臣覆審無異相應具

題伏乞

勅部議覆施行康熙二十八年三月十七日題閣三

月二十三日奉

旨該部核擬具奏該刑部看得新會營軍職遊擊歐

陽嗣爽婪贓一案該撫歷審自認不諱歐陽嗣

爽合依管軍官科欵軍人錢糧入已者計贓以

枉法論五十五兩杖一百流三千里律應食妻

照例安插邊陽係貪官永不敘用贓銀照追分

清忠堂奏疏

卷六 特參二

柔

別入官給主來易陳觀係合依不應重律杖八

十但二犯事在康熙二十七年十月二十三日

赦前相應免罪可也康熙二十八年四月初七日題

初九日奉

旨依議

賊犯文成孔等招

題為欽奉

論事據按察司呈詳該臣看得茂名縣貢生曾士奇家於康熙二十七年二月二十四夜被劫因

賊犯曾朝進張亞六熟識其門徑且知有積蓄

印約文成孔共盜成孔先謀諸陳亞四展轉糾

人又商之大頭晚合黨聚劫是日在五里大坡

會齊夥盜拾五人內未獲之曾朝進張亞六先

清忠堂奏疏

卷六

欽奉一

七

潛身入內開門現獲之陳亞四與取供後病故

之李泰運及未獲之大頭晚郭瑞老陳老蘇黃

賓彩各執刀棍入屋行劫現獲之文成孔陳世

高范亞二詹聘四弁未獲之聶有耿陳二俱各

持械在外把風劫後於東門嶺外竹根邊地方

分贓反覆究訊各供不諱經失主認明又訊

陳亞四自供砍傷失主額角李泰運自認細燒

兩腿以致曾士奇傷重身故文成孔陳亞四陳

世高范亞二詹聘四按律決斬梟示允宜餘盜

嚴緝另結誣扳之文亞五阮起昇譚鼎科李登

高已經審明釋放惟阮起昇因係盜口供扳縣

審畏刑承認茂名縣別案糾參知縣周振聲雖

未加刑乃不能審出真情混擊起解相應參

聽部議處其前署高州府事廉州府同知張輔

不行審明轉解各亦難辭第於值季時自行審

出真情即請省釋又高雷廉鎮標中軍另案請

清忠堂奏疏

卷六

欽奉二

天

休遊擊楊玉春與有司會審盜犯殊屬違例但

同審皆是真盜亦未刑訊可否均得邀免合併

指參統候部議既據該司招解前來經臣審核

無異臣謹會同兩廣總督臣吳興祚合疏具

題伏乞

勅下三法司核擬施行康熙二十八年三月十九日

題閏三月二十七日奉

旨三法司核擬具奏欽此該刑部會同都察院大理

寺會看得文成孔等行劫會士奇家一案該撫
歷審各自認情真文成孔陳亞四陳世高范亞
二詹聘四合依強盜殺人不分會否得財斬梟
示律均應斬立決梟示已獲贓物給還失主未
獲贓物將各賊家產變賠逃賊黃賓彩等獲日
另結文亞五等係誣扳釋放茂名縣知縣周振
聲經別案革職應毋庸議署高州府事廉州府
同知張輔雖並未審理卽行轉解後於值季時

清忠堂奏疏

卷六

欽奉三

无

自行審出真情卽行省釋亦毋庸議高雷廉鎮
標中軍遊擊楊玉春雖係知縣約會武職與文
官會審亦屬違例應交與兵部議可也康熙二
十八年四月初七日題初九日奉
古文成孔陳亞四陳世高范亞二詹聘四俱著卽處
斬梟示餘依議

李阿三等招擬

題爲殺子焚屍事據按察司呈詳該臣看得李阿
三戮死江采臣李賓于殺死江治中一案因阿
三以潮銀強買江阿平江阿貴豬肉不從阿三
遂誣原係阿平等買牛之銀強拉阿平等關在
家內求放不允康熙二十七年九月初十日采
臣率領治中等各携柴棍前住意在救取阿平
等回家乃阿三同弟賓于及李阿卯輒各執刀

清忠堂奏疏

卷六

殺子一

手

鎗相抵李阿三憤恨江采臣爲頭救姪鎗刺肚
腹立時殞命扛屍焚燒拋骨滅迹李阿卯戮傷
江治中腦後業已奔避乃賓于持刀趕追砍足
撲地又復斬其左肋斷彼手指當卽身死傷真
証確兇慘異常抵命奚辭李阿三李賓于合依
故殺律駢斬不在在逃李阿卯例應接究但在
赦前得逃免緝既據該司招解前來經臣覆審無異
理合具

題伏乞

勅下三法司核擬施行康熙二十八年三月二十八

日題四月十二日奉

旨三法司核擬具奏該刑部會同院寺會看得李阿

三獲死江采臣李賓于殺死江治中該撫歷審

各自認情真李阿三李賓于合依故殺者斬監

候律均應擬斬監候秋後處決脫逃李阿卯應

嚴緝照律治罪但事犯在康熙二十七年十月

清忠堂奏疏

卷六

殺子二

幸

二十三日

赦前相應免緝可也等因康熙二十八年四月十八

日題二十日奉

旨李阿三李賓于俱依擬應斬著監候秋後處決餘

依議

賊犯尹成佐等招罪

題為特參疎防失事文武職名事據按察司呈詳

該臣看得東莞縣常平園民人葉非賢家於康

熙二十七年六月二十六日夜被盜因尹成佐

偵知其家温飽先與劉亞晚等商定謀劫隨糾

夥黨共九人當晚會齊各執器械於二更時分

劉亞晚梁色遇梁亞興從冊籍街進尹成佐費

白水黃升甫一同入屋梁亞二陳亞俊黃亞晚

清忠堂奏疏

卷六

特參一

重

截路把風非賢妻鍾氏妾盧氏被梁亞興用刀

砍傷子葉隆友被劉亞晚持鎗刺額復放火燒

房劫得財物至荔枝基地方俵分星散今各盜

盡獲歷審供確起日贓物經主認領除劉亞晚

梁亞興各取供後病故外尹成佐陳亞俊梁色

遇梁亞二黃白水黃升甫黃亞晚按律皆斬立

決梟示誠不為枉花費贓物照例變賠既據該

司招解前來經臣覆審無異臣謹會同兩廣總

督臣吳興祚合疏具

題伏乞

勅下三法司核議施行康熙二十八年閏三月初六

日題四月十四日奉

旨三法司核議具奏欽此該刑部會同院寺會看得

強賊尹成佐等行劫民人葉兆賢家一案歷審

各自認情真尹成佐陳亞俊梁色遇梁亞二黃

白水黃升甫黃亞晚合依強盜殺人放火燒人

清忠堂奏疏

卷六

特彙二

並

房屋不分會否得財俱斬梟示律均應斬立決

梟示已獲贓物給還失主未獲贓物將各犯家

產變賠康熙二十八年四月十九日題二十一

日奉

旨尹成佐陳亞俊梁色遇梁亞二黃白水黃升甫黃

亞晚俱著卽處斬梟示餘依議

參承查吳名球遲延職名

題為譯生濫觴已極館規廢弛宜整仰祈

聖鑒勅部嚴行飭汰以杜冒濫事據布政司呈詳該

臣看得准部咨行將海陽縣繼業生吳名球查

明勒限送部交與該館考試經臣檄行廣東布

政司確查詳報茲據布政使張建績詳稱此案

自奉文至今已逾四個月之限未據查明詳報

送部其承查違限遲延之咎不能為海陽縣現

清忠堂奏疏

卷六

譯生一

雷

任知縣金一風寬也相應指參聽候部議既據

該司呈詳前來理合具

題伏乞

勅部議覆施行康熙二十八年閏三月初六日題奉

旨金一鳳著議處具奏該部知道該吏部議得逾限

不及一月之海陽縣知縣金一鳳照例罰俸三

個月康熙二十八年五月初八日奉

旨依議

田東招擬

題為打死男命事據按察司呈詳該臣看得兵丁

田東毆死民人羅憲中也康熙二十七年十二

月初一日憲中於橋上賣鷄田東向買一隻因

少錢十五文兩相爭論田東輒揮拳打中憲中

心坎以致負痛退步墮橋復被瓦石磕傷旋即

殞命縣驗心坎一傷取重致命實由拳毆供証

既確絞抵矣辭茲據該司招解前來經臣親審

清忠堂奏疏

卷六 男命一

壹

無異臣謹會同兩廣總督臣吳興祚合疏具

題伏乞

勅下三法司核擬施行康熙二十八年閏三月二十

日題四月二十八日奉

旨三法司核擬具奏該刑部會同院寺會看得兵丁

田東打死民人羅憲中該撫歷審自認情真田

東合依凡關毆殺人者不問手足他物金刃並

絞監候律應擬絞監候秋後處決等因康熙二十

十八年五月初八日題十二日奉

旨田東依擬應絞者監候秋後處決

清忠堂奏疏

卷六 男命二

美

清忠堂撫粵奏疏卷七月次

援例陳情等事 千總井星聚請終養

查叅侵那錢糧等事 叅王言梓侵那錢糧

查叅侵那錢糧等事 王言梓招擬

盤查前官錢糧等事 叅程敬虧伏錢糧

盤查前官錢糧等事 邵林楚招擬

查叅虧缺錢糧事 叅佟國瑞侵那錢糧

查叅虧缺錢糧事 佟國瑞招擬

清忠堂奏疏 卷七 目次

卽打卽死事 王瑞昂招擬

立打立死事 黃亞保招擬

詳明前任虧空等事 叅鄭廉虧空錢糧

詳明前任虧空等事 蕭仁山等招擬

清忠堂撫粵奏疏卷七

千總井星聚請終養

題為援例陳情懇懇終養事據掌印都司詳稱據

平海守禦所千總井星聚呈詳職母馬氏現年

七十有三家無次丁懇請終養等緣由連繳同

鄉同官各印結到司該卑司杜邦琛看得武職

從前無終養之例今甘肅西寧衛守備劉世緒

已蒙部覆應照文職例准其回籍終養奉有

清忠堂奏疏 卷七 援例一

俞旨欽遵在案茲千總井星聚所請似與例符理合

據轉伏候會

題等因到臣據此該臣看得武職從前原無終養

之例茲據廣東掌印都司杜邦琛詳稱平海守

禦所千總井星聚以親母年老因先經部覆甘

肅西寧衛守備劉世緒回籍終養特蒙

允准本官取具同鄉同官各印結援例懇請臣查井

星聚親母既係年逾七旬家無次丁應否准其

回籍終養候部議奪既據該司呈詳前來除將

印結揭送兵部查核外臣謹會同兩廣總督臣

吳興祚合疏具

題伏乞

敕部議覆施行康熙二十八年閏三月二十日題四

月二十八日奉

旨兵部議奏該兵部議得武職官員並無終養之例

井星聚懇准終養之處應毋庸議等因康熙二

清忠堂奏疏

卷七 後例二

三

十八年五月十四日題本月十六日奉

旨井星聚之母年逾七旬家無次丁著准其終養

參王言絳侵那錢糧

題為查參侵那錢糧嚴行追補以清款項事據布

政司呈詳該臣看得州縣錢糧徵收支解各有

項欸絲粟難容侵涸先據布按二司揭報開平

縣知縣王言絳劣欸并稱康熙二十七年分該

縣額徵地丁錢糧催至九月全無分釐解報經

臣於縣令食酷已著等事案內會疏

題參聲明侵那情弊查明另報茲催據布政使張

清忠堂奏疏

卷七 查條一

三

建績呈稱行據肇慶府知府李彥瑀申據署

平縣事廣州府通判戴濤冊報前奉革職知縣

王言絳任內侵那缺少康熙二十二年起至康

熙二十七年止地丁正雜各項錢糧匠價牙稅

積贖共銀四千一百三十一兩四錢七釐零又

康熙十三年起至康熙二十六年止共捐積穀

七百九十石八斗五升又康熙二十一年起至

康熙二十七年止共米三百七十一石一斗二

升五合金無存貯倉庫其侵那情弊臣現行按察司嚴提確審究擬另報外所有缺欠各年銀米穀石數目相應

題參追補臣謹會同兩廣總督臣吳興祚合疏具

題伏乞

勅下該部議覆施行康熙二十八年閏三月二十日

題四月二十八日奉

旨該部嚴察議奏該戶部議覆臣等查得廣東巡撫

清忠堂奏疏

卷七

查卷二

四

朱弘祚疏稱開平縣科參革職知縣王言紱任

內侵那缺少各年地丁正雜各項錢糧穀米金

無存貯倉庫其侵那情弊現行按察司嚴提確

審究擬另報外相應題參追補等因前來應行

該撫將缺少銀米速行嚴提確審是侵是那情

弊追補具題可也等因康熙二十八年五月初

八日題本月初一日奉

旨依議

王言紱招擬

題為查參侵那錢糧嚴行追補以清款項事據布

按二司會審招詳該臣看得原任開平縣知縣

王言紱貪酷不職經臣列款糾參奉

旨革職提問審擬杖徒任內虧缺錢糧復經具疏

題參部覆定侵是那情弊審追具

題因限滿未據審詳復將遲延職名參處在案今

據按察使李煇會同布政使張建績審擬招解

清忠堂奏疏

卷七

查卷三

五

前來查原參缺少康熙二十二年起至二十七

年止各項錢糧積贖等銀四千一百三十一兩

四錢七釐零參後已經署官追收銀九百五十

兩尚銀三千一百八十一兩四錢零各年捐積

穀七百九十石八斗五升參後署官收回穀六

十四石四斗零又除應追里長張運興借欠穀

七十石外尚穀六百五十六石四斗四升零各

年徵貯米三百七十一石一斗零參後署官追

回米一百五十六石一斗零向米二百一十五石一升零言絳猶以那解借給尚有民欠可抵捏詞支飾隨照供駁訊金傳接任知縣鮑薦與衙役當面質審言絳始直認侵用願甘完補言絳應照

新例侵盜錢糧至三百兩者擬斬監候秋後處決但言絳所侵各項銀米穀石俱於參後照數完解獲有批收繳驗查律載條例監守盜贓至二百

清忠堂奏疏

卷七 查參四

六

兩以上者三個月果能盡數通完真犯死罪者減等免死充軍言絳應免死充軍遇蒙熱審改擬杖徒倉房經承司徒體浣知本官侵用錢糧不卽舉首依律杖流熱審減徒戶房經承甘廷選何瑄瑛何顯喬管理各年錢糧當時不力粟起解咎亦難追擬依不應重杖熱審減等折責但司徒體浣等四犯事在康熙二十七年十月二十三日

赦前均應免罪仍分別革役至排商梁信華借欠王言絳代完鹽餉銀七百兩審非借用錢糧應另行追還言絳收領但梁信華負欠違約至今不還照律罪止杖六十遇熱審答五十再查王言絳先於

大計案內審擬杖徒追贓今應從重歸結候部議既據該司會審招解前來臣謹會同兩廣總督臣石琳合疏具

清忠堂奏疏

卷七 查參五

七

題伏乞

勅下三法司議覆施行康熙二十九年六月二十八日題八月十九日奉

旨該部核擬具奏該刑部議覆看得開平縣華職知縣王言絳侵蝕錢糧一案該撫歷審自認侵用情真王言絳合依侵盜錢糧入已數滿三百兩者擬斬例應擬斬監候秋後處決但王言絳所侵銀米穀石俱於參後照數全完查律同監守

盜贓至二百兩以上限三個月果能盡數通完
 真犯死罪減等免死克軍等語據此王言紱應
 克軍遇熱審減等應徒三年至配所不准折贖
 責四十板倉房經承司徒體浣知本官侵用錢
 糧不行舉首司徒體浣合依知侵欺盜用係官
 錢糧匿而不舉者並與犯人同罪至死減一等
 律應減一等流三千里戶房經承甘廷選何瑄
 璞何顯喬不力稟起解錢糧均合依不應重律

清忠堂奏疏

卷七 查祭六

八

杖八十各折責三十板伊等俱遇熱審減等應
 減等發落但司徒體浣等事犯在康熙二十七
 年十月二十三日

赦前均應免罪革役至梁信華借欠王言紱銀七百
 兩審非錢糧梁信華合依負欠私債違約不還
 者罪止杖六十律遇熱審減等應笞五十折責
 二十板所欠銀兩追還王言紱可也等因康熙
 二十九年九月初十日題十二日奉

旨依議

清忠堂奏疏

卷七 查祭七

九

參程報虧缺錢糧

題為盤查前官錢糧虧缺詳請追補以清款項事

據布政司呈詳該臣看得官員離任交盤錢糧

務期清楚豈容那移牽混原樂昌縣病故知縣

程徽任內徵完康熙二十七年地丁錢糧銀八

百七十四兩一錢四分零應存倉各年捐積數

七百石並不支解又無存貯據署縣事東莞縣

縣丞郭一弘接任盤查開列詳報經臣批行嚴

究確實去後茲據布政使張建績詳覆程報親

子程遙回稱伊父未故之先因康熙二十六年

錢糧民欠比徵不前歲餘急迫將現徵完康熙

二十七年錢糧銀八百七十四兩一錢零那解

康熙二十六年錢糧有民欠可抵等語第錢糧

各有年分款項任意那缺殊干法紀除檄行按

察司催令該府縣清查確數及缺少倉穀嚴提

伊子程遙審究侵那實情另報外相應

題參追補既據該司呈詳前來臣謹會同兩廣總

督臣吳興祚合疏具

題伏乞

勅下該部議覆施行康熙二十八年四月初六日題

五月十二日奉

旨該部嚴察議奏該戶部議覆臣等查得廣東巡撫

朱弘祚疏稱樂昌縣病故知縣程徽任內徵完

康熙二十七年地丁錢糧銀八百七十四兩一

錢四分零各年捐穀七百石並不支解又無存

貯除行按察司嚴提伊子程遙審究侵那實情

另報外相應題參追補等因前來應行該撫將

前項銀米速行嚴提究審是侵是那情弊具題

到日再議可也等因康熙二十八年五月十八

日題本月二十日奉

旨依議

邵林楚招擬

題為盤查前官錢糧虧缺詳請追補以清欸項事

據布按二司會審招詳該臣看得樂昌縣病故

知縣程徽任內徵完康熙二十七年錢糧銀八

百七十四兩一錢四分零又報捐積穀七百石

本官于康熙二十七年九月二十一日病故前

項銀穀並無交存先據委署樂昌縣事東莞縣

縣丞郭一泓詳報程徽之子程遙回稱伊父徵

清忠堂奏疏

卷七 盤查三

主

完前銀那解康熙二十六年錢糧有欠可抵等

語其侵那實情應提伊子程遙審追經臣具疏

題叅并行布按二司清查追補茲催據按察使李

煒布政使張建績會審詳稱查算程徽任內康

熙二十六年錢糧照額徵收支解全完並無那

解實據所缺康熙二十七年錢糧銀八百七十

四兩一錢四分零訊據伊子程遙與庫吏鄧林

楚各稱因程徽染病用去供認不諱然後已

程遙完補銀五百六十一兩六分八釐零尚未

補銀三百一十三兩七分三釐零應於程遙名

下照追還項至原叅缺少捐穀七百石審係程

徽任內報捐未交之數原無侵用情弊今叅後

已據程遙照數完貯程徽侵欺錢糧數滿三百

兩以上應照例擬斬但已病故無庸議擬庫吏

邵林楚既知本官使用不即舉首擬以知侵欺

盜用係官錢糧匪而不舉並與犯人同罪至死

清忠堂奏疏

卷七 盤查四

主

減一等杖一百僉妻流三千里但邵林楚非係

本身侵盜錢糧所犯情罪非同真犯戶房經承

關宜先有管理錢糧之責不力稟起解咎亦難

辭合依不應重杖照例折責革役查二犯事在

康熙二十七年十月二十二日

恩赦之前應否邀接免罪仍行革役合候部議既據

兩司審招詳前來理合具

題伏乞

敕下三法司議覆施行再照兩廣總督臣石琳尚未

到任無庸會

題合併聲明康熙二十八年十一月二十六日題

二十九年正月二十三日奉

旨該部核議具奏該刑部議覆議得程鬆侵蝕康熙

二十七年錢糧銀八百七十四兩一錢四分零

捐殺七百石應照例擬罪但已病故毋容議所

侵銀殺除參後完補銀五百六十一兩六分零

清忠堂奏疏

卷七 盤查五

十四

穀七百石外尚未完銀三百一十三兩零應着

伊子程遙照追還項庫吏鄧林楚知侵用錢糧

不卽舉首戶房關宜先經管錢糧不力稟起解

均應照律擬罪但伊等事犯在康熙二十七年

十月二十三日

敕前俱免罪仍革役此抄列入案題移咨該撫知照

可也康熙二十九年二月二十二日題二十四

日奉

旨知道了

清忠堂奏疏

卷七 盤查六

十五

參修國瑞侵那錢糧

題為查參虧缺錢糧事據布政司呈詳該臣查得

原連平州革職知州修國瑞居官貪鄙經上列

欵糾參候勘隨委和平縣知縣韓師愈署理州

務盤查該州錢糧多有虧缺行據布政使張建

績詳報國瑞任內徵完報貯未解未支康熙二

十五六七年地丁錢糧降罰俸積贖等銀二千

七百三十二兩六錢六分三釐零康熙二十七

清忠堂奏疏

卷七 查參一

夫

年米二百四十三石五斗三升二合零康熙十

九年起至二十六年止捐積穀共二千二百二

石八斗並無存貯倉庫明有侵那情弊除檄行

按察司審究定擬另報外相應

題參追補既據該司詳報前來臣謹會同兩廣總

督臣吳興祚合疏具

題伏乞

勅下該部議覆施行康熙二十八年四月十九日題

五月二十六日奉

旨該部嚴察議奏該戶部議覆臣等查得廣東巡撫

朱弘祚疏稱連平州革職知州修國瑞任內徵

貯未解未支各年各項錢糧米穀並無存貯倉

庫明有侵那情弊除行按察司審究定擬另報

外相應題參追補等因前來應行該撫將前項

銀米嚴審侵那情弊速行照數追補題參可也

康熙二十八年六月初三日題本月初五日奉

清忠堂奏疏

卷七 查參二

七

旨依議

佟國瑞招擬

題為查參虧缺錢糧事據布按一司會審招詳該

臣看得原連平州知州佟國瑞先因居官貪縱

經臣於

大計案內列欵糾參革職審擬流罪又因任內虧空

康熙二十五六七年地丁錢糧降罰俸積贖等

項共銀二千七百三十二兩六錢六分零康熙

二十七年米二百四十三石五斗三升零康熙

清忠堂奏疏

卷七 查參三

本

十九年起至康熙二十六年止共捐積穀二千

二百二石八斗並無存貯倉庫復經具疏

題參部行嚴審使那情弊迫限滿未據提犯解審

業經將遲延職名參處在案今據按察使李熾

會同布政使張建績逐項研審佟國瑞初猶捏

指里排領解匪騙或稱借墊

欵賍吏偷或稱那解歷年未完錢糧開造民欠曉曉

狡辭隨經署連平州事和平縣知縣韓師愈清

查國瑞任內各年錢糧儘額全完

欵賍吏偷久經追解並無那墊實據經司廳各官再

三細鞠復據新任知州于廷弼經承李長青里

排鄭榮業等三而質証佟國瑞徵收錢糧多係

繳入官衙侵用並無民欠可抵駁請至再國瑞

始自無辯止求寬限措完今審國瑞名下除參

後已完康熙二十五六兩年降俸積贖銀三十

五兩起解還項外共計侵蝕康熙二十六七兩

清忠堂奏疏

卷七 查參四

九

年地丁錢糧匠價等銀二千五百三十二兩六

錢一分零侵蝕康熙二十七年米二百四十二

石五斗三升零又審實國瑞任內未完康熙二

十六七兩年降罰俸銀一百四十九兩八錢五

分零未解康熙二十七年稅契銀一十五兩二

錢担捐未交積穀一千六百九十六石二斗七

升零均應於國瑞名下追補又國瑞任內出陳

易新借貸貧民領去捐積穀五百六石五斗二

升零應令現任州官接盤完報至管及先欠國瑞銀五百四十二兩審係私借應俟定案後另行追給修國瑞依侵盜錢糧三百兩例擬斬係旗下人候部行文解部監候秋後處決倉庫吏書羅顯鳳傳會章鄧榮芳廖恆足鄺玉彭孟祥審無分侵入已乃知本官侵盜不即舉報各擬以知侵欺盜用係官錢糧匿而不舉並與犯人同罪至死減一等律滿流經承林維乾李如玉

清忠堂奏疏 卷七 查參五 三

戴秀玉審無通同侵欺情弊但當時不按款稟明起解擬依不應重杖各犯遇蒙熱審均應減等折責發落但羅顯鳳等事在赦前援免仍行分別革役至管及先負欠違約至今不還照律罪止杖六十遇熱審減等笞五十餘犯省釋再照國瑞先於大計案內審擬流罪原問賍銀已經追完報部今應從重歸結合併聲明候部議既據該司會審

招詳前來臣謹會同兩廣總督卞石琳合疏具題伏乞

勅下三法司議覆施行康熙二十九年六月二十八日題八月十九日奉

旨三法司核擬具奏該刑部會同都察院大理寺會看得連平州革職擬流知州修國瑞侵蝕錢糧一案該撫歷審自認情真除修國瑞已完銀三十五兩金民欠穀五百六石五斗二升零應令

清忠堂奏疏 卷七 查參六 三

現任官接追不議外修國瑞合依侵盜錢糧入已數滿三百兩者擬斬例應擬斬係旗下人解部監候秋後處決但律內監守盜贓二百兩以上者限三個月果能盡數通完減等免死充軍如過期不完依本律例定擬等語據此修國瑞侵盜錢糧如果限內通完免死柳號三個月鞭一百如過期不完仍依例擬斬監候秋後處決所侵銀米穀石照追還項倉書羅顯鳳傳會章

鄧榮芳庫書廖恆足鄒玉彭孟祥審無分侵情
弊合依知侵欺盜用官錢糧匿而不舉者並與
犯人同罪至死減一等律應減一等流三千里
經承林維乾李如玉戴秀玉不力稟起解錢糧
合依不應重律各杖八十羅顯鳳等俱遇熱審
且事犯在康熙二十七年十月二十三日

赦前均應免罪革役管及先借欠國瑞銀五百四十
二兩審非錢糧管及先合依負欠私債違約不

清忠堂奏疏

卷七 查奉七

主

還者罪止杖六十律應杖六十遇熱審減等處
笞五十折責二十板所欠銀兩追還國瑞可也
等因康熙二十九年九月初八日題初十日奉
旨佟國瑞依擬應斬著監候秋後處決餘依議

王瑞昂招擬

題為仰打即死事據按察司呈詳該處看得王瑞
昂打死李浩源也王李二姓村居相連因爭田
水起釁王卓卿主謀倡於康熙二十七年十
月十三日往大王廟前尋毆李姓之人適值李
浩源趕集回家瑞昂首先執棍奮擊浩源倒地
復恨浩源辱罵頓動殺機用棍很打悉中要害
即時殞命歷審傷証並確本犯招認無辭王士

清忠堂奏疏

卷七 仰打一

主

穩等在場助毆傷非致命王瑞昂按以故殺律
斬抵王卓卿元謀杖流王士穩王御呼王亞六
各依餘人滿杖均無枉縱但所犯事在

赦前應邀豁免既據該司招解前來經臣覆審無異
理合具

題伏乞

勅下三法司核擬施行康熙二十八年四月十九日

題五月二十八日奉

旨三法司核擬具奏該刑部會同院寺會看得王瑞

昂打死李浩源該撫歷審各自認情真王瑞昂

合依故殺者斬監候律應擬斬監候秋後處決

王卓卿合依元謀律杖一百流三千里工土穩

王御呼王亞六合依餘人律各杖一百但王卓

卿等事犯在康熙二十七年十月二十三日

故前均應免罪可也等因康熙二十八年六月初三

日題初五日奉

清忠堂奏疏 卷七 刑打二 雷

旨王瑞昂依擬應斬著監候秋後處決餘依議

黃亞保招擬

題為立打死事據按察司呈詳該臣看得黃亞

保打死胡宗岳一案因康熙二十七年十一月

十六日亞保與朱關輔在梅灣海邊乘潮駕艇

張箔捕魚鄧昌奇停舟箔外待魚販賣午後潮

退魚滿箔中有胡宗岳從旁搶拾黃亞保持葉

先擊宗岳耳根朱關輔亦執槳繼擊眼尾鄧昌

奇奔救不甦登即殞命歷審雖無宿怨而致命

清忠堂奏疏 卷七 立打一 雷

傷真供証成確本犯招認無辭黃亞保狡抵不

枉朱關輔在逃應俟獲日另結茲據該司招解

前來經臣親審無異理合具

題伏乞

勅下三法司核擬施行康熙二十八年五月初五日

題六月十九日奉

旨三法司核擬具奏該刑部會同院寺會看得黃亞

保打死胡宗岳該撫歷審各自認情真黃亞保合

依共毆人因而致死者以致命傷為重下手者
絞監候律應擬絞監候秋後處決脫逃未關輔
獲日另結可也等因康熙二十八年六月二十
四日題二十六日奉

吉黃亞保依擬應絞著監候秋後處決餘依議

清忠堂奏疏

卷七 立打二

美

參鄭濂虧空錢糧

題為詳明前任虧空錢糧懇嚴追補以副

奏銷事據布政司呈詳該臣看得原任揭陽縣降

調知縣鄭濂居官貪鄙哀庸且徵收錢糧完欠

混淆經臣糾參摘印候勘并查任內經手錢

糧旋因本官病故具疏

題報在案今鄭濂任內已徵未解康熙二十七年

分地丁錢糧稅契雜稅共銀三千二百九兩四

清忠堂奏疏

卷七 詳明一

毛

錢四分零已徵未解米六百石經署縣事程縉

縣知縣劉廣聰詳報到臣批行司道查追去後

茲據布政使張建績呈稱鄭濂未解前項銀米

應於伊子鄭桓名下究追除檄行按察司嚴提

鄭桓究審另報外相應具

題追補既據該司呈詳前來臣謹會同兩廣總督

臣吳興祚合疏具

題伏乞

勅下該部議覆施行康熙二十八年五月十五日題

六月二十三日奉

旨該部知道該刑部議覆議得廣東巡撫朱弘祚疏

稱原任揭陽縣病故知縣鄭濂任內已徵未解

地丁錢糧銀三千二百九兩四錢四分米六百

石除撥行按察司提審另報外應於伊子鄭桓

名下追補等因前來查鄭濂已徵未解銀米是

侵是那之處應令該撫嚴審明確著落伊子鄭

清忠堂奏疏

卷七

詳明二

天

桓名下追補項列入彙題移咨該撫知照可

也

謝仁山等招擬

題為詳明前任虧空錢糧懇嚴追補以副

奏銷事據布按二司會審招詳該臣看得

計典科叅革職病故揭陽縣知縣鄭濂任內虧空

地丁錢糧稅雜糧米各項經臣具疏

題奉部覆行臣嚴審明確著落伊子鄭桓追補茲

行據按察使李焯會審招詳前來臣查鄭濂虧

空康熙二十七年地丁起運銀二千一百九十

清忠堂奏疏

卷七

奏銷一

天

三兩四錢四分零審據經承蘇膺魯等供內中

那銀四百五十四兩三錢三分五釐支給各役

工食有領存據應准開銷就於該縣未完存留

俸工等銀內扣出四百五十四兩零抵還起運

餉項其餘徵完銀一千七百三十九兩一錢一

分零并缺少稅契銀六十六兩七錢七分雜稅

銀九百四十九兩二錢二分零均為鄭濂侵用

又未解米六百石叅後據鄭桓完補米二百五

十石尚未完米三百五十石請據倉書劉乘子
 供亦係鄭濂當日徵完報解績經侵缺無補再
 詰伊子鄭桓供認前項銀米侵用情真計共侵
 起運正雜銀二千七百五十五兩一錢零米六
 百石內已完米二百五十石尚未完米三百五
 十石俱應著鄭桓追補還項鄭濂除違例那支
 等輕罪不議外應照定例監守侵盜錢糧三百
 兩入已數滿者擬斬但已經病故無庸議謝仁
 清忠堂奏疏 卷七 奏銷三 手

山劉乘子係倉庫經承審無分漁情槩但明知
 鄭濂徵收侵用匪不舉報合並與犯人同罪至
 死減等杖流蘇膺許良盧元高秀各有經管
 錢糧之責不行稟解均依不應重律各杖不枉
 俱在康熙二十七年十月二十三日

赦前相應接免謝仁山劉乘子已經別案革役其蘇
 膺許良盧元高秀仍應革役鄭桓俟追完發
 回肄業餘犯釋寧既據該司招解前來經臣覆

勘無異臣謹會同兩廣總督臣石琳合疏具
 題伏乞
 敕下該部議覆施行康熙二十九年正月二十日題
 二月二十七日奉
 旨該部核議具奏該刑部議覆議得吳濂因侵用康
 熙二十七年錢糧銀二千七百五十五兩一錢
 零米六百石應照例擬罪但已經病故毋庸議
 所侵米除參後完過二百五十石外未完米三
 百五十石銀二千七百五十五兩一錢零應著
 伊子鄭桓照追還項倉庫經承謝仁山劉乘子
 知侵用錢糧不即舉首戶書蘇膺許良盧元
 高秀經管錢糧不力稟起解均應照律擬罪但
 伊等事犯在康熙二十七年十月二十三日
 赦前俱免罪革役其已完米二百五十石應查行該
 撫報明戶部此抄列入彙題可也等因康熙二
 十九年三月十一日題十三日奉

清忠堂奏疏 卷七 奏銷三 至

吉知道了

清忠堂奏疏

卷七 奏劄四

聖

清忠堂撫粵奏疏卷八日次

時雨未霑等事

李季和等案情有可矜

錢糧虧額等事

參周振聲缺欠錢糧

錢糧虧額等事

周振聲招擬

遵

旨編輯全書等事

銜所屯田請照減則

援例陳情等事

千總王國正請終養

恭

清忠堂奏疏

卷八 目次

請酌定等事

二十八年秋審

活殺二命事

黃何辰招擬

欽奉

上諭事

盜犯劉亞一等招

報明殺死人命事

蘇德芳招擬

強盜劫船事

查犯李鈺叔等招

殺死夫命事

案見羅招擬

清忠堂撫粵奏疏

覆李季和等案情有可矜

題為時雨未霑屢煩

宸慮敬因詳審之

上諭陳愚見以候

聖裁事據按察司呈詳該臣看得時屆入夏雨澤愆

期

皇上軫念民依

清忠堂奏疏

時雨一

特命大臣欽恤刑獄先內部以及各省凡有稍可矜

疑者莫不蒙

恩廣賜生全臣伏見

皇上自御極以來至德深仁真同覆載以不忍人之

心行不忍人之政欲使四海而外六合而內無

一民之受冤一物之失所

念刑獄為民命所關尤加

心恤每於

宵旰時切

哀矜不獨偶罹法網者曲

賜生成即情罪相符者恒復不忍遽辟屢弘

解網之仁歲下停刑之

詔巡行所至渙汗隨頒雨澤少愆

恩膏即沛雖堯舜如天好生不是過矣臣自膺

簡拔蒞任逾年上體

皇上刑期無刑之心凡審聽訟獄不敢姑息以留地

清忠堂奏疏

時雨二

方之害不敢刻急以傷民物之和日惟宣布

德意止訟化爭與民休息仰副

睿懷茲准部文依仰備行按察司欽遵速將議結重

犯現在監禁者分別矜疑情節減等造冊具詳

核

題隨據署司事驛鹽道僉事張雲翮詳稱查粵東

省現監待決重犯除盜犯尹成佐等一案情罪

無可矜疑毋庸議外又人命李阿三田東黃道

昂黃亞保等四案又貪贓官役劾朝祚呂應奎
周尚元等二案已經定擬招罪具

題未經法司核議尚未准有行文另造畧節呈送
應聽內部查奪至已經三法司核覆議結現在
監禁共一十二起情真者則有彭邦彥一犯又
已經康熙二十五年秋審奉

旨處決因部文到粵已逾冬至又因康熙二十六七
兩年停止秋審尚未處決者則有余元英楊大

清忠堂奏疏

時雨三

二犯至陳正坤家產盡絕業盡

恩免董海初供邪新解信嚴比無完奄奄待斃李瓚
陽派收托費供爲雇船解運之用趙德弘年逾
八十均在稍有可矜之列若李季和曹亞六李
雅吟蔣弘燁無知罹法均屬可矜雷應時殺妻
甚慘因酒後無知寡母獨子情亦可矜應否減
等統聽部議至若余元英楊大初因部文到遲
後遇兩次

停刑尚延視息其情罪雖無可原而遲延似乎有幸
今又蒙

特旨清理重犯應否格外施仁此則出自
皇恩非臣所敢輕議者也既據該司分別矜疑情節
造冊詳繳前來除揭送刑部都察院大理寺會
核外臣謹會同兩廣總督臣吳興祚合疏密
題伏乞

敕下三法司核議施行康熙二十八年五月十五日

清忠堂奏疏

時雨四

題六月二十日奉

旨該部知道該刑部會同院寺查得陳正坤董海李
瓚陽趙德弘李季和曹亞六李雅吟蔣弘燁雷
應時九犯情有可矜俱應免死減等雷應時係
旗下人枷號兩個月鞭一百餘俱僉妻流三千
里至配所各責四十板內有打死人之犯照律
追埋葬銀二十兩給付死者之家等因康熙二
十八年七月初二日題初四日奉

旨依議

清忠堂奏疏

附五

參周振聲缺欠錢糧

題為錢糧虧額繁多盤冊混淆難據合亟申明免
干違悞事據布政司呈詳該臣看得原茂名縣
知縣周振聲居官貪縱經臣于

大計案內列款糾參奉

旨革職提問在案茲據布政使張建績詳報本官任
內徵收缺少康熙十九年起至二十七年止錢

糧罰俸共銀五千一百四兩五錢六分零康熙

清忠堂奏疏

卷八

錢糧一

六

十七年起至二十四年止共米一千五百一十

二石五斗六升零各年各案共捐積穀一千二

百三十石八斗七升零金無存貯倉庫明有侵

那情弊并別年有無未清各項臣現行按察司

嚴提確審究追定擬另報外所有缺欠銀米穀

石數目相應

題參追補既據該司呈詳前來臣謹會同兩廣總

督臣吳典祚合疏具

題伏乞

勅下該部議發施行康熙二十八年五月二十四日

題七月初一日奉

旨該部嚴察議奏該戶部議覆臣等查得廣東巡撫

朱弘祚疏稱茂名縣革職知縣周振聲任內徵

收缺少各年錢糧罰俸等銀并米穀明有侵那

情弊現行按察司嚴提確審定擬另報外相應

題參追補等因前來應行該撫將前項缺少銀

清忠堂奏疏

卷八 錢糧二

七

米是侵是那之處嚴審定擬具題到日再議仍

將缺少銀米速行照數追補可也康熙二十八

年七月初七日題本月初九日奉

旨依議

周振聲招擬

題為錢糧虧額繁多盤冊混淆難據合亟申明免

干違悞事據布按二司督糧道會審招詳該臣

看得原茂名縣革職知縣周振聲任內缺少康

熙十九年起至二十七年止錢糧罰俸共銀五

千一百四兩五錢六分零又康熙十七年起至

二十四年止共米一千五百一十二石五斗六

升零各年各案共捐積穀一千二百三十石八

清忠堂奏疏

卷八 錢糧三

八

斗七升零先據署縣事肇慶府通判徐鵬揭報

經臣會疏

題參部覆將是侵是那之處嚴審具題續因限滿

未據審詳將承查完欠未到遲延職名參處在

案今據按察使李燭會同布政使張建績護理

督糧道事廣州府知府劉茂溶逐項研訊初猶

以民欠抵飾及行該府逐年查造并調接任官

面質各年欠項均係官役侵缺除先完解司康

熙二十一年物料溢價銀二十四兩又追回里民借領捐穀五百一十五石九升零貯倉又脫逃解役黃會龍未完米七石一斗并里民朱祚光等未完原借捐積穀七十五石七斗七升零另行追補還項外周振聲自認侵用并未完降罰俸銀共四千三百二十八兩九錢六分四釐零內審後已追完銀六百兩尚未完銀三千七百二十八兩九錢六分四釐零後擬聲完補

清忠堂奏疏

卷八 錢糧四

九

二十三年米共九十三石七斗四升零尚認侵官戶加徵米三十七石七斗四升零參後振聲捐補二十六年穀六十石外尚認侵穀五百八十石經承黃友良認侵銀一百二十兩米七百三十二石九斗三升零倉吏李明新認侵米五百一十七石一斗八升零庫書楊光興認侵銀一百三十六兩六錢四釐零區士雄認侵銀九十五兩經承龔登賢認侵銀二百五十一兩陳

瑜認侵銀一百五十兩米一百二十三石八斗五升零三面質供各認不諱周振聲合依監守侵盜錢糧數滿三百兩例擬斬監候秋後處決李明新照律條例監守盜糧一百石以上楊光興區士雄各照監守盜銀五十兩以上俱發邊衛克軍李明新等三犯遇熱審均減等杖徒黃友良照依常人盜錢糧至三百兩例擬絞龔登賢陳瑜各照常人盜銀一百兩以上律條例俱

清忠堂奏疏

卷八 錢糧五

十

發邊衛克軍遇熱審減徒但黃友良等三犯均在

赦前應予援免再查周振聲先於

大計案內審擬徒罪未經發配今應從重歸結合併聲明候部核議既經該司道會審招解前來經臣覆勘無異臣謹會同兩廣總督臣石琳合疏具

題伏乞

勅下三法司議覆施行康熙二十九年六月二十五

日題八月十三日奉

旨三法司核擬具奏

清忠堂奏疏

卷八 奏摺六

十一

衛所新墾屯田請照減則

題為遵

旨編輯全書告竣進呈

御覽頒行天下事據廣東都司呈詳該臣看得賦役

全書為經

國理財之要典一時編輯百代遵循我

皇上以底慎為心博諮廣詢誠以定制不厭夫精詳

立法必期於經久茲因戶部更定成書進呈

清忠堂奏疏

編輯一

御覽復奉

命發各省巡撫會同經管錢糧司道官員詳察細閱

有無應行更改增刪明白確議仰見

皇上念切羣生慮周四海欲使

國計民生有利無弊

聖心詳慎可謂至矣經臣檄行司道府州縣衛所各

官欽遵奉行凡有應增應刪之處現在查核另

行具

題外茲據都使司杜邦璉詳稱廣東衛所屯田舊制自三斗至一斗五升不等名雖稅米實則折銀每石多不過四錢五分尚易完納自改徵本色數倍民糧屯丁告困在原熟已屬難支而新墾尤為莫辦蓋所謂新墾者皆係老荒與康熙八年展界之地或近荒山或濱大海或磽瘠難耕或斥鹵易渴招徠雖力承墾無人經前撫臣劉秉權題照民糧重則每畝以八升八合八勺

清忠堂奏疏
編輯二

一抄起科蒙

恩俯准由是邊海之民相率開耕安生樂業至康熙二十二年七月題

報墾荒案內部議仍令照三斗徵收二十四年二月內又經前撫臣李士楨題

請仍照減則起科復奉

俞旨續准部行查造全書仍將節年開墾屯地照三斗科則編入書內臣業將難徵情由咨部在案

茲據各衛所屯丁具呈呼籲咸稱開墾荒地依山者灌溉維艱枕海者修築不易且歲止一熟籽粒無多輸將莫繼若照三斗起科恐水旱或逢迺凶不免不惟有累屯丁勢必反虧正課臣蒙

皇上特簡巡撫粵東親承

大語愛養民生敢不竭其駑駘蚤作夜思奉宣德意因屯丁賦重難輸方欲入

清忠堂奏疏
編輯三

告適

頒發全書

命臣詳察細閱有無應行更改增刪明白確議臣何敢瞻顧不以上

聞况

皇上愛民如子減賦蠲租殆無虛歲甚至免通省之正供弛積年之逋課動以數百萬計誠從前史冊所未聞民生此時何其幸也伏乞

皇上俯念瀕海窮丁將康熙十年至二十六年墾過

荒地一千一百八十一頃一十畝零及以後開

墾屯地仍稟照兩次

恩允八升八合八勺一抄起科更正全書在

國課為無多而全粵之間山陬海澨屯丁負耒而

耕者咸戴

皇仁永永無極矣既據該司造冊并出具並無扶捏

印結呈詳前來除冊揭送部科外臣謹會同兩

清忠堂奏疏

編輯四

廣總督臣吳興祚合疏具

題伏乞

勅下該部議覆施行康熙二十八年六月初一日題

七月初九日奉

旨該部知道該戶部議覆臣等查得舊刊全書內屯

衛地原係每畝徵糧白一斗至三斗不等康熙

十年因老荒田地招墾不前原任巡撫劉秉權

題請暫照民田每畝八升八合零之例徵糧屯

田成熟屯丁得所仍照原數徵輸在案金未將

錢糧永行減除且康熙二十三年原任工部尚

書杜臻等清查屯衛田地俱照原則起科故新

編全書俱照舊全書原則編造衛地俱係徵租

之官地不便比照民地減則徵收應將該撫所

請將官田照民田一例徵收之處毋庸議可也

等因康熙二十八年八月初三日題本月初五

日奉

清忠堂奏疏

編輯五

旨依議

千總王國正請終養

題為援例陳情懇准終養以廣

皇仁事據掌印都司呈詳該直看得長樂守禦所千

總王國正以親父年老陳請終養經臣批行廣

東掌印都司杜邦璉確查通詳茲據該司詳覆

該千總先曾以親老無依等事具詳經前撫臣

李士楨題

請時因武職無終養之例未邀

清忠堂奏疏

卷八 援例一

七

俞允近經部覆甘肅西寧衛守備劉世緒回籍終養

特蒙

允准今本官復援例額請取有同鄉同官各印結前

來臣查王國正親父王三俊既年已八十有九

家無次丁似可照例准其回籍終養候部議查

除將印結揚送兵部查核外臣謹會同兩廣總

督臣吳興祚合詞具

題伏乞

勅部議覆施行康熙二十八年六月十二日題七月

二十八日奉

旨兵部議奏該臣等議得武職終養並未定為常例

王國正懇准終養之處應無庸議等因康熙二

十八年八月十四日題本月十八日奉

旨王國正之父年逾八旬家無次丁著准其終養

清忠堂奏疏

卷八 援例二

大

康熙二十八年秋審

題為恭

請酌定

朝審秋審分別之例以廣

皇仁事據按察司呈詳該臣看得欽惟我

皇上仁恩遐被天地同流每

念刑獄為民命所關時加

欽恤凡罹法網廣

清忠堂奏疏

卷八 秋審一

九

賜矜全昨因雨澤愆期即霽

皇仁清理內外刑獄經臣等將粵東議結重犯現在

監禁者祇奉

恩綸分別矜疑情節造冊會疏具

題在案今屆康熙二十八年秋審之期其應入秋

審者共一十一案臣等復帶各犯會訊俱與原

供無異查一起彭邦彥因拉小子宮生鷄姦不

從刀砍官生腮頰等處即時身死歷審自認情

真一起李阿三李寶于因阿三將潮銀與江阿

平江阿貴買豬肉不從強關阿平等在宋江采

臣江治中各携柴棍往救李阿三鎗死江采臣

扛屍焚滅李寶于刀砍江治中左肋等處當即

身死歷審自認情真以上二起計三犯俱照原

招擬斬應夾一起陳正坤因侵用屯米丁銀家

產搜勘盡絕業邀

恩免且兩奉

清忠堂奏疏

卷八 秋審二

十

古緩決久禁可矜一起董海因侵各年銀米穀石初

供那新解借今嚴比無完奄奄待斃且穀石原

係本犯先自報捐未補情尚可矜一起李瓊陽

因加收耗米解費銀兩原供派徵銀兩為催船

解運之費情尚可矜一起趙德弘因侵蝕錢糧

歷追無完查貨年逾八十情有可矜一起李季

和因賠租小嫌相爭毆死鍾仕開窮民無知難

法情有可矜一起曹亞六因欠楊預順豬肉銀

七錢五分預順在途索取惡言詈罵迷致棍擊
楊預順身死亦係窮民無知惟法情有可矜一
起雷應時雖殺妻甚慘但屬酒後無知且伊母
年老原供獨子屢次哀籲情尚可矜一起李雅
吟囚爲糧役與無服族叔李成宇角口成宇先
打雅吟兩掌以致暈擊李成宇身死無知惟法
情有可矜一起蔣弘熾因與黃子宗父子構訟
子宗經過其門弘熾趕殺奔脫黃世品行逆在
後隨被殺傷身死雖同故殺然初無必殺世品
之心尚稍有間情亦可矜以上可矜九起前於
欽恤案内聲明應否減等造冊具
題在案今覆審各犯情罪無異統候法司核議又
一起余元英一起楊大康熙二十五年秋審經
前撫臣李士楨具
題部覆情真於冬至以前正法因文到已逾冬至
之期復經前撫臣李士楨具疏

新忠堂奏疏

卷八 秋審三

主

題明康熙二十六年三月十九日准刑部咨行將
余元英楊大停其處決於今年冬至以前行文
正法但康熙二十六二十七兩年秋審俱奉
旨通行停止二犯屢得邀
恩實爲厚幸今據該司將余元英楊大原招造冊并
同各起招冊詳繳前來除揭送刑部都察院大
理寺會核外臣謹會同兩廣總督臣吳興祚合
疏具
題伏乞
勅下三法司核覆
上請行臣等遵奉施行康熙二十八年六月十二日
題該刑部查得秋決犯余元英楊大處決部文
已逾冬至之期始到題明於本年冬至以前行
文正法在案康熙二十六七兩年秋審停止今
應移咨該撫將斬犯余元英楊大於冬至以前
卽行處斬報部又遵於八月二十等日在

新忠堂奏疏

卷八 秋審四

主

天安門外會同九卿詹事科道等官將廣東省各犯

招冊逐一詳擬除李阿三病故不議外其情真

彭邦彥李賓于相應開列姓名具題恭候

睿裁伏乞

勅部以便咨行該撫正法等因康熙二十八年九月

初七日題十四日奉

旨這情真彭邦彥李賓于俱依擬處決

清忠堂奏疏

卷八 秋審五

五

黃向辰招擬

題為活殺二命事據按察司呈詳該臣看得兇犯

黃向辰與族侄黃穀集因爭樹小忿逞兇格鬪

於康熙二十八年正月十二日借男黃祥泰各

持鎗鎚往毆黃穀集黃天球等亦執棍相禦向

辰鎗戳天球傷重殞命乃向辰畏罪難追遂思

制死無服孤身之叔黃四公希圖抵賴哄令服

毒業經垂死復用小刀連戳以畢其命又於死

清忠堂奏疏

卷八 活殺一

五

後添傷心狠計毒兇惡已極歷審傷証金確本

犯招認無辭黃向辰按以謀殺律斬不枉黃祥

泰自認鎚傷天球左膝非屬致命其致死黃四

公審不知情擬以餘人滿杖遇熱審減等折責

允宜茲據該司招解前來經臣覆審無異理合

具

題伏乞

勅下三法司核擬施行康熙二十八年六月十九日

題八月初三日奉

旨三法司核擬具奏該刑部會同院寺會看得黃向辰毆死無服族弟黃天球謀殺無服族叔黃四公該撫歷審自認情真黃向辰除毆死黃天球輕罪不議外合依凡謀殺人者斬監候律應擬斬監候秋後處決黃祥泰毆非致命合依餘人律杖一百遇熱審減等杖九十折責三十五板可也等因康熙二十八年八月初十日題十六

清忠堂奏疏

卷八 活殺二

五

日本

旨黃向辰依擬應斬著監候秋後處決餘依議

盜犯劉亞二等招

題為欽奉

上諭事據按察司呈詳該臣看得劉亞二等係康熙二十七年六月二十夜劫殺鄧茂林家盜犯先經前督臣吳興祚查將疎防失事文武各官職名會疏

題參准部咨回限年緝賊隨據報獲賊犯成石安

劉亞二審供同夥黃家明開屠臣成亞開李達

清忠堂奏疏

卷八 盜犯一

五

陸續拿獲經按察使李煒審據各盜犯供認為

首殺死鄧茂林砍傷鄧秀林左手者係陣殺之

陳狗虱也糾黨行劫者係現獲之劉亞二也在

兩頭路口把截者係現獲成亞開及陣傷身死

亞八大肚三亞九也首先挖門者係現獲黃家

明與陣殺傷死陳狗虱亞黑也黃家明被砍傷

甯同陳狗虱執械對敵者係現獲之成石安開

屠臣劉亞二未獲之李達也迨至逃入坑尾山

官兵追捕殺死陳狗虱大肚三亞八亞黑亞九
砍傷成石安頭顱疤痕現在經保長黃仕珍認
識拿獲併獲劉亞二供出同夥黃家明等歷審
各供自認不諱劉亞二成石安黃家明關曆臣
成亞關各按律皆斬立決臬示陳狗虱大肚三
亞黑亞八亞九已經陣殺傷死應無庸議本案
盜犯十一名止有逸賊李達一名嚴緝獲日另
結所獲賊械貯候改克軍器既據該司招解前

清忠堂奏疏

卷八 盜犯二

七

來經臣親審查核無異理合具

題伏乞

敕下三法司核擬施行康熙二十八年八月二十六
日題九月三十日奉

旨三法司核擬具奏欽此該刑部會同院寺會看得
強賊劉亞二等行劫鄧茂林家一案該撫歷審
各自認情真劉亞二成石安黃家明關曆臣成
亞關合係強盜殺傷人不分會否得財俱斬臬

示律應斬立決臬示陳狗虱等已經官兵追捕
殺死無庸議逸賊李達嚴緝獲日另結所獲賊
械改克軍器康熙二十八年十月初七日題初
九日奉

旨劉亞二成石安黃家明關曆臣成亞關俱著即處
斬臬示餘依議

清忠堂奏疏

卷八 盜犯二

天

蘇德芳招擬

題為報明殺死人命事據按察司呈詳該臣看得

蘇德芳者陳士廣嫡親妻弟也德芳貧無所依

怨德士廣出本合伴營生兩眷同居因德芳妻

明氏夢寐中似覺有人摸腿語知德芳致疑士

廣行奸心懷憤恨于康熙二十八年閏三月十

四日在舖買魚沽酒對飲至醉陳士廣又罵德

芳懶惰廢業欲收本銀觸動德芳風忿益決殺

清忠堂奏疏

卷八 人命一

无

機候其睡熟至三更時分用菜刀狠砍士廣左

耳下頸下兩刀立時畢命復捏竊盜冀圖掩飾

歷審自認不諱斬抵奚辭既據該司招解前來

臣覆審無異理合具

題伏乞

敕下三法司核擬施行康熙二十八年八月三十日

題十月初九日奉

旨三法司核擬具奏該刑部會同院寺會看得蘇德

芳殺死陳士廣該撫歷審自認情真蘇德芳合

依凡謀殺人造意者斬監候律應擬斬監候秋

後處決等因康熙二十八年十月十六日題十

九日奉

旨蘇德芳依擬應斬著監候秋後處決

清忠堂奏疏

卷八 人命二

辛

盜犯李鉉叔等招

題為強盜劫船事據按察司呈詳該臣看得福建

商人許承順等在廣貿易合併回閩舟泊石龍

墟李鉉叔張明養偵其有貨送糾羅亞四轉糾

李麟哥張士養李晚舍李啓仲李麟叔到李鉉

叔船上商議行劫於康熙二十七年九月初二

晚尾至博羅縣白水塘下河而李麟哥放鳥鎗

打傷許承順再打顏全觀落水身死李啓仲砍

清忠堂奏疏

卷八 強盜一

三

落風帆羅亞四李麟叔李鉉叔李晚舍張士養

各執槍上船張明養砍傷水手致客人黃容吳

成王瑞王吉跳水淹斃搶掠貨物駕至白水沙

坭沉船上岸走至東岸地方依分星散今各盜

盡獲起出贓物經主認領李鉉叔張明養羅亞

四李麟哥張士養李晚舍李啓仲李麟叔按律

皆斬立決臬示誠為不枉花費贓物照例變賠

其李德振按買羅亞四贓物係不知情應毋庸

議既據該司招解前來經臣覆審無異理合具

題伏乞

啟下三法司核擬施行康熙二十八年九月初九日

題十月十九日奉

旨三法司核擬具奏欽此該刑部會同院寺會看得

李鉉叔等行劫商人許承順等一案該撫歷審

自認情真李鉉叔張明養羅亞四李麟哥張士

養李晚舍李啓仲李麟叔合依強盜殺傷人不

清忠堂奏疏

卷八 強盜二

三

分會否得財俱斬臬示律俱應斬立決臬示已

獲贓物給還失主未獲贓物將各賊家產變賠

李德振買贓贓審不知情毋庸議康熙二十八

年十月二十五日題十一月初三日奉

旨李鉉叔張明養羅亞四李麟哥張士養李晚舍李

啓仲李麟叔俱著卽處斬臬示餘依議

黎見雄招擬

題為殺死夫命事據按察司呈詳該臣看得黎見

雄刺死屈裔球一案因裔球嫡孀劉氏有墟舖

一間租賃收息康熙二十八年四月初五日見

雄同兄見英挑油行賣見雄欲奪其舖與裔球

相爭經衆勸散詎見雄貪狠為心恃強圖佔執

持禾鎗率領見英再回墟上裔球畏兒走避復

行追及見雄頓萌殺機用鎗狠刺劍深洞脇以

清忠堂奏疏

卷八

夫命一

五

致裔球立時畢命傷真証確本犯自認不諱黎

見雄合依故殺律斬黎見英合依餘人律杖洵

無枉縱既據該司招解前來經臣覆審無異理

合具

題伏乞

敕下三法司核擬施行康熙二十八年九月二十五

日題十一月初三日奉

旨三法司核擬具奏該刑部會同院寺會看得黎見

雄刺死屈裔球該撫歷審自認情真黎見雄合

依故殺者斬監候律應擬斬監候秋後處決黎

見英合依餘人律杖一百折責四十板可也等

因康熙二十八年十一月十五日題十七日奉

旨黎見雄依擬應斬著監候秋後處決餘依議

清忠堂奏疏

卷八

夫命二

五

清忠堂撫粵奏疏卷九目次

廢官佔帶部民等事 余修湘年等侵佔錢糧

特奈貪劣縣令等事 余知縣姚廣規

鑄死夫命事 陳汝士招疑

活殺父命事 陳儲勳招疑

生生打死兄命事 趙應標招疑

生生打死叔命事 梁子奇招疑

欽奉

清忠堂奏疏 卷九 目次

上諭事 盜犯羅更科等招

遵

旨編輯全書等事 再請屯田減則

遵

旨編輯全書等事 更改新編全書

題明請將驛站等事 進呈銜僻驛站黃冊

強賊劫渡等事 盜犯黃瑞芝等招

欽奉

上諭事 賊犯劉佩等招

請

旨事 進呈銜所編丁冊

請

旨事 二十八年銜所編審屯丁

清忠堂奏疏 卷九 目次

二

清忠堂撫粵奏疏卷九

參修湘年潘廷侯二官侵蝕錢糧

題為廢官佔帶部民子女歸旗事據布按二司呈
詳該臣看得錢糧關係軍需收支難容侵混
蒞任以來逐府清查惟瓊州孤懸海外距省二
千餘里從前吏治不淑徵派混雜已莫可窮究
所屬倉庫缺欠如儋州瓊山等州縣臣先已察
出糾參繼將府庫盤查而降調知府佟湘年任

清忠堂奏疏

錢糧一

內又侵缺各年錢糧共銀五萬二千一百八十
餘兩復經臣具疏

題參究審積經通盤又缺銀一萬四千餘兩現據
佟湘年呈開庫吏黃文耀侵盜銀二萬餘兩其
餘混解借支墊解那用等項任意拔扯多無確
據乃署瓊州府事同知潘廷侯接收錢糧又復
朦混不清據布政使張建績按察使李焯前後
會詳潘廷侯追完佟湘年侵那案內庫吏黃文

耀開出欠戶完納銀一千七百五十四兩零

現任知府具批將銀交與親費起解而潘廷侯
乃稱動支無存不行交納夫以該府現交之銀
給批費解親領赴省交納該府報文甚明何得
稱為動支無存又本官署陵水縣事徵完康熙
二十四五六年存留錢糧銀一百九十二兩一
錢六分八釐零各年捐積共穀六百七十五石
二斗八升零並無交貯倉庫以上各項明係潘

清忠堂奏疏

錢糧二

廷侯侵蝕相應

題參究明追補再庫吏黃文耀訴出潘廷侯陳其
等姓家人并府役吳尚仁等內外囑騙分肥賄
欠作完將多削少措約索金前後追收銀錢繳
衙匿報情弊雖未定有確實亦應提集究審又
佟湘年呈稱交銀四千七百五十四兩八錢三
釐零與潘廷侯接收不入盤冊潘廷侯則稱並
無此項實係佟湘年誣捏之數屢經駁行潘泉

二司會訊彼此混推並不據實供出二官總以
降調未經革職承審之官不便刑訊且俱係應
回旗人員借此延挨殊干法紀合請

皇上將佟湘年潘廷侯二官均賜革職并本內有名
蠹役家人一併嚴加究審如係佟湘年自侵故
意推諉應於原叅佟湘年侵缺案內定擬追結
如係潘廷侯侵收不吐應擱出統于本案內行
追均俟審明著落定擬之日另行押解歸旗既

清忠堂奏疏

錢糧三

據該司會詳前來理合具

題伏乞

敕下該部議覆施行再照兩廣總督印務係臣署理

無庸會

題合併聲明康熙二十八年九月二十六日題十

一月初五日奉

旨這本內事情著該督審明具奏

叅知縣姚肅規

題為特叅貪劣縣令以清吏治事竊惟安民之道
以察吏為先而縣令之貪廉尤關民生之休戚
必須潔清自矢終始不渝方稱無忝厥職臣仰
體

皇上愛養斯民至意自蒞粵以來凡有貪酷不法者

節經

題叅在案自

清忠堂奏疏

特叅一

計典之後又復嚴飭屬員時時儆省令其洗心滌慮

潔已愛民乃猶有順德縣知縣姚肅規者貪黷

為懷益甚不傍稊蹟昭著衆怨沸騰茲據布政

司布政使張建績按察司按察使李焯分巡廣

南韶道僉事陳子威廣州府知府劉茂洛揭報

前來與臣訪聞無異所有劣蹟請為我

皇上陳之計開廣州府順德縣知縣姚肅規劣蹟云

云此一官者但知贖貨不惜民瘼借名修衙補

庫派累小民指稱登隱清欺縱飽羣蠹徵收餉

匠任役加增清查船隻憑符勒索以至聽訟納

賄恣意捉詐大玷官箴奚堪民牧所當據實

題參請

旨革職同有各蠹役一併嚴提究擬者也伏乞

皇上睿鑒

敕部議覆施行再照兩廣總督印務係臣署理無庸

會題合併聲明謹題請

清忠堂奏疏

特余二

旨康熙二十八年九月二十六日題十一月初三日

奉

旨這所參姚肅規著革了職其貪劣各款併本內有

各蠹役該督嚴提究擬具奏該部知道

陳汝士招擬

題為鋤死夫命事據按察司呈詳該臣看得陳汝

士鋤死洗宗相一案因康熙二十八年四月十

一日汝士堂弟汝恒與宗相同在潯岡種地爭

論界址兩人正欲相毆值汝士亦携鋤在彼種

花上前勸解宗相意其助毆拳擊汝士汝士執

鋤還毆適中宗相頰門傷重仆地旋即負回救

治緣宗相受傷已重遂于是晚殞命歷審傷符

清忠堂奏疏

卷九 夫命一

六

証確汝士直認不諱被抵奚辭陳汝恒在逃應

俟獲日另結茲據該司招解前來經臣親審無

異理合具

題伏乞

敕下三法司核擬施行康熙二十八年十月初三日

題十一月十五日奉

旨三法司核擬具奏該刑部會同院寺會看得陳汝

士打死洗宗相該撫歷審自認情真陳汝士合

依凡鬪毆殺人者不問手足他物金刀並絞監
候律應擬絞監候秋後處決脫逃陳汝恒獲日
另結可也等因康熙二十八年十一月二十三
日題二十五日奉
旨陳汝士依擬應絞著監候秋後處決餘依議

清忠堂奏疏

卷九 人命二

七

陳儒勳招擬

題為活潑父命事據按察司呈詳該臣看得陳儒
勳與藍期華比屋而居素無仇怨康熙二十八
年五月初二日在社聚飲期華酒後誣指儒勳
偷穀彼此爭論隨即散歸迨黃昏時候携刀防
夜相遇門前又復互相詬詈期華刀砍儒勳儒
勳拔刀回刺適中期華左脇旋即斃命傷其証
確絞抵無辭茲據該司招解前來經臣覆審無

清忠堂奏疏

卷九 人命一

八

異理合具

題伏乞

敕下三法司核擬施行康熙二十八年十月二十九
日題十二月初十日奉

旨三法司核擬具奏該刑部會同院寺會看得陳儒
勳殺死藍期華該撫歷審自認情真陳儒勳介
依凡鬪毆殺人者不問手足他物金刀並絞監
候律應擬絞監候秋後處決等因康熙二十八

年十二月十五日題十六日奉

旨陳儒勳依擬應絞著監候秋後處決

清忠堂奏疏

卷九 父命二

九

趙應操招擬

題為生生打死兄命事據按察司呈詳該臣看得
趙應操打死趙已立一案因康熙二十八年五
月初八日已立與趙季顯向趙石可應操父子
等理論祖山應操恃強先執鞵底打已立左耳
被已立奪去應操兇性頓發即拾石塊打其額
門已立畏懼走避趙連易趙傳賓趙葵先亦行
拳脚助毆乃應操益逞兇威復行追及用石狠
擊腦後骨碎仆地仍砍脚眼傷重殞命歷審供
証並確本犯直認無辭趙應操擬以故殺斬抵
不枉趙連易等毆無兇器趙石可等在旁助勢
但審非元謀均擬除人蒲杖茲據該司招解前
來經臣親訊無異理合具
題伏乞

清忠堂奏疏

卷九 兄命一

十

敕下三法司核擬施行康熙二十八年十一月二十
日題二十九年正月三十日奉

旨三法司核擬具奏該刑部會同院寺會看得趙應
操打死無服族姪趙已立該撫歷審自認情真
趙應操合依故殺者斬監候律應擬斬監候秋
後處決趙連易趙傳賓趙葵先毆無兇器趙石
可趙掌六在旁助勢均照餘人律杖一百各折
責四十板可也等因康熙二十九年二月初五
日題初十日奉

旨趙應操依擬應斬著監候秋後處決餘依議

清忠堂奏疏

卷九 兄命二

十一

梁子奇招擬

題爲生生打死叔命事據按察司呈詳該臣看得
梁子奇與關從龍於康熙二十八年五月二十
七日同在那篤墟集因買賣鹹魚小嫌兩相爭
毆初用拳擊繼用棍關緣強弱不敵致從龍左
乳左脇受傷殞命歷審傷証並確該犯招認不
諱梁子奇狡抵爲詳茲據該司招解前來經臣
親審無異理合具

清忠堂奏疏

卷九 叔命一

十二

題伏乞

敕下三法司核擬施行康熙二十八年十一月二十

六日題二十九年正月二十八日奉

旨三法司核擬具奏該刑部會同院寺會看得梁子
奇毆死關從龍該撫歷審自認情真梁子奇合
依凡鬪毆殺人者不問手足他物金刃並絞監
候律應擬絞監候秋後處決等因康熙二十九
年二月初三日題初四日奉

旨架子奇依擬應絞著監候秋後處決

清忠堂奏疏

卷九

叙命二

十五

盜犯羅更科等招

題為欽奉

上諭事據按察司呈詳該臣看得羅更科等因在逃賊線蘇慎子窺見監生廖昌運等賣穀有銀與已故賊首羅子體商謀行劫子體令更科糾黨於康熙二十七年六月二十一日午後聚於謝宗華家槓子先行偵探各盜執持器械齊至司馬鄉河邊尋得小船一隻二更時分撐至石牙

清忠堂奏疏

卷九

盜犯一

古

頭河心挨近廖昌運船邊更科舉槍挑卸雨篷已故劉存義撐住原船子懼先跳過船致廖昌運等驚覺慌忙跳河奔逃淹死廖昌運廖彥選二人槍傷水手黃金德右足隨僕胡阿保頭顱各盜盡掠船上銀兩衣物直至黃潛沉船登岸在幌傘灘僻地分贓散踪今經保約出首陸續緝獲歷審招認上盜不諱起出贓物給與失主認明領回寧家贓証並確除羅子體劉存義審

供後在監病故不議外羅更科謝宗華謝宗遇
謝阿龍鄧俊德朱土養按律駢斬梟示允協花
費贓物照例變賠本案盜犯供報同黨九人已
獲八名尚未獲賊線蘇楨子一名俟緝獲日另
行究結李萬子買謝宗華盜贓審不知情律無
由坐擬船戶黃阿四審無通賊應免深求既據
該司招解前來經臣親審無異理合具
題伏乞

清忠堂奏疏

卷九 盜犯二

五

敕下三法司核擬施行再照兩廣總督臣石琳尚未
到任無庸會

題合併聲明謹題請

青康熙二十八年十二月初一日題二十九年正月
二十八日奉

旨三法司核擬具奏欽此該刑部會同院寺會看得
強賊羅更科等行劫廖昌運等一案該撫歷審
各自認情真羅更科謝宗華謝宗遇謝阿龍鄧

俊德朱土養俱合依強盜殺人不分會否得財
皆斬梟示律均應斬立決梟示已獲贓物給還
失主未獲贓物將各盜家產變賠逸賊蘇楨子
獲日另結李萬子所買盜贓審不知情船戶黃
阿四審無通賊均無容議康熙二十九年二月
初四日題初十日奉

旨羅更科謝宗華謝宗遇謝阿龍鄧俊德朱土養俱
著卽處斬梟示餘依議

清忠堂奏疏

卷九 盜犯三

六

再請屯田減則

題為遵

旨編輯全書告竣進呈

御覽頒行天下事據都司呈詳該臣看得粵東屯地

俱照舊額編徵惟康熙十年以來所報開墾者

皆係荒遷之士瀕海依山低窪磽瘠收穫無多

難循舊額經前撫臣劉秉權特疏題

允照民糧減則徵收至二十二年部駁報墾荒地又

清忠堂奏疏

編輯一

經前撫臣李士楨以新墾田畝難辦重賦具疏

題

允在案近復准部行仍照原則起科并稱全書已經

編造訂定不使再議等因隨查全書一案現奉

旨發各省巡撫會同經管錢糧司道官員詳察細閱

有無應行更改增刪務期永遠可行明白確議

毋得彼此瞻顧仰見

皇上底慎財賦愛養民生至意通行欽遵即據各屯

丁衛所備澀苦情呈詳都司轉詳到臣經臣具

疏上

請永照減則更正全書今准部覆衛地俱係徵租官

地不便照民地減則徵收依經通行去後茲又

據都司杜邦璵詳稱據衛所等官與各屯丁再

澀苦情聯名呼籲咸謂新墾荒遷之地雖係官

地但今改折徵本較與舊日不同且歲止一熟

出產甚微每年所收止供完糧不償工本即照

清忠堂奏疏

編輯二

民田上額減則徵收猶恐不給若必照三斗編

徵屯佃完納不前究於

國課無補再懇

題明將開墾之田仍照減則之例編徵另造全書

永遠遵行等情前來臣身在地方備悉屯丁苦

情不敢不再為上達伏乞

皇上垂如天之仁俯念濱海窮丁籲請減則實非獲

已

恩准仍照兩次

題允每畝八升入合零之例起科并照減則更正

全書不特已墾屯地永無拋荒之患將邊海之

民歡欣鼓舞相率勸耕則開墾日多賦稅日益

實於

國計民生兩有裨益不獨現在數萬屯丁頂戴

聖恩於無斁也既據該司呈詳前來理合具

題伏乞

清忠堂奏疏

編輯三

敕下該部議覆施行再照兩廣總督臣石琳尚未准

有到任日期未及會

題合併聲明康熙二十八年十二月十五日題二

十九年正月二十四日奉

旨該部議奏該戶部議覆臣等查得廣東巡撫朱弘

胙疏稱粵東康熙十年以來開墾屯地俱係低

窪磽瘠收穫無多臣經具疏請永照減則徵收

復准部行仍照原則起科今新墾荒遷之地歲

止一熟出產甚微若必照三斗編徵完納不前

仍照每畝八升入合零之例起科等因前來查

先據該撫朱弘詳將廣東衛所屯田請照民田

徵收臣部以前撫臣劉秉權題請之時暫照民

田之例徵糧俟屯田成熟屯丁得所仍照原則

徵輸並未將錢糧永行減除且康熙二十三年

原任工部尚書杜珠等清查廣東衛所田地原

任巡撫李士楨題報開墾之地俱照全書原則

清忠堂奏疏

編輯四

徵輸在案應行該撫仍照全書原則徵輸可也

康熙二十九年二月初七日題本月十二日奉

旨依議

更改新編全書

題為遵

旨編輯全書告竣進呈

御覽頒行天下事據布都二司督糧道呈詳該臣看

得賦役全書為百代之章程理財之憲典科則

欵項務在簡便畫一庶徵收支解久行無弊六部

臣按照康熙二十三年

奏冊山單叅酌訂正備極精詳繕造成書進呈

清忠堂奏疏

全書一

御覽復奉

命發與各巡撫會同經管錢糧司道官員詳察細閱

有無應行更改增刪務期永遠可行明白確議毋

得彼此瞻顧各行具題仰見我

皇上清釐額賦體察民隱至意臣遵檄司道轉行府

州縣備所各官逐欵細加詳查陸續催據廣南

等府屬造送察核惟瓊州府屬之瓊崖等州縣

衛因路遠逾限未報業將遲延各官

題叅議處在案茲據布政使張建績督糧道叅政

劉恆會詳粵省全書地丁錢糧銀米俱照依康

熙二十七年奏冊易知山單及康熙二十八年

額徵編造敘明更改增刪情由詳繳前來經臣

親加較訂謹查其大要欵項如一部編書內地

丁錢糧數目科則俱照康熙二十三年奏冊易

知由單核造毋得另立科則臣查粵省有荒遷

州縣逐年派徵物料等折銀與本色米石皆按

清忠堂奏疏

全書二

現徵熟稅均派足額若將康熙二十四年以後

墾復田畝照依康熙二十三年由單科則一例

編徵則折銀色米必益於原額今議將有荒遷

稅畝之州縣已全復者照例更正其未全復者

以康熙二十八年實徵稅畝通融派足科定則

例編徵嗣後有墾復者概徵折銀停收本色造

入歲報伙荒遷田地全復之日按額派足另造

科則全書送部存查一部編書內優免人丁照

康熙二十三年所免之丁爲額臣查順治十四年全書雖定有優免額數而遞年止照現在紳衿優免如額多而免少者留銀克餉若照康熙二十三年由單免丁爲額則後進之紳衿倘有多於康熙二十三年之額者無復仰邀優免之則矣今全書仍照舊額開造優免如該年有免不盡丁者一體編差徵銀克餉一部編書內存留俸工孤貧口糧等項照除荒實支數編列支

清忠堂奏疏

全書三

給查粵省有荒遷州縣無徵錢糧康熙二十五年十二月奉部文按照起存均勻扣覓克餉若有墾復起徵則應起存均復留給今全書已將有荒遷州縣俱以康熙二十八年止起存實徵概行均扣畫一至孤貧口糧已准部文免其扣覓今於書內改正照舊額留支以廣

恩恤一部編書內二年一辦歲貢生盤纏三年一辦舉人進士旗扁酒席水手等銀列在存留項下

查貢生已准部文免其

廷試則盤纏銀兩應歸起運舉人進士旗扁等銀亦奉文歸入起運改造一部編書內各則田地丁口遇閏年未列加徵銀米細數民間難以周知保無不肖官吏私行多派今議將州縣各則田地丁口遇閏加徵銀米科則開明凡例頒行曉諭以杜混徵之弊一部編書內起運解部脚費未開應支銀數今將解部錢糧照舊支給水脚

清忠堂奏疏

全書四

顏料正價銀每兩支給水脚銀三分并承差賚奏盤纏銀兩各數遞年凡有支用在于司府庫起運銀內給發報銷一部編書內解部錫價每斤開銀六分沉香降真香廣酸花雲母粉價值未經開列今將錫價照九卿會議每斤原定價銀九分併香價等項一並添入一順德縣部頒書內學田三頃四十三畝零徵租銀九十四兩五錢九分今查此項學田租銀久經歸併該縣雜

稅項內徵解克餉應將此款刪除一連山縣部
頒書內額外租稅鹽包餉銀二十四兩查係鹽
利包稅銀兩遞年已入鹽課冊內彙銷此款亦
應刪除一肇慶府雜稅項下三橋牛稅銀六百
一十兩二錢五分遇閏加銀五十兩八錢五分
零舊全書載入肇慶府考成而銀兩實在高州
府徵解今應改入高州府考成以免彼此誤悞
一陽春縣因山路通行原額舖兵一十三名不

清忠堂奏疏

全書五

數走透今議于附近陽江縣額設舖兵之內抽
減一十一名移補陽春縣以速郵傳一歸善縣
雜稅項下地基租銀七兩四錢四分此地已改
建公署歷年租銀係地方官賠解合

請除額一惠州府同知官役俸食原在歸善縣編徵
今該同知衙門已改為廣州府理事同知應支
俸食銀兩就近編在順德縣存留項內徵給歸
善縣原額俸工應歸起運克餉一長寧縣舊全

書開東葉陂太平墟稅銀七兩一錢一分今查

前項墟地久已割附連平州管轄應將此稅改
入連平州雜稅項下徵解一威恩縣舊全書開
載存留錢糧不敷支給儋州崖州撥補銀共九
十兩今該縣除存留外尚有起運不須撥補合
將儋州協濟銀四十兩改歸該州雜稅項下徵
解崖州協濟銀五十兩原係改克官兵糧食歸
還崖州起運項下報銷一舊全書開載英德長

清忠堂奏疏

全書六

寧二縣一田二稅屯糧米一千五百三石七斗
零以米計稅該一百六項五十九畝二分零久
荒無徵查清遠衛全書由單開係明朝天順年
間豪民李永安等隱佔又附列英長二縣民糧
全書比衛額溢出稅四項七十一畝零其掛多
之處事久年深無案可稽今仍舊附入英長二
縣額內現在招民開墾另報將衛額刪除并將
英德縣貼近長寧縣田三十三項七十六畝九

分零割歸長寧縣開墾編徵官民兩便一部編書內各州縣驛站錢糧照原額開列逐年應需之數予起運內支給今查與省驛站錢糧已奉兵部核定衝併實需之數應照兵部定額改註明白一鹽司廣盈庫官役俸工應支銀兩舊全書未有編徵奉文在於通省缺俸銀內支給今議改入增城縣額編存留銀內動支一潮州府舊全書開載雜稅項下爐餉銀一千一十二兩

清忠堂奏疏

全書七

原係該府徑徵查前項爐餉歷年俱在海揭等縣徵解今應徑歸各縣徵收以專責成一瓊州府舊全書開徑徵商稅銀二百九十兩今應改入瓊山縣雜稅項下徵收爲便一合浦縣舊全書開山稅銀二十一兩三錢二分零今據該縣申詳此項稅銀應歸廉州府徑徵改人該府雜稅項下徵解一臨高縣舊全書開沒官田租銀四十兩四錢四分零查此田租向在儋州地方

今應割歸儋州雜稅項下徵解一部編書內各州縣陞科銀兩止開銀數未有地畝今照康熙二十七年由單與二十八年實徵稅畝添列畝數造報一部編書內銀米數尾自忽撮以下截去銀一百四十六兩五分一釐零米一百三十六石七斗一升八合零今以現徵稅畝丁口改造全書計截多銀九兩七錢九分四釐零多米九石一升七合零以上更改應增應刪各款經

清忠堂奏疏

全書八

臣會同司道細加詳察核明開造書內其餘各州縣訛錯數目多開少造等項細款約尚有數十條與新安縣僧窻米減免差銀應俟田畝全墾照例減徵俱經登答另列清冊併將造成全書部發黃書揭送戶部戶科查核外所有進呈民糧全書共九十九本據該司造繳到臣理合

恭進

御覽伏乞

睿鑒

敕下該部核議行臣遵照以便年終照此造報

奏銷再照銜所屯糧全書催據都司杜邦琛詳稱

康熙十年以後墾復地畝部駁仍照三斗原則

編造節據各銜所屯丁呼籲咸謂新墾荒地瘠

薄不堪收穫甚微難供三斗重賦經臣備述難

徵情由再疏題

請俯照每畝八升八合有零之例編造全書永遠

清忠堂奏疏

全書九

遵行又粵省歸併銜所去留一案亦經臣前署

總督印務議明具

題聽部定議今全書據銜所仍照減則造齊送司

但二案尚候部覆俟奉

允之日另行造正具

題其臨高澄邁吳川三縣地方昔遭海寇焚殺丁

絕田荒歷年錢糧無徵臣現駁行各道府確勘

實數另

題請諮三縣全書仍且照舊編造至兩廣總督臣

石琳尚未准有到任日期未及會

題合併聲明康熙二十八年十二月十五日題康

熙二十九年五月初七日准戶部咨為全書原

有舊章等事內開該臣等公同再議得編造簡

明賦役全書原期有益於小民今各省巡撫等

所題疏冊內題請增刪事宜頗屬繁冗若俱照

各該撫所請編造反致紛更舊全書遵行年久

清忠堂奏疏

全書十

歷年增減地丁銀米數目俱有各年奏銷冊籍

可查相應將此新編全書停其頒發仍照舊全

書遵行其各該撫題請事宜并原任左都御史

郭琇條奏遺委總裁司官公同編輯之處均毋

庸議可也康熙二十九年三月十六日題本月

二十一日奉

旨依議

進呈銜僻驛站黃冊

奏為

題明請將驛站所派地丁改撥錢糧并均定銜僻

驛站以免偏苦以省錢糧事據驛鹽道呈詳該

臣會同兩廣總督臣石琳看得粵省驛站錢糧

先准部文分別銜僻均勻畫一千戶部頒行賦

役全書之年為始于地丁錢糧內撥給年終兵

部照銜僻冊查銷等因臣據陞任驛鹽道僉事

清忠堂奏疏

驛站一

張雲關酌量州縣驛遞差使之繁簡水手之逸

勞分別銜僻四等派撥站銀二萬七百三十一

兩一錢九分零遇閏加支水手工食銀一千一

百七十七兩九分零造冊奏送兵部核定行回

繕造黃冊進

呈茲據署驛鹽道僉事陳子威俯將撥定州縣驛

站錢糧冊隻水手工食銀兩細數造冊呈詳前

來除冊送兵部外謹繕造黃冊恭進

御覽永為定例遵行至前項派定驛站錢糧已于賦

役全書內改正添造經臣另疏具

題送部在案現候部覆頒行但驛站一項既已派

定銀數又經編入全書似應以康熙二十九年

為始照銜僻冊內數目年終報銷伏乞

敕下該部議覆施行康熙二十九年正月二十日奏

二月二十七日奉

旨該部知道冊留覽准兵部咨開查得廣東驛站銜

清忠堂奏疏

驛站二

僻冊與本部前定無異應自康熙二十九年為

始照新定銜僻報銷其船隻水手工食等項歲

需銀二萬七百三十一兩一錢九分零遇閏加

銀一千一百七十七兩九分零俟全書改正頒

行之年為始應于地丁銀內撥給相應移咨戶

部知照仍咨該撫刊刻遵行可也

盜犯黃瑞芝等招

題為強賊劫渡等事據按察司呈詳該臣看得康

熙二十七年十二月二十一夜打劫桂洲江門

夜渡係黃瑞芝與已故楊社開先於十六日在

崩涌口商謀為首各出船一隻令李遠敘漁船

藏運鎗刀過汛黃瑞芝糾夥李茂長李萬友黃

亞五林建玉林亞車黃亞人病故楊社開糾夥

林國添李鳳先歐亞三何亞錫楊孫瑜關惠生

清忠堂奏疏

卷九 強賊一

五

共一十五人于二十一日半更時候見桂洲渡

船回至馮亞媽角海面瑞芝等並駕兩船追上

各持器械齊擁過渡楊社開殺死渡夫曹秀華

又黃亞五與脫逃林亞車黃亞人各刀砍曹秀

堂周亞侯簡親廷下水淹死李萬友鎗傷馮亞

臨下水逃生船上客人陳貴興等與渡夫周象

朋等跳水走脫劫去船中鹹魚醃鴨袋衣雨帽

銅錢衣被等物回至新沙分駐歷經研審黃瑞

芝等招認上盜得贓情形不諱臣覆加勘審各

認無異贓証並確除病故楊社開先於報參疏

內聲明不諱外現犯黃瑞芝李茂長李萬友黃

亞五李鳳先林國添歐亞三何亞錫楊孫瑜林

建玉李遠敘均應按律研晰臬示允為不枉惟

潘漢平廖老瓦審係仇拔李會先審係黃緝伊

兄李鳳先家屬俱應省釋當日未經審出真情

者係順德縣別案參革離任知縣姚肅規也相

清忠堂奏疏

卷九 強賊二

五

應聲明附參黃瑞芝等所分贓物除起獲給主

外其餘俱供花費與故犯楊社開之贓均應照

例變賠其無主可給者應同起獲盜船一併估

價入官再查本案盜犯供報一十五名已獲一

十二名內已故楊社開一名止有逸賊關惠生

林亞車黃亞八三名嚴緝獲日另結既據該司

招解前來經臣覆勘無異謹會同兩廣總督臣

石琳合疏具

題伏乞

下三法司核擬施行康熙二十九年正月二十日

題二月二十七日奉

旨三法司核擬具奏欽此該刑部會同院寺存得強

賊黃瑞芝等行劫渡船該撫歷審各自認情其

除楊社開病故不議外黃瑞芝等合依凡強盜

殺傷人不分會否得財俱斬梟示律應斬立決

梟示已獲贓物給還失主未獲贓物照例變贖

清忠堂奏疏

卷九 強賊三

五

無主之贓併盜船變價入官逸賊關惠生等嚴

緝獲日另結李會先等審係無干均無容議其

未經審出真情順德縣知縣姚肅規應查議已

經別案參革亦無容議等因康熙二十九年三

月初五日題初八日奉

旨黃瑞芝李茂長李萬友黃亞五李鳳先林國添歐

亞三何亞錫楊孫瑜林建玉李遠敘俱著即處

斬梟示餘依議

賊犯劉佩等招

題為欽奉

上諭事據按察司呈詳該臣看得英德縣居民包子

達家被劫一案審係賊首張文龍於康熙二十

七年十二月十四日在獨山墟糾集夥賊王老

白包巫生劉佩劉維聖劉維玉包才朱亞賤郭

二郭三袁二袁三關老七共一十三人訂于二

十四日在沙灣鞏橋會集是晚各執器械齊至

清忠堂奏疏

卷九 賊犯一

五

事主之門分佈把風先後入室殺死包恭砍傷

包行成秀十養劫取贓物携赴打鼓墘瓜分而

散失主之子包大式暗中窺認文龍報縣拿訊

供出同夥姓名而劉佩劉維聖劉維玉包才朱

亞賤王老白包巫生陸續就擒歷審各賊招認

如繪起獲原贓經王認領除故賊張文龍王老

白包巫生不議外劉佩劉維聖劉維玉包才朱

亞賤俱依強盜殺傷人律立斬梟示管押包巫

生失水身死之解役鍾德雖無受賄情弊但失
於檢點杖革九宜現贓給主未獲者將無主贓
物停其入官變價賠補仍不足數再將各盜家
產照例變賠逸賊郭二郭三袁二袁三關老七
勒緝獲日另結又此案已斃三犯先後承審各
官相應指參但王老白係拒捕受傷身死包巫
生係溺水身死與監斃者不同且各犯身故皆
在該府廳未經承審該司未經到任之先合併

清忠堂奏疏

卷九 賊犯二

壬

聲明賊數例以獲盜審供為據本案現犯僉供
盜夥實止一十三人已獲八名未獲五名業經
過半既據該司招解前來經臣親審無異臣謹
會同兩廣總督臣石林合疏具

題伏乞

勅下三法司核擬施行康熙二十九年正月二十三

日題三月初五日奉

旨三法司核擬具奏該刑部會同院寺會看得強賊

張文龍等行劫包子達家一案該撫歷審各白
認情真張文龍王老白包巫生取供身故不議
外劉佩等合依強盜殺傷人不分會否得財俱
斬梟示律均應斬立決梟示已獲贓物給還失
主未獲贓物照例變賠逸賊郭二等獲日另結
強賊包巫生溺水身死管押之解役鍾德審無
受賄情弊鍾德合依獄囚失于檢點致囚自盡
者杖六十律應杖六十折責二十板革役再該

清忠堂奏疏

卷九 賊犯三

庚

撫既稱賊犯王老白拒捕受傷身死包巫生溺
水身死其承審各官均毋庸議等因康熙二十
九年三月十一日題十三日奉

旨劉佩劉維聖劉維玉包才朱亞賤俱著即處斬梟

示餘依議

進呈衛所編丁冊

奏為請

旨事據廣東掌印都司杜邦琛呈稱看得粵省衛所

屯丁前奉部行編審照坐落州縣民丁之例編

徵案查康熙二十三年分編審應徵丁銀業經

冊報具

題遞年徵解克餉在案今康熙二十八年又屆編

丁之期行據各衛所造報審過屯丁分別舊管

清忠堂奏疏

卷九 編丁一

五

新收開除實在冊到司除將各衛所屯甲丁冊

另給批差廣州左衛守備亮沉解部外合照業

造簡明進

呈總冊詳送伏候

奏繳等因到臣據此該臣會同兩廣總督臣石琳

看得粵東衛所康熙二十八年分編審屯丁應

徵錢糧清冊除都司杜邦琛差官領解赴部另

疏題

報外今據該司繕造進

呈總冊詳送到臣理合恭進

御覽康熙二十九年正月二十三日奏奉

旨著察核該部知道冊留覽

清忠堂奏疏

卷九 編丁二

四

二十八年衛所編審屯丁

題為請

古事據廣東都司呈詳該臣看得粵東衛所屯丁五

年編審一次康熙二十三年編丁經前撫臣李

士楨造冊題

報遞年照額徵收今康熙二十八年又屆編審催

據掌印都司杜邦稟詳報通省衛所康熙二十

三年舊管屯丁六千五百六十八丁今屆編審

清忠堂奏疏

卷九 屯丁一

呈

內除老故屯丁二百六十一丁外新收壯丁二

百八十七丁通其實在屯丁六千五百九十四

丁照依坐落附近州縣民丁舊例歲該徵銀一

千七百二兩五錢四分八釐零過圍加銀六十

六兩九分三釐零逐一開列在冊其忽數以下

遵照新編賦役簡明全書例截去查比舊額新

增屯丁二十六丁其銀應于康熙二十九年

徵解所有各衛所屯甲丁數清冊該司另差解

原缺

清忠堂撫粵奏疏卷十目次

科舉事 請差典試

海疆傷殘獨甚等事 請撥賑濟二縣

特參疎防等事 劉子升等招

推補官員事 魏貞到任逾限

打死夫命事 何廷太招擬

究雪父冤事 余成用招擬

瀝陳田荒民困等事 請豁吳川縣荒殘錢糧

清忠堂奏疏

卷十 次目

恭

請酌定等事 康熙二十九年秋審

清忠堂撫粵奏疏卷十

請差典試

題為科舉事據布政司呈詳該臣看得康熙二十

九年庚午歲當開科取士粵東遠處天末相應

循例預期題

請點差主考官二員按期臨粵開典試以光

大典既據該司具詳前來臣謹會同兩廣總督臣石

琳合疏具

清忠堂奏疏

科舉一

題伏乞

敕部議覆施行康熙二十九年正月二十九日題奉

旨該部知道

請審臨澄二縣荒殘錢糧

題為海疆傷殘獨甚錢糧積欠無徵謹據實披陳

額懇

題請蠲豁亟收殘黎事據布政司呈詳該臣看得

瓊屬臨高澄邁二縣先被海寇登犯焚劫殺擄

備極慘傷繼之災疫流行人民逃亡田地荒蕪

以致錢糧積年逋欠前撫臣李士楨五疏籲

請蠲免部議以海寇於康熙十九年十二月內登岸

清忠堂奏疏

荒殘一

二十年三月內即行恢復如果丁絕田荒彼時

豈不即行題請蠲免至二十四年始稱賊寇盤

踞蹂躪屢行項費不合仍行令按年照數徵收

經前督巡撫印務總督臣吳興祚轉行催徵迨

臣蒞任又經飭催并帶徵各年錢糧限滿未完

照例報給去後隨據瓊州道府臨澄二縣詳報

並准瓊州鎮臣吳啓魯移稱二邑民人奔走崖

僑各境內黎外海邊汛堪虞等因前來臣即時

嚴行藩司道府設法招回加意安插毋致流離
失所并將荒絕丁田檄令確查具報續因該管
道府相繼去任且恐有開墾隱匿未報之處復
令新任雷瓊道副使佟世雍瓊州府知府張萬
言親在各縣履畝察勘確實造報催據詳稱二
縣地方實山當日被寇傷殘田土拋棄錢糧通
欠至今戶口死亡者固不能起九原而問卽逃
避者皆因併徵畏累觀望不前日積月累拖欠

清忠堂奏疏

荒殘二

愈多經徵督徵各官降革踵至總無清楚之期
備造勘實冊結轉發藩司覆核茲據布政使張
建績冊報二縣共荒蕪田地三千二百四十頃
四十五畝一分零逃絕丁口七千七百四十四
丁口共無徵地丁銀九千一百六十四兩九分
九釐零又荒陷鹽田六百三坵墮丁六百三丁
無徵鹽課銀四百四十八兩七錢二分九釐零
其現報歷年未完錢糧鹽課自康熙十九年起

至二十七年止除各官陸續報捐完解外尚實
無徵銀七萬一千九百八十二兩七錢八分六
釐零司道府縣各具並無虛捏混報印結前來
臣又細加察訪并檢查舊案二縣自二十年三
月內恢復之後卽據各該有司屢文申請祇因
前撫臣李士楨以事開錢糧惟令撫恤勸墾兼
之瓊郡距省甚遠往返駁查必得真確方敢入
告是以少遲時日實非至二十四年始稱賊寇蹂躪

清忠堂奏疏

荒殘三

也在部臣屢次駁令按年照數徵收無非慎重
錢糧之意臣亦知額賦關係軍需豈敢輕率上
請然臣身在地方節據文武官民激切呼籲卽今雷
瓊道副使佟世雍瓊州府知府張萬言皆係新
任從前原與伊等無涉乃一經履勘卽具如虛
甘罪印結瓊鎮吳啓爵係武臣不與民事因目
擊百姓困苦情形亦激切咨移且該府縣各官
因帶徵各年未完錢糧現在降革多員今添題

縣知縣秦大章又因二十六年錢糧未完部議
降調矣當此

聖明之世誰不以功名自勵豈肯甘棄若此良因迫
比無民措施無策惟有靜聽處分此實荒實欠
委無疑義我

皇上仁同覆載德邁古今連年獨免舊逋新賦千百
餘萬日今直隸歲時偶歉動發帑金遣官分賑
一夫不獲時屨

清忠堂奏疏

荒殘四

睿懷天下臣民感戴

隆恩振古未有今海徼窮黎積困未除臣既聞見震
真安敢不據實

奏請伏乞

皇上垂如天之仁將臨澄二縣自康熙十九年起至
二十七年止共無徵銀七萬一千九百八十二
兩七錢八分零盡數蠲豁嗣後悉照現在丁田
熟稅徵收俾臣設法招墾照例陞科從此流遺

聞風歸復積荒漸次開闢賦足民安

聖恩浩蕩直與粵海瓊山並垂不朽矣至康熙二十
八年分無徵銀兩仍俟歲叅案内查確造報又
高州府屬吳川縣亦有寇荒無徵錢糧臣現在
確核另疏題

請合併聲明既經該司呈詳前來除冊結揭送部科
外謹謹會同兩廣總督臣石琳合疏具
題伏乞

清忠堂奏疏

荒殘五

救下該部議覆施行康熙二十九年三月十九日題
五月初四日奉

旨該部議奏該戶部議覆臣等查得廣東巡撫朱弘
祚將瓊屬臨高澄邁二縣先被海寇劫擄繼之
災疫流行人民逃亡田地荒蕪以致錢糧積欠
前撫臣李士慎五疏額請蠲免部議行令按年
照數徵收臣確查文武官員激切呼籲百姓困
苦情形此實荒實欠委無疑義伏乞將康熙十

九年起到二十七年止共無徵銀七萬一千九百八十二兩七錢零盡數歸嗣後悉照現在丁田熟稅徵收俾積荒漸次開闢賦足民安等因取具司道府縣如虛甘罪印結會同兩廣總督臣石琳具題前來查先據原任巡撫李士楨將臨澄二縣節年所欠錢糧題請豁免臣部以二邑海寇於康熙十九年十二月內登岸二十一年三月內仰行恢復如果丁缺田荒彼時豈不

清忠堂奏疏

荒殘六

古依議

仰行題請豁免至二十四年始稱賊寇蹂躪將二十四五兩年錢糧一併題請豁免不合仍行按年照數徵收覆行在案應行該撫仍按年照數嚴催徵收可也康熙二十九年五月十八日題本月二十日奉

劉子升等招

題為特參疎防文武職名事據按察司呈詳該臣看得興寧縣監生陳上達家破盜一案因蕭茂林探知上達家有積蓄先同吳夢龍張老四劉仁觀於康熙二十八年二月二十九日在劉子升併店商謀行劫遂糾合夥黨於三月十二夜各執器械三更時分齊赴陳上達門首蕭茂林劉仁觀破門先入陳俊達驚起對敵被茂林仁

清忠堂奏疏

特余一

觀刺傷手足劉子升劉洪際曾伯勞張老四吳夢龍相繼而進明火縱掠劉雙權劉昆生黃成吳滿子吳士理邱端一巫茂畧俱在外把風劫得財物群至西門外草坪荒地分贓四散嗣經鄰佑劉如琮首報劉子升等陸續就擒歷審供招不諱雖經王認器械並獲真盜無疑除吳士理審供後病故不議外劉子升曾伯勞劉洪際劉昆生巫茂畧邱端一劉雙權黃成俱應按律

泉斬現贓給主未獲贓物照例變賠本案盜犯
供報同黨一十四人已獲九名未獲蕭茂林吳
夢龍張老四劉仁觀吳滿子五名勒緝獲日另
結賴金輝蕭二子徐廣姐經縣審明無辜省釋
新鳳子錯認良民爲盜年僅九歲照律免議陳
上達不行確查據詞呈報照不應重杖折贖既
據該司招解前來經臣親審無異謹會同兩廣
總督臣石琳合疏具

清忠堂奏疏

卷十 特卷二

九

題伏乞

敕下三法司核擬施行康熙二十九年四月初六日

題五月二十一日奉

旨三法司核擬具奏欽此該刑部會同院寺會看得
強賊劉子升等行劫監生陳上達家一案該撫
歷審各認情真劉子升等合依強盜已行而但
得財者不分首從皆斬均應斬立決已獲贓物
給還失主未獲贓物將各賊家產照例變賠逸

賊蕭茂林等嚴緝獲日另結賴金輝蕭二子徐
廣姐審係無干無罪釋放新鳳子錯認良民賴
金輝等爲盜應治罪年止九歲照律免議陳上
達呈報不確合依不應重律杖八十係監生照
例折贖可也康熙二十九年六月十三日題十
五日奉

清忠堂奏疏

卷十 特卷三

十

旨劉子升著卽處斬會伯勞劉洪際劉昆生巫茂畧
鄔端一劉雙權黃成俱從寬免死照例減等發與
黑龍江披甲之人爲奴務期嚴押解到餘依議

平海所千總魏貞到任逾限

題為推補官員事據廣東掌印都司呈詳該臣看得銜所武官到任逾限應照向例

題參先據都司杜邦璉呈詳平海守禦所千總魏

貞到任逾限經臣批查詳報茲據覆稱行據該

千總回稱因路費缺少沿途步行至江西頓屬

十八灘中又為雨雪風浪所阻以致違限並無

規避迤邐等由但已違限一個月零二十日又

清忠堂奏疏 卷十 推補一 土

無就延月日印結相應

題參候部查議既據該司呈詳前來除將限票揭

送兵部外理合具

題伏乞

敕部議覆施行康熙二十九年四月二十六日題奉

旨魏貞著議處具奏該部知道

何逢大招擬

題為打死夫命事據按察司呈詳該臣看得何逢

大打死蘇起潛也緣康熙二十八年十月十四

日起潛經過十九崗地方與黃有金買帽較論

價值因逢太強為評價交易未成以致起潛語

言構怨辱詈不堪逢太輒逞兇心拳毆心坎左

腰又拾柴棍打其左脇起潛趨避逢太怒追呼

令同街人劉保攔住而劉保石其因其混罵街

清忠堂奏疏 卷十 夫命一 土

坊亦各毆踢脊脊乳脇肩腿等處逢太復持棍

連擊頂心額角脚踢陰囊登時殞命且攬其買

帽費錢歷審傷符供確各犯招認不諱何逢太

雖自行投到損傷於人不在自首之律又本與

人鬪毆因而竊取財物有殺傷者各從故鬪論

按以故殺斬抵不枉劉保石其毆無兇器律以

餘人滿杖遇熱審杖等折責允宜賍錢二千文

照追給領既據該司招解前來經臣親審無異

理合具

題伏乞

敕下三法司核擬施行康熙二十九年五月初七日

題六月十六日奉

旨三法司核擬具奏該刑部會同院寺會看得何逢

太打死蘇起潛該撫歷審各自認情具查律內

本與人鬪毆因而竊取財物有殺傷者各從故

鬪論等語何逢太合依故殺者斬監候律應擬

清忠堂奏疏

卷十 大命二

五

斬監候秋後處決劉保石其同毆而無兇器合

依餘人律各杖一百遇熱審減等杖九十各折

責三十五板何逢太所得之錢向伊家樹名下

追與已死蘇起潛之妻李氏可也等因康熙二

十九年六月二十二日題二十四日奉

旨何逢太依擬應斬著監候秋後處決餘依議

余成用招擬

題為究雪父冤事據按察司呈詳該臣看得余成

用之扎死李毓蒼也因成用批承江浦銀河鹽

埠康熙二十八年十月二十三夜帶同小販往

外巡緝私鹽有麥錫昌夜赴黃鼎隔沙埠向李

毓蒼買引尾鹽七十斤應有盤詰商免毓蒼喚

同李佩輝挑送偕行路遇余成用等要截麥錫

昌當時奔脫李佩輝為孔伯振捉縛旋即解放

清忠堂奏疏

卷十 父冤一

四

李毓蒼被余成用鎗傷兩腿倒地復置棚其頭

門立時殞命經縣次第根究得獲真兇驗傷符

合歷審招解成用自認情真各犯供吐甚確余

成用應擬故殺斬抵勞日秦孔伯振方亞九劉

炳生李祇仲執有兇器俱未下手羅亞成同行

不即阻救各照餘人滿杖麥錫昌負夜越買啓

幾子以重杖遇熱審各照減等折責既據該司

招解前來經臣親審無異理合具

題伏乞

勅下三法司核擬施行康熙二十九年六月初一日

題七月十一日奉

旨三法司核擬具奏該刑部會同院寺會看得余成

用扎死李毓蒼該撫歷審自認情真余成用合

依故殺者斬監候律應擬斬監候秋後處決勞

日秦孔伯振方亞九劉炳生羅亞戊李禎仲俱

合依餘人律杖一百遇熱審減等杖九十各折

清忠堂奏疏

卷十

父寬二

圭

責三十五板麥錫昌起彙合依不應重律杖八

十遇熱審減等杖七十折責二十五板等因康

熙二十九年七月二十日題二十二日奉

旨余成用依擬應斬著監候秋後處決餘依議

請豁吳川縣荒殘錢糧

題為瀝陳田荒民困實情額請援

詔保題以廣

皇仁以救民命事據布政司呈詳該臣看得高州府

屬吳川縣先遭逆鎮變叛荼毒生靈繼被海寇

盤踞焚劫殺擄男婦半畜於鋒鏑老少半喪於

溝渠更加天災疫癘死人流離以致丁絕田荒

歷年錢糧無徵經前撫臣李士楨將傷殘慘苦

清忠堂奏疏

瀝陳一

情形并康熙十八九二十一年無徵銀米

彙疏

請豁因部覆不允前撫臣屢檄督追迨臣蒞任又復

飭催隨據該縣備陳無徵疾苦造冊請蠲臣嚴

行批駁乃司道府縣堅以土滿人凶無從追徵

惟有束手待斃之語始終哀籲

題蠲臣以錢糧重務不敢輕信隨批藩司一面仍

照部駁追徵一面委令該縣將荒亾地丁逐村

查勘嗣據該縣勘明冊報臣復因同案部駁令
浦等屬既經陸續徵完豈吳川獨難追徵恐有
隱熟情弊復委高州府知府金祖彭親往察勘
據稱勘得西北西南等都果係村落坵墟滿目
蓬蒿數十里絕無人烟卽間有旋歸開墾者工
本力尚難繼惟恐追其積逋率皆削削哀號訴
求寬免蓋當日傷殘實惟吳川最甚無徵銀米
亦惟吳川最多原難與合浦等屬可以墾復補

清忠堂奏疏

源陳二

徵全完者比金無隱熟情弊將節年拋荒地
逃丁丁口與無徵銀米各數分晰造冊出具如
虛甘罪印結呈送

請蠲臣又因前撫臣具

題止康熙十八年至二十一年正項銀米今將物
料等銀亦行造入且將二十七年以前無徵銀
米稟請蠲豁并查二十二三四等年無徵米石
與二十三年無徵銀兩俱稱捐墊及查限滿冊

內又無捐墊字樣恐有已徵擅報之弊復批藩
司移委肇高廉羅道胡永亨前往察勘去後今
據布政使張建績呈稱該道親行覆勘該府前
次勘報無徵銀米俱係的確實數金無他弊卽
物料溢價等銀在前次題

清忠堂奏疏

源陳三

報因不作考成未經彙入疏內然總屬地丁無徵
之項歷年未完參冊可稽金非今日捏報至該
縣荒亾地丁從前既未除豁則無徵銀米自然
年積一年若再不爲蠲免累欠有何抵止是二
十七年以前逋欠正雜銀米均應一并

請豁再查二十二三四等年捐解銀米在限滿案內

雖未聲明但實係從前各官因考成緊急勉力
捐賄如有他弊後官豈肯代爲捏註將康熙十
八年起至二十七年止荒亾田地丁口除陸續
墾復捐解外共無徵銀四萬二千四百七十兩
二錢三分一釐零無徵米四千一百三十八石

七斗七升一合零按年分晰造冊堅稱萬無可
追俱出其不扶印結請翻前來臣查此項積通
轉輾駁察已無利義道府覆勘先後如一其爲
真荒實欠毫無可疑今冊開各年銀米已死者
無能復問在逃者畏累遠颺卽有一二招復之
民僅可勉納新糧若并追其十年積逋縱至敲
骨吸髓亦屬無益且恐仍竄他方不惟荒者終
荒而熟者亦轉爲荒

清忠堂奏疏

歷陳四

國計無補於毫末課額愈增其懸欠所以司道府
縣堅稱勢窮力竭無可如何實屬真情倘少可
如合浦等屬設法追徵則歷任縣令如秦松如
于隆吉等豈不以功名自愛誰肯甘心革職現
今道府各官踏勘少有他弊亦必不肯出具如
虛甘罪印結卽臣沐

皇上洪恩既不能爲

國裕課亦焉敢日昧

請闕實因經徵者追比無民督追者措施無策萬不
得已而爲上責

宸聰之計倘部臣以錢糧重大仍未議蠲則惟有年
年帶徵歲歲叅處逋負愈多考成愈重將來縣
令如同傳舍荒土終成石田年日以深欠日以
積徒懸不結之案終成無著之賦久後不至於
邀

皇恩蠲免不止此臣再四籌度又不得不以究竟之

清忠堂奏疏

歷陳五

勢重陳於

君父之前我

皇上澤過九垓仁覆萬邦連年蠲免各省舊逋新糧

動輒數百萬皆天率土感戴

隆恩亘古未有今海徼殘黎無徵積逋淹累多年臣

謬膺重寄此等疾苦察勘既真老不據實

奏請負我

皇上惠愛元元至意何以盡職守而安寸心伏乞

皇上如天之仁將吳川縣康熙二十七年以前無徵銀米盡數蠲豁嗣後悉照現在丁田熟稅徵收俾臣設法招墾陞科從此流遺開風歸復積荒漸次開闢不特億萬姓沐

朝廷再生之恩卽千萬世亦頂頌浩蕩

皇仁於無既矣至康熙二十八年分無徵銀米仍俟

歲案案內查確造報合併聲明除冊結揭送部

科外臣謹會同兩廣總督臣石琳合疏具

清忠堂奏疏

源陳六

題伏乞

勅下該部議覆施行康熙二十九年六月初四日題

奉

旨已有諭旨了該部知道欽此案於康熙二十九年

七月二十一日准戶部咨為恭繳

上諭事內開奉

上諭

諭戶部朕撫育蒸黎勤求民瘼務期休養漸致阜安

閭閻間有疾苦朕衷時切軫念近見廣東高州瓊

州等府所屬州縣丁地各項錢糧歷年每致逋欠

此內係官役侵漁及豪強頑梗抗納者自應嚴究

追取如果因丁缺地荒不能輸納倘仍行徵比照

例考成小民既困追呼有司復罹叅罰徒滋擾累

終無裨益若該督撫將實係戶口稀少田畝荒蕪

一切係賦無從辦納州縣歷年所欠錢糧數目詳

加察明具奏爾部卽遵諭行特諭

清忠堂奏疏

源陳七

康熙二十九年秋審

題為恭

酌定

朝審秋審分別之例以廣

皇仁事據按察司呈詳該臣等會看得粵東秋審十

案一起王瑞昂因族人王宗美與李瓊權爭水

被毆王卓卿主謀卓瑞昂等尋毆李姓之人適

見李浩源趕集回家瑞昂首先執棍奮擊浩源

清忠堂奏疏

卷十

秋審一

壹

腦後心坎等處立時畢命覆審自認情真一起

黃向辰因與黃穀集爭樹小忿逞兇格鬪鎗殺

黃天球肚臍等處重傷身死向辰畏罪難追遂

思割死無服族叔黃四公抵賴哄令服毒復用

小刀戳死覆審自認情真一起黎見雄因欲奪

屈喬球婦孀劉氏舖屋喬球畏兇走避見雄持

禾鎗趕逐刺傷喬球右脇立時畢命覆審自認

情真一起趙應揀因趙已立爭論祖山應揀恃

強先用鞋底打已立左耳後拾石塊打其額門

腦後等處傷重殞命覆審自認情真以上王瑞

昂黃向辰黎見雄趙應揀四犯合照原招擬斬

應決一起周尚元因克惠州府庫吏康熙二十

六七兩年各屬解府錢糧共加收得平頭銀五

百兩覆審招認無異但據稱所得平頭銀兩為

本官備辦心紅紙帖油燭等項支用情有可原

一起蘓德芳因與妹夫陳士廣兩眷同居伊妻

清忠堂奏疏

卷十

秋審二

貳

明氏夢寐中似覺有人摸腿次早語之德芳致

疑士廣行姦心中懷恨後在舖對飲酒醉士廣

罵德芳懶惰欲收木銀觸動風忿藏菜刀砍死

陳士廣覆審招認無異但該犯先疑士廣行姦

繼因士廣醉罵觸動舊忿以致砍死士廣情有

可原一起鍾水錫因目認已故譚氏為母同鍾

仕進顏稱係鍾文相放火燒死捉詐文相父子

銀兩又此科死住因鍾仕進勒詐鍾文相鍾逢

年梁帝聖劉氏等銀兩山地房屋二犯聽從主使前去捉擊動手細打推倒帝聖媳婦廖氏墮胎覆審各宜認無異但鍾承錫雖係光棍爲從然當日不過倚附聲勢聽憑鍾仕進驅使今首犯仕進已正典刑鍾承錫情有可原以上周尚元蕙德芳鍾承錫三犯似應緩決至此科兆佳均係鍾仕進奴僕當日所行之事係聽伊主指使情有可矜一起田東因與羅憲中買雞爭價

清忠堂奏疏

卷十 秋審三

五

拳毆憲中心坎墮橋磕傷身死覆審自認無異但田東與憲中素無仇隙亦無毆死之心情有可矜一起黃亞保因胡宗岳捨其箔內之魚致亞保持槩奔擊適中宗岳耳根當即殞命覆審招認無異但亞保與宗岳原無夙怨亦無必殺之心情有可矜一起陳汝士因堂弟陳汝恆與洗宗相爭論地界汝士負鋤往勸宗相疑其計打揮拳先毆汝士用鋤還擊適中宗相願門是

晚殞命覆審招認無異但汝士初無毆斃之念亦無欲殺之心情有可矜以上兆科兆佳田東黃亞保陳汝士五犯俱屬可矜應否減等以廣皇仁統候部議既據該司會審備造各起招冊詳繳前來經臣公同覆勘無異除將各招冊揭送刑部都察院大理寺會核外臣謹會同兩廣總督臣石琳合疏具

清忠堂奏疏

卷十 秋審四

五

題伏乞

勅下三法司核覆

上請行臣等遵奉施行等因康熙二十九年六月十一日題奉

旨三法司知道該刑部等衙門會審分別情真緩決可矜於康熙二十九年九月二十日題二十二日奉

旨今年內外秋決著停止情真及緩決各案俱不必具題其情可矜疑者仍著照例具奏欽此除情真

周尚元王瑞昂黃向辰蘇德芳黎見雄趙應操
緩決鍾承錫兆科兆佳遊

旨不題外其可矜田東陳汝士黃亞保俱免死減等
僉妻流二千里至配所各折責四十板各犯名
下照律均追埋葬銀二十兩給付死者之家等
因康熙二十九年九月二十五日題二十七日
奉

旨這情有可矜田東等俱依議免死減等發落
清忠堂奏疏
卷十 秋卷五
七

清忠堂撫粵奏疏卷十一目次

遊

旨編輯全書等事 三請衛所屯田疏則

矜虎生生打死母命事 黎玉璫招擬

打死夫命事 鄧玉人招擬

督催帶徵錢糧等事 惠州府王瑛督催錢糧全

科舉事 文場解試題名錄

恭請

清忠堂奏疏
卷十一 目次
一

聖安等事 請安

恭謝

天恩事 謝免罰俸

強賊明火劫掠事 黎王煥等招擬

考試武舉事 文場解試題名錄

咨催事 謝受等銀請留本省充餉

報明事 汪祿招擬

打死弟命等事 楊登九招擬

活活打死女命事

曾梅招既

清忠堂奏疏

卷十一

日次

二

清忠堂撫粵奏疏卷十一

三請衛所屯田減則

題為遵

旨編輯全書告竣進呈

御覽頒行天下事據廣東都使司呈詳該臣看得粵

東衛所荒田原因地瘠糧重承墾無人曾經前

撫臣劉秉權比照民糧科則特疏題

允繼於報墾案内奉部駁查復經前撫臣李士楨以

清忠堂奏疏

編輯一

新墾地畝難供重賦再疏題

允在案後因部編全書駁令造入原則屢據衛所各

官備述屯丁困苦情形臣不得已又經兩疏具

題俱奉部覆以當日題

請之時暫照民田徵糧金未永行減除仍令照依全

書原則徵輸臣即轉行遵照并節次檄飭催徵

茲據都司杜邦珠呈稱衛所屯地全書開載雖

有每畝三斗之名實每米一石不過折徵銀三

錢四錢並未徵收本色故屯民相安樂輸至順
治九年因大兵四集糧食不敷始定每畝徵米
三斗之例實非順治九年以前折徵之原則今
額內熟稅因改折徵本之後尙苦辦納維艱而
新墾薄地責令照此重則徵輸窮佃萬萬難堪
仍請照依減則永遠起科前來臣思地上爲小
民養命之源衛所荒田苟少有利益必皆爭先
開墾以爲己業焉肯久使拋棄宜待前撫臣題

清忠堂奏疏 編輯二

請減則之後方始陸續就墾其爲瘠土而畏重課灼
然可知且明朝屯地原係寓兵於農每畝科米
三斗是以官田而起官租卽以官租兌給軍糈
屯丁率皆自食其力原非今日輸糧可比今部
臣以爲舊例槩令每畝三斗起科夫以瘠土收
獲每畝不過數斗若儘令輸之公家窮佃終歲
勤動不能遂其活計勢必棄地遠颺將來荒者
不能繼墾而已墾者恐復轉爲荒矣况粵省屯

地與民地同一版圖查民糧科則每畝二升三
升不等極重者每畝不過八升八合有零今屯
地每畝科米三斗較之民田相去奚啻十倍故
前撫臣以衛所極薄之地請照州縣極重之則
亦因念曠土懸糧不得已而爲此變通之計荷
蒙

恩綸兩次

俞允在案茲屢奉部駁仍照原則徵輸敢不祇遵但

清忠堂奏疏 編輯三

臣查衛所荒額現在未墾之地半多於報墾之
數正宜設法鼓舞與其執原則以阻繼墾之人
不如照減則以廣招徠之路與其加重課於已
墾之地徒成懸欠不如鼓輕科於未開之土反
收實効伏乞

皇上俯察屯地原與民地無二荒稅更與熟稅不同
將康熙十年以後開墾之地
恩准仍照兩次題

允每畝八升八合零之例永遠起科庶已墾者得以
安守恆產未墾者使其踴躍開耕不久地闢人
稠俾海徵屯丁得游於

堯天舜日之下頂戴我

皇上天高地厚之恩歷萬禩而勿斁矣除揭送部科

外臣謹會同兩廣總督臣石琳合疏具

題伏乞

勅部議覆施行康熙二十九年六月十六日題七月

清忠堂奏疏

編輯四

二十六日奉

上直該部議奏該戶部議覆臣等查得前據該撫朱弘
祚以屯地俱係低窪瘠瘠請照減則徵輸臣部
以前撫臣劉秉權題明照民田例徵糧俟荒地
成熟之日仍照屯田原則徵收並非永遠減除
且康熙十年以來開墾田地至今豈不成熟今
該撫不照屯衛全書原則起徵又不將節年未
完各官職名題參屢行題請仍照減則徵收不

合應行該撫仍照全書三斗原則徵收可也康

熙二十九年八月二十一日題本月二十二日

奉

旨依議

清忠堂奏疏

編輯五

黎玉瑄招擬

題為粉虎生生打死母命事據按察司呈詳該臣
 看得黎玉瑄強轄楊士烈到家學戲自寫假契
 於康熙二十三年十月內誑縣用印士烈因積
 久不放至康熙二十八年十月十二日徑自回
 家玉瑄隨其私逃於初九日喚同李貴芳老丘
 等親到士烈家替令何廣能將士烈鎖住帶回
 烈母吳氏救護伊子纏扭不休嗣怒玉瑄拔取
 木棍擊折吳氏手腕且掌嘴脚踢督令陳明典
 等擡至氏伯楊新家內又怒氏叫喊復用禾叉
 叉頸楊新見氏傷重難堪不敢收爾央懇撥回
 至二十七日殞命歷審傷証俱確黎玉瑄自認
 情實狡抵不托李貴芳老丘雖無封打然同行
 助惡應各照餘人滿杖何廣能陳明典等詳獲
 另結餘係無辜均行省釋電白縣陞任知縣強
 此統誤聽誑言用印相應附參但黎玉瑄假契

清忠堂奏疏

卷十一 粉虎一

六

瞞印輕罪擬

赦不議用印之官應否邀免并敘聲明聽部查議既
 據該司招解詳報前來臣覆查審無異理合具
 題伏乞
 勅下三法司核擬施行康熙二十九年七月十八日
 題九月初六日奉
 旨三法司核擬具奏該刑部會同院寺會看得黎玉
 瑄打死吳氏該撫歷審自認情真除黎玉瑄強
 佔楊士烈學戲等輕罪不議外黎玉瑄合依圖
 毆殺人者不問手足他物金刃金絞監候律應
 擬絞監候秋後處決李貴芳老丘合依餘人律
 應各杖一百折責四十板脫逃何廣能陳明典
 等獲日另結楊士烈應從黎玉瑄家斷出其電
 白縣陞任知縣強此統誤聽黎玉瑄誑言假契
 用印相應交與吏部議可也等因康熙二十九
 年九月二十七日題十月初四日奉

清忠堂奏疏

卷十一 粉虎二

七

旨黎玉瑄依擬應絞著監候秋後處決餘依議

清忠堂奏疏

卷十一 禘虎三

八

鄧玉人招擬

題為打死夫命事據按察司呈詳該臣看得鄧玉人打死丘孔喬一案緣鄧丘二姓住居同里緣河源新年陋俗彼此戲舞拳棒名為賣懶康熙二十九年正月初一日孔喬與玉人較勝玉人力不能敵持石擊中孔喬顛門偏左骨破血流脫逃未獲鄧上文以竹棍助毆孔喬左手腕及兩腳膝肋伊姪丘爵餘在場見孔喬受傷扶回調治至初八日斃命歷審雖無仇恨而致命傷真供証確本犯自認不諱鄧玉人絞抵不枉鄧上文緝獲另結餘審無辜均行省釋茲據該司招解前來經臣親審無異理合具

題伏乞

勅下三法司核擬施行康熙二十九年八月初五日
題九月十二日奉

旨三法司核擬具奏該刑部會同院寺會看得鄧玉

清忠堂奏疏

卷十一 打死一

九

人打死丘孔裔該撫履審自認情真邱玉人合
依共毆人因而致死者以致命傷爲重下手者
絞監候律應擬絞監候秋後處決脫逃邱上文
獲日另結等因康熙二十九年九月二十七日
題十月初四日奉

旨鄧玉人依擬應絞著監候秋後處決餘依議

清忠堂奏疏

卷七 打死二

十

惠州府王煥督催積年錢糧全完

題爲督催帶徵錢糧全完遵例報明仰祈題

請議敎事據布政司呈詳該臣看得粵東自兵燹之
後地方荒殘歷年錢糧均不能如額報完臣蒞
任之初緡閱各屬起存欠項積至十年多至數
十萬兩臣逐府清查內有官役乘機侵蝕者特
疏

題叅究追果有丁絕田荒實在無徵者委官確勘

清忠堂奏疏

督催一

另報如原係民欠尚可徵收者督令該管有司
設法勸輸禁其雜派緩其差徭使民各有餘力
陸續輸納今二年以來雖宿逋尚有然完欠款
項已覺漸次清楚州縣印官實心催撫如增城
縣知縣冉存異香山縣知縣勞可式德慶州知
州王基羣等各年錢糧內有俱全完者有歷久
無完今已漸次報徵者皆各催徵得法以致陸
續完解此俱有司中賢能之官但未合於定例

臣不敢上

請外今據布政使張建績呈稱惠州府知府王煥自

康熙二十八年四月二十六日到任甫及一載

督徵完歸善博羅等縣自康熙十八年起至二

十七年止未完起運存留備支均平物料溢價

盛課等項錢糧共銀二萬三十三兩八錢零將

已報部與俟限滿報部各數造冊詳請

題敘前來臣查督徵錢糧戶係知府分內應為之

清忠堂奏疏

督催二

事然該府王煥一年之內臣見其料理地方事

事修舉又將十年舊欠錢糧於一年之內督徵

完二萬餘兩洵為才能之員既現有定例相應

題明候部查敘不獨鼓勵勞員且使各屬觀感奮

勉將來積欠或可漸清皆出

皇仁激勸之典也既據該司呈詳前來除冊揭送部

科外臣謹會同兩廣總督臣石琳合疏具

題伏乞

勅下該部議覆施行康熙二十九年八月初五日題

九月十二日奉

旨該部議奏該戶部議覆臣等議得廣東巡撫朱弘

祚疏稱粵省自兵燹之後地方荒殘歷年錢糧

均不能如額報完今惠州府知府王煥自康熙

二十八年四月二十六日到任甫及一載督徵

完歸善博羅等縣自康熙十八年起至二十七

年止未完起存等項錢糧共銀二萬三十三兩

清忠堂奏疏

督催三

八錢零臣見該府王煥料理地方事事修舉又

將十年舊欠錢糧於一年之內督徵完銀二萬

餘兩洵為才能之員相應題明候部查敘以鼓

勞員等因前來查該撫既稱惠州府知府王煥

於一年之內將十年舊欠錢糧督徵完銀二萬

餘兩洵為才能之員相應交與吏部議敘可也

康熙二十九年九月二十五日題本月二十七

日奉

旨依議該吏部議得戶部疏稱廣東巡撫朱弘祚疏稱惠州府知府王煥到任一載將歸善博羅等縣自康熙十八年起至二十七年止未完起存等項錢糧督徵完二萬餘兩洵為才能之員相應題明交與吏部議敘等因前來應將惠州府知府王煥照例紀錄一次康熙二十九年十月二十日奉

旨依議

清忠堂奏疏

賢臣四

文場鄉試題名錄

題為科舉事准禮部咨該臣看得康熙二十九年庚午歲當鄉試之期臣恭逢

大典例應監臨於本年八月初六日入關率提調監試司道在至公堂齊集本省知縣及聘取官員欠公矢慎圖定各項執事將同考試官與正副主考送入內簾關防嚴密於初九日頭場十二日二場十五日三場考試諸生加意釐察內外

清忠堂奏疏

科舉一

肅清而正主考臣儀三劔副主考臣劉深與同考試各官晝夜較閱選正拔尤照依原定額數取中舉人梅遇夫等四十三名於八月二十五日揭曉仰副

皇上作人盛舉仍遵例取副榜八名准貢另行送部

今

大典既竣例應題

報遵將取中舉人姓名內外簾官職名三場題日

繕寫成冊理合并疏恭呈

御覽臣謹會同兩廣總督臣石琳合疏具

題伏祈

睿鑒施行康熙二十九年八月二十六日題奉

旨該部知道

清忠堂奏疏

科舉二

請安

奏為恭請

聖安仰祈

睿鑒順時調攝以慰臣民之望事竊惟我

皇上體乾行健應地無疆宵衣旰食念切民瘼酌古

準今研求治理且

皇上春秋鼎盛治化日新乘不息之機乘極盛之運

因非臣愚所能窺測然日御萬幾無遠弗届無

清忠堂奏疏

恭請一

微弗周近如直隸歲時少歉發帑蠲賦無一夫

不得其所及口外用兵措餉徵師握奇制勝無

一籌不出萬全具皆

宸衷獨運未免遐勞頃接閱邸抄聞

聖躬偶爾違和臣遠在天末踴躍無措寢食不遑旋

仰又接邸抄知

玉體業已全安不勝歡欣在

皇上聖不自聖勞不厭勞夙興夜寐孜孜無倦從來

如此至臣受

知最深沾

恩獨厚大馬依戀之忱朝夕恹恹不能暫已奈職守

攸緊不敢馳赴

闕下瞻仰

天顏誦差義男吳淳齋本恭叩

萬安伏願

皇上稍節憂勞順時調攝珍養

清忠堂奏疏

恭請二

聖躬用慰天下臣民之望臣不勝激切瞻仰之至謹

具奏

聞伏候

勅旨康熙二十九年九月十五日奏奉

旨該部知道

謝免罰俸

奏為恭謝

天恩事准吏部咨開議得戶部咨稱廣東未完康熙

十八十九二十二二十三二十四二十五

各年地丁錢糧及原參臨高縣革職知縣于起

鳳侵欺康熙十八年分地丁審實民欠銀所有

各案接督徵二年限滿未完不及一分巡撫朱

弘祚應交與吏部議處等因前來應將各案初

清忠堂奏疏

恭謝一

案未完不及一分之廣東巡撫朱弘祚每案照

例停其陞轉罰俸三個月戴罪督催康熙二十

九年六月二十一等日奉

旨朱弘祚從寬免罰俸欽此欽遵抄部送司相應移

咨前去欽遵施行等因各到臣准此除每案到

日恭設香案望

闕叩頭謝

恩外竊臣一介庸儒荷蒙

皇上天恩不次擢用填撫粵東在任已經二載督催

高瓊等府屬帶徵康熙十八十九二十二十一

二十二二十四二十五各年未完錢糧例應考

成具疏

題報部議每案罰俸三個月此臣催督無能以致

積年仍報未完大例所在夫復何詞乃蒙

皇上不重加譴責將各案罰俸概

賜寬免臣跪誦之下撫膺自問不知何修而遭此

清忠堂奏疏

恭謝二

異數也

天恩隆重敢不益加勉勵竭盡職守仰報

高厚於萬一且今高瓊等府歷年通欠又蒙

皇上特諭將實係戶口稀少田畝荒蕪州縣歷年所

欠錢糧詳加察明具奏欽奉

上諭之日萬姓歡呼官民稱慶此

皇上如天之仁振古所未有臣現遵細加詳察如果

丁缺田荒實在無徵者另疏具

題其尚可以徵收者臣當加意勸輸完報外所有

微臣下悃理合恭疏奏

謝伏乞

睿鑒施行康熙二十九年九月十五日奏奉

旨該部知道

清忠堂奏疏

恭謝三

黎王璣等招

題為強賊明火劫掠事據按察司呈詳該臣審看
得黎王璣黎雙料等打搶陽山縣犁頭嘴準商
吳人和鹽舖一案因吳人和賒鹽放債滾利剝
民以微逋未償強捉黎王璣之兄黎翹君等關
禁勒贖鄧亞明之弟鄧石高等傭工抵利黎雙
料之子黎亞奇等準折為奴或轉鬻他鄉更有
金有雄等本利已清仍指留原約種種積怨以

清忠堂奏疏

卷十一

強賊一

主

致黎王璣等商謀搶奪約黨勾徒於康熙二十
八年閏三月二十三日同夥共三十一人土人
徒手至埧黃國元等五人在村外等候黎王璣
等十六人先後進舖伴為算帳還銀纏擾至暮
僮人沈三等十人持械而至遂乘勢打搶土人
或焚燒票帳或放回人口金携帶零星器物僮
黨肆劫貲財至夜各散黎王化共謀合夥未有
同行亦未分贓歷經研審俱無遁情除黎先登

龍正際龍夢化審供後病故不議外黎王璣黎
雙料梁文元蔡成華馮亞四鄧亞明陳木生黎
王龍金有雄伍經舒黎王聘黎先春龍夢變黃
國元彭之偉張彩元彭之聰各按以強盜得財
律駢斬立決但因吳人和償折人口勒銀取贖
使骨肉化離情極搶奪且係白晝到埧金無執
持器械法固難縱情有可矜然亦不敢違例兩
議應否未減出自

清忠堂奏疏

卷十一

強賊二

主

皇仁黎王化照共謀不行又不分贓律滿杖蔽辜倪
廷俊扶同捏報不應重杖吳人和雖係失主其
強奪人口準折私債律應杖徒實為有罪犯人
病故無庸置議起出各物認明給領黎翹君等
俱已照例查給廖六等無辜釋放本案賊數原
報三十二名今審內有同謀未行者一名上盜
者實係三十一名已獲二十名未獲黎王弼沈
三等一十一名緝獲另結案內人犯陸續病故

四名承審各官係陽山縣知縣王永侯廣州府知府劉茂洛廣州府海防同知袁鈞按察司按察使李煒相應附參候部議既據該司招解前來經臣親審無異臣謹會同兩廣總督臣石琳合疏具

題伏乞

勅下三法司核覆施行康熙二十九年十月初八日
題十一月二十五日奉

清忠堂奏疏

卷十一 題賦三

五

旨三法司核擬具奏該刑部會同都察院大理寺會看得黎王璣等因吳人和債折人口勒銀取贖使骨肉化離情極商謀止奪準折伊等人口焚燬宗帳金無執持器械與從人沈三等持械打搶財物者不同不便照強盜已行得財之律擬斬立決黎王璣等合改依白晝搶奪人財物者不計贓杖一百徒三年為從各減一等並於右小臂膊上刺搶奪二字律黎王璣應刺字徒三

年至配所責四十板黎雙料梁文元蔡成華馮亞四鄧亞明陳木生黎王龍金有雄伍經舒黎王聘黎先春龍夢變黃國元彭之偉張彩元彭之聰應各減一等俱刺字徒二年半至配所各責三十五板黎王化共謀不行又未分贓倪廷俊扶同失主捏報俱合依不應重律杖八十各折責三十板吳人和強奪人口準折私債應照律治罪已經病故毋庸議黎魁君等俱各給親

清忠堂奏疏

卷十一 題賦四

五

完聚私債照律免追脫逃之黎王璣從人沈三等嚴緝獲日另結此案人犯病故四名承審之陽山縣知縣王永侯廣州府知府劉茂洛海防同知袁鈞按察使李煒均應交與吏部議可也等因康熙二十九年十二月初四日題初八日奉
旨依議

武場鄉試題名錄

題為考試武舉事准兵部咨該臣看得康熙二十

九年庚午歲當開科選武臣恭逢

大典例得監臨考試據布政司彙造到應試武生臣

查武舉以弓馬為重隨與提調監試司道矢公

矢慎逐名詳加較選於本年十月初六初七初

八初九日頭場考試馬箭初十一十二日二

場考試步箭再試開弓舞刀搬石俱皆合式於

清忠堂奏疏

考試一

十五日三場局開考試策論又擇文理明通者

摺依額數取中武舉人黃伯龍等四十名於十

月二十日揭曉相應題

報謹將取中武舉人姓名并執事各官職名頭場

二場馬步中箭開弓舞刀搬石各數目三場策

論題目繕寫成冊理合并疏恭呈

御覽至武場試卷業准兵部咨停其解部磨勘合并

聲明臣謹會同兩廣總督臣石琳合疏具

題伏乞

睿鑒施行康熙二十九年十月二十三日題奉

旨該部知道

清忠堂奏疏

考試二

賍變等銀請留本省充餉

題為咨催事據布政司呈詳該臣看得粵省額徵地丁正雜錢糧與鹽課開橋廠稅等項銀兩每年撥支通省官兵俸餉或有不敷尚需鄰省協濟今歷年追完侵那并雜項賍罰等銀准刑部咨行催解臣轉檄飭催據布按二司會詳以粵省追完各官侵那存剩未用銀兩與賍變等銀均係

清忠堂奏疏

咨催一

朝廷錢糧總凡餉用若每年完留廣東支銷雖為數不多然在本省可免解送官役往返長途水脚之費在鄰省撥協既減亦可省夫船解運之煩且使官兵按期支領事屬甚便經臣批行查明業造確冊詳報茲據布政使張建績呈稱追完各官侵那錢糧除奉部撥充兵餉及已列入各該年奏銷四柱冊內註明存貯候撥并業於康熙三十年會計估餉冊內報部請撥毋庸開

列外所有追完原案化州革職知州沈德琅侵

那錢糧現今存剩未入四柱冊報請撥充原案

信州革職知州趙德弘博羅縣革職知縣董海

各侵那案內追完銀兩俱現存剩未用又臬司

造報存貯應解各案賍變通共銀七千四百八

十八兩一錢三分零相應題

請留支本省兵餉嗣後止將追完賍贖數目造冊咨

報戶刑二部聽刑部核明移交戶部撥餉充用

清忠堂奏疏

咨催二

承以為例洵為便益統候部議既經該司造冊

呈詳前來除冊揭送部科外臣謹會同兩廣總

督臣石琳合疏具

題伏乞

勅下該部議覆施行康熙二十九年十月二十八日

題奉

旨該部議奏欽此該刑部議得查一應官役贓俸侵

欺那賍變贖銀等項銀兩或有充兵餉者臣

部俱知照戶部撥充兵餉並未有不撥充兵餉
所題之處毋庸議可也等因康熙三十年正月
二十二日題二十四日奉
旨依議

清忠堂奏疏

卷三

汪祿招擬

題為報明事據按察司呈詳該臣看得汪祿刺傷
田應浩致死一案緣浩塔袁朝盛借欠汪祿銀
兩無償康熙二十九年三月十八日祿往取角
口輒拔所佩小刀刺傷朝盛左耳應浩為塔赴
救抱住祿腰諫祿力圖脫身傷及應浩小肚當
晚畢命該縣驗審因汪祿供係在京旗人詳報
到臣經臣咨准部覆令速審擬具題行據按察
司研訊雖向無仇恨事出倉卒非有成心然傷
真証確歷審本犯自認無辭汪祿絞抵不枉查
係在京正紅旗牛錄汪世舉家人金非滿洲及
另戶之人應當本省監候正法其懺轉到粵人
資於梁嗣柱家為婿罪在媒保劉謝吉第謝吉
已經物故又汪祿圖毆之際口稱旗人即據甲
長人等擊首且據該犯供非私逃梁嗣柱及鄰
佑地方官均無庸議外娶之妻梁氏并所生幼

清忠堂奏疏

卷十一

報明一

三

女招弟俱應解京給主袁朝盛原欠銀二兩六錢照追給與祿妻梁氏收領羅成先劉文玉無辜免提係皆首釋至旗人違例出境伊主汪世舉聽部查訊另奪茲據該司招解前來經臣親審無異理合具

題伏乞

勅下三法司核擬施行康熙二十九年十一月初四日題十二月十四日奉

清忠堂奏疏

卷十一 報明二

呈

旨三法核擬具奏該刑部會同都察院大理寺會看得汪祿刺死田應浩該撫歷審自認情真汪祿合依凡鬪毆殺人者不問手足他物金刃並絞監候律應擬絞監候秋後處決其保汪祿人費於梁嗣柱家為質作媒之劉謝吉應治罪已經病故毋庸議汪祿非係私逃鄰佑甲長及地方官均毋庸議汪祿係汪世舉白契所買之人其外婆之妻梁氏併所生女兒招弟俱斷出為民

袁朝盛原欠銀二兩六錢照追給與祿妻梁氏收領再汪祿違例出境伊主汪世舉應議罪但已經病故亦毋庸議可也等因康熙三十年二月二十二日題二十四日奉
旨汪祿依擬應絞著監候秋後處決餘依議

清忠堂奏疏

卷十一 報明三

呈

楊登九招擬

題為打死弟命叩天驗債事據按察司呈詳該臣

看得楊登九之毆傷許仲英致死也因登九與

兄登仲仇催鹽課於康熙二十九年四月二十

四日同至許道寬家適寬他出伊弟仲英在祠

讀書登九等與其端坐無禮登仲攘臂先毆仲

英額鼻鼻樑登九拾取柴棍連擊仲英肋乳右

腿三傷雷珍奪棍救阻仲英傷重越至五月十

清忠堂奏疏

卷十一 第命一

五

四日身死歷審本犯自認不諱傷証金確楊登

九下手拘車縱抵奚辭楊登仲審無兇器擬以

餘人滿杖併俱省釋茲據該司招解前來經臣

覆審無異理合具

題伏乞

勅下三法司核擬施行康熙二十九年十一月二十

五日題三十年正月二十一日奉

旨三法司核擬具奏該刑部會同院寺會看得楊登

九毆死許仲英該撫歷審各自認情真楊登九

合依共毆人因而致死者以致命傷為重下手

者絞監候律應擬絞監候秋後處決楊登仲合

依餘人律杖一百折責四十板等因康熙三十

年二月初七日題初九日奉

旨楊登九依擬應絞著監候秋後處決餘依議

清忠堂奏疏

卷十一 第命二

諸

會梅招擬

題為活活打死女命事據按察司呈詳該臣看得

會梅毆死繼妻麥氏一案緣康熙二十九年二

月內麥氏父故攜帶幼子奔喪三月內其子出

痘身死五月十四日氏返夫家病姑黃氏痛惜

凶孫梅亦積忿於中迨次早鷄鳴時候梅欲往

外傭工適麥氏炊飯稍遲觸恨逞兇輒持荆木

箠柄毆傷致斃歷審自認情真傷供金確惟堅

清忠堂奏疏

卷十一 女命一

五

稱平素不和時相打罵金無必死之心會梅紋

抵允宜餘係牽連俱仰省釋茲據該司招解前

來經下親審無異理合具

題伏乞

勅下三法司核擬施行康熙二十九年十一月二十

一日題三十年二月初三日奉

旨三法司核擬具奏該刑部會同院寺會看得會梅

毆死伊妻麥氏該撫歷審自認情真會梅合依

凡夫毆妻致死者絞監候律應擬絞監候秋後

處決等因康熙三十年二月十八日題二十日

奉

旨會梅依擬應絞著監候秋後處決

清忠堂奏疏

卷十一 女命二

美

清忠堂撫粵奏疏卷十二

遵

旨編輯 四次衛所屯田減則

白日謀殺 伍象麟謀死李家昌招擬

打死第命 馮文運等殺死何仕高招擬

查參虧缺 佟國瑞侵蝕銀米限內通完

打死男命 藍廣生打死王癸長招擬

恭繳

清忠堂奏疏 卷十二 目次

上諭 請豁免各州縣無徵錢糧

查參虧空 朱始興縣魏琪虧空錢糧

打死父命 朱值李雷州同知裴國偵等承審遲延

報明帶徵 德慶州知州王基鼎請收

特參貪婪 華職知縣劉在銓等招擬

特參貪婪 華職知縣劉士麒等招擬

特參貪婪 劉文龍等招擬

殺死夫命 朱廣州府劉茂濟承審遲延

前官虧空 朱瓊山縣佟世南虧空錢糧

清忠堂奏疏 卷十二 目次

二

清忠堂撫粵奏疏卷十二

四請衛所屯田減則

題為遵

旨編輯全書告竣進呈

御覽頒行天下事據都使司呈詳該臣看得衛所新

墾荒屯每畝仍照八升八合有零起徵臣三經

具

題部議康熙十年以來開墾田地至今豈不成熟

清忠堂奏疏

卷十一 編輯

應仍照三斗原則徵收事關賦稅既經部覆臣

何敢再為資

請隨嚴行都司衛所各官遵照追徵去後金復屢次

飭催今據都司杜邦琛又具詳稱粵省州縣皆

有荒田開墾成熟不過一二三升不等起科而

屯田獨徵三斗二斗一斗五升不等科則懸殊

無人承墾是以前撫臣劉秉楨請照民糧重則

八升八合零起徵部覆依荒屯開墾成熟所稱

之人得所該撫具題之日仍照屯田舊例徵輸

從此十餘年來招徠開墾者共計一千二百七

頃零未墾者仍有二千三百三十四頃零是現

在荒屯尚未盡墾成熟即向日遷逃屯丁亦未

盡得來歸今屢責官弁督飭盡數開墾又復令

其三斗加徵窮民趨輕避重情理之常倘復棄

田別就不但未墾者無人承認即已墾者恐復

荒廢而屯糧益無所出仍請照減則科徵并稱

清忠堂奏疏

編輯二

現在屢經

題請未便即以各官未完報案前來臣查新墾荒

屯地上瘠薄多不及民產而科則反數倍于民

糧窮丁節次呼籲實難照舊則完輸且現今屯

荒既未盡墾成熟屯丁又未盡來歸縱令加徵

日事敲扑終屬無益合再仰懇

皇恩將已墾屯田仍照前撫臣劉秉楨

題允八升八合零之例徵收一面行令各衛所設

法招徠統飲荒屯盡墾成熟之日酌量可以加徵者另行疏

請徵收庶使窮民稍得寬展則荒土漸闢而糧額亦不致久缺矣既據該司具詳前來臣謹會同兩廣總督臣石琳合疏具

題伏乞

勅下該部議覆施行康熙三十年二月十七日題三

月二十六日奉

清忠堂奏疏

編輯三

旨該部議奏欽此戶部等查得廣東巡撫朱弘祚疏稱衛所新墾屯地部議仍照原則徵收臣查屯地瘠薄而科則數倍于民糧窮丁實難完輸懇將已墾屯田仍照八升八合零之例徵收俟荒屯盡墾成熟之日酌量加增等因前來查衛所屯地係徵租官地每畝徵米自一斗至三斗不等科則刊載全書原任巡撫劉秉權請暫照民田科則徵輸俟屯田成熟仍照原額徵收金非

永遠減除且康熙二十三年原任工部尚書杜

臻等清查廣東衛所田地巡撫李士楨題報開

墾之地俱照全書原則徵輸在案先據該撫朱

弘祚仍請照減則徵收臣部議覆自康熙十年

以來開墾田地至今豈不成熟該撫金不將節

年未完各官題奉行令仍照原則徵收去後今

該撫不將康熙十年以來開墾年久成熟田地

照屯衛全書徵收又不將未完各官題奉因循

清忠堂奏疏

編輯四

至今乃稱地土瘠薄科則數倍于民糧屢行請仍照減則徵收不合應仍行該撫自康熙二十五年起至今每年少徵米二萬餘石其少徵米十餘萬石連行按年照數補徵報部如有未完即將督徵經徵各官指名題奉可也等因康熙三十年四月初七日題本月初九日奉

旨依議

伍象麟謀死李家昌招擬

題為白日謀殺乞天迅臨驗雪事據按察司呈詳

該臣看得伍象麟謀死李家昌一案緣康熙二

十九年五月二十二日家昌渡河糶米午候回

歸與象麟先後同憩于赤岡塔下家昌倦睡露

出銅錢三百五十文象麟窺見遂生覬覦之心

揮鋤狠擊家昌眼胞腦後胸膛等處立時畢命

攜錢遁歸先有伍與所等在田刈草望見二人

清忠堂奏疏

卷上

謀殺一

五

前後上塔及渡夫往見血跡輾轉跟究得獲真

兇歷經研訊傷供命確伍象麟依謀殺人得財

律斬決不枉現賍給主餘俱省釋既據該司招

解前來經臣親審無異理合具

題伏乞

勅下三法司核擬施行康熙二十九年十二月十七

日題康熙三十年二月初三日奉

旨三法司核擬具奏該刑部會同院寺會看得伍象

麟謀死李家昌該撫歷審自認情真伍象麟合

依凡謀殺人因而得財者同強盜不分首從論

皆斬律應斬立決伍與所等審不知情應行省

釋所獲之錢給主收領可也等因康熙三十年

二月十八日題二十日奉

旨伍象麟著即處斬餘依議

清忠堂奏疏

卷上

謀殺二

六

馮文運等毆死何仕高招擬

題為生生打死命事據按察司呈詳該臣看得

馮文運等與何仕高素無嫌怨緣康熙二十九年五月初六日文運妻舅王大齒同那啟發鳴

踐食仕高田禾仕高撞獲往訴里排迫大齒願

賠稻穀遂爾中止乃文運先見那啟奔報輒同

那啟前赴槐雷文魁文昇後亦隨往適途遇仕

高騎牛而回互相角口文魁因見仕高語言不

清忠堂奏疏 卷十一 第命一 七

遜即從牛上拉下文運逞兇揮拳先毆胸臆後

復毆傷脊背文昇那啟助毆右額兩臂以致仕

高受傷至二十二日身死歷審傷供金確各犯

自認不諱馮文運先後下手致命重傷絞抵奚

辭馮文魁馮文昇各照餘人滿杖王大齒放鴨

起獄合以不應杖做那啟斬獲另結餘俱省釋

茲據該司招解前來經臣親審無異理合具

題伏乞

題伏乞

勅下三法司核擬施行康熙三十年二月二十四日

題四月初六日奉

旨三法司核擬具奏該刑部會同都察院大理寺會

看得馮文運等毆死何仕高該撫歷審各認情

真馮文運合依共毆人因而致死者以致命傷

為重下手者絞監候律應擬絞監候秋後處決

將何仕高從牛上拉下之馮文魁助毆之馮文

昇俱無兇器各依餘人律杖一百折責四十板

清忠堂奏疏 卷十一 第命二 八

起獄之王大齒合依不應重律杖八十折責三

十板那啟獲日另結等因康熙三十年四月三

十日題五月初六日奉

旨馮文運依擬應絞著監候秋後處決餘依議

修國瑞侵蝕銀米限內通完

題為查奏虧缺錢糧事據布按二司呈詳該臣看

得原運平州革職知州修國瑞任內徵貯未解

未支康熙二十五六七年地丁錢糧降罰係積

贖等銀本色米康熙十九等年捐積穀石經臣

題參究除先完解二十五年降俸二十六年積

贖銀三十五兩歸還原項外審實國瑞名下侵

蝕及未完降罰係稅契銀共二千六百九十七

清忠堂奏疏

卷十一 侵蝕一

九

兩六錢六分三厘零米二百四十三石五斗三

升零担捐未交積穀一千六百九十六石二斗

七升零又借給貧民領去未還穀五百六石五

斗二升零照例擬罪具

題部覆修國瑞依侵盜錢糧入已數滿三百兩例

擬斬係旗人解部如果限內通完免死枷號

三個月鞭一百如過期不完仍依例擬斬監候

秋後處決所侵銀米穀石照追還項等因經臣

依限飭催茲據布政使張建績按察使劉元勳

會詳催按該府州於部文行回三箇月限內追

完修國瑞解司還項銀二千五百九十五兩一

錢三分五厘零又追完在州支給康熙二十七

年役食庫糧膳夫銀一百二兩五錢二分七厘

零追完貯州倉本色米二百四十三石五斗三

升二合零担捐未交及民欠穀二千二百二石

八斗數有餘收到司查驗是原參修國瑞侵欺

清忠堂奏疏

卷十一 侵蝕二

十

銀米穀石今俱已照限通完補還原項與免死

減等律例用符相應具

題候部議覆將修國瑞解部發落既據該司呈詳

前來臣謹會同兩廣總督臣石琳合疏具

題伏乞

勅下該部議覆施行康熙三十年二月十七日題三

月二十六日奉

旨該部知道該刑部議得先據廣東巡撫朱弘祚詳

連平州革職知州佟國瑞侵蝕錢糧一案擬罪
具題本部等衙門將佟國瑞侵蝕銀米穀照律
限三箇月內追完免死減等充軍如過期不完
仍依例擬斬監候秋後處決等因具題奉

旨咨行該撫在案今該撫疏稱佟國瑞侵蝕銀二千
六百九十七兩六錢六分零米二百四十三石
五斗三升零穀一千六百九十六石二斗七升
零俱於限內全完補還原項與免死減等之律

清忠堂奏疏

卷十一 侵蝕三

十一

相符應將佟國瑞照例免死減等充軍係旗下
人應解部不准折贖枷號三箇月鞭一百係貪
官永不敘用等因康熙三十年四月初十日題
十二日奉

旨依議

藍廣生打死王癸長招擬

題為活活打死男命事據按察司呈詳該臣看得
藍廣生與王癸長素未謀面於康熙二十九年
七月初五日渡頭偶遇癸長醉後登舟適以扁
挑誤撞廣生乃廣生輒逞兇拳連毆一十三傷
楊亞保亦從傍助力毆傷一十二處何甲滿暨
同渡諸人咸畏風浪傾舟莫能力救以致癸長
遍體鱗傷登時殞命歷審傷符証確二犯招認

清忠堂奏疏

卷十一 男命一

十一

無辭查先後下手重傷皆首禍之藍廣生按律
絞抵不枉楊亞保毆有重傷審無兇器滿杖蔽
辜何甲滿供明釋寧既據該司招解前來經臣
親審無異理合具

題伏乞

勅下三法司核擬施行康熙三十年二月二十四日
題四月初五日奉

旨三法司核擬具奏該刑部會同都察院大理寺會

看得藍廣生等毆死王癸長一案該撫歷審各
 自認情真藍廣生合依共毆人因而致死者以
 致命傷爲重下手者絞監候律應擬絞監候秋
 後處決楊亞保毆有重傷審無兇器合依除人
 律杖一百折責四十板可也等因康熙三十年
 四月十七日題二十日奉
 旨藍廣生依擬應絞著監候秋後處決餘依議

清忠堂奏疏
 卷十一 男命二
 主

請豁免各州縣無徵錢糧

題爲恭敷

上諭事據布政司呈詳該臣看得粵東自昔兵燹之
 後地方半被荒殘錢糧催解不前臣蒞任之初
 檢查各屬舊逋多至三十餘萬新欠復繁紫日
 增且冊籍混淆頭緒紛如亂絲臣逐年按款察
 核一面禁革雜項火耗分別緩急鼓舞勸輸今
 三年以來如惠州一府積欠全清廣州肇慶等
 府所屬香山增城高明四會等縣亦俱各報完
 又如德慶一州故稱荒瘠難徵之地而知州王
 基鞏亦已催補全完現在逐案

清忠堂奏疏
 卷十一 豁免一

請復再有從前官役侵漁那用如連平州知州修固
 瑞開平縣知縣王言粹揭陽縣知縣鄭源樂呂
 縣知縣程敏山縣知縣茹鉉信州知州楊煜
 瓊州府知府修湘年同知潘廷侯等俱各
 題察究追在案其餘各屬未完初參覆參雖按例

限具

題其實皆係荒絕無徵窮民積欠難完之數尚蒙
恩諭高州瓊州等府所屬州縣將實係戶口稀少田
畝荒蕪一切徭賦無從辦納歷年所欠錢糧數目
詳加察明具奏欽此臣遵卽通行各府屬確查去
後又復嚴諭該管各官遇此

曠典斷不可有負

聖恩然錢糧關係

清忠堂奏疏

豁免二

國賦尤不許絲毫草率細加詳查駁核再四茲據
布政司張建績呈稱除各屬歷年未完脩支等
項細查可以完輸并二十八年未完年月尙近
者仍行照數催徵外查高州府屬吳川縣并瓊
州府屬臨高澄邁二縣自康熙十八年起至二
十七年止除續捐完外尙共未完銀一十一萬
三千九百八十五兩七錢六厘零米四千一百
三十八石七斗七升一合零先於滌陳田荒民

困及海疆傷殘等事二案內屢經

題報無徵今再查有臨高縣康熙十八年于起以
案內審實民欠及吳川臨高澄邁三縣康熙二
十八年奏銷冊內造報無徵共銀一萬四千六
百四十二兩二錢一分八厘零米四百七十六
石九斗一合零通共銀一十二萬八千六百二
十七兩九錢二分五厘零米四千六百一十五
石六斗七升二合零實係戶口稀少田畝荒蕪

清忠堂奏疏

豁免三

係賦無從辦納之數相應仰請
皇恩照數豁免以後三縣錢糧自康熙二十九年
起
徑照實在熟額徵收
奏銷其荒蕪田畝積逋既除流遺自集容臣設法
招徠開墾照例另報陞科尙有高要開平化州
瓊山昌化五州縣自康熙十八年起歷年未完
并臨高澄邁二縣二十七年止當日不入荒冊
今查仍係無完共銀三萬九千一百三十一兩

九錢二厘零雖據各州縣申稱金非官役侵漁
及豪強頑梗抗納皆係窮民掛欠併請豁免但
查從前止報未完未會聲明難徵情由或尚有
可以完納之數臣再行司飭催倘實果無完另
疏陳

奏或因係窮民歷年所欠概予除豁此出自

皇上特恩非臣所敢擅請也臣再有請者吳川臨高

澄邁三縣十年之中為錢糧未完更換縣令多

清忠堂奏疏

豁免四

至十有餘員俱在海隅煙瘴之地貧窮入骨衣

食全無或至本身病故或有家口相繼死亡旅

櫬拋棄難歸實為慘傷夫有民賦可徵而不能

按額全完議革議降此

朝廷定例臣何敢多贅今吳川等縣各官多為地方

荒缺錢糧無人可問無戶可追以致節年不能

報完原非催徵不力况此十餘員中豈無才能

可使之人一旦無辜降革情有可憫如各年錢

糧仍行催徵臣亦不敢為各員實

請今高瓊二屬丁缺地荒不能輸納荷蒙

皇上特諭倘仍行徵比照例考成小民既困追呼有

司復罹參罰徒滋擾累終無裨益不但憐憫窮

民困苦積逋無完且念及有司各官考成受累

我

皇上至聖至明遠地臣民無不感激泣下今除別案

緣事及丁憂終養病故等員外所有降調知縣

清忠堂奏疏

豁免五

吳世規與先經

大計降調積為錢糧未完革職知縣于隆吉又革職

知縣秦松如楊希震彭士質劉培素大章各員

仰懇

天恩矜全

勅部查案專為錢糧未完降革者准賜照級開復內

中各員離任已久或又別有事故亦聽部臣查

明行令各官赴部改補至於吳川縣知縣楊希

震在縣實心任事才守兼優甚得民心奉文離任之日百姓閉門罷市號泣禁雷現有該道府報文可據且該縣新官尚未到任合請

睿鑒卽令楊希震復回本縣辦事庶官民相習已久不致更張殘邑自有起色吳川新任知縣仍令赴部改推臣爲邊海地方窮民及用人起見不得不一併

題明統候部議既據該司呈詳前來除冊結揭送

清忠堂奏疏

豁免六

部科查核外臣謹會同兩廣總督臣石琳合疏具

題伏乞

勅部議覆施行康熙三十年二月二十八日題四月

初七日奉

旨該部知道欵此戶部等查得廣東巡撫朱弘祚會同兩廣總督石琳疏稱粵東自兵燹之後地方荒殘錢糧催解不前荷蒙

恩諭臣道卽通行各府屬詳查駁核高州府屬吳川

縣瓊州府屬臨高澄邁二縣自康熙十八年起至二十八年止通共無徵未完銀一十二萬八千六百二十七兩九錢二分零吳川縣未完米四千六百一十五石六斗七升零實係戶口稀少田畝荒蕪無從辦納相應仰請照數豁免等因前來查康熙二十九年六月二十八日奉

清忠堂奏疏

豁免七

上諭高州瓊州等府所屬州縣將實係戶口稀少田畝荒蕪一切徭賦無從辦納歷年所欠錢糧數目詳加察明具奏欵遵在案今該撫將高瓊二府屬吳川臨高澄邁三縣節年未完銀米詳查實係戶口稀少田畝荒蕪徭賦無從辦納取具印結具題請免應將康熙十八年起至二十八年止從前未完銀米准其豁免仍行該撫出示曉諭里民知悉再查該撫疏稱吳川縣降調知縣吳

世焜等各員為錢糧未完降革者准其照級開復等語查吳世焜等既經降革離任應無容議可也等因康熙三十年四月二十三日題本月二十六日奉

旨依議

清忠堂奏疏

謝免入

奏始興縣魏琪虧空錢糧

題為查參虧空錢糧事據布政司呈詳該臣看得州縣印官首以錢糧為重徵收支解務宜清楚臣屢經嚴行申飭陸續查有侵混各官俱經具

疏

題參究追在案茲據布政使張建績呈稱始興縣病故知縣魏琪任內虧空康熙二十九年分地丁錢糧銀二千二百四十八兩八錢七分六釐

清忠堂奏疏

卷五 查參一

三

零又報收捐納監生米穀盤查共未上倉米入百石穀一千二百石明有侵那情弊臣現行按察司嚴提審擬具報外相應

題參究追以清款項既經該司呈詳前來臣謹會同兩廣總督臣石琳合疏具

題伏乞

勅下該部議覆施行康熙三十年三月初四日題四月十五日奉

旨該部嚴察議奏該戶部等議得始興縣病故知縣
魏琪任內虧空康熙二十九年分地丁錢糧銀
二千二百四十八兩八錢七分零又捐納米共
八百石穀一千二百石明有侵那情弊應行該
撫將虧空銀米穀石速行審明是侵是那情弊
具題到日再議可也等因康熙三十年四月二
十三日題本月二十六日奉

旨依議

清忠堂奏疏

卷十一 查參二

壹

參值季雷州同知裴國楨等承審遲延

題為活活打死父命事據按察司呈詳該臣看得
姜進鳳等致死顧彩英一案先據按察司詳報
經臣批行檢審招解茲據按察使劉元勳詳稱
本案自康熙二十九年六月二十二日告發起
應計至十二月二十二日限滿羅定州檢審招
擬於八月二十八日批解到司轉發值季官雷
州府同知裴國楨覆核確擬未據審解至十一
月十五日惠州府通判俞九成奉委值季接理
審報查因傷供不符復經批駁迄今例限已逾
雖扣除文武科場及歲暮封印日期逾限未及
一月但本案仍未完結將前值季官雷州府同
知裴國楨併現在值季之惠州府通判俞九成
各遲延職名分晰開報前來相應請參聽候部
議伏乞

勅部議覆施行康熙三十年三月初四日題奉

清忠堂奏疏

卷十一 遲延一

壹

旨裴國楨等著議處具奏該部知道該吏部議得廣

東巡撫朱弘祚疏稱姜進鳳等致死顧杉英一

案例限已逾仍未完結承審遲延之值季同知

裴國楨等指參前來應將值季雷州府同知裴

國楨惠州府通判俞九成照例各罰俸一年康

熙三十年四月二十九日奉

旨依議

清忠堂奏疏

卷十一 遲延二

重

德慶州知州王基華請敘

題為報明帶徵錢糧全完事據布政司呈詳該臣

看得粵省錢糧向來積欠甚多因由地方荒瘠

民困難完亦在有利催徵得法始能清楚臣屢

飭各屬收糧無論新舊當先寬民力使里甲毫

無派擾而後輸納自易數年以來除實係荒絕

無徵者業經另疏

請諮外其餘舊欠俱各漸次完報在案至於德慶一

清忠堂奏疏

報明一

州錢糧夙稱難完之地自知州王基華抵任多

方勸輸源源完解茲據布政使張建績呈稱該

州康熙二十二十一二十二二十五六七年共

未完地丁銀一萬一千八百四十七錢九釐

零王基華于康熙二十八年正月二十六日到

任至康熙二十九年十二月內盡數帶徵全完

陸續解司俱經逐案

題銷復案冊請敘前來臣查州縣徵解錢糧原係

有司職守何足爲異但王基鞏能于積困難完之地與民無擾經徵康熙二十八年分錢糧全完已經部議紀錄二十九年分錢糧亦經歲內全完另於奏銷冊內彙報今各年未完銀一萬餘兩又于二年內帶徵全完此誠催科中之能吏相應循例

題明候部查敘俾各屬知所奮勉皆出

皇仁激勸之典也既據該司造冊呈詳前來除冊揭

清忠堂奏疏

報明二

送部科外臣謹會同兩廣總督臣石琳合疏具

題伏乞

勅下該部議覆施行康熙三十年三月二十四日題

五月初六日奉

旨該部議奏該戶部等查得廣東巡撫朱弘祚疏稱

德慶州知州王基鞏帶徵未完康熙二十二

年一二二二二五六年地丁銀共一萬一千

八百四十兩七錢九釐零於康熙二十八年正

月二十六日到任至二十九年十二月二年內

盡數全完解司此誠催科中之能吏相應循例

題明候部查敘等因前來查該撫既稱德慶州

知州王基鞏於二年內將節年錢糧帶徵完銀

一萬餘兩相應交與吏部照例紀錄一次可也

康熙三十年五月十六日題本月十八日奉

旨依議

清忠堂奏疏

報明三

革職知縣劉在銓等招擬

題為特參貪婪縣令併老病監司以肅吏治事據
按察司呈詳該臣看得肇慶府高要縣知縣劉
在銓若官不職縱竄婪贓經兩廣總督臣石琳
據揭列款會疏糾參奉

旨革職行臣究擬今據按察使劉元勳審擬招解前

來經臣覆加嚴審康熙二十八年十月內據梁

維貞告陳興望霸佔房屋在銓遇中驗契審係

清忠堂奏疏

卷士 貪婪一

无

維貞得價明賣斷歸興望管業審結之後興望

備銀二十四兩央劉永杰投謝永杰另得酬儀

二兩四錢各收入已在銓雖無枉斷但事後受

財罪實難免又里長梁標蟻戶內米少難當大

差且苦日疾不能料理查吏潘榮聯劉永杰乘

機恐嚇指稱本官簽拿以致梁標蟻畏難求免

勉湊銀二十兩錢二十千於康熙二十八年十

二月初六日親交榮聯永杰收受均分人已任

銓雖無染指失察是真又康熙二十九年五月

內在銓下鄉稽查保甲因保長何傑與稟報何

奇逢兄弟來歷不明不入排冊各責十五板原

為地方起見非曰徇私其受何傑與猪雞酒米

之餽價值四兩雖係供應食物實為有玷官箴

又康熙二十九年自正月至五月在銓家丁劉

四丁三把守宅門私索里長工食錢共一十二

千文二僕各分六千文人已又征比錢糧康熙

清忠堂奏疏

卷士 貪婪二

手

二十九年自二月開征起至五月差役私索里

長陋規黃高得錢四千人百文梁元得錢四千

二百文丘文得錢四千文雖賦數與原奏未符

而款証之質供無異在銓昏昧失察不能自解

劉在銓除失察受餽輕罪不議外合依凡官吏

有承行之事先不許財事過之後受財事不枉

斷者准不枉法論受一人之財不半科二十兩

律杖八十係貪官不准折贖潘榮聯劉永杰均

應照衙門盜役恐嚇索詐十兩以上者例并妻
子安插於奉天地方居住黃高粱元丘文均合
依凡在官人役取受有事人財以枉法計贓一
兩至五兩律杖八十無祿人減一等各杖七十
革役劉四丁三均合依凡監臨官吏家人於所
部內求索財物依不枉法一兩至十兩杖七十
減本官吏罪二等無祿人又減一等律各笞四
十贓各照追入官陳興望事後出錢何傑與魏
清忠堂奏疏 卷十一 貪婪三 五
送禮物俱合依不應得為而為之事理重者律
各杖八十陳興望年八十以上照例收贖陳標
陳福俱無詐贓劉遂蟾金非過付梁標蟾係被
勒索應與供明之何奇逢等一併省釋既據該
司招解前來經臣覆審無異理合具
題伏乞
勅下該部議覆施行再照本案扣除武關及封印日
期逾限未及一月合併聲明臣未敢擅便謹題

請
有康熙三十年三月二十四日題五月初六日奉
旨該部核擬具奏該本部看得高要縣革職知縣劉
在銓貪婪一案據廣東巡撫朱弘祚審擬安插
杖罪具題前來查梁維貞告陳興望佔伊房屋
審結之後劉在銓得興望謝銀二十四兩庫吏
劉永杰得銀二兩四錢錢更潘榮聯劉永杰指
稱發拿梁標蟾得銀二十兩錢二十兩均分入
清忠堂奏疏 卷十一 貪婪四 五
已何傑與稟報何奇逢兄弟排冊無名在銓各
賁十五板受何傑與猪雞等物價值四兩在銓
家丁劉四丁三私索里長等工食錢共一十二
千文各分入已差役黃高私索里長等陋規錢
四千八百文梁元得錢四千二百文丘文得錢
四千文該撫歷審各自認情真劉在銓除失察
衙役犯贓及受僇等輕罪不議外劉在銓合依
凡官吏事後受財事不枉斷者准不枉法論二

十兩杖八十律應杖八十遇熱審減等杖七十
 不准折贖折贖二十五板係貪官永不敘用請
 榮聯劉永杰合依衙門查役恐嚇索賄十兩以
 上者并妻子安插於奉天地方居住例應并妻
 子安插於奉天地方居住遇熱審減等徒三年
 至配所各責四十板黃高粱元丘文合依凡在
 官人役取受有事人財以枉法計贓一兩至五
 兩杖八十無祿人減一等律應杖七十遇熱審
 減等各折責二十板劉四丁三各依凡監臨官
 吏家人於所部內求索財物依不枉法一兩至
 十兩杖七十減本官吏罪二等律應各五十遇
 熱審減等免罪釋放陳興望何傑與合依不應
 重律杖八十遇熱審減等各折責二十五板但
 陳興望年八十以上照律收贖陳傑等審係無
 干無罪釋放賍各照追人官可也等因康熙
 十年五月二十六日題二十八日奉

清忠堂奏疏

卷五 貪婪五

五

旨依議

清忠堂奏疏

卷五 貪婪六

五

革職知縣劉士麒等招擬

題為特參貪婪縣令等事據按察司呈詳該臣看
得韶州府翁源縣知縣劉士麒因借民財任川
蠹役經兩廣總督臣石琳據揭列款會疏糾參
奉

旨革職行臣嚴提究擬今據按察使劉元勳審擬招
解前來經臣覆加嚴審如康熙二十九年正月

內楊夢祥鄧何崎告爭墳山士麒親行踏勘驗

清忠堂奏疏

卷十一 縣令一

五

明合同照依原議論息金無曲斷起墳之事惟
久經革役之楊鼎乘機索得夢祥備辦供應銀
六兩費用四兩尚餘二兩侵肥又指稱送官名
色誑騙銀一十二兩欺瞞入己士麒實無婪私
亦無收用供應又康熙二十八年八月內羅啟
新余士榮因砍樹築陂彼此互訐士麒審係口
角小事隨即釋遂原無受銀責打各供鑿鑿難
以懸坐又康熙二十九年二月內開徵錢糧里

戶楊逢吉何可興輸該管糧金非營幹惟派修

神祠衙宇共費銀三十二兩四錢士麒雖未經

手但科斂是真罪誠難道又康熙二十九年五

月內黃書長之妻龍氏因趙良璧勒賠魚本服

毒自盡書長控縣士麒差拘驗物終良璧係病

廢之人免監押驗事未審結委無賄徇情弊惟

差役鄭佐黃會索取良璧銀各三兩入己劉士

麒除失察衙役犯贓不議外其派修祠宇公費

清忠堂奏疏

卷十一 縣令二

五

一節合依凡有司官非奉上司明文因公擅自
科斂所屬財物雖不人已律杖六十已經此案
革職照例折贖俱免楊鼎不係在官人役取受
有事人財合依詐欺官私取財計贓准竊盜論
免刺一十兩律杖七十鄭佐黃會均合依在官
人役取受有事人財以枉法計贓科罪一兩至
五兩律杖八十無祿人減一等杖七十革役各
贓照追入官牽連人等分別釋寧供役既據該

司招解前來經臣覆審無異理合具

題伏乞

勅下該部議覆施行再照本案扣除武關封印日期

逾限未及一月合併聲明臣未敢擅便謹題請

旨康熙三十年三月二十四日題五月初六日奉

旨該部核擬具奏該本部看得翁源縣革職知縣劉

士麒貪婪一案據廣東巡撫朱弘祚審擬杖罪

具題前來查劉士麒因楊夢祥與鄧何麟爭告

清忠堂奏疏

卷三

縣令三

五

墳山士麒金無曲斷革役之楊鼎乘機索夢祥

供應銀六兩又指送官誣騙銀一十二兩入已

士麒派里長楊逢吉何可興修理神祠衙宇共

費銀三十二兩四錢黃書長告趙良璧逼死伊

妻差役拘審鄰佐黃會各得趙良璧銀三兩入

已該撫歷審各自認情真劉士麒除失察衙役

犯贓之罪不議外合依因公科斂所屬財物避

不入已杖六十律應杖六十查定例內凡官員

審無婪贓之處止擬私自加派公用科斂半贖

致罪者徒杖等罪折贖俱免等語劉士麒折贖

亦俱免楊鼎合依詐欺官私取財計贓准竊盜

論免刺一十兩杖七十律應杖七十遇熱審減

等杖六十折贖二十板鄰佐黃會均合依在官

人役取受有事人財以枉法計贓一兩至五兩

杖八十無贓人減一等律應杖七十遇熱審減

等杖六十各折贖二十板革役贓各照追入官

清忠堂奏疏

卷三

縣令四

五

可也等因康熙三十年五月二十一日題二十

七日奉

旨依議

劉文龍等招擬

題為特參貪婪縣令等事據按察司呈詳該臣看得湖州府揭陽縣知縣李大成貪庸不職加派營私經兩廣總督臣石琳據揭列款會疏糾參奉

旨革職行臣嚴提究擬積因李大成在湖患病難以起解於康熙二十九年十一月十三日病故經

臣題

清忠堂奏疏

卷主

雙聯一

光

報在案其案內有名犯証據按察使劉元勳審解前來臣覆加嚴審如康熙二十八年李大成徵收糖稅通縣實共糖車二百五十二張每車額外加收戕頭銀一錢陸續多徵銀二十五兩二錢入已經承劉文龍蔡居叟郭二來又每車另收飛標銀一錢共銀二十五兩二錢各分入兩四錢入已研訊排戶丘裕峰等供証如一又康熙二十八年九月內有陳爾萬控告石輝玉窩棧

逃婢大成差役龐太喚審監生陳爾淑遂乘機

以拐帶之罪恐嚇輝玉兜攬說情勒送銀一十

二兩又龐太索銀四兩此款李大成雖無染指

然縱容劣監出入詐騙關防不謹咎實難辭又

康熙二十八年李大成下鄉編查保甲接受約

長朱達凡饋送禮物值銀二兩合邑九都皆照

辦送共計值銀一十八兩雖係食物實玷官箴

經承郭奇又取受各都造冊銀共四兩五錢亦

清忠堂奏疏

卷主

雙聯二

平

已供認入已至若李大成事件沉痾不能清理更見衰邁昏愚除接受餽送輕罪不議其入已贓銀二十五兩二錢合依因公科斂入已律以枉法論陳爾淑合依恐嚇取財律准竊盜論加等治罪但二犯俱已病故應毋容議仍於各家屬名下追贓入官劉文龍蔡居叟郭二來郭奇均合依凡有司官吏非奉上司明文因公科斂所屬財物入己者計贓以枉法論一兩至五兩

律杖八十無祿人減一等各杖七十龐太合依
在官人役取受有事人財以枉法計贓科罪一
兩至五兩律杖八十無祿人減一等杖七十俱
折責革役追贓石輝玉合依收畱在逃奴婢暫
時隱藏在家者律杖八十朱達凡合依不應得
爲而爲之事理重者律杖八十陳爾萬等省釋
寧家李雄無干免提既據該司招解前來經臣
親審無異理合具

清忠堂奏疏

卷十一 雙縣三

聖

題伏乞

勅下該部議覆施行再照本案扣除武關封印日期
逾限未及一月合併聲明臣未敢擅便謹題請

旨康熙三十年四月初二日題五月初九日奉

旨該部核擬具奏該刑部議得潮州府揭陽縣革職

病故知縣李大成貪婪一案據廣東巡撫朱弘
祚審擬杖罪具題前來查李大成徵收糖稅額
外加收戕頭銀二十五兩二錢人已經承劉文

龍蔡居叟郭二來又另收銀二十五兩二錢均

分人已陳爾萬控告石輝玉窩藏逃婢李大成

差役龐太喚審有監生陳爾淑乘機恐嚇輝玉

銀一十二兩龐太索銀四兩又李大成編查保

甲朱達凡等餽送禮物共計值銀一十八兩經

承郭奇取受造冊銀四兩五錢入已該撫歷審

各認情真除李大成陳爾淑俱經病故毋庸議

外其賍銀仍於各家屬名下照追入官劉文龍

清忠堂奏疏

卷十一 雙縣四

聖

蔡居叟郭二來郭奇均合依凡因公科斂所屬
財物入已者計贓以枉法論一兩至五兩杖八
十無祿人減一等杖七十律應杖七十遇熱審
減等杖六十各折責二十板龐太合依在官人
役取受有事人財計贓以枉法論一兩至五兩
杖八十無祿人減一等杖七十律應杖七十遇
熱審減等杖六十折責二十板劉文龍等均革
役贓各照追入官石輝玉合依收畱在逃奴婢

暫時隱藏在家者杖八十律應杖八十朱達凡
愧送禮物合依不應重律應杖八十俱遇熱審
減等杖七十各折責二十五板等因康熙三十
年六月初九日題十一日奉
旨知道了

清忠堂奏疏

卷十一

按縣五

聖

參廣州府劉茂洛承審遲延

題為殺死夫命事據按察司呈詳該臣看得岑聖
從等致死陳象宸一案先據按察司詳報經臣
批行究審招解今據按察使劉元勳詳稱本案
係康熙二十九年七月十六日告發到官計至
康熙三十年正月十六日限滿今於康熙三十
年三月十七日始據廣州府審擬解司情罪尚
屬未符駁回覆勘但例限已逾雖除扣文武科
清忠堂奏疏

卷十一

遲延一

蜀

題伏乞

勅部議覆施行康熙三十年四月初二日題奉
旨劉茂洛著議處具奏該吏部議得廣東巡撫朱弘
祚疏稱岑聖從等致死陳象宸一案例限已逾
仍未完結承審遲延之廣州府知府劉茂洛皆

參等因前來應將逾限一月以上之廣州府知

府劉茂溶照例罰俸一年康熙三十年五月二

十八日奉

旨依議

清忠堂奏疏

卷十二

進呈二

聖

參瓊山縣修世南虧空錢糧

題為前官虧空錢糧詳請參追以清款項事據布

政司呈詳該臣看得瓊州離省寫遠各屬錢糧

皆留支本處兵餉向來收支多有不清臣留心

查察內有府縣那移虧缺節經

題參究追在案今查瓊山縣知縣修世南自奉文

革職之後伊任久徵完康熙二十八九年錢糧

多未見支銷解給隨嚴行盤查去後茲據布

清忠堂奏疏

卷十三

參追一

聖

政使張建績呈稱瓊州府知府張萬言詳報

修世南任內虧空康熙二十八九年地丁起存

正雜錢糧銀八千五百七十兩九錢四分零金

無存貯在庫其是侵是那與別年有無虧空臣

現行按察司嚴提確審究擬另報外相應

題參追補以清款項至該縣二十八年銀兩據解

於該府詳查後侵缺今知府業已查出報參合

併聲明既據該司呈詳前來臣謹會同兩廣總

督臣石琳合疏具

題伏乞

勅下該部議覆施行康熙三十年四月初二日題五

月初九日奉

旨該部嚴察議奏該戶部查得廣東巡撫朱弘祚疏

稱瓊山縣知縣佟世南任內虧空康熙二十八

九年地丁起存正雜錢糧銀入千五百七十兩

九錢四分零金無存貯在庫其是侵是那與別

清忠堂奏疏

卷三 奏題二

考

年有無虧空行令按察司嚴提審究另報外相

應題參追補等因前來應行該撫將佟世南虧

空錢糧作速嚴懲俾那情弊追補具題到日再

議可也康熙三十年五月二十八日題六月初

一日奉

旨依議



ZW 21181000514216